

四庫全書存目叢書編纂委員會編

齊魯書社

四庫全書存目叢書

集部
第四二三冊



責任編輯：孫言誠 賀 偉

ISBN 7-5333-0615-5



E135/09

四庫全書存目叢書·集部四二三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 51.625 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四二三冊目次

集部·詞曲類

宋名家詞九十卷(二)

〔明〕毛晉編
中國人民大學圖書館藏明崇禎毛氏汲古閣刻本

.....

宋名家詞九十卷(二)

〔明〕毛晉編

中國人民大學圖書館藏明崇禎毛氏汲古

閣刻本

東坡詞

目錄

陽關曲

三調

如夢令

五調

生查子

一調

昭君怨

一調

點絳脣

五調

浣溪沙

四十調

減字木蘭花

二十調

訴衷情

三調

菩薩蠻

二十調

採桑子

一調

卜算子

二調

好事近

三調

東坡詞目

華清引

一調

謁金門

三調

清平樂

一調

雙荷葉

一調

更漏子

一調

占春芳

一調

烏夜啼

一調

阮郎歸

三調

虞美人影

一調

西江月

十三調

少年遊

三調

瑞池燕

一調

南柯子

十九調

望江南

二調

浪淘沙

一調

鷓鴣天

二調

汲古閣

玉樓春	六調	南鄉子	十六調
鵲橋仙	二調	瑞鷓鴣	二調
翻香令	一調	虞美人	八調
一斛珠	一調	醉落魄	三調
臨江仙	十四調	蝶戀花	十六調
荷華媚	一調	漁家傲	六調
定風波	九調	十拍子	一調
蘇軾遮	一調	調笑令	一調
東坡詞目		及古閣	
行香子	七調	青玉案	一調
帶人嬌	三調	江城子	十三調
千秋歲	一調	何滿子	一調
祝英臺近	一調	一叢花	一調
皂羅特髻	一調	洞仙歌	二調
勸金船	一調	意難忘	一調
滿江紅	五調	滿庭芳	六調
水調歌頭	五調	雨中花慢	三調

八聲甘州	一調	醉蓬萊	一調
三部樂	一調	念奴嬌	二調
水龍吟	六調	歸朝歡	一調
永遇樂	三調	無愁可解	一調
沁園春	一調	賀新郎	一調
稍遍	二調	戚氏	一調
東坡詞目		及古閣	
東坡詞目錄	終		

東坡詞

宋 蘇軾

陽關曲

中秋作本名小秦王入腔即陽關曲

算雲收盡溢清寒銀漢無聲轉玉盤此生此夜
不長好明月明年何處看

又

中軍

受降城下紫髯郎戲馬臺南舊戰場恨君不取
契丹首金甲牙旗歸故鄉

東坡詞

汲古閣

又 李公擇

舊刻重出

濟南春好雪初晴纔到龍山馬足輕使君莫忘
雪溪女時作陽關腸斷聲

如夢令

元豐十年十二月十八日浴泗州雅熙洽下戲作如夢令闕此曲本

唐莊宗製名憶仙姿嫌其名不雅故改爲如夢令蓋莊宗作此詞卒章云如夢

如夢和淡出門相送因取以爲名

水垢何曾相受細看兩俱無有寄語揩背人盡
日勞君揮肘輕手輕手居士本來無垢

又

同前

自淨方能洗彼我自汗流呀氣寄語澡浴人且
笑肉身遊戲但洗但洗俯爲人間一切

又

寄有

爲向東坡傳語人在画堂深處別後有誰來雪
壓小橋無路歸去歸去江上一犁春雨

又

春思

手種堂前桃李無限綠陰青子簾外百舌兒驚

東坡詞

二

汲古閣

起五更春睡居士居士莫忘小橋流水

又

題淮山樓

城上層樓疊巘城下清淮古汴舉手揖吳雲人
與算天俱遠魂斷魂斷後夜松江月滿

生查子

別

三度別君來此別真遲算白盡老髭鬚明日淮
南去 酒罷月隨人淚溼花如霧後夜逐君還
夢繞湖邊路

昭君怨 送別

誰作栢伊三弄驚破綠窗幽夢新月與愁煙滿
江天 欲去又還不去明日落花飛絮飛絮送
行舟水東流

點絳脣

已巳重九和蘇堅○舊刻七首攷
醉藻輕舟又月轉烏啼俱泰淮海

作或云此二詞東坡有手迹流傳于世
途編入東坡詞然亦安知非泰詞蘇字
耶今依宋
本刪去

我輩情鍾古來誰似龍山宴而今楚甸戲馬餘

東坡詞

汲古閣

飛觀 顧謂佳人不覺秋強半簫聲遠鬢雲撩

亂愁入參差雁

又

庚午重九
再用前韵

不用悲秋今年身健還高宴江村海甸總作空
花觀 尚想橫汾蘭菊紛相半樓船遠白雲飛
亂空有年年雁

又

再和送
錢公永

莫唱陽關風流公子方終宴泰山禹甸縹緲真

奇觀 北望平原落日山銜半孤帆遠我歌君

亂一送西飛雁

又

杭州

閒倚胡床庾公樓外峰千朵與誰同坐明月清
風我 別乘一來有唱應須和還知麼自從添
箇風月平分破

又

或刻賀
方回

紅杏飄香柳含煙翠拖金縷水邊朱戶門掩黃

東坡詞

四

汲古閣

昏雨 燭影搖風一枕傷春緒歸不去鳳樓何

處芳草迷歸路

浣溪沙

新秋○舊刻四十五首攷風歷帳
雲貼水飛是李後主玉腕冰寒

滴露華是晏同叔作但刪去舊逸
晚菊花前飲翠蛾一眉今增入

風捲珠簾自上鉤蕭蕭亂葉報新秋獨攜纖手
上高樓 缺月向人舒窈窕三星當戶照綢繆

香生霧縠見纖柔

又

遊蕪水清泉寺寺
臨蘭溪溪水西流

山下蘭芽短浸溪松間沙路淨無泥蕭蕭暮雨
子規啼 誰道人生無再少門前流水尚能西
休將白髮唱黃雞

又

去真子漁父云西塞山邊白鳥飛桃花流水鱖魚肥青蒨笠綠蓑衣斜風細雨不須歸此語妙絕恨莫能歌者故增數語今以流溪沙改之或刻黃山谷

西塞山邊白鷺飛散花洲外片帆微桃花流水
鱖魚肥 自庇一身青蒨笠相隨到處綠蓑衣
斜風細雨不須歸

東坡詞

五

汲古閣

又

十一月二日雨後微雪太守徐君猷攜酒見過坐上作此詞後三日明日酒醒雪大作又作二首

覆塊青青麥未蘇江南雲葉暗隨車臨臯煙景
世間無 雨脚半收簷斷綫雲林初下瓦疎珠
歸來水潑亂黏鬚

又

醉夢昏昏曉未蘇門前曉曉使君車扶頭一盞
怎生無 廢圃寒蔬挑翠羽小槽春酒凍眞珠

清香細細嚼梅鬚

又前韻

雪裏餐氈例姓蘇使君載酒爲回車天寒酒色
轉頭無 薦士已聞飛鶚表報恩應不用蛇珠
醉中還許攬桓鬚

又前韻

半夜銀山上積蘇朝來九陌帶隨車濤江煙渚
一時無 空腹有詩衣有結溼薪如桂米如珠

東坡詞

六

汲古閣

凍吟誰伴撚髭鬚

又前韻

萬頃風濤不記蘇雪晴江上麥千車但令人飽
我愁無 翠袖倚風縈柳絮絳脣得酒爛櫻珠
尊前呵手鋤霜鬚

又

九月九日二首

珠檜絲杉冷欲霜山城歌舞助淒涼且餐山色
飲湖光 笑挽朱轡畱半日強揉青蕊作重陽

不知明日爲誰黃

又和前韻

霜鬢真堪插拒霜哀絃危柱作伊涼暫時流轉
爲風光未遣清尊空北海莫因長笛賦山陽
金釵玉腕瀉鵝黃

又有感

傅粉郎君又粉奴莫教施粉與施朱自然冰玉
照香酥有客能爲神女賦憑君送與雪兒書

東坡詞

汲古閣

夢魂東去覓桑榆

又詠橘

菊暗荷枯一夜霜新苞綠葉照林光竹籬茆舍
出青黃香霧噀人驚半破清泉流齒怯初嘗
吳姬三日手猶香

又

公守湖辛未上元日作會於伽藍中時長老法惠在座人有獻剪伽花綵甚奇

謂有初春興因作浣溪沙二首寄袁公濟

雪領霜髯不自驚更將剪綵發春榮羞顏未醉

已先頰莫唱黃雞并白髮且呼張友喚殷兄
有人歸去欲卿卿

又和前韻

料峭東風翠幕驚云何不飲對公榮水精盤瑩
玉鱗頰花影莫辜三夜月朱顏未稱五年兄
翰林子墨主人卿

又徐門石潭謝雨道上作五首

照日深紅暝見魚連溪綠暗晚藏鳥黃童白叟

東坡詞

汲古閣

聚睢盱麋鹿逢人雖未慣猿猱聞鼓不須呼
歸家說與採桑姑

又

旋抹紅妝看使君三三五五棘籬門相挨踏破
舊羅裙老幼扶攜收麥社烏鵲翔舞賽神村
道逢醉叟臥黃昏

又

麻葉層層綠葉光誰家煮繭一村香隔離嬌語

絡絲娘 垂白杖藜擡醉眼
捋青搗麝軟飢腸
問言豆葉幾時黃

又

軟荻衣巾落棗花
村南村北響縲車
牛衣古柳賣黃瓜
酒困路長惟欲睡
日高人渴謾思茶
敲門試問野人家

又

軟草平莎過雨新
輕沙走馬路無塵
何時收拾

東坡詞

汲古閣

耦耕身 日暝桑麻光似潑
風來蒿艾氣如薰
使君元是此中人

又

情

道字嬌訛苦未成
未應春閣夢多情
朝來何事綠鬟傾
絲索身輕長趁燕
紅窗睡重不聞鶯
困人天氣近清明

又

荷別
元素

縹緲危樓紫翠間
良辰樂事苦難全
感時懷舊

獨淒然 壁月瓊枝空
夜夜菊花人貌自
年年不知來歲與
誰看

又
情

桃李溪邊駐画輪
鵲聲裏倒清尊
夕陽雖好近黃昏
香在衣裳妝在臂
水連芳草月連雲
幾人歸去不銷魂

又
花

四面垂楊十里荷
問云何處最花多
画樓南畔

東坡詞

十

汲古閣

夕陽和 天氣乍涼人寂寞
光陰須得酒消磨
且來花裏聽笙歌

又

贈閻丘朝議
時過徐州

一別姑蘇已四年
秋風南浦送歸船
画簾重見水中央
仙霜鬢不須催我
老杏花依舊駐君顏
夜闌相對夢魂間

又

贈

惟見眉間一點黃
詔書催發羽書忙
從教嬌淚

洗紅妝 上殿雲霄生羽翼論兵齒頰帶風霜

歸來衫袖有天香

又憶舊

長記鳴琴子賤堂朱顏綠髮映垂楊如今秋鬢
數莖霜 聚散交遊如夢寐升沉閒事莫思量
仲卿終不避桐鄉

又紹聖元年十月十三日與程鄜令侯晉叔歸安薄譚及遊大口寺野飲松下設

松黃湯作此闌余近釀酒名萬家春蓋嶺南萬戶酒也

東坡詞

十一

汲古閣

羅襪空飛洛浦塵錦袍不見謫仙神攜壺藉草
亦天真 玉粉輕黃千歲藥雪花浮動萬家春
醉歸江路野梅新

又重九

白雪清詞出坐間愛君才器兩俱全異鄉風景
却依然 可恨相逢能幾日不知重會是何年
菜羹子細更重看

又元豐七年十月二十四日從泗州劉倩叔遊南山

細雨斜風作曉寒淡煙疎柳媚晴灘入淮清洛

漸漫漫 雪沫乳花浮午盞蓼芽蒿笋試春盤

人間有味是清歡

又送梅庭老赴潞州學官

門外東風雪灑裾山頭回首望三吳不應彈鋏
爲無魚 上黨從來天下脊先生元是古之儒
時平不用魯連書

又徐州藏春閣園中

東坡詞

十二

汲古閣

慚愧今年二麥豐千畦翠浪舞晴空化工餘力
染天紅 歸去山公應倒載闌街拍手笑兒童
甚時名作錦薰籠

又楊州賞芍藥櫻桃

芍藥櫻桃兩闌新名園高會送芳辰洛陽初夏
廣陵春 紅玉半開菩薩面丹砂穠點柳枝脣
尊前還有箇中人

又贈楚守田許開小堂

學画鵬兒正妙年陽城下蔡困嫣然憑君莫唱
短因緣 霧帳吹笙香嫋嫋霜庭按舞月娟娟
曲終紅袖落雙纏

又
前韻

一夢江湖費五年歸來風物故依然相從一醉
是前緣 遷客不應常耗噪使君爲出小嬋娟
翠鬟聊著小詩纏

又
端午

東坡詞

十二

汲古閣

輕汗微微透碧紈明朝端午浴芳蘭流香漲膩
滿晴川 綵線輕纏紅玉臂小符斜挂綠雲鬟
佳人相見一千年

又
感舊

徐邈能中酒聖賢劉伶席地幕青天潘郎白璧
爲誰運 無可奈何新白髮不如歸去舊青山
恨無人俗買山錢

又
適

傾蓋相逢勝白頭故山空復夢松楸此心安處
是菟裘 賣劔買牛真欲老乞漿得酒更何求
願爲辭社宴春秋

又
寓意和前韻

炙手無人傍屋頭蕭蕭晚雨脫梧楸誰憐季子
敝貂裘 顧我已無當世望似君須向古人求
歲寒松柏肯驚秋

又
卽事

東坡詞

十四

汲古閣

画隼橫江喜再遊老魚跳檻識清謳流年未肯
付東流 黃菊籬邊無悵望白雲鄉裏有溫柔
挽回霜鬢莫教休

又
方音

花滿銀塘水漫流犀槌玉板奏涼州順風環珮
過秦樓 遠漢碧雲輕漠漠今宵人在鵲橋頭
一聲敲徹絳河秋

又
端午

入袂輕風不破塵玉簪犀壁醉佳辰一番紅粉
爲誰新 團扇只堪題往事新絲那解繫行人
酒闌滋味似交春

又

幾笑查梨到雪霜一經題品便生光木奴何處
避雌黃 北客有來初未識南金無價喜新嘗
含滋嚼句齒牙香

又

東坡詞

十五

汲古閣

山色橫侵蘸暈霞湘川風靜吐寒花遠林屋散
尚啼鴉 夢到故園多少路酒醒南望隔天涯
月明千里照平沙

又 重陽
舊詞

晚菊花前歛翠蛾按花傳酒緩聲歌柳枝圍弱
別離多 擁髻淒涼論舊事曾隨識女度銀梭
當年今夕奈愁何

減字木蘭花

自錢塘被召休于中作鄭守
有會生中寄出

落籍高瑩求從良子中呈東坡東坡索
筆爲減字木蘭花書墨後時用鄭客落
籍高瑩從良八字於句
端也兼贈潤守許仲達

鄭莊好客容我尊前先墮幘落筆生風籍籍聲
名不負公 高山白早瑩骨冰膚那解老從此
南徐良夜清風月滿湖

又 寓
意

雲鬟傾倒醉倚闌干風月好憑仗相扶誤入仙
家碧玉壺 連天衰草不走湖南西去道一舸

東坡詞

十六

汲古閣

姑蘇便逐鴈夷去得無

又 蒨
枝

閩溪珍獻過海雲帆來似箭玉座金盤不貢奇
葩四百年 輕紅釀白雅稱佳人纖手擘骨細
肌香恰是當年十八娘

又 送東武令
趙晦之

賢哉令尹三仕已之無喜愠我獨何人猶把虔
名玷搢紳 不如歸去二頃良田無覓處歸去

來兮待有良田是幾時

又送別

主觴無味中有佳人千點淚學道忘憂一念還
成不自由 如今未見歸去東園花似霰一語
相開匹似當初本不來

又送趙令

春光亭下流水如今何在也歲月如梭白首相
看擬奈何 故人重見世事年來千萬變官況

東坡詞

汲古閣

關珊慚愧青松守歲寒

又

過吳興李公擇園
日會客作此詞賦之

惟熊佳夢釋氏老君曾抱送壯氣橫秋未滿三
朝已食牛 犀錢玉果利市平分沾四座多謝
無功此事如何到得僕

又

曉來風細不會鵲聲來報喜却羨寒梅先覺春
風一夜來 香牋一紙寫盡回紋機上意欲卷

重開讀徧千回與萬回

又別

天台舊路應恨劉郎來又去別酒頻傾忍聽陽
關第四聲 劉郎未老懷戀仙鄉重得到只恐
因循不見如今勸酒人

又

錢塘西湖有詩僧清順居其上自名藏
春塢門前有二古松各有凌霄花絡其
上順常置臥其下子瞻外郡一日屏騎
從過之松風驟然順指落花覓句子瞻
爲賦此詞

東坡詞

十八

汲古閣

雙龍對起白甲蒼髯煙雨裏疎影微香下有幽
人畫夢長 湖風清軟雙鵲飛來爭噪晚翠颯
紅輕時下凌霄百尺英

又

贈小鬟
琵琶

琵琶絕藝年記都來十二撥弄么絃未解將
心指下傳 主人嗔小欲向東風先醉倒已屬
君家且更從容等待他

又

立春

春牛春杖無限春風來海上便與春工染得桃
紅似肉紅春幡春勝一陣春風吹酒醒不似
天涯捲起楊花似雪花

又
詞

雪容皓白破曉玉英紛似纖風力無端欲學楊
花更耐寒相如未老梁苑猶能陪俊少莫惹
閒愁且折江梅上小樓

又

東坡詞

十九

汲古閣

玉房金蕊宜在玉人纖手裏淡月朦朧更有微
微弄袖風溫香熟美醉慢雲鬟坐兩耳多謝
春工不是花紅是玉紅

又
春月

春庭月午搖蕩香醪光欲舞步轉迴廊半落梅
花婉婉香輕風薄霧總是少年行樂處不似
秋光只與離人照斷腸

又
贈勝之

天然宅院賽了千千并萬萬說與賢知表德元
來是勝之今來十四海裏猴兒奴子是要賭
休癡六隻散兒六點兒

又
琴

神閒意定萬籟收聲天地靜玉指冰絃未動宮
商意已傳悲風流水寫出寥寥千古意歸去
無眠一夜餘音在耳邊

又

東坡詞

二十

汲古閣

銀箏旋品不用纏頭千尺錦妙思如泉一洗閒
愁十五年爲公少止起舞屬公公莫起風裏
銀山擺撼魚龍我自閒

又
贈若猷家姬

柔和性氣雅稱佳名呼懿懿解舞能謳絕妙年
中有品流眉長眼細淡淡梳妝新綰髻懊惱
風情春著花枝百態生

又

粵初解語最是一年春好處微雨如酥草色遙
看近却無 休辭醉倒花不香開人易老莫待
春回顛倒紅英間綠苔

又

江南遊女問我何年歸得去雨細風微兩足如
霜挽紵衣 江亭夜語喜見京華新樣舞蓮步
輕飛還客今朝始是歸

又

贈徐君猷三
侍人一巡卿

東坡詞

汲古閣

嬌多媚態體柳輕盈千萬態帶主尤寶歛黛含
嚬喜又嗔 徐君樂飲笑謔從伊情意恁臉嫩
膚紅花倚朱闌裝住風

又

勝之

雙鬟綠墜嬌眼橫波眉黛翠妙舞蹁躑掌上身
輕意態妍 曲窮力困笑倚人旁香喘噴老大
逢歡昏眼猶能仔細看

又

慶

天真雅麗容態溫柔心性慧響亮歌喉遏住行
雲翠不收 妙詞佳曲轉出新聲能斷續重客
多情滿勸金卮玉手擎

訴衷情

送述古
逐元素

錢塘風景古來奇太守例能詩先驅負弩何在
心已浙江西 花盡後葉飛時雨淒淒若爲情
緒更問新官向舊官啼

又

海棠○或
刻晏同叔

東坡詞

汲古閣

海棠珠綴一重重清曉近簾籠胭脂誰與勻淡
偏向臉邊濃 看葉嫩惜花紅意無窮如花似
葉歲歲年年笑占春風

又

琵琶
女

小蓮初上琵琶絃彈破碧雲天分明繡閣幽恨
都向曲中傳 膚瑩玉鬢梳蟬綺窗前素娥今
夜故故隨人似闌嬋娟

菩薩蠻

歌

繡簾高捲傾城出燈前瀲灩橫波溢皓齒發清
歌春山入翠蛾 悽音休怨亂我已先偷玩梅
夢月窗虛罌罌一串珠

又

碧紗微露纖纖玉一曲雲和湘水綠越調變新
聲龍吟徹骨清 夜長殘酒醒頓覺霜袍冷不
見意中人新帝壓舊痕

又
湖西

東坡詞

二十一

汲古閣

秋風湖上蕭蕭雨使君欲去還畱住今日謾畱
君明朝愁殺人 尊前千點淚灑向長河水不
用歛雙蛾路人啼更多

又
仇妓
蘇

玉童西逐浮丘伯洞天冷落秋蕭瑟不用許飛
瓊瑤臺空月明 清香凝夜宴借與韋郎看莫
便過姑蘇扁舟下五湖

又
關

天憐豪俊□□□□□向松江滿□景爲淹
畱從君都占秋 身閒惟□□□□遊遊首帝
夢□□□匆匆去時

又
代妓送
陳述古

娟娟缺月西南落想思撥斷琵琶索枕淚夢魂
中覺來眉暈重 画堂堆燭淚長笛吹新水醉
客各西東應思陳孟公

又
感舊

東坡詞

二十四

汲古閣

玉笙不受珠脣暝離聲淒咽胸填滿遺恨幾千
秋恩畱人不畱 他年京國酒淚攀枯柳莫
唱短因緣長安遠似天

又
新月

画簷初挂彎彎月孤光未滿先憂缺還認玉簾
鈎天孫梳洗樓 佳人言語好不願求新巧此
恨固應知願人無別離

又
七

風迴仙口口開扇更關月壁星河轉枕上夢魂
驚曉簷疎雨零相逢雖草草長共天難老終
不羨人間人間夜似年

又
奇有

城隅靜女何人見先生日夜歌彤管誰識蔡姬
賢江南顧彥先先生那久困湯沐須名郡惟
有謝夫人從來見擬倫

又

東坡詞

二十五

汲古閣

買田陽羨吾將老從來只爲溪山好來往一虛
舟聊隨物外遊有書仍懶著水調歌歸去筋
力不辭詩要須風雨時

又
同

落花閒院春衫薄薄衫春院閒花落遲日恨依
依依恨日遲夢回鸞舌弄弄舌鸞回夢郵
便問人羞羞人問便郵

又
夏景
同文

火雲凝汗揮珠顆顆珠揮汗凝雲火瓊暎碧紗
輕輕紗碧暎瓊暎暎嫌枕印印枕嫌腮暎閨
照晚妝殘殘妝晚照閨

又
同

嶠南江淺紅梅小小梅紅淺江南嶠窺我向疎
籬籬疎向我窺老人行即到到即行人老離
別惜殘枝殘枝惜別離

又
同文
春
潤怨

東坡詞

二十六

汲古閣

翠鬟斜慢雲垂耳耳垂雲慢斜鬟翠春晚睡昏
昏昏昏睡晚春細花梨雪墜墜雪梨花細顰
淺念誰人人誰念淺顰

又
同文
夏
潤怨

柳庭風靜人眠畫畫眠人靜風庭柳香汗薄衫
涼涼衫薄汗香手紅冰腕藕藕腕冰紅手郎
笑藕絲長長絲藕笑郎

又
同文
秋
潤怨

井梧雙照新妝冷冷妝新照雙梧井羞對井花
愁愁花井對羞影孤憐夜永永夜憐孤影樓
上不宜愁愁宜不上樓

又同又冬
閨怨

雪花飛暖融香頰頰香融暖飛花雪欺雪任單
衣衣單任雪欺別時梅子結結子梅時別歸
不恨開遲遲開恨不歸

又

東坡詞

二十七

汲古閣

娟娟侵鬢妝痕淺雙顰相媚嬈如剪一瞬百般
宜無論笑與啼酒闌思翠被特故騰騰地生
怕促歸輪微波先泥人

又詠足

塗香莫惜蓮承步長愁羅襪凌波去只見舞迴
風都無行處蹤偷穿宮樣穩竝立雙趺困纖
妙說應難須從掌上看

又

玉鐲墜耳黃金飾輕衫單體香羅碧緩步因春
顰春融臉上桃花鈿從委地誰與郎爲意長
愛月華清此時憎月明

採桑子

潤州東景樓與
孫巨源相別

多情多感仍多病多景樓中樽酒相逢樂事回
頭一笑空停盃且聽琵琶語細撚輕攏醉臉
春融斜照江天一抹紅

卜算子

東坡詞

二十八

汲古閣

蜀客到江南長憶吳山好吳蜀風流自古同歸
去應須早還與去年人共藉西湖草莫惜尊
前仔細看應是容顏老

又

東坡有溫都監女頗有色年十六不肯
嫁人問坡至甚喜每夜開坡臥則排
細窗下坡覺而推窗則其女踰牆而
坡從而物色之曰吾當呼王郎與之子
爲婿未幾而坡過海女遂卒
於波羅舖坡因惠爲賦此詞

缺月挂疎桐漏斷人初靜時見幽人獨往來
緬孤鴻影驚起却回頭有恨無人省揀盡寒

枝不肯棲寂寞沙洲冷

一詞極落吳江冷

好事近

送君

紅粉莫悲啼俯仰半年離別看取雪堂坡下老
農夫淒切 明年春水漾桃花柳岸隘舟楫從
此滿城歌吹看黃州闌咽

又

元刻不載

煙外倚危樓初見遠燈明滅却跨玉虹歸去看
洞天星月 當時張范風流在況一樽浮雪莫

東坡詞

汲古閣

問世間何事與劒頭微映

又

湖上雨晴時秋水半篙初沒朱檻俯窺寒鑑照
衰顏華髮 醉中欲墮白綸巾溪風漾流月獨
棹小舟歸去任煙波飄兀

華清引

感舊

平時十月幸蓮湯玉甃瓊梁五家車馬如水珠
璣滿路旁 翠華一去掩方床獨留煙樹蒼蒼

至今清夜月依舊過繚牆

謁金門

秋夜

秋帷裏長漏伴人無寐低玉枕涼輕繡被一番
秋氣味 曉色又侵窗紙窗外雞聲初起聲斷
幾聲還到耳已嘶聲未已

又

秋興

秋池閣風飭曉庭簾幙霜葉未衰吹未落半驚
鴉喜鵲 自笑浮名情薄似與世人疎略一片

東坡詞

三十

汲古閣

嬾心雙嬾脚好教閒處著

又

秋感

今夜雨斷送一年殘暑坐聽潮聲來別浦明朝
何處去 辜負金尊綠醕來歲今宵圓否酒醒
夢回愁幾許夜闌還獨語

清平樂

秋詞

清淮濁汴更在江西岬紅旆到時黃葉亂霜入
梁王故苑 秋原何處攜壺停驂訪古跡蹢躅雙

廟遺風尚在漆園傲吏應無

雙荷葉

雙溪月清光偏照雙荷葉雙荷葉紅心未偶綠
衣偷結 背風迎雨淚珠滑輕舟短棹先秋折
先秋折煙鬟未上玉盃微缺

更漏子

杜孫巨原

水涵空山照市西漢二疎鄉里新白髮舊黃金
故人恩義深 海東頭山盡處自古客槎來去

東坡詞

汲古閣

槎有信赴秋期使君行不歸

占春芳

紅杏了天桃盡獨自占春芳不比人間蘭麝自
然透骨生香 對酒莫相忘似佳人兼合明光
只憂長笛吹花落除是寧王

烏夜啼

寄遠

莫怪歸心甚速西湖自有蛾眉若見故人須細
說白髮倍當時 小鄭非常強記二南依舊能

詩更有鱸魚堪切膾兒輩莫教知

阮郎歸

初夏

綠槐高柳咽新蟬薰風初入絃碧紗窗下水沉
煙棊聲驚晝眠 微雨過小荷翻榴花開欲然
玉盆纖手弄清泉瓊珠碎又圓

又

集句樹花○舊重刻醉桃源
香腮作宮粧鼻春作鼻雲

暗香浮動月黃昏堂前一樹春東風何事入西
鄰兒家常閉門 雪肌冷玉容真香腮粉未勻

東坡詞

三十二

汲古閣

折花欲寄隴頭人江南日暮春

又

蘇州席上作

一年三度過蘇臺清尊長是開佳人相問苦相
猜這回來不來 情未盡老先催人生真可咍
他年桃李阿誰栽劉郎雙鬢摧

虞美人

影草春

華胥夢斷人何處聽得鶯啼紅樹幾點薔薇香
雨寂莫閒庭戶 曉風不解畱花住片片著人

無數樓上望春歸去芳草迷歸路

西江月

真覺賞
瑞香

公子眼花亂發老夫鼻觀先通領巾飄下瑞香
風驚起謫仙春夢后土祠中玉蕊蓬萊殿後
鞦紅此花清絕更纖穠把酒何人心動

又 坐客見和
後次韻

小院朱欄幾曲重城畫鼓三通更看微月轉光
風歸去香雲入夢翠袖爭浮大白早羅半揜

東坡詞

三十三

汲古閣

斜紅燈花零落酒花穠妙語一時飛動

又

再用前韻戲曹子方坐客云瑞
香爲紫丁香遂以此曲辯證之

惟此花枝怨泣託君詩句名通憑將草木記吳
風繼取相如雲夢點筆袖沾醉墨誦花面有
慙紅知君却是爲情穠怕見此花撩動

又

聞道雙銜鳳帶不妨單著鮫綃夜香知與阿誰
燒悵望水沉煙裊雲鬢風雲綠卷玉顏醉裡

紅潮莫教空度可憐宵月與佳人共撩

又 重九

點點樓頭細雨重重江外平湖當年戲馬會東
徐今日淒涼南浦莫恨黃花未吐且教紅粉
相扶酒闌不必看茱萸頰仰人間今古

又 送茶并谷藤
與王勝之

龍焙今年絕品谷簾自古珍泉雪芽雙井散神
仙苗裔來從北苑湯發雲腴釀白盞浮花乳

東坡詞

三十四

汲古閣

輕圓人間誰敢更爭妍闌取紅窗粉面

又 姑熟再見勝之次前
韻○或刻山谷詞

別夢已隨流水淚巾猶裏香泉相如依舊是臞
仙人在瑤臺閬苑花霧縈風縹緲歌珠滴水
清圓蛾眉新作十分妍走馬歸來便面

又 黃州
中秋

世事一場大夢人生幾度秋涼夜來風葉已鳴
廊看取睂頭鬢上酒賤常愁客少月明多被

雲妨中秋誰與共孤光把醖淒然北望

又送錢侍制

莫歎平原落落且應去魯遲遲與君各記少年時須信人生如寄白髮千莖相送深盃百罰休辭拍浮何用酒爲池我已爲君德醉

又梅花

玉骨那愁瘴霧冰肌自有仙風海仙時遣探芳艸倒掛綠毛么鳳素面翻嫌粉澁洗妝不褪

東坡詞

三十五

淡古閣

脣紅高情已逐曉雲空不與梨花同夢

惠州梅花上珍

綠毛鳳而小

又

春夜行蘄水中過酒家飲酒醉乘月至一溪橋上解鞍曲肱少休及覺已曉亂山慈麓不謂人世也

書此詞於橋柱上

照野瀾瀾淺浪橫空暖暖微霄障泥未解玉驄

驕我欲醉眠芳草可惜一溪明月莫教踏碎

瓊瑤解鞍欹枕綠楊橋柱宇數聲春曉

又平山堂

三過平山堂下半生彈指聲中十年不見老仙

翁壁上龍蛇飛動欲吊文章太守仍歌楊柳

春風休言萬事轉頭空未轉頭時皆夢

又蘇州交代林子中席上作

昨日扁舟京口今朝馬首長安舊官何物與新官只有湖山公案此景百年幾變箇中下語

千難使君才氣卷波瀾與把新詩判斷

少年遊瑞午贈黃守徐君猷

東坡詞

三十六

淡古閣

銀塘朱檻麴塵波圓綠卷新荷蘭條薦浴菖花

釀酒天氣尙清和好將沉醉酬佳節十分酒

十分歌獄草煙深訟庭人悄無恡宴遊過

又

黃之僑人郭氏每歲正月迎紫姑神以其爲腹著爲口畫灰盤中爲詩敏捷立成余往觀之神請予作

少年遊乃以此戲之

玉肌鉛粉傲秋霜準擬鳳呼凰伶倫不見清香

未吐且糠粃吹揚到處成雙君獨隻空無數

爛文章一點香檀誰能偕箸無復似張良

又
詞用

去年相送餘杭門外飛雪似楊花今年春盡楊
花似雪猶不見還家 對酒捲簾邀明月風露
透窗紗恰似嫦娥憐雙燕分明照面梁斜

瑤池燕

琴曲有瑤池曲人共
詞自開卷寄陳令常

飛花成陣春心困寸寸別腸多少愁悶無人問
偷啼自搵殘妝粉 抱瑤琴尋出新韻玉纖趁
南風未解幽慍低雲鬢眉峰歛暈嬌和恨

東坡詞

三十七

汲古閣

南柯子

詞用

山與歌眉歛波同醉眼流遊人都上十三樓不
羨竹西歌吹古揚州 孤黍連昌歎瓊蘂倒玉
舟誰家水調唱歌頭聲繞碧山飛去晚雲留

又
詞用

湖景和

古岸開青葢新渠走碧流會看光滿萬家樓記
取他年扶路入西州 佳節連梅雨餘生寄葉
舟只將菱角與雞頭更有月明千頃一時畱

又
意

雨暗初疑夜風回忽報晴淡雲斜照著山明細
草軟沙溪路馬蹄輕 卯酒醒還困仙材夢不
成藍橋何處覓雲英只有多情流水伴人行

又
詞用

前

日出西山雨無晴又有晴亂山深處過清明不
見絲繩花板細腰輕 盡日行桑野無人與目
成且將新句琢瓊英我是世間閑客此閒行

東坡詞

三十八

汲古閣

又
詞用

前

帶酒衝山雨和衣睡晚晴不知鐘鼓報天明夢
裏栩栩然蝴蝶一身輕 老去才都盡歸來計未
成求田問舍笑豪英自愛湖邊沙路免泥行

又
春

晚

日薄花房綻風和麥浪輕夜來微雨洗郊垌正
是一年春好近清明 已改煎茶火猶調入粥
餠使君高會之餘清此樂無聲無味最難名

又八月十八日觀潮

海上乘槎侶仙人萼綠華飛昇元不用丹砂住
在潮頭來處渺天涯 雷輶夫差國雲翻海若
家坐中安得弄琴牙寫取餘聲歸向水仙誇

又再用前韻

冉冉中秋過蕭蕭雨鬢華寓身化世一塵沙笑
看潮來潮去了生涯 方士三山路漁人一葉
家早知身世兩聲牙好伴騎鯨公子賦雄誇

東坡詞

三十九

汲古閣

又東坡守錢塘無日不在西湖嘗攜妓講
大通禪師大通偈形於色東坡作長短
句令妓歌之

師唱誰家曲宗風嗣阿誰借君拍板與門撻我
也逢場作戲莫相疑 溪女方偷眼山僧莫眨
眉却愁彌勒下生遲不見老婆三五少年時

又別潤州許仲途

欲執河梁手還升月旦堂酒闌人散月侵廊北
客明朝歸去雁南翔 窈窕高明玉風流鄭季

莊一時分散水雲鄉惟有落花芳草斷人腸

又湖州

山雨瀟瀟過溪橋瀏瀏清小園幽俯枕蘋汀門
外月華如水綠舟橫 岩岫霜花盡江湖雪陣
平兩山遙指海門青回首水雲何處覓孤城

又昇春

紫陌尋春去紅塵拂面來無人不道看花回惟
見石榴新蕊一枝開 冰簟堆雲翠金樽灑玉

東坡詞

四十

汲古閣

酩酊陰青子莫相催取紅巾千點照池臺
又黃州臘月八日飲懷民小閣

衛霍元勛後韋平外族賢吹笙只合在緱山閒
駕綠鸞歸去赴新年 烘暖燒香閣輕寒浴佛
天他時一醉畫堂前莫忘故人顚顚老江邊

又

笑約西窗微習行憂寶瑟僂美人依約在西湖只
恐暗中迷路認餘香 午夜風翻幔 更月到

床簾紋如水玉肌涼何物與儂歸去有幾枚

又感舊

才恨誰云短綿綿豈易裁半年眉綠未曾開
月好風閒處是人猜 春雨消殘凍溫風到冷
灰樽前一曲爲誰哉畱取曲終一拍待君來

又 禁守周際出舞象
因作二首贈之

紺綰雙蟠髻雲欹小偃巾輕盈紅臉小腰身
疊鼓忽催花拍闌精神 空淵輕紅歇風和約柳

東坡詞

四十一

汲古閣

春蓬山才調最清新勝似纏頭千錦芙蓉珍

又同前

琥珀裝腰佩龍香入領中只應飛燕是前身
共看剝葱纖手舞凝神 柳絮風前轉柳花雪裏
春鴛鴦翡翠兩爭新但得周郎一領勝珠珍

又舞妓

雲鬢裁新綠霞衣曳曉紅待歌凝立翠筵中
一朶彩雲何事下巫峰 趁拍鸞飛鏡回身燕
藻

空莫翻紅袖過簾櫳怕被楊花勾引嫁東風

又

見說東園好能消北客愁雖非吾土且登樓
行盡江南南畔此淹留 短日明楓纈清霜暗菊
毵流年回首付東流憑仗挽回潘鬢莫教秋

望江南

春未老風細柳斜斜試上超然臺上看半壕春
水一城花煙雨暗千家 寒食後酒醒却客嗟

東坡詞

四十二

汲古閣

休對故人思故國且將新火試新茶詩酒趁年

華

又春

春已老春服幾時成曲水浪低蕉葉穩舞雩風
軟芳羅輕酣詠樂昇平 微雨過何處不催耕
百舌無言桃李盡柘枝深處鶉鴉鳴春色屬無

菁

浪淘沙

春

昨日出東城試探春情牆頭紅杏暗如傾盤內
羣芳芽未吐早已回春 綺陌歛香塵雪霽前
村東君用意不辭辛料想春光先到處吹綻梅
英

鷓鴣天

時謫黃川○舊刻三百及西塞山
前白鷺飛一首是黃山谷作今刪

去

林斷山明竹隱牆亂蟬衰草小池塘翻空白鳥

時時見照水紅蕖細細香 村舍外古城傍杖

東坡詞

四十三

汲古閣

絮徐步轉斜陽慙慙昨夜三更雨又得浮生一

日涼

又

陳公密出作兄宗娘歌樂王蕭曲
勸老人酒老人飲盡因爲賦此詞

笑撚紅牙彈翠翅揚州十里最妖嬈夜來綺席

親曾見撮得精神滴滴嬌 嬌後眼舞時腰劉

郎幾度欲魂清明朝酒醒知何處腸斷雲間紫

玉簫

玉樓春

次歐公
西湖詞

霜餘已失長淮闊空聽潺潺清瀨咽佳人猶唱

醉翁詞四十三年如電抹 草頭秋露流珠滑

三五盈盈還二八與予同是識翁人惟有两湖

波底月

又

次馬中
王韻

知君仙骨無寒暑千載相逢猶旦暮故將別語

惱佳人要看梨花枝上雨 落花已逐迴風去

花本無心畧自訴明朝路下塘西不見鸞啼

東坡詞

四十四

汲古閣

花落處

又

宿造口聞夜雨
寄子由才叔

梧桐葉上三更雨驚破夢魂無覓處夜涼枕簟

已知秋更聽寒蛩促機杼 夢中歷歷來時路

猶在江亭醉歌舞尊前必有問君人爲道別來

心與緒

又

元宵似是歡遊好何況公庭民訟少萬家遊賞

上春臺十里神仙迷海島 平原不似高陽傲
促席雍容陪語笑坐中有客最多情不惜玉山
拚醉倒

又

經旬未識東君信一夕薰風來解慍紅綃衣薄
麥秋寒綠綺韻低梅雨潤 瓜頭綠染山光嫩
弄色金桃新傳粉日高慵捲水晶簾猶帶春醪
紅玉困

東坡詞

四十五

汲古閣

又 上三調元
刻不載

高平四面開雄壘三月風光初覺媚園中桃李
使君家城上亭臺遊客醉 歌翻楊柳金尊沸
飲散凭闌無限意雲深不見玉關遙草細山重
殘照裏

南鄉子

春情

晚景落瓊盃照眼雲山翠作堆認得岷峨春雪
浪初來萬頃蒲萄漲綠醅 暮雨暗陽臺亂灑

高樓溼粉腮一陣東風來捲地吹迴落照江天
一半開

又 梅花詞和
楊元素

寒雀滿疎籬爭抱寒柯看玉麈忽見客來花下
坐驚飛踏散芳英落酒卮 痛飲又能詩坐客
無羶醉不知花盡酒闌春到也離離一點微酸
已著枝

又 席上勸李
公擇酒

東坡詞

四十六

汲古閣

不到謝公臺明月清風好在哉舊日揖孫何處
去重來短李風流更上才 秋色漸摧頽滿院
黃英映酒盃看取桃花春二月爭開盡是劉郎
去後栽

又 重九前輝樓
呈徐君猷

霜降水痕收淺碧鱗鱗露遠洲酒力漸消風力
軟颼颼破帽多情却戀頭 佳節若爲酬但把
清尊斷送秋萬事到頭都是夢休休明日黃花

蝶也愁

又 送述古

回首亂山橫不見居人只見城誰似臨平山上
堦亭亭迎客西來送客行 臨路晚風清一枕
初寒夢不成今夜殘燈斜照處熒熒秋雨晴時
淚不晴

又 有感

冰雪透香肌姑射仙人不似伊濯錦江頭新樣

東坡詞

四十七

汲古閣

錦非宜故著尋常淡薄衣 暝日下重幃春睡

香凝索起遲曼倩風流綠底事常時愛彼西真

喚作兒

又 和傷元

東武望餘杭雲海天涯兩杳茫何日功成名遂
了還鄉醉笑陪公三萬場 不用訴離觴痛飲
從來別有腸今夜送歸燈火冷河塘墮淚羊公

郎姓陽

又 述古

涼簾碧紗幙一枕清風晝睡餘臥聽晚衙無一
事徐徐讀盡牀頭幾卷書 搔首賦歸歎自覺
功名嬾更疎若問使君才與術何如占得人間
一味愚

又

東坡詞又上出屏無玉作胡琴
送元索還朝同子許各賦一首

裙帶石榴紅却水慙慙解贈儂應許逐雞雞莫
怕相逢一點靈犀必暗通 何處遇良工琢刻

東坡詞

四十八

汲古閣

天真半欲空願作龍香雙鳳撥輕櫓長在環兒

白雪臂

又 贈行

旌旆滿江湖詔發樓船萬舳舻投筆將軍因笑
我迂儒怕首腰刀是丈夫 粉淚怨離居喜子
垂窗報捷書試問伏波三萬語何如一斛明珠
換綠珠

又

雙蕲枝

天與化工知賜得衣裳總是緋每向華堂深處
見憐伊兩箇心腸一片兒 自小便相隨綺席
歌筵不暫離苦恨人人分析破東西怎得成雙
似舊時

又集

寒玉細凝膚吳清歌一曲倒金壺 杏葉曹條

徧相識李商 爭如豆蔻花梢二月初杜牧 年少

卽須更白居易 芳時偷得醉工夫白居易 羅帳細垂

東坡詞

四十九

汲古閣

銀燭背韓偓 歡娛豁得平生俊氣無杜牧

又集

悵望送春盃杜牧 漸老逢春能幾回杜甫 花滿楚城

愁遠別許渾 傷懷何況清絲急管催劉禹錫 吟斷

望鄉臺李商隱 禹里歸心獨上來許渾 景物登臨閒

始見杜牧 徘徊一寸相思一寸灰李商隱

又集

何處倚闌干杜牧 絃管高樓月正圓杜牧 蝴蝶夢中

家萬里崔塗 依然老去愁來強自寬杜甫 明鏡偕

紅顏李商隱 須著人間比夢間韓愈 蠟燭半籠金翡翠

翠李商隱 更闌繡被焚香獨自眠許渾

又用韻和

未倦長卿遊漫舞天歌爛不收不是使君能矯

世誰畱教有瓊梳脫麝油 香粉縷金裘花豔

紅箋筆欲流從此丹脣并皓齒清柔唱遍山東

百州

東坡詞

五十

汲古閣

又用前韻贈田叔通家舞鬟

繡鞅玉環遊燈晃簾疎笑却收久立香車催欲

上還畱更且檀屏點杏油 花遍六么毬面旋

迴風帶雪流春入腰肢金縷細輕柔種柳應須

柳柳州

鵲橋仙

緱山仙子高情雲渺不學癡牛騃女鳳簫聲斷

月明中舉手謝時人欲去 客槎曾犯銀河微

浪尚帶天風海雨相逢一醉是前緣風雨散飄然何處

又七夕和蘇堅韻

乘槎歸去成都何在萬里江沱漢漾與君各賦一篇詩畱織女鴛鴦機上還將舊曲重賡新韻須信吾儕天放人生何處不兒嬉看乞巧朱樓綵舫

瑞鷓鴣

詞

東坡詞

五十一

汲古閣

碧山眉下小紅顏幾見江南踏浪兒拍手欲嘲山簡醉齊聲爭唱浪英詞西興渡口帆初落漁浦山頭日未欹儂欲送潮歌底曲尊前還唱使君詩

又

城頭月落尚啼烏朱艦紅船早滿湖鼓吹未容迎五馬水雲先已漾雙鳬映山黃帽螭頭舫夾岼青煙鵲尾爐老病逢春只思睡獨求僧榻

寄須臾

翻香令

金爐猶煖麝煤殘惜香更把寶釵翻重聞處餘黑在這一番氣味勝從前背人偷蓋小蓬山更將沉水暗同爇且圖得氤氲久爲情深嫌怕斷頭煙

虞美人

詞

東坡詞

五十二

汲古閣

定場賀老今何在幾度新聲改新聲坐使舊聲闌俗耳只知繁手不須彈斷弦試問誰能曉七歲文姬小試教彈作輶雷聲應有開元遺老淚縱橫

又送馬中玉

元刻

歸心正似三春草試著萊衣小橋懷幾日向翁開懷祖已噴文度不歸來禪心已斷人間愛只有平交在笑論瓜葛一枰同看取靈光新賦有家風

又

陳述古守杭已及貳代未交前數日宴僚佐於有美堂因請賦車蘇子瞻賦詞

子瞻即席而就寄撫破廢美人

湖山信是東南美一望須千里使君能得幾回來使使樽前醉倒且徘徊沙河塘裏燈初上水調誰家唱夜闌風靜欲歸時惟有一江明月

碧琉璃

又

東坡與秦少游維揚飲別作此詞○或刻質方回或刻黃山谷或刻秦淮海或

刻晏小山

東坡詞

五十三

汲古閣

波聲拍枕長淮曉隙月窺人小無情汴水自東流只載一船離恨向西州竹溪花浦會同醉酒味多於淚誰教風鑑在塵埃醞造一場煩惱送人來

又

落花已作風前舞又送黃昏雨曉來庭院半殘紅惟有遊絲千丈裊晴空慙慙花下重攜手更盡盃中酒美人不用歛歌眉我亦多情無奈

酒闌時

又

水肌自是生來瘦那更分飛後日長簾幙望黃昏及至黃昏時候轉銷魂君還知道相思苦怎忍拋奴去不辭迢遞過關山只恐別郎容易見郎難

又

深深庭院清明過桃李初紅破柳絲搭在玉欄

東坡詞

五十四

汲古閣

干簾外瀟瀟微雨做輕寒晚晴臺榭增明媚已拚花前醉更闌人靜月侵廊獨自行來行去好思量

又

持盃遙勸天邊月願月圓無缺持盃更復勸花枝且願花枝長在莫離披持盃月下花前醉休問榮枯事此歡能有幾人知對酒逢花不飲待何時

一斛珠

洛城春晚垂楊亂掩紅樓半小池輕浪紋如篆
燭下花前曾醉離歌宴 自惜風流雲雨散關
山有限情無限待君重見尋芳伴爲說相思目
斷西樓燕

醉落魄

舊刻四首山谷老人云醉醒醒醉
非東坡作刪去○席上呈元素

分攜如昨人生到處萍飄泊偶然相聚還離索
多病多愁須信從來錯 樽前一笑休辭却天

東坡詞

五十五

汲古閣

涯同是傷淪落故山猶負平生約西望峨眉長
羨歸飛鶴

又

蘇州閶門雷別○一刻山谷但故山
歸計何時決作故鄉歸路無因得

蒼頭華髮故山歸計何時決舊交新貴音書絕
惟有佳人猶作殷勤別 離亭欲去歌聲咽滿
瀟細雨涼吹頰淚珠不用羅巾裏彈在羅衣圖
得見時說

又離京

口作

輕雲微月二更酒醒船初發孤城回望蒼煙合
公子佳人不記歸時節 巾偏扇墜藤床滑覺
來幽夢無人說此生飄蕩何時歇家在西南長
作東南別

臨江仙

龍丘子自洛之蜀載二侍女戎裝
駿馬至溪山佳處輒留數日見者

以爲異人後十年築室黃岡之
北號曰靜菴居士作此贈之

細馬遠馱雙侍女青巾玉帶紅靴溪山好處便
爲家誰知巴峽路却見洛城花 面旋落英飛

東坡詞

五十六

汲古閣

玉蕊人間春月初斜十年不見紫雲車龍丘新
洞府鉛鼎養丹砂

又贈

送

詩句揣摩我鈍鈍雖不解生鏑歡顏爲我解
冰霜酒闌清夢覺春草滿池塘 應念雪堂坡
下老筇年共採芸香功成名遂早還鄉回車來
過我喬水擁千章

又

辛未離杭至潤
別張弼乘道

我勸髯張歸去好從來自己忘情塵心消盡道
心平江南與塞北何處不堪行 俎豆庚桑真
過矣憑君說與南榮願聞吳越報豐登君王如
有問結襪賴王生

又
冬日
卽事

自古相從休務日何妨低唱微吟天垂雲重作
春陰坐中人半醉簾外雪將深 聞道分司狂
御史紫雲無路追尋淒風寒雨更駸駸問囚長

東坡詞

五十七

汲古閣

損氣見鶴總驚心

又
送王
絳

忘却成都來十載因君未免思量憑將清淚灑
江陽故山知好在孤客自悲涼 坐上別愁君
未見歸來欲斷無腸殷勤且更盡離觴此身如
傳舍何處是吾鄉

又
夜到揚州
席上作

尊酒何人懷李白草堂遙指江東珠簾十里卷

香風花開花又謝離恨幾千重 輕舸渡江連
夜到一時驚笑衰容語音猶自帶吳儂夜闌相
對處依舊夢魂中

又

九十日春都過了貪忙何處追遊三分春色一
分愁雨翻榆莢陣風轉柳花毬 聞苑先生須
自責蟠桃動是千秋不知人世苦厭求東皇不
拘束肯爲使君畱

東坡詞

五十八

汲古閣

又
風水
洞作

四大從來都遍滿此間風水何疑故應爲我發
新詩幽花香澗谷寒藻舞淪漪 偕與玉川生
兩腋天仙未必相息還憑流水送入歸層巖餘
落日草露已沾衣

又

一別都門三改火天涯踏盡紅塵依然一笑作
春溫無波真古井有節是秋筠 惆悵孤帆連

夜發送行淡月微雲尊前不用翠眉顰人生如
逆旅我亦是行人

又 疾愈登望湖樓贈項長官

多病休文都瘦損不堪金帶垂腰望湖樓上暗
香飄和風春弄袖明月夜聞簫酒醒夢回清
漏永隱牀無限更潮佳人不見董嬌娆徘徊花
上月空度可憐宵

又

東坡詞

五十九

汲古閣

夜飲東坡醒復醉歸來夢歸三更家童鼻息已
雷鳴敲門都不應倚杖聽江聲長恨此身非
我有何時忘却營營夜闌風靜殺紋平小舟從
此逝江海寄餘生

又

冬夜夜寒水合井面堂明月侵幃青缸明滅照
悲啼青缸挑欲盡粉淚裛還垂未盡一尊先
掩淚歌聲半帶清悲情聲兩盡莫相違欲知腸

斷處梁上暗塵飛

又 贈王友道

誰道東陽都瘦損凝然點漆精神瑤林終自隔
風塵試看披鶴氅仍是謫仙人省可清言揮
玉麈真須保器全真風流何似道家純不應同
蜀客唯愛卓文君

又 元刻不載

昨夜渡江何處宿望中疑是秦淮月明誰起笛

東坡詞

六十

汲古閣

中哀多情王謝女相逐過江來雲雨未成還
又散思盟好事難諧憑陵急槳兩相催想伊歸
去後應似我情懷

蝶戀花 春景

花褪殘紅青杏子燕子飛時綠水人家繞枝上
柳綿吹又少天涯何處無芳草牆裏鞦韆牆
外道牆外行人牆裏佳人笑笑漸不聞聲漸悄
多情却被無情惱 飛一作來

又佳
人

一顆櫻桃樊素口不愛黃金只愛人長久學画
鴉兒猶未就眉尖已作傷春皺 撲蝶西園隨
伴走花落花開漸解相思瘦破鏡重圓人在否
章臺折盡青青柳

又
春

雨過春容清更麗只有離人幽恨終難洗北固
山前三面水碧瓊梳擁青螺髻 一紙鄉書來

東坡詞

六十一

汲古閣

萬里問我何年真箇成歸計白首送春拚一醉
東風吹破千行淚

又
春別
李公擇

荻蕨無風花自顚寂莫闌林柳老櫻桃過落日
多情還照座山青一點橫雲破 路盡河回千
轉柁繫纜漁村月暗孤燈火憑仗飛魂招楚夢
我思君處君思我

又
密州
上元

燈火錢塘三五夜明月如霜照見人如画帳底
吹笙香吐麝此般風味應無價 寂莫山城人
老也擊鼓吹簫乍入農桑社火冷燈希霜露下
昏昏雪意雲垂野

又
密州冬夜文
安國席上作

簾外東風交雨霰簾裡佳人笑語如鸞燕深惜
今年正月暝燈光酒色搖金盞 搯鼓漁陽槌
未遍舞罷瓊釵汗溼香羅軟今夜何人吟古怨

東坡詞

六十二

汲古閣

清詩未就水生硯

又
過水閣
楚辭之

自古漣漪佳絕地遶郭荷花欲把吳興比倦客
塵埃何處洗真若堂下寒泉水 左海門前酤
酒市夜半潮來月下孤舟起傾蓋相逢拚一醉
雙鳬飛去人千里

又
懷遠

雲水縈回溪上路疊疊青山環繞溪東注月白

沙汀翹宿鷺更無一點塵來處 溪叟相看私

自語底事區區苦要爲官去尊酒不空田百畝

歸來分得閑中趣

又離別

春事闌珊芳草歇客裏風光又過清明節小院

黃昏人憶別落紅處處聞啼鴂 咫尺江山分

楚越目斷魂消應是音塵絕夢破五更心欲折

角聲吹落梅花月

東坡詞

又送潘大臨

六十三

汲古閣

別酒勸君君一醉清潤潘郎又是何郎壻記取

釵頭新利市莫將分付東鄰子 回首長安佳

麗地三十年前我是風流帥爲向青樓尋舊事

花枝缺處餘名字

又同安生日放魚取金光明經救魚事

泛泛東風初破五江柳微黃萬萬千千縷佳氣

鬱蔥來繡戶當年江上生奇女 一盞壽觴誰

與舉三箇明珠膝上王文度放盡窮鱗看圍圍

天公爲下曼陀雨

又下五調俱元刻不載

記得画屏初會遇好夢驚回望斷高唐路燕子

雙飛來又去紗窗幾度春光暮 那日繡簾相

見處低眼佯行笑整香雲縷歛盡春山羞不語

人前深意難輕訴

又

東坡詞

六十四

汲古閣

昨夜秋風來萬里月上屏幃冷透人衣袂有客

抱衾愁不寐那堪玉漏長如歲 羈舍畱連婦

計未夢斷魂銷一枕相思淚衣帶漸寬無別意

新書報我添顚顚

又武刻晏同叔

玉枕冰寒消暑氣碧簾紗厨向午朦朧睡鸞舌

惺惚如會意無端画扇驚飛起 雨後初涼生

水際人面桃花的的遙相似眼看紅芳猶抱盞

簾中已結新蓮子

又

雨霰疎疎經潑火巷陌鞦韆猶未清明過杏子
梢頭香蠶破淡紅褪白胭脂澆 苦被多情相
折挫病緒厭厭渾似年時箇遠遍迴廊還獨坐
月籠雲暗重門鎖

又

蝶嬾鶯慵春過半花落紅厭小院殘紅滿午醉

東坡詞

六十五

汲古閣

未醒紅日晚黃昏簾幙無人捲 雲鬢新鬆眉

黛淺總是愁媒欲訴誰消遣未信此情難繫絆

楊花猶有東風管

荷華媚

荷花

霞苞電荷碧天然地別是風流標格重重青葢
下千嬌照水好紅紅白白 每恨望明月清風
夜甚低迷不語妖邪無力終須放船兒去清香
深處住看伊顏色

漁家傲

金陵賞心亭送王勝之龍圖
王守金陵視事一日後南軒

千古龍蟠并虎踞從公一弔興亡處渺渺斜風
吹細雨芳草渡江南父老畱公住 公駕飛車
凌彩霧紅鸞驟乘青鸞馭却訝此洲名白鸞非
吾侶翻然欲下還飛去

又

送台守
江郎中

送客歸來燈火盡西樓淡月涼生暈明日潮來
無定準風未穩舟橫渡口重城近 江水似知

東坡詞

六十六

汲古閣

孤客恨南風爲解佳人慍莫學時流輕久困頻
寄問錢塘江上須忠信

又

皎皎牽牛河漢女盈盈臨水無由語望斷碧雲
空日暮無尋處夢回芳草生春浦 鳥散餘花
紛似雨汀洲蘋老香風度明月多情來照戶但
攬取清光長送入歸去

又

送張元唐
青觀秦州

一曲陽關情幾許知君欲向秦川去白馬皂貂
畱不住回首處孤城不見天霖霧到日長安
花似雨故闌楊柳初飛絮漸見靴刀迎夾路誰
得似風流滕上王文度

又 贈曹光州

些小白鬚何用染幾人得見星星點作郡浮光
雖似箭君莫厭也應勝我三年貶我欲自嗟
還不敢向來三郡寧非忝婚嫁事稀年冉冉知

東坡詞

六十七

汲古閣

有漸千鈞重擔從頭減

又 元刻不載

臨水縱橫回晚輦歸來轉覺情懷動梅笛煙中
聞幾弄秋陰重西山雪淡雲凝凍美酒一盃
誰與芙蓉前舞雪狂歌送腰跨金魚旌旆擁將
何用祇堪妝點浮生夢

定風波

十月九日孟亨之置酒秋香亭有
拒霜獨向君猷而開生客喜笑以

爲非使君莫可當
此花故作是詞

兩兩輕紅半暈腮依依獨爲使君回若道使君
無此意何爲雙花不向別人開但看低昂煙
雨裏不已勸君休訴十分盃更問尊前狂副使
來歲花開時節與誰來

又 三月七日沙湖道中遇雨雨具先去同行皆狼狽余獨不覺已而遂晴故作此詞

莫聽穿林打葉聲何妨吟嘯且徐行竹杖芒屨
輕勝馬誰怕一簑煙雨任平生料峭春風吹

東坡詞

六十八

汲古閣

酒醒微冷山頭斜照却相迎回首向來蕭灑處
歸去也無風雨也無晴

又 重陽括杜牧之詩

與客攜壺上翠微江涵秋影雁初飛塵世難逢
開口笑年少菊花須插滿頭歸酩酊但酬佳
節了雲嶠登臨不用怨斜暉古往今來誰不老
多少牛山何必更沾衣

又 感舊

莫怪鴛鴦繡帶長腰輕不勝舞衣裳薄倖只貪
遊冶去何處垂楊繫馬恣輕狂 花謝絮飛春
又盡堪恨斷絃塵管伴啼妝不信歸來但自看
怕見爲郎顚顚却羞郎

又 送元素

千古風流阮步兵平生遊宦愛東平千里遠來
還不住歸去空畱風韻照人清 紅粉尊前深
懊惱知道怎生畱得許多情記得明年花絮亂

東坡詞

六十九

汲古閣

須看泛西湖是斷腸聲

又

元豐六年七月六日王文甫家飲
釀白酒大醉集古句作墨竹詞

雨洗涓涓嫩葉光風吹細細綠筠香秀色亂侵
書帙晚簾卷清陰微過酒尊涼 人画竹身肥
擁腫何用先生落筆勝蕭郎記得小軒岑寂夜
廊下月和疎影上東牆

又

詠紅梅

好睡慵開莫厭遲自憐冰臉不時宜偶作小紅

桃杏色閒雅尚餘孤瘦雪霜姿 休把閒心隨
物態何事酒生微暈沁瑤肌詩老不知梅格狂
吟詠更看綠葉與青枝

又

余嘗與張子野劉孝叔李公擇陳令舉
楊公素會于吳興時子野作六客詞甚
辛章盡道賢人聚吳分試問也應有有
老人星凡二十五年再過吳興而五人
者皆已亡矣時張仲謀與曹子方劉景
文蘇伯固張萊道爲生客仲謀請作後
六客

詞

月滿茗溪照夜堂五星一老闌光芒十五年間

東坡詞

七十

汲古閣

眞夢裏何事長庚對月獨淒涼 綠鬢蒼顏同
一醉還是六人吟笑水雲鄉賓主談鋒誰得似
看取曹劉今對兩蘇張

又

王定國歐陽文忠公奴姓宇文氏眉目娟
麗善應對家世在京師定國南遷歸余
時余寓南風上處是不好茶對口
此云處便是吾鄉因爲綴詞云

市人聞琢玉郎天教分付點酥娘自作清歌
工齒風起雪飛炎海變清涼 萬里歸來顏
色少微笑時時猶帶嶺梅香試問嶺南應不好

却道此心安處是吾鄉

十拍子

蘇軾

白酒新開九醞黃花已過重陽身外儻來都似
夢醉裏無何卽是鄉東坡日月長 玉粉旋烹
茶乳金蠶新擣橙香強染霜髭扶翠袖莫道狂
夫不解狂狂夫老更狂

蘇軾

仙園

暑籠晴風解愠雨後餘清暗襲衣裾潤一局選

東坡詞

七十一

汲古閣

仙逃暑困笑指尊前誰向青霄近 整金盆輪
玉笋鳳駕鸞車誰敢爭先進重五休言升最緊
縱有碧油到了輪堂印

調笑令

漁父漁父江上微風細雨青簑黃鶯裳衣紅酒
白魚茸歸歸茸歸茸長笛一聲何處 歸雁歸
雁飲啄江南雨雨將飛却下盤旋塞外春來苦
寒寒苦寒苦藻荷欲生且住

行香子

密雲龍茶名極爲甘馨宋廖正一

字明畧晚登蘇東坡之門公大奇
之時黃泰見張號蘇門四學士東坡待
之厚好來必令侍妾朝雲取密雲龍家
人以此知之一日又命取密雲龍家
人謂是四學士疏之乃廖明略也

綺席纔終歡意猶濃酒闌時高興無窮共誇君
賜初拆臣封看分香餅黃金縷密雲籠 闕羸
一水功敵千鍾覺涼生兩腋清風暫畱紅袖少
却紗籠放笙歌散庭館靜略從容

又

寓

東坡詞

七十二

汲古閣

三入承明四至九卿問書生何辱何榮金張七
葉純綺貂纓無汗馬事不獻賦不嘯經 成都
卜肆寂莫君平鄭子真巖谷躬耕寒灰炙手人
重人輕除竺乾學得無念得無名

又

懷

清夜無塵月色如銀酒斟時須滿十分浮名浮
利休苦勞神歎隙中駒石中火夢中身 雖抱
文章開口誑親且陶陶樂盡天真幾時歸去作

箇閒人對一張琴一壺酒一溪雲

又秋興

涼夜霜風先入梧桐渾無處回避衰容問公何
事不語書空但一回醉一回病一回慵 秋來
庭下光陰如箭似無言有意傷懷都將萬事付
與千鍾任酒花白眼花亂燭花紅

又冬思

攜手江村梅雪飄裙情何限處處銷魂故人不

東坡詞

七十三

汲古閣

見舊曲重聞向望湖樓孤山寺湧金門 尋常
行處題詩千首繡羅衫與拂紅塵別來相憶知
是何人有湖中月江邊柳隴頭雲

又過七里灘

一葉舟輕雙槳鴻驚水天清影湛波平魚翻藻
鑑鷺點煙汀過沙溪急霜溪冷月溪明 重重
似画曲曲如屏算當年空老嚴陵君臣一夢今
古虛名但遠山長雲山亂曉山青

又與泗守過南山晚歸作

北望平川野水荒灣芙蓉春飛步屐顏一作和
風弄袖香霧縈鬟正酒酣適人語笑白雲間
飛鴻落照相將歸去澹娟娟玉宇清閒何人無
事晏坐空山望長橋上燈火亂使君還

青玉案

和賀方回韻過伯固歸吳中故居

三年枕上吳中路遺黃耳隨君去若到松江呼
小渡莫驚鷗鷺鷺四橋盡是老子經行處 輞川

東坡詞

七十四

汲古閣

圖上看春莫常記高人右丞句作箇歸期天已
許春衫猶是小蠻計深曾溼西湖雨

帶人嬌

王都尉席上贈侍人

滿院桃花盡是劉郎未見於中更一枝纖軟仙
家日月笑人間春晚濃睡起驚飛亂紅千片
密意難窺羞容易見平白地爲伊腸斷問君終
日怎安排心眼須信道司空自來見慣

又贈胡雲

白髮蒼顏正是維摩境界空方丈散花何礙朱
脣筋點更髻鬟生采這些箇千生萬生只在

好事心腸著人情態閒窗下歛雲凝黛明朝端
午學紉蘭爲佩尋一首好詩要書裙帶

又戲邦直

別駕來時滿城燈火無數向青瑣隙中偷覷元
來便是芙蓉鸞仙侶方見了管須低聲說與

百子流蘇千枝寶炬人間有洞房煙霧春來何

東坡詞

七十五

汲古閣

事故拋人別處坐望斷樓中遠山歸路

江城子

陶淵明以正月五日遊斜川臨流
班坐領瞻南阜愛曾城之獨秀乃

作斜川詩至今使人想見其處元豐壬
戌之春余躬耕於東坡築雪堂居之南
挹四望亭之後丘西控北山之微泉慨
然而歎此亦斜川之遊也乃作長短句

以江城子歌之○舊刻十四首攷
南來飛燕北歸鴻是秦淮海作刪

夢中了了醉中醒只淵明是前生走遍人間依

舊却躬耕昨夜東坡春雨足烏鵲喜報新晴

雪堂西畔暗泉鳴北山傾小溪橫南望亭丘孤

秀聳曾城都是斜川當日境吾老矣寄餘齡

又述古去餘杭爲去思者作
○元刻孤竹閣送述古

翠蛾羞黛怯人看掩霜紉淚偷彈且盡一尊收
淚唱陽關謾道帝城天樣遠天易見見君難

画堂新構近孤山曲欄干爲誰安飛絮落花春
色屬明年欲棹小舟尋舊事無處問水連天

又湖上與張先同
賦○元刻江景

鳳皇山下雨初晴水風清晚霞明一朶芙蓉開

東坡詞

七十六

汲古閣

過尚盈盈何處飛來雙白鷺如有意慕娉婷

忽聞江上弄哀箏苦含情遣誰聽煙斂雲收依

約是湘靈欲待曲終尋問取人不見數峰青

又

老夫聊發少年狂左牽黃右擎蒼錦帽貂裘千

騎卷平岡爲報傾城隨太守親射虎看孫郎

酒酣胃膽尚開張鬢微霜又何妨持節雲中何

日遣馮唐會挽雕弓如滿月西北望射天狼

又恨別

天涯流落思無窮既相逢却匆匆攜手佳人和
淚折殘紅爲問東風餘幾許春縱在與誰同
隋堤三月水溶溶背歸鴻去吳中回望彭城清
泗與淮通寄我相思千點淚流不到楚江東

又冬景

相逢不覺又初寒對尊前惜流年風緊離亭冰
結淚珠圓雪意留君君且住從此去少清歡

東坡詞

汲古閣

轉頭山下轉頭看路漫漫玉花翻銀海光寬何
處是超然知道故人相念否攜翠袖倚朱欄

又

大雪有懷宋康叔使君亦知使君之念我也作江神子以寄之

黃昏猶是雨纖纖曉開簾欲平簷江濶天低無
處認青帘孤坐凍吟誰伴我指病目撚衰髯
使君畱客醉厭厭水晶鹽爲誰甜手把梅花東
望憶陶潛雪似故人人似雪雖可愛有人嫌

又

陳直方姜岳錢唐人也丐新詞爲作此錢唐人好唱前上花緩緩曲余嘗作數

絕以絕其事矣

玉人家在鳳皇山水雲間掩門閉門外行人立
馬看弓彎十里春風誰指似斜日映繡簾斑
多情好事與君還憫新鰥拭餘潛明月空江香
霧著雲鬟陌上花開看盡也聞舊曲破朱顏

又

十年生死兩茫茫不思量自難忘千里孤墳無
處話淒涼縱使相逢應不識塵滿面鬢如霜

東坡詞

七十八

汲古閣

夜來幽夢忽還鄉小軒窗正梳妝相顧無言惟
有淚千行料得年年腸斷處明月夜短松岡

又

或刻葉夢得或刻張元幹

銀燭無際卷蓬瀛落霞明暮雲平曾見青鸞紫
鳳下層城二十五絃彈不盡空感慨惜離情
蒼梧煙水斷歸程卷霓旌爲誰迎空有千行流
淚寄幽貞舞罷魚龍雲海晚千古恨入江聲

又

前瞻馬耳九仙山碧連天晚雲間城上高臺真
箇是超然莫使匆匆雲雨散今夜裏月嬋娟
小溪鷗鷺靜聯拳去翩翩點輕煙人事淒涼迴
首便他年莫忘使君歌笑處垂柳下矮槐前

又

墨雲拖雨過西樓水東流晚煙收柳外殘陽回
照動簾鉤今夜巫山真箇好花未落酒新芻
美人微笑轉星眸月華羞捧金甌歌扇紫風吹

東坡詞

七十九

汲古閣

般一春愁試問江南諸伴侶誰似我醉揚州

又

元刻
不載

膩紅勻臉襯檀脣晚妝新暗傷春手撚花枝誰
會兩眉顰連理帶頭雙口口畱待與箇中人

淡煙籠月繡簾陰画堂深夜沉沉誰道口口口
繫得人心一自綠窗偷見後便顚顚到如今

千秋歲

湖州暫米作
州重陽作

淺霜侵綠髮少仍新沐冠直縫巾橫幅美人憐

我老玉手簪黃菊秋露重真珠落袖沾餘馥

座上人如玉花映花奴肉蜂蝶亂飛相逐明年
人縱健此會應難復須細看晚來月上和銀燭

何滿子

湖州
作

見說岷峨悽愴旋聞江漢澄清但覺秋來歸夢
好西南自有長城東府三人最少西山八國初
平莫負花溪縱賞何妨藥市微行試問當壚
人在否空教是處聞名唱著子淵新曲應須分

東坡詞

八十

汲古閣

外舍情

祝英臺近

惜別

挂輕帆飛急檣還過釣臺路酒病無聊欹枕聽
鳴櫓斷腸簇簇雲山重重煙樹回首望孤城何
處問離阻誰念繫損襄王何曾夢雲雨舊恨
前歡心事兩無據要知欲見無由癡心猶自倩
人道一聲傳語

一鼓花

今年春淺臘侵年
冰雪破春妍
東風有信無人見
露微意柳際花邊
寒夜縱長孤衾易暖
鐘鼓漸清圓
朝來初日半含山
樓閣淡疎煙
遊人便作尋芳計
小桃杏應已爭先
衰病少情疎懶
自放惟愛日高眠

皂羅特髻

采菱拾翠

采菱拾翠算似此佳名
阿誰消得采菱拾翠稱
使君知客千金買采菱
拾翠更羅裙滿把真珠

東坡詞

八十一

汲古閣

結采菱拾翠正髻鬟初合
真箇采菱拾翠但深憐
輕拍一雙手采菱拾翠
繡衾下抱著俱香滑
采菱拾翠待到京尋覓

洞仙歌

柳

江南臘盡早梅花開後
分付新春與垂柳細腰
肢自有入格風流
仍更是骨體清英雅秀
永豐坊那畔盡日無人
惟見金絲弄晴晝
斷腸是飛絮時
綠葉成陰無箇事
一成消瘦又莫是東

風逐君來便吹散眉間一點春皺

又

僕七歲時見眉山老尼姓朱忘其名年九十餘自言嘗隨其師入蜀王孟昶宮中一日大熱蜀主與花蕊夫人夜起避暑摩訶池上作一詞朱其能記之今四十年朱已死矣人無知此詞者獨記其首兩句暇日尋味豈洞仙歌令乎乃爲之

冰肌玉骨自清涼
無汗水殿風來暗香滿
繡簾開一點
明月窺人人未寢
欹枕釵橫鬢亂起
來攜素手庭戶無聲時
見疎星渡河漢
試問夜

東坡詞

汲古閣

如何夜已是三更
金波淡玉繩低轉
但屈指西風幾時來
又不道流年暗中偷換

勸金船

和元素韻自撰勝命名

無情流水多情客
勸我如曾識
盃行到手休辭却
這公道難得
曲水池上小字更書年月
如對茂林脩竹似永和節
纖纖素手如霜雪
笑把秋花插尊前
莫怪歌聲咽
又還是輕別此去
翺翔遍賞玉堂金闕
欲問再來何歲應有華髮

意難忘

效館元
刻不載

花擁鴛房記馳肩髻小約鬢眉長輕身翻燕舞
低語轉鸞簧相見處便難忘肯親度瑤觴向夜
闌歌翻郢曲帶換韓香別來音信難將似雲
收楚峽雨散巫陽相逢情有在不語意難量些
箇事斷人腸怎禁得恁惶待與伊移根換葉試
又何妨

滿江紅

重義夫名後自序得罪歸鄱陽
遇東坡於齊安怪其豐暇自得曰

東坡詞

八十三

汲古閣

吾再娶柳氏三日而夫官吾固不戚戚
而憂柳氏不能忘懷於退也己而欣
然同憂患如處富貴吾是以益安焉乃
令家僮歌其所作滿江紅東坡嗟歎之
韻

憂喜相尋風雨過一江春綠巫峽夢至今空有
亂山屏簇向似伯鸞攜德耀簾瓢未足清歡足
漸燦然光彩照階庭生蘭玉幽夢裏傳心曲
腸斷處憑他續文君婿知否笑君早辱君不見
周南歌漢廣天教夫子休倚水便相將左手抱

琴書雲間宿

又寄鄂州
未使君

江漢西來高樓下蒲萄深碧猶自帶岷峨雲浪
錦江春色君是南山遺愛守我為劒外思歸客
對此間風物豈無情慙慙說江表傳君休讀
狂處士真堪惜空洲對鸚鵡葦花蕭瑟獨笑書
生爭底事曹公黃祖俱飄忽願使君還賦謫仙
詩追黃鶴

東坡詞

八十四

汲古閣

又東武會
流孟亭

東武南城新堤固漣漪初溢隱隱遍長林高阜
卧紅堆碧枝上殘花吹盡也與君更向江頭覓
問向前猶有幾多春三之一官裏事何時畢
風雨外無多日相將泛曲水滿城爭出君不見
蘭亭脩禊事當時座上皆豪逸到如今脩竹滿
山陰空陳迹

又懷子
山作

清潁東流愁目斷孤帆明滅宦遊處青山白浪
萬重千疊辜負當年林下意對床夜雨聽蕭瑟
恨此生長向別離中添華髮一樽酒黃河側
無限事從頭說相看恍如昨許多年月衣上舊
痕餘苦淚眉間喜氣添黃色便與君池上覓殘
春花如雪

又正月十三日送
姜安國還朝

天豈無情天也解多情畱客春向暖朝來底事

東坡詞

八十五

汲古閣

尚飄輕雪君過春來紆組綬我應歸去就泉石
恐異時盃酒忽相思雲山隔浮世事俱難必
人縱健頭應白何辭更一醉此歡難覓欲向佳
人訴離恨淚珠先已凝雙睫但莫追新燕却來
時音書絕

滿庭芳

元豐七年四月一日余將自黃移
女畱別雪堂鄰里二三君子會李
仲覽自江東來別遂書以遺之舊
刻七首致北苑龍圖是淮海作刪

歸去來兮吾歸何處萬里家在岷峨百年強半

來日苦無多坐見黃州載閨兒童盡楚語吳歌
山中友雞豚社飲相勸老東坡云何當遠去
人生底事來往如梭待閒看秋風洛水清波好
在堂前細柳應念我莫剪柔柯仍傳語江南父
老時與聯漁簑

又

余居黃五年將赴臨汝作滿庭芳一篇
以別黃人既至南都蒙恩放歸陽羨復

篇一作一

歸去來兮清溪無底上有千仞嵯峨画橋西畔

東坡詞

八十六

汲古閣

天遠夕陽多老去君恩未報空回首彈鋏悲歌
船頭轉長風萬里歸馬駐平坡無何何處是
銀潢盡處天女停梭問人間何事久戲風波顧
問同來穉子應爛汝腰下長柯青衫破羣仙笑
我千縷挂煙蓑

又佳
人

香鑿雕盤寒生水飭画堂別是風光主人情重
開宴出紅妝膩玉圓慙素頸藕絲嫩新織仙裳

雙歌罷處欄轉月餘韻尚悠颺 人間何處有
司空見慣應謂尋常坐中有狂客惱亂愁腸報
道金釵墜也十指露春筍纖長親曾見全勝宋
玉想像賦高唐

又或注
警悟

蝸角虛名蠅頭微利算來著甚乾忙事皆前定
誰弱又誰強且趁閒身未老儘放我些子疎狂
百年裏渾教是醉三萬六千場 思量能幾許

東坡詞

八十七

汲古閣

憂愁風雨一半相妨又何須抵死說短論長幸
對清風皓月苔茵展雲幙高張江南好千鍾美
酒一曲滿庭芳

又有王長官者棄官三十三年黃人謂
之王先生因送陳慥來過余因賦

三十三年今誰存者算只君與長江凜然蒼檜
霜餘苦難雙聞道司州古縣雲溪上竹塲松窗
江南岸不因送子寧肯過吾邦 縱縱疎雨過
風林舞破煙蓋雲幢願持此邀君一飲空缸居

士先生老矣真夢裏相對殘缸歌舞斷行人未
起船鼓已逢逢

又 余年十七始與劉仲達往來于眉山今
年四十九相逢于泗上洛水淺凍久留
郡中晦日同遊南山
話舊感歎因作此詞

三十三年漂流江海萬里煙浪雲帆故人驚怪
顛顛老青衫我自疎狂異趣君何事奔走塵凡
流年盡窮途坐守船尾凍相銜 巉巖淮浦外
層樓翠壁古寺空品步攜手林間笑挽纖纖莫

東坡詞

八十八

汲古閣

上孤峯盡處縈望眼雲水相攪家何在因君問
我歸步遠松杉

水調歌頭 法興寺作

落日繡簾捲亭下水連空知君爲我新作窗戶
溼青紅長記平山堂上欹枕江南煙雨杳杳沒
孤鴻認得醉翁語山色有無中 一千頃都鏡
淨倒碧峰忽然浪起掀舞一葉白頭翁堪笑蘭
亭公乎未解莊生天籟剛道荷雌雄一點浩然

氣千里快哉風

又

余去歲在東武作水調歌頭以寄子由今年子由相從彭城百餘日過中秋而去作此以別余以其語過悲乃為和之其意以不早退為戒以退而相從之樂為慰云耳

安石在東海從事鬢驚秋中年親友難別絲竹
緩離愁一旦功名遂準擬東還海道扶病入
西州雅志因軒冕遺恨寄滄洲歲云暮須早
計要褊裘故鄉歸去千里佳處輒遲留我醉歌
東坡詞
六十九
汲古閣
時君和醉倒須君扶我惟酒可忘憂一任劉玄
德相對臥高樓

又

丙辰中秋飲達旦大醉作此篇兼懷子由

明日幾時有把酒問青天不知天上宮闕今夕
是何年我欲乘風歸去又恐瓊樓玉宇高處不
勝寒起舞弄清影何似在人間轉朱閣低綺
戶照無眠不應有恨何事長向別時圓人有悲
歡離合月有陰晴圓缺此事古難全但願人長

久千里笑嬋娟

又

歐陽文忠公嘗問余琴詩何者最善余以退之穎師琴詩最善公曰此詩最奇麗然非聽琴乃聽琵琶也余深然之建安章質夫家善琵琶者乞為歌詞余久不作持取退之詞稍加繫括使就聲律以遺之

昵昵兒女語燈火夜微明恩冤爾汝來去彈指
淚和聲忽變軒昂勇士一鼓填然作氣千里不
畱行回首暮雲遠飛絮攪青冥眾禽裏真彩
鳳獨不鳴躋攀寸步千險一落百尋輕煩子指
東坡詞
九十
汲古閣
間風雨置我腸中冰炭起坐不能平推手從婦
去無淚與君傾

又

子由徐州中秋作

離別一何久七度過中秋去年東武今夕明月
不勝愁豈意彭城山下同泛清河古汴船上載
涼州鼓吹助清賞鴻雁起汀洲坐中客翠羽
被紫綺裘素娥無賴西去曾不為人畱今夜清
尊對客明夜孤帆水驛依舊照離憂但恐同王

絮相對永登樓

雨中花慢

初至密州以早蝗齏菜者累月方春牡丹盛開不獲一賞至九月忽開千葉一朶雨中爲韻作

今歲花時深院盡日東風蕩漾茶煙但有綠苔
芳草柳絮榆錢聞道城西長廊古寺甲第名園
有國豔帶酒天香染袂爲我畱連 清明過了
殘紅無處對此淚灑尊前秋向晚一枝何事向
我依然高會聊追短景清商不假餘妍不如畱

東坡詞

九十

汲古閣

取十分春態付與明年

又

元刻通

邃院重簾何處惹得多情愁對風光睡起酒闌
花謝蝶亂蜂忙今夜何人吹笙北嶺待月西廂
空悵望處一株紅杏斜倚低牆 羞顏易變傷
人先覺到處被著猜防誰信道夢兒恩愛無限
淒涼好事若無間阻幽歡却是尋常一般滋味
就中香美除是偷嘗

又

元刻通

嫩臉羞蛾因甚化作行雲却返巫陽但有寒燈
孤枕皓月空牀長記當初乍諧雲雨便學鸞皇
又豈料正好三春桃李一夜風霜 丹青畫無
言無笑看了謾結愁腸襟袖上猶存殘黛漸減
餘香一自醉中忘了奈何酒後思量算應負你
枕前珠淚萬點千行

八聲甘州

寄參寥子

東坡詞

九十二

汲古閣

有情風萬里卷潮來無情送潮歸問錢塘江上
西興浦口幾度斜暉不用思量今古俯仰皆入
非誰似東坡老白首忘機 記取西湖西畔正
暮山好處空翠煙霏算詩人相得如我與君稀
約他年東還海道願謝公雅志莫相違西州路
不應回首爲我沾衣

醉蓬萊

重九上君猷

笑勞生一夢羈旅三年又還重九華髮蕭蕭對

荒園搔首賴有多情好飲無事似古人賢守歲
歲登高年年落帽物華依舊 此會應須爛醉
仍把紫菊茱萸細看重嗅搖落霜風有手栽雙
柳來歲今朝爲我西顧酹羽觴江口會與州人
飲公遺愛一江醇酎

三都樂情景

美人如月乍見掩算雲更增妍絕算應無恨安
用陰晴圓缺嬌甚空只成愁待下床又嬾未語

東坡詞

九十三

汲古閣

先咽數日不來落盡一庭紅葉 今朝置酒強
起問爲誰減動一分香雪何事散花却病維摩
無疾却低眉慘然不啻唱金縷一聲怨切堪折
便折且惜取少年花發

念奴嬌赤壁懷古

大江東去浪淘盡千古風流人物故壘西邊人
道是三國周郎赤壁亂石穿空驚濤拍岸捲起
千堆雪江山如畫一時多少豪傑 遙想公瑾

當年小喬初嫁了雄姿英發羽扇綸巾談笑間
強虜灰飛煙滅故國神遊多情應笑我早生華
髮人間如夢一尊還酹江月

又中秋

憑高眺遠見長空萬里雲無畱迹桂魄飛來光
射處冷浸一天秋碧玉宇瓊樓乘鸞來去人在
清涼國江山如畫望中煙樹歷歷 我醉拍手
狂歌舉盃邀月對影成三客起舞徘徊風露下
東坡詞

九十四

汲古閣

今夕不知何夕便欲乘風翩然歸去何用騎鵬
翼水晶宮裏一聲吹斷橫笛

水龍吟

晉謝自然欲過海求師蓬萊至海

里不可到天台有司馬子微身居赤城
名在絳闕可往從之自然乃還受道于
子微白曰仙去子微著坐忘論七篇樞
一篇年百餘將終謂弟子曰吾居玉霄
峰東望蓬萊嘗有真靈降焉今爲東海
青童君所召乃蟬脫而去其後李太白
作大鵬賦云嘗見子微于江陵謂余有
仙風道骨可與神遊入極之表元豐七
年冬予過臨淮而湛然先生梁公在焉
童顏清徹如二三十許人然人亦有自

少見之者善吹鐵笛嘹然有穿雲裂石之聲乃作水龍吟一首記于微太白之事歸其聲而歌之

古來雲海茫茫蓬山絳闕知何處人間自有赤城居士龍蟠鳳舉清淨無爲坐忘遺照八篇奇語向玉霄東望蓬萊掩靄有雲駕驂風馭行盡九州四海笑紛紛落花飛絮臨江一見謫仙風采無言心許八表神遊浩然相對酒酣箕踞待垂天賦就騎鯨路穩約相將去

東坡詞

九十五

汲古閣

又嶺南太守閣立公顯致仕居姑蘇東坡每過必留連嘗言過姑蘇不遊虎丘不謂閣立乃二欠事其重之如此一日出其後房侍酒有楚卿者甚有才色善吹笛因作水龍吟贈之云贈趙廟之吹笛侍兒

楚山脩竹如雲異材秀出千林表龍鬚半剪鳳膺微漲玉肌勻繞木落淮南雨晴雲夢月明風襲自中郎不見相伊去後知辜負秋多少聞道嶺南太守後堂深綠珠嬌小綺窗學弄梁州初遍霓裳未了嚼徵含宮泛商流羽一聲雲杪

爲使君洗盡蠻風瘴雨作霜天曉

又次韻章質夫楊花詞

似花還似非花也無人惜從教墜拋街傍路思量却是無情有思縈損柔腸困酣嬌眼欲開還閉夢隨風萬里尋郎去處又還被鶯呼起不恨此花飛盡恨西園落紅難綴曉來雨過遺蹤何在一池萍碎春色三分二分塵土一分流水細看來不是楊花點點是離人淚

東坡詞

九十六

汲古閣

又閣立大夫孝直公顯嘗守黃州作樓霞樓爲郡中勝絕元豐五年予謫居於黃正月十七日夢扁舟渡江中流回望樓中歌樂雜作舟中人言公顯方會客也覺而異之乃作此詞公顯時已致仕在蘇州

小舟橫截春江臥看翠壁紅樓起雲間笑語使君高會佳人半醉危柱哀絃豔歌餘響遶雲縈水念故人老大風流未減獨回首煙波裏推枕惘然不見但空江月明千里五湖聞道扁舟歸去仍攜西子雲夢南州武昌南旂遊應記

料多情夢裏端來見我也參差是

又元刻
不載

小溝東接長江柳堤葦畔連雲際煙村瀟灑人
間一闌漁樵早市永晝端居寸陰虛度了成何
事但絲尊玉藕珠杭錦鯉相畱戀又經歲因
念浮丘舊侶慣瑤池羽觴沉醉青鸞歌舞銖衣
搖曳壺中天地飄墮人間步虛聲斷露寒風細
抱素琴獨向銀蟾影裏此懷難寄

東坡詞

九十七

汲古閣

又詠雁○元
刻不載

露寒煙冷蒹葭老天外征鴻寥唳銀河秋晚長
門燈悄一聲初至應念瀟湘畔遙人靜水多菰
米望極平田徘徊欲下依前被風驚起須信
衡陽萬里有誰家錦書遙寄萬里雲外斜行橫
陣纔疎又綴仙掌月明石頭城下影搖寒水念
征衣未搗佳人拂杵有盈盈淚

歸朝歡

舊刻歸朝歡○公嘗有詩與蘇伯
固其序曰嘗有九江與蘇伯固唱

和其略曰我夢扁舟浮雲濤雪浪橫江
千頃白覺來滿眼是廬山倚天無數開
青壁蓋實夢也然公詩復云扁舟
震澤定何時滿眼廬山覺又非

我夢扁舟浮震澤雪浪搖空千頃白覺來滿眼
是廬山倚天無數開青壁此生長接浙與君同
是江南客夢中遊覺來清賞同作飛梭擲
日西風還挂席唱我新詞淚沾臆靈均去後楚
山空澧陽蘭芷無顏色君才如夢得武陵更在
西南極竹枝詞莫搖新唱誰謂古今隔

東坡詞

九十八

汲古閣

永遇樂寄孫
巨源

長憶別時景疎樓下明月如水美酒清歌畱連
不住月隨人千里別來三度孤光又滿冷落英
誰同醉捲珠簾淒然顧影共伊到明無寐今
朝有客來從淮上能道使君深意憑仗清淮分
明到海中有相思淚而今何在西垣清禁夜永
雲華侵被此時看迴廊曉月也應暗記

又

夜宿燕子樓夢題此詞
一云徐州夢覺止登燕子樓作

明月如霜好風如水清景無限曲港跳魚圓荷
瀉露寂莫無人見沈沈三鼓飄然一葉黯黯夢
雲驚斷夜茫茫重尋無覓處覺來小園行遍
天涯倦客山中歸路望斷故園心眼燕子樓空
佳人何在空鎖樓中燕古今如夢何曾夢覺但
有舊歡新怨異時對南樓夜景爲余浩歎

又曉望○時
刻不載

天末山橫半空簫鼓樓觀高起指點裁成東風

東坡詞

九十九

汲古閣

滿院總是新桃李綸巾羽扇一尊飲罷目送斷
鴻千里攬清歌餘音不斷縹緲尚縈流水年
來自笑無情何事猶有多情遺思綠鬢朱顏匆
匆拚了却記花前醉明年春到重尋幽夢應在
亂鶯聲裏拍闌干斜陽轉處有誰共倚

無愁可解

國士范日新作越調解愁離陽
劉九伯壽聞而脫之戲作俚語

之詩天下傳誦以謂幾於達者龍丘子
猶笑之此雖免乎愁猶有所解也者天
遂於自然而託於不得已人樂亦樂人
愁亦愁彼且惡乎解哉乃反其詞作無

愁可解

光景百年看便一世生來不識愁味問愁何處
來更開解箇甚底萬事從來風過耳何用不著
心裏你喚做展却眉便是達者也則恐未此
理本不通言何曾道歡遊勝如名利道則渾是
錯不道如何卽是這裏元無我與你甚喚做物
情之外若須待醉了方開解時問無酒怎生醉

沁園春

東坡詞

一百

汲古閣

孤館燈青野店雞號旅枕夢殘漸月華收練晨
霜耿耿雲山攜錦朝露溥溥世路無窮勞生有
限似此區區長鮮歡微吟罷凭征鞍無語往事
千端當時共客長安似二陸初來俱少年有
筆頭千字胸中萬卷致君堯舜此事何難用舍
由時行藏在我袖手何妨閒處看身長健但優
游卒歲且鬪尊前

賀新郎

余倅杭日府僚湖中高會羣妓畢
集惟秀蘭不來營將督之再三乃

來僕問其故舍曰沐浴倦臥忽有扣門聲急起詢之乃營將催督也整妝趨命不覺稍遲時府僚有屬意於爾者見其不來甚恨不已云必有私事秀蘭含淚力辭而僕亦從旁冷語陰為之解府僚終不釋然也適榴花開盛秀蘭以一技藉手獻座中府僚愈怒責其不恭秀蘭進退無據但低首垂淚而已僕乃作一

曲名賀新涼令秀蘭歌以侑觴聲容妙絕府僚大悅劇飲而罷

乳燕飛華屋悄無人桐陰轉午晚涼新浴手弄生綃白團扇扇手一時似玉漸困倚孤眠清熟簾外誰來推繡戶枉教人夢斷瑤臺曲又却是東坡詞

一百一

汲古閣

風敲竹 石榴半吐紅巾慙待浮花浪蕙都盡伴君幽獨穠豔一枝細看取芳心千重似束又恐被秋風驚綠若待得君來向此花前對酒不忍觸芙蓉粉淚兩款款

稍遍

陶淵明賦歸去來有其詞而無其聲余居東坡華雪堂于上人書其其陋

獨却陽黃發夫過而悅之有上隣之意乃取歸去來詞稍加隱括使就聲律以遺設夫使家僅歌之時相從于東坡梓未而和之扣牛角而為之節不亦樂乎

為米折腰因酒棄家口體交相累歸去來誰不

遣君歸覺從前皆非今是露米晞征夫指予歸路門前笑語喧童稚嗟舊菊都荒新松暗老吾年今已如此但小窗容膝閉柴扉策杖看孤雲暮鴻飛雲出無心鳥倦知還本非有意 噫歸

去來今我今忘我兼忘世親戚無浪語琴書中有真味步翠麓崎嶇泛溪窈窕涓涓暗谷流春水觀草木欣榮幽人自感吾生行且休矣念寓形宇內復幾時不自覺皇皇欲何之委吾心去

東坡詞

一百二

汲古閣

畱誰計神仙知在何處富貴非吾願但知臨水登山嘯詠自引壺觴自醉此生天命更何疑且樂流遇坎還止

其詞蓋世所謂眼瞻之稍遍也

羽聲也於五音之次為第五今世作般涉誤矣稍遍三疊每疊加促字當為稍讀去聲世作晴或作步皆非是

又春詞

睡起画堂銀蒜押簾珠幙雲垂地初雨歇洗出碧羅天正溶溶養花天氣一霎暝風迴芳草榮

光浮動卷皺銀塘水方杏靨勾酥花鬢吐繡園
 林翠紅排比見乳燕捎蝶過繁枝忽一綫爐香
 逐遊絲畫永人閒獨立斜陽晚來情味 便棄
 興攜將佳麗深入芳菲裏撥胡琴語輕攏慢撚
 總伶仃看緊約羅裙急趣檀板霓裳入破驚鴻
 起顰眉臨睂醉霞橫臉歌聲悠揚雲際任滿頭
 紅雨落花飛墜漸鳩鵲樓西玉蟾低尚徘徊未
 盡歡意君看今古悠悠浮幻人間世這些百歲
 東坡詞 一三三 汲古閣

光陰幾日三萬六千而已醉鄉路穩不妨行但

人生要適情耳

戚氏

此詞計敘慘天于西王母事世不知所謂遂謂非東坡作李端叔跋云東

坡在山中燕席間有歌戚氏詞者坐客

言詞美而詞不典以請于公公方觀山

公應寫歌竟篇就繼聯定五六字而已

主龜山東皇靈姬統羣仙絳闕岩嵒翠房深迴

倚霏煙幽閒志蕭然金城千里鎖嬋娟當時穆

滿巡狩翠華曾到海西邊風露明霽鯨波極目

勢浮輿蓋方圓正迢迢麗日玄圃清寂瓊草芊
 綿 爭解繡勒香韉鸞輅駐蹕八馬戲芝田瑤
 池近画樓隱隱翠鳥翩翩肆率筵口間作管鳴
 絃宛若帝所鈞天稚頭皓齒綠髮方瞳圓極恬
 淡高妍 盡倒瓊壺酒獻金鼎藥固大椿年縹
 緲飛瓊妙舞命雙成奏曲醉畱連雲璫韻響瀉
 寒泉浩歌暢飲斜月低河漢漸漸倚霞天際紅
 深溪動歸思迴兮塵寰爛熳遊玉輦東還杏花

東坡詞

一四四

汲古閣

風數里響鳴鞭望長安路依稀柳色翠點春妍

東坡詩文不當千倍刻獨長短句字見近

有金陵本字人多喜其詳備多渾入歐黃

秦柳作今憲則主其詞品主其壯則魯

直文階端淑乎自有之評方庚毛晉紀

東坡詞

終

山谷詞

目錄

沁園春 一調

惜餘歡 一調

水龍吟 一調

看花廻 一調

念奴嬌 一調

晝夜樂 一調

逍遙樂 一調

雨中花慢 一調

醉蓬萊 二調

滿庭芳 五調

水調歌頭 二調

促拍滿路花 一調

山谷詞目

洞仙歌 一調

驀山溪 四調

望遠行 一調

憶帝京 三調

撼庭竹 一調

下水船 一調

歸田樂引 二調

離亭燕 一調

千秋歲 二調

江城子 二調

兩同心 三調

少年心 二調

青玉案 二調

喝火令 一調

品令 二調

漁家傲 五調

汲古閣

醜奴兒 二調

定風波 八調

河傳 一調

撥棹子 一調

蝶戀花 一調

步蟾宮 一調

踏莎行 二調

醉落魄 四調

玉樓春 十一調

虞美人 二調

南鄉子 六調

鵲橋仙 二調

鷓鴣天 八調

鼓笛令 四調

浪淘沙 一調

留春令 一調

山谷詞目

南歌子 四調

望江東 一調

一落索 一調

西江月 五調

桃源憶故人 一調

阮郎歸 七調

賀聖朝 一調

清平樂 六調

好事近 三調

謁金門 一調

好女兒 三調

減字木蘭花 十三調

訴衷情 三調

採桑子 八調

汲古閣

歸田樂令 一調

卜算子 一調

菩薩蠻 二調

雪花飛 一調

浣溪沙 三調

點絳脣 三調

調笑令 一調 并詩

宴桃源 一調

山谷詞目

汲古閣

山
詞目錄 終

山谷詞

宋黃庭堅

沁園春

把我身心爲伊煩惱，算天便知恨。一回相見，百方做計，未能偎倚。早覓東西鏡裏，拈花水中捉月。覷著無由得近。伊添憔悴，鎮花銷翠減。玉瘦香肌，奴兒又有行期，你去卽無妨我。共誰向眼前常見，心猶未足。怎生禁得真箇分離地角。天涯我隨君去，掘井爲盟，無改移。君須是做些兒相度，莫待臨時。

惜餘歡 詞

四時美景，正年少賞心，頻啓東閣。芳酒載盈車，喜朋侶簪合杯觴。交飛勸酬獻，正酣飲醉主公。陳榻坐來爭奈，玉山未頽，興尋巫峽。歌闌旋燒絳蠟，況漏轉銅壺，煙斷香鴨。猶整醉中花，僂纖手重插。相將扶上金鞍，驤裏碾春焙，願少延。

歡洽未須歸去重尋艷歌更留時霎

水龍吟

點守曹伯達
侯備生日

早秋明月新圓漢家戚里生飛將青驄寶勒綠
沉金鎖曾隨天仗種德江南宣威西夏合宮陪
享況當年定計昭陵與子勲勞在諸公上千
騎風流年少暫淹留莫孤清賞平坡駐馬虛弦
落雁思臨虜帳遍舞摩圍遞歌彭水拂雲驚浪
看朱顏綠鬢封侯萬里寫凌煙像

山谷詞

汲古閣

看花迴

茶詞

夜永蘭堂燠飲半倚願玉爛熳墜鈿墮履是醉
時風景花暗燭殘歡意未闌舞燕歌珠成斷續
催茗飲旋煑寒泉露井瓶寶響飛灩纖指緩
連環動觸漸泛起滿甌銀粟香引春風在手似
粵嶺聞溪初采盈掬暗想當時探春連雲尋簞
竹怎歸得鬢將老付與盃中綠

念奴嬌

八月十八日同諸生步自永安城樓過張寬夫園待月偶有名酒因

以金荷酌衆客客有孫彥立善吹
笛援筆作樂府長短句文不加點

斷虹霽雨淨秋空山染修眉新綠桂影扶疎誰
便道今夕清輝不足萬里青天常娥何處駕此
一輪玉寒光零亂爲誰偏照醺醺年少隨我
追涼晚尋幽徑遶張園森木醉倒金荷家萬里
難得罇前相屬老子平生江南江北最愛臨風
笛孫郎微笑坐來聲噴霜竹

晝夜樂

山谷詞

汲古閣

夜淡記得臨歧語說花時歸來去教人每日思
量到處與誰分付其奈冤家無定據約雲朝又
還雨算將淚入鴛衾總不成行步元來也解
知思慮一封書淡相許情知玉帳堪歡爲向金
門進取直待腰金拖紫後有夫人縣君相與爭
奈會分疎沒嫌伊門路

逍遙樂

春意漸歸芳艸故國佳人千里信沉音杳雨潤

煙光晚景澄明極目危欄斜照夢當年少對樽
前上客鄒枚小鬟燕趙共舞雪歌塵醉裏談笑
花色枝枝爭好鬢絲年年漸老如今遇風景
空瘦損向誰道東君幸賜與天幕翠遮紅遶休
休醉鄉岐路華胥蓬島

雨中花慢

送彭文思使君

政樂中和夷夏宴喜官梅乍傳消息待新年歡
計斷送春色桃李成陰甘棠少訟又移旌戟念

山谷詞

汲古閣

畫樓朱閣風流高會頓冷談席西州縱有舞
裙歌板誰共茗邀棋敵歸來未先霑離袖管絃
催滴樂事賞心易散良辰美景難得會須醉倒
玉山扶起更傾春碧

醉蓬萊

對朝雲鬢黷算雨霏微翠峯相倚巫峽高唐鎖
楚宮佳麗畫戟移春靚粧迎馬向一川都會萬
里投荒一身弔影成何歡意盡道黔南去天

尺五望極神州萬重煙水樽酒公堂有中朝佳
士荔頰紅淡麝臍香滿醉舞裊歌袂杜宇催人
聲聲到曉不如歸是

又

竄易前詞

對朝雲鬢黷算雨霏微翠峯相倚巫峽高唐鎖
楚宮佳麗蘸水朱門半空霜戟自一川都會虜
酒千杯夷歌百轉迫人垂淚人道黔南去天
尺五望極神州萬重煙水懸榻相迎有風流千

山谷詞

五

汲古閣

騎荔臉紅淡麝臍香滿醉舞裊歌袂杜宇催人
聲聲到曉不如歸是

滿庭芳

冰茶。或刻蘇子瞻。舊刻六首。致北苑春風是秦少游作刪去。

北苑龍團江南鷹爪萬里名動京關碾輕羅細
瓊藥暎生煙一種風流氣味如甘露不染塵凡
纖纖捧水甃瑩玉金縷鵲斑相如方病酒
銀瓶蟹眼波怒濤翻爲扶起罇前醉玉頰山飲
罷風生兩腋醒魂到明月輪邊歸來晚文君未

寢相對小窗前

又雪中戲呈友人。
或刻惜香樂府

風力驅寒雲容呈瑞曉來到處花飛徧裝璜樹
春意到南枝便是漁簑舊画綸竿重橫玉低垂
今宵裏香閣邃館幽賞事偏宜風流金馬客
歌鬟醉擁馬帽斜欹問人間何處鵬運天池且
共周郎按曲音微誤首已先回同心事丹山路
穩長伴綵鸞歸

山谷詞

六

汲古閣

又

明眼空青忘憂萱艸翠玉閒淡梳粧小來歌舞
長是倚風光我已逍遙物外人寃道別有思量
難忘處良辰美景襟袖有餘香鴛鴦頭白早
多情易感紅蓼池塘又須得樽前席上成雙豈
子風流罪過都說與明月空牀難拘管朝雲暮
雨分付楚襄王

又

初綰雲鬟才勝羅綺便嫌柳巷花街占春才子
容易託行媒其奈風流債負煙花部不免差排
劉郎恨桃花片片流水惹塵埃風流賢太守
能籠翠羽宜醉金釵且留取垂楊掩映廳堦直
待朱幡去後從伊便窄襪弓鞋知恩否朝雲暮
雨還向夢中來

又

山谷詞

七

汲古閣

脩水濃青新條淡綠翠光交映虛亭錦鴛霜鷺
荷徑拾幽蘋香渡欄干屈曲紅粧映薄綺疎櫺
風清夜橫塘月滿水淨見移星堪聽微雨過
嬾嫋藻行瑣碎浮萍便移轉胡牀湘簾方屏練
靄鱗雲旋滿聲不斷簷響風鈴重開宴瑤池雪
沁山露佛頭青

水調歌頭

瑤艸一何碧春入武陵溪溪上桃花無數枝上
有黃鸝我欲穿花尋路直入白雲深處浩氣展

虹蜺祇恐花深裏紅霧溼人衣 坐玉石倚玉
枕拂金徽謫仙何處無人伴我白螺盃我爲靈
芝仙艸不爲絳唇丹臉長嘯亦何爲醉舞下山
去明月逐人歸

又

落日塞垣路風勁憂貂裘翩翩數騎閒獵溪入
黑山頭極目平沙千里唯見瑯弓白羽鐵面駿
驂驪隱隱望青冢特地起閒愁 漢天子方鼎

山谷詞

汲古閣

盛四百州玉顏皓齒溪鎖三十六宮秋堂有經
綸賢相邊有縱橫謀將不減翠蛾羞戎虜和樂
也聖主永無憂

促拍滿路花

往時有人書此詞於州東酒肆壁間受其詞不能歌也一

十年前有醉道士歌於廣陵市中群小兒隨歌得之乃知其爲促拍滿路花也俗子口傳加減語致敗其好處山谷老人爲錄舊文以告漢於義味者

秋風吹渭水落葉滿長安黃塵車馬道獨清閒
自然爐鼎虎繞與龍盤九轉丹砂就琴心三疊

藥宮看舞胎仙任萬釘寶帶貂蟬富貴欲薰天
黃梁炊未熟夢驚殘是非海裏直道作人難袖
手江南去白蘋紅蓼又尋湓浦廬山

洞仙歌

瀘守王補之生日

月中丹桂自風霜難老閱盡人間盛衰艸望中
秋纔有幾日十分圓霾風雨雲表常如永晝
不得文章力白首防秋誰念雲中上功守正注
意得人雄靜掃河西應難指五湖歸棹問持節

山谷詞

九

汲古閣

馮唐幾時來看再策勲名印窠如斗

驀山溪

山圍江草天鏡開晴絮斜影過梨花照文星老
人星聚清樽一笑歡甚却成愁別時襟餘點點
疑是高唐雨 無人知處夢裏雲歸路回雁曉
風清雁不來啼鴉無數心情老嬾尤物解宜人
春盡也有南風好便迴帆去

又 贈衡陽妓陳湘

鴛鴦翡翠小小思珍偶眉黛斂秋波儘湖南山
明水秀傳傳懷懷恰近十三餘春未透花枝瘦
政是愁時候尋芳載酒肯落誰人後只恐晚
歸來綠成陰青梅如豆心期得處每自不隨人
長亭柳君知否千里猶回首

又
至宜州作
寄贈陳湘

稠花亂蕊一作葉到處撩人醉林下有孤芳不怨
忽成蹊桃李今年風雨莫送斷腸紅斜枝倚風

山谷詞
十
汲古閣

塵裏不帶塵風氣微嗔又喜約略知春味江
上一帆愁夢猶尋歌梁舞地如今對酒不似那
回時書謾一作罷寫夢來空只有相思是

又

山明水秀盡屬詩人道應是五陵兒見衰翁孤
吟絕倒一觴一詠瀟灑寄高閒松月下竹風間
試想爲襟抱玉關遙指萬里天衢香筆陣掃
秋風瀉珠璣琅琅皎皎臥龍智略三詔佐昇平

煙塞事玉堂心頻把菱花照

望遠行

勾射有所野爲太守所猜兼此生
有所愛住馬湖馬湖出丁香核荔

技常以遺生
故戲及之

自見來處過却好時好日這訑尿粘膩得處煞
是律據眼前言定也有十分七八冤我無心除
告佛管人閒底且放我快活得便索豈別茶
祇待又怎不遇儂花映月且與一班半點只怕
你没丁香核

山谷詞
十一
汲古閣

憶帝京

銀燭生花如紅豆占好事如今有人醉曲屏淡
僭寶瑟輕招手一陣白蘋風故滅燭教相就
花帶雨水肌香透恨啼鳥輓轡聲曉柳岸微涼
吹殘酒斷腸人依舊鏡中銷瘦恐那人知後鎮
把你來憐憖

又
贈彈琵琶妓

薄粧小靨閒情素抱著琵琶凝眸慢撚復輕攏

切切如私語轉撥割朱絃一段驚沙去 萬里
嫁烏孫公主對易水明妃不渡粉淚行行紅顏
片片指下花落狂風雨偕問本師誰歛撥當胸
住

又黔州張
佾生日

鳴鳩乳燕春閒暇化作綠陰槐夏壽竿舞紅裳
睡鴨飄香麝醉此洛陽人佐郡淡儒雅 況坐

上玉麟金馬更莫問鶯老花謝萬里相依千金

山谷詞

十二

汲古閣

爲壽未厭玉燭傳清夜不醉欲言歸笑殺高陽
社

撼庭竹

辛太和日吉
州城外作

嗚咽南樓吹落梅聞鴉樹驚飛夢中相見不多
時隔城今夜也應知坐久水空碧山月影沈西
買箇宅兒住著伊剛不肯相隨如今却被天
嗔你永落雞群受雞欺空恁惡憐伊風日損花
枝

下水船

總領神仙侶齊到青雲岐路丹禁風微咫尺諦
聞天語盡榮遇看卽如龍變化一擲靈梭風雨
眞遊處上苑尋春去芳艸芊芊迎步幾曲笙
歌櫻桃艷裏歡聚瑤觴舉回祝堯齡萬萬端的
君恩難負

歸田樂引

暮雨濛濛砌漏漸移轉添寂寞點點心如碎怨

山谷詞

十一

汲古閣

你又戀你恨你惜你畢竟教人怎生是 前歡
算未已奈向如今愁無計爲伊聰俊銷得人憔悴
這裏誚睡裏誚睡裏夢裏心裏一向無言但
垂淚

又

對景還銷瘦被箇人把人調戲我也心兒有憶
我又喚我見我嗔我天甚教人怎生受 看承
幸厮勾又是樽前眉峯皺是人驚怪冤我忒攔

就拚了又捨了一定是這回休了及至相逢又
依舊

離亭燕

次韻俞黎功略見寄

十載樽前談笑天祿故人年少可是陸沉英俊
地看卽鎖窗批詔此處忽相逢潦倒禿翁同調
西顧郎官湖渺事看庾樓人小短艇絕江空
悵望寄得詩來高妙夢去倚君傍胡蝶歸來清
曉

山谷詞

汲古閣

千秋歲

少游得謫嘗夢中作詞云醉臥古藤陰下了不知南北竟以元符庚

辰死於藤州光華亭上崇寧甲申庭堅

竄宜州道過衡陽覽其遺墨始追和其千秋歲詞

苑邊花外記得同朝退飛騎軋鳴珂碎齊歌雲
繞扇趙舞風回帶嚴鼓斷杯盤狼籍猶相對
灑淚誰能會醉臥藤陰蓋人已去詞空在兔園
高宴悄虎觀英遊改重感慨波濤萬頃珠沈海
又

世間好事恰恁厮當對昨夜永涼天氣雨稀簾

外滴香篆盤中字長入夢如今見也分明是

歡極嬌無力玉軟花欹墜釵骨袖雲堆臂燈斜

明媚膏汗浹膏騰醉奴奴睡奴奴睡也奴奴睡

江城子

別憶

畫堂高會酒闌珊倚欄干霎時間千里關山常
恨見伊難及至而今相見了依舊似隔關山
倩人傳語問平安省愁煩淚休彈哭損眼兒不

山谷詞

十五

汲古閣

似舊時單尋得石榴雙葉子憑寄與插雲鬢

又

新來曾被眼奚搐不甘伏怎拘束似夢還真煩
亂損心曲見面暫時還不見看不足惜不足
不成歡笑不成哭戲人目遠山蹙有分看伊無
分共伊宿一貫一文蹺十貫千不足萬不足

兩同心

巧笑睂顰行步精神隱隱似朝雲行雨弓弓樣

羅幃生塵樽前見玉檻彫籠堪愛難親 自言
家住天津生小從人恐舞罷隨風飛去顧阿母
教穿珠裙從今去唯願銀釭莫照離罇

又

一笑千金越樣情淡曾共結合歡羅帶終願効
比翼紋禽許多時靈利惺惺驀地昏沉 自從
官不容針直至而今你笑人女邊著子爭知我
門裏挑心記攜手小院回廊月影花陰

山谷詞

十六

汲古閣

又

秋水遙岑粧淡情淡儘道教心堅穿石更說甚
官不容針霎時間雨散雲歸無處追尋 小樓
朱閣沉沉一笑千金你笑人女邊著子爭知我
門裏挑心最難忘小院回廊月影花陰

少年心

對景惹起愁悶染相思病成方寸是阿誰先有
意阿誰薄倖斗頓恁少喜多嗔 合下休傳音

問你有我我無你分似合歡桃核真堪人恨心
兒裏有兩箇人人

又添字

心裏人人暫不見霎時難過天生你要憔悴我
把心頭從前鬼著手摩挲抖擻了百病銷磨
見說那厮脾鬻熱大不成我便與拆破待來時
隔上與厮歡則箇溫存著且教推磨

青玉案

至宜州次韻
上酬七兄

山谷詞

十七

汲古閣

煙中一線來時路極目送歸鴻去第四陽關雲
不度山胡新轉子規言語正在人愁處 憂能
損性休朝算憶我當年醉時句 舊詩云我自只
如常日醉滿川
風月替人愁 渡水穿雲心已許暮年光景小軒南浦
同捲西山雨

又寅菴解萍實
宰作今附此

行人欲上來時路破曉霧輕寒去隔葉子規聲
暗度十分酒滿舞裯歌袖沾夜無尋處 故人

近送旌旗暮但聽陽關第三句欲斷離腸餘幾
許滿天星月看人憔悴燭淚垂如雨

喝火令

見晚情如舊交疎分已淡舞時歌處動人心煙
水數年魂夢無處可追尋昨夜燈前見重題
漢上襟便愁雲雨又難尋曉也星稀曉也月西
沈曉也雁行低度不會寄芳音

品令

送黔守曹
伯達僕備

山谷詞

十八

汲古閣

敗葉霜天曉漸鼓吹催行棹栽成桃李未開便
解銀章歸去取麒麟圖畫要及年少勸君醉
倒別語怎醒時道楚山千里暮雲鎖鎖離人懷
抱記取江州司馬座中最老

又

茶詞

鳳舞團團餅恨分破教孤令金渠體淨隻輪慢
碾玉塵光瑩湯響松風早減了二分酒病味
濃香永醉鄉路成佳境恰如燈下故人萬里歸

來對影口不能言心下快活自省

漁家傲

予嘗戲作詩云大葫蘆挈小葫蘆
惱亂檀那得便沽每到夜深人靜

後小葫蘆入大葫蘆又云大葫蘆乾枯
小葫蘆行沽一往金僊宅一往黃公壚
有此通大道無此令人老不問惡與好
兩葫蘆俱倒或請以此意倚聲律作詞
使人歌之爲
作漁家傲

踏破艸鞋參到老等閒拾得衣中寶遇酒逢花
須一笑重年少俗人不用嗔貧道是處青旗
誇酒好醉鄉路上多芳艸提著葫蘆行未到風

山谷詞

十九

汲古閣

落帽葫蘆却纏葫蘆倒

又

江寧江口阻風戲劾寶寧勇禪師作古
漁家傲王環中云廬山中人頗欲得之
試思索始
記四篇

萬水千山來此土本提心印傳梁武對朕者誰
渾不顧成死語江頭暗折長蘆渡面壁九年
看二祖一花五葉親分付隻履提歸慈嶺去君
知否分明忘却來時路

又

三十年來無孔竅幾回得眼還迷照一見桃花
參學了呈法要無絃琴上單于調 摘葉尋枝
虛半老拈花特地重年少今後水雲人欲曉非
玄妙靈雲合破桃花笑

又

憶筇藥山生一虎華亭船上尋人渡散却夾山
拈坐具呈見處繫驢橛上合頭語 千尺垂絲
君看取離鉤三寸無生路驀口一撓親子父猶

山谷詞

二十

汲古閣

回顧瞎驢喪我兒孫去

又

百丈峯頭開古鏡馬駒踏殺重蘇醒接得古靈
心眼淨光炯炯歸來藏在袈裟影 好箇佛堂
佛不聖祖師沉醉猶看鏡却與斬新提祖令方
猛省無聲三昧天皇餅

醜奴兒

得意許多時長醉賞月下花枝暴風急雨年年

有金籠鎖定鶯雛燕友不被雞欺 紅旆轉遶
迤悔無計千里追隨再來重綰瀘南印而今目
下栖惶怎向日永春遲

又

濟楚好得些憔悴損都是因它那回得句閒言
語傍人盡道你管又還鬼那人吵 得過口兒
嘛直勾得風了自家是卽好意也毒害你還甜
殺人了怎生申報孩兒

山谷詞

二十一

汲古閣

定風波

次高左藏
使君韻

萬里黔中一漏天屋居終日似乘船及至重陽
天也霽催醉鬼門關近蜀江前 莫笑老翁猶
氣岸君看幾人白髮上華顛戲馬臺前追兩謝
馳射風情猶拍古人肩

又

把酒花前欲問溪問溪何事晚聲悲名利往來
人盡老誰道溪聲今古有休時 且笑玉人斟

玉階休訴笙歌一曲黛眉低情似長溪長不斷
君看水聲東去月輪西

又

小院難圖雲雨期幽歡渾待賞花時到得春來
君却去相誤不須言語淚雙垂密約蹲前難
囑付偷顧手搓金橘斂雙眉庭榭清風明月媚
須記歸時莫待杏花飛

又次左
藏韻

山谷詞

二十二

汲古閣

自斷此生休問天白頭波上泛膠船老去文章
無氣味憔悴不堪驅使菊花前聞道使君攜
將吏高會叅軍吹帽晚風顛千騎插花秋色暮
歸去翠娥扶入醉時肩

又

晚歲鹽州聞荔枝赤英垂墜壓欄枝萬里來逢
芳意歇愁絕滿盤空憶去年時澗艸山花光
照座春過等閒枯李又纍纍辜負寒泉浸紅皺

銷瘦有人花病損香肌

又

准擬堦前摘荔枝今年歇盡去年枝莫是春光
厮料理無比譬如痂瘡有休時碧甃朱欄情
不淺何晚來年枝上報纍纍雨後園林坐清影
蘇醒紅裳剝盡看香肌

又

上客休辭酒淺淡素兒歌裏細聽沉粉面不須

山谷詞

二十三

汲古閣

歌扇掩閒靜一聲一字總關心花外黃鸝能
密語休訴有花能得幾時斟画作遠山臨碧水
明媚夢爲胡蝶去登臨

又

客有兩新鬟善歌者請
作送湯曲因戲前二物

歌舞關珊退晚粧主人情重更畱湯冠帽斜欹
辭醉去邀定玉人纖手自磨香又得樽前聊
笑語如許短歌宜舞小紅裳寶馬促歸朱戶閉
一云醉裏還家
家明亦未人睡夜來應恨月侵牀

河傳

有士大夫家歌秦少游瘦殺人天不管之曲以好字易瘦字戲爲之作

心情老嬾對歌對舞猶是當時眼巧笑靚粧近
我衰容華鬢似扶著賣卜算思量好箇當年
見催酒催更只怕歸期短飲散燈稀背鎖落花
淡院好殺人天不管

撥棹子

歸去來歸去來攜手舊山歸去來有人共對月
樽疊橫一琴甚處逍遙不自在閒世界無利

山谷詞

二十四

汲古閣

害何必向世間甘幻愛與君釣晚煙寒瀨蒸白
魚稻飯溪童供筍菜

蝶戀花

海角芳菲留不住筆下風生吹入青雲去仙籍
有名天賜與致君事業安排取要識世間平
坦路當使人人各有安身處黑髮便逢堯舜主
笑人白首耕南畝

步蟾宮

蟲兒眞箇惡靈利惱亂得道人眼起醉歸來恰
似出桃源但目斷落花流水不如隨我歸雲
際笑作箇住山活計照清溪勻粉面挿山花算
終勝風塵滋味

踏莎行

茶詞

畫鼓催春蠻歌走餉火前一焙爭春長低株摘
盡到高株高株別是閩溪樣碾破春風香凝
午帳銀瓶雪袞翻匙浪今宵無睡酒醒時摩圍

山谷詞

二十五

汲古閣

影在秋江上

又

臨水天桃倚牆繁李長楊風掉青驄尾樽中有
酒且酬春更尋何處無愁地明日重來落花
如綺芭蕉漸展山公啟欲將心事寄天公教人
長壽花前醉

醉落魄

舊刻五調攷蒼顏華髮是東坡作刪去○舊有一曲云醉醒醒醉憑

君會取這滋味濃斟琥珀香浮蟻一入愁腸便有陽春意須將幕席爲天地歌

前起舞花前睡從宅元元陶陶裏猶勝
醒醒惹得閒憔悴此曲亦有佳句而多
斧鑿痕又語高下不甚入律或傳是東
坡語非也與蝸角虛名解下癡條之曲
相似疑是王仲父作因戲作二篇呈吳
元祥黃中行似能厭道二公意中事

陶陶兀兀樽前是我華胥國爭名爭利休休莫

雪月風花不醉怎歸得 邯鄲一枕誰憂樂新

詩新事因閑適東山小妓攜絲竹家裏樂天村

裏謝安石 石曼卿自嘲云村裏
黃繡綽家中白侍郎

又

山谷詞

二十六

汲古閣

陶陶兀兀人生無累何由得杯中三萬六千日

悶損旁觀我但醉落托 扶頭不起還頽玉日

高春睡平生足誰門可款新篇熟安樂春泉玉

醴荔枝綠 親賢宅
四酒名

又 老夫止酒十五年矣到戎州恐惟瘴癘
所侵故晨舉一盃不相察者乃強見酌
遂能作病因復止酒用
前韻作二篇呈吳元祥

陶陶兀兀人生夢裏槐安國教公休醉公但莫

盞倒垂蓮一笑是贏得 街頭酒賤民聲樂尋

常行處逢歡適醉看簷雨森銀燭我欲憂民渠

有二千石

又

陶陶兀兀醉鄉路遠歸不得心情那似當年日

割愛金荷一盃淡不拓 異鄉薪桂炊香玉摩

挲經筭須知足明年小麥能秋熟不管經霜點

盡鬢邊綠

玉樓春

當塗解印後一日郡
中置酒呈郭功甫

山谷詞

二十七

汲古閣

凌歊臺上青青麥姑熟堂前餘翰墨暫分一印

管江山稍爲諸公分皂白 江山依舊雲空碧

昨日主人今日客誰分賓主強惺惺問取磯頭

新婦石

又 寵易
前詞

翰林本是神仙謫落帽風流傾座席坐中還有

賞音人能岸烏紗傾大白 江山依舊雲橫碧

昨日主人今日客誰分賓主強惺惺問取磯頭

新婦石

又次前韻再呈功甫

青壺乃似壺中謫萬象光輝森宴席紅塵鬧處
便休休不是箇中無皂白歌煩舞倦朱成碧
春艸池塘凌謝客共君商略老生涯歸種玉田
秧白石

又吏元鎮四十兄廷堅四十年翰墨故人
庭堅假守當塗元鎮竊不出入州縣席
上作樂府
長句勸酒

山谷詞

二十八

汲古閣

庾郎三九常安樂使有萬錢無處著徐熙小鴨
水邊花明月清風都占却朱顏老盡心如昨
萬事休休莫莫樽前見在不饒人歐舞梅歌
君更酌歐梅當時
二妓也

又用前韻贈郭功甫

少年得意從軍樂晚歲天教閒處著功名富貴
久寒灰翰墨文章新諱却是非不用分今昨
雲月孤高公也莫喜歡為地醉為鄉飲客不來

但自酌

又

風開水面魚紋皺映入芳心犀點透乍看晴日
弄柔條憶得章臺人姓柳心情老大癡成就
不復淋漓沾翠袖早梅獻笑尙窺鄰小蜜竊香
如遺壽

又

東君未試雷霆手灑雪開春春鎖透帝臺應點

山谷詞

二十九

汲古閣

萬年枝窮巷偏欺三徑柳峯排群玉森相就
中有摩圍為領袖凝香窗下與誰看一曲琵琶
千萬壽

又

新年何許春光漏小院閒門風日透酥花入座
頗欺梅雪絮因風全是柳使君落筆春詞就
應喚歌檀催舞袖得開眉處且開眉人世可能
金石壽

又

黃金捍撥春風手
簾幕重重音韻透
梅花破萼便春回
似有黃鸝鳴翠柳
曉粧未愜梅添就
玉笋捧杯離細袖
會拚千日笑樽前
它日相思空損壽

又

黔中士女遊晴晝
花信輕寒羅綺透
爭尋穿石道宜男
更買江魚雙貫柳
竹枝歌好移船就

山谷詞

三十

汲古閣

依倚風光垂翠袖
滿傾蘆酒指摩圍
相守與郎如許壽

又

可憐翡翠隨雞走
學綰雙鬟年紀小
見來行待惡憐伊
心性嬌癡空解笑
紅蕖照映霜林來
楊柳舞腰風嫋嫋
衾餘枕賸儘相容
只是老人難再少

虞美人

舊刻三調攷波聲拍枕長淮曉是子瞻作刪去○至當塗呈郭功甫

平生本愛江湖住
鷗鷺無人處
江南江北水雲連
莫笑醯雞歌舞甕中天
當塗艤棹蒹葭外
賴有賓朋在此身
無路入修門
慚愧詩翁清些與招魂

又

宜州見梅作

天涯也有江南信
梅破知春近
夜闌風細得香遲
不道曉來開遍向南枝
玉臺弄粉花應妒
飄到睂心住
平生箇裏願
盃淡去國十年老盡

山谷詞

三十一

汲古閣

少年心

南鄉子

重九日涪陵作示知命弟

落帽晚風回
又報黃花一番開
扶杖老人心未老
哈哉謾有才情付與誰
芳意正徘徊
傳語西風且慢吹
明日餘樽還共倒
重來未必秋香一夜衰

又

今年重九知命已向成都感之復次前韻

招喚欲回暫得樽
前笑口開
萬水千山還麼

去悠哉酒向黃花欲醉誰 顧影且徘徊立到
斜風細雨吹見我未衰容易去還來不道年年
卽漸衰

又

朱報買船回三徑荒鋤菊臥開想得鄰舟野笛
罷沾衣不爲涪翁更爲誰 風力嫋更枝酒面
紅鱗愜細吹莫笑插花和事老摧顏却向人間
耐盛衰

山谷詞

三十二

汲古閣

又

黃菊滿東籬與客攜壺上翠微已是有花兼有
酒良期不用登臨上落暉 滿酌不須辭莫待
無花空折枝寂寞酒醒人散後堪悲節去蜂愁
蝶不知

又

重陽日寄懷永康彭
道微使君用東坡韻

臥稻雨餘收處處遊人簇遠洲白髮又換紅袖
醉戎州亂摘黃花插滿頭 青眼想風流画出

西樓一燈秋却憶去年歡意舞梁州塞雁西來
特地愁

又 重陽日宣州城
樓宴集仰席作

諸將說封侯短笛長歌獨倚樓萬事盡隨風雨
去休休戲馬臺南金絡頭 催酒莫遲留酒味
今秋似去秋花向老人頭上笑羞羞白髮簪花
不解愁

鵲橋仙 次東坡
七夕韻

山谷詞

三十三

汲古閣

八年不見清都絳闕望銀漢溶溶樣樣 銀一年
作河年
年牛女恨風波算此事人間天上 野麋豐艸
江鷗遠水老夫唯便疎放百錢端往問君平早
晚具歸田小舫

又 席上賦
七夕詞

朱樓彩舫浮瓜沉李報禽春風有幾年樽酒
暫時同別淚作人間曉雨 鴛鴦機綜能令儂
巧也待乘槎仙去若逢海上白頭翁共一訪癡

牛駿女

鷓鴣天

或刻蘇子瞻但山邊白鳥作山前白鷺如今更有作于今尚有底事

作欲避○玄真子詠漁父云西塞山邊白鷺飛桃花流水鱖魚肥青箬笠綠蓑衣斜風細雨不須歸東坡嘗以浣溪沙歌之矣表弟季如篋云以鷓鴣天歌之更叶音律但少數句耳因以玄真子遺事足之憲宗時畫玄真子像訪之江湖不可得因令集其歌詩上之玄真之兄松齡懼玄真放浪而不返也和舍其漁父云樂在風波釣是閑州堂松桂已勝攀太湖洞庭山狂風浪起且須還此余續成之意也

山谷詞

三十四

汲古閣

西塞山邊白鳥飛桃花流水鱖魚肥朝廷尚覓玄真子何處如今更有詩 青箬笠綠蓑衣斜風細雨不須歸人間底事風波險一日風波十

二時

又重九日

塞雁初來秋影寒霜林風過葉聲乾龍山落帽千年事我對西風猶整冠 蘭委佩菊堪餐人情時事半悲歡但將酩酊酬佳節更把茱萸仔

細看

又 坐中有眉山隱客史應之和前韻即席會之

黃菊枝頭生曉寒人生莫放酒杯乾風前橫笛斜吹雨醉裏簪花倒著冠 身健在且加餐舞裙歌板盡情歡黃花白髮相牽挽付與傷人冷眼看

又 明日獨酌自嘲呈史應之

萬事令人心骨寒故人墳上土新乾淫坊酒肆

山谷詞

三十五

汲古閣

閒居士李下何妨也整冠 金作鼎玉爲食老來亦失少時歡茱萸菊蕊年年事十日還將九日看

又

紫菊黃花風露寒平沙戲馬雨聲乾且看欲盡花經眼依說彈冠與整冠 甘酒病廢朝食何人得似醉中歡十年一覺楊州夢爲報時人洗眼看

又

節去蜂愁蝶不知曉庭環繞折殘枝自然今日
人心別未必秋香一夜衰 無閒事即芳期菊
花須插滿頭歸宜將酩酊酬佳節不用登臨送
落暉

又

聞說君家有翠蛾施朱施粉總嫌多背人語處
藏珠履覷得羞時整玉梭 拖遠岫壓橫波何

山谷詞

三十六

汲古閣

時傳酒更傳歌爲君寫就黃庭了不要山陰道

士鵝

又 吉祥長老設長松湯爲作有僧病痴癩
嘗死金剛窟有人見者教服長松湯遂

復爲
完人

湯泛冰簷一坐春長松林下得靈根吉祥老子
親拈出箇箇教成百歲人 燈焰焰酒醺醺壑
源曾未破醒魂與君更把長生盃略爲清歌駐
白雲

鼓笛令 戲詠
打揚

酒闌命友閒爲戲打揭兒非常愜意各自輸贏
只賭是賞罰采分明須記 小五出來無事却
跋翻和九底若要十一花下死那管十三不如
十二

又

寶犀未解心先透惱殺人遠山微皺意淡言疎
情最厚枉教作著行官柳 小雨勒花時候抱

山谷詞

三十七

汲古閣

琵琶爲誰清瘦翡翠金籠思珍偶忽拚與山鷄

憊憊

又

見來兩兩寧寧地眼厮打過如拳踢恰得嘗些
香甜底苦殺人遭誰調戲 臘月望州坡上地
凍著你影蹉村鬼你但那些一處睡燒沙糖管
好滋味

又

見來便覺情於我，厮守著新來好過人。道他家
有婆婆與一口管教尿磨。副靖傳語木大鼓
兒裏且打一和，更有些兒得處囉燒沙糖香藥
添和。

浪淘沙

荔枝

憶昔謫巴蠻，荔子親攀。冰肌照映柘枝冠。日擘
輕紅三百顆，一味甘寒。重入鬼門關，也似人
間一雙和葉，挿雲鬟。賴得清湘燕玉面，同倚闌

山谷詞

三十八

汲古閣

干

留春令

江南一雁橫秋水，嘆咫尺、消息難通。想
字縱橫欲寄遠，憑誰是。謝客池塘春都未微
微動，短牆桃李半陰纔暝。却清寒是瘦損人天
氣。

南歌子

槐綠低窗暗，榴紅照眼明。玉人邀我少留行，無

奈一帆煙雨，画船輕。柳葉隨歌，皺梨花與淚
傾。別時不似見時情。今夜月明江上，酒初醒。

又

詩有淵明語，歌無子夜聲。論文思見老彌明，坐
想羅浮山下，羽衣輕。何處黔中郡，遙知隔晚
晴。雨餘風急斷虹橫，應夢池塘春艸，若爲情。

又

東坡過楚州見淨慈法師作南
歌子用其韻贈郭詩翁二首

郭大曾名我劉翁，復是誰人，塵能作和鐸。惟特

山谷詞

三十九

汲古閣

地干戈相待，使人疑。秋浦橫波，眼春窗遠岫
睂。普陀巖畔夕陽遲，何似金沙灘上放憨時。

又

萬里滄江月，清波說向誰。項門須更下金椎，只
恐風驚艸動，又生疑。金雁斜粧，頰青螺淺画
眉。庖丁有底下刀遲，直要人牛無際是休時。

望江東

江水西頭隔煙樹，望不見江東路。思量只有夢

來去更不怕江關住 燈前寫了書無數算沒箇人傳與直饒尋得雁分付又還是秋將算

一落索

誰道秋來煙景素任遊人不顧一番時態一番新到得意皆歡慕 紫萸黃菊繁華處對風庭月露愁來即便去尋芳更作甚悲秋賦

西江月

老夫既戒酒不飲遇宴集獨醒其倚坐客欲得小詞援筆爲賦

斷送一生唯有破除萬事無過遠山微影蘸橫

山谷詞

四十

汲古閣

波不飲傷人笑我 花病等閒瘦惡春來沒箇遮關杯行到手莫留殘不道月明人散

又

同

龍焙頭綱春早谷簾第一泉香已醺浮蟻嫩鵝黃想見翻匙雪浪 兔褐金絲寶盃松風蟹眼新湯無因更發次公狂甘露來從仙掌

又

崇寧甲申遇惠洪上人於湘中洪作長短句見贈云大厦吞風吐月小舟坐水眠空霧窗春色翠如蔥睡起雲濤正擁往事回頭笑處此生彈指聲中玉牋佳

句敏鶯鴻聞道衡陽價重大韻酬之時余方謫宜陽而洪歸分寧龍安

月側金盆墮水雁回醉墨書空君詩秀色雨園蔥想見衲衣寒擁 蟻穴夢魂人世楊花蹤跡風中莫將社燕等秋鴻處處春山翠重

又

別夢已隨流水淚巾猶裏香泉相如依舊是癯仙人在瑤臺閬苑 花霧縈風縹緲歌珠滴水清圓娥眉新作十分妍去馬歸來便面

山谷詞

四十一

汲古閣

又

宋玉短牆東畔桃源落日西斜濃粧下著繡簾遮鼓笛相催清夜 轉眄驚翻長袖低徊細踏紅靴舞餘猶顫滿頭花嬌學男兒拜謝

桃源憶故人

碧天露洗春容淨淡月曉收殘暈花上密煙飄盡花底鶯聲嫩 雲歸楚峽厭厭困雨點遙山新恨和淚暗彈紅粉生怕人來問

畫堂春

舊刻二調及東風吹柳
日初長是淮海作刪去

摩圍小隱枕蠻江
蛛絲閒鎖晴窗水
風山影上
修廊不到晚來涼
相伴蝶穿花徑獨飛鷗舞
溪光不因送客下
繩牀添火炷爐香

賀聖朝

脫霜披茜初登第
名高得意櫻桃榮
宴玉墀遊
領群仙行綴
佳人何事輕相戲
道得之何濟
君家聲譽古無雙
且均平居二

山谷詞

汲古閣

阮郎歸

曾夢文既巧陳湘歌舞便出其類
學書亦進來求小楷作阮郎歸詞

盈盈嬌女似羅敷
湘江明月珠起來
綰髻又重梳
弄粧仍學書
歌調態舞工夫
湖南都不如
它年未厭白髭鬚
同舟歸五湖

又

幼適唐獨木
橋體作茶詞

烹茶留客駐彫鞍
有人愁遠山
別郎容易見郎難
月斜窗外山
歸去後憶前歡
画屏金博山

一盃春露莫留殘
與郎扶玉山

又茶

歌停檀板舞停鸞
高陽飲興闌
獸煙噴盡玉壺乾
香分小鳳團
雪浪淺露花圓
捧甌春笋寒
絳紗籠下躍金鞍
歸時人倚闌

又茶

摘山初製小龍團
色和香味全
碾聲初斷夜將闌
烹時鶴避煙
消滯思解塵煩
金甌雪浪翻

山谷詞

四十三

汲古閣

只愁啜罷水流天
餘清攪夜眠

又茶

黔中桃李可尋芳
摘茶人自忙
月團犀勝團圓
方研膏入焙香
青箬裹絳紗囊
品高聞外江
酒闌傳盃舞紅裳
都濡春味長

又

退紅衫子亂蜂兒
衣寬只爲伊
爲伊去得忒多時
教人直是疑
長睡晚理粧遲
愁多嬾画眉

夜來筭得有歸期燈花則甚知

又

貧家春到也騷騷瓊漿注小槽老夫不出長蓬蒿
隣牆開碧桃木芍藥品題高一枝煩剪刀
傳杯猶似少年豪醉紅侵雪毛

更漏子

詠餘甘湯

菴摩勒西土果霜後明珠顆顆憑玉兔搗香塵
稱為席上珍號餘甘無奈苦臨上馬時分付

山谷詞

四十四

汲古閣

管回味却思量忠言君但嘗

又

體妖嬈鬟婀娜玉甲銀箏照座危柱促曲聲殘
王孫帶笑看休休休莫莫愁撥箇絲中索
了了玄玄山僧無盤禪

清平樂

黃花當戶已覺秋容暮雲夢南川逢笑語心在
歌邊舞處使君一笑眉開新晴照酒樽來且

樂樽前見在休思走馬章臺

又

休推小戶看即風光莫更糝菊英浮盃醕親賢宅酒
名報畬風光有處幾回笑口能開少年不肯
重來偕問牛山繫馬今為誰姓池臺

又

舞鬟娟好白髮黃花帽醉任傍觀嘲潦倒扶老
偏宜年小舞回臉玉胸酥纏頭一斛明珠日

山谷詞

四十五

汲古閣

日梁州薄媚年年金菊茱萸

又

乍晴秋好黃菊歛烏帽不見清溪人絕倒更憶
添丁小小蜀娘謾點花酥酒槽空滴真珠兄
第四人別住它年同插茱萸

又

春歸何處寂寞無行路若有人知春去處喚取
歸來同住春無蹤跡誰知除非問取黃鸝百

轉無人能解因風吹過薔薇

又

水堂酒好只恨銀杯小新作金荷工獻巧圖要

連臺拗倒

唐龍朔中子母相去連臺拗倒俗謂杯盤爲子母又盤爲臺

採

蓮一曲清歌急檀催卷金荷醉裏香飄睡鴨更

驚羅襪凌波

好事近

湯詞

歌罷酒闌時瀟灑座中風色主禮到君須盡奈

山谷詞

四十六

汲古閣

賓朋南北暫時分散總尋常難堪久離拆不

似建溪春艸解留連佳客

又

太平州小妓楊妹彈大瑟詞

一弄醒心絃情在兩山斜疊彈到古人愁處有

真珠承睫使君來去本無心休淚界紅頰自

恨老來憎酒負十分金葉

又

不見片時霎魂夢鎮相隨著因甚近新無據誤

竊香淡約思量模樣忔憎兒惡又怎生惡終

待笑伊相見與伴伴奚落

謁金門

示知命第

山又水行盡吳頭楚尾兄弟燈前家萬里相看

如夢寐君似成蹊桃李入我艸堂松桂莫厭

歲寒無氣味餘生吾已矣

好女兒

張寬夫園賞梅

小院一枝梅衝破曉寒開偶到張園遊戲沾袖

山谷詞

四十七

汲古閣

帶香回玉酒覆銀杯盡醉去猶待重來東鄰

何事驚吹怨曲雪片成堆

又

春去幾時還問桃李無言燕子歸棲風勁梨雪

亂西園唯有月嬋娟似人人難近如天願教

清影常相見更乞取團圓

又

粉淚一行行啼破曉來粧嬾擊酥眉羅帶羞見

繡鴛鴦 擬待不思量怎奈向目下恹惶假饒

來後教人見了却去何妨

減字木蘭花

登巫山縣樓作

襄王夢裏艸綠煙淡何處是朱玉臺頭暮雨朝雲幾許愁 飛花漫漫不管羈人腸欲斷春水

茫茫要渡南陵更斷腸

又

距施州二十里張仲謀遣騎相迎因送所和樂府來且約近郊相見復用前韻

山谷詞

四十八

汲古閣

史君那裏千騎塵中依約是拂我眉頭無處重

尋庾信愁 山雲瀾漫夾道旌旗聯復斷萬事

茫茫分付澄波與爛腸

又

巫山縣追懷老杜

巫山古縣老杜淹留情始見撥悶題詩千古神

交世不知 雲陽臺下更值清明風雨夜知道

愁辛果是當時作賦人

又

次韻趙文儀

詩翁才刃曾陷文場貔虎陣誰敢當哉況是焚

舟決勝來 三巴春杪客館夢回風雨曉胃次

崢嶸欲笑濤頭赤甲平

又

蒼崖萬仞下有奔雷千百陳自古危哉誰遣西

園溜麼來 猿啼雲杪破夢一聲巫峽曉苦喚

愁生不是西園作麼平

又

山谷詞

四十九

汲古閣

餘寒爭令雪共臘梅相照映昨夜東風已出耕

牛勸歲功 陰陰羃羃近覺去天無幾尺休恨

春遲桃李梢頭次第知

又

終宵忘寐好事如何猶尚未仔細沉吟珠淚盈

盈溼袖襟 與君別也願在郎心莫暫捨記取

盟言聞早回程却再圓

又

丙子仲秋奉陪黔陽曹使君伯達說月作減字木蘭花兼簡施州張使君仲謀

中秋多雨常是樽鼻狼藉去今夜雲開須道姮

娥得得一作來不知雲外還有清光同此會

笛在層樓聲徹摩圍頂上頭

又

中秋無雨醉送月嚙西嶺去笑口須開幾度中

秋見月來 前年江外兒女傳杯兄弟會此夜

登樓小謝清吟慰白頭

又

山谷詞 五十 汲古閣

濃陰驟雨巫峽有情來又去今夜天開不與姮

娥作伴來 清光無外白髮老人心自會何處

歌樓貪看水輪不轉頭

又 丙子仲秋黔守席上客有舉岑嘉州中秋詩曰今夜鄜州月閨中只獨看遙憐

小兒女未解憶長安四戲作

舉頭無語家在月明生處住擬上摩圍最上峯

頭試望之 偏憐終秀苦淡同甘誰更有想見

牽衣月到愁邊總未知

又 嚴

月中笑語萬里同依光景住天水相圍相見無

因夢見之 諸兒娟秀儒學傳家渠自有自作

秋衣漸老先寒人未知

又 用前韻示知命弟

常年夜雨頭白相依無去住兒女成圍歡笑樽

前月照之 阿連高秀千萬里來忠孝有豈謂

無衣歲晚先寒要弟知

山谷詞 五十一 汲古閣

訴衷情 舊刻四首後陳鵬舉

小桃灼灼柳鬢髮春色滿江南雨晴風暝煙淡

天氣正醺酣 山潑黛水按藍翠相攪歌樓酒

旆故故招人權典青衫

又 在戎州登臨勝景未嘗不歌漁父家風

擬金華道人作此章

一波纔動萬波隨蓑笠一鉤絲金鱗政在溪處

千尺也須垂 吞又吐信還疑上鉤遲水寒江

淨滿目青山載月明歸

又

旋揎玉指著紅靴宛宛鬬鸞訛天然自有殊態
愁黛不須多分遠岫壓橫波妙難過自欹枕
處獨倚闌時不奈顰何

採桑子

送彭道微使君
移知永康軍

荔枝灘上留千騎桃李陰繁宴寢香殘畫戟森
森鎮八蠻永康又得風流守管領江山少訟

山谷詞

五十二

汲古閣

多間煙靄樓臺舞翠鬟

又

虛堂密候叅同火梨棗枝繁溪鎖三關不要樊
姬與小蠻遙知風雨更闌夜猶夢巫山濃麗
清閒曉鏡新梳十二鬟

又

投荒萬里無歸路雪點鬢繁度鬼門關已幾
童作楚蠻黃雲苦竹啼歸去繞荔枝山蓬戶

身閒歌板誰家教小鬟

又

馬湖來舞釵初賜笳鼓聲繁賢將開關威竦西
山公詔蠻南溪地逐名賢重溪鎖群山燕喜
公閒一斛明珠兩小鬟

又

戲贈黃
中行

宗盟有技能歌舞宜醉樽曩待約新醅車上危
坡盡要推西鄰三弄爭秋月邀勒春回箇裏

山谷詞

五十三

汲古閣

聲催鐵樹枝頭花也開

又

夜來酒醒清無夢愁倚闌干露滴輕寒兩行芙
蓉淚不乾佳人別後音塵悄銷瘦難拚明月
無端已過紅樓十二間

又

櫻桃著子如紅豆不管春歸聞道開時蜂惹香
鬚蝶惹衣樓臺燈火明珠翠酒戀歌迷醉玉

東西少箇人人煖被攜

又

城南城北看桃李依倚年華楊柳藏鴉又是無
言庭落花 春風一面長含笑偷顧羞遮分付
誰家把酒花前試問他

歸田樂令

引調得甚近日心腸不戀家寧寧地思量他思
量他兩情各自肯甚忙 咱意思裏莫是賺人

山谷詞

五十四

汲古閣

吵嗽奴真箇得共人得

卜算子

要見不得見要近不得近試問得君多少憐管
不解多於恨 禁止不得淚忍管不得悶天上
人間有底愁向箇裏都諳盡

菩薩蠻

王荆公新築艸堂於半山引入功
德水作小港其上壘石作橋爲集
句云數間茅屋開臨水窄衫短帽垂楊
裏花是去年紅吹開一夜風梢梢新月
彎半醉醒來晚何物最關情
黃鸝三兩聲戲効荆公作

半煙半雨溪橋畔漁翁醉著無人喚疎嬾意何
長春風花艸香 江山如有待此意陶潛解問
我去何之君行到自知

又

淹泊平山堂寒食節固陵錄事參
軍表弟周元固惠酒爲作此詞

細腰宮外清明雨雲陽臺上煙如縷雲雨暗巫
山流人殊未還 阿誰知此意解遣雙壺至不
是白頭新周郎舊可人

雪花飛

山谷詞

五十五

汲古閣

攜手青雲路穩天聲迤邐傳呼袍笏恩章乍賜
春滿皇都 何處難忘酒瓊花照玉壺歸嫋絲
梢競醉雪舞郊衢

浣溪沙

舊刻四首攷西塞山邊白
鳥飛是蘇子瞻作刪去

飛鵲臺前暈翠蛾千金新買帝青螺最難如意
爲情多 幾處淚痕留醉袖一春愁思近橫波
遠山低盡不成歌

又

一葉扁舟捲画簾老妻學飲伴清談人傳詩句
滿江南 林下猿垂窺滌硯巖前鹿臥看收帆
杜鵑聲亂水如環

又

新婦磯頭眉黛愁女兒浦口眼波秋驚魚鰈認
月沉鉤 青箬笠前無限事綠蓑衣底一時休
斜風細雨轉船頭

點絳脣

重九日寄懷嗣直弟時再遊涪陵
用東坡餘杭九日點絳脣舊韻二

山谷詞

首

五十六

汲古閣

濁酒黃花画簾十日無秋燕夢中相見似作枯
禪觀 鏡裏朱顏又減心情半江山遠登高人
健寄語東飛雁

又

幾日無書舉頭欲問西來燕世情夢幻復作如
斯觀 自歎人生分合常相半戎雖遠念中相
見不托魚和雁

又

羅帶雙垂妙香長恁攜纖手半粧紅豆各自相
思瘦 聞道伊家終日眉兒皺不能勾淚珠輕
溜裏損揉藍袖

調笑令

井詩

海上神仙字太真昭陽殿裏稱心人猶思一
曲霓裳舞散作中原胡馬塵方士歸來說風
度梨花一枝春帶雨分釵半鈿愁殺人上皇

山谷詞

五十七

汲古閣

倚欄獨無語

無語恨如許方士歸時腸斷處梨花一枝春帶
雨半鈿分釵親付天長地久相思苦渺渺鯨波
無路

宴桃源

書趙伯充家小姬領巾○一刻淮
海集畧異○去歲連歲花柳恰恰
如今時候心緒幾曾歡贏得錢中
消瘦生受生受更被養娘催繡

天氣把人憊倦落絮遊絲時候茶鉢可曾炊鏡
中贏得銷瘦生受生受更被養娘催繡

魯直少時使酒既以喜造俄淫之句佳勇
道人減云筆墨勸淫應墮犁舌地獄曾
直答曰室中謔耳晚年未亦間作小詞佳
佳借題接唱指示後人以効寶寧勇禪師
漁家傲幾闕豈其與桃李團扇開妖艷邪
古虞毛晉記

山谷詞

五十八

汲古閣

山谷詞終

淮海詞

目錄

憶仙姿 七調

昭君怨 一調

調笑令 十調

生查子 一調

點絳脣 二調

浣溪沙 五調

採桑子 一調

菩薩蠻 二調

減字木蘭花 一調

好事近 一調

阮郎歸 五調

畫堂春 二調

淮海詞目

海棠春 一調

一落索 一調

虞美人影 二調

迎春樂 一調

南歌子 三調

品令 二調

玉樓春 一調

鵲橋仙 一調

虞美人 三調

南鄉子 一調

踏莎行 一調

臨江仙 二調

蝶戀花 一調

河傳 二調

江城子 三調

千秋歲 一調

汲古閣

一叢花 <small>一調</small>	促拍滿路花 <small>一調</small>
滿園花 <small>一調</small>	八六子 <small>一調</small>
夢揚州 <small>一調</small>	滿庭芳 <small>六調</small>
雨中花慢 <small>一調</small>	長相思 <small>一調</small>
水龍吟 <small>一調</small>	鼓笛慢 <small>一調</small>
望海潮 <small>四調</small>	風流子 <small>一調</small>
沁園春 <small>一調</small>	醉御春 <small>一調</small>
鷓鴣天 <small>一調</small>	
淮海詞目	汲古閣
二	
淮海詞目錄 <small>終</small>	

淮海詞	宋 秦觀
憶仙姿	<small>舊刻如夢令五字今增入二闋</small>
門外鴉啼楊柳春色著人如酒睡起熨沉香玉腕不勝金斗消瘦消瘦還是褪花時候	
又	
遙夜沉沉如水風緊驛亭深閉夢破鼠窺燈霜送曉寒侵被無寐無寐門外馬嘶人起	
淮海詞	汲古閣
又	
幽夢匆匆破後妝粉亂紅霜袖遙想酒醒來無奈玉銷花瘦回首回首遶岸夕陽疎柳	
又 <small>或刻晏叔原</small>	
樓外殘陽紅滿春入柳條將半桃李不禁風回首落英無限腸斷腸斷人共楚天俱遠	
又 <small>或刻周美成</small>	
池上春歸何處滿目落花飛絮孤館悄無人夢	

斷月堤歸路無緒無緒簾外五更風雨

。又此二闕舊本逸

門外綠陰千頃兩兩黃鸝相應睡起不勝情行到碧梧金井人靜人靜風弄一枝花影

。又

鶯嘴啄花紅溜燕尾點波綠皺指冷玉笙寒吹徹小梅春透依舊依舊人與綠楊俱瘦

昭君怨

春日寓意○舊刻趙長卿

淮海詞

汲古閣

隔葉乳鴉聲軟號斷日斜陰轉楊柳小腰肢畫樓西役損風流心眼眉上新愁無限極目送雲行此時情

調笑令

漢宮選女適單于。明妃歛袂登羶車。玉容寂寞花無主。顧影徘徊泣路隅。行行漸入陰山路。目斷征鴻入雲去。獨抱琵琶恨更深。漢宮不見空回顧。

回顧漢宮路。捍撥檀槽鸞對舞。玉容寂寞花無主。顧影偷彈玉筋。未央宮殿知何處。目送征鴻南去。

右王昭君

金陵往管帝王州。樂昌主第最風流。一朝隋兵到江上。共抱淒淒去國愁。越公萬騎鳴笳鼓。劔擁玉人天上去。空攜破鏡望紅塵。千古江楓籠輦路。

淮海詞

汲古閣

楚路江楓古。樓上吹簫人在否。菱花半壁香塵汙。往日繁華何處舊。歡新愛誰為主。啼笑兩難分付。

右樂昌公主

蒲中有女號崔徽。輕似南山翡翠兒。使君當日最寵愛。坐中對客常擁持。一見裴郎心似醉。夜解羅衣與門吏。西門寺裏樂未央。樂府至今歌翡翠。

翡翠好容止。誰使庸奴輕點綴。裴郎一見心如醉。笑裏偷傳深意。羅衣深夜與門吏。暗結城西幽會。

右崔微

尚書有女名無雙。蛾眉如画學新粧。伊家仙客最明俊。舅母惟只呼王郎。尚書往日先曾許。數載睽違今復遇。聞說襄江二十年。當時未必輕相慕。

淮海詞

四

汲古閣

相慕無雙女。當日尚書先曾許。王郎明俊神仙侶。腸斷別離情苦。數年睽恨今復遇。笑指襄江歸去。

右無雙

錦城春暝花欲飛。灼灼當庭舞柘枝。相君上客河東秀。自言那得傍人知。妾願身爲梁上燕。朝朝暮暮長相見。雲收月墜海沉沉。淚滿紅綃寄腸斷。

腸斷繡簾捲。妾願身爲梁上燕。朝朝暮暮長相見。莫遣恩遷情變。紅綃粉淚知何限。萬古空傳遺怨。

右灼灼

百尺樓高燕子飛。樓上美人顰翠睂。將軍一去音容遠。只有年年舊燕歸。春風昨夜來深院。春色依然人不見。只餘明月照孤眠。回望舊恩空戀戀。

淮海詞

五

汲古閣

戀戀樓中燕。燕子樓空春日晚。將軍一去音容遠。空鎖樓中深院。春風重到人不見。十二闌干倚遍。

右灼灼

崔家有女名鸞翼。未識春光先有情。河橋兵亂依蕭寺。紅愁綠慘見張生。張生一見春情重。明月拂牆花影動。夜半紅娘擁抱來。脉脉驚魂若春夢。

春夢神仙洞。冉冉拂牆花樹動。西廂待月知誰
共。更覺玉人情重。紅娘深夜行雲送。困鞦釵橫
金鳳。

右崔鶯鶯

若耶溪邊天氣秋。採蓮女兒溪岸頭。笑隔荷
花。笑人語。煙波渺渺蕩輕舟。數聲水調紅嬌
晚。棹轉舟回笑人遠。腸斷誰家遊冶郎。盡日
踟躕臨柳岸。

淮海詞

六

汲市閣

柳岸水清淺。笑折荷花呼女伴。盈盈日照新妝
面。水調空傳幽怨。扁舟日暮笑聲遠。對此令人
腸斷。

右採蓮

鑒湖樓閣與雲齊。樓上女兒名阿溪。十五能
爲綺麗句。平生未解出幽閨。謝郎巧思詩裁
剪。能使佳人動幽怨。瓊枝璧月結芳期。斗帳
雙雙成眷戀。

眷戀西湖岸。湖面樓臺侵雲漢。阿溪本是飛瓊
伴。風月朱扉斜掩。謝郎巧思詩裁剪。能動芳懷
幽怨。

右煙中怨

深閨女兒嬌復癡。春愁春恨那復知。舅兄唯
有相拘意。暗想花心臨別時。離舟欲解春江
暮。冉冉香魂逐君去。重來兩身復一身。夢覺
春風話心素。

淮海詞

七

汲市閣

心素與誰語。始信別離情最苦。蘭舟欲解春江
暮。精爽隨君歸去。異時攜手重來處。夢覺春風
庭戶。

右離魂記

生查子

時刻
不載

眉黛遠山長。新柳開青眼。樓閣斷霞明。羅幕春
寒淺。玉嫌玉漏遲。燭厭金刀剪。月色忽飛來。
花影和簾捲。

。點絳脣桃源○或刻蘇子瞻

醉漾輕舟。信流引到花深處。塵緣相誤。無計花間住。煙水茫茫回首斜陽暮。山無數。亂紅如雨。不記來時路。

又

月轉烏啼。畫堂宮徵生離恨。美人愁悶。不管羅衣褪。清淚斑斑揮斷柔腸寸。嗔人問。背燈偷搵拭。盡殘粧粉。

淮海詞

汲古閣

。浣溪沙

此首或刻歐陽永叔

漠漠輕寒上小樓。曉陰無賴似窮秋。澹煙流水畫屏幽。自在飛花輕似夢。無邊絲雨細如愁。寶簾閒掛小銀鈎。

又

亦刻歐陽永叔

香靨凝羞一笑開。柳腰如醉暖相挨。日長人困下樓臺。照水有情聊整鬢。倚闌無緒更兜鞋。眼邊牽恨嬾歸來。

又

霜縞同心翠黛連。紅綃四角綴金錢。惱人香麝是龍涎。枕上忽收疑是夢。燈前重看不成眠。又還一段惡姻緣。

又

脚上鞦兒四寸羅。唇邊朱粉一櫻多。見人無語但回波。料得有心憐宋玉。只應無奈楚襄何。今生有分共伊麼。

淮海詞

九

汲古閣

又

或刻張子野

錦帳重重捲暮霞。屏風曲曲闌紅牙。恨人何事苦離家。枕上夢魂飛不去。覺來紅日又西斜。滿庭芳草襯殘花。

。採桑子

元刻醜奴兒

夜來酒醒清無夢。愁倚闌干。露滴輕寒。雨打芙蓉淚不乾。佳人別後音塵悄。瘦盡難拚。明月無端。已過紅樓十二間。

菩薩蠻

蟲聲泣露驚秋枕。羅幃淚溼鴛鴦錦。獨臥玉肌涼。殘更與恨長。陰風翻翠幔。雨澀燈花暗。畢竟不成眠。鴉啼金井寒。

又時刻不載

金風簌簌驚黃葉。高樓影轉銀蟾匝。夢斷繡簾垂。月明烏鵲飛。新愁知幾無。欲似柳千絲。雁已不堪聞砧聲。何處村。

淮海詞

汲古閣

減字木蘭花

天涯舊恨。獨自淒涼人不問。欲見回腸。斷盡金爐小篆香。黛蛾長歛。任是東風吹不轉。困倚危樓。過盡飛鴻字字愁。

好事近

夢中

春路雨添花。花動一山春色。行到小溪深處。有黃鸝千百。飛雲當面化龍蛇。天矯轉空碧。醉臥古藤陰下。了不知南北。

阮郎歸

褪花新綠漸圓枝。撲人風絮飛。秋千未拆水平堤。落紅成地衣。遊蝶困。乳鶯啼。怨春春怎知。日長早被酒禁持。那堪更別離。

又

宮腰裊裊翠鬟鬆。夜堂深處逢。無端銀燭殞秋風。靈犀得暗通。更有限。恨無窮。星河沉曉空。隴頭流水各西東。佳期如夢中。

淮海詞

十一

汲古閣

又

瀟湘門外水平鋪。月寒征棹孤。紅粧飲罷少踟躕。有人偷向隅。揮玉筋。灑真珠。梨花春雨餘。人人盡道斷腸初。那堪腸也無。

又

湘天風雨破寒初。深深庭院虛。麗譙吹罷小單于。迢迢清夜徂。鄉夢斷。旅魂孤。崢嶸歲又除。衡陽猶有雁傳書。郴陽和雁無。

又舊刻辭桃源
另見今併入

碧天如水月如睂。城頭銀漏遲。綠波風動畫船移。嬌羞初見時。銀燭暗。翠簾垂。芳心兩自知。楚臺魂斷曉雲飛。幽歡難再期。

。 画堂春

落紅鋪徑水平池。弄晴小雨霏霏。杏園顚顚杜鵑啼。無奈春歸。柳外画樓獨上。凭闌手撚花枝。放花無語對斜暉。此恨誰知。

淮海詞

汲古閣

。 又 或刻山谷
年十六作

東風吹柳月初長。雨餘芳草斜陽。杏花零亂燕泥香。睡損紅粧。寶篆煙消龍鳳。画屏雲鎖瀟湘。夜寒微透薄羅裳。無限思量。

。 海棠春

舊刻
不載

流鶯窗外啼聲巧。睡未足把人驚覺。翠被曉寒輕。寶篆沉煙裊。宿醒未解宮娥報。道別院笙歌會早。試問海棠花。昨夜開多少。

一落索

楊花終日飛舞。奈久長難駐。海潮雖是暫時來。却有箇堪憑處。紫府碧雲爲路。好相將歸去。肯如薄倖五更風。不解與花爲主。

虞美人影

秦樓深鎖薄情種。清夜悠悠誰共。羞見枕衾鴛鳳。悶即和衣擁。無端画角嚴城動。驚破一番新夢。窗外月華霜重。聽徹梅花弄。

淮海詞

汲古閣

又 時刻
不載

碧紗影弄東風曉。一夜海棠開了。枝上數聲啼鳥。粧點知多少。妬雲恨雨腰肢裊。眉黛不堪重。薄倖不來春老。羞帶宜男草。

迎春樂

萼浦葉葉知多少。惟有箇蜂兒。妙雨晴紅粉齊開了。露一點嬌黃小。早是被曉風力暴。更春寒斜陽俱老。怎得花香深處。作箇蜂兒抱。

花香
原作

香香恐是
當時語

。南歌子 贈陶心兒

玉漏迢迢盡。銀潢淡淡橫。夢回宿酒未全醒。已
被鄰雞催起。怕天明。臂上妝猶在。襟間淚尚
盈。水邊燈火。漸人行天外。一鉤殘月帶三星。

又

愁鬢香雲墜。嬌眸水玉裁。月幷風幌爲誰開。天
外不知音耗。百般猜。玉露沾庭砌。金風動瑤

淮海詞

十四

汲古閣

灰相看有似夢初回。只恐又拋人去。幾時來。

。又

香墨彎彎。畫燕脂淡淡。勻揉藍衫子。杏黃裙。獨
倚玉闌無語。點檀唇。人去空流水。花飛半掩
門。亂山何處。覓行雲。又是一鉤新月照黃昏。

品令

幸自得一分索強教人難喫。好好地惡了十來
日。恰而今較些不。須管吸持教笑。又也何須

吃。纖纖倚賴。臉兒得人憐。放軟頑道不得。

又

掉又睺天然箇品格。於中壓一簾兒。下時把鞦
兒踢。語低低笑咭咭。每每秦樓相見。見了無
限憐。憐人前強不欲相沾。識把不定臉兒赤。

玉樓春

秋容老盡芙蓉院。草上霜花勻似剪。西樓促坐
酒盃深。風壓繡簾香不捲。玉纖慵整銀箏匣。

淮海詞

十五

汲古閣

紅袖時籠金鴨煖。歲華一任委西風。獨有春紅
畱醉臉。

鵲橋仙

纖雲弄巧。飛星傳恨。銀漢迢迢暗度。金風玉露
一相逢。便勝却人間無數。柔情似水。佳期如
夢。忍顧鵲橋歸路。兩情若是久長時。又豈在朝

朝算算。

虞美人

高城望斷塵如霧。不見聯驂處。夕陽村外小灣頭。只有柳花無數。送歸舟。瓊枝玉樹頻相見。只恨離人遠。欲將幽恨寄青樓。爭奈無情江水不西流。

。又

碧桃天上栽和露。不是凡花數。亂山深處水縈洄。可憐一枝如畫。爲誰開。輕寒細雨情何限。不道春難管。爲君沉醉又何妨。祇怕酒醒時候。

淮海詞

十六

汲古閣

斷人腸

又

行行信馬橫塘畔。煙水秋平岸。綠荷多少斜陽中。知爲阿誰凝恨。背西風。紅粧艇子來何處。蕩槳偷相顧。鴛鴦驚起不無愁。柳外一雙飛去。却回頭。

南鄉子

妙手寫徽真。水剪雙眸點絳唇。疑是笄年窺宋

玉東鄰。只露牆頭一半身。往事已酸辛。誰記當年翠黛顰。盡道有些堪恨處。無情。任是無情也動人。

。踏莎行

旅舍

霧失樓臺。月迷津渡。桃源望斷無尋處。可堪孤館閉春寒。杜鵑聲裏斜陽暮。驛寄梅花。魚傳尺素。砌成此恨無重數。郴江幸自遶郴山。爲誰流下。瀟湘去。

坡翁絕愛此詞。尾兩句自書于扇。云少游已矣。雖萬人何贖。釋天隱。

淮海詞

十七

汲古閣

註三體唐詩謂此二句實自沅湘日夜東流去。不爲愁人住。少時變化。然斯之悲。彼泉水亦流于其已。有此意。泰公益出諸此。又王直方詩話載黃山谷惜此詞。斜陽暮。意重欲易之。未得其字。今柳詞遂作斜陽暮。良惡。謂此亦何害。而病其重也。李太白詩。曉鐘落月。暮日暮。即斜陽暮也。劉禹錫烏衣巷。日夕陽斜。杜工部山木蒼蒼落日晚。皆此意。別如韓文公紀夢詩中。有一人壯非少。不鼓歌。安置妥帖。平不煩之類。尤多。豈可亦謂之重耶。山谷當無此言。卽試出山谷。亦豈足爲定論耶。

。臨江仙

千里瀟湘接藍浦。蘭橈昔日曾經。月高風定露

華清微波澄不動。冷浸一天星。獨倚危樓情悄悄。遙聞妃瑟泠泠新聲。含盡古今情。曲終人不見。江上數峯青。

又

髻子偎人嬌不整。眼兒失睡微重。尋思模樣早心忪。斷腸攜手處。何事太怱怱。不忍殘紅猶在臂。翻疑夢裏相逢。遙憐南隸上孤篷。夕陽流水紅滿淚痕中。

淮海詞

十八

汲古閣

蝶戀花

曉日窺軒雙燕語。似與佳人共惜春。將算屈指。豔陽都幾許。可無時。雲間風雨。流水落花無。問處。只有飛雲冉冉來。還去持酒勸雲雲。且住。憑君礙斷春歸路。

河傳

亂花飛絮。又望空闌合。離人愁苦。那更夜來一。雲薄情風雨。暗掩將春色去。籬枯壁盡。因誰

做若說相思。佛也眉兒聚。莫怪爲伊。抵死縈腸惹肚。爲沒教人恨處。

又

恨眉醉眼。甚輕輕覷著。神魂迷亂。常記那回小。曲闌干西畔。鬢雲鬆羅襪刻。丁香笑吐嬌無限。語軟聲低。道我何曾慣。雲雨未諧。早被東風吹散。悶損人天不管。

江城子

淮海詞

十九

汲古閣

西城楊柳弄春柔。動離憂。淚難收。猶記多情。爲繫歸舟。碧野朱橋當日事。人不見。水空流。韶華不爲少年留。恨悠悠。幾時休。飛絮落花。時候一登樓。便做春江都是淚。流不盡。許多愁。

又

南來飛燕北歸鴻。偶相逢。慘愁容。綠鬢朱顏。重見兩衰翁。別後悠悠君莫問。無限事。不言中。小槽春酒滴珠紅。莫怱怱。滿金鍾。飲散落花流。

水各西東。後會不知何處。是煙浪遠。暮雲重。

又

棗花金釧約柔荑。曾會攜事難期。只尺玉顏和淚鎖金閨。恰似小園桃與李。雖同處。不同枝。玉笙初度顫鸞篋。落花飛爲誰吹。月冷風高此恨只天知。任是行人無定處。重相見。是何時。

千秋歲

謫度州日作

水邊沙外。城郭春寒退。花影亂。鶯聲碎。飄零疎

淮海詞

二十

汲古閣

酒盞離別寬衣帶。人不見。碧雲暮合空相對。

憶管西池會。鷓鴣同飛蓋。攜手處。今誰在。日邊清夢斷。鏡裏朱顏改。春去也。飛紅萬點愁如海。

一叢花

年時今夜見師師。雙頰酒紅滋。疎簾半捲微燈外。露華上。煙裊涼颼。簪髻亂拋。偎人不起。彈淚唱新詞。佳期誰料久參差。愁緒暗縈絲。想應妙舞情歌罷。又還對秋色。嗟咨。惟有画樓當時。

明月兩處照想思。

促拍滿路花

一無促拍二字

露顆添花色。月彩投窗隙。春思如中酒。恨無力。洞房只尺。曾寄青鸞翼。雲散無蹤跡。羅帳熏殘。夢回無處尋覓。輕紅膩白。步步熏蘭澤。約腕金環重。宜裝飾。未知安否。一向無消息。不似尋常憶。憶後教人。片時存濟不得。

滿園花

淮海詞

二十一

汲古閣

一向沉吟久。淚珠盈襟袖。我當初不合苦攔就。慣縱得軟頑兒。底心先有行待癡心守。甚捻著脉子倒把人來僝僽。近日常來非常羅阜。醜佛也須眉皺。怎掩得衆人口。待收了孛羅罷了。從來斗從今後休道。莫我夢見也不能得勾。

八六子

春怨

倚危亭。恨如芳草。淒淒剝剝。還生念柳外青鵲。別後水邊紅袂。分時淒然暗驚。無端天與娉

婷夜月一簾幽夢春風十里柔情怎奈何歡娛
漸隨流水素絃聲斷翠綃香減那堪片片飛花
弄晚濛濛殘雨籠晴正銷凝黃鸝又啼數聲

夢揚州

晚雲收正柳塘煙雨初休燕子未歸惻惻輕寒
如秋小欄外東風軟透繡幃花密香稠江南遠
人何處鷓鴣啼破春愁長記曾陪燕遊酬妙
舞清歌麗錦纏頭帶酒困花十載因誰淹留醉

淮海詞

二十二

汲古閣

鞭拂而歸來晚望翠樓簾捲金鈎佳會阻離情
正亂頻夢揚州

滿庭芳

山抹微雲天粘衰草画角聲斷譙門暫停征棹
聊共引離尊多少蓬萊舊事空回首煙靄紛紛
斜陽外寒鴉數點流水繞孤村消魂當此際
香囊暗解羅帶輕分謾贏得青樓薄倖名存此
去何時見也襟袖上空染啼痕傷情處高城望

斷燈火已黃昏天粘衰草今本收粘作連非也
韓文洞庭漫汗粘天無壁張祐
詩草色粘天鷓鴣恨山谷詩遠水粘天吞釣舟
邵博詩平浪勢粘天趙文昇詞玉開芳草粘天
碧巖次山詞粘雲紅影傷千古葉夢得詞浪粘
天蒲桃漲綠劉行簡詞山翠欲粘天劉叔安詞
真煙細草粘天遠粘字極工且有
出處若作連天是小兒之語也

又

紅蓼花繁黃蘆葉亂夜深玉露初零霽天空闊
雲淡楚江清獨棹孤篷小艇悠悠過煙渚沙汀
金鈎細絲綸慢捲牽動一潭星時時橫短笛

淮海詞

二十三

汲古閣

清風皓月相與忘形任人笑生涯泛梗飄萍飲
罷不妨醉臥塵勞事有耳誰聽江風靜日高未
起枕上酒微醒

又

碧水驚秋黃雲凝暮敗葉零亂空堦洞房人靜
斜月照徘徊又是重陽近也幾處處砧杵聲催
西窗下風搖翠竹疑是故人來傷懷悵望
新懽易失往事難猜問離邊黃菊知爲誰開謾

道愁須帶酒。酒未醒。愁已先回。憑闌久。金波漸轉。白露點蒼苔。

又 詠茶。或刻黃山谷。

北苑研膏。方圭圓璧。萬里名動京關。碎身粉骨。功合上凌煙。尊俎風流。戰勝降春。睥睨開拓。愁邊纖纖。捧香泉。潑乳金縷。鷓鴣斑。相如方病酒。一觴一詠。賓友羣賢。爲扶起。燈前醉玉。顏山。搜攪胸中萬卷。還傾動三峽詞源。歸來晚。文君未寢。相對小妝殘。

淮海詞

二十四

汲古閣

又 向誤。王觀。

晚色雲開。春隨人意。驟雨方過。還晴高臺芳樹。飛燕蹴紅英。舞困榆錢自落。鞦韆外。綠水橋平。東風裏。朱門映柳。低按小秦箏。多情行樂處。珠鉤翠蓋。玉轡紅纓。漸酒空金榼。花困蓬瀛。豆冠梢頭。舊恨十年。夢屈指。堪驚。凭闌久。疎煙淡日。寂莫下。蕪城。今本誤作晚。免雲開不通。維揚張統刻詩餘譜以意改。免作見。

亦非按。花菴詞選作。晚色雲開。今從之。

又 茶詞。

雅燕飛觴。清談揮麈。使君高會羣賢。密雲雙鳳。初破縷金團。窗外爐煙似動。開尊試一品。奔泉輕洵起。香生玉乳。雪潑紫甌圓。嬌鬟宜美。雙擎翠袖。穩步紅蓮。坐中客。翻愁酒醒。歌闌。點上紗籠。畫燭花驄。弄月影。當軒頻相顧。餘歡未盡。欲去且畱連。

淮海詞

二十五

汲古閣

雨中花慢

點指虛無。征路醉乘斑。蚪遠訪西極。見天風吹落。滿空寒。皇女明星迎笑。何苦自淹塵域。正火輪飛上。霧捲煙開。洞觀金碧。重重觀閣。橫枕鼇峯。水面倒銜蒼石。隨處有奇香。幽火杳然難測。好是蟠桃熟後。阿環偷報消息。在天碧海。一枝難遇。占取春色。

長相思

鐵甕城高。蒜山渡闊。干雲十二層樓。開尊待月。
掩箔披風。依然燈火揚州。綺陌南頭。記歌名宛
轉。鄉號溫柔。曲檻俯清流。想花陰誰繫蘭舟。
念婁絕秦絃。感深荆賦。相望幾許凝愁。勤勤裁
尺素。奈雙魚難渡。瓜洲曉鑒堪羞。潘鬢點吳霜。
漸稠。幸于飛鴛鴦未老不。

。水龍吟

贈妓樓東玉

小樓連苑橫空。下窺繡轂雕鞍驟。疎簾半捲。單

淮海詞

二十六

汲古閣

衣初試。清明時候。破煥輕風。弄晴微雨。欲無還
有。賣花聲過。盡斜陽院落。紅成陣。飛鴛鴦。玉
佩丁東。別後悵佳期。參差難。又名韁利鎖。天還
知道。和天也。瘦花下。重門柳邊深巷。不堪回首。
念多情。但有當時皓月。照人依舊。

鼓笛慢

亂花叢裏。曾攜手。窮豔景迷歡賞。到如今。誰把
雕鞍鎖定。阻遊人來往。好夢隨春遠。從前事不

堪思想。念香閣正杳。佳歡未偶。難畱戀空惆悵。
永夜嬋娟未滿。嘆玉樓幾時重上。那堪萬里。
却尋歸路。指陽關孤唱。苦恨東流水。桃源路欲
回。雙槳。仗何人細與叮嚀問。呵。我如今怎向。

望海潮

廣陵懷古

星分牛斗。疆連淮海。揚州萬井提封。花發路香。
鶯啼人起。朱簾十里。春風豪俊。氣如虹。曳照春
金紫。飛蓋相從。巷入垂楊。画橋南北翠煙中。

淮海詞

二十七

汲古閣

追思故國繁雄。有迷樓挂斗。觀橫空。紋錦製
帆。明珠賤雨。寧論雀馬。魚龍往事。逐孤鴻。但亂
雲流水。縈帶離宮。最好揮毫。萬字一飲。拚千鍾。

又

越州懷古

秦峰蒼翠。耶溪瀟灑。千巖萬壑爭流。鴛瓦雉城。
譙門画戟。蓬萊燕閣。三休天際。識歸舟。汎五湖
煙月。西子同遊。茂草荒臺。苧羅村。冷起閒愁。
何人覽古。凝眸。恨朱顏易失。翠被難畱。梅市舊

書蘭亭古墨依稀風韵生。秋狂客鑑湖頭有百年臺沼終日夷猶最好金龜換酒相與醉滄洲。

又洛陽懷古

梅英疎淡水漸溶洩東風暗換年華金谷俊游銅駝巷陌新晴細履平沙長記誤隨車正絮翻蝶舞芳思交加柳下桃蹊亂分春色到人家西園夜飲鳴笳有華燈礙月飛蓋妨花蘭苑未空行人漸老重來是事堪嗟煙暝酒旗斜但倚

淮海詞

二十八

汲古閣

樓極目時見棲鴉無奈歸心暗隨流水到天涯

又別意

奴如飛絮郎如流水相沾便肯相隨微月戶庭殘燈簾幙忽忽其憺佳期纔話暫分攜早抱人嬌咽雙淚紅垂西舸難停翠幃輕別兩依依別來怎表相思有分香帕子合數松兒紅粉脆痕青牋嫩約丁寧莫遣人知成病也因誰更自言秋杪親去無疑但恐生時注著合有分于飛

風流子

初春

東風吹碧草年華換行客老滄洲見梅吐舊英柳搖新綠惱人春色還上枝頭寸心亂北隨雲黯黯東逐水悠悠斜日半山暝煙兩岸數聲橫笛一葉扁舟青門同攜手前歡記渾似夢裏揚州誰念斷腸南陌回首西樓算天長地久有時有盡奈何綿綿此恨無休擬待倩人說與生怕人愁

淮海詞

二十九

汲古閣

沁園春

春思

宿靄迷空膩雲籠日晝景漸長正蘭皋泥潤誰家燕喜蜜脾香少觸處蜂忙盡日無人簾幕挂更風遞遊絲時過牆微雨後有桃愁杏怨紅淚淋浪風流寸心易感但依依竚立回盡柔腸念小奩瑤鑑重勻絳蠟玉籠金斗時熨沉香柳下相將遊冶處便回首青樓成異鄉相憶事縱蠻牋萬疊難寫微茫

○
□₁ 少游謫藤州一日醉野人家作此
詞本集不載見于地志或不識自

字妄改
可笑

喚起一聲人悄。衾冷夢寒窗曉。瘴雨過海棠開。
春色又添多少。社甕釀成微笑。半缺柳瓢共
白。覺傾倒急投牀。醉鄉廣大人間小。

鷓鴣天 舊刻
逸

枝上流鶯和淚聞。新啼痕間舊啼痕。一春魚鳥
無消息。千里關山勞夢魂。無一語對芳尊。安

淮海詞

三十

汲古閣

排腸斷到黃昏。甫能炙得燈兒了。雨打梨花深
閉門。

晁氏云今代詞多惟秦七黃九或謂詞尚
倚艷山為特瘦健似非秦比胡淡子謂少
游歌詞當在東坡上但少時性不耐聚稿
間有淫章醉句輒散落青帝紅袖間
雖流播在眼淫無的奉余既訂訛搜逸共
得八十七浦集為一卷六未敢曰無闕遺也

古虞毛晉記

淮海詞

三十一

汲古閣

淮海詞 終

小山詞

目錄

臨江仙 八調

蝶戀花 十五調

鷓鴣天 十九調

生查子 十三調

南鄉子 七調

清平樂 十八調

玉樓春 廿一調

減字木蘭花 三調

洞仙歌 一調

菩薩蠻 九調

阮郎歸 五調

浣溪沙 二十調

小山詞目

汲古閣

六么令 二調

更漏子 六調

御街行 二調

浪淘沙 四調

訴衷情 八調

碧牡丹 一調

望仙樓 一調

行香子 一調

點絳脣 五調

少年遊 五調

虞美人 九調

採桑子 二十六調

踏莎行 四調

留春令 三調

清商怨 一調

長相思 一調

醉落魄 四調

西江月 二調

武陵春 三調

解佩令 一調

泛清波摘遍 一調

歸田樂 一調

河滿子 二調

于飛樂 一調

愁倚欄令 三調

破陣子 一調

好女兒 二調

兩同心 一調

滿庭芳 一調

風入松 二調

秋蕊香 二調

思遠人 一調

小山詞目

二

汲古閣

鳳孤飛 一調

慶春時 二調

喜團圓 一調

憶悶令 一調

梁州令 一調

燕歸來 一調

小山詞目錄 終

小山詞

宋 晏幾道

臨江仙

鬪草堦前初見穿針樓上曾逢羅裙香露玉釵
風靚粧眉沁綠羞豔粉生紅 流水便隨春遠
行雲終與誰同 酒醒長恨錦屏空相尋夢裏路
飛雨落花中

又

小山詞

汲古閣

身外閒愁空滿眼中歡事常稀明年應賦送君
詩細從今夜數相會幾多時 淺酒欲邀誰勸
深情唯有君知東溪春近好同歸柳垂江上影
梅謝雪中枝

又

淡水三年歡意危絃幾夜離情曉霜紅葉舞歸
程客情今古道秋夢短長亭 綠酒尊前清淚
陽關疊裏離聲少陵詩思舊才名雲鴻相約處

煙霧九重城

又

淺淺餘寒春半雪銷蕙草初長煙迷柳岸舊池
塘風吹梅蕊閉雨細杏花香 月墮枝頭懽意
從前虛夢高唐覺來何處放思量如今不是夢
真箇到伊行

又

小山詞

汲古閣

長愛碧闌干影芙蓉秋水開時臉紅凝露學嬌
啼霞觴黑冷豔雲鬢皁纖枝 煙雨依前時候
霜叢如舊芳菲與誰同醉采香歸去年花下客
今似蝶分飛

又

旖旎仙花解語輕盈春柳能眠玉樓深處綺窗
前夢回芳草夜歌罷落梅天 沉水濃熏繡被
流霞淺酌金船綠嬌紅小正堪憐莫如雲易散
須似月頻圓

又

夢後樓臺高鎖酒醒簾幕低垂去年春恨却來
時落花人獨立微雨燕雙飛記得小蘋初見
兩重心字羅衣琵琶絃上說相思當時明月在
曾照彩雲歸

又

東野亡來無麗句于君去後少交親追思往事
好沾巾白頭王建在猶見詠詩人學道深山
空自老畱名千載不干身酒筵歌席莫辭頻爭
如南陌上占取一年春

小山詞

汲古閣

蝶戀花

卷絮風頭寒欲盡墜粉飄紅日日香成陣新酒
又添殘酒困今春不減前春恨蝶去鶯飛無
處問隔水高樓望斷雙魚信惱亂層波潢一寸
斜陽只與黃昏近

又

初憐霜紉生帳望隔葉鶯聲似學秦娥唱午睡
醒來慵一餉雙紋翠簾鋪寒浪雨罷蘋風吹
碧漲脉脉荷花淚臉紅相向斜貼綠雲新月上
彎環正是愁眉樣

又

庭院碧苔紅葉徧金菊開時已近登高宴日日
露荷凋綠扇粉塘煙水澄如練試倚涼風醒
酒面雁字來時恰向層樓見幾點護霜雲影轉

小山詞

四

汲古閣

誰家蘆管吹秋怨

又

喜鵲橋成催鳳駕天爲歡遲乞與初涼夜乞巧
雙蛾加意画玉鈎斜傍西南掛分鈿擘釵涼
葉下香袖凭肩誰記當時話路隔銀河猶可借
世間離恨何年罷

又

碧草池塘春又晚小葉風嬌尚學娥粧淺雙燕

來時還念遠珠簾綉戶楊花滿 綠柱頻移絃
易斷細看秦箏正似人情短一曲啼鳥心緒亂
紅顏暗與流年換

又

碾玉釵頭雙鳳小倒暈工夫画得宮眉巧嫩麴
□□羣勝□鴛鴦繡字春衫好 三月露桃春
意早細看花枝人面爭多少水調聲長歌未了
掌中盃盡東池曉

小山詞

五

汲古閣

又

醉別西樓醒不記春夢秋雲聚散真容易斜月
半窗還少睡画屏閒展吳山翠 衣上酒痕詩
裏字點點行行總是淒涼意紅燭自憐無好計
夜寒空替人垂淚

又

欲減羅衣寒未去不卷珠簾人在深深處殘杏
枝頭花幾許啼紅正恨清明雨 盡日沉香煙

一縷宿酒醒遲惱破春情緒遠信還因歸燕誤
小屏風上西江路

又

千葉早梅誇百媚笑面凌寒內樣粧先試月臉
冰肌香細膩風流新稱東君意 一稔年光春
有味江北江南更有誰相比橫玉聲中吹滿地
好枝長恨無人寄

又

小山詞

六

汲古閣

金剪刀頭芳意動綵蕤開時不怕朝寒重晴雪
半消花鬢懸曉妝呵盡香酥凍 十二樓中雙
翠鳳綉紗歌聲記得江南弄醉舞春風誰可共
秦雲已有鴛屏夢

又

笑豔秋蓮生綠浦紅臉青腰舊識凌波女照影
弄妝嬌欲語西風豈是繁華主 可恨良辰天
不與纔過斜陽又值黃昏雨朝落暮開空自許

竟無人解知心苦

又

碧落秋風吹玉樹翠節紅旌晚過銀河路休笑
星機停弄杼鳳帷已在雲深處樓上金鍼穿
繡縷誰管天邊隔歲分飛苦試等夜闌尋別緒
淚痕千點羅衣露

又

碧玉高樓臨水住紅杏開時花底曾相遇一曲

小山詞

七

汲古閣

陽春春已暮曉鶯聲斷朝雲去遠水來從樓
下路過盡流波未得魚中素月細風尖垂柳渡
夢魂長在分襟處

又

夢入江南煙水路行盡江南不與離人遇睡裏
銷魂無說處覺來惆悵銷魂誤欲盡此情書
尺素浮雁沉魚終了無憑據却倚鯤絃無別緒
斷腸移破秦箏柱

又

黃菊開時傷聚散曾記花前共說深深願重見
金英人未見相思一夜天涯遠羅袖同心閒
結徧帶易成雙人恨成雙晚欲寫彩箋書別怨
淚痕早已先書滿

鷓鴣天

彩袖慙慙捧玉鍾當年拚却醉顏紅舞低楊葉
樓心月歌盡桃花扇影風從別後憶相逢幾

小山詞

八

汲古閣

回魂夢與君同今宵剗把銀缸照猶恐相逢是
夢中

又

一醉醒來春又殘野棠梨雨淚闌干玉笙聲裏
鶯空怨羅幙香中燕未還終易散且長閒莫
教離恨損朱顏誰堪共展鴛鴦錦同過西樓此
夜寒

又

梅蕊新妝桂葉眉小蓮風韵出瑤池雲隨綠水
歌聲轉雪繞紅綃舞袖垂 傷別易恨歡遲惜
無紅錦爲裁詩行人莫便銷魂去漢渚星橋尚
有期

又

守得蓮開結伴遊約開萍葉上蘭舟來時浦口
雲隨棹採罷江邊月滿樓 花不語水空流年
年判得爲花愁明朝萬一西風勁爭向朱顏不

小山詞

九

汲古閣

奈秋

又

關鴨池南夜不歸酒闌紈扇有新濤雲隨碧玉
歌聲轉雪繞紅綃舞袖回 今感舊欲沾衣可
憐人似水東西回頭滿眼淒涼事秋月春風豈
得知

又

當日佳期鵲誤傳至今猶作斷腸仙橋成漢渚

星波外人在鸞歌鳳舞前 歡盡夜別經年別
多歡少奈何天情知此會無長計只尺涼蟾亦
未圓

又

題破香箋小研紅詩多遠寄舊相逢西樓酒面
垂垂雪南苑春衫細細風 花不盡柳無窮別
來歡事少人同憑誰問取歸雲信今在巫山第
幾峯

小山詞

十

汲古閣

又

清潁尊前酒滿衣十年風月舊相知憑誰細話
當時事腸斷山長水遠詩 金鳳闕玉龍墀看
君來換錦袍時姮娥已有慙勤約畱著蟾宮第
一枝

又

醉拍春衫惜舊香天將離恨惱疎狂年年陌上
生秋草日日樓中到夕陽 雲渺渺水茫茫征

人歸路許多長相思本是無憑語莫向花箋費

淚行

又

小令尊前見玉簫銀燈一曲太妖嬈歌中醉倒
誰能恨唱罷歸來酒未消 春悄悄夜迢迢碧
雲天共楚宮腰夢魂慣得無拘檢又踏楊花過

謝橋

又

小山詞

十一

汲古閣

楚女腰肢越女顚粉圓雙燕髻中開朱絃曲怨
愁春盡淥酒盃寒記夜來 新擲果舊分釵冶
遊音信隔章臺花間錦字空頻寄月底金鞍竟
未回

又

十里樓臺倚翠微百花深處杜鵑啼慙勤自與
行人語不似流鶯取次飛 驚夢覺弄晴時聲
聲只道不如歸天涯豈是無歸意爭奈歸期未

可期

又

陌上濛濛殘絮飛杜鵑花裏杜鵑啼年年底事
不歸去怨月愁煙長爲誰 梅雨細曉風微倚
樓人聽欲沾衣故園三度羣花謝曼倩天涯猶
未歸

又

曉日迎長歲歲同太平簫鼓間歌鍾雲高未有

小山詞

十二

汲古閣

前村雪梅小初開昨夜風 羅幙翠錦筵紅釵
頭羅勝寫宜冬從今屈指春期近莫使金尊對
月空

又

小玉樓中月上時夜來唯許月華知重簾有意
藏私語雙燭無端惱暗期 傷別易恨歡遲歸
來何處驗相思沈郎春雪愁銷臂謝女香膏嬾
画眉

又

手撚香箋意小蓮欲將遺恨倩誰傳
歸來獨臥
逍遙夜夢裏相逢酩酊天
花易落月難圓
只應花月似歡緣
秦箏若有心情在
試寫離聲入
舊絃

又

九日悲秋不到心
鳳城歌管有新音
風凋碧柳
愁眉淡露染黃花
笑靨深
初見雁已聞砧綺

小山詞

十三

汲古閣

羅鼓裏勝登臨
須交月戶纖纖玉
細捧霞觴灋
灋金

又

碧藕花開水殿涼
萬年枝外轉紅陽
昇平歌管
隨天仗祥瑞封章
滿御床
金掌露玉爐香
歲華方共聖恩長
皇洲又奏園扉靜
十樣宮眉捧
壽觴

又

綠橘梢頭幾點春
似畱香盡送行人
明朝紫鳳
朝天路十二重城
五碧雲
歌漸咽酒初醺
儘將紅淚溼湘裙
贛江西畔從今日
明月清風憶
使君

生查子

金鞍美少年去躍青驄
馬牽繫玉樓人
繡被春寒夜
消息未歸來
寒食梨花謝
無處說相思
背面鞦韆下

小山詞

十四

汲古閣

又

輕勻兩臉花淡掃
雙眉柳會寫彩箋
時學弄朱絃
後今春玉釧寬
昨夜羅裙皺
無計奈情何
且醉金盃酒

又

關山魂夢長
魚雁音塵少
兩鬢可憐青
只爲相思老
歸傍碧紗窗
說與人人道
眞箇別離難
不似相逢好

又

墜雨已辭雲流水難歸浦遺恨幾時休心抵秋
蓮苦 忍淚不能歌試托哀絃語絃語願相逢
知有相逢否

又

一分殘酒霞兩點愁蛾暈羅幙夜猶寒玉枕春
先困 心情剪綵慵時節燒燈近見少別離多
還有人堪恨

小山詞

十五

汲古閣

又

輕輕製舞衣小小裁歌扇三月柳濃時又向津
亭見 垂淚送行人溼破紅粧面玉指袖中彈
一曲清商怨

又

紅塵陌上遊碧柳堤邊住纔趁彩雲來又逐飛
花去 深深美酒家曲曲幽香路風月有情時
總是相逢處

又

長恨涉江遙移近溪頭住閒蕩木蘭舟臥入雙
鴛浦 無端輕薄雲暗作廉纖雨翠袖不勝寒
欲向荷花語

又

遠山眉黛長細柳腰肢裊妝罷立春風一笑千
金少 歸去鳳城時說與青樓道偏看潁川花
不似師師好

小山詞

十六

汲古閣

又

落梅亭榭香芳草池塘綠春恨最關情月過闌
干曲 幾時花裏閒看得花枝足醉後莫思家
借取師師宿

又

狂花頃刻香晚蝶纏綿意天與短因緣聚散常
容易 傳唱入離聲惱亂雙蛾翠游子不堪聞
正是裏腸事

又

官身幾日閒世事何時足君貌不長紅我鬢無
重綠 榴花滿艤香金縷多情曲且盡眼中歡
莫嘆時光促

又

春從何處歸試向溪邊問岸柳弄嬌黃隴麥回
青潤 多情美少年屈指芳菲近誰寄嶺頭梅
來報江南信

小山詞

十七

汲古閣

南鄉子

淥水帶青潮水上朱闌小渡橋橋上女兒雙笑
靨妖嬈倚著闌干弄柳條 月夜落花朝減字
偷聲按玉簫柳外行人回首處迢迢若此銀河
路更遙

又

小葢愛春風日日宮花花樹中恰向柳綿撩亂
處相逢笑靨傍邊心字濃 歸路草茸茸家在

秦樓夏近東醒去醉來無限事誰同說著西池

滿面紅

又

花落未須悲紅葢明年又滿枝唯有花間人別
後無期水濶山長雁字遲 今日最相思記得
攀條話別離笑說春來春去事多時一點愁心
入翠睂

又

小山詞

十八

汲古閣

何處別時難玉指偷將粉淚彈記得來時樓上
燭初殘待得清霜滿西欄 不慣獨眠寒自解
羅衣襯枕檀百媚也應愁不睡更闌惱亂心情
半被閒

又

畫鴨嬾熏香繡茵猶展舊鴛鴦不似同衾愁易
曉空床細剔銀燈怨漏長 幾夜月波涼夢魂
隨月到蘭房殘睡覺來人又遠難忘更是無情

也斷腸

又

眼約也應虛昨夜歸來鳳枕孤且據如今情分
裏相期只恐多時不似初深意託雙魚小剪
蠻箋細字書更把此情重問得何如共結因緣
久遠無

又

新月又如睂長笛誰教月下吹樓倚暮雲初見

小山詞

十九

汲古閣

雁南飛謾道行人雁後歸意欲夢佳期夢裏

關山路不知却待短書來破恨應遲還是涼生

玉枕時

清平樂

畱人不住醉解蘭舟去一棹碧濤春水路過盡
曉鶯啼處渡頭楊柳青青枝枝葉葉離情此
後錦書休寄画樓雲雨無憑

又

千花百草送得春歸了拾盡人稀紅漸少葉底

杏青梅小小瓊閒抱琵琶雪香微透輕紗正

好一枝嬌豔當年獨占韶華

又

煙輕雨小紫陌香塵少謝客池塘生綠草一夜

紅梅先老旋題羅帶新詩重尋楊柳佳期強

半春寒去後幾番花信來時

又

小山詞

二十

汲古閣

可憐嬌小掌上承恩早把鏡不知人易老欲占

朱顏常好画堂秋月佳期藏鈎賭酒歸遲紅

燭淚前低語綠箋花裏新詞

又

紅英落盡未有相逢信可恨流年凋綠鬢睡得

春醒欲醒鈿箏曾醉西樓朱絃玉指梁州曲

罷翠簾高捲幾回新月如鈎

又

春雲綠處又見歸鴻去側帽風前花滿路冶葉
倡條情緒紅樓桂酒新開曾攜翠袖同來醉
弄影娥池水短簫吹落殘梅

又

波紋碧皺曲水清明後折得疎梅香滿袖暗喜
春紅依舊歸來紫陌東頭金釵換酒銷愁柳
影深深細路花梢小小層樓

又

小山詞

二十一

沒古閣

西池煙草恨不尋芳早滿路落花紅不埽春色
漸隨人老遠山眉黛嬌長清歌細逐霞觴正
在十洲殘夢水心宮殿斜陽

又

蕙心堪怨也逐春風轉丹杏牆東當日見幽會
綠窗題徧眼中前事分明可憐如夢難憑都
把舊時薄倖只消今日無情

又

么絃寫意意密絃聲碎書得鳳箋無限事猶恨
春心難寄臥聽疎雨梧桐雨餘淡月朦朧一
夜夢魂何處那回楊葉樓中

又

笙歌宛轉臺上吳王宴宮女如花倚春殿舞綻
縷金衣綫酒闌画燭低迷彩鴛驚起雙棲月
底三千繡戶雲間十二瓊梯

又

小山詞

二十二

沒古閣

暫來還去輕似風頭絮縱得相逢畱不住何況
相逢無處去時略約黃昏月華却到朱門別
後幾番明月素娥應是消魂

又

雙紋彩袖笑捧金船酒嬌妙如花輕似柳勸客
千春長壽豔歌更倚疎絃有情須醉樽前恰
是可憐時候玉嬌今夜初圓

又

寒催酒醒曉陌飛霜定背照画簾殘燭影斜月
光中人靜 錦衣才子西征萬重雲水初程翠
黛倚門相送鸞腸斷處離聲

又

蓮開欲徧一夜秋聲轉殘綠斷紅香片片長是
西風堪怨 莫愁家住溪邊採蓮心事年年誰
管水流花謝月明昨夜蘭船

又

小山詞

二十三

汲古閣

沉思暗記幾許無憑事菊籬開殘秋少味閒却
画欄風意 夢雲歸處難尋微涼暗入香襟猶
恨那回庭院依前月淺燈深

又

鷺來燕去未玉牆東路草草幽歡能幾度便有
繫人心處 碧天秋月無端別來長照關山一
點厭厭誰會依前凭喚關干

又

心期休問只有尊前分勾引行人添別恨因是
語低香近 勸人滿酌金鐘清歌唱徹還重莫
道後期無定夢魂猶有相逢

玉樓春

鞦韆院落重簾暮彩筆閒來題繡戶牆頭丹杏
雨餘花門外綠楊風後絮 朝雲信斷知何處
應作襄王春夢去紫騮認得舊游踪嘶過画橋
東畔路

小山詞

二十四

汲古閣

又

小鞦若解愁春算一笑畱春春也住晚紅初減
謝池花新翠已遮瓊苑路 湔裙曲水曾相遇
挽斷羅巾容易去啼珠彈盡又成行畢竟心情
無會處

又

小蓮未解論心素狂似鈿箏絃底柱臉邊霞散
酒初醒眉上月殘人欲去 舊時家近章臺住

盡日東風吹柳絮生憎繁杏綠陰時正礙粉牆
偷眼覷

又

風簾向曉寒成陣未報東風消息近試從梅蒂
紫邊尋更遶柳枝柔處問來遲不是春無信
開曉却疑花有恨又應添得幾分愁二十五絃
彈未盡

又

小山詞

二十五

汲古閣

念奴初唱離亭宴會作離聲勾別怨當時垂淚
憶西樓溼盡羅衫歌未徧難逢最是身強健
無定莫如人聚散已拚歸袖醉相扶更惱香檀
珍重勸

又

玉真能唱朱簾靜憶上雙蓮池上聽百分蕉葉
醉如泥却向斷腸聲裏醒夜涼水月鋪明鏡
更看嬌花閒弄影曲終人意似流波休問心期

何處定

又

阿茸十五腰肢好天與懷春風味早画眉勻臉
不知愁帶酒熏香偏稱小東城楊柳西城草
會合花期如意少思量心事薄輕雲綠鏡臺前
還自笑

又

已上舊另刻木蘭
花今攷調同併入

小山詞

二十六

汲古閣

初心已恨花期晚別後相思長在眼蘭衾猶有
舊時香每到夢回珠淚滿多應不信人腸斷
幾夜夜寒誰共曉欲將恩愛結來生只恐來生
緣又短

又

雕鞍好爲鶯花住占取東城南陌路儘教春思
亂如雲莫管世情輕似絮古來都被虛名誤
寧負虛名身莫負勸君頻入醉鄉來此是無愁
無恨處

又

一尊相遇春風裏詩好似君人有幾吳姬十五
語如弦能唱當時樓下水 良辰易去如彈指
金盞十分須盡意明朝三丈日高時共拚醉頭
扶不起

又

瓊酥酒面風吹醒一縷斜紅臨晚鏡小顰微笑
盡妖嬈淺注輕勻長淡淨 手授梅蕊尋香徑

小山詞

二十七

汲古閣

正是佳期期未定春來還爲箇般愁瘦損宮腰

羅帶剝

又

清歌學得秦娥似金屋瑤臺知姓字可憐春恨
一生心長帶粉痕雙袖淚 從來嬾話低眉事
今日新聲誰會意坐中應有賞音人試問回腸
曾斷未

又

旗亭西畔朝雲住沉水香煙長滿路柳陰分到
画眉邊花片飛來垂手處 妝成儘任秋娘妬
裊裊盈盈當繡戶臨風一曲醉騰騰陌上行人
凝恨去

又

離鸞照罷塵生鏡幾點吳霜侵綠鬢琵琶絃上
語無憑豈蔻梢頭春有信 相思拚損朱顏盡
天若多情終欲問雪窗休記夜來寒桂酒已銷

小山詞

二十八

汲古閣

人去恨

又

東風又作無情計豔粉嬌紅吹滿地碧樓簾影
不遮愁還似去年今日意 誰知錯管春殘事
到處登臨曾費淚此時金盞直須深看盡落花
能幾醉

又

斑駁路與陽臺近前度無題初借問暝風鞭袖

儘閒垂微月簾櫳曾暗認 梅花未足憑芳信
絃語豈堪傳素恨翠眉繞似遠山長寄興此愁
顰不盡

又

紅綃學舞腰肢軟施織舞衣宮樣染織成雲外
雁行斜染作江南春水淺 露桃宮裏隨歌管
一曲霓裳紅日晚歸來雙袖酒成痕小字香箋
無意展

小山詞

二十九

汲古閣

又

當年信道情無價桃葉尊前論別夜臉紅心緒
學梅妝眉翠工夫如月画 來時醉倒旗亭下
知是阿誰扶上馬憶曾挑盡五更燈不記臨分
多少話

又

採蓮時候慵歌舞永日間從花裏度暗隨蘋末
曉風來直待柳梢斜月去 停撓共說江頭路

臨水樓臺蘇小住細思巫峽夢回時不減秦源
腸斷處

又

芳年正是香英嫩天與嬌波長入鬢藍珠宮裏
舊承恩夜拂銀屏朝把鏡 雲情去住終難信
花意有無休更問醉中同盡一盃歡歸後各成
孤枕恨

又

小山詞

三十

汲古閣

輕風拂柳冰初綻細雨銷塵雲未散紅窗青鏡
待妝梅綠陌高樓催送雁 華羅歌扇金蕉酸
記得尋芳心緒慣鳳城寒盡又飛花歲歲春光
常有恨

減字木蘭花

長亭晚送都似綠窗前日夢小字還家恰應紅
燈昨夜花 良時易過半鏡流年春欲破往事
難忘一枕高樓到夕陽

又

畱春不住恰似年光無味處滿眼飛英彈指東
風太淺情 箏絃未穩學得新聲難破恨轉枕
花前且伴香紅一夜眠

又

長楊輦路綠滿當年攜手處試逐春風重到宮
花花樹中 芳菲遶徧今日不如前日健酒罷
淒涼新恨猶添舊恨長

小山詞

三十一

汲古閣

洞仙歌

春殘雨過綠暗東池道玉豔藏羞媚頰笑記當
時已恨飛鏡歡疎那至此仍苦題花信少 連
環情未已物是人非月下疎梅似伊好澹秀色
黯寒香繁若春容何心顧閒花凡草但莫使情
隨歲華遷便香隔秦源也須能到

菩薩蠻

來時楊柳東橋路曲中暗有相期處明月好因

緣欲圓還未圓 却尋芳草去画扇遮微雨飛
絮莫無情閒花應笑人

又

箇入輕似低飛燕春來綺陌時相見堪恨兩橫
波惱人情緒多 長畱青鬢住莫放紅顏去占
取豔陽天且教伊少年

又

鶯啼似作畱春語花飛鬪學回風舞紅日又平

小山詞

三十二

汲古閣

西画簾遮燕泥 煙花還自老綠境人空好香
在去年衣魚箋音信稀

又

春風未放花心吐尊前不擬分明語酒色上來
遲綠鬢紅杏枝 今朝眉黛淺暗恨歸時遠前
夜月當樓相逢南陌頭

又

嬌香淡染胭脂雪愁春細画彎彎月花月鏡邊

人淺妝勻未成 佳期應有在試倚鞦韆待滿
地落英紅萬條楊柳風

又

香蓮燭下勻丹雪妝成笑弄金階月嬌面勝芙蓉
臉邊天與紅 玳筵雙揭鼓喚上華茵舞春
淺未禁寒暗嫌羅袖寬

又

或刻張子野

哀箏一弄湘江曲聲聲寫盡湘波綠纖指十三

小山詞

三十三

汲古閣

絃細將幽恨傳 當筵秋水慢玉柱斜飛雁彈
到斷腸時春山眉黛低

又

江南未雪梅花白憶梅人是江南客猶記舊相
逢淡煙微月中 玉容長有信一笑端來近懷
遠上樓時晚雲和雁低

又

相逢欲話相思苦淺情肯信相思否還恐謾相

思淺情人不知 憶曾攜手處月滿窗前路長
到月來時不眠猶待伊

阮郎歸

粉痕閒印玉尖纖啼紅傍晚奩舊寒新暝尚相
兼梅疎待雪添 春冉冉恨厭厭章臺對卷簾
箇人鞭影弄涼蟾樓前側帽簷

又

來時紅日弄窗紗春紅入睡霞去時庭樹欲棲

小山詞

三十四

汲古閣

鷓鴣香屏掩月斜 收翠羽整妝華青驪信又差
玉笙猶戀碧桃花今宵未憶家

又

舊香殘粉似當初人情恨不如一春猶有數行
書秋來書更疎 衾鳳冷枕鸞孤愁腸待酒舒
夢魂縱有也成虛那堪和夢無

又

天邊金掌露成霜雲隨雁字長綠盃紅袖趁重

陽人情似故鄉 蘭佩紫菊簪黃慙理舊狂
欲將沉醉換悲涼清歌莫斷腸

又

曉妝長赴景陽鍾雙蛾著意濃舞腰浮動綠雲
穠櫻唇半點紅 憐美景惜芳容沉思暗記中
春寒簾幙幾重重楊花盡日風

浣溪沙

二月春花厭落梅仙源歸路碧桃催渭城絲雨

小山詞

三十五

汲古閣

勸離盃 歡意似雲真薄倖客鞭搖柳正多才
鳳樓人待錦書來

又

臥鴨池頭小苑開暄風吹盡北枝梅長莎軟路
幾縈回 靜選綠陰鶯有意謾隨遊騎絮多才
去年今日憶同來

又

二月風和到碧城萬條千縷綠相迎舞煙弄日

過清明 妝鏡巧睂偷葉樣歌臺妍曲借枝名
晚秋霜霰莫無情

又

白紵春衫楊柳鞭碧蹄騎馬杏花韉落英飛絮
冶遊天 南陌暝風吹舞榭東城涼月照歌筵
賞心多是酒中仙

又

床上銀屏幾點山鴨爐香過瑣窗寒小雲雙枕

小山詞

三十六

汲古閣

恨春閒 惜別謾成良夜醉解愁時有翠牋還
那回分袂月初殘

又

綠柳藏烏靜掩關鴨爐香細瑣窗閒那回分袂
月初殘 惜別謾成良夜醉解愁時有翠牋還
欲尋雙葉寄情難

又

家近旗亭酒易酤花時長得醉工夫伴人歌扇

嬾妝梳 戶外綠楊春繫馬床頭紅燭夜呼盧
相逢還解有情無

又

日日雙眉鬪画長行雲飛絮共輕狂不將心嫁
冶遊郎 濺酒滴殘歌扇字弄花熏得舞衣香
一春彈淚說淒涼

又

舊失題
次卷末

樓上燈深欲閉門夢雲散處不畱痕幾年芳草

小山詞

三十七

汲古閣

憶王孫 白日闌干依舊綠試將前事倚黃昏
記曾來處易銷魂

又

午醉西橋夕未醒雨花淒斷不堪聽
鬢邊青 衣化客塵今古道柳含春意短長亭
鳳樓爭見路傍情

又

一樣宮妝簇彩舟碧團羅扇自障羞水仙時在

鏡中遊 腰自細來多態度臉因紅處轉風流
年年相遇綠江頭

又

已拆鞦韆不奈閒却隨蝴蝶到花間旋尋雙葉
插雲鬟 幾褶湘裙煙縷細一鈎羅襪素蟾彎
綠箋紅豆憶前歡

又

閒弄箏絃嬾繫裙鉛華銷盡見天真眼波低處

小山詞

三十八

汲古閣

事還新 悵悵不逢如意酒尋思難值有情人
可憐虛度鎖窗春

又

團扇初隨碧簾收画簾歸燕尚遲畱靨朱眉翠
喜清秋 風意未應迷狹路燈痕猶自記高樓
露花煙葉與人愁

又

翠閣朱闌倚處危夜涼閒捻彩簫吹曲中雙鳳

已分飛 綠酒細傾銷別恨紅箋小寫問歸期
月華風意似當時

又

唱得紅梅字字香柳枝桃葉盡深藏
過雲聲裏送離觴 纔聽便拚衣袖溼欲歌先倚黛眉長
曲終敲損燕釵梁

又

小杏春聲學浪仙疎梅清唱替哀絃似花如雪

小山詞

三十九

汲古閣

繞瓊筵 腮粉月痕妝罷後臉紅蓮
豔酒醒前今年新調得人憐

又

銅虎分符領外臺五雲深處彩旌來
春隨紅旆過長淮 千里袴襦添舊暝
萬家桃李間新栽 使星回首是三台

又

浦口蓮香夜不收水邊風裏欲生秋
棹歌聲細

不驚鷗 涼月送歸思往事落英飄去起新愁
可堪題葉寄東樓

又

莫問逢春能幾回能歌能笑是多才
露花猶有好枝開 綠鬢舊人皆老大
紅梁新燕又歸來 儘須珍重掌中盃

六么令

綠陰春盡飛絮遶香閣晚來翠眉宮樣巧把遠

小山詞

四十

汲古閣

山學一寸狂心未說已向橫波覺
画簾遮匝新翻曲妙暗許閒人帶偷掐
前度書多隱語意淺愁難答
昨夜詩有回紋韻險還慵押都待笙歌散
了記取畱時霎不消紅蠟閒雲
歸後月在庭花舊闌角

又

雪殘風信悠颺春消息天涯倚樓新恨楊柳幾
絲碧還是南雲雁少錦字無端的寶釵瑤席彩

絃聲裏拚作尊前未歸客 遙想疎梅此際月
底香英拆別後誰繞前溪手揀繁枝摘莫道傷
高恨遠付與臨風笛儘堪愁寂花時往事更有
多情箇人憶

又

日高春睡喚起嬾裝束年年落花時候慣得嬌
眠足學唱宮梅便好更喚銀笙逐黛蛾低綠堪
教人恨却似江南舊時曲 常記東樓夜雪翠

小山詞

四十一

汲古閣

幕遮紅燭還是芳酒盃中一醉光陰促曾笑陽
臺夢短無計憐香玉此歡難續乞求歌罷偕取
歸雲画堂宿

更漏子

檻花稀地草徧冷落吹笙庭院人去日燕西飛
燕歸人未歸 數書期尋夢意彈指一年春事
新悵望舊悲涼不堪紅日長

又

柳間眠花裏醉不憚繡裙鋪地釵燕重鬢蟬輕
一雙梅子青 粉箋書羅袖淚還有可憐新意
遮悶綠掩羞紅晚來團扇風

又

柳絲長桃葉小深院斷無人到紅日淡綠煙晴
流鶯三兩聲 雪香濃檀暈少枕上臥枝花好
春思重曉妝遲尋思殘夢時

又

小山詞

四十二

汲古閣

露華高風信遠宿醉画簾低捲梳洗倦冶遊慵
綠窗春睡濃 綵條輕金縷重昨日小橋相送
芳草恨落花愁去年同倚樓

又

出牆花當路柳偕問芳心可否紅解笑綠能顰
千般惱亂春 北來人南去客朝暮等閒攀折
憐晚秀惜殘陽情知枉斷腸

又

欲論心先掩淚零落去年風味閒臥處不言時
愁多只自知 到情深俱是怨惟有夢中相見
猶似舊奈人禁恨人說寸心

御街行

年光正似花梢露彈指春還算翠睂仙子望歸
來倚徧玉城珠樹豈知別後好風涼月往事無
尋處 狂情錯向紅塵住忘了瑤臺路碧桃花
盡已應開欲伴彩雲飛去回思十載朱顏青鬢

小山詞

四十三

汲古閣

枉被浮名誤

又

街南綠樹春饒絮雪滿遊春路樹頭花豔雜嬌
雲樹底人家朱戶北樓閒上疎簾高卷直見街
南樹 欄干倚盡猶慵去幾度黃昏雨晚春盤
馬踏青苔曾傍綠陰深駐落花猶在香屏空掩
人面知何處

浪淘沙

高閣對橫塘新燕年光柳花殘夢隔瀟湘綠浦
歸帆看不見還是斜陽 一笑解愁腸人會蛾
妝藕絲衫袖鬱金香曳雪牽雲畱客醉且伴春
狂

又

小綠間長紅露盡煙散花開花落管年同惟恨
花前攜手處往事成空 山遠水重重一笑難
逢已拚長在別離中霜鬢知他從此去幾度春

小山詞

四十四

汲古閣

風

又

麗曲醉思仙十二哀絃穠蛾疊柳臉紅蓮多少
雨條煙葉恨紅淚離筵 行子惜流年鵲鳩枝
邊吳堤春水艤蘭船南去北來今漸老難負尊
前

又

翠幕綺筵張淑景難忘陽關聲巧遶離梁美酒

十分誰與共玉指持觴 曉枕夢高唐略話哀
腸小山池院竹風涼明夜月圓簾四捲今夜思
量

訴衷情

種花人自盡宮來牽衣問小梅今年芳意無數
何似應枝開 憑寄語謝瑤臺客無才粉香傳
信玉盞開筵莫待春回

又

小山詞

四十五

汲古閣

淨楷妝臉淺勻眉衫子素梅兒方無心緒梳洗
閒淡也相宜 雲態度柳腰肢入相思夜來月
底今日尊前未當佳期

又

渚連霜曉墜殘紅依約舊秋同玉人團扇恩淺
一意恨西風 雲去住月朦朧夜寒濃此時還
是淚墨書成未有歸鴻

又

憑觴靜憶去年秋桐落故溪頭詩成自寫紅葉
和恨向東流 人脉脉水悠悠幾多愁雁書不
到蝶夢無憑謾倚高樓

又

小梅風韻最妖嬈開處雪初消南枝欲附春信
長恨隴人遙 閒記憶舊江臯路迢迢暗香浮
動疎影橫斜幾處溪橋

又

小山詞

四十六

汲古閣

長因蕙草記羅裙綠腰沉水熏闌干曲處人靜
曾共倚黃昏 風有韻月無痕暗消魂擬將幽
恨試寫殘花寄與朝雲

又

御紗新製石榴裙沉香慢火熏越羅雙帶宮樣
飛鷺碧波紋 隨錦字疊香芸寄文君繫來花
下解向尊前誰伴朝雲

又

都人離恨滿歌筵清唱倚危絃星屏別後千里
重見是何年 聽騎穩繡衣鮮欲朝天北人歡
笑南國悲涼迎送金鞭

碧牡丹

翠袖疎紈扇涼葉催歸燕一夜西風幾處傷高
懷遠細菊枝頭開嫩香還徧月痕依舊庭院事
何限 悵望秋意晚離人鬢華將換靜憶天涯

路比此情猶短試約鸞箋傳素期良願南雲應

小山詞

四十七

汲古閣

有新雁

望僊樓

小春花信日邊來未上江梅先拆今歲東君消
息還自南枝得 素衣染盡天香玉酒添成團
色一自故溪疎隔腸斷長相憶

行香子

晚綠寒紅芳意匆匆惜年華今與誰同碧雲零
落數字征鴻看渚蓮凋宮扇舊怨秋風 流波

墜葉佳期何在想天教離恨無窮試將前事閒
倚梧桐有銷魂處明月夜粉屏空

點絳脣

花信來時恨無人似花依舊又成春瘦折斷門
前柳 天與多情不與長相守分飛後淚痕和
酒占了雙羅袖

又

明月征鞭又將南陌垂楊折自憐輕別拚得音

小山詞

四十八

汲古閣

塵絕 杏子枝邊倚徧闌干月依前缺去年時

節舊事無人說

又

碧水東流謾題涼華津頭寄謝娘春意臨水顰
雙翠 日曰驪歌空費行人淚成何計未知濃

醉閒掩紅樓睡

又

妝席相逢旋勻紅淚歌金縷意中曾許欲共吹

花去 長愛荷香柳色殷橋路畱人住淡煙微
雨好箇雙棲處

又

湖上西風露花啼處秋香老謝家春草唱得清
商好 笑倚蘭舟轉盡新聲了煙波渺暮雲稀
少一點涼蟾小

少年遊

綠勾闌畔黃昏淡月攜手對殘紅紗窗影裏朦

小山詞

四十九

汲古閣

隴春睡繁杏小屏風 須愁別後天高海闊何
處更相逢幸有花前一盃芳酒歸計莫匆匆

又

西溪丹杏波前媚臉珠露與深勻南橋翠柳煙
中愁黛絲雨惱嬌顰 常年此處聞歌帶酒曾
對可憐人今夜相思水長山遠閒臥送殘春

又

離多最是東西流水終解兩相逢淺情終似行

雲無定猶到夢魂中 可憐人意薄于雲水佳
會更難重細想從來斷腸多處不與這番同

又

西樓別後風高露冷無奈月分明飛鴻影裏搗
衣砧外總是玉關情 王孫此際山重水遠何
處賦西征金閨魂夢枉叮嚀尋盡短長亭

又

離梁燕去裁詩寄遠庭院舊風流黃花醉了碧

小山詞

五十

汲古閣

梧題罷閒臥對高秋 繁雲破後分明素月涼
影掛金鈎有人凝澹倚西樓新樣兩眉愁

虞美人

閒敲玉鐙隨堤路一笑開朱戶素雲凝澹月嬋
娟門外鴨頭春水木蘭船 吹花拾蕊嬉遊慣
天與相逢晚一聲長笛倚樓時應恨不題紅葉
寄相思

又

飛花自有牽情處不向枝邊墜隨風飄蕩已堪
愁更伴東流流水過秦樓樓中翠黛含春怨
閒倚闌干遍自彈雙淚惜香紅暗恨玉顏光景
與花同

又

曲闌干外天如水昨夜還曾倚初將明月比佳
期長向月圓時候望人歸羅衣著破前香在
舊意誰教改一春離恨嬾調絃猶有兩行閒淚

小山詞

五十一

汲古閣

寶箏前

又

疎梅月下歌金縷憶芙蓉文君語更誰情淺似春
風一夜滿枝新綠替殘紅蘋香已有蓮開信
兩槳佳期近採蓮時節定來無醉後滿身花影
倩人扶

又

玉簫吹徧煙花路小謝經年去更教誰畫遠山

眉又是陌頭風細惱人時時光不解年年好
葉上秋聲早可憐蝴蝶易分飛只有杏梁雙燕
每來歸

又

秋風不似春風好一夜金英老更誰來凭曲闌
干唯有雁邊斜月照關山雙星舊約年年在
笑盡人情改有期無定是無期說與小雲新恨
也低眉

小山詞

五十二

汲古閣

又

小梅枝上東君信雪後花期近南枝開盡北枝
開長被隴頭遊子寄春來年年衣袖年年淚
堪爲今朝意問誰同是憶花人賺得小鳴眉黛
也低顰

又

溼紅箋紙回紋字多少柔腸事去年雙燕欲歸
時還是碧雲千里錦書遲南樓風月長依舊

別恨無端有倩誰橫笛倚危欄今夜落梅聲裏
怨關山

又

一絃彈盡仙韶樂曾破千金學玉樓銀燭夜深
深愁見曲中雙淚落千金從來不奈離聲怨
幾度朱絃斷未知誰解賞新音長是好風明月
暗知心

採桑子

小山詞

五十三

汲古閣

鞦韆散後朦朧月滿院人閒幾處雕闌一夜風
吹杏粉殘 昭陽殿裏春衣就金縷初乾莫信
朝寒明日花前試舞看

又

花前獨占春風早長愛江梅秀豔清盃芳意先
愁鳳管吹 尋香已落閒人後此恨難裁更晚
須來却恐初開勝未開

又

蘆鞭墜徧楊花陌晚見珍珍疑是朝雲來作高
唐夢裡人 應憐醉拂樓中帽長帶歌塵試拂
香茵畱解金鞭睡過春

又

日高庭院楊花轉閒淡春風昨夜匆匆輦入遙
山翠黛中 金盆水冷菱花淨滿面殘紅欲洗
猶慵絃上啼鳥此夜同

又

此闕向刻醜
奴兒另編

小山詞

五十四

汲古閣

日高庭院楊花轉閒淡春風鶯語惺惚似笑金
屏昨夜空 嬌慵未洗勻粧手閒印斜紅新恨
重重都與年時舊意同

又

征人去日慙慙莫負心期寒雁來時第一傳
書慰別離 輕風織就機中素淚墨題詩欲寄
相思日日高樓看雁飛

又

花時惱得瓊枝瘦半被殘香睡損梅粧紅淚今
春第一行 風流笑伴相逢處白馬遊韁笑折
垂楊手撚芳條說夜長

又

春風不負年年信長趁花期小錦堂西紅杏初
開第一枝 碧簫度曲畱人醉昨夜歸遲恨短
憑誰鶯語慙慙月落時

又

小山詞

五十五

汲古閣

秋來更覺銷魂苦小字還稀坐想行思怎得相
看似舊時 南樓把手憑肩處風月應知別後
除非夢裏時時得見伊

又

誰將一點淒涼意送入低眉回箔閒垂多是今
宵得睡遲 夜痕記盡窗間月曾誤心期準擬
相思還是窗間記月時

又

宜春苑外樓堪倚雪意方濃雁影冥濛正芙蓉
屏小景同 可無人解相思處昨夜東風梅蕊
應紅知在誰家錦字中

又

白蓮池上當時月今夜重圓曲水蘭船憶伴飛
瓊看月眠 黃花綠酒分攜後淚溼吟箋舊事
年年時節南湖又採蓮

又

小山詞

五十六

汲古閣

高吟爛醉淮西月詩酒相畱明日歸舟碧藕花
中醉過秋 文姬贈別雙團扇舟瀉銀鈎散盡
離愁攜得清風到別州

又

前歡幾處笙歌地長負登臨月幌風襟猶憶西
樓著意淡 鶯花見盡當時事應笑如今一寸
愁心日日寒蟬夜夜砧

又

無端惱破桃源夢
明月青樓玉膩花柔不學行
雲易去畱 應嫌衫袖前香冷
重傷金虬歌扇
風流遮盡歸時翠黛愁

又

年時此夕東城見
歡意匆匆明日還重却在樓
臺縹緲中 垂螺拂黛清歌女
曾唱相逢秋月
春風醉枕香衾一歲同

又

小山詞

五十七

汲古閣

雙螺未學同心綰
已占歌名月白風清長倚
照
華笛裏聲 知音敲盡朱顏
改寂寞時情一曲
離亭俗與青樓忍淚聽

又

西樓月下當時見
淚粉偷勻歌罷還顰恨隔
爐煙看未真 別來樓外垂
楊縷幾換青春倦客
紅塵長記樓中粉淚人

又

非花非霧前時見
滿眼嬌春淺笑微顰恨隔
重簾看未真 殷勤借問家
何處不在紅塵若是
朝雲宜作今宵夢裏人

又

當時月下分飛處
依舊淒涼也會思量不道孤
眠夜更長 淚痕搵徧鴛鴦
枕重繞迴廊月上
東窗長到如今欲斷腸

又

小山詞

五十八

汲古閣

湘妃浦口蓮開盡
昨夜紅稀嬾過前溪閒艤
扁舟看雁飛 去年謝女池
邊醉晚雨霏微記得
歸時旋折新荷蓋舞衣

又

別來長記西樓事
結徧蘭衿遺恨重尋絃斷
相如綠綺琴 何時一枕逍
遙夜細話初心若問
如今也似當年著意深

又

紅窗碧玉新名舊猶綰雙螺一寸秋波一斛明
珠覺未多 小來竹馬同遊客慣聽清歌今日
蹉跎惱亂工夫量翠蛾

又

此闕舊刻醜奴兒另編亦稍有異同日
作聞道閒倚作方看應從作可憐

昭華鳳管知名久長閉簾櫳日日春慵閒倚庭
花暈臉紅 應從金谷無人後此會相逢三弄
臨風送得當筵玉酸空

又

小山詞

五十九

汲古閣

金風玉露初涼夜秋草窗前淺醉閒眠一枕江
風夢不圓 長情短恨難憑寄枉費紅箋試拂
么絃却恐琴心可倩傳

又

心期昨夜尋思徧猶負慙勤齊斗堆金難買丹
誠一寸真 須知枕上尊前意占得長春寄語
東鄰似此相看有幾人

踏莎行

柳上煙歸池南雪盡東風漸有繁華信花開花
謝蝶應知春來春去鸞能問 夢意猶疑心期
欲近雲箋字字縈方寸宿妝曾比杏腮紅憶人
細把香英認

又

宿雨收塵朝霞破暝風光暗許花期定玉人呵
手試妝時粉香簾幙陰陰靜 斜雁朱絃孤鸞
綠鏡傷春誤了尋芳信去年今日杏牆西啼鸞

小山詞

六十

汲古閣

喚得閒愁醒

又

綠徑穿花紅樓壓水尋芳誤到蓬萊地玉顏人
是蒨珠仙相逢展盡雙蛾翠 夢草閒眠流觴
淺醉一春總見瀛洲事別來雙燕又西飛無端
不寄相思字

又

雪盡寒輕月斜煙重清懽猶計前時共迎風朱

戶背燈開拂簷花影侵簾動 繡枕雙鴛香苞
翠鳳從來往事都如夢傷心最是醉歸時眼前
少箇人人送

畱春令

画屏天畔夢回依約十洲雲水手撚紅箋寄人
書寫無限傷春事 別浦高樓曾謾倚對江南
千里樓下分流水聲中有當日凭高淚

又

小山詞

六十一

汲古閣

採蓮舟上夜來陡覺十分秋意懊惱寒花暫時
香與情淺人相似 玉蕊歌清招晚醉戀小橋
風細水溼紅裙酒初消又記得南溪事

又

海棠風橫醉中吹落香紅強半小粉多情怨飛
絮仔細把殘春看 一抹濃檀秋水畔縷金衣
新換鸚鵡盃深豔歌遲更莫放人腸斷

清商怨

庭花香信口尚淺最玉樓先暝夢覺春衾江南
依舊遠 回紋錦字暗剪謾寄與也應歸晚要
問相思天涯猶自短

長相思

長相思長相思若問相思甚了期除非相見時
長相思長相思欲把相思說似誰淺情人不
知

醉落魄

小山詞

六十二

汲古閣

滿街斜月垂鞭自唱陽關徹斷盡柔腸歸思切
都爲人人不許多時別 南橋昨夜風吹雪短
亭下征塵歇歸時定有梅堪折欲把離愁細撚
花枝說

又

鸞孤月缺兩春惆悵音塵絕如今若負當時節
信道懽緣枉向衣襟結 若問相思何處歇相
逢便是相思徹儘饒別後畱心別也待相逢細

把相思說

又

天教命薄青樓占得聲名惡對酒當歌尋思著
月戶星窗多少舊期約相逢細語初心錯兩
行紅淚尊前落霞觴且共深深酌惱亂春宵翠
被都閒却

又

休休莫莫離多還是因緣惡有情無奈思量著

小山詞

六十三

汲古閣

月夜佳期近寫香箋約心心口口長恨昨分
飛容易當時錯後期休似前歡薄買斷青樓莫
放春閒却

西江月

愁黛顰成月淺啼妝印得花殘只消鴛枕夜來
閒曉鏡心情便嬾醉帽簷頭風細征衫袖口
香寒綠江春水寄書難攜手佳期又晚

又

南苑垂鞭路冷西樓把袂人稀庭花猶有鬢邊

枝且插殘紅自醉畫幕涼催燕去香屏曉放
雲歸依前青枕夢回時試問閒愁有幾

武陵春

綠蕙紅蘭芳信歇金蕊正風流應爲詩人多怨
秋花音與銷愁梁王苑路香英密長記舊嬉
遊曾看飛環戴滿頭浮動舞梁州

又

小山詞

六十四

汲古閣

九日黃花如有意依舊滿珍叢誰似龍山秋興
濃吹帽落西風年年歲歲登高節懽事旋成
空幾處佳人此會同今在淚痕中

又

煙柳長堤知幾曲一曲一魂銷秋水無情天共
遙愁送木蘭橈熏香繡被心情嬾期信轉迢
迢記得來時倚画橋紅淚滿絞綃

解佩令

玉堦秋感年華暗去掩深宮團扇無情緒記得
當時自剪下機中輕素點丹青画成秦女涼
襟猶在朱絃未改忍霜紈飄零何處自古悲涼
是情事輕如雲雨倚么絃恨長難訴

泛清波摘遍

催花雨小著柳風柔都似去年時候好露紅煙
綠盡有狂情關春早長安道秋千影裏絲管聲
中誰放豔陽輕過了倦客登臨暗惜花光陰恨

小山詞

六十五

汲古閣

多少楚天渺歸思正如亂雲短夢未成芳草
空把吳霜鬢華自悲清曉帝城杏雙鳳舊約漸
虛孤鴻後期難到且趁朝花夜月翠尊頻倒

歸田樂

試把花期數便早有感春情緒看卽梅花吐願
花更不謝春且長住只恐去春去花開還不
語此意年年春會否絳唇青鬢漸少花前語對
花又記得舊曾遊處門外垂楊未飄絮

河滿子

對鏡偷勻玉筋背人學寫銀鈎繫誰紅豆羅帶
角心情正著春遊邨日楊花陌上多時杏子牆
頭眼底關山無奈夢中雲雨空休問看幾許
憐才意兩蛾藏盡離愁難拚此回腸斷終須銷
定紅樓

又

綠綺琴中心事齊紈扇上時光五陵年少渾薄

小山詞

六十六

汲古閣

倖輕如曲水飄香夜夜魂銷夢峽年年淚盡啼
湘歸雁行邊遠字驚鸞舞處離腸蕙樓多少
鉛華在從來錯倚紅妝可羨鄰姬十五金釵早
嫁王昌

于飛樂

曉日當簾睡痕猶占香腮輕盈笑倚鸞臺暈殘
紅勻宿翠滿鏡花開嬌蟬鬢畔插一枝淡蕊疎
梅每到春深多愁饒恨妝成嬾下香階意中

人從別後縈繫情懷良辰好景相思字喚不歸來

愁倚欄令

憑江閣看煙鴻恨春濃還有當年聞笛淚灑東風
時候草紅花綠斜陽外遠水溶溶渾似阿蓮雙枕畔画屏中

又

花陰月柳梢鶯近清明長恨去年今夜雨灑離

小山詞

六十七

汲古閣

亭枕上懷遠詩成紅箋紙小研吳綾寄與征人教念遠莫無情

又

春羅薄酒醒寒夢初殘欹枕片時雲雨事已關山
樓上斜日闌干樓前路曾試雕鞍拚却一襟懷遠淚倚欄看

破陣子

柳下笙歌庭院花間姊妹秋千記得青樓當日

事寫向紅窗夜月前憑誰寄小蓮絳蠟等閒陪淚吳蠶到了纏綿綠鬢能供多少恨未肯無情比斷絃今年老去年

好女兒

綠徧西池梅子青時儘無端盡日東風惡更霏微細雨惱人離恨滿路春泥應是行雲歸路有閒淚灑相思想旗亭望斷黃昏月又依前誤了紅箋香信翠袖歡期

小山詞

六十八

汲古閣

又

酌酒殷懃儘更畱春忍無情便賦餘花落待花前細把一春心事問箇人人莫似花開還謝願芳意且常新倚嬌紅待得歡期定向水沉煙底金蓮影下睡過佳辰

兩同心

楚鄉春晚似入仙源拾翠處隨流水踏青路暗惹香塵心心在柳外青帘花下朱門對景且

醉芳樽莫話銷魂好意思曾同明月愁滋味最是黃昏相思處一紙紅箋無限啼痕

滿庭芳

南苑吹花西樓題葉故園歡事重重凭闌秋思閒記舊相逢幾處歌雲夢雨可憐流水各西東別來久淺情未有錦字繫征鴻年光還少味開殘檻菊落盡溪桐謾畱得尊前淡月西風此恨誰堪共說清愁付綠酒盃中佳期在歸時待

小山詞

六十九

汲古閣

把香袖看啼紅

風入松

柳陰庭院杏梢牆依舊巫陽鳳簫已遠青樓在水沉難復喚前香臨鏡舞鸞離照倚箏飛雁辭行墜鞭人意自淒涼淚眼回腸斷雲殘雨當年事到如今幾處難忘兩袖曉風花陌一簾夜月蘭堂

又

心心念念憶相逢別恨誰濃就中懊惱難拚處是擘釵分鈿匆匆却似桃源路失落花空記前蹤彩箋書盡浣溪紅深意難通強懣帶酒圖消遣到醒來愁悶還重若是初心未改多應此意須同

秋蕊香

池苑清陰欲就還傍送春時候眼中人去歡難偶誰共一盃芳酒朱闌碧砌皆如舊記攜手

小山詞

七十

汲古閣

有情不管別離久情在相逢終有

又

歌徹郎君秋草別恨遠山眉小無情莫把多情惱第一歸來須早紅塵自古長安道故人少相思不比相逢好此別朱顏應老

思遠人

紅葉黃花秋意晚千里念行客飛雲過盡歸鴻無信何處寄書得淚彈不盡臨窗滴就硯旋

研墨漸寫到別來此情深處紅箋爲無色

鳳孤飛

一曲畫樓鐘動宛轉歌聲緩綺席飛塵座滿更
小待金蕉喚細雨輕寒今夜短依前是粉牆
別館端的懽期應未晚奈歸雲難管

慶春時

倚天樓殿昇平風月彩仗春移鸞絲鳳竹長生
調裏迎得翠輿歸雕鞍遊罷何處還有心期

小山詞

七十一

汲古閣

濃熏翠被深停畫燭人約月西時

又

梅梢已有春來音信風意猶寒南樓暮雪無人
共賞閒却玉欄干慙慙今夜涼月還似睂彎
尊前爲把桃根麗曲重倚四絃看

喜團圓

危樓靜鎖窗中迢岫門外垂楊珠簾不禁春風
度解偷送餘香眠思夢想不如雙燕得到蘭

房別來只是憑高淚眼感舊離腸

憶悶令

取次臨鸞勻畫淺酒醒遲來晚多情愛惹閒愁
長黛睂低歛月底相逢見有深深良願願期
信似月如花須更交長遠

梁州令

莫唱陽關曲淚溼當年金縷離歌自古最消魂
于今更在魂銷處南橋楊柳多情緒不繫行

小山詞

七十二

汲古閣

人住人情却似飛絮悠揚便逐春風去

燕歸來

蓮葉雨蓼花風秋恨幾枝紅遠煙收盡水溶溶
飛雁碧雲中衷腸事魚箋字情緒年年相似
凭高雙袖晚寒濃人在月橋東

補亡一編補樂府之亡也叔原往者浮沉
酒中病世之歌詞不足以析醜解慍試續
南部諸賢餘緒作五七字語期以自娛不

獨敘其所懷兼寫一時盃酒間聞見所同
遊者意中事嘗思感物之情古今不易竊
以謂篇中之意皆人所不遺第于今無傳
爾故今所製通以補亡名之始時沈十二
廉叔陳十君寵家有蓮鴻蘋雲品清謳娛
客每得一解卽以草授諸兒吾三人持酒
聽之爲一笑樂已而君寵疾廢臥家廉叔
下世皆之狂篇醉句遂與兩家歌兒酒使

小山詞

七十三

汲古閣

俱流轉于人間自爾郵傳滋多積有竄易
七月已已爲高平公綴緝成編追維往昔
過從飲酒之人或隴木已長或病不偶考
其篇中所紀悲歡合離之事如幻如電如
昨夢前塵但能掩卷惘然感光陰之易遷
嘆境緣之無實也

諸名勝詞集刪選相半獨小山集直逼

花間字之嫺嫺如攬嬌施之袂恨不能

起蓮鴻蘋雲按紅牙板唱和一過晏氏
父子具足追配李氏父子云古虞毛晉記

小山詞

七十四

汲古閣

小山詞

終

東堂詞

目錄

謁金門 一調

浣溪沙 二十調

清平樂 二十調

水調歌頭 三調

小重山 四調

踏莎行 八調

玉樓春 十二調

山花子 三調

南歌子 三調

臨江仙 三調

剔銀燈 一調

武陵春 六調

東堂詞目

汲古閣

秦樓月 一調

訴衷情 二調

減字木蘭花 三調

惜分飛 四調

蝶戀花 九調

更漏子 三調

西江月 四調

青玉案 四調

雨中花 二調

鵲橋仙 二調

點絳脣 七調

如夢令 一調

生查子 五調

浪淘沙 一調

菩薩蠻 八調

漁家傲 三調

阮郎歸 二調

絳都春 一調

天香 一調

滿庭芳 二調

八節長歡 二調

驀山溪 四調

洞仙歌 一調

遍地花 一調

夜遊宮 一調

醉花陰 二調

上林春令 一調

帶人嬌 二調

河滿子 一調

七娘子 二調

夜行船 二調

燭影搖紅 三調

東堂詞目

汲古閣

憶秦娥 二調

千飛樂 三調

虞美人 三調

洛陽春 一調

散餘霞 一調

最高樓 二調

少年遊 一調

粉蝶兒 一調

調笑令 八調

破子 二調

遣隊 一調

感皇恩 三調

東堂詞目錄終

東堂詞

宋 毛滂

謁金門 筇 遊

燈霞裏老去筇遊不記月似舊時人不似小樓
何處是 歸臥晚香翠被玉酒著人小醉欲睡
先來都不睡此情那恁地

浣溪沙

宴太守張公內翰作

碧霧朦朧鬱寶熏和風容曳舞簾旌花間千騎

東堂詞

汲古閣

兩朱輪 金馬天材文作錦玉堂仙骨氣如水
湖山何似使君清

又 尉園 觀梅

曾向瑤臺月下逢爲誰回首矮牆東春風吹酒
退腮紅 庾嶺殷勤通遠信梅家瀟灑有仙風
晚香都狂玉盃中

又 新春四夜松竺小飲微雪復止

謝女清吟瑩郢樓樓前風轉柳花球學成舞態

却多羞 半落瓊瑤天又惜稍侵桃李蝶應愁

酒家先當翠雲裘

又

仲冬朔日猶步花塢中晚酌蕭然見櫻桃有花

小圃韶光不待邀早通消耗與含桃晚來芳意
半寒梢 含笑不言春淡淡試妝未徧雨蕭蕭

東家小女可憐嬌

又

家人生日

日照遮簷繡鳳皇博山金暎一簾香尊前光景

東堂詞

二

汲古閣

爲君長 不信臘寒雕鬢影漸勻春意上粧光
梅花長共占年芳

又

上元遊靜林寺或刻陸放翁

花市東風捲笑聲柳溪人影亂于雲梅花何處
暗香聞 露溼翠雲裘上月燭搖紅錦帳前春
瑤臺有路漸無塵

又

詠梅或刻惜香樂府

月樣嬋娟雪樣清此花強占百花春簾中燭底

好精神 多恨肌膚元自瘦半殘粧粉不懼勻
十分全似那人

又 初春泥舟時北山積雪
盈尺而水南梅林盛開

水北煙寒雪似梅水南梅開雪千堆月明南北
兩瑤臺 雲近恰如天上坐魂清疑向斗邊來
梅花多處載春回

又 寒食初晴
東堂對酒

小雨初收蝶做團和風輕拂燕泥乾鞦韆院落
東堂詞 汲古閣

落花寒 莫對清尊追往事更催新火續餘歡
一春心緒倚闌干

又 寒食初晴桃李皆已
零落獨牡丹微開

魏紫姚黃欲占春不教桃杏見清明殘紅吹盡
恰纔晴 芳草池塘新漲綠官橋楊柳半拖青
鞦韆院落管絃聲

又 八月十八
夜東堂作

晚色寒清入四簷梧桐冷碧到疎簾小花未了

燭花偏 瑤甕亭堆春這裏錦屏屈曲夢誰邊
熏籠香暝素衣添

又 九月十二
夜務亭作

碧浸澄沙上下天曲堤疎柳短長煙月明不待
十分圓 鑿落未空牙板闌干久凭夾衣寒
嬋娟薄倖冷相看

又 武康
社日

碧戶朱窗小洞房玉醅新壓嫩鵝黃半青橙子
東堂詞 汲古閣

可憐香 風露滿簾清似水笙簫一片醉爲鄉
笑容繡冷夜初長

又

松菊秋來好在無寄聲猿鶴莫情疎淵明不老
久踟躕 打鼓楓林誰作社枕溪茆屋憶吾廬
去年醉倒倩人扶

又

本是青門學灌園生涯渾在亂山前一犁春雨

種瓜田 別後倩雲遮鶴帳來時和月寄漁船
傷人莫做長官看

又泊望仙橋月
夜舟中畱客

晚色輕涼入画船雲峰飛盡玉爲天疎颺自爲
月褰簾 細酌流霞君且住更深風月更清妍
爲誰淒斷小橋邊

又訪吳中
朋友

錦里無端無素書長安秋晚憶家無故人來此

東堂詞

汲古閣

尚踟躕 舊事殷勤休忘了老來淒斷惡消除
小樓雪夜記當初

又松齋夜雨畱
客戲追往事

記得山翁往少年青樓一笑萬錢錢寶鞍逐月
玉鞭寒 老對凍醪畱客話醉爬短髮枕書眠
伴人松雨隔疎簾

又
餘英館

煙柳風蒲冉冉斜小窗不用著簾遮載將山影

轉灣沙 略約斷時分岸色蜻蜓立處過汀花
此情此水共天涯

又送湯
詞

蕙炷猶熏百和穠蘭膏正爛五枝紅風流雲散
太匆匆 仙草已添君勝爽醉鄉肯爲我從容
曠風殘月小庭空

又
舟泛

銀字笙簫小小童梁州吹過柳橋風阿誰勸我

東堂詞

汲古閣

玉盃空 小醉徑須眠錦瑟夜端不用照紗籠
画船簾卷月明中

又

灩灩金波暝做春疎疎煙柳瘦于人柳邊半醉
不勝情 未解画船畱待月緩歌金縷細畱雲
將雲帶月入東門

又
花小酌

蠟燭花中月滿窗楚梅初試壽陽妝麒麟爲脯

玉爲漿 花影燭光相動蕩抱持春色入金觴
鴨爐從冷醉魂香

又

竹送秋聲入小窗香迷夜色暗牙床小屏風掩
燭花長 雁過故人無信息酒醒殘夢寄淒涼
画橋露月冷鴛鴦

清平樂

千葉芝

九重寒少煙暝豐瑤草金井碧梧離鳳矯南極

東堂詞

汲古閣

人來最老 衣冠遠換裘瓊德隨和氣蟬連萬
里同開壽域一年三秀芝田

又

重芳疊秀風約仙雲縹緲椿不爭年松與壽共出
皇家忠孝 仁深枯冷皆蒙托根不倚東風日
照恩光萬里暝生塞草叢中

又

鏤煙剪霧鞦韆無層數苒蒨青深煩雪兔引到

祥華開處 仙人手翳朝陽清都絳闕相將來
覆東封翠輦好遮化日舒長

又

九金爲壽千葉前無有葉葉年年看不朽天與
君王意厚 君恩雨露無邊玉筵暖接非煙馬
向華山烽冷人安草亦千年

又

絳河清

絳河千歲一照昇平事萬里青銅開碧霽俯見

東堂詞

汲古閣

南山晚翠 紺寒不翅湘鄴清于練靜江澄流
向萬年觴裏玉波可但如澗

又

銀河秋浪遙出崑崙上忽變澄瀾添碧漲可道
昇平無象 黃雲濁霧初開榮光休氣徘徊試
覓當時五老金泥玉檢將來

又

天連翠瀨九折玻璃軟回挽金隄清冠轉疑芙

蓬萊清淺 吾君欲濟如何唐虞風順無多自
有松舟檣楫一帆三代同波

又 太師相
公生辰

娟娟月滿冉冉梅花暝春意初長寒力淺漸擬
芳菲滿眼 當時吉夢重重間生天子三公付
與人閒桃李年年管領春風

又

瀛洲春酒滿酌公眉壽日照沙隄春傍柳恩暝

東堂詞

九

汲古閣

朝天袞繡 東君著意叮嚀芳酸先許梅英要
就昇平滋味待公來進君羹

又

雪餘寒退唯有青松在春不加榮寒不賴用捨
如公都耐 流肪磊砢龜蛇會畱紅日西斜欲
助我公壽骨蟠桃等見開花

又 已卯長
至作

流光電急又過書雲日舊是天津花下客老對

山青水碧 而今轉憺年華遲陽爲緩西斜試
問東君音信曉寒猶壓梅花

又 東堂月夕小酌時寒
秀亭下安羅花盛開

雲峯秀疊露冷瑤璃葉北畔安羅花弄雪香度
小橋淡月 與君踏月尋花玉人雙捧流霞吸
盡盃中花月仙風相送還家

又 元
夕

東風桂影低拂姮娥鏡鏡裏妝寒酥粉瑩越恁

東堂詞

十

汲古閣

十分端正 素光行處隨人柳邊照見青春一
片笙簫何處花陰定有遺簪

又 春蘭出
殊名詩

曲房青鎖淺笑櫻桃破睡起三竿紅日過冷了
沉香殘火 東風偏管伊家剗教那與穠華誰
送一懷春思玉臺燕拂菱花

又 送賢松老盛德常還郡時飲
有酒於東堂二君許復過此

杏花時候庭下雙梅瘦天上流霞凝碧袖起舞

與君爲壽 兩橋風月同來東堂且沒塵埃煙
艇何時重理更憑風月相催

又 春夜曲

蘭堂燈炮春入流蘇夜衣褪輕紅聞水麝雲重
寶釵未卸 知君不奈情何時時慢轉橫波一
餉花柔柳困枕前特地春多

又 與諸君小酌燭下見花戲作

風搖炮燼吹下桃花影醉倒碧鋪眠碎錦誰伴

東堂詞

十一

汲古閣

香迷酒凝 少年不解辜春年來減盡春心猶
下繡簾遮定不教風雨侵凌

又

桃夭杏好似箇人人好淡抹胭脂眉不掃笑裏
知春占了 此情沒箇人知燈前仔細看伊恰
似雲屏半醉不言不語多時

又 春晚與諸君飲

孟深莫厭強看桃花面記約陽和初一線便恁

芳菲滿眼 明年春色重來東堂花爲誰開我
在蘆花深處釣磯雨綠梅苔

又

錦屏夜夜繡被黑蘭麝帳捲芙蓉長不下垂盡
銀臺蠟炮 臉痕微著流霞臍騰越恁穠華破
睡半殘妝粉月隨雪到梅花

水調歌頭 擬饒州法曹掾作

金馬空故事方朔謾多端三千牘在玉殿何日

東堂詞

十二

汲古閣

賜清閒難戀長安鐘漏誰借青雲咳唾拂袖且
東還笑殺長纓使復轉出秦關 吾道在雖不
遇面何慙雒陽年少高論難與絳侯談富貴
饒先手賒盡草頭秋露掩鼻出東山且飽鯨魚
膾風月過江南

又 登衢州雙石堂呈孫八太守公素

謝安涵雅量叔夜賦剛腸清宵假寐應笑長孺
臥淮陽盡徹東平屏障不廢南樓談詠宴寢自

凝香庭下一盃土須避赤帷裳 雙石健舍古

色照新堂百年喬木陰下僵立兩蛟蒼目送千

山爽氣簾卷一城風月杖屨合彷彿他日峨眉

秀相望隔明光

孫發廳事前古冢得雙石因以爲堂名石上有管人題識云疊

峨眉山于文會堂前

又元會

九金增宋重八玉變秦餘

上手詔在廷云六千重之用尙循秦舊

年清浸先淨河洛出圖書一段昇平光景不但

東堂詞

十三

汲古閣

五星循軌萬點共連珠

崇寧大觀之間太史數奏五星循軌衆星順鄉

靡有

碎亂

佩冷雲衢芝房雅奏儀鳳矯首聽笙竿天近黃

麾仗曉春早紅鸞扇暝遲日上金鋪萬歲南山

色不老對唐虞

小重山

晏太守張公內翰作

碧瓦朱甍紫翠深玻璃屏帳裏錦爲城子胥英

爽海濤橫玉堂人於此勸春耕 五月政當成

巖廊將去路肯畱行江山雄勝爲公傾公惜醉

風月若爲情

又立春日

誰勸東風鴈裏來不知天待雪惱江梅東郊寒

色尙徘徊雙彩燕飛傷鬢雲堆 玉冷曉妝臺

宜春金縷字拂香腮紅羅先繡踏青鞵春猶淺

花信更須催

又春雪

東堂詞

十四

汲古閣

門外東風糝玉塵曲房花氣藹博山春小槽珠

滴桂椒芬臘梅蕊誰共醉中聞 睡起靜無人

曲屏橫遠翠錦爲隣十年舊事夢如新紅蕤枕

猶暝楚峰雲

又家人

鵲舞青青雪裏松冰開龜在藻綠蒙茸一成不

記蕊珠宮蟠桃熟應待幾東風 玉酒紫金鍾

非煙羅幕暝寶鼎濃贈君春色腦寒中君畱取

長伴臉邊紅

踏莎行

陳與宗夜集
俾愛姬出幕

天質嬋娟妝光蕩漾御酥做出花模樣天桃繁
杏本妖妍文鴛彩鳳能偎傍艾綠濃香鵝黃
新釀綠雲清切歌聲上夜寒不近繡芙蓉醉中
祇覺春相向

又

會寶園初
見梅花

映竹幽妍臨池娟靚芳苞先暝香初娠南枝微

東堂詞

十五

汲古閣

弄雪精神東君早寄春音信奔月仙標乘煙

遠韵玉臺粉點和酥凝從來清瘦可禁寒爲誰

早把霞衣褪

又

明

粟玉玲瓏雅酥浮動芳姿染得胭脂重風前蘭
麝作香寒枝頭煙雪和春凍蜂翅初開蜜房
香弄佳人寒睡愁如夢鵝黃衫子茜羅裙風流
不與江梅共

又

正月五日定
空寺觀梅

景泮冰簷情回瑤草副能守得春來到管曾獨
自索春憐而今靚著東風笑粉凝酥寒雲房
睡覺胭脂也不添些小天貞要與此花爭是伊
占得春多少

又

元夕

撥雪尋春燒燈續晝暗香院落梅開後無端夜
色欲遮春天教月上官橋柳花市無塵朱門

東堂詞

十六

汲古閣

如繡嬌雲瑞霧籠星斗沉香火冷小妝殘半衾

輕夢濃如酒

又

早春
即事

階影紅遲柳苞黃遍纖雲弄日陰晴半重簾不
捲篆香橫小花初破春叢淺鳳繡猶重鴨爐
長暝屏山翠入江南遠醉輕夢短枕閒欹綠窗
窈窕風光轉

又

追往事

芳氣霏微薄衣料峭何人正倚桃花笑流紅不
出武陵溪這回空與春風到 樽俎全稀風情
終較安仁老也誰知道碧雲無信失秦樓舊時
明月猶相照

又中秋
詠月

碧樹陰圓綠堦露滿金波瀲灩堆瑤盞行雲會
事不飛來長空一片瑠璃淺 玉燕釵寒藕絲
袖冷只應未倚闌干遍隨人全不似嬋娟桂花

東堂詞

十七

汲古閣

影裏年年見

玉樓春

戊寅重陽病中不飲惟煎
小雲團一盃薦以菊花

西風吹冷沉香篆門掩小窗紅葉院臥看黃菊
送重陽露重煙寒花未徧 衰翁病怯琉璃簾
日日愁侵霜鬢短一盃菊葉小雲團滿眼蕭蕭
松竹晚

又

僕前年當重九微疾不飲但撥菊葉煎
水雲團用酌節物戲作短句以侑茗飲
逮去年曾登山高會今年客東都依逆
旅主人舍無游從不復出門不知時節

之變或云今日重九起坐空庭月下復
取雲團酌一盃蓋用僕故事以送佳節
又作侑茶一
首以和韻

泥銀四壁盤螭篆明月一庭秋滿院不知陶菊
總開無但見杜苔新雨徧 去年醉倒雲爲簾
未盡百壺驚日短小雲今夜伴牢愁好在鳳皇
春未晚

又贈孫宗
公素

三衢太守文章伯七月政成如戲劇坐中咳唾

東堂詞

十八

汲古閣

落珠璣筆下神明飛霹靂 才高莫恨溪山窄
且與燕公添秀發風流前輩漸無多好在魏公
門下客

又已卯歲

一年滴盡蓮花漏碧井醅酥沉凍酒曉寒料峭
尚欺人春態苗條先到柳 佳人重勸千長壽
柏葉椒花芬翠袖醉鄉深處少相知祇與東君
偏故舊

又定空寺
賞梅

蕊珠宮裏三千女滴粉爲春塵不住月華冷處
欲迎人七里香風生滿路 一枝誰寄長安去
想得韶光能幾許醉翁滿眼玉玲瓏直到煙空
雲盡處

又立春日

小園半夜東風轉吹皺冰池雲母面曉披闥
見朝陽知向碧堦添幾線 小煙弄柳晴先暖

東堂詞

十九

汲古閣

殘雪禁梅香尙淺慙勤洗拂舊東君多少韶華

聊借看

又至肝
胎作

長安回首空雲霧春夢覺來無覓處冷煙寒雨
又黃昏數盡一堤楊柳樹 楚山照眼青無數
淮口潮生催曉渡西風吹面立蒼茫欲寄此情
無雁去

又三月三日
雨夜觴客

一春花事今宵了點檢落紅都已少阿誰追路
問東君祇有青青河畔草 尊前不信韶華老
酒意韶光相偕好簷前算雨亦多情未做朝雲
容易曉

又

今朝何以爲公壽極貴長年公素有庭階不乏
長芝蘭少翁又是廷臣右 三能粲粲依魁秀
八柱巍巍蟠地厚皇家卜冊萬斯年年光長轉

東堂詞

二十

汲古閣

洪鈞手

又

我公兩器兼文武談笑巖廊無治古紅顏綠髮
已官高赤舄繡裳今仲父 我欲形容無妙語
頌穆清風須吉甫望公聊比泰山雲歲歲年年
天下雨

又

壓玉爲漿麟作角珠樹瓊葩長不謝翠簾繡暝

燕歸來寶鴨花香蜂上下 沙堤珮馬催公駕
月白風清天不夜重來赫赫照崑廊不動堂堂
疑太華

又紅梅

當日嶺頭相見處玉骨冰肌元淡素近來因甚
要濃粧不管滿城桃杏妬 酒暈臉霞春暗度
認是東君偏管顧□生羅□□羞香冷燠燠
都不覩

東堂詞

汲古閣

山花子

天雨新晴涼使君宴客雙
石堂遺宮如試小龍茶

日照門前千萬峯晴飈先掃凍雲空誰作素濤
翻玉手小團龍 定國精明過少壯次公煩碎
本雍容聽訟陰中苔自綠舞衣紅

又

冬至日天氣晏溫從使君步至雙石堂
北望山中微雪因開窗倚且適二柳當

前使君命代之霜
然遂得衆山之妙

日轉堂陰一線添使君和氣作春妍祗有北山
輕帶雪見豐年 殘月夜來收不盡行雲早起

更畱連急剪垂楊迎秀色到窗前

又吳興僧舍竹下
與王明之飲

雨色留香繞坐中映堦疎竹一叢叢不奈晚來
蕭瑟意子猷風 歛灩滿傾金鑿落淋漓從涇
繡芙蓉吸盡百川天上去看長虹

南歌子

正月二十八日
定空寺賞梅

算霰寒依樹嬌雲冷傍人江南誰寄一枝春何
似瓏璁十里更無塵 雨萼胭脂淡香鬚蝶子

東堂詞

二十二

汲古閣

輕碧山歸路小橋橫誰見暗香今夜月朧明

又東堂小酌
賦秋月

庭下新生月憑君把酒看不須直待素團團恰
似那人眉樣秀彎環 冷射鴛鴦瓦清欺翡翠
簾數枝煙竹小橋寒漸見風吹疎影過闌干

又席上和
守李師文

綠暗藏城市清香撲酒尊淡煙疎雨冷黃昏零
落除蘼花片損春痕 潤入笙簫膩春餘笑語

溫更深不鎖醉鄉門先遣歌聲畱佳欲歸雲

臨江仙

宿僧舍

古寺長廊清夜美風松煙檜蕭然石闌干外上
疎簾遇雲閒窈窕斜月靜嬋娟獨自徘徊無
個事瑤琴試奏流泉曲終誰見枕琴眠香殘虬
尾細燈燼玉蟲偏

又

客有逢故人者代書其情

莫恨那回容易別不妨久遠情腸爲人畱下舊

東堂詞

二十三

汲古閣

風光花枝長自好馥縷十年香便是日時簾
外月却來小檻低窗朦朧影裏淡梳妝相看如
夢寐回首乍思量

又

都城元夕

聞道長安燈夜好雕輪寶馬如雲蓬萊清淺對
觚稜玉皇開碧落銀界失黃昏誰見江南顚
顚客端憂嬾步芳塵小屏風畔冷香凝酒濃春
入夢窗破月尋人

別銀燈

同公素賦作歌者以七急拍七拜勸酒

簾下風光自足春忽到席間屏曲瑤甕酥融羽
觴蟻鬧花映鄴湖寒綠汨羅愁獨又何似紅圍
翠簇聚散悲歡箭速不易一盃相屬頻剔銀
燈別聽牙板尚有龍膏堪續羅黑繡馥錦瑟畔
低迷醉玉

武陵春

維嶽分公英特氣方丈拂長虹丙魏蕭曹總下

東堂詞

二十四

汲古閣

風千載友夔龍寶鼎裏翠昏簾繡嘉頌珮紳
同不用黃精掃髮中元是黑頭翁

又

迎得春來聞好語賀燕立簾鉤轉蕙風光柳弄
柔喜氣與春游萬錢珍鼎期公飯天自壽畱
侯文物昇平速置郵江左屬風流

王儉云江左風流宰相唯

有謝安

又

銀浦流雲初度月空碧掛團圓照夜珠胎貝闕
寒光彩滿長安 春風爲拂新沙路珂馬款天
關篆印金窠紅屈盤嵬蟲押千官

又 正月二日天寒欲雪孫使君置酒
作樂賓客插花劇飲明日當立春

城上落梅風料峭寒馥逼清尊爽興天教屬使
君雪意歷歌雲 挿帽殷羅金縷細燕燕早隨
人畱取笙歌直到明蓮漏已催春

又 正月十四夜孫使君席
上觀雪繼而月復明

東堂詞 一 二十五 汲古閣

風過氷簷環珮響宿霧在華茵勝落瑤花襯月
明嫌怕有纖塵 鳳口銜燈金炫轉人醉覺寒
輕但得清光解照人不負五更春

又 正月十七日成
節雪霽立春

春在村梅雪裏一夜到千門玉珮瓊裾下冷
雲銀界見東君 桃花髻暖雙飛燕金字巧宜
春寂莫溪橋柳弄晴老也探花人

秦樓月 月下
觀花

薔薇折一懷秀影花和月花和月著人濃似粉
香酥色 綠陰垂幕簾波疊微風過竹涼吹髮
涼吹髮無人分付這些時節

訴衷情 三月八日仲存席
上見吳家歌舞

花陰柳影映簾櫳羅幕繡重重行雲自隨語燕
回雪趁驚鴻 銀字歇玉盃空蕙煙中桃花髻
暝杏葉眉彎一片春風

又 七
夕

東堂詞 二十六 汲古閣

短疎縈綠象床低玉鴨度香遲微雲淡暑河漢
涼過碧梧枝 秋韻起月陰移下簾時人間天
上一樣風光我與君知

減字木蘭花 正月十七日孫守約觀殘燈
是夕燈火甚盛而雪消雨作

曉風吹雪洗盡碧階今夜月試覓雲英更就藍
橋惜月明 從教不借自有使君家不夜誰道
由天光景隨人特地妍

又 留賈
耘老

曾教風月催促花邊煙棹發不管花開月白風
清始肯來 既來且住風月閒尋秋好處收取
淒清曉日關干助夢吟

松老夢中
嘗作詩

又 李季家出
歌人

小橋秀絕露溼芙蓉花上月月下人人花樣精
神月樣清 誰言見慣到了司空情不慢丞相
嗔無若不嗔時醉倩扶

惜分飛 富陽水寺
秋夕望月

東堂詞

十七

汲古閣

山轉沙回江聲小望盡冷煙衰草夢斷瑤臺曉
楚雲何處英英好 古寺黃昏人悄悄簾卷寒
堂月到不會思量了素光看盡桐陰少

又 富陽僧舍作別
寺僧及遊芳

淚溼闌干花著露愁到睂峯碧聚此恨平分取
更無言語空相覷 短雨殘雲無意緒寂寞朝
朝暮暮今夜山深處斷魂分付潮回去

又 潘家樓望其南有
竹客投之不至

花影低徊簾幕捲慣了雙來燕燕驚散離闌晚
雨昏煙重垂楊院 雲斷月斜紅燭短望斷真
個望斷情寄梅花點趁風吹過樓南畔

又

恰則心頭托托地放下了日多縈係別恨還容
易袖痕猶有年時淚 滿滿頻斟乞求醉且要
時間忘記明日劉郎起馬蹄去便三千里

蝶戀花 越州生
黃草色

東堂詞

二十八

汲古閣

聞說君家傳窈窕秀色天真更奪丹青妙細意
端相都總好春愁春媚生顰笑 瓊玉胸前金
鳳小那事殷勤總託琵琶道十二峯雲遮醉倒
華燈翠帳花相照

又 吳興會
人往還

江接寒溪家已近想見秋來松菊荒三徑自送
吳山秋色盡星星却入雙蓬鬢 是短鶴長真
個定飭業未遲不用頻看鏡嬾出問人人不問

綠尊倒盡橫書枕

又戊寅秋寒
秀亭視梅

相見江南情不少爾許多時怪得無消耗
淡日暝雲勾引到闌干寂莫伶春小
宮面可懽勻画了粉瘦酥寒一段天真好喚起玉兒嬌睡覺
半山殘月南枝曉

又寒食

紅杏梢頭寒食雨燕子泥新不住飛來去行傍

東堂詞

二十九

汲古閣

柳陰閒好語鶯兒穿過黃金縷
桑落酒寒盃嬾舉總被多情做得無情緒
春過二分能幾許銀臺新火重簾幕

又東堂下牡丹僕所
栽者清明後見花

三疊闌干鋪碧甃小雨新晴纔過清明後初見
花王披袞繡嬌雲瑞日明春晝彩女朝真天
質秀寶髻微偏風捲霞衣皺莫道東君情最厚
韶光半在東堂手

又春夜
不寐

紅影班班吹錦片露葉煙梢寒月娟娟滿更起
遶庭行百遍無人祇有棲鶯見覓個薄情心
對換愁緒偏長不信春宵短正是碧雲音信斷
半衾猶賴熏熏暝

又席上和孫使君
孫莫春當受代

城上春雲低閣雨漸覺春隨一片花飛去素頸

圓吭鶯燕語不妨緩緩歌金縷墮紀賴綱公

東堂詞

三十

汲古閣

已舉但見清風蕭瑟隨談緒偕寇假饒天不許
未須忙遣韶華算

又送
茶

花裏傳觴飛羽過漸覺金槽月缺圓龍破素手
轉羅酥作顚鵝溪雪絹雲腴墮七盞能醒千
日臥扶起瑤山嫌怕香塵浥醉色輕鬆畱不可
清風停待些時過

又枕
微

不雨不晴秋氣味
酒病秋懷不做醒
鬆地初換
夾衣圍翠被
薔薇水潤衙香膩
旋折秋英餐
露蔬金縷虬團更試
康王水幽夢不來尋
小睡
無言劃盡屏山翠

更漏子

燕香曲

玉後猊金葉
暝馥馥香雲不斷
長下著繡簾重
怕隨花信風
倚薔薇搖露點
衣潤得香長遠
雙枕鳳一衾
鸞柳煙花霧間

東堂詞

三十一

汲古閣

又

初秋雨後
雙鸞賦

綠窗寒清漏短
帳底沉香火
燠殘燭暗
小屏鸞
雲峯遮夢還
那些愁推不去
分付一簷塞雨
簷外竹試秋聲
空庭鶴喚人

又

和孫公素沉
在江陵渡

柳藏煙雲漏日寒
滿雕盤
玉食風卷
旆水遙天
魚龍挾彩舫
水遠人波面
樂太守與民同樂
春好處總隨軒花中
誰狀元

京妓以色勝
者爲狀元紅

西江月

次韵孫使君賞花見
寄時僕武康待次

花下春藏五馬松
間風落雙鳬兵厨
玉帳捲鄴
湖人醉碧雲欲暮
歸去聊登文石
翱翔便是
天衢雅歌誰解
繼投壺桃李無言
滿路

又

縣圃小酌

煙雨半藏楊柳風
光初到桃花玉人
細酌流霞醉裏將
春畱下柳畔鴛鴦
作伴花邊蝴蝶
爲家醉翁醉裏也
隨他月在柳橋花
榭

東堂詞

三十二

汲古閣

又

長安秋夜與諸
君飲分題作

雨後夾衣初冷
霜前細菊渾班
孤殘清月繡團
環萬里長安秋晚
槽下內家玉滴
盤中江國金丸
春容著面作微
殷燭影紅搖醉
眼

又

舊茶

席上芙蓉侍
煥花間驪裏還
嘶勸君不醉且無
歸去誰人惜醉
湯點餅心未洗
乳堆盞面初肥
畱連能得幾多
時雨腋清風喚
起

青玉案 新涼

芙蓉花上濛濛雨又冷落池塘算何處風來搖
碧戶捲簾凝望淡煙疎柳翡翠穿花去 玉京
人去無由駐慙獨坐凭闌處試問綠窗秋到否
可人今夜新涼一枕無計相分付

又 竹間戲作

玉嬰初有排雲分向晚色娟娟靜秋入風枝清
不盡月和粉露徘徊孤映獨夜扶疎影 子猷

東堂詞

三十三

汲古閣

風調全相稱是彼此無凡韻玉勒前頭花柳近
水邊石上冷依煙雨時有幽人問

又 戲贈醉妓

玉人爲我殷勤醉向醉裏添姿媚偏著冠兒釵
欲墜桃花氣暝露濃煙重不自禁春意 綠榆
陰下東行水漸漸近淒涼地明月侵床愁不睡
睂兒吃皺爲誰無語闌住陽關淚

又

今宵月好來同看月未落人還散把手畱連簾

兒畔含羞和恨轉添凝眄花映春風面 相思

不用寬金釧也不用多情似玉燕問取嬋娟學

長遠不必清光夜夜見但莫負團圓願

雨中花 下注月夜

寒浸東傾不定更奈檣聲催緊堤樹隴明孤月

上暗淡淡移船影 舊事十年愁未醒漸老可

奈離恨今夜有誰知風中露裏目斷雲空盡

東堂詞

三十四

汲古閣

又 武康秋雨池上

池上小寒欲霧竹暗小窗低戶數點秋聲來侵
短夢簷下芭蕉雨 白酒浮蛆雞喙黍問陶令

幾時歸去溪月嶺雲蘋汀蓼岸總是思量處

鵲橋仙 春院

紅摧綠剗鬱愁蝶怨滿院落花風緊醉鄉好夢
恰惜騰又冷落一成吹醒 柔紅不耐暗香猶
好覩著翻成不忍春心減盡眼長閒更肯被游

絲牽引

又燭下看花

水精簾外沉香闌畔新下紅油画幕百花何處
避芳塵便獨自將春占却月華淡淡夜寒森
森猶把紅燈照著醉時從醉不歸家賢守定不
教冷落

點絳脣月波樓中秋作

高柳橫斜冷光凌亂搖疎翠露荷珠綴照見鴛

東堂詞

汲古閣

鴛鴦睡 □□□□□□□□□□□□□□□□

□□□□□□□□

又家人生日

柏葉春醅爲君競酌玻璃盞玉簫牙管人意如
春喚 髮綠長畱不使韶華晚春無限碧桃花
畔笑看蓬萊淺

又月波樓重九作

手撫歸鴻坐臨煙雨簾旌潤氣清天近雲日溫

欄楯 壓玉浮金一醉畱青鬢風光勝淡粧人
貌眉黛生秋暈

又家人生日

何處君家蟠桃花下瑤池畔日遲煙煥日得春
長遠 幾見花開一任年光換今年見明年重
見春色如人面

又武都靜林寺妙峯亭席上作假山前引水激起數尺

秀嶺塞青冷泉凌亂催秋意珮環聲裏無限真

東堂詞

汲古閣

珠碎 難我平生識盡閒滋味來閒地爲君一

醉萬事溪雲外

又醉中記遊一處復尋不果

小院重簾那回來處花相向遲遲一餉記得春
模樣 昨夜月明應照芙蓉帳空凝望蜂勞蝶
攘誰在花枝上

又惠山夜月贈鼓琴者時作流水弄

繡嶺橫秋玉螭吹暑迎涼氣碧崖流水流入春

蔥指 半倚朱絃微彈連環珥通深意月明風

細分付知音耳

如夢令

深苑重調絃管不覺銀臺燭短相對有金波天
畔樓中都滿人遠人遠醉倚闌干玉冷

生查子

登高
調詞

鱸蟹正肥時煙雨新涼日露蕊鬱金黃雲波蒲
萄碧 此日古爲佳此醉君寧惜高挂水晶簾

東堂詞

三十七

汲古閣

盡放秋光入

又

春日

日照小窗紗風動重簾繡寶炷暮雲迷曲沼晴
漪縹 煙暖柳醒鬆雪盡梅清瘦恰是可怜時
好似花穠後

又

釵上燕猶寒勝裏紅偏小恰有爾多春不許羣
花笑 酒面粉酥融香袖金泥罩芳意已潛通

殘雪猶相照

又

富陽
道中

春晚出山城落日行江岸人不共潮來香亦臨
風散 花謝小粧殘鶯困清歌斷行雨夢魂消
飛絮心情亂

又

花地錦斑殘月箔波凌亂鬪鴨玉闌傍撲獸金
爐畔 小醉奈春何輕夢催雲散却步蕙蘭中

東堂詞

三十八

汲古閣

應被鴛鴦見

浪淘沙

生日

深院繡簾垂前日春歸画橋楊柳弄煙霏池面
東風先解凍龜上漣漪 酒漱玉東西香暝後
猊遠山鬱秀入雙眉待看碧桃花爛熳春日遲

遲

菩薩蠻

次韵
送別

玉卮細酌流霞溼金釵翠袖勤畱客行色小梅

殘官橋楊柳寒 賜環宣室夜看落金蓮 他人

記海南康流風秀水傍

又代贈

端端正正人如月 孜孜媚媚花如頰 花月不如人
人眉眉眼眼青 沉香添小炷 共挹熏爐語香
解著人衣君心蝴蝶飛

又定空賞

含章簷下眉如月 擁酥和粉描疎雪 桃杏莫爭

東堂詞

三十九

汲古閣

春凌風臺畔人 如今千萬樹 零亂孤村雨 和
雨滴瑤觴 歸來肌骨香

又重陽

淡煙疎雨東籬曉 菊團淒露眞珠小 青莖挹寒
枝因誰特故遲 曾是騷人眎羞做茱萸伴 揉
破鬱金黃與君些子香

又

溪山不盡知多少 遙峯秀疊寒波渺 攜酒上高

臺與君開壯懷 枉做悲秋賦 醉後悲何處白

髮幾黃花官裘付酒家

又富陽道中

春潮曾送離魂去 春山曾見傷離處 老去不堪
愁凭闌 看水流 東風畱不住 一夜檐前雨 明
日覓春痕 紅疎桃杏村

又新城山中雨

雲山沁綠殘 眉淺垂楊睡 起腰肢 軟不見玉粧

東堂詞

四十

汲古閣

臺飛花將恨來 行雲何事惡 雨透羅衣薄 不
忍溼殘春 黃鸝啼向人

又贈舞

當時學舞鈞天部 驚鴻吹下江湖去 家住百花
橋 何郎偏與嬌 杏梁塵拂面 牙板聞鴛燕 勸
客玉梨花月侵釵燕斜

漁家傲

戊寅冬以病告臥潛玉時時策杖寒秀亭下作漁家傲三首

年少莫尋潛玉老 無才無藝煩君笑 喚過茆檐

霜日曉休起早竹間盡日無人到 別逕小峯
孤碧峭曲溝淺浸寒清遶此老相看情不少渾
忘了渾然忘了長安道

又

恰則小菴貪睡著不知風撼梅花落一點兒春
吹去却香約略黃蜂猶抱紅酥萼 遶遍寒枝
添索寞却穿竹徑隨孤鶴守定微官真箇錯從
今莫從今莫負雲山約

東堂詞

四十一

汲古閣

又

鬢底青春畱不住功名薄似風前絮何似甕頭
春沒數都占取祗消一紙長門賦 寒日半窗
桑柘算倚闌目送繁雲去却欲載書尋舊路煙
深處杏花菖葉耕春雨

阮郎歸

春

映階芳草淨無塵新晴隔柳陰綠絲步帳碧茸
茵遮藏欲盡春 □□□□□□□□□□□□□□

□□□□□□□□□□閒愁漸不禁

又

雨餘煙草弄春柔芳郊翠欲流煥風時轉柳花
毬晴光爛不收 紅盡處綠新稠穠華只暫畱
却應畱下等閒愁令人雙鬢秋

絳都春

太師
生辰

餘寒尚峭早鳳沼凍開芝田春到茂對誕期天
與公春向廊廟元功開物爭春妙付與穠華多

東堂詞

四十二

汲古閣

少召還和氣拂開霽色未妨談笑 縹緲五雲
亂處種彫菰向熟碧桃猶小雨露在門光彩充
閭烏亦好寶璫鬱霧城南道天錫公任安危二
十四考

天香

宴錢塘太守
公作

進止詳華文章爾雅金鑾恩異羣顏塵斷銀臺
天低鼇禁最是玉皇香案燕公視草星斗動昭
回雲漢對罷宵分又金蓮燭引歸院 年來偃

藩江畔賴湖山慰公心眼碧瓦千家偕袴襦餘
暝黃氣珠庭漸滿望紅日長安殊不遠緩轡端
門青春未晚

滿庭芳

夏曲

爍石炎曦迷雲急雨院落槐午陰清藕花開遍
綠細一池萍槽下真珠漚漚龍團破河朔餘醒
欄干外梧桐葉底金井轆轤聲 盈盈開霧帳
珊瑚連枕雲母圍屏對肌膚冰雪自有涼生翠
東堂詞 四十三 汲古閣

袖風回画扇拂香篆虬尾斜橫北窗晚娟娟靜

色竹影上簾旌

又

西園月夜賞花

馬絡青絲幃開紅錦小晴初斷香塵芳醪持燭
別有箇佳人飛蓋西園午夜花梢冷雲月朧明
應還惜畱花伴月占定可憐春 佳人爭插帽
已殘芳樹猶綴餘英任紅辭香散蝶恨蜂嗔醉
也和春戴去深院落初馥爐熏玉臺畔未教知

了畱映晚妝新

八節長歡

送孫守公素

名滿人間記黃金殿舊賜清閒才高鸚鵡賦風
凜惠文冠濤波何處試蛟鱓到白頭猶守溪山
且攸龔黃樣度畱與人看 桃溪柳曲陰圓離
唱斷旌旗却捲春還襦袴寄餘溫雙石畔唯聞
吏膽長寒詩翁去誰細遶屈曲闌干從今後南
來幽夢應隨月渡雲湍

東堂詞

四十四

汲古閣

又

登高詞

澤國秋深繡楹天近坐久魂清溪山遶樽酒雲
霧浥衣襟餘霞孤雁送鄉愁寄寒閨一點離心
杜老兩峯秀處短髮疎巾 佳人爲折寒英羅
袖溼真珠露冷鈿金幽豔爲誰妍東籬下却教
醉倒淵明君但飲莫覩他落日蕪城從教夜龍
山清月端的便解畱人

鷲山溪

東堂武康縣令舍盡心堂也僕改名東堂治平中越人王震所作自

吳興刺史府與五縣令舍無得與東堂
爭廣麗者去年僕來見其突兀出翳蒼
間而面生梁上鼠走戶內東西兩便室
蛛網粘塵蒙絡窗戶守舍無有丈夫履
聲姑以告云前大夫憂民勞苦眠飯于
簿書獄訟間是堂也向十餘間頃撓于
萬艾中鵲囀其上徑經其下磨鍊澤斧
以十夫日往刈之纔可入欲以居人則
有覆壓之患取以爲薪則又可憐試擇
其嵯峨之全加以斧斤乃能爲亭二爲
菴爲齋爲樓各一雖卑隘僅可容膝然
清泉修竹便有遠韻又伐惡木十許根
而好山不約自至矣乃以生遠名樓画
舫名齋潛玉名菴寒秀陽春名亭花名
塢蝶名徑而疊石爲魚磯編竹爲鶴巢
皆在池上獨陽春西窗高山最多又

東堂詞

四十五

汲古閣

有餘醺一架僕頃少時喜筆硯淺事徒
能誦古人紙上語未嘗與天下史師游
以故惡人甚惡其令不以寄枉直雖有
疾苦曾不以告也庭院蕭然鳥雀相呼
僕乃得飽食晏眠無所用心于東堂之
上戲作長短句一首托其聲于舊山溪
云

東堂先曉簾挂扶桑暝画舫寄江湖倚小樓心
隨望遠水邊竹畔石瘦薜花寒秀陰遮潛玉夢
鶴下漁磯晚 藏花小塢蝶徑深深見彩筆賦
陽春看藻思飄飄雲半煙拖山翠和月冷西窗

玻璃盞蒲萄酒旋落醪醑片

又上元
詞

嬋娟不老依舊東風面華燭下珠輶盛寒裏春
光一片不教算景也似每常來水精宮銀色界
今夜分明見 碧街如水人影花凌亂誰在柳
陰中小妝寒落梅數點詩翁獨倚十二玉闌干
露濛濛雲冉冉千嶂琉璃淺

又元夕
詞

東堂詞

四十六

汲古閣

梅花初謝雪後寒微峭誰送一城春綺羅香風
光窈窕插花走馬天近寶鞭寒金波上玉輪邊
不是紅塵道 玻璃山畔夜色無由到深下水
晶簾擁嚴粧鉛華相照珠樓綉紗人月兩嬋娟
尊前月月中人相見年年好

又楊花
詞

雪空壇徑撲撲憐飛絮柔弱不勝春任東風吹
來吹去牆陰花外一片落誰家葉依依煙鬱鬱

依舊如張緒 那人拈得吹向釵頭住不定却
飛揚滿眼前攬人情悵蜂兒蝶子教得越輕狂
隔斜陽點芳草斷送青春算

洞仙歌

中秋

綠煙深處碧海飛金鏡午夜玉階臥桂影相看
露涼時零落瓊漿神京遠唯有藍橋最近 水
精簾不下雲母屏開冷射佳人淡脂粉便總把
許多明付與清尊投曉笑流霞傾盡更移取胡

東堂詞

四十七

汲古閣

床上南樓看玉做人間素秋千頃

遍地花

孫守席上
詠牡丹

白玉欄邊自凝佇滿枝頭新彩雲雕霧甚芳菲
繡得成團砌合出韶華好處 暝風前一笑盈
盈吐檀心向誰分付莫與他西子精神不枉了
東君雨露

夜遊宮

僕養一鶴逸去因問時以屬鄭德
僑家今縣齋新作陽春亭旁見近
山數峯因德僑歸以此語
鶴便知僕居此不落莫也

長記勞君送遠柳煙重桃花波暝花外溪城望
不見古槐邊故人稀秋鬢晚 我有凌霄伴在
何處山寒雲亂何不隨君弄清淺見伊時話陽
春山數點

醉花陰

檀板一聲鶯起速山影穿疎木人在翠陰中欲
覓殘春春在屏風曲 勸君對客盃須覆燈照
瀛洲綠西去玉堂深魄冷魂清獨引金蓮燭

東堂詞

四十八

汲古閣

又

金葉猶溫香未歇更定次刀收更更尊羅衣一
雲清風人映團團月 持盃試聽畱春闋此箇
情腸別分付與鶯鴛勸取東君停待芳菲節

上林春令

十一月三
十日見雪

蝴蝶初翻簾繡萬玉女齊回舞袖落花飛絮濛
濛長憶著灞橋別後 濃香斗帳自永漏任滿
地月深雲厚夜寒不近流蘇抵憐他後庭梅瘦

帶人嬌

雪做屏風花爲行帳屏帳裏見春模樣小晴未
了輕陰一餉酒到處恰如把春拈上 官柳黃
輕河堤綠漲花多處少停蘭槳雪邊花際平蕪
疊嶂這一段淒涼爲誰悵望

又約歸期偶參
差戲作寄內

短棹猶停寸心先往說歸期喚做的當夕陽下
地重城遠樣風露冷高樓誤伊等望 今夜孤

東堂詞

四十九

汲古閣

村月明怎向依還是夢回繡幌還山想像秋波
蕩漾明夜裏與伊画著眉上

河滿子

夏曲

急雨初收珠點雲峰巉絕天半轆轤金井卷紺
冽簾外翠陰遮遍波翻水精重簾秋在瑠璃雙
簾漏永流花緩緩未放崦嵫晚晚紅荷綠菱
葦天好小宴水亭風館雲亂香噴寶鴨月冷釵
橫玉燕

七娘子

舟中
早秋

山屏霧帳玲瓏碧更綺窗臨水新涼入雨短煙
長柳橋蕭瑟這番一日涼一日 離多綠鬢多
時白這離情不似而今惱雲外長安斜暉脉脉
西風吹夢來無跡

又和賀方回
登月波樓

月光波影寒相向俗團團與做長壕樣此老南
樓風流可想殷勤水彩隨人上 欲同次道傾

東堂詞

五十

汲古閣

家釀有兵厨玉盞金波漲雲外歸鴻煙中飛槳
五湖秋興心無往

夜行船

雨夜泊吳江明
日過垂虹亭

寒滿一衾誰共夜沈沈醉魂朦鬆雨呼煙喚付
淒涼又不成那些好夢 忽明日煙江暝朦扁
舟係一行蛺蝶季膺生事水瀾漫過鱸船再三
目送

又

餘英緒
汎舟

弄水餘英谿畔綺羅香日遲風慢桃花春浸一
篙深画橋東柳低煙遠漲綠流紅空滿眼倚
蘭橈舊愁無限莫把鴛鴦驚飛去要歌時少低
檀板

燭影搖紅

松窗午夢初覺

一畝清陰半天瀟灑松窗午牀頭秋色小屏山
碧長垂煙縷枕畔風搖綠戶喚人醒不教夢
去可憐恰到瘦石寒泉冷雲出處

東堂詞

五十一

汲古閣

又

送會宗

老景蕭條送君歸去添淒斷贈君明月滿前谿
直到西湖畔門掩綠苔應遍爲黃花頻開醉
眼嬌奴無恙蝶子相迎寒窗日短

會宗小字名夢蝶前植橘

東偏甚廣

又

端夫曲

鬢綠飄蕭漫郎已是青雲晚古槐陰外小欄干
不負看山眼此意悠悠無限有雲山知人醉

嬾他年尋我水邊月底一簑煙短

憶秦娥

冬夜宴東堂

醉醉擊珊瑚碎花花先借春光與酒家夜
寒我醉誰扶我應抱瑤琴臥清清攬月吟風不
用人

又

二月二十三夜松軒作

夜夜夜了花朝也連忙指點銀瓶索酒嘗明
朝花落知多少莫把殘紅掃愁人一片花飛滅

東堂詞

五十二

汲古閣

却春

于飛樂

和太守曹子方

水邊山雲畔水新出煙林送秋來雙檜寒陰檜
堂寒香霧碧簾箔清深放衙隱几誰知共雲水
無心望西園飛蓋夜月到清樽爲詩翁露冷
風清退紅裙去碧袖花草爭春勸翁強飲莫辜
負風月留人

又

代人作別袁曲

記臚騰濃睡裏一片行雲未多時夢破雲驚聽
轆轤聲斷也井底銀瓶不如羅帶等閒便結得
同心 繫画船楊柳岸曉月亭亭記陽關斷韻
殘聲被西風吹玉枕酒魄還清有些言語獨自
個說與誰磨

又 別贈筵歌
妓姊妹

並梅兒雙蝶子煙縷衫輕鳳皇釵繚繞香雲淡
淡梳粧得恁雪膩酥勻揉春捻就更是他花與

東堂詞

五十三

汲古閣

精神 黛尖低桃夢破微笑輕顰早做成役夢
勞魂好風前佳月下莫忘行人扁舟去也沒箇
事多樣離情

虞美人

東園賞春見柳日
照杏花甚可愛

游人莫笑東園小莫問花多少一枝半朵惱人
腸無限姿媚倚斜陽 二分春去知何處
賴是無風雨更將繡幕密遮花任是東風急性
不由他

又

百花趕定東君去知與花何處陽春但更買花
栽畱住蜂兒蝶子等君來 翠輕綠嫩庭陰好
醉便眠芳草春波如酒不會空誰見東堂日日
自春風

又 官妓有名小
者坐中乞詞

柳枝却學腰肢裊好似江東小春風吹綠上睂
峯秀色欲流不斷眼波融 簷前月上燈花墮

東堂詞

五十四

汲古閣

風遞餘香過小歡雲散已難收到處冷煙寒雨
爲君愁

洛陽春

東歸代同
舟寄遠

月下風前花畔此情不淺欲畱風月守花枝却
不道而今遠 牆外鷺飛沙晚煙斜雨短青山
祇管一重重向東下遮人眼

散餘霞

牆頭花口寒猶禁放繡簾畫靜簾外時有蜂兒

赴楊花不定 欄干又還獨凭念翠低眉暈春
夢枉惱人腸更厭厭酒病

最高樓 散後

微雨過深院 芰荷中香冉冉繡重重玉人共倚
闌干角月華猶在小池東 人懷吹鬢影可憐
風 分散去輕如雲與夢剝下了許多風與月
侵枕簾冷簾櫳剛能小睡還驚覺略成輕醉早
醒鬆仗行雲將此恨到眉峰

東堂詞

五十五

汲古閣

又 春恨

新睡起 熏過繡羅衣梳洗了百般宜東風淡蕩
垂楊院一春心事有誰知苦畱人嬌不盡曲眉
低 謾良夜月圓空好意恐落花流水終寄恨
悲歡往往相隨鳳臺凝望雙雙羽高唐愁著夢
同時又爭如遵大路合逢伊

少年遊

長至日
席上作

遙山雪氣入疎簾羅幕曉寒添愛日騰波朝霞

入戶一線過冰簷 綠尊香嫩蒲萄暝滿酌破
冬嚴庭下早梅已含芳意春近瘦枝南

粉蝶兒

雪徧梅花素光都共奇絕到窗前認君時節下
重幃香篆冷蘭膏明滅夢悠揚空遶斷雲殘月
沈郎帶寬同心放開重結褪羅衣楚腰一捻
正春風新著摸花花葉葉粉蝶兒這回共花同
活

東堂詞

五十六

汲古閣

調笑令

竊以綠雲之音不羞春燕結風之袖若
翻秋鴻勿謂花月之無情長寄綺羅之
遺恨試爲調笑戲追風流少延重客之
餘歡聊發清樽之雅興

珠樹陰中翡翠兒莫論生小被雞欺鸛鵲樓
高蕩春思秋瓶眇碧雙琉璃御酥寫肌花作
骨燕釵橫玉雲堆髮使梁年少斷腸人凌波

襪冷重城月

城月冷羅襪郎睡不知鸞帳揭香淒翠被燈明
滅花困釵橫時節河橋楊柳催行色愁黛有人
描得

右崔徽

隼旗珮馬昌門西秦娘紺憶爲追隨河橋春
風弄鬢影桃花髻暎黃蜂飛繡茵錦薦承回
雪水犀梳斜抱明月銅駝夢斷江水長雲中

東堂詞

五十七

汲古閣

月墮寒香歇

香歇袂紅黥記立河橋花自折隼旗紺憶城西
闕教妾驚鴻回雪銅駝春夢空愁絕雲破碧江
流月

右秦娘

武寧節度客最賢後車攜藻爭春妍曲眉豐
頰亦能賦惠中秀外誰取憐花嬌葉困春相
逼燕子樓頭作寒食月明空照合懽床霓裳

罷舞猶無力

無力倚瑤瑟罷舞霓裳今幾日樓空雨小春寒
逼鈿暈羅衫煙色簾前歸燕看人立却趁落花
飛入

右昞昞

臨邛重客蜀相如被服容冶人閒都上宮煙
娥笑迎客繡犀六曲紅氍毹霰珠穿簾洞房
晚歌倚瑤琴半羞嬾天寒日暮可奈何挂客

東堂詞

五十八

汲古閣

冠纓玉釵冷

釵冷鬢雲晚羅袖拂人花氣暎風流公子來應
遠半倚瑤琴羞嬾雲寒日暮天微霰無處不堪
腸斷

右美人賦

寒雲夜捲霜倒飛一聲水調凝秋悲錦靴玉
帶舞回雪丞相筵前看柘枝河東詞客今何
地密寄軟綃三尺淚錦城春色隔瞿唐故華

灼灼今顏頤

顏頤何郎地密寄軟綃三尺淚傳心語眼郎應
記翠袖猶芬仙桂願郎學做蝴蝶子去去來來
花裏

右灼灼

春風戶外花蕭蕭綠窗繡屏阿母嬌白玉郎
君恃恩力樽前心醉雙翠翹西廂月冷濛花
霧落霞零亂牆東樹此夜靈犀已暗通玉環

東堂詞

五十九

汲古閣

寄恨人何處

何處長安路不記牆東花拂樹瑤琴理罷霓裳
譜依舊月窗風戶薄情年少如飛絮夢逐玉環
西去

右鸞鸞

白蘋溪邊張水嬉紅蓮上客心在誰丹山鸞
雛雜鷗鷺暮雲晚浪相逶迤十年東風未應
老斗豈明珠結里嫗花房著子青春深朱輪

來時但芳草

芳草恨春老自是尋春來不早落花風起紅多
少記得一枝春小綠陰青子空相惱此恨平生
懷抱

右茗子

半天高閣倚晴江使君燕客羅紈香一聲離
鳳破凝碧洞房十三春未央□□□□□□
□□□□□□□□珮瑤棄置洛城東風流

東堂詞

六十

汲古閣

雲散空相望

相望楚江上縈水繚雲聞妙唱龍沙醉眼看花
浪正要風將月傍雲車瑤珮成惆悵衰柳白鬚
相響

右張好好

破子

酒美從酒貴濯錦江邊花滿地鵲鵲換得文君
醉暎和一團春意怕將醒眼看浮世不換雲芽

雪水

又

花好怕花老
暝日和風將養到
東君須願長年
少圖不看花草
草西園一點紅
猶小早被蜂兒
知道

遣隊

歌長漸落杏梁塵
舞罷香風捲繡網
更擬綠雲
弄清切樽前恐有斷腸人

東堂詞

六十一

汲古閣

感皇恩

爾歲撫邦人曾無恩意
別後何人更相記
顯興
玉樹槐與蒹葭相倚
殷懃猶念我同吟醉
画舸相追孤城已閉
不道扁舟雲外住
夜分月冷一段波平
風細憶君清興滿無由寄

又

鎮江待闌

綠水小河亭
朱闌碧甃江月娟娟
上高柳画樓
縹緲盡挂窗紗
簾繡月明知我意來相就
銀

字吹笙金貉取酒小小微風弄襟袖
寶薰濃炷
人笑博山煙瘦
露涼釵燕冷更深後

又晚酌

多病酒樽疎
飲少輒醉年少銜盃可追記
無多酌我醉倒阿誰扶起
滿懷明月冷爐煙細雲
漠雖高風波無際何似歸來醉鄉裏
玻璃紅上滿載春光
花氣蒲萄仙浪軟迷紅翠

澤民自敘少時喜筆硯淡事後能誦古人

東堂詞

六十二

汲古閣

紙上詩嘗知武康縣改憲心堂為東堂
簿書

猗猗之暇
蘇觴咏自娛托其聲于菴山溪
如園畫然凡詩文画簡樂府摠名東堂集
盛
行于世昔人謂因贈瓊芳一詞見賞東坡得
名果余之耶
古虞毛晉記

東堂詞

終

放翁詞

目錄

念奴嬌 一調

浣溪沙 二調

青玉案 一調

水調歌頭 一調

浪淘沙 一調

定風波 一調

南鄉子 二調

滿江紅 二調

感皇恩 二調

好事近 十三調

玉蝴蝶 一調

鷓鴣天 八調

放翁詞目

汲古閣

驀山溪 二調

玉樓春 一調

朝中措 二調

臨江仙 一調

蝶戀花 四調

釵頭鳳 一調

清商怨 一調

水龍吟 二調

秋波媚 二調

採桑子 一調

卜算子 一調

沁園春 三調

秦樓月 一調

漢宮春 二調

月上海棠 二調

烏夜啼 八調

眞珠簾 二調

柳梢青 二調

夜遊宮 二調

安公子 一調

木蘭花慢 一調

蘇武慢 一調

齊天樂 二調

望梅 一調

洞庭春色 一調

漁家傲 一調

繡停針 一調

桃源憶故人 五調

極相思 一調

一叢花 二調

隔浦蓮近拍 二調

昭君怨 一調

放翁詞目

二

汲古閣

雙頭蓮 二調

南歌子 一調

憶王孫 二調

醉落魄 一調

鵲橋仙 三調

長相思 五調

菩薩蠻 二調

訴衷情 二調

生查子 二調

破陣子 二調

上西樓 一調

點絳脣 一調

謝池春 三調

洛陽春 二調

杏花天 一調

太平時 一調

戀繡衾 二調

風入松 一調

風流子 一調

放翁詞目

三

汲古閣

放翁詞目錄 終

放翁詞

宋 陸游

念奴嬌

招韓无咎
遊金山

禁門鐘曉憶君來朝露初翔鸞鵠西府中臺推
獨步行對金蓮宮燭感繡華韉僊葩寶帶看卽
飛騰速入生難料一尊此地相屬回首紫陌
青門西湖閒院鎖千梢脩竹素壁棲鴉應好在
殘夢不堪重續歲月驚心功名看鏡短鬢無多

放翁詞

一

汲古閣

綠一歡休惜與君同醉浮玉

浣溪沙

和无咎韻

謾向寒爐醉玉瓶喚君同賞小牕明夕陽吹角
最關情忙日苦多閒日少新愁常續舊愁生
客中無伴怕君行

又 南鄉
席上

浴罷華清第二湯紅綿撲粉玉肌涼娉婷初試
藕絲裳鳳尺裁成猩血色螭奩熏透麝脐香

水亭幽處捧霞觴

青玉案

與朱景參會北嶺

西風挾雨聲翻浪恰洗盡黃茱瘴老慣人間齊
得喪千巖高臥五湖歸棹替却凌煙像故人
小駐平戎帳白羽腰間氣何壯我老漁樵君將
相小槽紅酒晚香丹荔記取蠻江上

水調歌頭

多景樓

江左占形勝最數古徐州連山如畫佳處縹渺

放翁詞

二

汲古閣

著危樓鼓角臨風悲壯烽火連空明滅往事憶
孫劉千里曜戈甲萬竈宿貔貅露霑草風落
木歲方秋使君宏放談笑洗盡古今愁不見襄
陽登覽廢滅遊人無數遺恨黯難收叔子獨千
載名與漢江流

浪淘沙

丹陽浮玉亭席上作

綠樹暗長亭幾把離尊陽關常恨不堪聞何況
今朝秋色裏身是行人清淚浥羅巾各自消

魂一江離恨恰平分安得千尋橫鐵鎖截斷煙
津

定風波

進賢道上見梅贈王伯壽

欵帽垂鞭送客回小橋流水一枝梅衰病逢春
都不記誰謂幽香却解逐人來安得身閒頻
置酒攜手與君看到十分開少壯相從今雪鬢
因甚流年羈恨兩相催

南鄉子

放翁詞

三

汲古閣

歸夢寄吳橋水驛江程去路長想見芳洲初繫
纜斜陽煙樹參差認武昌愁鬢點新霜曾是
朝衣染御香重到故鄉交舊少淒涼却恐他鄉
勝故鄉

又

早歲入皇州樽酒相逢盡勝流三十年来真一
夢堪愁客路蕭蕭兩鬢秋蓬嶠偶重遊不待
人嘲我自羞看鏡倚樓俱已矣扁舟月笛煙簑

萬事休

滿江紅

危堞朱欄登覽處一江秋色人正似征鴻社燕
幾番輕別繾綣難忘當日語淒涼又作他鄉客
問鬢邊都有幾多絲真堪織楊柳院鞦韆陌
無限事成虛擲如今何處也夢魂難覓金鴨微
溫香縹緲錦茵初展情蕭瑟料也應紅淚伴秋
霖燈前滴

放翁詞

汲古閣

又

夔州催王伯禮
侍御尋梅之集

疎藥幽香禁不過晚寒愁絕那更是巴東江上
楚山千疊歛帽閒尋西瀼路鞦韆笑向南枝說
恐使君歸去上鑿坡孤風月清鏡裏悲華髮
山驛外溪橋側悽然回首處鳳皇城闕顚顚如
今誰領略飄零已是無顏色問行厨何日喚賓
僚猶堪折

感皇恩

伯禮立春
生日

春色到人間綵旛初戴正好春盤細生菜一般
日月只有僊家偏耐雪霜從點鬢朱顏在溫
詔鼎來延英催對鳳閣鸞臺看除拜對衣裁穩
恰稱毳紋新帶箇時方旋了功名債

又

小閣倚秋空下臨江渚漠漠孤雲未成雨數聲
新雁回首杜陵何處壯心空萬里人誰許黃
閣紫樞築壇開府莫怕功名欠人做如今熟計

放翁詞

汲古閣

只有故鄉歸路石帆山脚下菱三畝

好事近

寄張真甫

羈雁未成歸腸斷寶箏零落那更凍醪無力似
故人情薄瘴雲蠻雨暗孤城身在楚山角煩
問劔南消息怕還成疎索

又

風露九霄寒侍宴玉華宮闕親向紫皇香案見
金芝千葉碧壺僊露醞初成香味兩奇絕醉

後却騎丹鳳看蓬萊春色

又次宇文
卷目韻

客路苦思歸愁似繭絲千緒夢裏鏡湖煙雨看
山無重數 尊前消盡少年狂慵著送春語花
落燕飛庭戶歎年光如許

又

歲晚喜東歸掃盡市朝陳迹揀得亂山環處釣
一潭澄碧 賣魚沽酒醉還醒心事付橫笛家
放翁詞 六 汲古閣

在萬重雲外有沙鷗相識

又

華表又千年誰記駕雲孤鶴回首舊曾遊處但
山川城郭 紛紛車馬滿人間塵土汙芒屨且
訪葛仙丹井看巖花開落

又

揮袖別人間飛躡峭崖蒼壁尋見古僊丹竈有
白雲成積 心如潭水靜無風一坐數千息夜

半忽驚奇事看鯨波暎日

又

湓口放船歸薄暮散花洲宿兩岸白蘋紅蓼映
一蓑新綠 有沽酒處便爲家菱芡四時足明
日又乘風去住江南江北

又登梅仙山
絕頂望海

揮袖上西峰孤絕去天無尺拄杖下臨鯨海數
煙帆歷歷 貪看雲氣舞青鸞歸路已將夕多
放翁詞 七 汲古閣

謝半山松吹解慙慙留客

又

小倦帶餘醒澹澹數櫺斜日驅退睡魔十萬有
雙龍蒼壁 少年莫笑老人衰風味似平簪扶
杖東雲溪處探溪梅消息

又

覓箇有緣人分付玉壺靈藥誰向市塵深處識
遶天孤鶴 月中吹笛下巴陵條華赴前約今

古廢興何限歎山川如昨

又

平旦出秦關雪色駕車雙鹿借問此行安往賞
清伊脩竹 漢家宮殿劫灰中春草幾回綠君
看變遷如許況紛紛榮辱

又

秋曉上蓮峯高躡倚天青壁誰與放翁爲伴有
天壇輕策 鏗然忽變赤龍飛雷雨四山黑談

放翁詞

八

汲古閣

笑做成豐歲笑禪龕柳栗

又

混迹寄人間夜夜畫樓銀燭誰見五雲丹竈養
黃芽初熟 春風歸從紫皇遊東海宴賜谷進
罷碧桃花賦賜玉塵千斛

玉蝴蝶

惠州家
席上作

倦客平生行處墜鞭京洛解佩瀟湘此夕何年
來賦宋玉高唐繡簾開香塵乍起蓮步穩銀燭

分行暗端相燕羞鶯妒蝶擾蜂忙 難忘芳樽
頻勸峭寒新退玉漏猶長幾許幽情只愁歌罷
月侵廊欲歸時司空笑悶微近處丞相真狂斷
人腸假饒相送上馬何妨

鷓鴣天

杖屨尋春苦未遲洛城櫻筍正當時三千界外
歸初到五百年前事總知 吹玉笛渡清伊相
逢休問姓名誰小車處士深衣叟曾是天津笑

放翁詞

九

汲古閣

賦詩

又

家住東吳近帝鄉平生豪舉少年場十千沽酒
青樓上百萬呼盧錦瑟傷 身易老恨難忘尊
前贏得是淒涼君歸爲報京華舊一事無成兩
鬢霜

又

蔣夢
驛作

看盡巴山看蜀山子規江上過春殘慣眠古驛

常安枕熟聽陽關不慘顏 慵服氣嬾燒丹不
妨青鬢戲人間祕傳一字神仙訣說與君知只
是頑

又

梳髮金盤剩一窩畫眉鸞鏡暈雙蛾人間何處
無春到只有伊家獨占多 微步處奈嬌何春
衫初換麴塵羅東鄰鬪草歸來晚忘却新傳子

夜歌

放翁詞

十

汲古閣

又

家住蒼煙落照間絲毫塵事不相關掛殘玉瀝
行穿竹卷罷黃庭臥看山 食嘯傲任衰殘不
妨隨處一開顏元知造物心腸別老却英雄似
等閒

又

插脚紅塵已是顛更求平地上青天新來有箇
生涯別買斷煙波不用錢 沽酒市採菱船醉

聽風雨擁蓑眠三山老子真堪笑見事遲來四
十年

又

嬾向青門學種瓜只將漁釣送年華雙雙新燕
飛春岸片片輕鷗落晚沙 歌縹緲勝嘔啞酒
如清露鮮如花逢人問道歸何處笑指船兒此
是家

又

薛公肅家
席上作

放翁詞

十一

汲古閣

南浦舟中兩玉人誰知重見楚江濱憑教後苑
紅牙版引上西川綠錦茵 纔淺笑却輕嚬淡
黃楊柳又催春情知言語難傳恨不似琵琶道
得真

驀山溪

送伯
禮

元戎十乘出次高唐館歸去舊鷗行更何人齊
飛霄漢瞿唐水落惟是淚波深催疊鼓起身檣
難鎖長江斷 春溪鰲禁紅日宮輒暖何處望

香塵黯消魂層城飛觀人情見慣不敢恨相忘
梅驛外蓼灘邊只待除書看

又遊三榮
龍洞

窮山孤壘臘盡春初破寂寞掩空齋好一箇無
聊底我嘯臺龍岫隨分有雲山臨淺瀨蔭長松
閒據胡牀坐三杯徑醉不覺紗巾墮畫角喚
人歸落梅村籃輿夜過城門漸近幾點妓衣紅
官驛外酒壚前也有閒燈火

放翁詞

十二

汲古閣

玉樓春

立春
日作

三年流落巴山道破盡青山塵滿帽身如西瀼
渡頭雲愁抵瞿唐關上草春盤春酒年年好
試戴銀幡判醉倒今朝一歲大家添不是人間
偏我老

朝中措

梅

幽姿不入少年場無語只淒涼一箇飄零身世
十分冷淡心腸江頭月底新詩舊夢孤恨清

香任是春風不管也曾先識東皇

又代譚德
稱作

怕歌愁舞嬾逢迎粧晚託春醒總是向人深處
當時枉道無情關心近日啼紅密訴剪綠深
盟杏館花陰恨淺畫堂銀燭嫌明

又

整整儺鼓餞流年燭焰動金船綵燕難尋前夢
酥花空點春妍文園謝病蘭城久旅回首淒

放翁詞

十三

汲古閣

然明月梅山笛夜和風禹廟鶯天

臨江僊

離果
州作

鳩雨催成新綠燕泥收盡殘紅春光還與美人
同論心空眷眷分袂却匆匆只道真情易寫
那知怨句難工水流雲散各西東半廊花院月
一帽柳橋風

蝶戀花

離小
益作

陌上簫聲寒食近雨過園林花氣浮芳潤千里

斜陽鐘欲暝憑高望斷南樓信 海角天涯行
略盡三十年間無處無遺恨天若有情終欲問
忍教霜點相思鬢

又

桐葉晨飄蛩夜語旅思秋光黯黯長安路忽記
橫戈盤馬處散關清渭應如故 江海輕舟今
已具一卷兵書歎息無人付早信此生終不遇
當年悔草長楊賦

放翁詞

十四

汲古閣

又

水漾萍根風卷絮倩笑嬌嬈忍記逢迎處只有
夢魂能再過堪嗟夢不由人做 夢若由人何
處去短帽輕衫夜夜睂州路不怕銀缸深繡戶
只愁風斷青衣渡

又

禹廟蘭亭今古路一夜清霜染盡湖邊樹鸚鵡
杯深君莫訴他時相遇知何處 年年華畱

不住鏡裏朱顏畢竟消磨去一句丁寧君記取
神僊須是閒人做

釵頭鳳

紅酥手黃滕酒滿城春色宮牆柳東風惡歡情
薄一懷愁緒幾年離索錯錯錯 春如舊人空
瘦淚痕紅浥蛟綃透桃花落閒池閣山盟雖在
錦書難託莫莫莫

清商怨

葭萌
驛作

放翁詞

十五

汲古閣

江頭日暮痛飲乍雪晴猶凜山驛淒涼燈昏人
獨寢 鴛機新寄斷錦歎往事不堪重省夢破
南樓綠雲堆一枕

水龍吟

榮南
作

樽前花底尋春處堪歎心情全減一身萍寄酒
徒雲散佳人天遠那更今年瘴煙蠻雨夜郎江
畔漫倚樓橫笛臨牕看鏡時揮涕驚流轉 花
落月明庭院悄無言魂消腸斷憑肩攜手當時

曾效畫梁栖燕見說新來網縈塵暗舞衫歌扇
料也羞憔悴慵行芳徑怕啼鴛見

又 集中
逸

摩訶池上追遊客紅綠參差春晚韶光妍媚海
棠如醉桃花欲煖挑菜初開禁煙將近一城絲
管看金鞍爭道香車飛蓋爭先占新亭館 惆
悵年華暗換黯銷魂雨收雲散鏡奩掩月釵梁
折鳳秦箏斜雁身在天涯亂山孤壘危樓飛觀
放翁詞 十六 汲古閣

歡春來只有楊花和恨向東風滿

秋波媚

七月十六日晚在西湖
興亭望長安南山

秋到邊城角聲哀烽火照高臺悲歌擊筑憑高
酌酒此興悠哉 多情誰似南山月特地弄雲
開灞橋煙柳曲江池館應待人來

又

曾散天花藥珠宮一念墮塵中鉛華洗盡珠璣
不御道骨僊風 東遊我醉騎鯨去君駕素鸞

從堊虹看月天台采藥更與誰同

采桑子

寶釵樓上粧梳晚嬾上鞦韆閒撥沈煙金縷衣
寬睡髻偏 鱗鴻不寄遼東信又是經年彈淚
花前愁入春風十四絃

卜算子

詠梅

驛外斷橋邊寂寞開無主已是黃昏獨自愁更
著風和雨 無意苦爭春一任羣芳妒零落成
放翁詞 十七 汲古閣

泥碾作塵只有香如故

沁園春

三榮橋路
閨小宴

粉破梅梢綠動蕙叢春意已深漸珠簾低卷筇
枝微步水開躍鯉林暖鳴禽荔子扶疎竹枝哀
怨濁酒一尊和淚斟憑欄久歎山川冉冉歲月
駸駸 當時豈料如今漫一事無成霜鬢侵看
故人強半沙堤黃閣魚懸帶玉貂映蟬金許國
雖堅朝天無路萬里淒涼誰寄音東風裏有灞

橋煙柳知我歸心

又

一別秦樓轉眼新春又近放燈憶盈盈倩笑纖
纖柔握玉香花語雪暖酥凝念遠愁腸傷春病
思自怪平生殊未曾君知否漸香消蜀錦淚漬
吳綾難求繫日長繩况倦客飄零少舊朋但
江郊雁起漁村笛怨寒缸委燼孤硯生水水繞
山圍煙昏雲慘縱有高臺常怯登消魂處是魚
放翁詞
十八
汲古閣

又

孤鶴歸飛再過遼天換盡舊人念纍纍枯冢茫
茫夢境王侯螻蟻畢竟成塵載酒園林尋花巷
陌當日何曾輕負春流年改歎圍腰帶剩點鬢
霜新交親散落如雲又豈料如今餘此身幸
眼明身健茶甘飯輒非惟我老更有人貧縣盡
危機消殘壯志短艇湖中閒采蓴吾何恨有漁

翁共醉谿友爲鄰

秦樓月

玉花驄晚街金轡聲璁璁聲璁璁開欹烏帽又
過城東富春巷陌花重重千金沽酒酬春風
酬春風笙歌圍裏錦繡叢中

漢宮春

張園賞海棠作詞
故蜀燕王宮也

浪迹人間喜聞猿楚峽學劒秦川虛舟汎然不
繫萬里江天朱顏綠鬢任紅塵無事神僊何妨

放翁詞

十九

汲古閣

在鶯花海裏行歌閒送流年休笑放慵狂眼
看閒坊淡院多少嬋娟燕宮海棠夜宴花覆金
船如椽畫燭酒闌時百炬吹煙憑寄語京華舊
侶幅巾莫換貂蟬

又

自南鄭
來成都作

羽箭雕弓憶呼鷹古壘截虎平川吹笳算歸野
帳雪壓青毡淋漓醉墨看龍蛇飛落蠻牋人誤
許詩情將略一時才氣超然何事又作南來

看重陽藥市元夕燈山花時萬人樂處歛帽坐
鞭聞歌感舊尙時時流涕尊前君記取封侯事
在功名不信由天

月上海棠

成都城南有蜀王舊苑
多海棠二百餘年古木

斜陽廢苑朱門閉吊興亡遺恨淚痕裏淡淡宮
梅也依然點酥剪水凝愁處似憶宣華舊事

行人別有凄凉意折幽香誰與寄千里佇立江

臯杳難逢隴頭歸騎音塵遠楚天危樓獨倚宣華

放翁詞

二十

汲古閣

故蜀
地名

又

蘭房繡戶厭厭病歎春醒和悶甚時醒燕子空
歸幾曾傳玉關邊信傷心處獨展團窠瑞錦
熏籠消歇沈煙冷淚痕深展轉看花影漫擁餘
香怎禁他峭寒孤枕西牕曉幾聲銀瓶玉井

烏夜啼

金鴨餘香尙暖綠牕斜日偏明蘭膏香染雲鬟

賦釵墜滑無聲冷落鞦韆伴侶關珊打馬心
情繡屏驚斷瀟湘夢花外一聲鶯

又

簷角楠陰轉日樓前荔子吹花鷓鴣聲裏霜天
晚疊鼓已催衙鄉夢時來枕上京書不到天
涯邦人訟少文移省閒院自煎茶

又

我按丹臺玉字君書藥殿雲篇錦官城裏重相

放翁詞

二十一

汲古閣

遇心事兩依然攜酒何方處處尋梅共約年
年細思上界多官府且作地行僊

又

世事從來慣見吾生更欲何之鏡湖西畔秋千
頃鷗鷺共忘機一枕蘋風午醉二升菰米晨
炊故人莫訝音書絕釣侶是新知

又

素意幽棲物外塵緣浪走天涯歸來猶幸身強

健隨分作山家 已趁餘寒泥酒還乘小雨移
花柴門盡日無人到一徑傍谿斜

又

園館青林翠樾衣巾細葛輕紈好風吹散霏微
雨沙路喜新乾 小燕雙飛水際流鶯百轉林
端投壺聲斷彈碁罷閒展道書看

又

從宦元知漫浪還家更覺清真蘭亭道上多脩

放翁詞

二十二

汲古閣

竹隨處岸綸巾 泉冽偏宜雪茗杭香雅稱絲
尊脩然一飽西牕下天地有閒人

又

紈扇嬋娟素月紗巾縹緲輕煙高槐葉長陰初
合清潤雨餘天 弄筆斜行小草鈎簾淺醉閒
眠更無一點塵埃到枕上聽新蟬

眞珠簾

山村水館參差路感羈遊正似殘春風絮掠地

穿簾知是竟歸何處鏡裏新霜空自憫問幾時

鸞臺謫署遲算謾憑高懷遠書空獨語 自古

儒冠多誤悔當年早不扁舟歸去醉下白蘋洲

看夕陽鷗鷺菰菜鱸魚都棄了只換得青衫塵

土休顧早收身江上一蓑煙雨

又

燈前月下嬉遊處向笙歌錦繡叢中相遇彼此
知名纔見便論心素淺黛嬌蟬風調別最動人

放翁詞

二十三

汲古閣

時時偷顧歸去想閒牕深院調絃促柱 樂府

初翻新譜漫裁紅點翠閒題金縷燕子入簾時

又一番春草側帽燕脂坡下過料也計前年崔

護休訴待從今須與好花爲主

柳梢青

故蜀燕王宮海棠之盛
爲成都第一今屬張氏

錦里繁華環宮故邸疊萼奇花俊客妖姬爭飛

金勒齊駐香車 何須幙障幃遮寶杯浸紅雲

瑞霞銀燭光中清歌聲裏休恨天涯

又乙巳二月
西典贈別

十載江湖行歌沽酒不到京華底事翩然長亭
煙草衰鬢風沙 憑高目斷天涯細雨外樓臺
萬家只恐明朝一時不見人共梅花

夜遊宮 記夢寄
師伯渾

雪曉清笳亂起夢遊處不知何地鐵騎無聲望
似水想關河雁門西青海際 睡覺寒燈裏漏
聲斷月斜牕紙自許封侯在萬里有誰知鬢雖

放翁詞 二十四 汲古閣

殘心未灰

又宮

獨夜寒侵翠被奈幽夢不成還起欲寫新愁淚
濺紙憶承恩歎餘生今至此 荻荻燈花墜問
此際報人何事咫尺長門過萬里恨君心似危
欄難久倚

安公子

風雨初經社子規聲裏春光謝最是無情零落

盡薔薇一架況我今年憔悴幽牕下人盡怪詩
酒消聲價向藥爐經卷忘却鶯牕柳榭 萬事
收心也粉痕猶在香羅帕恨月愁花爭信道如
今都罷空憶前身便面章臺馬因自來禁得心
腸怕縱遇歌逢酒但說京都舊話

木蘭花慢 夜登青城
山玉華樓

閱邯鄲夢境歎綠鬢早霜侵奈華嶽燒丹青谿
看鶴尚負初心年來向濁世裏悟真詮祕訣絕

放翁詞 二十五 汲古閣

幽溪養就金芝九畹種成琪樹千林 星壇夜
學步虛吟露冷透瑤簪對翠鳳披雲青鸞遡月
宮闕蕭森琅函一封奏罷自鈞天帝所有知音
却遇蓬壺嘯傲世間歲月駸駸

蘇武慢 唐西
安湖

澹靄空濛輕陰清潤綺陌細塵初靜平橋繫馬
畫閣移舟湖水倒空如鏡掠岸飛花傷簷新燕
都是學人無定歎連年戎帳經春邊壘暗凋顏

鬢空記憶杜曲池臺新豐歌管怎得故人音
信驕懷易感老伴無多談麈久閒犀柄惟有脩
然筆牀茶竈自適筍與煙艇待綠荷遮岸紅蕖
浮水更乘幽興

齊天樂

左綿道中

角殘鐘晚關山路行人乍依孤店塞月征塵鞭
絲帽影常把流年虛占藏鴉桺暗歎輕負鶯花
謾勞書劔事往關情悄然頻動壯遊念孤懷

放翁詞

二十六

汲古閣

誰與強遣市壚沽酒酒薄怎常愁醞倚瑟妍詞
調鉛妙筆那寫柔情芳艷征途自厭况煙歛蕪
痕雨稀萍點最是眠時枕寒門半掩

又

三榮人日作

客中隨處開消悶來尋嘯臺龍岫路歛春泥山
開翠霧行樂年年依舊天工妙手放輕綠萱草
淡黃楊桺笑問東君爲人能染鬢絲否西州
催去近也帽簷風軟且看市樓沽酒宛轉巴歌

淒涼塞管攜客何妨頻奏征塵暗袖漫禁得梅
花伴人疎瘦幾日東歸畫船平放溜

望梅

壽非金石恨天教老向水程山驛似夢裏來到
南柯這些子光陰更堪輕擲戍火邊城又過了
一年春色歎名姬駿馬盡付杜陵苑路豪客
長繩漫勞繫日看人間俛仰俱是陳迹縱自倚
英氣凌雲奈回盡鵬程鍛殘鸞翮終日憑高誚

放翁詞

二十七

汲古閣

不見江東消息算沙邊也有斷鴻倩誰問得

洞庭春色

壯歲文章暮年勲業自管誤人算英雄成敗軒
裳得失難如人意空喪天真請看邯鄲當日夢
待炊罷黃粱徐欠伸方知道許多時富貴何處
關身人間定無可意怎換得玉鱸絲尊且釣
竿漁艇筆牀茶竈閒聽荷雨一洗衣塵洛水情
關千古後尚棘暗銅駝空愴神何須更慕封侯

定遠圖像麒麟

漁家傲

寄仲高

東望山陰何處是往來一萬三千里寫得家書
空滿紙流清淚書回已是明年事 寄語紅橋
橋下水扁舟何日尋兄弟行徧天涯真老矣愁
無寐鬢絲幾縷茶煙裏

繡停針

歎半紀跨萬里秦吳頓覺衰謝回首鷁行英俊

放翁詞

二十八

汲古閣

竝遊咫尺玉堂金馬氣凌萬華負壯略縱橫王
霸夢經洛浦梁園覺來淚流如瀉 山林定去
也却自恐說著少年時話靜院焚香閒倚素屏
今古總成虛假趁時婚嫁幸自有湖邊茅舍燕
歸應笑客中又還過社

桃園憶故人

并序

三榮郡治之西因子城作樓觀曰高齋
下臨山村蕭然如世外予畱七十日被

命參成都戎幕而去臨行徙倚竟日作

桃園憶故人

斜陽寂歷柴門閉一點炊煙時起雞犬往來林
外俱有蕭然意 衰翁老去疎榮利絕愛山城
無事臨去畫樓頻倚何日重來此

又

應雲道中

欄干幾曲高齋路正在重雲深處丹碧未乾人
去高棟空畱句 離離芳草長亭暮無奈征車

放翁詞

二十九

汲古閣

不住惟有斷鴻煙渚知我頻回顧

又

一彈指頃浮生過墮甌元知當破去去醉吟高
臥獨唱何須和 殘年還我從來我萬里江湖
煙舸脫盡利名韁鎖世界元來大

又

城南載酒行歌路冶葉倡條無數一朶韉紅凝
露最是關心處 鶯聲無賴催春去那更兼旬

風雨試問歲華何許芳草連天暮

又

中原當日山川震關輔回頭煨燼淚盡兩河征
鎮日望中興運秋風霜滿青青鬢老却新豐
英俊雲外華山千仞依舊無人問

極相思

江頭疎雨輕煙寒食落花天翻紅墜素殘霞暗
錦一段淒然惆悵東君堪恨處也不念冷落

放翁詞

汲古閣

樽前那堪更看漫空相趁柳絮榆錢

一叢花

樽前凝佇漫魂迷猶恨負幽期從來不慣傷春
淚爲伊後滴滿羅衣那堪更是吹簫池館青子
綠陰時回廊簾影晝參差偏共睡相宜朝雲
夢斷知何處倩雙燕說與相思從今判了十分
憔悴圖要箇人知

又

僊妹天上自無雙玉面翠蛾長黃庭讀罷心如

水閉朱戶愁近絲簧牕明几淨閒臨唐帖深炷

寶奩香人間無藥駐流光風雨又催涼相逢

共話清都舊歎塵劫生歎茫茫何如伴我綠蓑

青簫秋晚釣瀟湘

隔浦蓮近拍

飛花如趁燕子直度簾櫳裏帳掩香雲暖金籠
鸚鵡驚起疑恨慵梳洗粧臺畔蘸粉纖纖指寶

放翁詞

汲古閣

釵墜才醒又困幺幺中酒滋味嚮頭柳暗過

盡一年春事晝盡高樓怕獨倚千里孤舟何處

煙水

又

騎鯨雲路倒景醉面風吹醒笑把浮丘袂寥然
非復塵境震澤秋萬頃煙霏散水面飛金鏡露
華冷湘妃睡起鬟傾釵墜慵整臨江舞處零
亂塞鴻清影河漢橫斜夜漏永人靜吹簫同過

緱嶺

昭君怨

畫永蟬聲庭院人倦懶搖團扇小景寫瀟湘自
生涼 簾外蹴花雙燕簾下有人同見寶篆拆
宮黃炷熏香

雙頭蓮

呈范至能待制

華鬢星星驚壯志成虛此身如寄蕭條病驥向
暗裏消盡當年豪氣夢斷故國山川隔重重煙

放翁詞

汲古閣

水身萬里舊社凋零青門俊遊誰記

盡道錦

里繁華歎官閒畫永柴荆添睡清愁自醉念此

際付與何人心事縱有楚柁吳檣知何時東逝

空悵望鱸美菰香秋風又起

又

風卷征塵堪歎處青驄正搖金轡客襟貯淚漫
萬點如血憑誰持寄佇想艷態幽情壓江南佳
麗春正媚怎忍長亭匆匆頓分連理 目斷淡

日平蕪煙濃樹遠微茫如薺悲歡夢裏奈倦

客又是關河千里最苦唱徹驪歌重遲留無計
何限事待與丁寧行時已醉

南歌子

送周機宜之益昌

異縣相逢晚中年作別難算秋風雨客衣寒又
向朝天門外話悲歡 瘦馬行霜棧輕舟下雪
灘烏奴山下一林丹爲說三年常寄夢魂間

憶王孫

放翁詞

三十

汲古閣

春風樓上柳腰肢初試花前金縷衣嫋嫋娉娉
不自持曉粧遲畫得蛾眉勝舊時

又

一春常是雨和風風雨晴時春已空誰惜泥沙
萬點紅恨難窮恰似衰翁一世中

醉落魄

江湖醉客投杯起舞遺鳥幘三更冷翠霑衣溼
嫋嫋菱歌吹落半川月 空花昨夢休尋覓雲

臺麟閣俱陳迹元來只有閒難得青史功名天
却無心惜

鵲橋僊

華燈縱博雕鞍馳射誰記當年豪舉酒徒一半
取封侯獨去作江邊漁父輕舟八尺低篷三
扇占斷蘋洲煙雨鏡湖元自屬閒人又何必官
家賜與

又

放翁詞

三十四

汲古閣

一竿風月一蓑煙雨家在釣臺西住賣魚生怕
近城門况肯到紅塵深處潮生理權潮平繫
纜潮落浩歌歸去時人錯把比巖光我自是無
名漁父

又

夜間
社鵲

茅簷人靜蓬牕燈暗春晚連江風雨林鶯巢燕
總無聲但月夜常啼杜宇催成清淚驚殘孤
夢又揀溪枝飛去故山猶自不堪聽况半世飄

然羈旅

長相思

雲千重水千重身在千重雲水中月明收釣筒
頭未童耳未聾得酒猶能雙臉紅一尊誰與
同

又

橋如虹水如空一葉飄然煙雨中天教稱放翁
側船篷使江風蟹舍參差漁市東到時聞算
放翁詞

三十五

汲古閣

鐘

又

面蒼然鬢皤然滿腹詩書不值錢官閒常晝眠
晝凌煙上甘泉自古功名屬少年知心惟杜

鵲

又

算山青算霞明夢筆橋頭艇子橫蘋風吹酒醒
看潮生看潮平小住西陵莫較程蓴絲初可

烹

又

悟浮生厭浮名回視千鍾一髮輕從今心太平
愛松聲愛泉聲寫向孤桐誰解聽空江秋月
明

菩薩蠻

江天淡碧雲如掃蘋花零落蓴絲老細細晚波
平月從波面生漁家真箇好悔不歸來早經

放翁詞

三十六

汲古閣

歲洛陽城鬢絲添幾莖

又

小院蠶眠春欲老新巢燕乳花如掃幽夢錦城
西海棠如舊時當年眞草草一擢還吳早題
罷惜春詩鏡中添鬢絲

訴衷情

當年萬里覓封侯匹馬成梁州關河夢斷何處
塵暗舊貂裘胡未滅鬢先秋淚空流此生誰

料心在天山身老滄洲

又

青衫初入九重城結友盡豪英蠟封夜半傳檄
馳騎諭幽并時易失志難成鬢絲生平章風
月彈壓江山別是功名

生查子

還山荷主恩聊試扶犁手新結小茅茨恰占清
江口風塵不化衣鄰曲常持酒那似宦遊時

放翁詞

三十七

汲古閣

折盡長亭柳

又

梁空燕委巢院靜鳩催雨香潤上朝衣客少閒
談麈鬢邊千縷絲不是吳蠶吐孤夢泛瀟湘
月落聞柔艣

破陣子

仕至千鍾良易年過七十常稀眼底榮華元是
夢身後聲名不自知營營端爲誰幸有旗亭

沽酒何妨蘭紙題詩幽谷雲蘿朝採藥靜院軒
牕夕對碁不歸真箇癡

又

看破空花塵世放輕昨夢浮名蠟屐登山真率
飲筇杖穿林自在行身閒心太平料峭餘寒
猶力廉纖細雨初晴苔紙閒題谿上句菱唱遙
聞煙外聲與君同醉醒

上西樓

放翁詞

三十八

汲古閣

江頭綠暗紅稀燕交飛忽到當年行處恨依依
灑清淚歎人事與心違滿酌玉壺花露送春
歸

點絳脣

采藥歸來獨尋茆店沽新釀算烟千嶂處處聞
漁唱醉弄扁舟不怕黏天浪江湖上這回疎
故作箇閒人樣

謝池春

壯歲從戎曾是氣吞殘虜陣雲高狼煙夜舉朱
顏青鬢擁雕戈西戍笑儒冠自來多誤功名
夢斷却泛扁舟吳楚漫悲歌傷懷弔古煙波無
際望秦關何處歎流年又成虛度

又

賀鑑湖邊初繫放翁歸櫂小園林時時醉倒春
眠驚起聽啼鶯催曉歎功名誤人堪笑朱橋
翠徑不許京塵飛到掛朝衣東歸欠早連宵風
雨捲殘紅如掃恨樽前送春人老

放翁詞

三十九

汲古閣

又

七十衰翁不減少年豪氣似天山淒涼病驥銅
駝荆棘灑臨風清淚甚情懷伴人兒戲如今
何幸作箇故谿歸計鶴飛來晴嵐暝翠玉壺春
酒約羣僊同醉洞天寒露桃開未

洛陽春

滿路遊絲飛絮韶光將暮此時誰與說新愁有

百轉流鶯語 俯仰人間今古神僊何處花前
須判醉扶歸酒不到劉伶墓

又

識破浮生虛妄從人譏謗此身恰似弄潮兒曾
過了千重浪 且喜歸來無恙一壺春釀雨蓑
煙笠傍漁磯應不是封侯相

杏花天

老來駒隙駸駸度算只合狂歌醉舞金杯到手

放翁詞

四十

汲古閣

君休訴看著春光又菲 誰爲倩柳條繫住且
莫遣城笳催去殘紅轉眼無尋處盡屬蜂房燕
戶

太平時

竹裏房櫳一徑深靜悄悄亂紅飛盡綠成陰有
鳴禽 臨罷蘭亭無一事自修琴銅爐裊裊海
南沈洗塵襟

戀繡衾

不憎貂裘換釣篷嗟時人誰識放翁歸櫂偕樵
風穩數聲聞林外暮鐘 幽棲莫笑蝸廬小有
雲山煙水萬重半世向丹青看喜如今身在畫
中

又

無方能駐臉上紅笑浮生擾擾夢中平地是冲
霄路又何勞千日用功 飄然再過蓮峰下亂
雲深吹下暮鐘訪舊隱依然在但鶴巢時有墮

放翁詞

四十

汲古閣

松

風入松

十年裘馬錦江濱酒隱紅塵萬金選勝鶯花海
倚疎狂驅使青春吹笛魚龍盡出題詩風月俱
新 自憐華髮滿紗巾猶是官身鳳樓常記當
年語問浮名何似身親欲寄吳牋說與這回眞
箇閒人

風流子

佳人多命薄初心慕德耀嫁梁鴻記綠牕睡起
 靜吟閒詠句醜離合格變玲瓏更棄興素紉畱
 戲墨纖玉撫孤桐蟾滴夜寒水浮微凍鳳牋春
 麗花研輕紅 人生誰能料堪悲處身落柳陌
 花叢空羨畫堂鸚鵡深閉金籠向寶鏡鸞釵臨
 粧常晚繡茵身版催舞還慵腸斷市橋月笛燈
 院霜鐘

余家劉放翁全集已載長短句二卷尚逸

放翁詞

四十二

沒古閣

一二詞章次六錯見因載訂入名家揚用修
 云纖麗更似淮海雄慨處似東坡予謂趙
 奕處更似稼軒耳 古虞毛晉記

放翁詞終

稼軒詞目錄

卷第一

哨遍 三調

六州歌頭 一調

蘭陵王 二調

賀新郎 二十調

念奴嬌 十九調

沁園春 十三調

水調歌頭 二十調

玉蝴蝶 二調

卷第二

滿江紅 三十調

木蘭花慢 四調

稼軒目

沒古閣

水龍吟 十三調

摸魚兒 三調

西河 一調

永遇樂 五調

歸朝歡 四調

一枝花 一調

喜遷鶯 一調

瑞鶴仙 三調

聲聲慢 四調

八聲甘州 二調

雨中花慢 二調

漢宮春 六調

滿庭芳 四調

六么令 二調

醉翁操 一調

醜奴兒近 一調

洞仙歌 <small>四調</small>	幕山溪 <small>二調</small>
最高樓 <small>八調</small>	上西平 <small>二調</small>
卷第三	
新荷葉 <small>五調</small>	御街行 <small>二調</small>
祝英臺近 <small>二調</small>	婆羅門引 <small>五調</small>
千年調 <small>二調</small>	粉蝶兒 <small>一調</small>
千秋歲 <small>一調</small>	江神子 <small>十二調</small>
青玉案 <small>一調</small>	感皇恩 <small>五調</small>
孫軒目	
行香子 <small>四調</small>	一剪梅 <small>二調</small>
踏沙行 <small>四調</small>	定風波 <small>十一調</small>
破陣子 <small>五調</small>	臨江仙 <small>二十調</small>
蝶戀花 <small>十二調</small>	小重山 <small>三調</small>
南鄉子 <small>五調</small>	鷓鴣天 <small>五十調</small>
瑞鷓鴣 <small>五調</small>	
卷第四	
玉樓春 <small>十七調</small>	鵲橋仙 <small>七調</small>
汲古閣	

西江月 <small>十五調</small>	朝中措 <small>五調</small>
清平樂 <small>十五調</small>	好事近 <small>四調</small>
菩薩蠻 <small>十三調</small>	卜算子 <small>十三調</small>
醜奴兒 <small>八調</small>	浣溪沙 <small>十五調</small>
山花子 <small>八調</small>	虞美人 <small>四調</small>
浪淘沙 <small>三調</small>	減字木蘭花 <small>三調</small>
南歌子 <small>三調</small>	醉太平 <small>一調</small>
漁家傲 <small>一調</small>	錦帳春 <small>一調</small>
孫軒目	
太常引 <small>四調</small>	東坡引 <small>三調</small>
夜遊宮 <small>一調</small>	戀繡衾 <small>一調</small>
杏花天 <small>三調</small>	唐河傳 <small>一調</small>
醉花陰 <small>一調</small>	品令 <small>一調</small>
惜分飛 <small>一調</small>	柳梢青 <small>三調</small>
河瀆神 <small>一調</small>	武陵春 <small>二調</small>
謁金門 <small>三調</small>	酒泉子 <small>一調</small>
霜天曉角 <small>二調</small>	點絳脣 <small>二調</small>
汲古閣	

生查子 十調

尋芳艸 一調

阮郎歸 一調

昭君怨 三調

烏夜啼 三調

一絡索 二調

如夢令 一調

憶王孫 一調

稼軒目

汲古閣

稼軒詞目錄 終

稼軒詞

宋 辛棄疾

哨遍 秋水觀

蝸角鬪爭左觸右蠻一戰連千里君試思方寸
此心微總虛空并包無際喻此理何言泰山毫
末從來天地一稊米嗟小大相形鳩鵬自樂之
二蟲又何知記跖行仁義孔丘非更殤樂長年
老彭悲火鼠論寒水蠶語熟定誰同異 噫賢
賤隨時連城纔換一羊皮誰與齊萬物莊周吾
夢見之正商略遺篇翩然顧笑空堂夢覺題秋
水有客問洪河百川灌雨涇流不辨涯涘於是
焉河伯欣然喜以天下之美盡在已渺滄溟望
洋東視逡巡向若驚歎謂我非逢子大方達觀
之家未免長見悠然笑耳此堂之水幾何其但
清溪一曲而已

又 用前韻

稼軒

汲古閣

一壑自專五柳笑人晚乃歸田里問誰知幾者
動之微望飛鴻冥冥天際論妙理濁醪正堪長
醉從今自釀躬耕米嗟美惡難齊盈虛如代天
耶何必人知試回頭五十九年非侶夢裏歡娛
覺來悲嘆乃憐絃穀亦亡羊算來何異 嘻物
諱窮時豐狐文豹罪因皮富賢非吾願遑遑乎
欲何之正萬籟都沉月明中夜心彌萬里清如
水却自覺神遊歸來坐對依稀淮岸江溪看一
時魚鳥忘情喜會我已忘機更忘已又何曾物
我相視非魚濠上還意要是吾非子但教河伯
休慚海若大小均爲水耳世間喜愠更何其笑
先生三仕三已

稼軒

汲古閣

又趙昌父之祖季思學士退居鄭圃有亭
名魚計字文叔通爲作古賦今昌父之
弟成父於所居鑿池築亭榜以舊名爲
成父作詩屬余賦情過莊周論於蟻
知於魚得計於羊棄意其義美矣然上
文論蟻託於豕而得於羊肉爲蟻所慕
而後殘下文將併結二義乃獨置豕而
不言而遽論魚其義無所從起又問於

羊蟻兩句之間使羊蟻之義離不相屬
何耶其必有深意存焉顧後人未之曉
耳或言蟻得水而死羊得水而病魚得
水而活此最穿鑿不成意趣余嘗反復
尋繹終未能得意世必有能讀此書而
了其義者他日倘見之而問焉姑先識
余疑於此
詞云爾

池上主人人適忘魚魚適還忘水洋洋乎翠藻
青萍裏相魚兮無便於此嘗試思莊周談兩事
一明豕蝨一羊蟻說蟻慕於羶於蟻弃知又說
於羊棄意甚蝨焚於豕獨忘之却驟說於魚爲

稼軒

汲古閣

得計千古遺文我不知言以我非子 噫子固
非魚魚之爲計子焉知河水淡且廣風濤萬頃
堪依有網罟如雲鵜鴈成陣過而畱泣計應非
其外海茫茫下有龍伯飢時一啖千里更任公
五十犗爲餌使海上人人厭腥味似鵬鵬變化
幾東遊入海此計直以命爲嬉古來謬算狂圖
五鼎烹死栢爲平地嗟魚欲事遠遊時請三思
而行可矣

六州歌頭

屬得疾藥甚醫者莫曉其狀小愈因臥無聊戲作以自釋

晨來問疾有鶴止庭隅吾語汝只三事大愁余
病難扶手種青松樹碍梅塢妨花逕纔數尺如
人立却須鋤秋水堂前曲沼明於鏡可燭眉
鬚被山頭急雨耕壟灌泥塗誰使吾廬映汚渠
歎青山好簷外竹遮欲盡有還無刪竹去吾乍
可食無魚愛扶疎又欲爲山計千百慮累吾軀
凡病此吾過矣子奚知口不能言臆對雖盧

稼軒

汲古閣

扁藥石難除有要言妙道往問北山愚庶有瘳
乎

蘭陵王

賦一丘一壑

一丘壑老子風流占却茅簷上松月桂雲脉脉
石泉逗山脚尋思前事錯惱殺晨猿夜鶴終須
是鄧禹輩人錦繡麻霞坐黃閣長歌自深酌
看天闕爲飛淵靜魚躍西風黃菊香噴薄悵日
暮雲合佳人何處納蘭結佩帶杜若入江海會

約遇合事難托莫擊磬門前荷蕢人過仰天

大笑冠簪落待說與寤達不須疑著古來賢者

進亦樂退亦樂

又

已未八月二十日夜夢有人以石研屏見懷者其色如玉光潤可愛中有一牛

磨角作鬬狀云湘潭潭里有張其姓者多力善鬬號張難敵一日與人搏偶敗

忿赴河而死居三日其家人來視之浮水上則牛耳自後拉水之山往往有此

石或得之里中輒不利夢中與之爲作詩數百言大抵皆取古之怨憤變化與

物等事覺而忘其言後三日賦詞以識其異

稼軒

汲古閣

恨之極恨極銷磨不得長弘事人道後來其血
三年化爲碧鄭人緩也泣吾父攻儒助墨十年
夢沈痛化余秋柏之間旣爲實相思重相憶
被怨結中腸潛動精魄望夫江上巖巖立嗟一
念中變後期長絕君看啓母憤所激又俄頃爲
石難敵最力甚一念沉淵精氣爲物依然
困鬪牛磨角用便影入山骨至今雕琢尋思人
世只合化夢中蝶

賀新郎

賦水仙

雲臥衣裳冷看蕭然風前月下水邊幽影羅襪
生塵凌波去湯沐煙波萬頃愛一點嬌黃成暈
不記相逢曾解佩甚多情爲我香成陣待和淚
收殘粉 靈均千古懷沙恨記當時恩恩忘把
此仙題品煙雨淒迷倬僊損翠袂搖搖誰整謾
寫入瑤琴幽憤絃斷招魂無人賦但金杯的皪
銀臺潤愁帶酒又獨醒

又 賦海棠

孫軒

汲古閣

著厭霓裳素染胭脂苧羅山下浣沙溪渡誰與
流霞千古醞引得東風相誤從吏入吳宮深處
鬢亂釵橫渾不醒轉越江剡地迷歸路煙艇小
五湖去 當時倩得春留住就錦屏一曲種種
斷腸風度纔是清明三月近須要詩人妙句笑
援筆慙慙爲賦十樣蠻牋紋錯綺粲珠璣淵擲
驚風雨重喚酒共花語

又

賦滕王閣

高閣臨江渚訪層城空餘舊迹黯然懷古畫棟
朱簾當日事不見朝雲暮雨但遺下西山南浦
天宇修眉浮新綠映悠悠潭影恨如故空有恨
奈何許 王郎健筆誇翹楚到如今落霞孤鶩
競傳佳句物換星移知幾度夢想珠歌翠舞爲
徙倚闌干凝佇目斷平蕪蒼波晚快江風一瞬
澄襟暑誰共飲有詩侶

又 賦琵琶

孫軒

汲古閣

鳳尾龍香撥自開元霓裳曲罷幾番風月最苦
潯陽江頭客畫舸亭亭待發記出塞黃雲堆雪
馬上離愁三萬里望昭陽宮殿孤鴻沒絃解語
恨難說 遼陽驛使音塵絕瑣窗寒輕攏撥
珠淚盈睫推手含情還却手一抹梁州哀徹千
古事雲飛煙滅賀老定傷無消息想沉香亭北
繁華歇彈到此爲嗚咽

又

柳暗凌波路送春歸猛風暴雨一番新綠千里
瀟湘葡萄漲入解扁舟欲去又檣燕畱人相語
艇子飛來生塵步唾花寒唱我新番句波似箭
催鳴櫓 黃陵祠下山無數聽湘娥冷冷曲罷
爲誰情苦行到東吳春已算正江濶潮平穩渡
望金雀觚稜翔舞前度劉郎今重到問玄都千
樹花存否愁爲倩么絃訴

稼軒

汲古閣

又

陳同父自東陽來過余留十日與之同
游鵝湖其會未時華於紫溪不至飄然
東歸既別之明日余意中殊戀戀復欲
追路至鷺鷥林則雪深泥滑不得前矣
獨飲方村悵然久之頗恨挽留之不遂
也夜半投宿吳氏泉湖四望樓聞隣笛
悲甚爲賦乳燕飛以見意又五日同父
書來索詞心所同然者如此可發千里

笑一

把酒長亭說看淵明風流酷似臥龍諸葛何處
飛來林間鵲蹙踏松梢殘雪要破帽多添華髮
剩水殘山無態度被疎梅料理成風月雨三鴈

也瀟瑟 佳人重約還輕別悵清江天寒不渡

水深水合路斷車輪生四角此地行人銷骨問
誰使君來愁絕鑄就而今相思錯料當初費盡
人間鐵長夜笛莫吹裂

又 同父見和再用韻答之

老大那堪說似而今元龍臭味孟公瓜葛我病
君來高歌飲驚散樓頭飛雪笑富貴千鈞如髮
硬語盤空誰來聽記當時只有西窗月重進酒

稼軒

汲古閣

換鳴瑟 事無兩樣人心別問渠儂神州畢竟
幾番離合汗血鹽車無人顧千里空收駿骨正
目斷關河路絕我最憐君中宵舞道男兒到此
心如鐵看試手補天裂

又 用前韻贈金華杜仲高

細把君詩說恍餘音鈞天浩蕩洞庭膠葛千丈
陰崖墜不到惟有層冰積雪乍一見寒生毛髮
自管佳人多薄命對古來一片傷心月金屋冷

夜調瑟 去天尺五君家別看乘空魚龍慘淡
風雲開合起望衣冠神州路白日銷殘戰骨歎
夷甫諸人清絕夜半狂歌悲風起聽錚錚陣馬
簷間鐵南其北正分裂

又 三山雨中游西湖有懷趙丞相

翠浪吞平野挽天河誰來照影臥龍山下煙雨
偏宜晴更好約略西施未嫁待細把江山圖畫
千頃光中堆滌瀕似扁舟欲下瞿塘馬中有句

孫軒

汲古閣

浩難寫 詩人例入西湖社記風流重來手種
綠成陰也陌上游人誇國故十里水晶臺榭更複
道橫空清夜粉黛中洲歌妙曲問當年魚鳥無
存者堂上燕又長夏

又 和前

覓句如東野想錢塘風流處士水仙祠下更憶
小孤煙浪裏望斷彭郎欲嫁是一色空濛難畫
誰解胸中吞雲夢試呼來艸賦看司馬須更把

上林寫 雞豚舊日漁樵社問先生帶湖春漲
幾時歸也爲愛瑠璃三萬頃正臥水亭煙榭對
玉塢激瀾深夜鴈鷺如雲休報事被詩逢敵手
皆勅者春艸夢也宜夏

又 和前韻

碧海成桑野笑人間江翻平陸水雲高下自是
三山顏色好更看雨婚煙嫁料未必龍眠能畫
擬向詩人求幼婦倩諸君妙手皆談馬須進酒

孫軒

汲古閣

爲陶寫 回頭鷗鷺瓢泉社莫吟詩莫拋酒尊
是吾盟也千騎而今遮白髮忘却滄浪亭榭但
記得灞陵呵夜我輩從來文字飲怕壯懷激烈
須歌者蟬噪也綠陰夏

又 別茂嘉十二弟鵲鳩杜鵑實兩種見離騷補註

綠樹聽鶉鳩更那堪鷓鴣聲住杜鵑聲切啼到
春歸無尋處苦恨芳菲都歇算未抵人間離別
馬上琵琶關塞黑更長門翠輦辭金闕看燕燕

送歸妾 將軍百戰身名烈向河梁回頭萬里
故人長絕易水蕭蕭西風冷滿座衣冠似雪正
壯士悲歌未徹啼鳥還知如許恨料不啼清淚
長啼血誰笑我醉明月

又題趙兼善龍閣
東山小魯亭

下馬東山路恍臨風周情孔思悠然千古寂寞
東家丘何在縹緲危亭小魯試重上巖巖高處
更憶公歸西悲日正濛濛陌上多零雨嗟費却

稼軒
十二

汲古閣

幾章句 謝公雅志還成趣記風流中年懷抱
長攜歌舞政爾良難君臣事晚聽秦箏聲苦快
滿眼松篁千畝把似渠垂功名淚筭何如且作
溪山主雙白鳥又飛去

又題傅君
用山園

曾與東山約爲儵魚從容分得清泉一勺堪笑
高人讀書處多少松窗竹閣甚長被遊人占却
萬卷何言達時用士方竊早與人同樂新種得

幾花藥 山頭怪石蹲秋鶚俯人間塵埃野馬
孤撐高攬拄杖危亭扶未到已覺雲生兩腳更
換却朝來毛髮此地千年曾物化莫呼猿且自
多招鶴吾亦有一丘壑

又用韻題趙晉臣敷文積翠
巖余謂當築波於其前

拄杖重來約到東風洞庭張樂滿空簫勺巨海
拔犀頭角出東向北山高閣尚依舊爭前又却
老我傷懷登臨際問何方可以平哀樂唯是酒

稼軒
十三

汲古閣

萬金藥 勸君且作橫空鶚更休論人間腥腐
紛紛烏攫九萬里風斯在下翻覆雲頭雨腳快
直上崑崙濯髮好臥長虹陂千里是誰言聽取
雙黃鶴攜翠影浸雲壑

又韓仲止判院山中
見訪席上用前韻

聽我三章約有談功談名者舞談經淡酌作賦
相如親滌器識字子雲投閣算狂把精神費却
此會不如公榮者莫呼來政爾妨人樂醫俗士

苦無藥 當年衆鳥看孤鶻意飄然橫空直把
曹吞劉攫老我山中誰是伴須信窮愁有腳似
剪盡還生僧髮自斷此生天休問倩何人說與
乘軒鶴吾有志在丘壑

又

邑中園亭僕皆爲賦此詞一日獨坐停
雲水聲山色競來相娛意溪山欲援例
者遂作數語庶幾彷彿
淵明思親友之意云

甚矣吾衰矣悵平生交游零落只今餘幾白髮
空垂三千丈一笑人間萬事問何物能令公喜

稼軒
四

汲古閣

我見青山多嫵媚料青山見我應如是情與貌
略相似 一尊搔首東窗裏想淵明停雲詩就
此時風味江左沈酣求明者豈識濁醪妙理回
首叫雲飛風起不恨古人吾不見恨古人不見
吾狂耳知我者二三子

又

井用
前韻

鳥倦飛還矣笑淵明併中儲粟有無能幾蓮社
高人留翁語我醉寧論許事試沽酒重斟翁喜

一見蕭然音韻古想東籬醉臥參差是千載下
竟誰似 元龍百尺高樓裏把新詩慙慙問我
停雲情味北夏門高從拉攏何事須人料理翁
會道繁華朝起塵土人言寧可用顧青山與我
何如耳歌且和楚狂子

又

題傅巖叟
悠然閣

路入門前柳到君家悠然細說淵明重九晚歲
凄其無諸葛惟有黃花入手更風雨東籬依舊

稼軒
十五

汲古閣

頻顧南山高如許是先生拄杖歸來後山不記
何年有 是中不減康廬秀倩西風爲吾喚起
翁能來否鳥倦飛還平林去雲自無心出岫賸
準備新詩幾首欲辨忘言當年意慨遙遙我去
羲農久天下事可無酒

又

井用前韻
再賦

肘後俄生柳歎人生不如意事十常八九右手
淋浪才有用閒却持螯左手設贏得傷今感舊

投閣先生惟寂寞笑是非不了身前後持此語
問烏有 青山幸自重重秀問新來蕭蕭木落
頗堪秋否總被西風都瘦損依舊千崑萬岫把
萬事無言搔首翁比渠儂人誰好是我常與我
周旋久寧作我一盃酒

又

嚴和之好古博雅以嚴本莊姓取蒙莊
子陵四事曰濮上曰濮梁曰齊澤曰嚴
湖為四圖屬余賦詞余為蜀君平之高
楊子雲所謂雖陷和何以加諸者班孟
堅獨取子雲所稱述為王貢諸傳序引
不敢以其姓名列諸傳尊之也故余謂
之

稼軒
十六

汲古閣

濮上看垂釣更風流羊裘澤畔精神孤矯楚漢
黃金公卿印比看漁竿誰小但過眼纔堪一笑
惠子焉知濠梁樂望桐江千丈高臺好煙雨外
幾魚鳥 古來如許高人少細平章兩翁似與
巢由同調已被堯知方洗耳畢竟塵汚人了要
名字人間如掃我愛蜀莊沈冥者解門前不使

徵車到君為我盡三老

又

和徐斯遠下第
謝諸公載酒韻

逸氣軒眉宇似王良輕車熟路驂騑欲舞我覺
君非池中物咫尺蛟龍雲雨時與命猶須天賦
蘭佩芳菲無人問歎靈均欲向重華訴空鬱鬱
共誰語 兒曹不料楊雄賦怪當年甘泉誤說
青蔥玉樹風引船回滄溟闊目斷三山伊阻但
笑指吾廬何許門外蒼官三百輩盡堂堂八尺

稼軒
十七

汲古閣

鬚髯古誰載我帶湖去

念奴嬌

書東流
村壁

野塘花落又匆匆過了清明時節剗地東風欺
客夢一枕雲屏寒怯曲岸持觴垂楊繫馬此地
曾輕別樓空人去舊遊飛燕能說 聞道綺陌
東頭行人曾見簾底纖纖月舊恨春江流不斷
新恨雲山千疊料得明朝尊前重見鏡裏花難
折也應驚問近來多少華髮

又登建康賞心亭
呈史留守致道

我來吊古上危樓，贏得閒愁千斛。
虎踞龍盤何處是，只有興亡滿目。
柳外斜陽，水邊歸鳥，隴上吹喬木。
片帆西去，一聲誰噴霜竹。
却憶安石風流，東山歲晚，淚落哀箏曲。
兒輩功名都付與，長日惟消碁局。
寶鏡難尋，碧雲將暮，誰勸盃中綠。
江頭風怒，朝來波浪翻屋。

又西湖和人韻

稼軒十八

汲古閣

晚風吹雨戰新荷，聲亂明珠蒼壁。
誰把香奩收寶鏡，雲錦周遭紅碧。
飛鳥翻空，遊魚吹浪，慣趁笙歌席。
坐中豪氣，看君一飲千石。
遙想處士風流，鶴隨人去，已作飛僊客。
茆舍疎籬今在否，松竹已非疇昔。
欲說當年望湖樓下水，與雲寬窄。
醉中休問斷腸，桃葉消息。

又和韓南澗觀雪
見過雲樓觀雪

兔園舊賞，悵遺踪飛鳥，千山都絕。
縞帶銀盃江

上路惟有南枝香，別萬事新奇。
青山一夜對頭，先白倚巖千樹。
玉龍飛上瓊闕，莫惜霧鬢雲鬟。
試教騎鶴去，約尊前月自與詩翁磨凍硯。
看掃幽蘭新闕，便擬明年人問揮汗，畱斫層冰。
潔此君何事，晚來曾爲腰折。

又賦雨巖効朱希真體

稼軒十九

汲古閣

近來何處有吾愁，何處還知吾樂。
一點淒涼千古意，獨倚西風寥闊。
剪竹尋泉，和雲種樹，喚做真閒箇。
此心閒處，未應長籜丘壑。
休說往事皆非，而今覺是，且把酒尊酌。
醉裏不知誰是我，非月非雲，非鶴露冷松梢。
風高桂子，醉了還醒，却北窗高臥。
莫教啼鳥驚著。

又雙調和陳仁伯韻

少年橫槊氣憑陵，酒聖詩豪餘事袖手。
傍觀初未識兩兩三三，而已變化須臾。
鵬翻石鏡鵲抵星橋外，搗殘秋練玉砧。
猶想纖指堪笑千古

爭心等閒一勝拚了光陰費老子忘機渾謾與
鴻鵠飛來天際武媚宮中韋娘局上休把興亡
記布衣百萬看君一笑沉醉

又賦白牡丹和
范先之韻

對花何似似吳宮初教翠圍紅陣欲笑還愁羞
不語惟有傾城嬌韻翠蓋風流牙籤名字舊賞
那堪省天香染露曉來衣潤誰整最愛弄玉
團酥就中一朵曾入揚州詠華屋金盤人未醒

稼軒
二十

汲古閣

燕子飛來春盡最憶當年沉香亭北無限春風
恨醉中休問夜深花睡香冷

又和信守王道
大席上韻

風狂雨橫是邀勒園林幾多桃李待上層樓無
氣力應滿欄干誰倚傷人添衣移香就枕莫捲
朱簾起元宵過也春寒猶自如此爲問幾日
新晴鳩鳴屋上鵲報簷前喜揩拭老來詩句眼
要看拍堤春水月下憑肩花邊繫馬此興今休

矣溪南酒賤光陰只在彈指

又戲贈善作
墨梅者

江南盡處墮玉京僊子絕塵英秀彩筆風流偏
解寫姑射冰姿清瘦笑殺春工細窺天巧妙絕
應難有丹青圖畫一時都愧凡陋還似籬落
孤山嫩寒清曉祇欠香沾袖淡竚輕盈誰付與
弄粉調朱纖手疑是花神竭來人世占得佳名
久松篁佳韻倩君添做三友

稼軒
二十一

汲古閣

又題
梅

疎疎淡淡問阿誰堪比太真顏色笑殺東君虛
占斷多少朱朱白白雪裏溫柔水邊明秀不俗
春工力骨清香嫩迥然天與奇絕嘗記寶禦
寒輕瑣窗睡起玉纖輕摘漂泊天涯空瘦損猶
有當年標格萬里風煙一溪霜月未怕欺他得
不如歸去闌風有箇人憺

又瓢泉酒酣
和東坡韻

倘來軒冕問還是今古人間何物舊日重城愁
萬里風月而今堅壁藥籠功名酒壚身世可憐
蒙頭雪浩歌一曲坐中人物三傑 休歎黃菊
凋零孤標應也有梅花爭發醉裏重揩西望眼
惟有孤鴻明滅萬事從教浮雲來去枉了衝冠
髮故人何在長庚應伴殘月

又 再用韻和洪莘之通判丹桂詞

道人元是道家風來作煙霞中物憶裁犀遮不

稼軒
二十二

汲古閣

定紅透玲瓏油壁偕得春工惹將秋露薰做江
梅雪我評花譜便應推此爲傑 憔悴何處芳
枝十郎手種看明年花發生斷虛空香色界不
怕西風起滅別駕風流多情更要簪滿嫦娥髮
等閒折盡玉斧重倩修月

又

洞庭春晚舊傳恐是人間尤物收拾瑤池傾國
艷來向朱欄一壁透戶龍香隔簾鶯語料得肌

如雪月妖真態是誰教避人傑 酒罷歸對寒
窗相留昨夜應是梅花發賦了高唐猶想像不
管孤燈明滅半面難期多情易感愁幾點星星
髮繞梁聲在爲伊忘味三月

又 趙晉臣數文十月望生日自賦詞屬余和韻

看公風骨似長松磊落多生奇節世上兒曹都
蓄縮凍芋芴堆秋飈結屋溪頭境隨人勝不是
江山別紫雲如陣妙歌爭唱新闌 尊酒一笑

稼軒
二十三

汲古閣

相逢與公臭味菊花蘭須悅天上四時調玉燭
萬事宜詢黃髮看取東歸周家叔父手把元龜
說祝公長似十分今夜明月

又 和趙國典知錄

爲沽美酒過溪來誰道幽人難致更覺元龍樓
百尺湖海平生豪氣自歎年來看花索句老不
如人意東風歸路一川松竹如醉 怎得身似
莊周夢中蝴蝶花底人間世記取江頭三月暮

風雨不爲春計萬斛愁來金貂頭上不抵銀瓶
資無多笑我此篇聊當寶戲

又重九
席上

龍山何處記當年高會重陽佳節誰與老兵共
一笑落帽參軍華髮莫倚忘懷西風也解點檢
簪前客淒涼今古眼中三兩飛蝶須信采菊
東籬千載之上只有陶彭澤愛說琴中如得起
何勞聲切試把空林翁還肯道何必盃中物臨

稼軒
二十四

汲古閣

風一笑請翁同醉今夕

又用韻答傅
先之提舉

君詩好處似鄒魯儒家還有奇節下筆如神彊
押韻遺恨都無毫髮炙手炎來掉頭冷去無限
長安客丁寧黃菊未消勾引蜂蝶天上絳闕
清都聽君歸去我自癯山澤人道君才剛百鍊
美玉都成泥切我愛風流醉中傾倒丘壑胸中
物一盃相屬莫孤風月今夕

又賦傅巖叟香
月堂兩梅

未須草草賦梅花多少騷人詞客總被西湖林
處士不肯分畱風月疎影橫斜暗香浮動把斷
春消息試將花品細參今古人物看取香月
堂前歲寒相對楚龔之潔自與詩家成一種不
係南昌仙籀怕是當年香山老子姓白名來江
國謫人仙字太白還又名白

又余既爲傅巖叟兩梅賦詞傳君用席上
有語云家有四古梅今百年矣未有一

稼軒
二十五

汲古閣

品題乞援香月堂詞欣然
許之且用前韻爲賦

是誰調護歲寒枝都把蒼苔封了茆舍疎籬江
上路清夜月高山小摸索應知曹劉沈謝何況
霜天曉芬芳一世料君長被花惱惆悵立馬
行人一枝最愛竹外橫斜好我向東鄰曾醉裏
喚起詩家二老拄杖而今婆婆雪裏又識商山
皓請君置酒看渠與我傾倒

沁園春
帶湖新
居將成

三徑初成鶴怨猿驚稼軒未來甚雲山自許平
生意氣衣冠人笑抵死塵埃意倦須還身閒賢
早豈爲尊羹鱸膾哉秋江上看驚絃雁避駭浪
船回東岡更葺茅齋好都把軒窗臨水開要
小舟行釣先應種柳疎籬護竹莫礙觀梅秋菊
堪餐春蘭可佩畱待先生手自栽沉吟久怕君
恩未許此意徘徊

又送趙景明知縣
東歸再用前韻

稼軒

二十六

汲古閣

佇立瀟湘黃鵠高飛望君未來快東風吹斷西
江對語急呼斗酒旋拂塵埃却怪英姿有如君
者猶欠封侯萬里哉空贏得道江南佳句只有
方回錦帆畫舫行齋帳雪浪粘天江景開記
我行南浦送君折柳君逢驛使爲我攀梅落帽
山前呼鷹臺下人道花須滿縣栽都休問看雲
霄高處鵬翼徘徊

又戊申歲奏邸忽騰報謂
余以病挂冠因賦此

老子平生笑盡人間兒女怨根況白頭能幾定
應獨往青雲得意見說長存抖擻衣冠憐渠無
恙合挂當年神武門都如夢算能爭幾許雞曉
鐘昏此心無有新冤況抱甕年來自灌園但
淒涼顧影頻悲往事慙勤對佛欲問前因却怕
青山也妨賢路休關尊前見在身山中友試高
吟楚些重與招魂

又期思舊呼奇獅或云基獅皆非也余考
之荀卿書云孫叔敖期思之鄙人也期

稼軒

二十七

汲古閣

思屬弋陽郡此地舊屬弋陽縣雖古之
弋陽期思見之圖記者不同然有弋陽
則有期思也橋壞復成父老
請余賦作沁園春以證之

有美人兮玉佩瓊琚吾夢見之問斜陽猶照漁
樵故里長橋誰記今古期思物化蒼茫神遊彷彿
春與猿吟秋鶴飛還驚嘯向晴波忽見千丈
虹霓覺來西望崔嵬更上有青楓下有溪待
空山自薦寒水秋菊中流却送桂棹蘭旗萬事
長嗟百年雙鬢吾非斯人誰與歸憑闌久正清

愁未了醉墨休題

又答余叔良

我試評君君定何如玉川似之記李花初發乘
雲笑語梅花開後對月相息白髮重來畫橋一
望秋水長天孤鶩飛同吟處看珮搖明月衣捲
青霓相君高節崔嵬是此處耕巖與釣溪被
西風吹盡村簫社鼓青山留得松蓋雲旗吊古
愁濃懷人日暮一片心從天外歸新詞好似淒

涼楚些字字堪題

稼軒
二十八

汲古閣

又答楊世長

我醉狂吟君作新聲倚歌和之算芬芳定向梅
間得意輕清多是雪裏尋思朱雀橋邊何人會
道野草斜陽春燕飛都休問甚元無霽雨却有
晴霓詩壇千丈崔嵬更有筆如山雲作溪著
君才未數曹劉敵手風騷合受屈宋降旗誰識
相如平生自許慷慨須乘駟馬歸長安路問垂

虹千柱何處會題

又靈山齊菴賦時
菜偃湖未成

壘嶂西馳萬馬回旋衆山欲東正驚湍直下跳
珠倒瀾小橋橫截缺月初弓老合投閒天教多
事檢校長身十萬松吾廬小在龍蛇影外風雨
聲中爭先見面重重看爽氣朝來三四峰似
子弟衣冠磊落相如庭戶車騎雍容我覺其間
雄渙雅健如對文章太史公新堤路問偃湖何

稼軒
二十九

汲古閣

日煙水濛濛

又弄溪賦

有酒忘盃有筆忘詩弄溪奈何看從橫斗轉龍
蛇起陸崩騰決去雪練傾河嫋嫋東風悠悠倒
影搖動雲山水又波還知否欠菖蒲攢港綠竹
綠坡長松誰剪差我笑野老來耘山上禾算
只因魚鳥天然自樂非關風月閒處偏多芳艸
春溪佳人日暮濯髮滄浪獨浩歌裴回久人間

有誰似老子婆婆

又期思
卜築

一水西來千丈晴虹十里翠屏喜艸堂經歲重
來社老斜川好景不負淵明老鶴高飛一枝移
宿長笑蝸牛戴屋行平章了待十分佳處著箇
茅亭 青山意氣崢嶸似爲我歸來嫵媚生解
頻教花鳥前歌後舞更催雲水草送朝迎酒聖
詩豪可能無勢我乃而今駕馭卿清溪上被山

稼軒
三十

汲古閣

靈邦笑白髮歸耕

又將止酒戒酒
杯使勿近

孟汝前來老子今朝點檢形骸甚長年抱渴咽
如焦釜于今喜溢氣似奔雷漫說劉伶古今達
者醉後何妨死便埋渾如許歎汝於知己真少
恩哉 更憑歌舞爲媒算合作人間鴉毒猜況
疾無小大生於所愛物無美惡過則爲災與汝
成言勿畱亟退吾力猶能肆汝孟孟再拜道麾

之卽去有召須來

又城中諸公載酒入山余不得以
止酒爲解遂破戒一醉再用韻

孟汝知乎酒泉罷候鴟夷乞骸更高陽入謁都
稱蠶曰杜康初筮正得雲雷細數從前不堪餘
恨歲月都將麴蘖埋君詩好似提壺却勸沽酒
何哉 君言病豈無媒似壁上雕弓蛇暗猜記
醉眠陶令終全至樂獨醒屈子未免沈菑欲聽
公言慙非勇者司馬家兒解覆盃還堪笑倚今

稼軒
三十一

汲古閣

宵一醉爲故人來

又用邵原事寄趙茂嘉郎中時以
置兼濟舍賑濟甲中除直秘閣

甲子相高亥首曾疑絳縣老人看長身玉立鶴
般風度方頤 虎樣精神文爛卿雲詩凌鮑
謝筆勢駿駿更右軍渾餘事羨僊都夢覺金閣
名存 門前父老忻忻煥奎閣新褒詔語溫記
他年帷幄須依日月只今劒履快上星辰人道
陰功天教多壽看到貂蟬七葉孫君家裏是幾

枝丹桂幾樹靈椿

又 和吳十
以縣尉

我見君來頓覺吾廬溪山美哉悵平生肝膽都
成楚越只今膠漆誰是陳雷搔首踟躕愛而不
見要得詩來渴望梅還知否怯清風入手日看
千回直須抖擻塵埃人怪我柴門今始開向
松間乍可從他喝道庭中切莫踏破蒼苔豈有
文章謾勞車馬待喚青芻白飯來君非我任功

稼軒
三十二

汲古閣

名意氣莫恁徘徊

水調歌頭

舟次揚州和楊
濟翁周顯先韻

落日塞塵起胡馬獵清秋漢家組練十萬列艦
聳層樓誰道投鞭飛渡憶咎鳴鏑血汚風雨佛
狸愁季子正年少匹馬黑貂裘今老矣搔白
首過揚州倦游欲去江上手種橘千頭二客東
南名勝萬卷詩書事業嘗試與君謀莫射南山
虎直覓富民侯

又

落日古城角把酒勸君留長安路遠何事風雪
弊貂裘散盡黃金身世不管秦樓人怨歸計狎
沙鷗明夜扁舟去和月載離愁功名事身未
老幾時休詩書萬卷致身須到古伊周莫學班
超投筆縱得封侯萬里憔悴老邊州何處依劉
客寂寞賦登樓

又

淳熙丁酉自江陵移帥隆興到官之二
月被召司馬監趙卿王漕餞別司馬賦

稼軒
三十三

汲古閣

水調歌頭席間次韻時王公明樞密薨
坐客終夕為興門戶之歡故前章及之

我飲不須勸正怕酒尊空別離亦復何恨此別
恨匆匆頭上貂蟬賔客花外麒麟高塚人世竟
誰雄出門一笑去千里落花風孫劉輩能使
我不為公余髮種種如是此事付渠儂但得平
生湖海除了醉吟風月此外百無功毫髮皆帝
力更乞鑑湖東

又

淳熙己亥自湖北漕移湖南周總
領王漕趙守置酒南樓席上留別

折盡武昌柳挂席上瀟湘二年魚鳥江上笑我
往來忙富貴何時休問離別中年堪恨憔悴鬢
成霜絲竹陶寫耳急羽且飛觴序蘭亭歌亦
壁繡衣香使君千騎鼓吹風采漢侯王莫把離
歌頻唱可憐南樓佳處風月已淒涼在家貧亦
好此語試平章

又
盟

帶湖吾甚愛千丈翠奩開先生杖屨無事一日

稼軒
三十四

汲古閣

走千回凡我同盟鷗鷺今日既盟之後來往莫
相猜白鶴在何處嘗試與偕來破青萍排翠
藻立蒼苔窺魚笑汝癡計不解舉吾盃廢沼荒
丘疇管明月清風此夜人世幾歡哀東岸綠陰
少楊柳更須栽

又
湯朝美同諫見
和用韻爲謝

白日射金闕虎豹九關開見君諫疏頻上談笑
挽天回千古忠肝義膽萬里蠻煙瘴雨往事莫

驚猜政恐不免耳消息日邊來笑吾廬門掩
艸徑封苔未應兩手無用要把蟹螯盃說劍論
詩余事醉舞狂歌欲倒老子頗堪哀白髮寧有
種一一醒時栽

又
嚴子文同傳安道和
前韻因再和謝之

寄我五雲字恰向酒邊開東風過盡歸雁不見
客星回均道瑣窗風月更著詩翁杖屨合作雪
堂猜子文作雪齋寄書云
迺以早無以延客歲旱莫畱客霖雨要

稼軒卷一
三十五

汲古閣

渠來短燈檠長劒缺欲生苔離弓挂壁無用
照影落清盃多病關心藥裹小摘親鉏菜甲老
子政須哀夜雨北窗竹更倩野人栽

又
和趙景明
知縣韻

官事未易了且向酒邊來君如無我問君懷抱
向誰開但放平生丘壑莫管傍人嘲罵淡顰要
驚雷白髮還自嘯何地置衰頽五車書千石
飲百篇才新詞未到瓊瑰先夢滿吾懷已過西

風重九且要黃花入手詩興未闌梅君要花滿
縣桃李趁時栽

又壽趙漕
介卷

千里渥洼種名動帝王家金鑾當日奏艸落筆
萬龍蛇帶得無邊春下等待江山都老教看鬢
方鴉莫管錢流地且擬醉黃花 喚雙成歌弄
玉舞綠華一觴爲飲千歲江海吸流霞聞道清
都帝所要挽銀河仙浪西北洗胡沙回首日邊

稼軒卷一
三十六

汲古閣

去雲裏認飛車

又和王政之右司
吳江觀雪見寄

造化故豪縱千里玉鸞飛等閒更把萬斛瓊粉
蓋玻黎好卷垂虹千丈只放水壺一色雲海路
應迷老子舊游處回首夢耶非 謫仙人鷗鳥
伴兩忘機掀髯把酒一笑詩在片帆西寄語煙
波舊侶聞道蓴鱸正美休裂芰荷衣上界足官
府汗漫與君期

又九日遊雲洞
韓南澗尚書韻

今日復何日黃菊爲誰開淵明謾愛重九胃次
正崔嵬酒亦關人何事政自不能不爾誰遣白
衣來醉把西風扇隨處障塵埃 爲公飲須一
日三百盃此心高處東望雲氣見蓬萊翳鳳驂
鸞公去落佩倒冠吾事抱病且登臺歸路踏明
月人影共徘徊

又再用韻
呈南澗

稼軒卷一
三十七

汲古閣

千古老蟾口雲洞插天開漲痕當日何事洶湧
到崔嵬攬土搏沙兒戲翠谷蒼崖幾變風雨化
人來萬里須臾耳野馬驟空埃 笑年來蕉鹿
夢畫蛇盃黃花憔悴風露野碧漲荒萊此會明
年誰健後日猶今視簪歌舞只空臺愛酒陶元
亮無酒正徘徊

又再用韻
李于永提幹

君莫賦幽憤一語試相開長安車馬道上平地

起崔嵬我愧淵明久矣猶偕此翁湔洗素壁寫
歸來斜日透虛隙一線萬飛埃 斷吾生左持
蟹右持盃買山自種雲樹山下斲煙萊百鍊都
成繞指萬事直須稱好人世幾興臺劉郎更堪
笑剛賦看花回

又 慶韓南澗
尚書七十

上古八千歲纔是一春秋不應此日剛把七十
壽君侯看取垂天雲翼九萬里風在下與造物

稼軒卷一
三十八

汲古閣

同游君欲計歲月嘗試問莊周 醉淋浪歌筇
窈舞溫柔從今杖屨南澗白日爲君畱聞道鈞
天帝所頻上玉卮春酒冠蓋擁龍樓快上星辰
去名姓動金甌

又 贈王用黃德和
南澗

上界足官府公是地行僊青氈劔履舊物玉立
近天顏莫怪新來白髮恐是當年柱下道德五
千言南澗舊活計猿鶴且相安 歌秦金寶康

瓠世皆然不知清廟鐘磬零落有誰編莫問行
藏用舍畢竟山林鐘鼎底事有虧全再拜荷公
賜雙鶴一千年 公以雙鶴見壽

又 和信守鄭舜
舉蔗菴韻

萬事到白髮日月幾西東羊腸九折岐路老我
慣經從竹樹前溪風月鷄酒東家父老一笑偶
相逢此樂竟誰覺天外有冥鴻 味平生公與
我定無同玉堂金馬自有佳處著詩翁好鎖雲

稼軒卷一
三十九

汲古閣

煙窗戶怕入丹青圖画飛去了無蹤此語更癡
絕真有虎頭風

又 送守信
王桂發

酒罷且勿起重挽使君鬚一身都是和氣別去
意何如我輩情鍾休問父老田頭說尹淚落獨
憐渠秋水見毛髮千尺定無魚 望青闕左黃
閣右紫樞東風桃李陌上下馬拜除書屈指吾
生餘幾多病妨人痛飲此事正愁余江湖有歸

雁能寄艸堂無

又送鄭厚卿赴衡州

寒食不少住千騎擁春衫衡陽石鼓城下記我
舊停驂襟以瀟湘桂嶺帶以洞庭青艸紫蓋屹
西南文字起騷雅刀劒化新蠶看使君於此
事定不凡奮髯抵几堂上尊俎自高談莫信君
門萬里但使民歌五袴歸詔鳳凰啣君去我誰
飲明月影成三

豫軒卷一

汲古閣

又提朝李君索余賦野秀綠遶二詩余詩尋醫久矣姑合二榜之意賦水調歌頭

以遣之然君才氣不減流輩豈求田問舍而獨樂身耶

文字覩天巧亭榭定風流平生丘壑歲晚也作
稻粱謀五畝園中秀野一水田將綠遶穉極不
勝秋飽飯對花竹可是便忘憂吾老矣探禹
穴欠東遊君家風月幾許白馬去悠悠插架牙
籤萬軸射虎南山一騎容我攬鬚不更欲勸君
酒百尺臥高樓

又元日投宿博山寺見者驚歎其老

頭白牙齒缺君勿笑衰翁無窮天地今古人在
四之中臭腐神奇俱盡賢賤賢愚等耳造物也
兒童老佛更堪笑談妙說虛空坐堆厯行答
颯立龍鍾有時三盞兩盞淡酒醉濛濛四十九
年前事一百八盤狹路拄杖倚牆東老景竟何
似只與少年同

又送楊民瞻

豫軒卷一

汲古閣

日月如磨蟻萬事且浮休君看簷外江水滾滾
自東流風雨瓢泉夜半花艸雪樓春到老子已
菟裘歲晚問無恙歸計橘千頭夢連環歌彈
鋏賦登樓黃鶴白酒君去村社一番秋長劒倚
天誰問夷甫諸人堪笑西北有神州此事君自
了千古一扁舟

又送施樞密聖與帥江西信之識云

相公倦台鼎要伴赤松遊高牙千里東夏笳鼓

萬物試問東山風月更著中年絲竹畱得謝
公不孺子宅邊水雲影自悠悠 占古語方人
也正黑頭穹龜突兀千丈石打玉溪流金印沙
堤時節画棟珠簾雲雨一醉早歸休賤子祝再
拜西北有神州

又 壬子三山被召陳端
仁給事飲餞席上作

長恨復長恨裁作短歌行何人爲我楚舞聽我
楚狂聲余旣滋蘭九畹又樹蕙之百畹秋菊更

稼軒卷二
四十二

汲古閣

餐英門外滄浪水可以濯吾纓 一盃酒問何
似身後名人間萬事毫髮常重泰山輕悲莫悲
生離別樂莫樂新相識兒女古今情富貴非吾
事歸與白鷗盟

又 題英提
舉王降樓

木末翠樓出詩眼巧安排天公一夜削出四面
玉崔嵬疇管此山安在應爲先生見晚萬馬一
時來白鳥飛不盡却帶夕陽回 勸君飲左手

蟹右手盃人間萬事變滅今古幾池臺君看莊
生達者猶對山林臯壤哀樂未忘懷我老尙能
賦風月試追陪

又 三山用趙丞相韻會帥幕王君且
有感於中秋近事併見之末章

說與西湖客觀水更觀山淡粧濃抹西子喚起
一時觀種柳人今天上對酒歌翻水調醉墨捲
秋瀾老子興不淺歌舞莫教閑 看簪前輕聚
散少悲歡城頭無限今古落日曉霜寒誰唱黃

稼軒卷二
四十三

汲古閣

雞白酒猶記紅旗清夜千騎月臨關莫說西州
路且盡一盃看

又 卽席和金華杜仲高韻
併壽諸友惟醕乃佳耳

萬事一盃酒長歎復長歌杜陵有客剛賦雲外
築娑婆須信功名兒輩誰識年來心事古并不
生波種種看余髮積雪就中多 二三子問丹
桂倩素娥平生螢雪男兒無奈五車何看取長
安得意莫恨春風看盡花柳自蹉跎今夕且歡

笑明月鏡新磨

又醉吟

四坐且勿語聽我醉中吟
池塘春艸未歇高樹
變鳴禽鴻雁初飛江上
蟋蟀還來牀下時序百
年心誰要卿料理山水
有清音歡多少歌長
短酒淺淡而今已不如
簪後定不如今閑處直
須行樂良夜更教秉燭
高會惜分陰白髮短如
許黃菊倩誰簪

又題趙晉臣數文
真得歸方是閑

稼軒卷一
四十四

汲古閣

十里溪窮窺萬瓦碧參差
青山屋上流水屋下
綠橫溪真得歸來嘯語
方是閑中風月剩費酒
邊詩點檢笙歌了琴罷
更圍碁王家竹陶家
柳謝家池知君勲業未
了不是枕流時莫向凝
兒說夢且作山人索價
頗怪鶴書遲一事定真
我已辦北山移

又賦傅巖叟
悠然閑

歲歲有黃菊千載一東籬
悠然政須兩字長笑
退之詩自古此山元有
何事當時纔見此意有
誰知君起更斟酒我醉
不須辭回首處雲正
出鳥倦飛重來樓上一
句端的與君期都把軒
窗寫遍更使兒童誦得
歸去來兮辭萬卷有時
用植杖且耘耔

又題吳子似瑱山堂經
德堂陸象山取名也

稼軒卷一
四十五

汲古閣

喚起子陸子經德問何如
萬鍾於我何有不負
古人書聞道千章松桂
剩有四時柯葉霜雪歲
寒餘此是瑱山境還似
象山無耕也餒學也
祿孔之徒青山畢竟升
斗此意頗關渠天地清
寧高下日月東西寒暑
何用著工夫兩字君勿
惜偕我榜吾廬

又賦松
菊堂

淵明最愛菊三徑也栽
松何人收拾千載風味
此山中手把離騷讀遍
自掃落英餐罷杖屨曉

霜濃皎皎大獨立更挿萬芙蓉 水潏潏雲頽
洞石龍從素琴濁酒喚客端有古人風却怪青
山能巧政爾橫看成嶺轉面已成峰詩句得活
法日月有新工

又 將遷新居不成戲作時以病
止酒且遣去歌者未章及之

我亦卜居者歲晚望三閭昂昂千里泛泛不作
水中鳬好在書攜一束莫問家徒四壁

舞鳥有歌亡

稼軒卷一
四十六

汲古閣

是飲子虎二三子者愛我此外故人疎幽事欲
論誰共白鶴飛來似可忽去復何如衆鳥欣有
托吾亦愛吾廬

又 趙昌父用東坡韻敘太白東坡事見寄
過相與偕因用韻爲謝兼寄吳子似

我志在寥闊時管夢登天摩娑素用人世俛仰
已千年有客驂鸞翳鳳雲遇青山赤壁相約上
高寒酌酒援北斗我亦蠶其間 少歌曰神甚
放形則眠鴻鵠一再高舉天地睹方圓欲重歌

今夢覺推枕惘然獨念人事底虧全有美人可
語秋水隔嬋娟

又 題永豐楊少游
提點一枝堂

萬事幾時足日月自西東無窮宇宙人是一粟
太倉中一葛一裘經歲一鉢一瓶終日老子舊
家風更著一盃酒夢覺大槐宮 記當年赫腐
鼠歎冥鴻衣冠神武門外驚倒幾兒童休說須
彌芥子看取鵬鵬斥鷃小大若爲同君欲論齊

稼軒卷一
四十七

汲古閣

物須訪一枝翁

又 席上爲葉
仲洽賦

高馬勿捶面千里事難量長魚變化雲雨無使
寸鱗傷一壑一丘吾事一斗一石皆醉風月幾
千場鬚作蝟毛磔筆作劍鋒長 我憐君癡絕
似顧長康綸巾羽扇顛倒又似竹林狂解道長
江如練準備停雲堂上千首買秋光怨調爲誰
賦一斛貯檳榔

玉蝴蝶 追別杜仲高

古道行人來去香滿紅樹風雨殘花望斷青山
高處都被雲遮客重來風流觴詠春已去光景
桑麻苦無多一條垂柳兩箇啼鴉 人家疎疎
翠竹陰陰綠樹淺淺寒沙醉兀藍輿夜來豪飲
太狂些到如今都齊醒却只依舊無奈愁何試
聽呵寒食近也且住爲佳

又 杜仲高書來
戒酒用韻

稼軒卷一
四十八

汲古閣

賔賤偶然渾似隨風簾幙離落飛花空使兒曹
馬上羞面頻遮向空江誰捐玉珮寄離恨應折
疏麻幕雲多佳人何處數盡歸鴉 農家生涯
蠟屐功名破甑交友搏沙往日曾論淵明似勝
臥龍些算來從人生行樂休便說日飲亡何快
斟呵裁詩未穩得酒良佳

稼軒詞卷第一 終

稼軒詞卷第二

滿江紅 建康史帥致
道席上賦

鵬翼垂空笑人世蒼然無物又還去九重溪處
玉階山立袖裏珍奇光五色他年要補天西北
且歸來談笑護長江波澄碧 佳麗地文章伯
金縷唱紅牙拍看算前飛下日邊消息料想寶
香熏閣夢依然画舫清溪笛待如今端的約鍾
山長相識

又 中秋
寄遠

稼軒卷二

汲古閣

快上西樓怕天教浮雲遮月但喚取玉纖橫管
一聲吹裂誰做冰壺涼世界最憐玉斧脩時節
問嫦娥孤處有愁無應華髮 雲液滿瓊盃滑
長袖舞清歌咽歎十常八九欲磨還缺但願長
圓如此夜人情未必看承別把從前離恨總包
藏歸時說

又 中秋

美景良辰算只是可人風月況素節揚輝長是
十分清徹著意登樓瞻玉兔何人張幙遮銀闕
倩飛廉特得爲吹開憑誰說 弦與望從圓缺
今與昨何區別羨夜來把手桂花堪折安得便
登天柱上從容陪伴酬佳節更如今不聽塵談
清愁如髮

又

春

點火櫻桃照一架荼蘼如雪春正好見龍孫穿

稼軒卷二

汲古閣

破紫苔蒼壁乳燕引雛飛力弱流鶯喚友嬌聲
怯問春歸不肯帶愁歸腸千結 層樓望春山
疊家何在煙波隔把古今遺恨向他誰說蝴蝶
不傳千里夢子規叫斷三更月聽聲聲枕上勸
人歸歸難得

又

可恨東君把春去春來無迹便過眼等閑輸了
三分之一晝永暖翻紅杏雨風清扶起垂楊力

更天涯芳艸最關情烘殘日 湘浦岸南塘驛
恨不盡愁如織算年年辜負對他寒食便恁歸
來能幾許風流早已非疇昔凭画欄一線數飛
鴻沉空碧

又

家住江南又過了清明寒食花徑裏一番風雨
一番狼藉紅粉暗隨流水去園林漸覺清陰密
算年年落盡刺桐花寒無力 庭院靜空相憶

稼軒卷二

汲古閣

無說處閑愁極怕流鶯乳燕得知消息尺素如
今何處也綠雲依舊無踪跡謾教人羞去上層
樓平蕪碧

又

蘭州席上呈太
守陳李陵侍郎

落日蒼茫風纔定片帆無力還記得睂來眼去
水光山色倦客不知身遠近佳人已卜歸消息
便歸來只是賦行雲襄王客 步箇事如何得
知有恨休重憶但楚天特地暮雲凝碧過眼不

如人意事十常八九今頭白笑江州司馬太多

情青衫溼

又賀王帥宣
平湖南寇

笳鼓歸來舉鞭問何如諸葛人道是囟囟五月
渡瀘溪入白羽生風貔虎譟青溪路斷鼙鼙泣
早紅塵一騎落平岡捷書急 三萬卷龍頭客
渾未得文章力把詩書馬上笑驅鋒鏑金印明
年如斗大貂蟬却自兜鍪出待刻公勲業到雲

稼軒卷二

汲古閣

霄渚溪石

又

漢水東流都洗盡髭胡膏血人盡說君家飛將
舊時英烈破敵金城雷過耳談兵玉帳水生頰
想王郎結髮賦從戎傳遺業 腰間劒聊彈鋏
算中酒堪爲別況故人新擁漢壇旌節馬革裹
屍當自誓蛾眉伐性休重說但從今記取楚臺
風庾樓月

又

江行簡楊濟
翁周顯先

過眼溪山怪都是舊時曾識還記得夢中行遍
江南江北佳處徑須攜杖去能消幾兩平生展
笑塵勞三十九年非長爲客 吳楚地東南坼
英雄事曹劉敵被西風吹盡了無塵跡樓觀甫
成人已去旌旗未卷頭先白歎人生哀樂轉相
尋今猶簪

又

稼軒卷二

汲古閣

敲碎離愁紗窗外風搖翠竹人去後吹簫聲斷
倚樓人獨滿眼不堪三月暮舉頭已覺千山綠
但試把一紙寄來書從頭讀 相思字空盈幅
相思意何時足滴羅襟點點淚珠盈掬芳艸不
迷行路客垂楊只碍離人目最苦是立盡月黃
昏欄干曲

又

倦客新豐貂裘敝征塵滿目彈短鋏青蛇三尺

浩歌誰續不念英雄江左老用之可以尊中國
歎詩書萬卷致君人翻沉陸 休感慨澆醺醪
人易老歡難足有玉人憐我爲簪黃菊且置請
纓封萬戶竟須賣劍耐黃犢甚當年寂寞賈長
沙傷時哭

又

風捲庭梧黃葉墜新涼如洗一笑折秋英同賞
弄香按藥天遠難窮休久望樓高欲下還重倚

六 稼軒卷二

汲古閣

拚一襟寂寞淚彈秋無人會 今古恨沉荒壘
悲歡事隨流水想登樓青鬢未堪憔悴極目煙
橫山數點孤舟月淡人千里對嬋娟從此話離
愁金甌裏

又

今泉

直節堂看夾道冠纓拱立漸翠谷群仙來下
珮環聲急誰信天鋒飛墮地傍湖千丈開青壁
是當年玉斧削方壺無人識 山水潤琅玕溼

秋露下瓊珠滴向危亭橫跨玉淵澄碧醉舞且
搖鸞鳳影浩歌莫遣魚龍泣恨此中風物本吾
家今爲客

又 再用
前韻

照影溪梅悵絕代佳人獨立便小駐雍容千騎
羽觴飛急琴裏新聲風響珮筆端醉墨鴉棲壁
是使君文雅舊知名今方識 高欲臥雲還溼
清可漱泉長滴快晚風吹帽滿懷空碧寶馬嘶

七 稼軒卷二

汲古閣

歸紅旆動龍團試水銅瓶泣怕他年重到路應
迷桃源客

又 席間和洪景廬舍人
兼司馬漢章大監

天與文章看萬斛龍文筆力聞道是一詩曾換
千金顏色欲說又休新意思彊啼偷笑真消息
算人人合與共乘鸞坡客 傾國艷難再得
還可恨還堪憶看書尋舊錦衫裁新碧鸞蝶一
春花裏活可堪風雨飄紅白問誰家却有燕歸

梁香泥溼

又送湯朝美司諫
自汴歸金壇

瘴雨蠻煙十年夢
算前休說春正好
故園桃李待君花
發兒女燈前和淚拜
雞豚社裏歸時節
看依然舌在齒牙牢
心如鐵活國手封侯骨
騰汗漫排閭闔待十分
做了詩書勲業當日念
君歸去好而今却恨中年別
笑江頭明月更多情
今宵缺

又送李正之
提刑入蜀

稼軒卷二

汲古閣

蜀道登天一盃送
繡衣行客還自歎
中年多病不堪離
別東北看膽諸葛表
西南更艸相如檄
把功名收拾付君侯
如椽筆兒女淚君休滴
荆楚路吾能識
要新詩準備廬山
山色赤壁磯頭
千古浪銅鞮陌上
三更月正梅花萬里
雪淡時須相憶

又送信守鄭
舜舉被召

湖海平生算不負
蒼髯如戟聞道是使君著意
太平長策此老自當兵
十萬長安正在天西北
便鳳凰飛詔下天來
催歸急車馬路兒童泣
風雨暗旌旗溼看野梅
官柳東風消息莫向蕓
菴追笑語只今松竹無
顏色問人間誰管別離
愁杯中物

又和楊民瞻送佑
之弟還侍浮梁

稼軒卷二

汲古閣

塵土西風便無限
淒涼行色還記取明朝
應恨今宵輕別珠淚爭
垂華燭暗雁行欲斷
哀箏切看扁舟幸自
澀清溪休催發白石路
長亭側千樹柳千絲
結怕行人西去棹歌聲
闌黃卷莫教詩酒污
玉階不信仙凡隔但從
今伴我又隨君佳哉月

又遊南巖和
范先之韻

笑拍洪崖問千丈
翠巖誰削依舊是西風
白鳥北村南郭似
整復斜僧屋亂欲吞
還吐林壑薄

覺人間萬事到秋來都搖落 呼斗酒同君酌
更小隱尋幽約且丁寧休負北山猿鶴有鹿從
渠求鹿夢非魚定未得魚樂正仰看飛鳥却應
人回頭錄

又和范先
之雪

天上飛瓊畢竟向人間情薄還又跨玉龍歸去
萬花搖落雲破林梢添遠岫月明屋角分層閣
記少年駿馬走韓盧掀東郭 吟凍雁嘲飢鵲

稼軒卷二

汲古閣

人已老歡猶昨對瑤華滿地與君酬酢最愛霏
霏迷遠近都收擾擾還空濶待羔兒飲罷又烹

茶揚州鶴

又病中俞山甫教授
訪別病起寄之

曲几團蒲記方丈君來問疾更夜雨匆匆別去
一盃南北萬事莫侵閑鬢髮百年正要佳眠食
最難忘此語重殷勤千金值西崦路東巖石
攜手處今塵迹望東來猶有舊盟如日莫信蓬

萊風浪隔垂天自有扶搖力對梅花一夜苦相
思無消息

又錢鄭衡州厚
卿席上再賦

莫折荼蘼且留取一分春色還待得青梅如豆
共伊同摘少日對花渾醉夢而今醒眼看風月
恨牡丹笑我倚東風頭如雪 榆莢錢菖蒲葉
時節換繁華歇算怎禁風雨怎禁鶉鴂老冉冉
今花共柳是栖栖者蜂和蝶也不因春去有閑

稼軒卷二

汲古閣

愁因離別

又送徐行
仲撫幹

絕代佳人曾一笑傾城傾國休更歎舊時青鏡
而今華髮明日伏波堂上客老當益壯翁應說
恨苦遭鄧禹笑人來長寂寂 詩酒社江山筆
松菊徑雲煙屐怕一觴一詠風流絃絕我夢橫
山孤鶴去覺來却與君相別記功名萬里要治
身佳眠食

又

紫陌飛塵望十里雕鞍繡轂春未老已驚臺榭
瘦紅肥綠睡雨海棠猶倚醉舞風楊柳難成曲
問流鶯能說故園無曾相熟巖泉上飛鳬浴
巢林下棲禽宿恨茶縻開晚謾翻紅玉蓮社豈
堪談昨夢蘭亭何處尋遺墨但羈懷空自倚鞦
韆無心蹴

又

盧國華由閩憲移漕建安陳端仁給事
同諸公餞別余爲酒困臥清塗堂上三

稼軒卷二
十二

汲古閣

鼓方醜國華賦詞
曲別席上和韻

宿酒醒時算只有清愁而已人正在清塗堂上
月華如洗紙帳梅花歸夢覺尊羹鱸膾秋風起
問人生得意幾何時吾歸矣君若問相思事
料長在歌聲裏這情懷只是中年如此明月何
妨千里隔顧君與我如何耳向尊前重約幾時
來江山美

又
和盧
國華

漢節東南看駟馬光華周道須信是七閩還有
福星來到庭艸自生心意足榕陰不動秋光好
問不知何處著君侯蓬萊島還自笑人今老
空有恨縈懷抱記江湖十載厭持旌纛瘦落我
材無所用易除殆類無根潦但欲搜好語謝新
詞羞瓊報

又

山居
卽事

幾箇輕鷗來點破一泓澄綠更何處一雙鷓鴣

稼軒卷二
十三

汲古閣

故來爭浴細讀離騷還痛飲飽看脩竹何妨肉
有飛泉日曰共明珠五千斛春雨滿秧新穀
閑日永眠黃犢看雲連麥隴雪堆蠶簇若嬰兒
時今足矣以爲未足何時足被野老相扶入東
園枇杷熟

又

和傅巖叟
香月館

半山佳句最好是吹香隔屋又還怪冰霜側畔
蜂兒成簇更把香來薰了月却教影去斜侵竹

似神清骨冷住西湖何由俗 根老大穿坤軸
枝天嫋蟠龍斛快酒兵長俊詩壇高築一再人
來風味惡兩三盃後花綠熟記五更聯句失彌
明龍啣燭

又壽趙茂嘉郎中前
章記兼濟倉事

我對君侯怪長見兩眉陰德還夢見玉皇金闕
姓名仙藉舊歲炊煙渾欲斷被公扶起千人活
算胸中除却五車書都無物 山左右溪南北

稼軒卷二
十四

汲古閣

花遠近雲朝夕看風流杖屨蒼髯如戟種柳已
成陶令宅散花更滿維摩室勸人間且住五千
年如金石

又呈趙晉
臣數文

老子平生原自有金盤翠屋還又要萬間寒士
眼前突兀一舸歸來輕似葉兩翁相對清如鵲
到如今吾亦愛吾廬多松菊 人道是荒年穀
還又似豐年玉甚等閑却爲鱸魚歸速野鶴溪

邊畱杖屨行人牆外聽絲竹問近來風月幾篇
詩三千軸

又游清風峽和趙
晉臣數文韻

兩峽巖巖問誰占清風舊築滿眼裏雲來去鳥澗
紅山綠世上無人笑傲門前有客休迎肅怕
淒涼無物件君時多栽竹 風采妙凝冰玉詩
句好餘膏馥嘆只今人物一變應足人似秋鴻
無定住事如飛彈須圓熟笑君侯陪酒又陪歌

稼軒卷二
十五

汲古閣

陽春曲

木蘭花慢

席上送張仲
國帥興元

漢中開漢業問此地是耶非想劒指三秦君王
得意一戰東歸興亡事今不見但山川滿目淚
沾衣落日胡塵未斷西風塞馬空肥 一篇書
是帝王師小試去征西更艸艸離筵匆匆去路
愁滿旌旗君思我回首處正江涵秋影雁初飛
安得車輪四角不堪帶減腰圍

又 滁州送
范倅

老來情味減對別酒怯流年況屈指中秋十分
好月不照人圓無情水都不管笑西風只管送
歸船秋晚蓴鱸江上夜淡兒女燈前 征衫便
好去朝天玉殿正思賢想夜半承明畱教視艸
却遣籌邊長安故人問我道愁腸殢酒只依然
目斷秋霄落雁醉來時響空絃

又 題上饒州
國翠微樓

稼軒卷二
十六

汲古閣

舊時樓上客愛把酒對南山笑白髮如今天教
放浪來往其間登樓更誰念我却回頭西北望
曾欄雲雨珠簾画棟笙歌霧鬢風鬟 近來堪
入畫圖看父老願公歡甚挂笏悠然朝來爽氣
正爾相關難忘使君後日便一花一艸報平安與
客攜壺且醉雁飛秋影江寒

又 寄題吳克剛
廣文翁隱

路傍人怪問此隱者姓陶不甚黃菊如雲朝吟

算醉喚不回頭縱無酒成悵望只東籬搔首亦
風流與客朝食一笑落英飽便歸休 古來堯
舜有巢由江海去悠悠待說與佳人種成香艸
莫怨靈脩我無可無不可意先生出處有如丘
聞道問津人過殺雞爲黍相畱

水龍吟 旅次登樓作

楚天千里清秋水隨天去秋無際遙岑遠目獻
愁供恨玉簪螺髻落日樓頭斷鴻聲裏江南游

稼軒卷二
十七

汲古閣

子把吳鉤看了欄干拍遍無人會登臨意 休
說鱸魚堪膾儘西風季鷹歸未求田問舍怕應
羞見劉郎才氣可憐流年憂愁風雨樹猶如此
倩何人喚取紅巾翠袖搵英雄淚

又 甲辰歲暮寄韓
南澗尚書

渡江天馬南來幾人真是經綸手長安父老新
亭風景可憐依舊夷甫諸人神州沉陸幾曾回
首算平戎萬里功名本是眞儒事公知否 況

有文章山斗對桐陰滿庭清畫當年墮地而今
試看風雲奔走綠野風煙平泉艸木東山歌酒
待他年整頓乾坤事了爲先生壽

又次年南潤用韻爲僕與公生日相去一日再和以壽南潤

玉皇殿閣微涼看公重試薰風手高門畫戟桐
陰聞道青青如舊蘭佩空芳蛾眉誰妒無言搔
首甚年年却有呼韓塞上人爭問公安否金
印明年如斗向中州錦衣行畫依然盛事貂蟬

稼軒卷二
十八

汲古閣

前後鳳麟飛走富賢浮雲我評軒冕不如孟酒
待從公痛飲八千餘歲伴莊椿壽

又

盤園任子嚴安撫挂冠得請客以高風名其堂書來索詞爲賦

斷崖千丈孤松挂冠更在松高處平生袖手故
應休矣功名良苦笑指兒曹人間醉夢莫嗔驚
汝問黃金餘幾旁人欲說田園記君推去嘆
息薌舊隱對先生竹窗松戶一花一艸一觴一
詠風流杖屨野馬塵埃扶搖下視蒼然如許恨

當年九老圖中忘却花盤園林路

又寄題京口范南伯知縣家文官花白次緋次紫唐會要載學士院有之

倚欄看碧成珠等閒褪了香袍粉上林高選匆
匆又換紫雲衣溼幾許春風朝薰算染爲花忙
損笑舊家桃李東塗西抹有多少淒涼恨擬
倩流鶯說與記榮華易消難整人間得意千紅
萬紫轉頭春盡白髮憐君儒冠曾悞平生官冷
算風流未減年年醉裏把花枝問

稼軒卷二
十九

汲古閣

又題雨巖巖類今所題觀音普施巖中有泉飛出如風雨聲

普陀大士虛空翠巖記取飛來處蜂房萬點似
穿如碍玲瓏窗戶石髓千年已垂未落嶙峋冰
柱有怒濤聲遠落花香在人疑是桃源路又
說春雷鼻息是臥龍彎環如許不然應是洞庭
張樂湘靈來去我意長松倒生陰壑細吟風雨
竟茫茫未曉只應白髮是開山祖

又瓢泉

稼軒何必長貧放泉簷外瓊珠瀉樂天知命古
來誰會行藏用舍人不堪憂一瓢自樂賢哉回
也料當年嘗問飯蔬食飲水何爲是栖栖者
且對浮雲山上莫匆匆去流山下蒼顏照影故
應零落輕裘肥馬遶齒冰霜滿懷芳乳先生飲
罷笑挂瓢風樹一鳴渠碎問何如啞

又用瓢泉韻戲仁和兼
諸葛元亮且督和詞

被公驚倒瓢泉倒流三峽詞源瀉長安紙貴流

稼軒卷二
二十

汲古閣

傳一字千金爭舍割肉懷歸先生自笑又何廉
也但啣盃莫問人間豈有如孺子長貧者誰
識稼軒心事似風乎舞雩之下回頭落日蒼茫
萬里塵埃野馬更想隆中臥龍千尺高吟纔罷
倩何人與問雷鳴瓦釜甚黃鍾啞

又用夢語再韻瓢泉歌以飲
客聲語甚諧客皆爲之齟齬

聽今清珮瓊瑤夢明兮鏡秋毫夢君無去此流
昏漲賦生蓬蒿夢虎豹甘人渴而汝寧猿猱夢

大而流江海覆舟如芥君無助狂濤夢路今險
山高夢愧余獨處無聊夢冬槽春盎歸來爲我
製松醪夢其外芬芳團龍片鳳煑雲膏夢古人
今旣往嗟余之樂樂簞瓢夢

又過南澗
雙溪樓

舉頭西北浮雲倚天萬里須長劒人言此地夜
溪長見斗牛光焰我覺山高潭空水冷月明星
淡待燃犀下看凭欄却怕風雷怒魚龍慘峽

稼軒卷二
二十一

汲古閣

東蒼江對起過危樓欲飛還歛元龍老矣不妨
高臥冰壺涼簟千古興亡百年悲笑一時登覽
問何人又卸片帆沙岸繫斜陽纜

又愛李延年歌淳于髡語今爲詞
庶幾高唐神女洛神賦之意云

昔時曾有佳人翩然絕世而獨立未論一顧傾
城再顧又傾人國寧不知其傾城傾國佳人難
再得看行雲行雨朝朝暮暮陽臺下襄王側
堂上更闌燭滅記主人鬢髮送客合尊促坐羅

襦襟解微聞薌澤當此之時止乎禮義不淫其色但啜其泣矣啜其泣矣又何差及

又 別傳先之提舉
時先之有召命

只愁風雨重陽息君不見令人老行期定否征車幾輛去程多少有客書來長安却早傳聞追詔問歸來何日君家舊事直須待爲霖了從此蘭生蕙長吾誰與玩茲芳艸自憐拙者功名相避去如飛鳥只有良朋東阡西陌安排似巧

稼軒卷二
三十二

汲古閣

到如今巧處依然又拙把平生笑

又

老來曾識淵明夢中一見參差是覺來幽恨停觴不御欲歌還止白髮西風折腰五斗不應堪此問北窗高臥東籬自醉應別有歸來意須信此翁未死到如今凜然生氣吾儕心事古今長在高山流水富貴他年直饒來晚也應無味甚東山何事當時也道爲蒼生起

摸魚兒

淳熙己亥自湖北漕移湖南
同官王正之置酒小山亭賦

更能消幾番風雨匆匆春又歸去惜春長怕花開早何況落紅無數春且住見說道天涯芳艸無歸路怨春不語算只有殷勤畫簷蛛網盡留惹飛絮長門事準擬佳期又誤蛾眉曾有人妒千金曾買相如賦脉脉此情誰訴君莫舞君不見玉環飛燕皆塵土閑愁最苦休去倚危欄斜陽正在煙柳斷腸處

稼軒卷二
二十三

汲古閣

又 觀潮上
葉丞相

望飛來半空鷗鷺須臾動地輦鼓截江組練驅山去鏖戰未收貔虎朝又暮悄悄慣得吾兒不怕蛟龍怒風波平步看紅旆驚飛跳魚直上蹙踏浪花舞憑誰問萬里長鯨吞吐人間兒戲千弩滔天力倦知何事白馬素車東去堪恨處人道是屬餒怨憤足功名自誤謾教得陶朱五湖西子一舸弄煙雨

又

雨巖有石狀甚怪取離騷九歌名曰山鬼因賦摸魚兒改名山鬼謠

問何年此山來此西風落日無語看君似是義
皇上直作太虛名汝溪上算只有紅塵不到今
猶古一盃誰舉笑我醉呼君崔嵬未起山鳥覆
盃去須記取昨夜龍湫風雨門前石浪掀舞
四更山鬼吹燈嘯驚倒世間兒女依然處還問
我清遊杖屨公良苦神交心許待萬里攜君鞭
笞鸞鳳送我遠遊賦

石浪卷外巨石也長三十餘丈

稼軒卷三二十四

汲古閣

西河

送錢仲耕自江西遷移守婺州

西江水道是西江人淚無情却解送行人月明
千里從今日倚高樓傷心煙樹如薺會君難
別君易艸艸不如人意十年著破繡衣茸種成
桃李問君可是厭承明東方鼓吹千騎對梅
花更消一醉看明年調鼎風味老病自憐憔悴
過吾廬定有幽人相問歲晚淵明歸來未

永遇樂

送陳仁和自汴東歸陳至上饒之一年得子甚喜

紫陌長安看花年少無限歌舞白髮憐君尋芳
較晚捲地驚風雨問君知否鷓鴣夷載酒不似并
瓶身誤細思量悲歡夢裏覺來總無尋處芒
鞋竹杖天教還了千古玉樓佳句落魄東歸風
流贏得掌上明珠去起看青鏡南冠好在拂了
舊時塵土向君道雲霄萬里這回穩步

又梅

怪底寒梅一枝雪裏只恁愁絕問訊無言依稀

稼軒卷三二十五

汲古閣

似妒天上飛英白江上一夜瓊瑤萬頃此段如
何妒得細看來風流添得自家越樣標格晚
來樓上對花臨鏡學作半粧額著意爭妍那知
却有人妒花顏色無情休問許多般事且自訪
梅踏雪待行過溪橋夜半更邀素月

又賦辛字送茂嘉十二弟赴調

烈日秋霜忠肝義膽千載家譜得姓何年細參
辛字一笑君聽取艱辛做就悲辛滋味總是辛

酸辛苦更十分向人辛辣椒桂搗殘堪吐世
間應有芳甘濃美不到吾家門戶比著兒曹累
疊却有金印光垂組付君此事從今直上休
憶對牀風雨但贏得韡紋縞面記余戲語

又檢校停雲新種杉松戲作時飲作親舊
報書紙筆偶爲大風吹去末章因及之

投老空山萬松手種政爾堪嘆何日成陰吾年
有幾似見兒孫晚古來池館雲煙艸棘長使後
人淒斷想當年良辰已恨夜闌酒空人散 停

稼軒卷二
十六

汲古閣

雲高處誰知者子萬事不關心眼夢覺東窗聊
復爾爾起欲題書簡霎時風怒倒翻筆硯天也
只教吾懶又何事催急急雨片雲斗暗

又京口北固
亭懷古

千古江山英雄無覓孫仲謀處舞榭歌臺風流
總被雨打風吹去斜陽艸樹尋常巷陌人道寄
奴曾住想當年金戈鐵馬氣吞萬里如虎 元
嘉艸艸封狼居胥贏得倉皇北顧四十三年望

中猶記烽火揚州路可堪回首佛狸詞下一片
神鴉社鼓憑誰問廉頗老矣尙能飯否

歸朝歡

靈山齊菴菴蒲港皆長松茂林獨
野櫻花一林山上盛開照映可愛
不數日風雨催收殆盡意有感因效介
菴體爲賦且以菴蒲綠名之丙辰歲三

月三日也

山下千林花太俗山上一枝看不足春風正在
此花邊菴蒲自蘸清溪綠與花同艸木問誰風
雨飄零速莫悲歌夜淡巖下驚動白雲宿 病

稼軒卷二
二十七

汲古閣

怯殘年頻自卜老愛遺篇難細讀苦無妙手画
於菟人間雕刻真成鵠夢中人似玉覺來更憶
腰如束許多愁問君有酒何不日絳竹

又寄題三山鄭元英巢經樓樓之側有尚
友齋欲俗書者就齋中取讀書不俗出

萬里康成西走蜀藥市船歸書滿屋有時光彩
射星躔何人汗簡讎天祿好之寧有足請看良
賈藏金玉記斯文千年未喪四壁聞絲竹 試
問辛勤攜一束何以牙籤三萬軸古來不作俗

人癡有朋只就芸窗讀憶君清夢熟覺來笑我
便便腹倚危樓人間誰舞掃地八風曲

又題趙晉臣數
文積翠巖

我笑其工緣底怒觸斷我我天一柱補天又笑
女媧忙却將此石投閑處野煙荒艸路先生拄
杖來看汝倚蒼苔摩挲試問千古幾風雨長
被兒童敲火苦時有牛羊磨角去霍然千丈翠
巖屏鏘然一滴甘泉乳結亭三四五會相暖熱

稼軒卷二
二十八

汲古閣

攜歌舞細思量古來寒士不遇有時遇

又丁卯歲寄題眉
山李參政石林

見說岷峨千古雪都作岷峨山上石君家右史
老泉公千金未盡勤收拾一堂真石石閑庭更
與天突兀記當時長編筆硯日口雲煙溼野
老時逢山鬼泣誰夜持山去難覓有人依樣入
明光玉堦之下巖巖立琅玕無數碧風流不數
平泉物欲重吟青葱玉樹須倩子雲筆

一枝花

醉中
戲作

千丈擎天手萬卷懸河口黃金腰下印大如斗
更千騎弓刀揮霍遮前後百計千方久似鬪艸
兒童羸箇他家偏有算枉了雙眉長皺白髮
空回首那時間說向山中友看丘隴牛羊更辨
賢愚否且自栽花柳怕有人來但只道今朝中
酒

喜遷鶯

謝趙晉臣數文賦笑
答詞見壽用韻爲謝

稼軒卷二
二十九

汲古閣

暑風涼月愛亭亭無數綠衣持節掩冉如羞參
差似妒擁出芙渠花發步襯潘娘堪恨貌比六
郎誰潔添白鷺晚晴時公子佳人竝列休說
寒木末當日靈均恨與君王別心阻媒勞交疎
怨極恩不甚兮輕絕千古離騷文字至今猶未
歇都休問但千盃快飲露荷翻葉

瑞鶴仙

壽上饒作洪莘之時
攝郡事且將赴漕舉

黃金堆到斗怎得似長年畫堂勸酒蛾眉最明

秀向水沉煙裏兩行紅袖笙歌擁就爭說道明年時候被姮娥做了慇懃仙桂一枝入手知否風流別駕近日人呼文章太守天長地久歲上迺翁壽記從來人道相門出相金印累累儘有但直須周公拜前魯公拜後

又賦
梅

雁霜寒透幙正護月雲輕嫩冰猶薄溪奩照梳掠想含香弄粉豔粧難學玉肌瘦弱更重重龍

稼軒卷二
三十

汲古閣

銷觀著倚東風一笑嫣然轉盼萬花羞落寂寞家山何在雪後園林水邊樓閣瑤池舊約鄰翁更仗誰托粉蝶兒只是尋桃覓柳開遍南枝未覺但傷心冷落黃昏數聲畫角

又南園雙
溪樓

片帆何太急望一點須臾去天咫尺舟人好看客似三峽風濤嗟峨劍戟溪南溪北正遐想幽人泉石看漁樵指點危樓却羨舞筵歌席嘆

息山林鍾鼎意倦情遷本無欣戚轉頭陳迹飛鳥外晚煙碧問誰憐舊日南樓老子最愛月明吹笛到而今撲面黃塵欲歸未得

聲聲慢
旅次登樓作

征埃成陣行客相逢都道幼出層樓指點簷牙高處浪湧雲浮今年太平萬里罷長淮千騎臨秋凭欄望有東南佳氣西北神州千古懷嵩人去還笑我身在楚尾吳頭看取弓刀陌上車

稼軒卷二
三十一

汲古閣

馬如流從今賞心樂事剩安排酒令詩籌華胥夢願年年人似舊游

又朝紅木犀余兒時嘗入京師禁中凝碧池因書當時所見

開元盛日天上栽花月殿桂影重重十里芬芳一枝金粟玲瓏管絃凝碧池上記當時風月愁儂翠華遠但江南艸木煙鎖淡宮只爲天姿冷澹被西風醞釀徹骨香濃枉學丹蕉葉底偷染妖紅道人取次裝束是自家香底家風又怕

是爲淒涼長在醉中

又送饒黃倅
職滿赴調

東南形勝人物風流白頭見君恨晚便覺君家
叔度去人未遠長憐士元驥足道直須別駕方
展問箇裏待怎生銷殺胸中萬卷 況有星辰
劔履是傳家合在玉皇香案零落新詩我欠可
人消遣畱君再三不住便直饒萬家淚眼怎抵
得這眉間黃色一點

又
停雲詩

稼軒卷三
三十三

汲古閣

停雲靄靄八表同昏盡日時雨濛濛搔首良朋
門前平陸成江春醪湛湛獨撫恨彌襟閑飲東
窗空延佇恨舟車南北欲往何從 嘆息東園
佳樹列初榮枝葉再競春風日月于征安得促
席從容翩翩何處飛鳥息庭柯好語和同當年
事問幾人親友似翁

八聲甘州

壽建康帥胡長文給事時方闌
拆紅梅之舞且有錫帶之寵

把江山好處付公來金陵帝王州想今年燕子
依然認得王謝風流只用平時算俎彈壓萬貌
貅依舊鈞天夢玉殿東頭 看取黃金橫帶是
明年準擬丞相封侯有紅梅新唱香陣卷溫柔
且畫堂通宵一醉待從今更數八千秋公知否
邦人香火夜半纔收

又

夜讀李廣傳不能寐因念是楚老楊民
瞻約同若山間戲用李廣事賦以寄之

故將軍飲罷夜歸來長亭解雕鞍恨灞陵醉尉

稼軒卷三
三十三

汲古閣

匆匆未識桃李無言射虎山橫一騎裂石響驚
弦落魄封侯事歲晚田園 誰向桑麻杜曲要
短衣匹馬移住南山看風流慷慨談笑過殘年
漢開邊功名萬里甚當時健者也曾閑紗窗外
斜風細雨一陣輕寒

雨中花慢

登新樓有懷趙昌甫徐斯
遠韓仲正吳子似楊民瞻

舊雨常來今雨不來佳人偃蹇誰畱幸山中芋
栗今歲全收貧賤交情落落古今吾道悠悠怪

新來却見文友離騷詩發秦州 功名只道無
之不樂那知有更堪憂怎奈向兒曹抵死喚不
回頭石臥山前認虎蟻喧牀下聞牛爲誰西望
憑欄一餉却下層樓

又
吳子似見和
再用韻爲別

馬上三年醉帽吟鞍錦囊詩卷長畱悵溪山舊
管風月新收明便關河杳杳去應日月悠悠笑
千篇索價未抵蒲桃五斗涼州 停雲老子有

稼軒卷三
三十四

汲古閣

酒盈尊琴書端可消憂渾未解傾身一飽浙米
矛頭心似傷弓塞雁身如喘月吳牛曉天涼夜
月明誰伴吹笛南樓

漢宮春
春立

春已歸來看美人頭上裊裊春幡無端風雨未
肯收盡餘寒年時燕子料今宵夢到西園渾未
辦黃柑薦酒更傳青韭堆盤 却笑東風從此
便薰梅染柳更沒些閑閑時又來鏡裏轉變朱

顏清愁不斷問何人會解連環生怕見花開花
落朝來塞雁先還

又
卽事

行李溪頭有釣車茶具曲几團蒲兒童認得前
度過者籃輿時時照影甚此身徧滿江湖悵野
老行歌不住定堪與語難呼 一自東籬搖落
問淵明歲晚心賞何如梅花政自不惡曾有詩
無知翁止酒待重教蓮社人沽空悵望風流已

稼軒卷三
三十五

汲古閣

矣江山特地愁余

又
會稽蓮菜
閣懷古

秦望山頭看亂雲急雨倒立江湖不知雲者爲
雨雨者雲乎長空萬里被西風變滅須臾回首
聽月明天籟人間萬竅號呼 誰向若耶溪上
倩美人西去麋鹿姑蘇至今故國人望一舸歸
歟歲云暮矣問何不鼓瑟吹竽君不見王亭謝
館冷煙寒樹啼鳥

又會稽秋風
亭觀雨

亭上秋風記去年
嫋嫋曾到吾廬
山河舉目雖異
風景非殊
功成者去
覺團扇便與人疎
吹不斷
斜陽依舊茫茫
禹跡都無
千古茂林猶在
甚風流章句解
擬相如
只今木落江冷
眇眇愁余
故人書報莫因循
忘却尊鱸誰念我
新涼燈火一編太史公書

又答李兼善
提舉和章

稼軒卷三
三十四

汲古閣

心似孤僧更茂林
脩竹山上精廬維摩定自非
病誰遣文殊白頭自憐歎相逢
語密情疎傾蓋處
論心一語只今還有公無
最喜陽春妙句被西風吹墮
金玉鏗如夜來歸夢江上父老歡
余荻花淡處喚兒童吹火烹鱸歸去也
絕交何必更脩山巨源書

又會吳子似
總幹和章

達則青雲便玉堂
金馬窮則茅廬逍遙小大自

適鵬鶚何殊君如星斗燦中天
密密疎荒艸外自憐螢火清光暫有還無
千古季鷹猶在向松江道我問訊何如
白頭愛山下去翁定喚余人生謾爾豈食魚必膾之鱸還自笑君詩頻覺胸中萬卷藏書

滿庭芳
和丞相景伯韻

傾國無媒入宮見妒
古來顰損蛾眉看公如月光彩衆星稀袖手高山流水聽群蛙鼓吹荒池

稼軒卷三
三十七

汲古閣

文章千直須補衮藻火燦宗彝
癡兒公事了吳蠶纏繞自吐餘絲
幸一枝蠟穩三徑新治且約湖邊風月功名事欲使誰知
都休問英雄千古荒艸沒殘碑

又和張丞相景伯韻
韻見景廬內翰

急管哀絃長歌慢舞連娟十樣宮眉不堪紅紫
風雨曉稀稀惟有楊花飛絮依舊是萍滿芳池
醺醺在青虬快剪插遍古銅彝誰將春色去

鸞膠難覓絃斷蛛絲恨牡丹多病也費醫治夢裏尋春不見空斷腸怎得春知休惆悵一觴一詠須刻右軍碑

又游豫章東湖再用韻

柳外尋春花邊得句怪公喜氣軒窗陽春白雪清唱古今稀曾是金鑾舊客記鳳凰獨遶天池揮毫罷天顏有喜催賜尚方彝公在詞掖嘗拜尚方實彝之賜只今江山遠釣天夢覺清淚如絲算除非痛把

稼軒卷三三十八

汲古閣

酒療花治明日五湖佳興扁舟去一笑誰知溪堂好且拚一醉倚杖讀韓碑堂記公所製也

又和章泉趙昌父

西崦斜陽東江流水物華不爲人流崢嶸然一葉天下已知秋屈指人間得意問誰是騎鶴揚州君知我從來雅興未老已滄洲無窮身外事百年能幾一醉都休恨兒曹抵死謂我心憂況有溪山杖屨阮藉輩須我來游還堪笑機心早

覺海上有驚鷗

六么令

用陸氏事送玉山令陸德隆侍親東歸吳中

酒群花隊攀得短轅折誰憐故山歸夢千里尊羹滑便整松江一棹檢點能言鳴故人欲接醉懷霜橘墮地金圓醒時覺長喜劉郎馬上肯聽詩書說誰對叔子風流直把曹劉壓更看君侯事業不負平生學離腸愁怯送君歸後細寫茶經煮香雪

稼軒卷三三十九

汲古閣

又再用前韻

倒冠一笑華髮玉簪折陽關自來淒斷却怪歌聲滑放浪兒童歸舍莫惱比隣鴨水連山接看君歸興如醉中醒夢中覺江上吳儂問我一煩君說忍使算酒頻空賸欠珍珠壓手把漁竿未穩長向滄浪學問愁誰怯可堪楊柳先作東風滿城雪

醉翁操

願余從范先之求觀家譜見其冠冕蟬聯世載勳德先之甚文而好

修意其昌未艾也時輩慶勳臣子孫無見任者命官之先是屢試甄錄元祐黨舊家合是二者先之應仕矣將告諸朝行有目請余作詩以贈屬余避諱持此戒其力不得如先之請又念先之與余遊八年日從事詩酒間意相得歡甚於其別也何獨能忽然顧先之長於楚詞而妙於琴輒擬辭翁標爲之詞以叙別異時先之猶組東歸僕當年買羊沽酒先之爲鼓一再行以爲山中盛事云

長松之風如公肯余從山中心與吾今誰同
湛湛千里之江上有楓噫送子東望君之門今
九重女無悅已誰適爲容不龜手藥或一朝

稼軒卷二
四十

汲古閣

取封昔與遊兮皆童我獨窮兮今翁一魚兮一
龍勞心兮忡忡噫命與時逢予之所食兮萬鍾

醜奴兒近

世山道中效
李易安體

千峰雲起驟雨一霎兒價更遠樹斜陽風景怎
生圖畫青旗賣酒山那畔別有人家只消山水
光中無事過者一霎午睡醒時松窗竹戶萬
千瀟灑野鳥飛來又是一飛流萬壑共千巖爭
秀孤負平生弄泉手歎輕衫帽幾許紅塵還自

喜濯髮滄浪依舊 人生行樂耳身後虛名何
似生前一盃酒便此地結吾廬待學淵明更手
種門前五柳且歸去父老約重來問如此青山
定重來否

洞仙歌

浮石山莊余友月湖道人何同叔之別墅也山類羅浮故以名同叔嘗作遊山次序榜示余且索詞爲賦洞

仙歌以遺之同叔頃遊羅浮遇一老人龐眉幅巾語同叔云當有晚年之契蓋僊云

松關桂嶺望菁蔥無路費盡銀鈎榜佳處帳空

稼軒卷二
四十一

汲古閣

山歲晚窈窕誰來須著我醉臥石樓風雨 僊
人瓊海上握手當年笑許君攜半山去劒疊嶂
卷飛泉洞府淒涼又却怕先生多取怕夜半羅
浮有時還好長把雲煙再三遮住

又

開南樓
初成賦

婆娑欲舞怪青山歡喜分得清溪半篙水記平
沙鷗鷺落日漁樵湘江上風景依然如此 東
籬多種菊待學淵明飲酒詩情相似十里漲春

波一棹歸來只做箇五胡范蠡是則是一般弄扁

舟爭知道他家有箇西子

又趙晉臣和李能伯韻屬余同和趙以兄弟有職名為龍詞中頗敘其盛故末章

有裂土分茅之句

舊交貧賤太半成新貴冠蓋門前幾行李看匆

匆哂笑爭出山來憑誰問小艸何如遠志悠

今古事得喪棄除算四朝三又何異任掀天事

業冠古文章有幾箇笙歌晚歲沉滿屋貂蟬未

稼軒卷二四十二

汲古閣

爲榮記裂土分茅是公家世

又丁卯八月病中作

賢愚相去算其間能幾差以毫釐繆千里細思量

義利舜跖之分孳孳者等是雞鳴而起味甘

終易壞歲晚還知君子之交淡如水一餉聚飛

蚊其響如雷淡白覺昨非今是羨安樂窩中泰

和湯夏劇飲無過半醺而已

驀山溪停雲竹遇初成

小橋流水欲下前溪去喚起故人來伴先生風

煙杖屨行穿窈窕時歷小崎嶇斜帶水半遮山

翠竹栽成路一尊遐想剩有淵明趣山上有

停雲看山下濛濛細雨野花啼鳥不肯入詩來

還一似笑翁詩自沒安排處

又趙昌父賦一丘一壑格律高古因效其體

飯蔬飲水客莫嘲吾拙高處看浮雲一丘壑中

間甚樂功名妙手壯也不如人今老矣尙何堪

稼軒卷二四十三

汲古閣

堪釣前溪月病來止酒辜負鷗鷺杓歲晚念

平生待都與鄰翁細說人間萬事先覺者賢乎

淡雪裏一枝開春事梅先覺

最高樓醉中有索四時歌爲賦

長安道投老倦遊歸七十古來稀藕花雨溼前

湖夜桂枝風澹小山時怎消除須殢酒更吟詩

也莫向竹邊辜負雪也莫向柳邊辜負月閑

過了總成癡種花事業無人問憺花情緒只天

知笑山中雲出早鳥歸遲

又和楊民瞻席上用韻賦牡丹

西園買誰載萬金歸多病勝遊稀風斜畫燭天
香夜涼生翠蓋酒酣時待重尋居士譜謫僊詩
看黃底御袍元自覺看紅底狀元新得意如
斗大笑花癡漢妃翠被嬌無奈吳姬粉陣恨誰
知但紛紛蜂蝶亂笑春遲

又送丁懷忠教授入廣渠赴調都下久不得書或謂從人辟置或謂復歸閩中矣

稼軒卷二
四十四

汲古閣

相思苦君與我同心魚沒雁沉是夢松後追
軒冕是化鶴後去山林對西風且悵望到如今
待不飲奈何君有恨待痛飲奈何吾又病君
起舞試重斟蒼梧雲外湘妃淚鼻亭山下鷓鴣
吟早歸來流水外有知音

又慶洪景廬內翰七十

金閨彥眉壽正如川七十且華筵樂天詩句香
山裏杜陵酒債曲江邊問何如歌筇寵舞嬋娟

更十歲太公方出將又十歲武公方入相畱
盛事看明年直須腰下添金印莫教頭上欠貂
蟬向人間長富貴地行僊

又聞前同周氏旌表有闕

君聽取尺布尚堪縫斗粟也堪春人間朋友猶
能合古來兄弟不相容棟華詩悲二叔吊周公
長歎息春令原上急重歎息豆萁煎正泣形
則異氣應同周家五世將軍後前岡千載義居

稼軒卷二
四十五

汲古閣

風看明朝丹鳳詔紫泥封

又客有敗林者代賦梅

花知否花一似何郎又似沈東陽瘦稜稜地天
然白冷清清地許多香笑東君還又向北枝忙
著一陣霎時間底雪更一箇缺些兒底月山
下路水邊牆風流怕有人知處影兒守定竹旁
廂且饒他桃李趁少年場

又用俞韻趙晉臣數文

花好處不趁綠衣郎縞袂立斜陽面皮兒上因誰白骨頭兒裏幾多香儘饒他心似鐵也須忙甚喚得雪來白倒雪便喚得月來香殺月誰立馬更窺牆將軍止渴山南畔相公調鼎殿東

廂忒高才經濟地戰爭場

又

吾擬乞歸犬子以田產米置止我賦此罵之

吾衰矣須富貴何時富貴是危機暫忘設醴抽身去未曾得米棄官歸穆先生陶縣令是吾師待葺箇園兒名佚老更作箇亭兒名亦好閑飲酒醉吟詩千年田換八百主一人口插幾張匙咄豚奴愁產業豈佳兒

上西平

會稽秋風亭觀雪

九衢中益逐馬帶隨車問誰解愛憐瓊華何如竹外靜聽窸窣蟬行沙自憐是海山頭種玉人家紛如鬬嬌如舞纔整整又斜斜要圖回還我漁簑凍吟應笑羔兒無分謾煎茶起來極目

稼軒卷二
四十六

汲古閣

向彌茫數盡歸鴉

又
送杜叔高

恨如新新恨了又重新看天上多少浮雲江南好景落花時節又逢君夜來風雨春歸似欲留人尊如海人如玉詩如錦筆如神更能幾字盡殷勤江天日算何時重與細論文綠楊陰裏聽陽關門掩黃昏

稼軒卷二
四十七

汲古閣

稼軒詞卷第二
終

稼軒詞卷第三

新荷葉 和趙德莊韻

人已歸來杜鵑欲勸誰歸綠樹如雲等閒付與
鷺飛兔葵燕麥問劉郎幾度沾衣翠屏幽夢覺
來水繞山圍 有酒重攜小園隨意芳菲往日
繁華而今物是人非春風半面記當年初識崔
徽南雲雁少錦書無箇因依

又 再和前韻

稼軒卷三

汲古閣

春色如愁行雲帶雨纔歸春意長閑游絲盡日
低飛閒愁幾許更晚風特地吹衣小窗人靜基
聲似解重圍 光景難攜任他鷓鴣芳菲細數
前愆不應詩酒皆非知音絃斷笑淵明空撫餘
徽停盃對影待邀明月相依

又 再題傅巖叟悠然閣

種豆南山零落一頃爲萁歲晚淵明也吟艸盛
苗稀風流剗地向尊前采菊題詩悠然忽見此

山正繞東籬 千載襟期高情想像當時小閣
橫空朝來翠撲人衣是中真趣問騁懷遊目誰
知無心出岫白雲一片孤飛

又 趙茂嘉趙晉臣和韻見約初秋詩悠然再用韻

物盛還衰眼看春葉秋萁賤交情翟公門外
人稀酒酣耳熱又何須幽憤裁詩茂林脩竹小
園曲逕疎籬 秋以爲期西風黃菊開時拄杖
敲門任他顛倒裳衣去年堪笑醉題詩醒後方

稼軒卷三

汲古閣

知而今東望心隨去鳥先飛

又 上巳日吳子似謂古今無此詞索賦

曲水流觴賞心樂事良辰蘭蕙光風轉頭天氣
還新明昨皓齒看江頭有女如雲折花歸去綺
羅陌上芳塵 能幾多春試聽啼鳥殷勤對景
興懷向來愛樂紛紛且題醉墨似蘭亭別敘時
人後之覽者又將有感斯文

御街行 無題

闌干四面山無數
失望眼朝與暮好風吹雨過
山來吹盡一簾煩
暑紗厨如霧簾紋如水別有
生涼處
冰肌不受鉛華汚
更施施眞香聚臨
風一曲最妖嬈
唱得行雲且住藕花都放木犀
開後待與乘鸞去

又
山中問盛復
之提幹行期

山城甲子冥冥雨
門外青泥路杜鵑只是等閑
啼莫被他催歸去
垂楊不語行人去後也會風

蘇詩卷三

汲古閣

前絮
情知夢裏尋
鷓鴣玉殿追班處怕君不
飲太愁生不是苦畱君住
白頭笑我年年送客
自歎春江渡

祝英臺近
春晚

寶釵分桃葉渡
煙柳暗南浦怕上層樓十日九
風雨斷腸點點飛紅都無人管
更誰勸流鶯聲住
鬢邊覷試把花卜歸期才簪又重數
羅帳燈昏哽咽夢中語是他春帶愁來
春歸何處却

不解帶將愁去

又
與客飲瓢泉客以泉聲喧靜爲問余醉
未及會或者以蟬噪林逾靜代對意甚
美矣翌日爲此
賦詞以賡之

水縱橫山遠近
拄杖占千頃老眼羞明水底看
山影試教水動山搖
吾生堪笑似此箇青山無
定一瓢飲人間
翁愛飛泉來尋箇中靜
遶屋聲喧怎做靜
中鏡我眠君且歸休維摩方丈待
天女散花時問

稼軒卷三

汲古閣

婆羅門引
別杜叔高叔
高長於楚詞

落花時節杜鵑聲裏
送君歸未消文字湘纍只
怕蛟龍雲雨後會渺難期
更何人念我老大傷悲
已而已而算此意只君知
記取岐亭買酒雲洞題詩
爭如不見纔相見便有別離時
千里月兩地相思

又
別郭逢道

綠陰啼鳥陽關未徹
早催歸歌珠悽斷纍纍回

首海山何處千里共襟期歎高山流水絃斷堪
悲 中心悵而似風雨落花知更擬停雲君去
細和陶詩見君何日待瓊林宴罷醉歸時人爭
看寶馬來思

又用韻會傳先之時
傳先之宰龍泉歸

龍泉佳處種花滿縣却東歸腰間玉若金纍須
信功名富貴長與少年期恨高山流水古調今
悲 臥龍暫而算天上有人知最好五十學易

稼軒卷三

汲古閣

三百篇詩男兒事業看一日須有致君時端的
了休便尋思

又用韻會傳
晉書教文

不堪鷗鷺早教百艸放春歸江頭愁殺吾纍却
覺君侯雅句千載共心期便畱春甚樂樂了須
悲 瓊而素而被花惱只鷺知正要千鍾角酒
五字裁詩江東日算道繡斧人去未多時還又
嬰玉殿論思

又趙晉臣教文張登甚盛索
賦偶憶舊游未章因及之

落星萬點一天寶焰下層霄人間疊作僊鼇取
愛金蓮側畔紅粉裊花梢更鳴鼉擊鼓噴玉吹
簫 曲江画橋記花月可憐宵想見閒愁未了
宿酒纔消東風搖蕩似楊柳十五女兒腰人共
柳那箇無聊

千年調

開山徑得石壁因名曰蒼壁亭
出望外意天之所賜邪喜而賦

左手把青霓右手挾明月吾使豐隆前導叫開

稼軒卷三

汲古閣

閭闔周遊上下徑入寥天一覽玄圃萬斛泉千
丈石 鈞天廣樂燕我瑤之席帝飲予觴甚樂
賜汝蒼璧璘珣突兀正在一丘壑余馬懷僕夫
悲下恍惚

又蘇卷小閣名曰厄
言作此詞以嘲之

厄酒向人時和氣先傾倒最要然然可萬事
稱好滑稽坐上更對鴟夷笑寒與熱總隨人甘
國老 少年使酒出口人嫌拘此箇和合道理

近日方曉學人言語未會十分巧看他門得人
憐秦吉了

粉蝶兒

和趙晉臣數
文賦落梅

昨日春如十三女兒學繡一枝枝不教花瘦甚
無情便下得雨霽風悠向園林鋪作地衣紅縐
而今春似輕薄蕩子難久記前時送春歸後
把春波都釀作一江醇酎約清愁楊柳岸邊相
候

千秋歲

金陵壽史帥致
道時有版築役

稼軒卷三
七

汲古閣

塞垣秋艸又報平安好算組上英雄表金湯生
氣象珠玉霏譚笑春近也春花得似人難老
莫惜金尊倒鳳詔看看看到畱不住江東小從容
帷幄裏整頓乾坤了千百歲從今盡是中書考

江神子

和人韻

賸雲殘日弄陰晴晚山明小溪橫枝上綿蠻休
作斷腸聲但是青山山下路青到處總堪行

當年綵筆賦蕪城憶平生若爲情試把靈槎歸
路問君平花底夜深寒較甚須拚却玉山傾

又

梨花著雨晚來晴月朧明淚縱橫繡閣香濃淡
鎖鳳簫聲未必人知春意思還獨自遶花行
酒兵昨夜壓愁城太狂生轉關情寫盡胸中魄
磊未全平却與平章珠玉價看醉裏錦囊傾

又
和陳仁
和韻

稼軒卷三
八

汲古閣

玉簫聲遠憶驂鸞幾悲歡帶羅寬且對花前痛
飲莫畱殘歸去小窗明月在雲一縷玉千竿
吳霜應點鬢雲斑綺窗閑夢連環說與東風歸
興有無問芳艸姑蘇臺下路和淚看小屏山

又

寶釵飛鳳鬢驚鸞望重歡水雲寬腸斷新來翠
被粉香殘待得來時春盡也梅結子笋成竿
湘筠簾捲淚痕斑珮聲閒玉垂環箇裏柔溫容

我老其間却笑平生三羽箭何日去定天山

又和人韻

梅梅柳柳鬪纖穠亂山中爲誰容試著春衫依
舊怯東風何處踏青人未去呼女伴認驕驄
兒家門戶幾重重記相逢畫樓東明日重來風
雨暗殘紅可憐行雲春不啻裙帶褪鬢雲鬆

又博山道中書王氏壁

一川松竹任橫斜有人家被雲遮雪後疎梅時

稼軒卷三

汲古閣

見兩三花比著桃源溪上路風景好不爭些
旗亭有酒徑須賒晚寒咱怎禁他醉裏匆匆歸
騎自隨車白髮蒼顏吾老矣只此地是生涯

又問蟬蛙戲作

簾鋪湘竹帳籠紗醉眠些夢天涯一枕驚回水
底沸鳴蛙僭問喧天成鼓吹良自苦爲官耶
心空喧靜不爭多病維摩意云何掃地燒香且
看散天花斜日綠陰枝上噪還又問是蟬麼

又送元濟之歸豫章

亂雲擾擾水潺潺笑溪山幾時閒更覺桃源人
去隔僊凡桃源乃王氏酒壚與濟之送別處萬壑千巖樓外雪
瓊作樹玉爲欄倦遊回首且加餐短篷寒畫
圖間見說嬌顰擁髻待君看二月東湖湖上路
官柳嫩野梅殘

又賦梅寄余叔良

暗香橫路雪垂垂晚風吹曉風吹花意爭春先

稼軒卷三

汲古閣

出歲寒枝畢竟一年春事了緣太早却成遲
未應全是雪霜姿欲開時未開時粉面朱唇一
半點胭脂醉裏訪花花莫恨渾冷澹有誰知

又別吳子似未寄潘德久

看君人物漢西都過吾廬笑談初便說公卿元
自要通儒一自梅花開了後長怕說賦歸歎
而今別恨滿江湖怎消除算何如杖屨當時聞
早放教疎今代故交新資後渾不寄數行書

又侍者請先生賦詞自壽

兩輪屋角走如梭大忙些怎禁他擬倩何人天上勸羲娥何似從容來左右傾美酒聽高歌人生今古不消磨積教多似塵沙未必堅牢刻地實堪嗟莫道長生學不得學得後待如何

又和李能伯韻呈趙晉臣

五雲高處望西清玉階升棣華榮築屋溪頭樓觀画難成長夜笙歌還起問誰放月又西沉

稼軒卷三十一

汲古閣

家傳鴻寶舊知名看長生奉嚴宸且把風流水北画耆英咫尺西風詩酒社石鼎句要彌明

青玉案

東風夜放花千樹更吹落星如雨寶馬雕車香滿路鳳簫聲動玉壺光轉一夜魚龍舞蛾兒雪柳黃金縷笑語盈盈暗香去衆裏尋它千百度驀然回首那人却在燈火闌珊處

感皇恩

滁州詩

春事到清明十分花柳喚得笙歌勸君酒酒如春好春色年年依舊青春元不老君知否席上看君竹清松瘦待與青春鬪長久三山歸路明日天香襟袖更持金盞起爲君壽

又

七十古來稀人人都道不是陰功怎生到松姿雖瘦偏奈雪寒霜曉看君雙鬢底青青好樓雪初晴庭闌嬉笑一醉何妨玉壺倒從今康健

稼軒卷三十二

汲古閣

不用靈丹仙艸更看一百歲人難老

又慶婦母王恭人七十

七十古來稀未爲希有須是榮華更長久滿牀靴笏羅列兒孫新婦精神渾似箇西王母遙想画堂兩行紅袖妙舞清歌擁前後大男小女逐箇出來爲壽一箇一百歲一盃酒

又讀莊子聞朱晦菴卷卽世

案上數編書非莊卽老會說忘言始知道萬言

千句不自能忘堪笑今朝梅雨霽青天好一
壑一丘輕衫短帽白髮多時故人少子雲何在
應有玄經遺艸江河流日夜何時了

又壽鉛山陳丞及之

富貴不須論公應自有且把新詞祝公壽當年
僊桂父子同攀希有人言金殿上他年久冠
冕在前周公拜手同日催班魯公後此時人羨
綠鬢朱顏依舊親朋來賀喜休辭酒

行香子

三山

稼軒卷三
十三

汲古閣

好雨當春要趁歸耕況而今已是清明小窗坐
地側聽簷聲恨夜來風夜來月夜來雲花絮
飄零鴛燕丁寧怕妨儂湖上閒行大心肯後費
甚心情放霎時陰霎時雨霎時晴

又山居客至

白露園蔬碧水溪魚笑先生釣罷還鋤小窗高
臥風展殘書看北山移盤谷序輞川圖白飯

青筍赤脚長鬚客來時酒盡重沽聽風聽雨吾
愛吾廬歡苦無心剛自瘦此君疎

又博山戲呈趙昌甫韓仲止

少日嘗聞富不如貧貧不如賤者長存由來至
樂總屬閒人且飲瓢泉弄秋水看停雲歲晚
情親老語彌真記前時勸我慇懃都休殢酒也
莫論文把相牛經種魚法教兒孫

又雲巖道中

稼軒卷三
十四

汲古閣

雲岫如簪野漲接藍向春闌綠醒紅酣青裙縞
袂兩兩三三把麴生禪玉版局一時叅拄杖
彎環過眼嵌巖岸輕烏白髮鬢鬚他年來種萬
桂千杉聽小綿蠻新格磔舊呢喃

一剪梅游蔣山呈葉丞相

獨立蒼茫醉不歸日暮天寒歸去來今探梅踏
雪幾何時今我來思楊柳依依白石崗頭曲
岸西一片閒愁芳艸萋萋多情山鳥不須啼桃

李無言下自成蹊

又中秋無月

憶對中秋月桂叢花在盃中月在盃中今宵樓
上一算同雲溼紗窗雨溼紗窗 渾欲乘風問
化工路也難通信也難通滿堂惟有燭花紅盃
且從容歌且從容

踏沙行

庚戌中秋後二夕帶湖築岡小酌

夜月樓臺秋香院宇笑吟吟地人來去是誰秋

稼軒卷三十五

汲古閣

到便淒涼當年宋玉悲如許 隨分盃盤等閒
歌舞問他有甚堪悲處思量却也有悲時重
近多風雨

又賦木犀

弄影闌干吹香崑谷枝枝點點黃金粟未堪收
拾付薰爐窗前且把離騷讀 奴僕葵花兒曹
金菊一枝風露清涼足傍邊只欠箇姮娥分明
身在蟾宮宿

又賦稼軒集經句

進退存亡行藏用舍小人請學樊須稼衡門之
下可棲遲日之夕矣牛羊下 去衛靈公遭桓
司馬東西南北之人也長沮桀溺耦而耕丘何
爲是栖栖者

又和趙國典知錄韻

吾道悠悠憂心悄悄最無聊處秋光到西風林
外有啼鴉斜陽山下多衰艸 長憶商山當年

稼軒卷三十六

汲古閣

四老塵埃也走咸陽道爲誰書到便幡然至今
此意無人曉

定風波

莫春漫興

少日春懷似酒濃插花走馬醉千鍾老去逢春
如病酒唯有茶甌香篆小簾籠 卷盡殘花風
未定休恨花開元自要春風試問春歸誰得見
飛燕來時相遇夕陽中

又大醉歸自葛園家人有痛飲之戒故書于壁

昨夜山翁倒載歸兒童應笑醉如泥試與扶頭
渾未醒休問夢魂猶在葛家溪 欲覓醉鄉今
古路知處溫柔東畔白雲西起向綠窗高處看
題徧劉伶元自有賢妻

又用藥名招婆源馬荀
仲游雨崑馬善醫

山路風來艸木香雨餘涼意到胡牀泉石膏盲
吾已甚多病隄防風月費篇章 孤負尋常山
間醉獨自應知楊子艸玄忙湖海早知身汗漫

稼軒卷三
十七

汲古閣

誰伴只甘松竹共淒涼

又藥名

又月高寒水石鄉倚空青碧對禪房白髮自憐
心似鐵風月史君仔細與平章 平簪生涯笻
竹杖來往却慚沙鳥笑人忙便好賸留黃卷句
誰賦銀鈎小艸晚天涼

又施軀密聖
與席上賦

春到蓬壺特地晴神仙隊裏相公行翠玉相挨

呼小子須記笑簪花底是飛瓊 總是傾城來
一處誰妒誰攜歌舞到園亭柳妒腰肢花妒艷
聽著流罵直是妒歌聲

又席上送范先
之游建鄴

聽我尊前醉後歌人生無奈別離何但使情親
千里近須信無情對面是山河 寄語石頭城
下水居士而今渾不怕風波偕使未成鷗鷺伴
經慣也應學得老漁簑

稼軒卷三
十八

汲古閣

又三山送盧國華提
刑約上元重來

少日猶堪話別離老來怕作送行詩極目南雲
無雁過君看梅花也解寄相思 無限江山行
未了父母不須和淚看旌旗後會丁寧何日是
須記春風十里放燈時

又用韻時國華置
酒歌舞甚盛

莫望中州歎黍離元和盛德要君詩老去不堪
誰似我歸臥青山活計費尋思 誰築詩壇高

十丈直上看君斬將更舉旗歌舞正濃還有語
記取鬚髯不似少年時

又自和

金印纍纍佩陸離河梁夏賦斷腸詩莫擁旌旗
眞箇去何處玉堂元自要論思 且約風流三
學士同醉春風看試幾槍旗從此酒酣明月夜
耳熱那邊應是說僂時

又賦杜鵑花

稼軒卷三十九

汲古閣

百紫千紅過了春杜鵑聲苦不堪聞却解啼教
春小住風雨空山招得海棠魂 恰似蜀宮當
日女無數猩猩血染赭羅巾畢竟花開誰作主
記取大都花屬惜花人

又再用韻和趙晉臣數文

野艸閒花不當春杜鵑却是舊知聞謾道不如
歸去住梅雨石榴花又是離魂 前殿群臣淡
殿女赭袍一點萬紅巾莫問興亡今幾許聽取

花前毛羽已羞人

破陣子

爲范南伯壽時南伯爲張南軒拜宰盧溪南伯遲遲未行因作此以

勉之

擲地劉郎玉斗挂帆西子扁舟千古風流今在
此萬里功名莫放休君王三百州 燕雀豈知
鴻鵠貂蟬元出兜鍪却笑盧溪如斗大肯把牛
刀試手不壽君雙玉甌

又

爲陳同甫賦壯詩以寄之

稼軒卷三十九

汲古閣

醉裏挑燈看劒夢回吹角連營八百里分麾下
炙五十絃翻塞外聲沙場秋點兵 馬作的盧
飛快弓如霹靂弦驚了却君王天下事贏得生
前身後名可憐白髮生

又

行贈

少日春風滿眼而今秋葉辭柯便好消磨心下
事也憶尋常醉後歌新來白髮多 明日扶頭
顛倒倩誰伴舞婆娑我定思君拚瘦損君不思

今可奈何天寒將息呵

又 趙晉臣數文幼女縣主覓詞

菩薩蠻中惠眼碩人詩裏娥眉天上人間真福
相画就描成好罽兒行時嬌夏遲 勸酒偏多
最劣笑時猶有些痴夏著十年君看取兩國夫
人夏是誰殷勤秋水詞

又 峽石道中有懷吳子似縣尉

宿麥畦中雉雊桑葉陌上蠶生騎火須防花月

稼軒卷三

汲古閣

暗玉唾長攜綵筆行隔牆人笑聲 莫說弓刀

事業依然詩酒功名千載途中今古事萬石溪

頭長短亭小塘風浪平

時修圖經集字按途中之途當作圖

臨江仙 梅

老去惜花心已嬾愛梅猶遶江村一枝先破玉

溪春夏無花態度全是雪精神 賸向青山餐

秀色爲渠著句清新竹根流水帶溪雲醉中渾

不記歸路月黃昏

又 醉宿崇福寺寄祐之弟祐之以僕先歸

莫向空山吹玉笛壯懷酒醒心驚四夏霜月太
寒生被翻紅錦浪酒滿玉壺冰 小陸未須臨
水笑山林我輩鍾情今宵依舊醉中行試尋殘
菊處中路候淵明

又 再用韻送祐之弟歸浮梁

鍾鼎山林都是夢人間寵辱休驚只消閒處過

平生酒盃秋吸露詩句夜裁冰 記取小窗風

稼軒卷三

汲古閣

雨夜對牀燈火多情問誰千里伴君行曉山眉

樣翠秋水鏡般明

又

小牕人憐都惡瘦曲眉天與長顰沉思歡事惜

腰身枕添離別淚粉落却淡勻 翠袖盈盈渾

力薄玉笙嫋嫋愁新夕陽依舊倚窗塵葉紅苔

鬱碧溪院斷無人

又

逗曉鶯啼聲呢呢掩關高樹冥冥小渠春浪細
無聲井窗聽夜雨出鮮輓轡青 碧碧旋荒金
谷路烏絲重記蘭亭彊扶殘醉遶雲屏一枝風
露溼花重入疎櫺

又 卽席和韓
南澗韻

風雨催春寒食近平原一片丹青溪頭喚渡柳
邊行花飛蝴蝶亂桑嫩野蠶生 綠野先生閒
袖手却尋詩酒功名未知明日定陰晴今宵成

稼軒卷三
二十三

汲古閣

獨醉却笑衆人醒

又 爲岳
母壽

住世都知菩薩行仙家風骨精神壽如山岳福
如雲金花湯沐誥竹馬綺羅裙 更願昇平添
喜事大家禱祝殷勤明年此地慶佳辰一盃千
歲酒重拜太夫人

又 和信守王道夫韻謝
以爲壽時僕作閩憲

記取年年爲客夜只今明月相隨莫教絃管便

生衣引壺觴自酌須富貴何時 入手清風詞
更好細書白鹽烏絲海山問我幾時歸棗瓜如
可啖直欲覓安期

又

春色饒君白髮了不妨倚綠俚紅翠鬟催喚出
房櫳垂肩金縷窄醺甲寶杯濃 睡起鴛鴦飛
燕子門前沙暝泥融画樓人把玉西東舞低花
外月唱徹柳邊風

稼軒卷三
二十四

汲古閣

又

金谷無煙宮樹綠嫩寒生怕春風博山微透暝
薰籠小樓春色裏幽夢雨聲中 別浦鯉魚何
日到錦書封恨重重海棠花下去年逢也應隨
分瘦忍淚覓殘紅

又 戲爲期思
唐老壽

手種門前烏檣樹而今千尺蒼蒼田園只是舊
耕桑盃盤風月夜簫鼓子孫忙 七十五年無

事客不妨兩鬢如霜綠窗刻地調紅粧更從今

日醉三萬六千場

又

手撚黃花無意緒等閒行盡回廊捲簾芳桂散
餘香枯荷難睡鴨疎雨暗添塘憶得舊時攜
手處如今水遠天長羅巾浥淚別殘粧舊歡新
夢裏閒處却思量

又和葉仲洽
賦羊桃

稼軒卷三
二十五

汲古閣

憶醉三山芳樹下幾曾風韻忘懷黃金顏色五
花開味如盧橘熟賢似荔枝來聞道商山餘
四老橘中自釀秋醅試呼名品細推排重重香
肺腑偏帶聖賢盃

又

冷雁寒雲渠有恨春風自滿余懷更教無日不
花開未須愁菊盡相次有梅來

醉
多要安排不須連

日醉且進兩三盃

又侍者阿錢將行
賦錢字以贈之

一自酒情詩興嬾舞裙歌扇關珊好天良夜月
團團杜陵真好事畱得一錢看歲晚人欺程
不識怎教阿堵畱連楊花榆筴雪漫天從今花
影下只看綠苔圓

又諸葛元亮席上
見和再用韻

夜雨南堂新瓦響三更急雨珊珊交情莫作碎

稼軒卷三
二十六

汲古閣

沙團死生貧富際試向此中看記取他年耆
舊傳與君名字牽連清風一枕晚涼天覺來還
自笑此夢倩誰圓

又士茂歲生
日書微

六十三年無限事從頭悔恨難追已知六十二
年非只應今日是後日又尋思少是多非惟
有酒何須過後方知從今休似去年時病中畱
客飲醉裏和人詩

又再用圓字韻

窄樣金盃休教了房櫳試聽珊珊莫教秋扇雪
團團古今悲笑事長付後人看 記取桔槔春
雨後短畦菊艾相連拙於人處巧於天君看流
水地難得正方圓

又戲為山園蒼壁解嘲

莫笑吾家蒼壁小稜層勢欲摩空相知惟有主
人翁有心雄泰華無意巧玲瓏 天作高山難

稼軒卷三
二十七

汲古閣

得料解嘲試倩楊雄君看當日仲尼窮從人賢
子貢自欲學周公

又替花履障戲作

鼓子花開春爛熳荒園無限思量今朝拄杖過
西鄉急呼桃葉渡爲看牡丹忙 不啻昨宵風
雨橫依然紅紫成行白頭陪奉少年場一枝簪
不住推道帽簷長

又

醉帽吟鞭花不住却招花共商量人生何必醉
爲鄉從教斟酒淺休更和詩忙 一斗百篇風
月地饒他老子當行從今三萬六千場青青頭
上髮還作柳絲長

又昨日得家報牡丹漸開連日少雨多晴當年未有僕雷龍安蕭寺諸君亦不果來豈牡丹畱不住爲恨耶因取來韻爲牡丹一語

抵恐牡丹畱不住與君約束分明未開微雨半
開晴要花開定準又更與花盟 魏紫朝來將

稼軒卷三
二十八

汲古閣

進酒玉盤盂樣先呈鞋紅似向舞腰橫風流人
不見錦繡夜間行

又

老去渾身無著處天教只住山林百年光景百
年心更歡須歎息無病也呻吟 試向浮瓜沉
李處清風散髮披襟莫嫌淺後更頻斟要他詩
句好須是酒盃淡

又停雲偶作

偶向停雲堂上坐曉猿夜鶴驚猜主人何事太
塵埃低頭還說向彼召又重來 多謝北山山
下老殷勤一語佳哉俗君竹杖與芒鞋徑須從
此去淡入白雲堆

蝶戀花

和趙景明
知縣韻

老去怕尋年少伴画棟朱簾風月無人管公子
看花朱碧亂新詞攪斷相思怨 涼夜愁腸千
百轉一雁西風錦字何時遣畢竟啼鳥才思短

喚回曉夢天涯遠

稼軒卷三
二十九

汲古閣

又

和楊濟翁韻首句
用丘宗卿書中語

檢點笙歌多釀酒蝴蝶西園暖日明花柳醉倒
東風眠晝錦覺來小院重攜手 可憐春殘風
又雨收拾情懷閒把詩俚憇楊柳人見離別後
腰肢近日和他瘦

又

和楊濟翁韻饒范
南伯知縣歸京口

淚眼送君傾似雨不折垂楊只倩愁隨去有底

風光畱不住煙波萬頃春江艣 老馬臨流癡
不渡應憺障泥忘了尋春路身在稼軒安穩處
書來不用多行數

又

席上贈楊
濟翁侍兒

小小年華才月半羅幕春風幸自無人見剛道
羞郎低粉面傷人瞥見回嬌盼 昨夜西池陪
女伴柳困花慵見說歸來晚勸客持觴渾未慣
未歌先覺花頭顫

稼軒卷三
三十

汲古閣

又

用趙文鼎提舉送李正
之提刑韻送鄭元英

莫向樓頭聽漏點說與行人默默情千萬總是
離愁無近遠人間兒女空悲怨 錦繡心胸水
雪面舊日詩名曾道空梁燕傾蓋未償平日願
一盃早唱陽關勸

又

客有燕語鶯啼人乍
遠之句用爲首句

燕語鶯啼人乍遠却恨西園依舊鶯和燕笑語
十分愁一半翠闌特地春光暖 只道書來無

過雁不道柔腸近日無腸斷柄玉莫搖湘淚點

怕君喚作秋風扇

又送祐之弟

衰艸斜陽三萬頃不算飄零天外孤鴻影幾許
淒涼須痛飲行人自向江頭醒 會少離多看
兩鬢萬縷千絲何況新來病不是離愁難整頓
被他引惹其他恨

又立春日

稼軒卷三
三十一

汲古閣

誰向椒盤簪綵勝整整韶華爭上春風鬢往日
不堪重記省爲花常把新春恨 春未來時先
俗問晚恨開遲早又飄零近今歲花期消息定
只愁風雨無憑準

又嚴石浪

九畹芳菲蘭佩好空谷無人自怨蛾眉巧寶瑟
泠泠千古調朱絲絃斷知音少 冉冉年華吾
自老水滿汀洲何處尋芳艸喚起湘纍歌未了

石龍舞罷松風曉

又用前韻
送人行

意態慙生元自好學画鴉兒舊日偏他巧蜂蝶
不禁花引調西園人去春風少 春色無情秋
又老誰管閒愁千里青青艸今夜情簪黃菊了
斷腸明日霜天曉

又

稼軒卷三
三十二

汲古閣

洗盡機心隨法喜看取算前秋思如春意誰與
先生寬髮齒醉時惟有歌而已 歲月何須溪
上記千古黃花自有淵明比高臥石龍呼不起
微風不動天如醉

又

何物能令公怒喜山要人來人要山無意恰似
哀箏絃下齒千情萬意無時已 自要溪堂韓
作記今代雲梯好語花難比老眼狂花空亂處
銀鈎未見心先醉

小重山

席上和人韻送
李子永提幹

旋製離歌唱未成陽關先画出柳邊亭中年懷
抱管絃聲難忘處風月此時情 夜雨共誰聽
儘教清夢去兩三程商量詩價重連城相如老
漢殿舊知名

又

三山與客
泛西湖

綠漲連雲翠拂空十分風月處著衰翁垂楊影
斷岸西東君恩重教且種芙蓉 十里水晶宮

稼軒卷三
三十三

汲古閣

有時騎馬去笑兒童殷勤却謝打頭風船兒住
且醉浪花中

又

茉莉

倩得薰風染綠衣國香收不起透冰肌畧開些
箇未多時窗兒外却早被人知 越俗越嬌癡
一枝雲鬢上那人宜莫將他去比茶蘼分明是
他更韻夢兒

南鄉子

隔戶語春鶯纔掛簾兒歛袂行漸見凌波羅襪
步盈盈隨笑隨顰百媚生 著意聽新聲盡是
司空自教成今夜酒腸難道窄多情莫放紗籠
蠟炬明

又

舟中
記夢

欹枕艣聲邊貪聽咿啞聒醉眠夢裏笙歌花底
去依然翠袖盈盈在眼前 別後兩眉尖欲說
還休夢已闌只記埋冤前夜月相看不管人愁

稼軒卷三
三十四

汲古閣

獨自圓

又

慶前岡周
氏旌表

無處著風光天上飛來詔十行父老歡呼童穉
舞前岡千載周家孝義鄉 艸木盡芬芳更覺
溪頭水也香我道烏頭門側畔諸郎準備他年
書錦堂

又

送趙國宜赴
高安戶曹

日日老萊衣更解風流蠟鳳嬉膝上放教文度

去須知要使人看玉樹枝 刺記乃翁詩綠水
紅蓮覓舊題歸騎春衫花滿路相期來歲流觴
曲水時

又登京口北
園亭有懷

何處望神州滿眼風光北固樓千古興亡多少
事悠悠不盡長江滾滾流 年少萬兜鍪坐斷
東南戰未休天下英雄誰敵手曹劉生子當如
孫仲謀

鷓鴣天

離像章別司
馬漢章大監

稼軒卷三
三十五

汲古閣

聚散匆匆不偶然三年歷遍楚山川但將痛飲
酬風月莫放離歌入管絃 縈綠帶點青錢東
湖春水碧連天明朝放我東歸去後夜相思月
滿船

又和張子
志從舉

別後粧成白髮新空教兒女笑陳人醉尋夜雨
旗亭酒夢斷東風輦路塵 騎驢駟荷青雲看

公冠佩玉階春忠言句句唐虞際便是人間要
路津

又

樽俎風流有幾人當年未遇已心親金陵種柳
歡娛地庾嶺逢梅寂寞濱 樽似海筆如神故
人南北一般春玉人好把新粧樣淡画睂兒淺
注唇

又代人
賦

稼軒卷三
三十六

汲古閣

晚日寒鴉一片愁柳塘新綠却溫柔若教眼底
無離恨不信人間有白頭 腸已斷淚難收相
思重上小紅樓情知已被雲遮斷頻倚闌干不
自由

又

陌上柔桑破嫩芽東隣蠶種已生芽平岡細艸
鳴黃犢斜日寒林點暮鴉 山遠近路橫斜青
旗沽酒有人家城中桃李愁風雨春在溪頭薺

菜花

又

撲面征塵去路遙
香篝漸覺水沉銷
山無重數
週遭碧花不知名
分外嬌
人歷歷馬蕭蕭
旌旗又過小紅橋
愁邊剩有相思句
搖斷吟鞭碧玉梢

又

唱徹陽關淚未乾
功名餘事且加餐
浮天水送

稼軒卷三
三十七

汲古閣

無窮樹帶雨雲埋一半山
今古恨幾千般
只今離合是悲歡
江頭未是風波惡
別有人間行路難

路難

又
鵝湖
道中

一榻清風殿影涼
洵洵流水響回廊
千章雲木
鉤輒叫十里溪風穠
極香
衝急雨趁斜陽
山園細路轉微茫
倦途却被行人笑
只爲林泉有底忙

又
鵝湖
病起作

枕簟溪堂冷欲秋
斷雲依水晚來收
紅蓮相倚
渾如醉白鳥無言
定自愁
書咄咄且休休
一丘一壑也風流
不知筋力衰多少
但覺新來嬾上樓

又

指點芳尊特地開
風帆莫引酒船回
方驚共折
津頭柳却喜重尋
嶺上梅
催月上喚風來莫

稼軒卷三
三十八

汲古閣

愁瓶罄恥金罍只愁
西角樓頭起急管
哀絃次第催

又

著意尋梅嬾便回
何如信步兩三盃
山纔好處
行還倦詩未成時
雨早催
攜竹杖更芒鞋
朱粉粉野蒿開
誰家寒食歸寧女
笑語柔桑陌上來

又

翠木千尋上辟蘿東湖經雨又增波只因買得
青山好却恨歸來白髮多 明画燭洗金荷主
人起舞客高歌醉中只恨歡娛少無奈明朝酒
醒何

又

困不成眠奈夜何情知歸未轉愁多暗將往事
思量遍誰把多情惱亂他 夢底事誤人多不
成真箇不思家嬌癡却妒香香睡喚起醒鬆說

夢夢

稼軒卷三
三十九

汲古閣

又鄭守厚卿席上謝
余伯山用其韻

夢斷京華故倦游只今芳艸替人愁陽關莫作
三疊唱越女應須爲我畱 看逸韻自名流青
衫司馬且江州君家兄弟真堪笑箇箇能修五
鳳樓

又和人韻
有所贈

趁得西風汗漫游見他歌後怎生愁事如芳艸

春長在人似浮雲影不畱 眉黛歛眼波流十
年薄倖說揚州明朝短棹輕衫夢只在溪南舊
画樓

又徐衡仲撫幹
惠琴不受

千丈陰崖百丈溪孤桐枝上鳳偏宜玉香落落
雖難合橫理庚庚定自奇 山谷聽阮歌云
立壁庚庚有橫理人
散後月明時試彈幽憤淚空垂不如却付騷人
手畱和南風解慍詩

稼軒卷三
四十

汲古閣

又用前韻和趙文
鼎提來賦

莫上扁舟訪剡溪淺斟低唱正相宜從教犬吠
千家白且與梅成一段奇 香暖處酒醒時画
簷玉筍已偷垂笑君解釋春風恨倩拂蠻牋只
費詩

又重九
席上

戲馬臺前秋雁飛管絃歌舞旌旗要知黃菊
清高處不入當年二謝詩 傾白酒遶東籬只

於陶令有心期明朝九日渾瀟灑莫使算前欠

一枝

又

有甚閒愁可皺眉老懷無緒自傷悲百年旋逐
花陰轉萬事長看鬢髮知 溪上枕竹間棋怕
尋酒伴嬾吟詩十分筋力誇強健只比年時病
起時

又

送范先
之秋試

稼軒卷三
四十一

汲古閣

白苧新袍入嫩涼春蠶食葉響迴廊禹門已準
桃花浪月殿先收桂子香 鵬北海鳳朝陽又
攜書劒路茫茫明年此日青雲上却笑人間舉
子忙

又

一夜清霜變鬢絲怕愁剛把酒禁持玉人今夜
相思不想見頻將翠枕移 眞箇恨未多時也
應香雪減些兒菱花照面須頻記曾道偏宜淺

画眉

又 送歐陽國
瑞入吳中

莫避春陰上馬遲春來未有不陰時人情輾轉
閒中看客路崎嶇倦後知 梅似雪柳如絲試
聽別語慰相思短篷炊飯鱸魚熟除却松江枉
費詩

又

木落山高一夜霜北風驅雁又離行無言每覺

稼軒卷三
四十二

汲古閣

情懷好不飲能令與味長 頻聚散試思量爲
誰春艸夢池塘中年長作東山恨莫遣離歌苦
斷腸

又 席上再
川韻

水底明霞十頃光天教鋪錦襯鴛鴦最憐楊柳
如張緒却笑蓮花似六郎 方竹簟小胡牀晚
來消得許多涼背人白鳥都飛去落日殘鴉更
斷腸

又石門道中

山上飛泉萬斛珠懸崖千丈落鼙鼙已通樵逕
行還碍似有人聲聽却無閒畧約遠浮屠溪
南修竹有茅廬莫嫌杖屨頻來往此地偏宜著
老夫

又賦棋罰
賦梅雨

漠漠輕陰撥不開江南細雨熟黃梅有情無道
東邊日已怒重驚忽地雷雲柱礎水接臺羅

稼軒卷三
四十三

汲古閣

衣費盡博山灰當時一識和羹味便道爲霖消
息來

又黃沙道中
中郎事

句裏春風正剪裁溪山一片畫圖開輕鷗自起
虛船去荒犬還迎野婦回松共竹翠成堆要
擎殘雪闌疎梅亂鴉畢竟無才思時把瓊瑤蹴
下來

又元溪不見梅

千丈冰溪百步雷柴門都向水邊開亂雲騰帶
炊煙去野水閒將日影來穿窈窕過崔嵬東
林試問幾時栽動搖意態雖多竹點綴風流却
欠梅

又戲題
村舍

鷄鴨成群晚未收桑麻長過屋山頭有何不可
吾方羨要底都無飽便休新柳樹舊沙洲去
年溪打却邊流自言此地生兒女不嫁余家卽

稼軒卷三
四十四

汲古閣

聘周

又春日卽事題
毛村酒壚

春日平原蒿菜花新耕雨後落群鴉多情白髮
春無奈晚日青帘酒易賒閒意態細生涯牛
欄西畔有桑麻青裙縞袂誰家女去趁蠶生看
外家

又麻起
卽事

水荇參差動綠波一池地影噤群蛙因風野鶴

飢猶舞積雨山梔病不花 名利處戰爭多門
前蠻觸日干戈不知更有槐安國夢覺南柯日
未斜

又

石壁虛雲積漸高溪聲遶屋幾週遭自從一雨
花零落却愛微風艸動搖 呼玉友薦溪毛殷
勤野老著相邀杖藜忽避行人去認是翁來却
過橋

又

送元濟之
歸豫章

稼軒卷三
四十五

汲古閣

欹枕婆娑兩鬢霜起聽簷溜碎喧江那邊玉筍
銷啼粉這裏車輪轉別腸 詩酒社水雲鄉可
看醉墨幾淋浪畫圖却似歸家夢千里河山寸
許長

又

醉菊花雖
有戲作

掩鼻人間臭腐腸古今惟有酒偏香自從來住
雲煙畔直到而今歌舞忙 呼老伴共秋光黃

花何處避重陽要知爛熳開時節直待西風一
夜霜

又

席上吳子似諸友
見和再用韻答之

翰墨諸公久擅場胸中書傳許多香都無絲竹
啣盃樂却有龍蛇落筆忙 閒意思老風光酒
徒今有幾高陽黃花不怯西風冷只怕詩人兩
鬢霜

又

稼軒卷三
四十六

汲古閣

自古高人最可嗟只因疎懶取名多居山一似
庚桑楚種樹真成郭橐駝 雲子飯水晶瓜林
間攜客更烹茶君歸休矣吾忙甚要看蜂兒晚
趁衙

又

送王山

拋却山中詩酒窠却來官府聽笙歌閒愁做弄
天來大白髮栽培日許多 新劒戟舊風波天
生子嬾奈予何此身已覺渾無事却教兒童莫

恁麼

又

點盡蒼苔色欲空竹籬茅舍要詩翁花餘歌舞
歡娛外詩在經營慘澹中聽軟語笑衰容一
枝斜墜翠鬟鬆淺顰淡笑誰看醉看取瀟然林

下風

又

用前韻賦梅三山梅開
時猶有青葉予時病齒

病繞梅花酒不空齒牙牢在莫欺翁恨無飛雪

稼軒卷三
四十七

汲古閣

青松畔却放疎花翠葉中水作骨玉爲容當

年宮額鬢雲鬆直須爛熳燒銀燭橫笛難看一

夜風

又

桃李漫山過眼空也宜惱損杜陵翁若將玉骨
冰姿比李蔡爲人在下中尋驛使寄芳容龍
頭休放馬蹄鬆吾家籬落黃昏後剩有西湖處

士風

又
或有感

出處從來自不齊後車方載太公歸誰知寂寞
空山裏却有高人賦采薇黃菊嫩晚香枝一
般同是采花時蜂兒辛苦多官府蝴蝶花間自
在飛

又

讀淵明詩不能去手
戲作小詞以送之

晚歲躬耕不怨貧隻雞斗酒聚比隣都無晉宋
之間事自是羲皇以上人千載後百篇存夏

稼軒卷三
四十八

汲古閣

無一字不清真若教王謝諸郎在未抵柴桑陌

上塵

又

髮底青青無限春殘紅飛雪護紛紛黃花也伴
秋光老何似尊前見在身書萬卷筆如神眼
看同輩上青雲箇中不許兒童會只恐功名更
過人

又

戊午拜復賦
奉祠之命

老退何曾說著官今朝放罪上恩寬便支香火
眞祠奉夏綴文書舊殿班扶病腳洗衰顏快
從老病偕衣冠此身忘世渾容易使世相忘却
自難

又和趙晉臣
數文韻

綠鬢都無白髮侵醉時拈筆越精神愛將蕪語
追前事夏把梅花比那人回急雪過行雲近
時歌舞舊時情君侯要識誰輕重看取金盃幾

稼軒卷三
四十九

汲古閣

許淡

又和傅先之
提舉賦雪

泉上長吟我獨清喜君未共雪爭明已驚竝水
鷗無色更怪行沙蟹有聲添爽氣動雄容奇
因六出憶陳平却嫌鳥雀投林去觸破當樓雲
母屏

又傅山

不向長安路上行却教山寺厭逢迎味無味處

求吾樂材不材間過此生寧作我豈其卿人
間走遍却歸耕一松一竹眞朋友山鳥山花好
弟兄

又不
寐

老病那堪歲月侵霎時光景值千金一生不負
溪山債百藥難醫書史浮隨巧拙任浮沉人
無同處面如心不妨舊事從頭記要寫行藏入
笑林

稼軒卷三
五十

汲古閣

又有客慨然談功名
追念少年時事慨作

壯歲旌旗擁萬夫錦襜突騎渡江初燕兵夜娖
銀胡轅漢箭朝飛金僕姑追往事歎今
吾春風不染白髭鬚却將萬字平戎策換得東
家種樹書

又沈良顯家
牡丹一本

占斷雕欄只一株春風費盡幾工夫天香夜染
衣猶溼國色朝酣醉未蘇嬌欲語巧相扶不

妨老幹自扶疎恰如翠幙高堂上來看紅衫百子圖

又賦牡丹主人以
詞花索賦解嘲

翠蓋牙籤數百株楊家姊妹夜游初五花結隊
香如霧一朶傾城醉未蘇閒小立困相扶夜
來風雨有情無愁紅慘綠今宵看恰似吳宮教
陣圖

又再賦

稼軒卷三
五十一

汲古閣

濃紫淡黃一箇圖中間更有玉盤盂先裁翡翠
裝成蓋更點胭脂染透酥香漱灑錦模糊主
人長得醉工夫莫攜弄玉欄遊去羞得花枝一
朶無

又

去歲花枝把酒盃雪中曾見牡丹開而今紈扇
薰風裏又見疎枝月下梅歡幾許醉方回明
朝歸路有誰催低聲待向他家道帶得歌聲滿

耳來

又壽吳子似縣尉
時攝事城中

上巳風光好放懷故人猶未看花回茂林映帶
誰家竹曲水流傳第幾盃摘錦繡寫瓊瑰長
年富貴屬多才要知此日生男好曾有周公祓
禊來

又寄葉仲洽

稼軒卷三
五十二

汲古閣

是處移花是處開古今興廢幾池臺背人翠羽
偷魚去抱藥黃鬚趁蝶來掀老甕撥新醅客
來且盡兩三盃日高盤饌僕何晚市遠魚鮓買
未回

又登一丘一壑偶成

莫帶春光花下遊便須準備落花愁百年雨打
風吹却萬事三平二滿休將擾擾付悠悠此
生於世百無憂新愁次第相拋舍要伴春歸天
盡頭

又和吳子似
山行韻

誰笑春光管日華朱朱粉粉野蒿花閒愁投老
無多子酒病而今較減些 山遠近路橫斜正
無聊處管絃譚去年醉後猶能記細數溪邊第
幾家

又過峽石州韻
答吳子似

歎息頻年廩未高新詞空賀此丘遭遙知醉帽
時時落見說吟鞭步步搖 乾玉唾禿錐毛只

稼軒卷三
五十二

汲古閣

今明月費招邀最憐烏鵲南飛句不解風流見
二喬

又吳子似
過秋水

秋水長廊水石間有誰來共聽潺潺羨君人物
東西晉分我詩名大小山 窮自樂晚方閒人
間路窄酒盃寬看君不了癡兒事又似風流靖
長官

又和章泉
趙昌父

萬事紛紛一笑中淵明把菊對秋風細看爽氣
今猶在惟有南山一似翁 情未好語言工三
賢高致古來同誰知止酒停雲老獨立斜陽數
過鴻

瑞鵬鵠京口有懷
山中故人

算年不賦短長詞和得淵明數首詩君自不歸
歸甚易今猶未足足何時 偷閒定向山中老
此意須教鶴輩知聞道只今秋水上故人曾榜

稼軒卷三
五十四

汲古閣

北山移

又京口病中起登
連倉觀偶成

聲名少日畏人知老去行藏與願違山艸舊曾
呼遠志故人今有寄當歸 何人可覓安心法
有客來觀杜德機却笑使君那得似清江萬頃
白鷗飛

又

膠膠擾擾幾時休一出山來不自由秋水觀中

秋月夜停雲堂下菊花秋 隨緣道理應須會
過分功名莫彊求先自一身愁不了那堪愁上
更添愁

又 乙丑奉祠歸舟次餘干賦

江頭日日打頭風憔悴歸來那曼容鄭賈正應
求死鼠葉公豈是好真龍 孰居無事陪犀首
未辨求封遇萬松却笑千年曹孟德夢中相對
也龍鍾

稼軒卷三
五十五

汲古閣

又

期思溪上日千回樟木橋邊酒數盃人影不隨
流水去醉顏重帶少年來 疎蟬響澀林逾靜
冷蝶飛輕菊半開不是長卿終慢世只緣多病
又非才

稼軒詞卷第三

稼軒詞卷第四

玉樓春 席上贈別上饒黃倅

往年龍從堂前路路上人誇通判雨去年拄杖
過瓢泉縣吏垂頭民歎語 學窺聖處文章古
清到窮時風味苦算前老淚不成行明日送君
天上去

又 效白樂天體

少年才把笙歌戲夏日非長愁夜短因他老病

稼軒卷四

汲古閣

不相饒把好心情都做嬾 故人別後書來勸
乍可停盃彊喫飯云何相見酒邊時却道達人
須飲滿

又 用韻會葉仲洽

狂歌擊碎村醪醅欲舞還憐衫袖短心如溪上
釣磯閒身似道旁官堠嬾 山中有酒提壺勸
好語憐君堪鮮飯至今有句落人間渭水秋風
黃葉滿

又用韻會吳子似縣尉

君如九醞臺粘醖我似茅柴風味短幾時秋水
美人來長恐扁舟乘興嬾高懷自飲無人勸
馬有青芻奴白飯向來珠履玉簪人頗覺酒量
車載滿

又客有遊山者忘攜具而以詞來病不往索酒用韻以會余時以病不往

山行日日妨風雨風雨晴時君不去牆頭塵滿
短轅車門外人行芳艸路城南東野應聯句

稼軒卷四

汲古閣

好記琅玕題字處也應竹裏著行厨已向甕邊

防吏部

又再和

人間反覆成雲雨鳬雁江湖來又去十千一斗
飲中仙一百八盤天上路舊時楓落吳江句
今日錦囊無著處看封關外水雲侯剩接山中

詩酒部

又戲賦雲山

何人半夜推山去四面浮雲猜是汝當時相對
兩三峰走遍溪頭無覓處西風瞥起雲橫度
忽見東南天一柱老僧拍手笑相夸且喜青山
依舊住

又用韻會傳巖叟葉仲洽趙國典

青山不解乘雲去怕有愚公驚著汝人間踏地
出租錢俗使移將無著處三星昨夜光移度
妙語來題橋上柱黃花不插滿頭歸定向白雲

稼軒卷四

汲古閣

遮且住

又

無心雲自來還去元共青山相爾汝霎時迎雨
障崔嵬雨過却尋歸路處侵天翠竹何曾度
遙見屹然星砥柱今朝不管亂雲淡來伴仙翁
山下住

又

瘦筇倦作登高去却把黃花相爾汝嶺頭拭目

望龍山夏在雲煙遮斷處 思量落帽人風度
休說當年功紀柱謝公直是愛東山畢竟東山
畱不住

又

風前欲勸春光住春在城南芳艸路未隨流落
水邊花且作飄零泥上絮 鏡中已有星星誤
人不負春春自負夢回人遠許多愁只在梨花
風雨處

又

三三兩兩誰家婦聽取鳴禽枝上語提壺沽酒
已多時婆餅焦時須早去 醉中忘却來時路
僭問行人家住處只尋古廟那邊行夏過溪南
烏橋樹

又

寄題文山鄭元英巢經樓

悠悠莫向文山去要把襟裾牛馬汝遙知書帶
艸邊行正在雀羅門裏住 平生插架昌黎句

稼軒卷四

汲古閣

不似拾柴東野苦侵天且擬鳳凰巢掃地從他
鸚鵡舞

又

樂令謂衛玠人未嘗夢搗齏餐鐵杵乘車入鼠穴以謂世無是事而有是理樂所謂無適云有也戲作數語以明之

有無一理誰差別樂令區區猶未達事言無處
未嘗無試把所無憑理說 伯夷飢采西山薇
何異搗齏餐杵鐵仲尼去衛又之陳此是垂車
穿鼠穴

又

隱湖戲作

客來底事逢迎晚行裏鳴禽尋未見日高猶苦
聖賢心門外誰酬蠻觸戰 多方爲渴泉尋徧
何日成陰松種滿不辭長向水雲來只怕頻頻
魚鳥倦

又

有自九江以石作觀音像持送者因以詞賦之

琵琶亭畔多芳艸時對香爐峰一笑偶然重傷
玉溪行不是白頭誰覺老 普陀大士神通妙

稼軒卷四

汲古閣

影入石頭光了了看來將獻可無言長似慈悲
顏色好

又 乙北京口奉祠西
歸將至仙人磯

江頭一帶斜陽樹總是六朝人住處悠悠興廢
不關心惟有沙洲雙白鷺 仙人磯下多風雨
好卸征帆畱不住直須抖擻盡塵埃却趁新涼
秋水去

鵲橋仙 爲人慶八十
席上戲作

稼軒卷四

汲古閣

朱顏暈酒方瞳點漆閒傍松邊倚杖不須更展
畫圖看是箇壽星的模樣 今朝盛事一
盃淡勸更把新詞齊唱人間八十最風流長貼
在兒孫額上

又 和范先之送祐
之弟歸晉榮

小窗風雨從今便憶中夜笑談清軟啼鴉衰柳
自無聊更管得離人腸斷 詩書事業猶在青
毡頭上貂蟬會見莫貪風月臥江湖道日近長

安路遠

又 壽徐伯
熙察院

采冠風采繡衣聲價曾把經綸少試看看有詔
日邊來便入侍明光殿裏 東君未老花明柳
媚且引玉觥沉醉好將三萬六千場自今日從
頭數起

又 已酉山行
書所見

松岡避暑茆簷避雨閒去閒來幾度醉扶怪石

稼軒卷四

汲古閣

看飛泉又却是前回醒處 東家娶婦西家歸
女燈火門前笑語釀成千頃稻花香夜夜費一
天風露

又 慶岳母
八十

八旬慶會人間盛事齊勸一盃春醖臙脂小字
點眉間猶記得舊時宮樣 綵衣更著功名富
貴直過太公以上大家著意記新詞遇著箇十
年便唱

又贈鷺
鷺

溪邊白鷺來吾告汝溪裏魚兒堪數主憐汝汝
又憐魚要物我欣然一處 白沙遠浦青泥別渚
剩有鰕跳鯽舞聽君飛去飽時來看頭上風吹
一縷

又席上和趙
晉臣數文

少年風月少年歌舞老去方知堪美歎折腰五
斗賦歸來問走了羊腸幾遍 高車駟馬金章

稼軒卷四

汲古閣

紫綬傳語渠儂穩便問東湖帶得幾多春且看
凌雲筆健

西江月
采石岸戲
作漁父詞

千丈懸崖削翠一川落日鎔金白鷗來往本無
心選甚風波一任 別浦魚肥堪膾前村酒美
重樹千年往事已沉沉閒管興亡則甚

又壽范南
伯知縣

秀骨青松不老新詞玉佩相磨靈槎準擬泛銀

河剽摘天星幾箇南伯去歲七月生子奠枕樓頭風月駐

春亭上笙歌畱君一醉意如何金印明年斗大

又和楊民瞻
賦丹桂韻

宮粉厭塗嬌額濃粧再厭秋花西真人醉憶仙
家飛珮丹霞羽化 十里芬芳未足一亭風露

先加杏腮桃臉費鉛華終慣秋蟾影下

又癸丑正月四日三山被召經從
建安席上和陳安行舍人韻

風月亭危致爽管絃聲脆休催主人只是舊情

稼軒卷四

汲古閣

懷錦瑟傍邊須醉 玉殿何曾儂去沙堤正要

公來看看紅藥又翻階趁取西湖春會

又用韻和李
兼濟提舉

且對東君痛飲莫教華髮空催瓊瑰千字已盈
懷消得津頭一醉 休唱陽關別去只今鳳詔
歸來五雲兩雨望三台已覺精神聚會

又三山

貪數明朝重九不知過了中秋人生有得許多

愁只有黃花如舊 萬象亭中殢酒九仙閣上
扶頭城鴉喚我醉歸休細雨斜風時候

又夜行黃沙道中

明月別枝驚鵲清風半夜鳴蟬稻花香裏說豐
年聽取蛙聲一片 七八箇星天外兩三點雨
山前舊時茆店社林邊路轉溪橋忽見

又春晚

賸欲讀書已嬾只今多病長閒聽風聽雨小窗

稼軒卷四

汲古閣

眠過了春光太半 往事數尋去鳥消愁難解
連環流鶯不肯入西園喚起画梁飛燕

又木犀

金粟如來出世藥宮仙子乘風清香一袖意無
窮洗盡塵緣千種 長爲西風作主更居明月
光中十分秋意與玲瓏拚却今宵無夢

又寄祐之弟時新居落成

画棟新垂簾幙華燈未放笙歌一盃漱灩泛金

波先向大夫稱賀 富貴無應自有功名不用
渠多只將綠鬢抵羲娥金印須教斗大

又達興

醉裏且貪歡笑要愁那得工夫近來始覺古人
書信著全無是處 昨夜松邊醉倒問松我醉
何如只疑松動要來扶以手推松曰去

又和趙雷臣敷文賦秋水瀑泉

八萬四千偈后更誰妙語披襟紉蘭結佩有同

稼軒卷四

汲古閣

心喚取詩翁來飲 鏤玉裁冰著句高山流水
知音胸中不受一塵侵却怕靈均獨醒

又悠然閣

一柱中擎遠碧兩峰旁聳高寒橫陳削盡短長
山莫把一分增減 我望雲煙目斷人言風景
天慳被公詩筆盡追還重上層梯一覽

又示兒曹以家事付之

萬事雲煙忽過百年蒲柳先衰而今何事最相

宜宜醉宜遊宜睡 早赴催科了納更量出入
收支迺翁依舊管夢兒管竹管山管水

又

粉面都成醉夢霜髯能幾春秋來時送我伴牢
愁一見尊前似舊 詩在陰何側畔字居羅趙
前頭錦囊來往幾時休已遣蛾眉等候

朝中措

醉歸祐之弟

監興娒娒破重岡玉笛兩紅粧這裏都愁酒盡

稼軒卷四

汲古閣

那邊正和詩忙 爲誰醉倒爲誰歸去都莫思
量白水東邊籬落斜陽欲下牛羊

又

夜深殘月過山房睡覺北窗涼起遶中庭獨步
一天星斗文章 朝來客話山林鍾鼎那處難
忘君向沙頭細問白鷗知我行藏

又
爲人詩

年年黃菊艷秋風更有拒霜紅黃似舊時宮額

紅如此日芳容 青青未老尊前要看兒輩平
戎試釀西江爲壽西江綠水無窮

又

年年金藥艷西風人與菊花同霜鬢經春重綠
仙姿不飲長紅 焚香度日儘從容笑語調兒
童一歲一盃爲壽從今更數千鍾

又

九日小集時楊世長將赴南宮

年年團扇怨秋風愁絕玉盃空山下臥龍丰度

稼軒卷四

汲古閣

臺前戲馬英雄 而今休也花殘一似人老花
同莫怪東籬韻減只今丹桂香濃

清平樂

博山道中卽事

柳邊飛鞚霧溼征衣重宿鷺窺沙孤影動應有
魚鰕入夢 一川明月疎星浣沙人影娉婷笑
背行人歸去門前稚子啼聲

又

茅簷低小溪上青青艸醉裏吳音相媚好白髮

誰家翁媼 大兒鋤豆溪東中兒正織雞籠最
喜小兒亡賴溪頭看剝蓮蓬

又 獨宿博山
王氏卷

遶牀飢鼠蝙蝠翻燈舞屋上松風吹急雨破紙
窗間自語 平生塞北江南歸來華髮蒼顏布
被秋宵夢覺眼前萬里江山

又 檢校山園
書所見

連雲松竹萬事從今足拄杖東家分社肉白酒

稼軒卷四
十四

汲古閣

牀頭初熟 西風梨棗山園兒童偷把長竿莫
遣旁人驚去老夫靜處閒看

又

斷崖松竹竹裏藏水玉路轉清溪三百曲香滿
黃昏雪屋 行人繫馬疎籬折殘猶有高枝留
得東風數點只緣嬌嫩春遲

又 爲兒鐵
杜作

靈皇離罷福祿都來也試引鵲鵲花樹下斷了

驚驚怕怕 從今日日聰明更有潭妹嵩兄看
取辛家鐵柱無災無難公卿

又 木犀

月明秋曉翠蓋團團好碎剪黃金敷恁小都著
葉兒遮了 打來休似年時小窗能有高低無
頓許多香處只消三兩枝兒

又 再賦

東園向曉陣陣西風好喚起仙人金小小翠羽

稼軒卷四
十五

汲古閣

玲瓏裝了 一枝枕畔開時羅幃翠幙垂低恁
地十分遮護打窗早有蜂兒

又 憶吳江
賞木犀

少年痛飲憶向吳江醒明月團團高樹影十里
水沉煙冷 大都一點宮黃人間直恁芬芳怕
是秋天風露染教世界都香

又 壽信守
王道夫

此身長健還却功名願枉讀平生三萬卷滿酌

金盃聽勸 男兒玉帶金魚能消幾許詩書料

得今宵醉也兩行紅袖爭扶

又詩趣民則提刑時
新除且素不喜飲

詩書萬卷合上明光殿案上文書看來遍眉裏

陰功早見 十分竹瘦松堅看君自是長年若

解算前痛飲精神便是神仙

又題上
盧橋

清泉聿快不啻青山礙十里盤盤平世界更著

稼軒卷四
十六

汲古閣

溪山襟帶 古今陵谷茫茫市朝往往耕桑此

地居然形勝似曾小小興亡

又

清詞索笑莫厭銀盃小應是天孫新與巧剪恨

裁愁句好 有人夢斷關河小窗日飲亡何想

見重簾不捲淚痕滴盡湘娥

又呈趙昌甫時僕以病止酒
昌甫作詩數篇未及之

雲煙艸樹山北山南雨溪上行人相背去惟有

啼鴉一處 門前萬斛春寒梅花可憐摧殘便

我長忘酒易要君不作詩難

又書王德山
主簿扇

溪回沙淺紅杏都開遍鴻鵠不知春水煖猶傷

垂楊春岸 片帆千里輕船行人想見欲眠誰

似先生高舉一行白鷺青天

好事近中秋席上
和王路鈴

明月到今宵長是不如人約想見廣寒宮殿正

稼軒卷四
十七

汲古閣

雲梳風掠 夜淡休更喚笙歌簷頭雨聲惡不

是小山詞就這一場寥索

又送李復州致
席上和韻

和淚唱陽關依舊字嬌聲穩回首長安何處怕

行人歸晚 垂楊折盡只啼鴉把離愁勾引却

笑遠山無數被行雲低損

又席上和王道夫
賦元夕立春

綠勝鬪華燈平把東風吹却喚取雪中明月伴

使君行樂 紅旗鐵馬響春冰老去此情薄惟有前村梅在倩一枝隨著

又 和城中諸友韻

雲氣上林梢畢竟非空非色風景不隨人去到而今畱得 老無情味到篇章詩債怕人索却喜近來林下有許多詞客

菩薩蠻 金陵賞心亭為葉丞相賦

青山欲笑高人語聯翩萬馬來無數煙雨却低

稼軒卷四十八

汲古閣

回望來終不來 人言頭上髮總向愁中白拍手笑沙鷗一身都是愁

又 用前韻

錦書誰寄相思語天邊數徧飛鴻數一夜夢千回梅花入夢來 漲痕紛樹髮霜落瀟湘白心事莫驚鷗人間千萬愁

又

江山病眼昏如霧送愁直到津頭路歸念樂天

詩人生足別離 雲屏深夜語夢到君知否玉筍莫偷垂斷腸天不知

又 書江西造口壁

鬱孤臺下清江水中間多少行人淚西北是長安可憐無數山 青山遮不住畢竟東流去江晚正愁余山深聞鷓鴣

又

西風都是行人恨馬頭漸喜歸期近試上小紅樓飛鴻字字愁 闌干閒倚處一帶山無數不似遠山橫秋波相共明

稼軒卷四十九

汲古閣

又

功名飽聽兒童說看公兩眼明如月萬里勸燕然老人書一編 玉階方寸地好趁風雲會他日赤松游依然萬戶侯

又 送祐之弟歸浮梁

無情最是江頭柳長條折盡還依舊木葉下平

湖雁來書有無 雁無書尚可好語憑誰和風
雨斷腸時小山生桂枝

又送鄭守厚
卿赴闕

送君直上金鑾殿情知不久須相見一日甚三
秋愁來不自由 九重天一笑定是畱中了白
髮少經過此時愁奈何

又送曹君
之莊所

人間歲月堂堂去勸君快上青雲路堅處一燈

稼軒卷四
二十

汲古閣

傳工夫螢雪邊 麴生風味惡辜負西窗約沙
岸片帆開寄書無雁來

又席上分賦
得櫻桃

香浮乳酪玻璃盃年年醉裏嘗新慣何物比春
風歌唇一點紅 江湖清夢斷翠籠明光殿萬
顚瀉輕勻低頭愧野人

又賦摘
阮

阮琴斜挂香羅綬玉纖初試琵琶手桐葉雨聲

乾珍珠落玉盤 朱絃調未慣笑倩東風伴莫
作別離聲且聽雙鳳鳴

又雪樓賞牡丹席
上用楊民瞻韻

紅芽籤上群仙客翠羅蓋底傾城色和雨淚闌
干沉香亭北看 東風休放去怕有流鶯訴試
問賞花人曉粧勻未勻

又和盧國
華提刑

旌旗依舊長亭路尊前試點鶯花數何處捧心

稼軒卷四
二十一

汲古閣

顰人間別樣春 功名君自許少日聞鷄舞詩
句到梅花春風十萬家

卜算子
尋春作

脩竹翠蘿寒遲日江山暮幽逕無人獨自芳此
恨知無數 只共梅花語嬾逐遊絲去著意尋
春不肯香香在無尋處

又為人賦
荷花

紅粉靚梳粧翠蓋低風雨占斷人間六月涼明

月鴛鴦浦 根底藕絲長花裏蓮心苦只爲風
流有許愁更襯佳人步

又聞李正之
茶馬詩音

欲行且起行欲坐重來坐坐行行有倦時更
枕閒書臥 病是近來身嬾是從前我淨掃瓢
泉竹樹陰且恁隨緣過

又飲
酒

盜跖儻名丘孔子如名跖跖聖丘愚直到今美
宋名家詞 稼軒卷四 汲古閣

簡策寫虛名螻蟻侵枯骨千古光

陰一霎時且進盃中物

又用莊
語

一以我爲牛一以我爲馬人與之名受不辭善
學莊周者 江海任虛舟風雨從飄瓦醉者乘
車墜不傷全得於天也

又漫
興

夜雨醉瓜廬春水行秧馬點檢田間快活人未

有如翁者 掃禿兔毫錐磨透銅臺瓦誰伴楊
雄作解嘲烏有先生也

又

珠玉作泥沙山谷量牛馬試上纍纍丘壠看誰
是彊梁者 水浸淺溪簷山壓高低瓦山水朝
來笑問人翁早歸來也

又

漢代李將軍奪得胡兒馬李蔡爲人在下中却

稼軒卷四 二十三

汲古閣

是封侯者 芸艸去陳根篴竹添新瓦萬一朝

廷舉力田舍我其誰也

又用韻命趙晉臣數文趙
有真得歸方是閒堂

百郡怯登車千里輸流馬乞得膠膠擾擾身却
笑區區者 野水玉鳴渠急雨珠跳瓦一榻清
風方是閒真是歸來也

又

萬里只浮雲一噴空凡馬歎息曹瞞老驥詩伏

樞如公者 山鳥哢窺簷野鼠飢翻瓦老我癡
頑合住山此地菟裘也

又
落齒

剛者不堅牢柔的難摧挫不信張開口角看舌
在牙先墮 已闕兩邊脣又豁中間箇說與兒
曹莫笑翁狗竇從君過

又
飲酒成病

一箇去學仙一箇去學佛仙飲千盃醉似泥皮

稼軒卷四
二十四

汲古閣

骨如金石 不飲便康強佛壽須千百八十餘
年入涅槃且進盃中物

又
飲酒不寫書

一飲動連宵一醉長三日廢盡寒溫不寫書富
賢何由得 請看塚中人塚似當時筆萬札千
言只恁休且進盃中物

醜奴兒

醉中有歌此詩以
勸酒者聊舉拾之

晚來雲淡秋光薄落日晴天落日晴天堂上風

斜画燭煙 從渠去買人間恨字字都圓字字
都圓腸斷西風十四絃

又

尋常中酒扶頭後歌舞支持歌舞支持誰把新
詞喚住伊 臨岐也有傷人笑笑已爭知笑已
爭知明月樓空燕子飛

又
書博山
道中壁

煙蕪露芰荒池柳洗雨烘晴洗雨烘晴一樣春

稼軒卷四
二十五

汲古閣

風幾樣青 提壺脫袴催歸去萬恨千情萬恨
千情各自無聊各自鳴

又

此生自斷天休問獨倚危樓獨倚危樓不信人
間別有愁 君來正是眠時節君且歸休君且
歸休說與西風一任秋

又

少年不識愁滋味愛上層樓愛上層樓爲賦新

詞彊說愁 而今識盡愁滋味欲說還休欲說
還休却道天涼好箇秋

又

近來愁似天來大誰解相憐誰解相憐又把愁
來做箇天 都將今古無窮事放在愁邊放在
愁邊却自移家向酒泉

又和鉛山陳
薄韻二首

鵲湖山下長亭路明月臨關明月臨關幾陣西

稼軒卷四
二十六

汲古閣

風落葉乾 新詞誰解裁冰雪筆墨生寒筆墨
生寒會說離愁千萬般

又

年年索盡梅花笑疎影黃昏疎影黃昏香滿東
風月一痕 清詩冷落無人寄雪豔冰魂雪豔
冰魂浮玉溪頭煙樹村

浣溪沙

漫興
作

未到山前騎馬回風吹雨打已無梅共誰消遣

兩三盃 一似舊時春意思百無事處老形骸
也會頭上戴花來

又黃沙
嶺

寸步人間百十樓孤城春水一沙鷗天風吹樹
幾時休 突兀趁人山石狠朦朧避路野花羞
人家平水廟東頭

又壽內
子

壽酒同斟喜有餘朱顏却對白髭鬚兩人百歲

稼軒卷四
二十七

汲古閣

恰乘除 婚嫁剝添兒女拜平安頻拆外家書
年年堂上壽星圖

又壽泉
偶作

新葺茆簷次第成青山恰對小窗橫去年曾共
燕經營 病却盃盤甘止酒老依香火苦翻經
夜來依舊管絃聲

又士子春赴
闕別壽泉

細聽春山杜宇啼一聲聲是送行詩朝來白鳥

背人飛 對鄭子真崑石臥赴陶元亮菊花期
而今堪誦北山移

又常山道中卽事

北隴田高踏水傾西溪禾早已嘗新隔牆沽酒
黃纖鱗 忽有微涼何處雨更無畱影霎時雲
賣瓜人過竹邊村

又偕杜叔高吳子似宿山寺戲作

花向今朝粉面勻柳因何事翠眉顰東風吹雨
稼軒卷四 二十八 汲古閣

細於塵 自笑好山如好色只今懷樹更懷人
閒愁閒恨一翻新

又

歌串如珠箇箇勻被花勾引笑和顰向來驚動
画梁塵 莫倚笙歌多樂事相看紅紫又拋人
舊巢還有燕泥新

又

父老爭言雨水勻眉頭不似去年顰殷勤謝却

甌中塵 啼鳥有時能勸客小桃無賴已撩人
梨花也作白頭新

又別杜叔高

這裏裁詩話別離那邊應是望歸期人言心急
馬行遲 去雁無憑傳錦字春泥抵死污人衣
海棠過了有荼蘼

又席上趙景山提幹賦溪臺和韻

臺倚崩崖玉滅痕青山却作捧心顰遠林煙火
稼軒卷四 二十九 汲古閣

幾家村 引入滄浪魚得計展成寥闊鵲能言
幾時高處見層軒

又

妙手都無斧鑿痕飽叅佳處却成顰恰如春入
浣花村 筆墨今宵光有艷管絃從此悄無言
主人席次兩肩軒

又題徐本成

艸木於人也作疎秋來咫尺異榮枯空山歲晚

孰華余 孤竹君窮猶抱節赤松子嬾已生鬚

主人相愛肯畱無

又種梅菊

百世孤芳肯自媒直須詩句與推排不然喚起
酒邊來 自有陶潛方有菊若無和靖卽無梅
祇今何處向人開

又別登上人併
送性禪師

梅子生時到幾回桃花開後不須猜重來松竹

稼軒卷四
三十

汲古閣

意徘徊 慣聽禽聲應可諳飽觀魚陣已能排
晚風挾雨喚歸來

山花子

答傅岳史
酬春之約

艷杏夭桃兩行排莫攜歌舞去相催次第未堪
供醉眼去年栽 春意纔從梅裏過人情都向
柳邊來咫尺東家還又有海棠開

又
謝傅岳史
謝春之惠

句裏明珠字字排多情應也被春催怪得名花

和淚送雨中栽 赤腳未安芳斛穩娥眉早把

橘枝來報道錦薰籠底下麝臍開

又三山
戲作

記得瓢泉快活時長年耽酒更吟詩驀地捉將
來斷送老頭皮 遶屋人扶行不得閒窗學得
鷓鴣啼却有杜鵑能勸道不如歸

又

日日閒看燕子飛舊巢新壘画簾低玉曆今朝

稼軒卷四
三十一

汲古閣

推戊己却啣泥 先自春光畱不住那看更著
子規啼一陣晚香吹不斷落花溪

又與客賞山茶一
朵忽墮地戲作

酒面低迷翠被重黃昏院落月朦朧墮髻啼粧
孫壽醉泥秦宮 試問花畱春幾日畧無人管
雨和風瞥向綠珠樓下見墜殘紅

又簡傅
岳史

總把平生入醉鄉大都三萬六千場今古悠悠

多少事莫思量 微有些寒春雨好更無尋處
野花香年去年來還又笑燕飛忙

又用前韻謝傅崑
叟儼名花鮮草

楊柳溫柔是故鄉紛紛蜂蝶去年場大率一春
風雨事最難量 滿把攜來紅粉面堆盤更覺
紫芝香幸自麴生閒去了又教忙鏡止酒

又病起獨
坐停雲

彊欲加餐竟未佳只宜長伴病僧齋心似風吹

稼軒卷四
三十二

汲古閣

香篆過也無灰 山下朝來雲出岫隨風一夫
未曾回次第前村行雨了合歸來

虞美人賦茶

群花泣盡朝來露爭奈春歸去不知庭下有茶
蘼偷得十分春色怕春知 淡中有味清中覺
飛絮殘紅避露華微浸玉肌香恰似楊妃初試
出蘭湯

又詩起文
提舉

翠屏羅幙遮前後舞袖翻長壽紫髯冠佩御爐
香看取明年歸奉萬年觴 今宵池上蟠桃席
咫尺長安日寶煙飛焰萬花濃試看中間白鶴
駕仙風

又用前
韻

一盃莫落他人後富貴功名壽胸中書傳有餘
香寫得蘭亭小字記流觴 問誰分我漁樵席江
海消閒日看看天上拜恩濃却怕畫樓無處著

稼軒卷四
三十三

汲古閣

春風

又賦虞美
人艸

當年得意如芳艸日日春風好拔山力盡忽悲
歌飲罷虞兮從此奈君何 人間不識精誠苦
貪看青青舞燕然歛袂却亭亭怕是曲中猶帶
楚歌聲

浪淘沙山寺夜
半聞鐘

身世酒盃中萬事皆空古來三五箇英雄雨打

風吹何處是漢殿秦宮 夢入少年叢歌舞
匆老僧夜半誤鳴鐘驚起西窗眠不得捲地西
風

又賦虞美人

不肖過江東玉帳匆匆只今艸木憶英雄唱著
虞兮當日曲便舞春風 兒女此情同往事朦
朧湘娥竹上淚痕濃舜目重瞳堪痛恨羽又重
瞳

又送吳子

稼軒卷四
三十四

汲古閣

金玉舊情懷風月追陪扁舟千里興佳哉不似
子猷行半路却棹船回 來歲菊花開記我清
盃西風雁過鎖山臺把似倩他書不到好與同
來

減字木蘭花

宿僧房
有作

僧窗夜雨茶鼎熏爐宜小住却恨春風勾引詩
來惱殺翁 狂歌未可且把一尊料理我我到

亡何却聽農家陌上歌

又

昨朝官告一百五年村父老夏莫驚疑剛道人
生七十稀 使君喜見恰限華堂開壽宴問壽
如何百代兒孫擁太婆

又

長沙道中壁上有婦人題
字若有恨者用其意爲賦

盈盈淚眼往日青樓天樣遠秋月春花輪與尋
常姊妹家 水村山驛日算行雲無氣力錦字

稼軒卷四
三十五

汲古閣

偷裁立盡西風雁不來

南歌子

山中
夜坐

世事從頭減秋懷徹底清夜淡猶送枕邊聲試
問清溪底事未能平 月到愁邊白雞先遠處
鳴是中無有利和名因甚山前未曉有人行

又

獨坐
藤簾

玄入參同契禪依不二門細看斜日隙中塵始
覺人間何處不紛紛 病笑春先到閒知嬾是

眞百般啼鳥苦撩人除却提壺此外不堪聞

又新開池
戲作

散髮披襟處浮瓜沉李時涓涓流水細侵階
盤箇池兒喚箇月兒來 画棟頻搖動紅蕖盡倒
開鬪勻紅粉照香腮有箇人人把箇鏡兒猜

醉太平
春景

態濃意遠眉顰笑淺薄羅衣窄絮風軟鬢雲欺
翠捲 南園花樹春光暖香徑裏榆錢滿欲上

稼軒卷四
三十六

汲古閣

鞦韆又驚嬾且歸休怕晚

漁家傲

爲余伯熙察院壽信之識云水打
烏龜石三台出此時伯熙舊居城
西直龜山之北溪水斷山足矣意伯熙
當之耶伯熙學道有新功一日語余云
溪上嘗得異石有文隱然如記姓名凡
有長生等字余未之見也因其生朝始
據二事爲
詞以壽之

道德文章傳幾世到君合上三台位自是君家
門戶事當此際龜山正抱西江水 三萬六千
排日醉鬢毛只恁青青地江裏石頭爭獻瑞分

明是中間有箇長生字

錦帳春
杜叔高
席上

春色難留酒盃常淺夏舊恨新愁相間五更風
千里夢看飛紅幾片這般庭院 幾許風流幾
般嬌嬾問相見何如不見燕飛忙鶯語亂恨重
簾不捲翠屏平遠

太常引

建康中秋夜
爲呂勝叔賦

一輪秋影轉金波飛鏡又重磨把酒問姮娥被
白髮欺人奈何 乘風好去長空萬里直下看
山河斫去桂婆娑人道是清光更多

稼軒卷四
三十七

汲古閣

又壽韓南
淵尚書

君王著意履聲聞便合押紫宸班今代又尊韓
道吏部文章泰山 一盃千歲問公何事早伴
赤松閒功業後來看似江左風流謝安

又賦十
四絃

仙機似欲織纖羅髣髴度金梭無奈玉纖何却

彈作清商恨多 朱簾影裏如花半面絕勝隔簾歌世路苦風波且痛飲公無渡河

又 詩趙晉臣數文

論公耆德舊宗英吳季子百餘齡奉使老於行更看舞聽歌最精 須同衛武九十入相叢竹自青青富貴出長生記門外清溪姓彭彭溪晉臣居也

東坡引 閨怨

玉纖彈舊怨還敲繡屏面清歌自送西風雁雁

稼軒卷四三十八

汲古閣

行吹字斷雁行吹字斷 夜淡拜半月瑣窗西

畔但桂影空階滿翠帷自掩無人見羅衣寬一

半羅衣寬一半

又

君如梁上燕妾如手中扇團團青影雙雙伴秋來腸欲斷秋來腸欲斷 黃昏淚眼青山隔岸但咫尺如天遠病來只謝傷人勸龍華三會願龍華三會願

又

花稍紅未足條破驚新綠重簾下徧闌干曲有人春睡熟有人春睡熟 鳴禽破夢雲偏目覺起來香腮褪紅玉花時愛與愁相續羅裙過半幅羅裙過半幅

夜遊宮 苦俗客

幾箇相知可喜才厮見說山說水顛倒爛熟只是這怎奈何一回說一回美 有箇尖新底說

稼軒卷四三十九

汲古閣

底話非名非利說的口乾罪過你且不罪俺畧起去洗耳

戀繡衾 無題

長夜偏冷添被兒枕頭兒移了又移我自是笑別人底却元來當局者迷 如今只恨因緣淺也不曾抵死恨伊合手下安排了那筵席須有散時

杏花天 無題

病來自是於春嬾但別院笙歌一片蛛絲網遍
玻璃盞更問舞裙歌扇 有多少點愁蝶怨甚
夢裏春歸不管楊花也笑人情淺故故沾衣撲
面

又

牡丹昨夜方開偏畢竟是今年春晚荼蘼付與
薰風管燕子忙時鸛嬾 多病起日長人倦不
待得酒闌歌散甫能得見茶甌面却早安排腸

斷

又
牡丹

牡丹比得誰顏色似宮中太真第一漁陽鼙鼓
邊風急人在沉香亭北 買栽池館多何益莫
虛把千金拋擲若教解語應傾國一箇西施也
得

唐河傳
做花
問體

春水千里孤舟浪起夢攜西子覺來村巷夕陽

斜幾家短牆紅杏花 晚雲做造些兒雨折花
去岸上誰家女太顛狂那邊柳線被風吹上天

醉花陰
爲人
壽

黃花謾說年年好也趁秋光老綠鬢不驚秋若
鬪算前人好花堪笑 蟠桃結子知多少家住
三山島何日跨飛鸞滄海飛塵人世因緣了

品令

族姑慶八十
來索俳語

更休說便是箇佳世觀音菩薩甚今年容貌入

稼軒卷四
四十一

汲古閣

十歲見底道纔十八 莫獻壽星香燭莫祝靈
椿龜鶴只消得把筆輕輕去十字上添一撇

惜分飛

春

翡翠樓前芳艸路寶馬墜鞭暫駐最是周郎顧
幾度歌聲誤 望斷碧雲空日暮流水桃源何
處聞道春歸去更無人管飄紅雨

柳梢青

和范先之席
上賦牡丹

姚魏名流年年攪斷雨恨風愁解釋春光剩須

破費酒令詩籌 玉肌紅粉溫柔更染盡天香

未休今夜簪花他年第一玉殿東頭

又 三山歸途代
白鷗見朝

白鳥相迎相憐相笑滿面塵埃華髮蒼顏去時
曾勸聞早歸來 而今豈是高懷爲千里尊羹
計哉好把移文從今日日讀取千回

又 辛酉生日前兩日夢一道士話長年之
術夢中痛以理折之覺而賦入難之辭

莫鍊丹難黃河可塞金可成難休辟穀難吸風

稼軒卷四
四十二
汲古閣

飲露長忍飢難 勸君莫遠遊難何處有西王

母難休采藥難人沉下土我上天難

河瀆神 女城制効
花間體

芳艸綠萋萋斷腸絕浦相思山頭人望翠雲旗
蕙奇桂酒君歸 惆悵画簷雙燕舞東風吹散
靈雲香火冷淩簫鼓斜陽門外今古

武陵春 春興

桃李風前多嫵媚楊柳更溫柔喚取笙歌爛熳

遊且莫管閒愁 好趁晴時連夜賞雨便一春

休艸艸盃盤不要收纔晚又扶頭

又

走去走來三百里五日以爲期六日歸時已是
疑應是望多時 鞭箇馬兒歸去也心急馬行
遲不免相煩喜鵲兒先報那人知

謁金門 無題

遮索月雲外金蛇明滅翻樹啼鴉聲未徹雨聲

稼軒卷四
四十三
汲古閣

驚落葉 寶炬成行嫌熱玉腕藕絲誰雪流水

高山絃斷絕怒蛙聲自咽

又

山吐月畫燭從教風滅一曲瑤琴纔聽徹金蕉
三兩葉 驟雨微涼還熱似欠舞瓊歌雪近日
醉鄉音問絕有時清淚咽

又

歸去未風雨送春行李一枕離愁頭徹尾如何

消遣是 遙想歸舟天際綠鬢龍惚情理好夢
未成鴛喚起粉香猶有殢

酒泉子

題無

流水無情潮到空城頭盡白離歌一曲怨幾斷
腸人 東風官柳舞雕牆三十六宮花濺淚春
聲何處說興亡燕雙雙

霜天曉角

與旅

吳頭楚尾一棹人千里休說舊愁新恨長亭今

稼軒卷四
四十四

汲古閣

如此 宦游吾倦矣玉人畱我醉明日落花寒
食得且住爲佳耳

又

暮山層碧掠岸西風急一葉軟紅淡處不是利
名客 玉人還伴立綠窗生怨泣萬里衡陽歸
恨先倩雁寄消息

點絳脣

開博山寺聞光風至人
微恙而歸時春漲斷橋

隱隱輕雷雨聲不受春回護落梅如許吹盡牆

邊去 春水無情礙斷溪南路憑誰訴寄聲傳
語沒箇人知處

又

身後虛名古來不換生前醉青鞋自喜不踏長
安市 竹外僧歸路指霜鍾寺孤鴻起丹青手
裏剪破松江水

生查子

山行寄
楊民瞻

昨宵醉裏行山吐三更月不見可憐人一夜頭

稼軒卷四
四十五

汲古閣

如雪 今宵醉裏歸明月關山笛收拾錦囊詩
要寄楊雄宅

又 民瞻見和
再用韻

誰傾滄海珠簌弄千明月喚取酒邊來軟語裁
春雪 人間無鳳凰空費穿雲笛醉裏却歸來
松菊陶潛宅

又 有寬詞
者爲賦

去年燕子來繡戶淡淡處花徑得泥歸都把琴

書污 今年燕子來誰聽呢喃語不見捲簾人

一陣黃昏雨

又 獨遊
西巖

溪邊照影行天在清溪底天上有行雲人在行

雲裏 高歌誰和余空谷清音起非鬼亦非僊

一曲桃花水

又

青山招不來偃蹇誰憐汝歲晚太寒生喚我溪

稼軒卷四
四十六

汲古閣

邊住 山頭明月來本在天高處夜夜入清溪

聽讀離騷去

又

青山非不佳未解畱儂住赤腳踏層冰爲夢青

溪故 朝來山鳥啼勸上山高處裁意不關渠

自在尋詩去

又 簡吳子
似縣尉

高人千丈崖太古儲冰雪六月火雲時一見森

毛髮 俗人如盜泉照影成昏濁高處掛吾瓢

不飲吾寧渴

又 和趙晉臣
數文春雪

浸天春雪來纔抵梅花半最愛雪邊人些些裁

成亂 雪兒偏解歌只要金盃滿誰道雪天寒

翠袖闌干暖

又

梅子褪花時直與黃梅接煙雨幾曾開一春江

稼軒卷四
四十七

汲古閣

裏活 富貴使人忙也有閒時節莫作路旁花

長教人看殺

又 題京口郡
治塵表亭

悠悠萬世功屹屹當年苦魚自入淡淵人自居

平土 紅日又西沉白浪長東去不是望金山

我自思蠻禹

尋芳艸 嘲陳莘
史憶內

有得許多淚夏間却許多鴛被枕頭兒放處都

不是舊家時怎生睡 更也沒書來那堪被雁
兒調戲道無書却有書中意排幾箇人人字

阮郎歸

來陽道中爲張處父推官賦

山前燈火欲黃昏山頭來去雲鷓鴣聲裏數家
村瀟湘逢故人揮羽扇整綸巾少年鞍馬塵
如今憔悴賦招魂儒冠多誤身

昭君怨

像章寄張守定史

長記瀟湘秋晚歌舞橘洲人散走馬月明中折

稼軒卷四

汲古閣

芙蓉今日西山南浦兩棟朱簾雲雨風景不

爭多奈愁何

又

送晁楚老遊荆門

夜雨剪殘春非明日重斟別酒君去問曹瞞好
公安試看如今白髮却爲中年離別風雨正
崔嵬早歸來

又

人面不如花面花到開時重見獨倚小闌干許多

山落花西風時候人共青山瘦說到夢陽
臺幾曾來

烏夜啼

山行約范先之不至

江頭醉倒山公月明中記得昨宵歸路笑兒童
溪欲轉山已斷兩三松一段可憐風月欠詩

翁

又

先之見和復用韻

人言我不如公酒盃中更把平生湖海問兒童

稼軒卷四

汲古閣

千尺蔓雲葉亂繁長松却笑一身纏繞似衰

翁

又

晚花露葉風條燕燕高行過長廊西畔小紅橋
歌再唱人再舞酒纔消更把一盃重勸摘櫻
桃

一絡索

閨思

羞見鑑鸞孤却倩人梳掠一春長是爲花愁甚

夜夜東風惡 行遶翠簾珠箔錦牋誰記玉觴
淚滿却停觴怕酒似郎情薄

又 信守王道夫席上用
達夫賦金林擒韻

錦帳如雲處高不知重數夜淡銀燭淚成行算
都把心期付 莫待燕飛泥污問花花訴不知
花定有情無似却怕新詞妒

如夢令 賦梁
燕

燕子幾曾歸去只在翠巖深處重到画梁間誰

稼軒卷四

汲古閣

與舊巢爲主淡許淡許聞道鳳凰來住

憶王孫 秋江送別
集古句

登山流水送將歸悲莫悲兮生別離不用登臨
怨落暉管人非惟有年年秋雁飛

蔡元工於詞清康中陷虜庭稼軒以詩

詞謁見蔡曰子之詩則未也他日當以詞名

家故稼軒晚年來卜築奇鄉專工長短

句累五百首有奇但詞家爭聞穠纖而

稼軒平多持時感事之作磊砢英多絕
不作姤子態宋人以東坡爲詞詩稼軒爲詞
論善評也古虞毛晉記

稼軒卷四
五十一

汲古閣

稼軒詞卷第四 終

宋詞二集叙

宋人詞多不入正

集好事家所為

總集如曾氏及

宋詞二集序

汲古閣

七代沙南陳氏

者亦無幾以法

失傳最多虞山

子音毛兄想其

久而果湮也蓋

盡取諸家詞刻

之先是已行蜀

文始以二十家詞

宋詞二集序

汲古閣

矣至是周美集

以二十家以成帙

日有差而亦已子

吾於書無弗為

無弗讀宋人之
集其除子多為
父宗秦漢為詩
宗開元大曆宋人

宋詞二集序

汲古閣

之詞其餘能盡
之所能嗜之不虛
也汝南之轉粹編
也實如蘇吳生徒

之後生文學天
性擅吳人自昔
有就恨無從起
悔伯復共賞此

宋詞二集序

四

汲古閣

夫詞之為用也
之則曲正言之即
樂也六為十二時
之詞宋固用之

廟用之明達且多

因沿至今昭代

為烈曲可小樂

不可小也子多斯

宋詞二集序

五

汲古閣

編善將備樂一經

於宋侯子古之立

樂者之宋擇於

第為紅牙紫管

奪拍通宋人看

詞宋人自小之曰

李涯曰寫真甚

曰勸淫浸史後人

宋詞二集序

六

汲古閣

卑其格律為淫

水子晉樂無以張

宋存詞之傳功亦

詞諸家故不細

庚子夏之朔海

鹽胡憲亨題

識



宋詞二集序

七

汲古閣

題周美成詞

文章政事初非兩塗學之優者
發而為政必有可觀政有其暇
則遊藝於詠歌者必其才有餘

片玉詞序

汲古閣

乃者也溧水為負山之邑官賦
浩穰民訟紛沓似不可以絃歌
為政而待制周公元祐癸酉春
中為邑長于斯其政敬簡民到

于今稱之者固有餘愛而其尤
可稱者於撥煩治劇之中不妨
舒嘯一觴一詠句中有眼膾炙
人口者又有餘聲：洋洋乎在

片玉詞序

汲古閣

耳則其政有不亡者存余慕周
公之才名有年于茲不謂於八
十餘載之後踵公舊蹤既喜而
且媿故自到任以來訪其政事

於所治後圃得其遺致有亭曰
姑射有堂曰蕭閒皆取神仙中
事揭而名之可以想像其襟抱
之不凡而又覩新綠之池隔浦

片玉詞序

汲古閣

之蓮依然在目抑又思公之詞
其撫寫物態曲盡其妙方思有
以發揚其聲之不可忘者而未
能及乎暇日從容式燕嘉賓歌

者在上果以公之詞為首唱夫
然後知邑人愛其詞乃所以不
忘其政也余欲廣邑人愛之

意故裒公之詞旁摭遠紹僅得

片玉詞序

汲古閣

百八十有二章釐為上下卷廼

輟俸餘鳩工鑿木以壽其傳非

惟慰邑人之思亦蘄傳之有所

托俾人聲其歌者足以知其味

之優於為邑如此故冠之以序

而述其意云公諱邦彥字美成

錢塘人也淳熙歲在上章困敦

孟陬月圉赤奮若晉陽強煥序

片玉詞序

汲古閣

片玉詞目錄

卷上

瑞龍吟 一調

風流子 二調

華胥引 一調

意難忘 一調

宴清都 一調

蘭陵王 一調

鏤窗寒 一調

隔浦蓮近拍 一調

蘇幙遮 一調

早梅芳近 二調

四園竹 一調

驀山溪 一調

片玉詞目

汲古閣

側犯 一調

齊天樂 一調

荔枝香近 二調

水龍吟 一調

六醜 一調

塞垣春 一調

掃花遊 一調

夜飛鵲 一調

滿庭芳 一調

花犯 一調

大酺 一調

霜葉飛 一調

法曲獻仙音 一調

渡江雲 一調

應天長 一調

玉樓春 五調

傷情怨 一調

品令 一調

木蘭花令 一調

秋蕊香 一調

菩薩蠻 一調

玉團兒 一調

醜奴兒 三調

感皇恩 二調

宴桃源 二調

月中行 一調

漁家傲 二調

定風波 一調

蝶戀花 十調

紅羅襖 一調

少年遊 四調

還京樂 一調

片玉詞目

汲古閣

解連環 一調

綺寮怨 一調

玲瓏四犯 一調

丹鳳吟 一調

憶舊遊 一調

拜星月慢 一調

倒犯 一調

減字木欄花 一調

木蘭花令 一調

驀山溪 二調

青玉案 一調

一剪梅 一調

水調歌頭 一調

南柯子 三調

關河令 一調

鵲橋仙令 一調

南鄉子 一調

蘇懷遮 一調

畫錦堂 一調

齊天樂 一調

女冠子 一調

片玉詞目

五

汲古閣

片玉詞目錄 終

片玉詞卷上

宋 周邦彥

瑞龍吟

章臺路。還見褪粉梅梢，試萼桃樹。惜惜坊陌人，家定巢燕子。歸來舊處。黯凝佇。因記箇人癡小。乍窺門戶。侵晨淺約宮黃。障風映袖，盈盈笑語。前度劉郎重到。訪隣尋里，同時歌舞。唯有舊家秋娘。聲價如故。吟牋賦筆。猶記燕臺句。知

片玉詞

汲古閣

誰伴名園露飲。東城閒步。事與孤鴻去。探春盡。是傷離意緒。官柳低金縷。歸騎晚。纖纖池塘飛雨。斷腸院落一簾風絮。按此詞自章臺路至歸來舊處是第一段自黯凝佇至盈盈笑語是第二段此謂之雙拽頭屬正平調自前度劉郎以下即犯大石係第三段至歸騎晚以下四句再歸正平坊刻皆于聲價如故分段者非。侵晨淺約宮黃或作宮粧非放梁簡文帝詩約黃能效月李賀詩宮人面壓黃。猶記燕臺句或作蘭臺句非致李義山柳枝詩序云柳枝洛中里娘也年十七不聘余從昆讓山北柳枝居為近他日春陰讓山下馬柳枝南柳下詠余燕臺詩柳枝驚問誰人為是讓山曰此吾少年叔耳柳枝手斷長帶結讓山為贈

叔乞詩明日予策馬出其巷柳枝丫繫單粧袍
立扇下風陣一袖指曰若叔是後三日隣當去
淺澗水上以博
山香待與郎俱

風流子

楓林凋晚葉。關河迥。楚客慘將歸。望一川、
暝靄。雁聲哀怨。半規涼月。人影參差。酒醒後、
淚花銷。鳳蠟。風幙卷金泥。砧杵韻高。喚回殘夢、
綺羅香減。牽起餘悲。亭皋分襟地。難堪處、
偏是掩面牽衣。何況怨懷長結。重見無期。想寄恨、
書中銀鈎空滿。斷腸聲裏。玉筯還垂多少。暗愁密意、
唯有天知。

又

新綠小池塘。風簾動。碎影舞斜陽。羨金屋、
去來舊時巢燕。土花繚繞。前度莓牆。繡閣裏、
鳳幃深幾許。聽得理絲簧。欲說又休。慮垂芳信、
未歌先噎。愁轉清商。遙知新粧了。開朱戶、
應自待月西廂。最苦夢魂今宵不到伊行。問甚時、
却與佳

音密耗。寄將秦鏡偷換。韓香。天便教人雲時。厮
見何妨。寄將秦鏡偷換。韓香一作秦女。韓郎非
攷。賈充文說。韓壽美姿。遂通焉。竊奇香
以與壽。樂府云。盤龍明鏡。飾素嘉辟。
惡生香。寄韓壽。美成全用此作對。

華胥引

川原澄映。煙月冥濛。去月似葉。岍足沙平。蒲根
水冷。畱雁唼別有孤角。吟秋對曉。風鳴軋紅日。
三竿醉頭扶起。還怯離思相縈。漸看看鬢絲
堪鑷。舞衫歌扇。何人輕伶。細閱點檢。從前恩愛
片玉詞。汲古閣
鳳牋盈篋。愁剪燈花夜來和淚。雙疊。舞衫歌扇
一作舞靴
非魏詩云。舞衫輕紗。
細殺歌扇掩輕紗。

意難忘

衣染鶯黃愛。停歌駐拍。勸酒持觴。低鬟蟬影動。
私語口脂香。簷露滴竹風涼。拚劇飲淋浪。夜漸
淡。籠燈就月。子細端相。知音見說。無雙解移
宮換羽。未怕周郎長顰。知有恨。貪耍不成。粧些
箇事。惱人腸。試說與何妨。又恐伊尋消聽息。瘦

損容光

周喻少精音樂雖三爵之後其有闕誤
瑜必知之必顧故時人語云未始周郎

一作江郎非致
曲有誤周郎

宴清都

地僻無鐘鼓殘燈滅夜長人倦難度寒吹斷梗
風翻暗雪灑窗填戶賓鴻漫說傳書算過盡千
儔萬侶始信得庾信愁多江淹恨極須賦淒
涼病損文園微絃乍拂音韻先苦淮山夜月金
城算草夢魂飛去秋霜半入清鏡歎帶眼都移
片玉詞

汲古閣

舊處更久長不見文君歸時認否

蘭陵王

柳

柳陰直煙縷絲絲弄碧隋堤上曾見幾番拂水
飄綿送行色登臨望故國誰識京華倦客長亭
路年去歲來應折柔條過千尺閒尋舊蹤跡
又酒趁哀絃燈照離席梨花榆火催寒食愁一
箭風快半篙波暖回頭迢遞便數驛望人在天
北淒惻恨堆積漸別浦縈迴津堠岑寂斜陽

冉冉春無極念月榭攜手露橋聞笛沉思前事

似夢魂裏淚暗滴

鰈窗寒食

暗柳啼鴉單衣竚立小簾朱戶桐陰半畝靜鰈
一庭愁雨灑空堦夜闌未休故人剪燭西窗語
似楚江暝宿風燈零亂少年羈旅遲算嬉遊
處正店舍無煙禁城百五旗亭喚酒付與高陽
儔侶想東園桃李經春小唇秀靨今在否到歸
片玉詞

汲古閣

時定有殘英待客攜樽俎

時刻或于遲
暮下分段

隔浦蓮

近拍
射亭避暑作

新篁搖動翠葆曲徑通深窈夏果收新脆金丸
落驚飛鳥濃藹迷岍草蛙聲鬧驟雨鳴池沼水
亭小浮萍破處簾花簷影顛倒綸巾羽扇困
臥北窗清曉屏裏吳山夢自到驚覺依前身
江表

時刻或于池沼下分段。金丸落驚飛鳥
一作金丸落飛鳥按譜第四句第五句皆三字宜作金
丸落驚飛鳥放韓媽好彈以金爲丸打飛鳥一

日所失十餘人爭拾之特人爲之語曰若飢寒逐金九。簾花簾影一作簾花簾影杜子美詩云燈前細雨簾花落蓋簾前雨映燈光如花爾或改簾前細雨燈花落便無致味周美成用簾花若溪漁隱病其與本意未合花菴詞選作簾花簾影今從之

蘇幕遮

燎沉香消溽暑鳥雀呼晴侵曉窺簷語葉上初陽乾宿雨水面清圓一一風荷舉故鄉遙何日去家住吳門久作長安旅五月漁郎相憶否小檝輕舟夢入芙蓉浦

片玉詞

汲古閣

早梅芳近

諸無近字

花竹深房櫳好夜聞無人到隔窗寒雨向壁孤燈弄餘照淚多羅袖重意密鸞聲小正魂驚夢怯門外已知曉去難畱話未了早促登長道風披宿霧露洗初陽射林表亂愁迷遠覽苦語縈懷抱謾回頭更堪歸路杳

又

繚牆深叢竹繞宴席臨清沼微呈纖履故隱烘

簾自嬉笑粉香粧暈薄帶緊腰圍小看鴻驚鳳翥滿座歎輕妙酒醒時會散了回首城南道河陰高轉露脚斜飛夜將曉異鄉奄歲月醉眼迷登眺路迢迢恨滿千里草

四園竹

浮雲護月未放滿朱扉鼠搖暗壁螢度破窗偷入書幃秋意濃閒竚立庭柯影裏好風襟袖先知夜何其江南路繞重山心知漫與前期奈片玉詞

七

汲古閣

絕清宵夢又稀

驀山溪

湖平春水藻荇繁船尾空翠撲衣襟拊輕棹遊魚驚避晚來潮上迤邐沒沙痕山四倚雲漸起鳥度屏風裏周郎逸興黃帽侵雲水落日媚滄洲泛一棹夷猶未已玉簫金管不共美人遊因箇甚煙霧底偏愛尊羹美

側犯

暮霞霽雨小蓮出水紅粧靚風定看步韞江妃

照明鏡飛螢度暗草秉燭遊花徑人靜攜豔質

追涼就槐影 金環皓腕雪藕清泉瑩誰念省

滿身香猶是舊荀令見說胡姬酒爐寂靜煙鎖

漠漠藻池苔井誰念省滿身香猶是舊荀令或作舊時令非攷荀令年十五體

能生香擬國婚之選不欲連姻帝室遠遁長沙故李端贈郭駙馬詩云焚香荀令偏怜小。見

說胡姬酒爐寂靜或作文姬非攷辛延年詩云晉有霍家奴姓馮名子都依倚將軍勢謔笑酒

片玉詞八 汲古閣

家胡姬年十五春日獨當爐長裾連理帶廣袖含歡襦左傳注胡姬乃齊景公妾也

齊天樂

綠蕪彫盡臺城路殊鄉又逢秋晚暮雨生寒鳴

蛩勸織深閨時聞裁剪雲窗靜掩嘆重拂羅裯

頓疎花簾尚有練囊露螢清夜照書卷 荆江

畱滯最久故人相望處離思何限渭水西風長

安亂葉空憶詩情宛轉凭高眺遠正玉液新蕩

蟹螯初薦醉倒山翁但愁斜照飲

荔枝香近

照水殘紅零亂風喚去盡日惻惻輕寒簾底吹

香霧黃昏客枕無慘細響當窗雨看兩兩相依

燕新乳 樓下水漸淥遍行舟浦算往來朝來心

逐片颿輕舉何日迎門小檻朱籠報鸚鵡如今

誰念淒楚清真集作共剪西窗密炬

又

夜來寒侵酒席露微泫舄屨初會香澤方熏無

片玉詞九 汲古閣

端暗雨催人但怪燈偏簾卷回顧始覺驚鴻去

遠 大都世間最苦唯聚散到得春殘看卽是

開離宴細思別後柳眼花鬚更誰剪此懷何處

消遣

水龍吟

素肌應怯餘寒豔陽占立青蕪地樊川照日靈

關遮路殘紅歛避傳火樓臺妬花風雨長門淡

閉亞簾櫳半溼一枝在手偏勾引黃昏淚 別

有風前月底布繁陰滿園歌吹朱鈿退盡潘妃
却酒昭君乍起雪浪翻空粉裳縞夜不成春意
恨玉容不見瓊英謾好與何人比

六醜薔薇謝
後作

正單衣試酒恨客裏光陰虛擲願春覓畱春婦
如過翼一去無迹爲問花何在夜來風雨葬楚
宮傾國釵鈿墮處遺香澤亂點桃蹊輕翻柳陌
多情最誰追惜但蜂媒蝶使時叩窗隔東園岑

片玉詞

汲古閣

寂 漸蒙籠暗碧靜遠珍叢底成歎息長條故
惹行客似牽衣待話別情無極殘英小強簪巾
幘終不似一朵釵頭顫裊向人歌側漂流處莫
趁潮汐恐斷鴻尚有相思字何由見得或于時
叩窗隅
分設字句稍異○恐斷鴻尚有相思字或作恐
斷紅上有相思字非詩云來春縱有相思字三
月天南
斷雁飛

塞垣春

算色分平野傍葦岸征帆卸煙深極浦樹藏孤

館秋景如画漸別離氣味難禁也更物象供瀟

灑念多才渾衰減一懷幽恨難寫 追念綺窗

人天然自風韻閑雅竟夕起相思謾嗟怨遙夜

又還將兩袖珠淚沈吟向寂寥寒燈下玉骨爲

多感瘦來無一把

掃花遊

清真集作
掃地花

曉陰翳日正霧靄煙橫遠迷平楚暗黃萬縷聽
鳴禽按曲小腰欲舞細遶回堤駐馬河橋避雨

片玉詞

汲古閣

信流去一葉怨題今到何處 春事能幾許任

占地持盃掃花尋路淚珠濺俎嘆將愁度日病

傷幽素恨入金徽見說文君更苦黯凝竚掩重

關徧城鐘鼓

夜飛鵲

別情

河橋送人處良夜何其斜月遠墮餘輝銅盤燭
淚已流盡霏霏涼露霑衣相將散離會探風前
津鼓樹杪參旗花驄會意縱揚鞭亦自行遲

迢遞路回清野人語漸無聞空帶愁歸何意重
經前地遺細不見斜迳都迷兔葵燕麥向殘陽
影與人齊但徘徊班草款款酌酒極望天西兔葵燕麥或作莢葵非劉禹錫自遠州承召過玄都觀後復主客郎中重遊玄都惟兔葵燕麥搖動春風耳。但得似班草或作青草非王介甫詩云班草數行衣上淚與班荆同義

滿庭芳

夏日溧水無想山作

風老鶯雛雨肥梅子午陰佳樹清圓地卑山近
衣潤費爐煙人靜鳥鴛自樂小橋外新綠濺濺

片玉詞

汲古閣

凭欄久黃蘆苦竹擬泛九江船 年年如社燕
飄流瀚海來寄脩椽且莫思身外長近樽前顚
顚江南倦客不堪聽急管繁絃歌筵畔先安簾
枕容我醉時眠

花犯

梅詠

粉牆低梅花照眼依然舊風味露痕輕綴疑淨
洗鉛華無限佳麗去年勝賞曾孤倚冰盤同燕
喜更可憐雪中高樹香篝熏素被 今年對花

最匆匆相逢似有恨依依愁顚吟望久青苔上
旋看飛墜相將見脆圓薦酒人正在空江煙浪
裏但夢想一枝瀟灑黃昏斜照水

大酺

春雨

對宿煙收春禽靜飛雨時鳴高屋牆頭青玉旂
洗鉛霜都盡嫩梢相觸潤逼琴絲寒侵枕障垂
網吹粘簾竹郵亭無人處聽簷聲不斷困眠初
熟奈愁極頻驚夢輕難記自憐幽獨 行人歸

片玉詞

汲古閣

意速最先念流潦妨車轂怎奈向蘭成顚顚樂
廣清羸等閒時易傷心目未怪平陽客雙淚落
笛中哀曲況蕭索青蕪國紅糝鋪地門外荆桃
如菽夜遊共誰秉燭怎奈向蘭成顚顚蘭成庾信小字一作蘭臺非

霜葉飛

露迷衰草疎星掛涼蟾低下林表素娥青女鬪
嬋娟正倍添悽悄漸颼颼丹楓撼曉橫天雲浪
魚鱗小見皓月相看又透入清輝半餉特地畱

照迢遞望極關山波穿千里度日如歲難到
鳳樓今夜聽秋風奈五更愁抱想玉匣哀絃閉
了無心重理相思調念故人牽離恨屏掩孤顰
淚流多少

法曲獻仙音

蟬咽涼柯燕飛塵幙漏閣籤聲時度倦脫綸巾
困便湘竹桐陰半侵庭戶向抱影凝情處時聞
打窗雨耿無語 歎文園近來多病情緒嬾鱗
片玉詞 十四 汲古閣

酒易成間阻縹緲玉京人想依然京兆眉無翠
幙深中對微容空紅紈素待花前月下見了不
教歸去 或于時聞有窗下分長。漏閣籤聲
時度或作滿閣非離人掌銅漏傳籤于
殿中者令投籤于階上使鎗然有聲漏籤乃籌
箭也。微容空紅紈素或作微容非崔徽善
歌舞蔡微中
西其形容

渡江雲

晴嵐低楚甸暝迴雁翼陣勢起平沙驟驚春在
眼借問何時委曲到山家塗香暈色盛粉飾爭

作妍華千萬絲陌頭楊柳漸漸可藏鷗堪嗟
清江東注画舸西流指長安日下愁宴闌風翻
旗尾潮濺烏紗今宵正對初弦月傍水驛深艤
蒹葭沉恨處但時時頻剔燈花 或作銀花非吳
融剪刀賦鶯聲
轉曉画眉而
頻剔燈花

應天長

條風布暝霏霧弄晴池臺偏滿春色正是夜坐
無月沉沉暗寒食梁間燕社前客似笑我閉門
片玉詞 十五 汲古閣

愁寂亂花過隔院芸香滿地狼籍長記那回
時邂逅相逢郊外駐油壁又見漢宮傳燭飛煙
五侯宅青青草迷路陌強載酒細尋前迹市橋
遠柳下人家猶自相識 坊刻或遺條風
至正是二十字

玉樓春

當時攜手城東道月墮簷牙人睡了酒邊誰使
客愁輕帳底不教春夢到別來人事如秋草

按譜木蘭花令實是一調又如滿
庭芳與顰陽臺糖幕遮與鬢雲鬆
令之類俱同調而異
各前後錯見姑仍之

應有吳霜侵翠葆夕陽深鎖綠楊門一任盧郎

愁裏老

盧郎一作庾郎非女盧家郎年暮爲按書晚娶崔氏女崔有詞翰結縭之後微

有嫌色盧因請詩爲戲崔立成云不怨檀郎年紀大不怨檀郎官職卑自恨妾身生較晚不見盧郎年少時

又

或另見別卷或刻秦少游

玉琴虛下傷心淚只有文君知曲意簾烘樓迤

月宜人酒暝香融春有味 萋萋芳草迷千里

惆悵王孫行未已天涯回首一銷魂二十四橋

片玉詞

十六

汲古閣

歌舞地

又

大堤花豔驚郎目秀色穠華看不足休將寶瑟

寫幽懷坐上有人能顧曲 平波落照涵蘋玉

画舸亭亭浮淡綠臨分何以祝深情只有別愁

三萬斛

又

玉奩收起新粧了鬢畔斜枝紅裊裊淺嚔輕笑

百般宜試著春衫應更好 裁金簇翠天機巧

不稱野人簪破帽滿頭聊作片時狂頓減十年

塵土貌

又

桃溪不作從容住秋藕絕來無續處當時相候

赤欄橋今日獨尋黃葉路 煙中列岫青無數

雁背夕陽紅欲算人如風後入江雲情似雨餘

黏地絮

當時相候赤欄橋絕妙詞選作當時無奈鳥聲哀

片玉詞

十七

汲古閣

傷情怨

枝頭風信漸小看算鴉飛了又是黃昏閉門收

返照 江南人去路杳信未通愁已先到怕見

孤燈霜寒催睡早

品令

梅花

夜闌人靜月痕寄梅梢疎影簾外曲角欄干近

舊攜手處花霧寒成陣 應是不禁愁與恨縱

相逢難問黛眉曾把春衫印後期無定腸斷香

銷盡

花霧寒成陣或刻花發霧寒成陣按譜第五句宜五字且沈詩落花紛似霧增一發

字便少味

木蘭花令

莫秋錢別

郊原雨過金英秀風掃霜威寒入袖感君一曲
斷腸歌送我十分和淚酒古道塵清榆柳瘦
繫馬郵亭人散後今宵燈盡酒醒時可憎朱顏
成皓首

秋蕊香

片玉詞

十八

汲古閣

乳鴨池塘水暝風緊柳花迎面午粧粉指印窗
眼曲裏長眉翠淺聞知社日停針線貪新燕
寶釵落枕夢魂遠簾影參差滿院

菩薩蠻

銀河宛轉三千曲浴鳬飛鷺澄波淥何處望歸
舟夕陽江上樓天憎梅浪發故下封枝雪深
院捲簾看應憐江上寒

玉團兒

清真集不載

鉛華淡埽新粧束好風韻天然異俗彼此知名

雖然初見情分先熟爐煙淡淡雲屏曲睡半

醒生香透肉賴得相逢若還虛過生世不足

醜奴兒

梅詠

肌膚綽約真仙子來伴冰霜洗盡鉛黃素面初
無一點粧尋花不用持銀燭暗裏聞香零落
池塘分付餘妍與壽陽

又

下二闕清真集不載

片玉詞

十九

汲古閣

南枝度牖開全少疎影當軒一種宜寒自共清
蟾別有緣江南風味依然在玉貌韶顏今夜
凭欄不似釵頭子細看

又

香梅開後風傳信繡戶先知霧濕羅衣冷豔須
攀最遠枝高歌羌管吹遙夜看卽分披已恨
來遲不見娉婷帶雪時

感皇恩

露柳好風標嬌鶯能語獨占春光最多處淺顰
輕笑未肯等閒分付爲誰心子裏長長苦 洞
房見說雲深無路憑仗青鸞道情素酒空歌斷
又被濤江催度怎向言不盡愁無數

又清真集
不載

小閣倚晴空數聲鍾定斗柄垂寒暮天靜朝來
殘酒又被春風吹醒眼前猶認得當時景 往
事舊懽不堪重省自歎多愁更多病綺窗依舊

片玉詞

汲古閣

敲遍闌干誰磨斷腸明月下梅搖影

宴桃源

塵暗一枰文繡淚濕領巾紅皺初暝綺羅輕腰
勝武昌官柳長畫長畫閒臥午窗中酒

塵暗一
枰文繡

清真集作塵
滿一詞文繡

又

門外迢迢行路誰送郎邊尺素巷陌雨餘風當
面濕花飛去無緒無緒閒處偷垂玉筍

月中行

蜀絲趁日染乾紅微暝口脂融博山細篆靄房
櫳靜看打窗蟲 愁多膽怯疑虛幙聲不斷算
景疎鐘團團四壁小屏風淚盡夢啼中

團團四
壁小屏

風一作團團一面小屏風非孫亮作圓琉璃屏
風多布瑩其中月下清夜舒之常籠四姬皆比
絕色使入四座屏風內望之
若無隔惟香氣不通于外

漁家傲

灰暝香融銷永晝蒲萄上架春藤秀曲角欄干

片玉詞

汲古閣

羣雀闌清明後風梳萬縷亭前柳 日照釵梁
光欲溜循堦竹粉霑衣袖拂拂面紅新着酒沉
吟久昨宵正是來時候

又

幾日輕陰寒惻惻東風急處花成積醉踏陽春
懷故國歸未得黃鸝久住如相識 賴有蛾眉
能暝客長歌屢勸金盃側歌罷月痕來照席貪
歡適簾前重露成涓滴

定風波

莫倚能歌歛黛眉此歌能有幾人知他日相逢
花月底重理好聲須記得來時 苦恨城頭傳
漏永□□無情豈解惜分飛休訴金樽推玉臂
從醉明朝有酒遣誰持

蝶戀花

柳詠

愛日輕明新雪後柳眼星星漸欲穿窗牖不待
長亭傾別酒一枝已入騷人手 淺淺柔黃輕

片玉詞

二十二

汲古閣

蠟透過盡冰霜便與春爭秀強對青銅簪白首
老來風味難依舊

愛日輕明新雪後清真
集作緩日輕明新霽後

又

桃萼新香梅落後葉暗藏鴟冉冉垂亭牖舞困
低迷如著酒亂絲偏近遊人手 雨過蒙籠斜
日透客舍青青特地添明秀莫話揚鞭回別首
渭城荒遠無交舊

又

小閣陰陰人寂後翠幙寒風燭影搖疎牖夜半
霜寒初索酒金刀正在柔荑手 粉薄絲輕光
欲透小葉尖新未放雙眉秀記得長條垂鵲首
別離情味還依舊

又

柳詠

蠶蠶黃金初脫後暝日飛綿取次黏窗牖不見
長條低拂酒贈行應已輸先手 鸞擲金梭飛
不透小榭危樓處處添奇秀何日隋堤縈馬首

片玉詞

二十三

汲古閣

路長人倦空思舊

又

早行○或作鳳
棲梧另入別卷

月皎驚鳥栖不定更漏將闌輕輓牽金井喚起
兩眸青烟烟淚花落枕紅綿冷 執手霜風吹
鬢影去意徘徊別語愁難聽樓上闌干橫斗柄
露寒人遠鷄相應

又

下五闕音
真集不載

魚尾霞生明遠樹翠壁黏天玉葉迎風舉一笑

相逢蓬海路人間風月如塵土 剪水雙眸雲
鬢吐醉倒天飄笑語生青霧此會未關須記取
桃花幾度吹紅雨

又

美盼低迷情宛轉愛雨怜雲漸覺寬金釧桃李
香苞秋不展深心黯黯誰能見 宋玉牆高纔
一覘絮亂絲繁苦隔春風面歌板未終風色便

夢爲蝴蝶畱芳甸

片玉詞

二十四

汲古閣

又

晚步芳塘新霽後春意潛來迤邐通窗牖午睡
漸多濃似酒韶華已入東君手 嫩綠輕黃成
染透燭下工夫洩漏章臺秀擬插芳條須滿首
管交風味還勝舊

又

葉底尋花春欲暮折遍柔枝滿手眞珠露不見
舊人空舊處對花惹起愁無數 却倚欄干吹

柳絮粉蝶多情飛上釵頭住若遣郎身如蝶羽
芳時爭肯拋人去

又

酒熟微紅生眼尾半額龍香冉冉飄衣袂雲壓
寶釵撩不起黃金心字雙垂耳 愁入眉痕添
秀美無限柔情分付西流水忽被驚風吹別淚
只應天也知人意

紅羅襖

片玉詞

二十五

汲古閣

畫燭尋懽去羸馬載愁歸念取酒東壚罇罍雖
近採花南圃蜂蝶須知 自分袂天闊鴻稀空
懷乖夢約心期楚客憶江離算宋玉未必爲秋
悲

少年遊

感舊

并刀如水吳鹽勝雪纖指破新橙錦幄初溫獸
香不斷相對坐吹笙 低聲問向誰行宿城上
已三更馬滑霜濃不如休去直是少人行 不斷

一作手香不斷非長安巧工作博山香爐為奇禽怪獸煙自口中出○相對坐吹笙或用王建宮詞沉香火底坐吹笙句清真集又作相對坐調筆

又

簷牙縹緲小倡樓涼月掛銀鈎
聒席笙歌透簾燈火風景似揚州
當時面色欺春雪曾伴美人遊
今日重來更無人問獨自倚欄愁

又荆州作

南都石黛埽晴山衣薄奈朝寒
一夕東風海棠片玉詞
二十六
汲古閣

花謝樓上捲簾看而令麗日明如洗
南陌晚雕鞍舊賞園林喜無風雨
春鳥報平安

又雨後

朝雲漠漠散輕絲樓閣澹春姿
柳泣花啼九街泥重門外燕飛遲
而今麗日明金屋春色在桃枝
不似當時小樓衝雨幽恨兩人知

還京樂

禁煙近觸處浮香秀色相料理
正泥花時候奈

何客裏光陰虛費望箭波無際迎風濛日黃雲
委任去遠中有萬點相思清淚到長淮底過
當時樓下慇懃為說春來羈旅況味堪嗟候約
乖期向天涯自看桃李想如今應恨墨盈牋愁
粧照水怎得青鸞翼飛歸教見顚顚

解連環譜名玉連環○怨別

怨懷無託嗟情人斷絕信音遼邈縱妙手能解
連環似風散雨收霧輕雲薄燕子樓空暗塵鎖

片玉詞

二十七

汲古閣

一牀絃索想移根換葉盡是舊時手種紅藥
汀洲漸生杜若料舟依岸曲人在天角記得當
日音書把閒語閒言待總燒却水驛春迴望寄
我江南梅萼拚今生對花對酒為伊淚落
清真集拚今生為伊對花對酒淚落○縱妙手能解連環一作信妙手能把連環非攷秦始皇遺書君王后玉連環田齊國多智能解此環否以示羣臣羣臣不知解君王后引椎破之謝秦使曰謹以矣解

綺寮怨

上馬人扶殘醉曉風吹未醒映水曲翠瓦朱簷
垂楊裏乍見津亭當時曾題敗壁蛛絲罩淡墨
苔暈青念去來歲月如流徘徊久嘆息愁思盈
去去倦尋路程江陵舊事何曾再問楊瓊舊
曲淒清歛愁黛與誰聽樽前故人如在想念我
最關情何須渭城歌聲未盡處先淚零

息下
分段

玲瓏四犯

片玉詞

二十八

汲古閣

穠李夭桃是舊日潘郎親試春豔自別河陽長
負露房煙臉顚顚鬢點吳霜細念想夢魂飛亂
嘆画關玉砌都換纔始有緣重見夜深偷展
香羅薦暗窗前醉眠蔥蒨浮花浪盡都相識誰
更曾擡眼休問舊色舊香但認取芳心一點奈
又片時一陣風雨惡吹分散

無細
字

丹鳳吟

春

迤邐春光無賴翠藻翻池黃蜂遊閣朝來風暴
飛絮亂投簾幙生憎算景倚牆臨畔杏靨天斜
榆錢輕薄畫永惟思傷枕睡起無憀殘照猶在
庭角況是別離氣味坐來但覺心緒惡痛飲
澆愁酒奈愁濃如酒無計銷鑠那堪昏暝蔽蔽
半簷花落弄粉調朱柔素手問何時重握此時
此意生怕人道著

憶舊遊

清真集
不載

片玉詞

二十九

汲古閣

記愁橫淺黛淚洗紅鉛門掩秋宵墜葉驚離思
聽寒蟬夜泣亂雨蕭蕭鳳釵半脫雲鬢窗影燭
花搖漸暗竹敲涼疎螢照曉兩地魂消迢迢
問音信道徑底花陰時認鳴鑣也擬臨朱戶嘆
因郎顚顚羞見郎招舊巢更有新燕楊柳拂河
橋但滿眼京塵東風竟日吹露桃

拜星月慢

夜色催更清塵收露小曲幽坊月暗竹檻燈窗

識秋娘庭院笑相遇似覺瓊枝玉樹相倚暝日

明霞光爛水眇蘭情總平生稀見 画圖中舊

識春風面誰知道自到瑤臺畔眷戀雨潤雲温

苦驚風吹散念荒寒寄宿無人館重門閉敗壁

秋蟲嘆怎奈向一縷相思隔溪山不斷水眇蘭情或作

木眇蘭情非韓詩云吳魚嶺

雁無消息水眇蘭情別日多

倒犯詠月○清真集作吉了犯

霽景對霜蟾乍昇素煙如埽千林夜縞徘徊處

片玉詞三十 汲古閣

漸移深窈何人正弄孤影踟躕西窗悄冒露冷

貂裘玉笋邀雲表共寒光飲清醪 淮左舊遊

記送行人 歸來山路寫駐馬望素魄印遙碧金

樞小愛秀色初娟好念漂浮縣縣思遠道料異

日宵征必定還相照奈何人自老共寒光飲清醪或作清醪

非韻致蜀都賦置酒高生勝以清醪

減字木蘭花清真集不載 風鬟霧鬢便覺蓬萊三島近水秀山明縹緲仙

姿画不成 廣寒丹桂豈是天桃塵俗世只恐

寒風飛上瓊樓玉宇中

木蘭花令清真集不載。原本二首攷殘春一陣狂風雨是六一詞刪去

歌時宛轉饒風措鶯語清圓啼玉樹斷腸歸去

月三更薄酒醒來愁萬緒 孤燈翳翳昏如霧

枕上依稀聞笑語惡嫌春夢不分明忘了與伊

相見處

驀山溪此二闕清真集不載

片玉詞三十一 汲古閣

樓前疎柳柳外無窮路翠色四天垂數峰青高

城闊處江湖病眼偏向此山明愁無語空凝眸

兩兩昏鴉去 平康巷陌往事如花雨十載却

歸來倦追尋酒旗戲鼓今宵幸有人似月嬋娟

霞袖舉盃深注一曲黃金縷

又

江天雪意夜色寒成陣翠袖捧金蕉酒紅潮香

凝沁粉簾波不動新月淡籠明香破豆燭頻花

減字歌聲穩 恨眉羞歛往事休重問人去小
庭空有梅梢一枝春信檀心未展誰爲探芳叢
消瘦盡洗粧勻應更添風韻

青玉案

清真集
不載

良夜燈光簇如豆占好事今宵有酒罷歌闌人
散後琵琶輕放語聲低顫滅燭來相就 玉體
偎人情何厚輕憺輕憺轉啣溜雨散雲收眉兒
皺只愁彰露那人知後把我來憐憐

片玉詞

三十二

汲古閣

一剪梅

清真集
不載

一剪梅花萬樣嬌斜插疎枝略點眉梢輕盈微
笑舞低回何事樽前拍手誤招 夜漸寒深酒
漸消袖裏時聞玉釧輕敲城頭誰恁促殘更銀
漏何如且慢明朝

水調歌頭

中秋寄李伯紀大觀
文○清真集不載

今夕月華滿銀漢瀉秋寒風纏霧捲宛轉天陞
玉樓寬應是金華仙子又喜今年藥就收拾山

河影都向鏡中蟠□□□□ 橫霜竹吹明
月到中天要令四海遙望千古此輪安何處今
年無月唯有謫仙著語高絕莫能攀我故喚公
起雲海路漫漫

南柯子

清真集
俱不載

寶合分時菓金盤弄賜冰曉來堦下按新聲恰
有一方明月可中庭 露下天如水風來夜氣
清嬌羞不肯傍人行颺下扇兒拍手引流螢

片玉詞

三十三

汲古閣

又

膩頸凝酥白輕衫淡粉紅碧油涼氣透簾櫳指
點庭花低映雲母屏風 恨逐瑤琴寫書勞玉
指封等閒贏得瘦儀容何事不教雲雨略下巫
峰

又 詠梳

桂魄分餘暈檀槽破紫心曉粧初試鬢雲侵每
被蘭膏香染色深沉 指印纖纖粉釵橫隱隱

金有時雲雨鳳幃深長是枕前不見殢人尋

關河令

清真集不載
時刻清商怨

秋陰時晴漸向暝變一庭淒冷佇聽寒聲雲深
無雁影更深人去寂靜但照壁孤燈相映酒
已都醒如何消夜永

鵲橋仙令

清真集
不載

浮花浪蕊人間無數開遍朱朱白白瑤池一朵
玉芙蓉秋露洗丹砂真色晚涼拜月六銖衣

片玉詞

三十四

汲古閣

動應被姮娥認得翩然欲上廣寒宮橫玉度一
聲天碧

花心動

清真集
不載

簾捲青樓東風滿楊花亂飄晴晝蘭袂褪香羅
帳寒紅繡枕旋移相就海棠花謝春融暝恨人
恁嬌波頻溜象床穩鴛衾謾展浪翻紅縐一
夜情濃似酒香汗漬鮫綃幾番微透鸞困鳳慵
姪姪雙眼画也画應難就問伊可煞於人厚梅

萼露臙脂檀口從此後纖腰爲郎管瘦

雙頭蓮

清真集
不載

一抹殘霞幾行新雁天染斷紅雲迷陣影隱約
望中點破晚空澄碧助秋色門掩西風橋橫斜
照青翼未來濃塵自起咫尺鳳幃合有人相識
歡乖隔知甚時恣與同攜懽適度曲傳觴竝
鵲飛鸞綺陌画堂連夕樓頭千里帳底三更盡
堪淚滴怎生向總無聊但只聽消息

片玉詞

三十五

汲古閣

長相思

曉行○清真
集俱不載

舉離觴掩洞房箭水泠泠刻漏長愁中看曉光
整羅裳脂粉香見埽門前車上霜相持泣路

傷

又

閨怨

馬如飛婦未歸誰在河橋見別離修楊委地垂
掩面啼人怎知桃李成陰鸞哨兒閒行春盡
時

又舟中

好風浮晚雨收林葉陰陰映鷁舟斜陽明倚樓
黯凝眸憶舊遊艇子扁舟來莫愁石城風浪

秋

又

沙棠舟小棹遊池水澄澄人影浮錦鱗遲上鉤
煙雲愁簫鼓休再得來時已變秋欲歸須少

留

片玉詞

大有清真集不載

汲古閣

仙骨清羸沈腰顚顚見傷人驚怪消瘦柳無言
雙眉盡日齊鬪都緣薄倖賦情淺許多時不成
懽偶幸自也總由他何須負這心口令人恨
行坐呪斷了更患量沒心永守前日相逢又早
見伊仍舊却更被溫存後都忘了當時僂僂便
撈撮九百身心依前待有

萬里春

清真集不載

千紅萬翠簇定清明天氣爲憐他種種清香好
難爲不醉我愛深如你我心在個人心裏便
相看老却春風莫無些歡意

鶴冲天

深水長壽鄉作
清真集俱不載

梅雨霽暑風和高柳亂蟬多小園臺榭遠池波
魚戲動新荷薄紗厨輕羽扇枕冷簟涼深院
此時情緒此時天無事小神仙

又

片玉詞

三十七

汲古閣

白角簾碧紗厨梅雨乍晴初謝家池畔正清虛
香散嫩芙蓉日流金風解愠一弄素琴歌舞
慢搖紈扇訴花牋吟待晚涼天

片玉詞卷上

終

片玉詞卷下

解語花

元

風銷絳蠟露浥紅蓮燈市光相射桂華流瓦纖
雲散耿耿素娥欲下衣裳淡雅看楚女纖腰一
把簫鼓喧人影參差滿路飄香麝因念都城
放夜望千門如晝嬉笑游冶鈿車羅帕相逢處
自有暗塵隨馬年光是也唯只見舊情衰謝清
漏移飛蓋歸來從舞休歌罷

片玉詞

鏤陽臺

懷錢塘○清真集俱
不載○即滿庭芳

汲古閣

山嶼籠春江城吹雨暮天煙淡雲昏酒旗漁市
冷落杏花村蘇小當年秀骨縈蔓草空想羅裙
潮聲起高樓噴笛五兩了無聞淒涼懷故國
朝鐘暮鼓十載紅塵但夢魂迢遞長到吳門聞
道花開陌上歌舊曲愁殺王孫何時見名娃喚
酒同倒甕頭春

又

花撲鞭鞘風吹衫袖馬蹄初趁輕裝都城漸遠
芳樹隱斜陽未慣羈遊况味征鞍上滿目淒涼
今宵裏三更皓月愁斷九迴腸佳人何處去
別時無計同引離觴但唯有相思兩處難忘去
卽十分去也如何向千種思量凝眸處黃昏画
角天遠路岐長

又

白玉樓高廣寒宮闕暮雲如幃褰開銀河一派

片玉詞

二十九

汲古閣

流出碧天來無數星躔玉李冰輪動光滿樓臺
登臨處全勝瀛海弱水浸蓬萊雲鬟香霧濕
月娥韻壓雲凍江梅况食花飲露莫惜裴徊坐
看人間如掌山河影倒入瓊盃歸來晚笛聲吹
徹九萬里塵埃

過秦樓

清真集作選官子
或作惜餘春慢

水浴清蟾葉喧涼吹巷陌馬聲初斷閒依露井
笑撲流螢惹破画羅輕扇人靜夜久凭闌愁不

歸眠立殘更箭嘆年華一瞬人今千里夢沉書
遠空見說鬢怯瓊梳容銷金鏡漸懶趁時勻
染梅風地溽紅雨苔滋一架舞紅都變誰信無
聊爲伊才減江淹情傷荀倩但明河影下還看
稀星數點水浴清蟾露華不白京洛誤○情傷荀
倩一作荀令非荀奉倩妻曹氏有艷
色嘗病倩以冷身愛之後卒倩嘆曰佳人
難再得人吊之不哭而傷神未幾倩亦卒

解蹀躞秋思

候館丹楓吹盡面旋隨風舞夜寒霜月飛來伴

片玉詞

汲古閣

孤旅還是獨擁秋衾夢餘酒困都醒滿懷離苦

甚情緒淡念凌波微步幽房暗相遇淚珠都

作秋宵枕前雨此恨音驛難通待憑征雁歸時

帶將愁去

蕙蘭芳引

秋懷

寒瑩晚空點青鏡斷霞孤鶩對客館深局霜草
未衰夏綠倦遊厭旅但夢遶阿嬌金屋想故人
別後盡日空疑風竹塞北艷鮀江南圖障是

處溫燠夏花管雪牋猶寫寄情舊曲音塵迢遞
但勞遠目今夜長爭奈枕單人獨

六么令重陽

快風收雨亭館清殘燠池光靜橫秋影听柳知
新沐聞道宜城酒美昨日新醅熟輕鑣相逐衝
泥策馬來折東籬半開菊華堂花艷對列一
一驚郎目歌韵巧芙蓉聲間雜琮琤玉惆悵周
郎已老莫唱當時曲幽歡難卜明年誰健更把

片玉詞

汲古閣

茱萸再三囑

開禧琮琤玉清真
集作問離離文玉

紅林擒近

雪詠

高柳春纔軟凍梅寒更香暮雪助清峭玉塵散
林塘那堪飄風遶冷故遣度幙穿窗似欲料理
新粧呵手弄絲簧冷落詞賦客蕭索水雲鄉
援毫授簡風流猶憶東梁望虛簷徐轉迴廊未
掃夜長莫惜空酒觴

又雪晴

風雪驚初霽水鄉增暮寒樹杪墮毛羽簷牙挂
琅玕才喜門堆巷積可憐迤邐銷殘漸看低竹
翩翩清池漲微瀾步履晴正好宴席晚方歡
梅花耐冷亭亭來入冰盤對前山橫素愁雲變
色放盃同覓高處看

滿路花

詠雪

金花落燼燈銀礫鳴窗雪庭深微漏斷行人絕
風扉不定竹圍琅玕折玉人新間閣著這情懷
片玉詞

四十二

汲古閣

又冬景

簾烘淚雨乾酒壓愁城破冰壺防飲渴培殘火
朱消粉褪絕勝新梳裹不是寒宵短日上三竿
帶人猶要同臥如今多病寂寞章臺左黃昏
風弄雪門深鎖蘭房密愛萬種思量過也須知

有我著甚情懷但你忘了人呵

氏州第一

清真集作熙州
摘遍字句稍異

波落寒汀村渡向晚遙看數點帆小亂葉飜鴉
驚風破雁天角孤雲縹緲宮柳蕭疎甚尚挂微
微殘照景物關情川途換目頓來催老漸解
狂朋歡意少奈猶被思牽情繞座上琴心機中
錦字覺最繁懷抱也知人懸望久蓄微謝歸來
一笑欲夢高唐未成眠霜空已曉

片玉詞

四十三

汲古閣

尉遲盃

別離

隋堤路漸日晚密靄生深對陰陰淡月籠沙還
宿河橋深處無情画舸都不管煙波隔前浦等
行人醉擁重衾載將離恨歸去因思舊客京
華長偎傍疎林小檻歡聚冶葉倡條俱相識仍
慣見珠歌翠舞如今向漁村水驛夜如歲熱香
獨自語有何人念我無聊夢魂凝想鴛侶

塞翁吟

景

暗葉啼風雨。窗外曉色。朧朧散水。麝小池東。亂一畝芙蓉。斬州簾展。霞紋浪輕。帳翠縷如空。夢遠別淚痕重。淡鉛臉斜紅。冲冲嗟顚顚。新寬帶結羞豔。冶都銷鏡中有。蜀紙堪憑。寄恨等今夜。灑血書詞。剪燭親封。葛蒲漸老。早晚成花。教見薰風。

等今夜灑血書詞。或作灑淚書詞。非韓愈云。剗肝以爲紙。灑血以書詞。

遶佛閣

旅况

暗塵四歛。樓觀迥出。高映孤館。清漏將短。厭聞

片玉詞

四十四

汲古閣

夜久簾聲動。書幔桂華又滿。閒步露草。偏愛幽遠。花氣清婉。望中迤邐。城陰度河。岬倦客最蕭索。醉倚斜橋。穿柳線。還似汴堤虹梁。橫水面。看浪颭春燈。舟下如箭。此行重見。嘆故友難逢。羈思空亂。兩眉愁向誰行展。

慶春宮

悲秋。或刻柳耆卿。偏憐嬌鳳。作唯他絕藝。

雲接平崗。山圍寒野。路回漸轉。孤城衰柳。啼鴉驚風。驅雁動人。一片秋聲。倦途休駕。澹煙裏微

芒見星塵埃。顚顚生。怕黃昏離思牽縈。華堂舊日。逢迎花艷。參差香霧飄零。絃管當頭。偏憐嬌鳳。夜深篴暝。笙清眼波傳意。恨密約匆匆。未成許多煩惱。只爲當時一餉留情。

滿江紅

春閨

晝日移陰。攬衣起春帷。睡足臨寶鑑。綠雲撩亂。未懽裝束。蝶粉蜂黃都褪了。枕痕一線。紅生玉背。画欄脉脉。儘無言尋碁局。重會面猶未卜。

片玉詞

四十五

汲古閣

無限事。縈心曲。想秦箏依舊。尚鳴金屋。芳草連天迷遠望。寶香薰被成孤宿。最苦是蝴蝶滿園飛。無心撲。

丁香結

蒼蘚沿階。冷螢粘屋。庭樹望秋先隕。漸雨淒風迅。澹暮色。倍覺園林清潤。漢姬紈扇。在重吟玩。棄擲未忍。登山臨水。此恨自古銷磨不盡。牽引記。醉酒歸時。對月同看。雁陣寶幄香纓。熏爐

象尺夜寒燈暈誰念畱滯故國舊事勞方寸唯
丹青相伴卹更塵昏蠹損

三部樂

梅雪

浮玉飛瓊向邃館靜軒倍增清絕夜窗垂練何
用交光明月聞道宮閣多梅趁暗香未遠凍蕊
初發倩誰折取持贈情人桃葉 回紋近傳錦
字道爲君瘦損是人都說祇知染紅著手膠梳
黏髮轉思罍鎮長墮睫都只爲情深意切欲報
片玉詞 四十六 汲古閣

信息無一句堪喻愁結

西河

金陵懷古

佳麗地南朝盛事誰記山圍故國遶清江髻鬟
對起怒濤寂莫打孤城風檣遙度天際斷崖樹
猶倒倚莫愁艇子曾繫空餘舊迹鬱蒼蒼霧沉
半壘夜深月過女牆來賞心東望淮水 酒旗
戲鼓甚處是想依稀王謝鄰里燕子不知何世
向尋常巷陌人家相對如說興亡斜陽裏 詞選

作三疊風檣遠望天際作一截賞心東望淮
水又作一截○清真集在空餘舊迹分段

又

清真集不載

長安道瀟灑西風時起塵埃車馬晚游行霸陵
煙水亂鴉棲鳥夕陽中參差霜樹相倚到此際
愁如葦冷落關河千里追思唐漢管繁華斷碑
殘記未央宮闕已成灰終南依舊舊濃翠 對此
景無限愁思遶天涯秋蟾如水轉使客情如醉
想當時萬古雄名盡作往來人淒涼事

片玉詞

四十七

汲古閣

一寸金

新定詞

州夾蒼隄下枕江山是城郭望海霞接日紅翻
水面晴風吹草青搖山腳波暝鳬鷺作沙痕退
夜潮正落疎林外一點炊煙渡口參差正寥廓
自歎勞生經年何事京華信漂泊念渚蒲汀
柳空歸閒夢風輪雨幟終辜前約情景牽心眼
流連處利名易薄迴頭謝冶葉倡條便入漁釣
樂

瑞鶴仙

悄郊原帶郭。行路永。客去車塵漠漠。斜陽映山
落。歛餘紅。猶戀孤城欄角。凌波步。弱過短亭何
用。素約有流鶯。勸我重解繡鞍。緩引春酌。不
記歸時。早算上馬誰扶。醒眠朱閣。驚飈動。幙扶
殘。醉遶紅藥。嘆西園。已是花深無地。東風何事
又惡。任流光過却。猶喜洞天自樂。

又清眞集
不載

片玉詞

四十八

汲古閣

暝煙籠細柳。弄萬縷。千絲年年春色。晴風蕩無
際。濃於酒。偏醉情人。調客闌干。倚處度花香微
散。酒力對重門。半掩黃昏。淡月院宇深寂。愁
極因思。前事洞房佳宴。正值寒食。尋芳遍賞金
谷里。銅匳陌到而今。魚雁沉沉。無信息。天涯常
是淚滴。早歸來。雲館深處。那人正憶。

。浪淘沙慢
別

曉陰重。霜凋峴草。霧隱城堞。南陌脂車待發。東

門帳飲乍闌。正拂面。垂楊堪攬。結掩紅淚玉手。

親折。念漢浦離鴻。去何許。經時信音絕。情切。

望中地遠天闊。向露冷風清。無人處。耿耿寒漏。

咽。嗟萬事難忘。唯是輕別。翠罇未竭。憑斷雲。畱

取。西樓殘月。羅帶光銷。紋衾疊。連環解。舊香頓

歇。怨歌永瓊壺。敲盡缺恨。春去不與人期。弄夜

色。空餘滿地梨花雪。
時刻在情
切分段

。又清眞集
不載

片玉詞

四十九

汲古閣

萬葉戰秋聲。露結雁度。砂磧細草和煙。尚綠遙
山向晚。雲碧見隱隱。雲邊新月白。映落照。簾幕
千家。聽數聲。何處倚樓。笛裝點。盡秋色。脉脉
旅情。暗自消釋。念珠玉臨水。猶悲感。何況天涯
客。憶少年歌酒。當時蹤跡。歲華易老。衣帶寬。懊
惱心腸。終窄飛散。後風流人阻。藍橋約。恨恨路
隔馬蹄過。猶嘶舊巷陌。歎往事。一一堪傷。曠望
極。凝思又把闌干拍。

西平樂

元豐初予以布衣西上過天長道中後四十餘年辛丑正月二十六

日遊賊復遊故地感歎歲月偶成此詞

釋柳蘇晴。故溪渴雨。川迴未覺春賒。駝褐寒侵。正憐初日。輕陰抵死須遮。歎事逐孤鴻去盡。身與塘蒲共晚。爭知向此征途。區區竚立塵沙。追念朱顏翠髮。曾到處。故人嗟。道連三楚。天低四野。喬木依前。臨路欹斜。重慕想東陵晦迹。彭澤歸來。左右琴書自樂。松菊相依。何況風片玉詞

汲古閣

玉燭新

早梅

溪源新蠟後。見數朶江梅。剪裁初就。暈酥砌玉芳英嫩。故把春心輕漏。前村昨夜想。弄月黃昏時候。孤岼峭疎影橫斜。濃香暗沾襟袖。擗前賦與多才問。嶺外風光。故人知否。壽陽謾闌終不似。照水一枝清瘦。風嬌雨秀。好亂插繁華盈

首須信道。羗筦無情。看看又奏

南鄉子

晨色動粧樓。短燭熒熒情未收。自在開簾風不定。颼颼池面。冰漸趁水流。早起怯梳頭。欲綰雲鬟又却休。不會沈吟思底事。凝眸兩點春山滿鏡愁

又

下四闋清真集不載

片玉詞

五十一

汲古閣

秋氣遶城闌。算角寒鴉未掩門。記得佳人衝雨別。吟分。別緒多於雨後雲。小棹碧溪津。恰似江南第一春。應是採蓮閒伴侶。相尋。收取蓮心與舊人

又

寒夜夢初醒。行盡江南萬里程。早是愁來無會處。時聽。敗葉相傳細雨聲。書信也無憑。萬事由他別後情。誰信歸來須及早。長亭短帽輕衫走馬迎

又詠秋夜

戶外井桐飄淡月疎星
芙蓉寥恐怕霜寒初索
被中宵已覺秋聲引雁高
羅帶束纖腰自剪
燈花試彩毫收起一封江北信
明朝爲問江頭
早晚潮

又擬燕巢

輕軟舞時腰初學吹笙苦未調
誰遣有情知事
早相撩暗舉羅巾遠見招
癡騷一團嬌自折
片玉詞
五十二
汲古閣

長條撥燕巢不道有人潛看著
從教掉下鬟心
與鳳翹

望江南

歌席上無賴是橫波寶髻玲瓏
欹玉燕繡巾柔
膩掩香羅人好自宜多
無箇事因甚歛雙蛾
淺淡梳粧疑見畫惺鬆言語勝聞歌
何況會娑娑

又春遊

遊妓散獨自遶回堤
芳草懷煙迷水曲密雲街
雨暗城西九陌未霑泥
桃李下春晚自成蹊
牆外見花尋路轉柳陰行馬過
鸞啼無處不悽悽

浣溪沙

不爲蕭娘舊約寒何因容易別
長安預愁衣上
粉痕乾
幽閣深沉燈焰喜小爐隣
近酒盃寬
爲君門外脫歸鞍

片玉詞

五十三

汲古閣

又

翠葆參差竹徑成新荷跳雨碎珠傾
曲欄斜轉
小池亭
風約簾衣歸燕急水搖扇影戲魚驚
柳梢殘日弄微晴

又

寶扇輕圓淺画繒象床平穩細穿藤
飛蠅不到
避壺冰
翠枕面涼偏益睡玉簫手汗錯成聲
日長無力要人凭

又

薄薄紗幮望似空簾紋如水浸芙蓉起來嬌眼
未惺惚 強整羅衣擡皓腕更將執扇掩酥胸
羞郎何事面微紅

又

爭挽桐花兩鬢垂小粧弄影照清池珠簾踏襪
趁蜂兒 跳脫添金雙腕重琵琶破撥四絃悲
夜寒誰肯剪春衣

片玉詞

五十四

汲古閣

又

或刻歐陽永叔

雨過殘紅溼未飛疎籬一帶透斜暉遊蜂釀蜜
竊香歸 金屋無人風竹亂夜篝盡日水沉微
一春須有憶人時

又

日薄塵飛官路平眼明喜見汴河傾地遙人倦
莫兼程 下馬先尋題壁字出門閒記榜村名
早收燈火夢傾城

又

貪向津亭擁去車不辭泥雨濺羅襦淚多脂粉
了無餘 酒釀未須令客醉路長終是少人扶
早教幽夢到華胥

又

或刻李易安

樓上晴天碧四垂樓前芳草接天涯勸君莫上
最高梯 新筍看成堂下竹落花都上燕巢泥
忍聽林表杜鵑啼

片玉詞

五十五

汲古閣

又

日射欹紅鵲蒂香風乾微汗粉襟涼碧綃對捲
簾紋光 自剪柳枝明画閣戲拋蓮葯種橫塘
長亭無事好思量

浣溪沙慢

清真集不載

水竹舊院落櫻筍新蔬果嫩英翠幄紅杏交榴
火心事暗卜葉底尋雙朶深夜歸青鎖燈盡酒
醒時曉窗明釵橫鬢髻 怎生那被間阻時多

奈愁腸數疊幽恨萬端好夢還驚破可怪近來
傳語也無個莫是嗔人呵真個若嗔人却因何
逢人問我

點絳脣

孤館迢迢算天草露霑衣潤夜來秋近月暈通
風信 今日源頭黃葉飛成陣知人悶故來相
趁笑結臨岐恨

又

片玉詞

五十六

汲古閣

遼鷗歸來故鄉多少傷心地寸書不寄魚浪空
千里 憑仗桃根說與相思意愁無際舊時衣
袂猶有東風淚

又

征騎初停酒行莫放離歌舉柳汀蓮浦看盡江
南路 苦恨斜陽冉冉催人去空回顧淡煙橫
素不見揚鞭處

酒行莫放離歌舉清真
集作西道欲散離歌舉

又

臺上披襟快風一瞬收殘雨柳絲輕舉蛛網黏
飛絮 極目平蕪應是春歸處愁凝佇楚歌聲
苦村落黃昏鼓

夜遊宮

客去車塵未斂古簾暗雨苔千點月皎風清在
處見奈今宵照初絃吹一箭 池曲河聲轉念
歸計眼迷魂亂明日前村更荒遠且開罇任紅
鱗生酒面

片玉詞

五十七

汲古閣

又秋景

葉下斜陽照水捲輕浪沉沉千里橋上酸風射
眸子立多時看黃昏燈火市 古屋寒窗底聽
幾片井桐飛墜不戀單衾再三起有誰知爲蕭
娘書一紙

又清真集
不載

一陣斜風橫雨薄衣潤新添金縷不謝鉛華更
清素倚筠窗弄么絃嬌欲語 小閣橫香霧正

年少小娥愁緒莫是栽花被花妬甚春來病懨懨無會處

訴衷情

殘杏

出林杏子落金盤齒軟怕嘗酸可憎半殘青子
猶印小唇丹 南陌上落花閒雨斑斑不言不
語一段傷春都在睂間

又

堤前亭午未融霜風緊雁無行重尋舊日岐路

片玉詞

五十八

汲古閣

茸帽北遊裝 期信杳別離長遠情傷風翻酒
慢寒凝茶煙又是何鄉

又

清眞集
不載

當時選舞萬人長玉帶小排方喧傳京國聲價
年少最無量 花閣迥酒筵香想難忘而今何
事伴向人前不認周郎

明傳京師聲價時
刻讓與都城聲價

一落索

清眞集作
洛陽春

睂共春山爭秀可憐長皺莫將清淚濕花枝恐

花也如人瘦 清潤玉簫閒久知音稀有欲知
日日倚欄愁但問取亭前柳

又

杜宇催歸聲苦和春歸去倚闌一霎酒旗風任
撲面桃花雨 目斷隴雲江樹難逢尺素落霞
隱隱日平西料想是分攜處

迎春樂

清池小圃開雲屋結春伴往來熟憶年時縱酒

片玉詞

五十九

汲古閣

五行速看月上歸禽宿 牆裏修篁森似束記
名字曾刊新綠見說別來長冷翠蘚封寒玉

又

桃溪柳曲閒蹤跡俱曾是大堤客解春衣貰酒
城南陌頻醉臥胡姬側 鬢點吳霜嗟早白更
誰念玉溪消息他日水雲身相望處無南北

又

妓

人人豔色明春柳憶筵上偷攜手趁歌停舞歇

來相就醒醒箇無些酒 比目香囊新刺繡連
隔座一時薰透爲甚月中歸長是他隨車後

虞美人

燈前欲去仍留戀腸斷朱扉遠不須紅雨洗香
腮待得薔薇花謝便歸來 舞腰歌板閒時按
一任傷人看金爐應見舊殘煤莫遣恩情容易
似寒灰

又

片玉詞

汲古閣

廉纖小雨池塘遍細點破萍面一雙燕子守朱
門此似尋常時候易黃昏 宜城酒泛浮春絮
細作更闌語相看羈思亂如雲又是一窗燈影
兩愁人

又

疎籬曲徑田家小雲樹開秋曉天寒山色有無
中野外一聲鐘起送孤蓬 添衣策馬尋亭堠
愁抱誰宜酒菰蒲睡鴨占陂塘縱被行人驚散

又成雙

又一本無
此首

淡雲籠月松溪路長記分攜處夢魂連夜遶松
溪此夜相逢恰似夢中時 海山陡覺風光好
莫惜金罇倒柳花吹雪燕飛忙生怕扁舟歸去
斷人腸

又

片玉詞

汲古閣

玉觴纔掩朱絃悄彈指壺天曉回頭猶認倚牆
花只向小橋南畔便天涯 銀蟾依舊當窗滿
顧影魂先斷淒風休颭半殘燈擬倩今宵歸夢
到雲屏

又

金閨平帖春雲暎晝漏花前短玉顏酒解豔紅
消一向捧心啼困不成嬌 別來新翠迷行徑
窗鎖玲瓏影研綾小字夜來封斜倚曲闌凝睇
數歸鴻

研綾小字夜來封一作研綾非
王介甫詩小字紅綾間詩句

醉桃源

清真集作阮郎歸

冬衣初染遠山青
雙絲雲雁綾
夜寒袖溼欲成冰
都緣珠淚零
情黯黯悶騰騰
身如秋後蠅
若教隨馬逐郎行
不辭多少程

又

菖蒲葉老水平沙
臨流蘇小家
画闌曲徑宛秋蛇
金英垂露華
燒密炬引蓮娃
酒香醺臉霞
再來重約日西斜
倚門聽暮鴉

片玉詞

六十二

汲古閣

鳳來朝

佳

逗曉看嬌面
小窗深弄
明未辨愛殘粧
宿粉雲鬟亂
最好是帳中見
說夢雙蛾微歛
錦衾溫獸香未斷
待起難捨拚清

垂絲釣

縷金翠羽粧成纔見
眉嫵倦倚玉奩看舞風絮
愁幾許寄鳳絲雁柱
春將暮向晉城宛路
鈿車

如水 時時花徑相遇
舊遊伴侶還到曾來處

門掩風和雨
梁燕語問邨人在否

粉蝶兒慢

宿霧藏春餘寒帶雨
占得羣芳開晚豔
初弄秀倚東風嬌嬾
隔葉黃鸝傳好音
喚入深鼓中探
數枝新比昨朝又早
紅稀香淺
春戀重來倚檻當韶華
未可輕辜
愛眼賞心隨分樂
有清樽檀板每歲嬉遊
能幾日莫使一聲歌
欠忍因循

片玉詞

六十三

汲古閣

片花飛又成春減

紅窗迥

幾日來真個醉
不知道窗外亂紅已深半
指花影被風搖碎
擁春醒乍起
有個人人生得濟
楚來向耳畔問道
今朝醒未情性兒慢騰騰
地惱得人又醉

念奴嬌

清真集不載

醉魂乍醒聽一聲啼鳥
幽坐岑寂淡日朦朧初

破曉滿眼嬌情天色最憺香梅凌寒偷綻漏泄
春消息池塘芳草又還淑景催逼因念舊日
芳菲桃花永巷恰似初相識荏苒時光因慣却
覓雨尋雲蹤跡奈有離拆瑤臺月下回首頻思
憶重愁疊恨萬般都枉胸臆

黃鸝遶碧樹

鸞闕籠佳氣寒威日晚歲華將暮小院閒庭對
寒梅照雪淡煙凝素忍當迅景動無限傷春情

片玉詞

六十四

汲古閣

緒猶賴是上苑風光漸好芳容將煦草莢蘭

芽漸吐且尋芳更休息慮這浮世甚驅馳利祿

奔競塵土縱有魏珠照察未買得流年住爭如

剗引榴花醉偎瓊樹爭如剗引榴花醉偎瓊樹
清真集作爭如盛飲流霞

瓊樹

鬢雲鬆令

送傅國華奉使三韓
清真集不載即蘇幕遮

鬢雲鬆眉葉聚一闌離歌不爲行人駐檀板停
時君看取數尺鮫綃半是梨花雨鷺飛遙天

尺五鳳閣鸞坡看卽飛騰去今夜長亭臨別處
斷梗飛雲盡是傷情緒

芳草渡

昨夜裏又再宿桃源醉邀仙侶聽碧窗風快疎
簾半卷愁雨多少離恨苦方留連啼訴鳳帳曉
又是窗窗獨自歸去愁顙滿懷淚粉瘦馬衝
泥尋去路謾回首煙迷望眼依稀見朱戶似癡
似醉暗惱損凭闌情緒澹暮色看盡栖鴉亂舞

片玉詞

六十五

汲古閣

歸去難

期約

佳約人未知背地伊先變惡會稱停事看深淺
如今信我委的論長遠好彩無可怨自合教伊
推些事後分散密意都休待說先腸斷此恨
除非是天相念堅心更守未死終須見多少閑
磨難到得其時知他做甚頭眼

燕歸梁

詠曉
清真集不載

簾底新霜一夜濃短燭散飛蟲曾經洛浦見驚

鴻關山隔夢魂通 明星晃晃津回路轉榆影
步花驄欲攀雲駕倩西風吹清血寄玲瓏

南浦

清真集
不載

淺帶一帆風向晚來扁舟穩下南浦迢遞阻瀟
湘衡臯迢斜艤蕙蘭汀渚危檣影裏斷雲點點
遙天萼萼菡蕳裏風偷送清香時時微度 吾家
舊有簪纓甚頓作天涯經歲羈旅羗管怎知情
煙波上黃昏萬斛愁緒無言對月皓彩千里人
片玉詞 六十六 汲古閣

何處恨無鳳翼身只待而今飛將歸去

醉落魄

清真集
不載

茸金細弱秋風嫩桂花初著蕊珠宮裏人難學
花染嬌萼羞映翠雲幄 清香不與蘭蓀約一
枝雲鬢巧梳掠夜涼輕撼薔薇萼香滿衣襟月
枉鳳皇閣

留客住

清真集
不載

嗟烏兔正茫茫相催無定只恁東生西沒半均

寒暑昨見花紅柳綠處處林茂又覩霜前離畔
菊散餘香看看又還秋算 忍思慮念古往賢
愚終歸何處爭似高堂日夜笙歌齊舉選甚連
宵徹畫再三畱住待擬沉醉扶上馬怎生向主
人未肯交去

長相思慢

清真集
不載

夜色澄明天街如水風力微冷簾旌幽期再偶
坐久相看纔喜欲歎還驚醉眼重醒映雕欄脩
片玉詞 六十七 汲古閣

竹竿數流螢細語輕輕儘銀臺挂蠟潛聽 自
初識伊來便憎妖嬈豔質美野柔情挑溪換世
鸞馭凌空有願湏成遊絲蕩絮任輕狂相逐牽
縈但連環不解難負深盟 時刻但連環不解下
有流水長東四字誤

看花迴

詠
眼

秀色芳容明眸就中奇絕細看艷波欲溜最可
憐微重紅銷輕帖勻朱傅粉幾爲嚴粧時宛曉
因個甚底死嗔人半餉斜眊費貼燮 斗帳裏

濃懽意愜帶困時似開微合曾倚高樓望遠自
笑指頻睂知他誰說那日分飛淚雨縱橫光映
頰搵香羅恐揉損與他衫袖裏

又

蕙風初散輕暝霽景澄潔秀莖乍開乍歛帶雨
態煙痕春思紆結危絃弄響來去驚人鶯語滑
無賴處麗日樓臺亂絲岐路總奇絕何計解
黏花繫月歎冷落頓辜佳節猶有當時氣味挂

片玉詞

六十八

汲古閣

一縷相思不斷如髮雲飛帝國人在雲邊心暗
折語東風共流轉謾作凶凶別

或作梨花繁
月下分段非

月下笛

清真集
不載

小雨收塵涼蟾瑩徹水光浮壁誰知怨抑靜倚
官橋吹笛映宮牆風葉亂飛品高調側人未識
想開元舊譜柯亭遺韻盡傳胸臆闌干四邊
聽折柳徘徊數聲終拍寒燈陋館最感平陽孤
客夜沉沉雁啼正哀片雲盡卷清漏滴黯凝魂

但覺龍吟萬壑天籟息

片玉詞

六十九

汲古閣

片玉詞卷下

終

片玉詞補遺

十六字令

咏月。見天機餘錦

明月影穿窗白玉錢無人弄移過枕函邊

浣溪沙

春景。見草堂詩餘

水漲魚天拍柳橋雲鳩拖雨過江皋一番春信

入東郊閒碾鳳團消短夢靜看燕子壘新巢

又移日影上花梢

又

春景。或刻歐陽永叔

片玉詞

七十

汲古閣

小院閒窗春色深重簾未捲影沉沉倚樓無語

理瑤琴遠岫出雲催薄暮細風吹雨弄輕陰

梨花欲謝恐難禁

憶秦娥

佳人。或刻蘇子瞻

香馥馥尊前有箇人如玉人如玉翠翹金鳳內

家粧束嬌羞愛把眉兒蹙逢人只唱相思曲

相思曲一聲聲是怨紅愁綠

柳梢青

佳人。見草堂詩餘

有箇人人海棠標的飛燕輕盈酒暈潮紅羞蛾

凝綠一笑生春為伊無限傷心更說甚巫山

楚雲斗帳香消紗窗月冷著意溫存

南鄉子

秋懷。見詩林萬選

夜闌夢難收宋玉多情我結儔千點漏聲萬點

淚悠悠霜月雞聲幾段愁難展皺眉頭怨句

哀吟送客秋蟋蟀床頭調夜曲啾啾又聽驚人

雁過樓

片玉詞

七十一

汲古閣

蘇幙遮

風情。見草堂詩餘

隴雲沉新月小楊柳梢頭能有春多少試著羅

裳寒尚峭簾捲青樓占得東風早翠屏深香

篆裊流水落花不管劉郎到三疊陽關聲漸杳

斷雨殘雲只怕巫山曉

畫錦堂

閨情。見草堂詩餘

雨洗桃花風飄柳絮日日飛滿雕簷懊惱一春

幽恨盡屬眉尖愁聞雙飛新燕語更堪孤枕宿

醒歡雲鬟亂獨步畫堂輕風暗觸珠簾多歡
晴晝永瓊戶悄香銷金獸慵添自與蕭郎別後
事事俱嫌短歌新曲無心理鳳簫龍管不曾拈
空惆悵常是每年三月病酒懨懨

齊天樂

端午。或刻無名氏

疎疎幾點黃梅雨佳時又逢重午角黍包金香
蒲泛玉風物依然荆楚形裁艾虎更釵鬟朱符
臂纏紅縷撲粉香綿喚風綾扇小窗午沉湘

片玉詞

七十二

汲古閣

人去已遠勸君休對景感時懷古慢嘖翼喉輕
敲象板勝讀離騷章句荷香暗度漸引入醺醺
醉鄉深處臥聽江頭画船喧韻鼓

女冠子

雪景。或刻柳耆卿

同雲密布撒梨花柳絮飛舞樓臺悄似玉向紅
爐煖閣院宇深沉廣排筵會聽笙歌猶未徹漸
覺輕寒透簾穿戶亂飄僧舍密灑歌樓酒帘如
故想樵人山徑迷蹤路料漁父收綸罷釣歸

南浦路無伴侶見孤村寂莫招颭酒旗斜處南
軒孤雁過歷歷聲聲又無書度見臘梅枝上嫩
蕊兩兩三三微吐

吳成于徽宗時提舉大晟樂府故其詞或傳

于世余家藏凡三本一名清真集一名吳成子短

句皆不滿百闕最後得宋刻片玉集二卷計補

百八十有奇音陽強煥為敘金見評注龍襍一

削去釐其讹謬間有茲集不載錯見清真諸

片玉詞

七十三

汲古閣

本者附補遺一卷吳成庶無遺憾云若乃諸名
家之甲乙久著人間無待予倫述也湖南毛晉徵

片玉詞補遺

終

題梅溪詞

關雎而下三百篇當時之謠詞
也聖師刪以為經後世播詩章
於樂府被之金石管絃屈宋班

梅溪詞序

汲古閣

馬繇是乎出而自變體以來司
花傍輦之嘲沈香亭北之詠至
邦人主相友善則世之文人卜
士遊戲筆墨于長短句間有能

環竒警邁清新閒婉不流於詭

蕩汙淫者未易以小伎言也余

埽軌林扃草長門迳一日聞剝

啄聲園丁持謁入視之汴人史

梅溪詞序

汲古閣

生邦卿也迎坐竹陰下郁然而

秀整俄起謂余曰某自冠時聞

約些之號今亦既有年矣君身

益湮晦達以是來見無他求袖

出詞一編余驚笑而不荅生去

始取讀之大凡如行帝苑仙瀛

輝華絢麗欣眄駭接因掩卷而

嘆曰有是哉能事之無遺恨也

梅溪詞序

汲古閣

蓋生之作辭情俱到纖綃泉底

去塵眼中妥帖輕圓特其餘事

至於奪茗艷于春景起悲音於

商素有瓌奇警邁清新閒婉之

長而無詭蕩汙淫之失端可以

今鑣清真平睨方回而紛々三

變行輩幾不足比數山谷以行

誼文章宗匠一代至序小晏詞

梅溪詞序

汲古閣

激昂婉轉以伸吐其懷抱而楊

花謝橋之句伊川猶稱可之生

滿襟風月鸞吟鳳獻鏘洋乎口

吻之際者皆自漱滌書傳中來

况欲大肆其力於五七言廻鞭

溫韋之塗掉鞅李杜之域躋攀

風雅一歸于心不於是而止雖

然余方以耽泥聲律而顛踣擯

梅溪詞序

汲古閣

棄今又區々以勉生非惑耶若

覽斯集者不枯于玄黃牝牡哀

沈而悼未遇寔繫時之所尚余

老矣生鬚髮未白數路得人恐

不特尋美于漢生姑待之生名

達祖邦卿其字云嘉泰歲辛酉

五月八日張鑑功甫序

梅溪詞序

六

汲古閣

一五二

梅溪詞

目錄

綺羅香

一調

雙雙燕

一調

陽春曲

一調

海棠春令

一調

夜行船

一調

東風第一枝

三調

玉樓春

一調

喜遷鶯

一調

萬年歡

一調

阮郎歸

二調

眼兒嬌

二調

憶瑤姬

一調

梅溪詞目

南歌子

一調

風流子

二調

金盞子

一調

杏花天

四調

三姝媚

一調

壽樓春

一調

于飛樂

一調

南浦

一調

探芳信

一調

祝英臺近

三調

釵頭鳳

一調

西江月

四調

慶清朝

一調

桃源憶故人

二調

花心動

一調

解佩令

一調

汲古閣

菩薩蠻

三調

賀新郎

五調

夜合花

二調

畱春令

二調

瑞鶴仙

二調

點絳脣

二調

青玉案

一調

浣溪沙

一調

蝶戀花

一調

臨江仙

三調

漢宮春

一調

蘭陵王

一調

風入松

一調

隔浦蓮

二調

鳳來朝

一調

玉簫涼

一調

梅溪詞目

鵲橋仙

一調

湘江靜

一調

玲瓏四犯

二調

八歸

一調

過龍門

二調

玉蝴蝶

一調

齊天樂

五調

燕歸梁

二調

月當廳

一調

秋霽

一調

滿江紅

二調

戀繡衾

三調

換巢鸞鳳

一調

惜奴嬌

一調

龍吟曲

三調

鷓鴣天

四調

汲古閣

惜黃花 一調

玉燭新 一調

一剪梅 二調

醉落魄 二調

醉公子 一調

步月 一調

梅溪詞目

汲古閣

梅溪詞目錄 終

梅溪詞

宋 史達祖

綺羅香

詠春雨。或作沁園春非

做冷欺花將煙困柳千里偷催春算盡日冥迷
愁裏欲飛還住驚粉重蝶宿西園喜泥潤燕歸
南浦最妨它佳約風流鈿車不到杜陵路 沉
沉江上望極還被春潮急難尋官渡隱約遙峰
和淚謝娘眉嫵臨斷岸新綠生時是落紅帶愁
梅溪詞 汲古閣

雙雙燕

燕 詠

過春社了度簾幙中間去年塵冷差池欲住試
入舊巢相竝還相雕梁藻井又軟語商量不定
飄然快拂花梢翠尾分開紅影 芳徑芹泥雨
潤愛貼地爭飛競誇輕俊紅樓歸晚看足柳昏
花暝應自棲香正穩便忘了天涯芳信愁損翠
黛雙蛾日日画欄獨凭

陽春曲

杏花煙梨花月誰與暈開春色坊巷曉愔愔東
風斷舊火銷處近寒食少年蹤迹愁暗隔水南
山北還是寶絡雕鞍被鷲聲喚來香陌 記飛
蓋西園寒猶凝結驚醉耳誰家夜笛燈前重簾
不挂帶華裾粉淚曾拭如今故里信息賴海燕
年時相識奈芳草正鎖江南夢春衫怨碧

海棠春令

梅溪詞

汲古閣

似紅如白含芳意錦宮外煙輕雨細燕子不知
愁驚墮黃昏淚 燭花偏在紅簾底想人怕春
寒正睡夢著玉環嬌又被東風醉

夜行船

正月十八日開
賣杏花有感

不剪春衫愁意態過收燈有些寒在小雨空簾
無人深巷已早杏花先賣 白髮潘郎寬沈帶
怕看山憶它斜簷草色拖裙煙光惹鬢常記故
園桃菜

東風第一枝

詠春
雪

巧沁蘭心偷黏草甲東風欲障新暎謾凝碧瓦
難留信知算寒輕淺行天入鏡做弄出輕鬆纖
軟料故園不捲重簾候了乍來雙燕 青未了
柳回白眼紅欲斷杏開素面舊遊憶著山陰厚
盟遂妨上苑寒爐重暎便放慢春衫針線恐鳳
靴挑菜歸來萬一灞橋相見

又 壬戌開鵬望雨中立
亥春與高賓王各賦

梅溪詞

汲古閣

草脚愁蘇花心夢醒鞭香拂散牛土舊歌空憶
珠簾綵筆倦題繡戶黏雞貼燕想立斷東風來
處暗惹起一掬相思亂若翠盤紅縷 今夜覓
夢池秀句明日動探花芳緒寄聲沽酒人家預
約俊遊伴侶怜它梅柳乍忍俊天街酥雨待過
了一月燈期日日醉扶歸去

又 燈夕清生
或作元夕

酒館歌雲燈街舞繡笑聲喧似簫鼓太平京國

多歡大酺綺羅幾處東風不動照花影一天春
聚耀翠光金縷相交冉冉細吹香霧羞醉玉
少年丰度懷豔雪舊家伴侶閉門明月關心倚
窗小梅索句吟情欲斷念嬌俊知人無據想袖
寒珠絡藏香夜久帶愁歸去

玉樓春

社前一日

游人等得春晴也處處旗亭堪繫馬雨前穠杏
尚娉婷風後殘梅無顧藉忌拈針線還逢社

梅溪詞

四

汲古閣

鬬草贏多裙欲卸明朝雙燕定歸來叮囑重簾
休放下

又賦梨花

玉容寂寞誰爲主寒食心情愁幾許前身清淡
似梅粧遙夜依微留月住香迷蝴蝶飛時路
雪在秋千來往處黃昏著了素衣裳深閉重門
聽夜雨

喜遷鶯

月波疑滴望玉壺天近了無塵隔翠眼圈花冰
絲織練黃道寶光相直自怜詩酒瘦難應接許
多春色最無賴是隨香趁燭曾伴狂客蹤跡
謾記憶老了杜郎忍聽東風笛柳院燈疎梅廳
雪在誰與細傾春碧舊情拘未定猶自學當年
游歷怕萬一悞玉人夜寒簾隙

萬年歡

春思

兩袖梅風謝橋邊岬痕猶帶陰雪過了囟囟燈
梅溪詞

五

汲古閣

市草根青發燕子春愁未醒悞幾處芳音遼絕
煙谿上采綠人歸定應愁沁花骨非干厚情
易歇奈燕臺句老難道離別小徑吹衣曾記故
里風物多少驚心舊事第一是侵堦羅襪如今
但柳髮晞春夜來和露梳月

阮郎歸

龍香吹袖白藤鞭帽簷衝柳煙一春幾度画橋
邊東風聽筦絃花活計酒因緣從人嘲少年

眞須吟就綠楊篇灣頭寄小憐

又月下感事

舊時明月舊時身舊時梅萼新舊時月底似梅人
梅春人不春香入夢粉成塵情多多斷魂
芙蓉孔雀夜溫溫愁痕卽淚痕

眼兒媚寄贈

潘郎心老不成春風味隔花塵簾波浸箏窗紗
分柳還過天津近時無覓湘雲處不記是行

梅溪詞

汲古閣

人樓高望遠應將秦鏡多照施顰

又代答

兒家七十二鴛鴦珠珮鎖瑤箱期花等月秦臺
吹玉賈袖傳香十年白玉堂前見直是剪柔
腸將愁去也不成今世終誤王昌

憶瑤姬

蜀省之悼也

嬌月籠煙下楚領香分兩朶湘雲花房漸密時
弄杏牋初會歌裏慙勤沉沉夜久西窗屢隔蘭

燈慢影昏自綵鸞飛入芳巢繡屏羅薦粉光新

十年未始輕分念此飛花可憐柔脆銷春空
餘雙淚眼到舊家時郎謾染愁巾袖止說道凌
虛一夜相思玉樣人但起來梅發窗前哽咽疑
是君

南歌子

采綠隨雙槳看山藉一筇關南桃樹幾番紅昨
夜詩情頻在雨聲中花逕無雲隔苔垣只夢

梅溪詞

汲古閣

通舊歡一餉可過從試覓鴛鴦新杏簡春風

風流子

紅樓橫落日蕭郎去幾度碧雲飛記窗眼遞香
玉臺妝罷馬蹄敲目沙路人歸如今但一顰通
信息雙燕說相思入耳舊歌怕聽琴縷斷腸新
句羞染烏絲相逢南溪上桃花嫩嬌樣淺澹
羅衣恰是怨深腮赤愁重聲遲悵東風巷陌草
迷春恨軟塵庭戶花悞幽期多少寄來芳字都

待還伊

又

飛瓊神仙客因遊戲誤落古桃源
藉吟牋賦筆試融春恨舞裙歌扇
聊應塵緣遣人怨亂雲天一角
弱水路三千還因秀句意流江外
便隨輕夢身墮愁邊風流休相悞
尋芳縱來晚尚有它年只爲賦情
不淺彈淚風前想霧帳吹香獨
憐奇俊露盃分酒誰伴嬋娟好在
夜軒涼月空

梅溪詞

汲古閣

自團圓

月晦其號也

金盞子

獎綠催紅仰一番膏雨始張春色
未踏画橋煙江南畔應是草穠花
密尙憶濺裙蘋溪覺詩愁相覓
光風外除是倩鶯煩燕謾通消息
梨花夜來白相思夢空闌一林月
深深柳枝巷陌難重遇弓彎兩袖
雲碧見說倦理秦箏怯春蔥無力
空遺恨當時畱秀句蒼苔盡碎

杏花天

清明

軟波拖碧蒲牙短画橋外花晴柳
暝今年自是清明晚便覺芳情較
嬾春衫瘦東風剪剪過花塢香吹
醉面歸來立馬斜陽畔隔畔歌聲
一片

又

古城官道花如霰便恰限花間再
見雙眉最現愁深淺隔雨春山兩
點回頭但垂楊帶苑想

梅溪詞

九

汲古閣

今夜銅駝夢遠行人去了鶯聲怨
此度關心未免

又

細風微月垂楊院記年少春愁一
點棲鶯未覺花梢顫踏損殘紅幾
片長安共日邊近遠況老去芳情
漸減屏山幾夜春寒淺却將因而
夢見

又

扇香曾靠腮邊粉舊塵埋月輪有暈南風未似
愁來近前事臨窗隱隱涼花畔雲歌露飲夢
斷了終難再問鴛鴦帶上三生恨將淚揩磨不
盡

三姝媚

煙光搖縹瓦望晴簷多風柳花如灑錦瑟橫床
想淚痕塵影鳳絃常下倦出犀帷頻夢見王孫
騎馬諱道相思偷理綃裙自驚腰袂惆悵南

梅溪詞

汲古閣

樓遙夜記翠箔張燈枕肩歌罷又入銅駝遍舊
家門巷首詢聲價可惜東風將恨與閒花俱謝
記取崔徽模樣歸來暗寫

壽樓春

尋春服
感念

裁春衫尋芳記金刀素手同在晴窗幾度因風
殘絮照花斜陽誰念我今無腸自少年消磨疎
狂但聽雨挑燈歌床病酒多夢睡時粧飛花
去良宵長有絲欄舊曲金譜新腔最恨湘雲人

散楚蘭魂傷身是客愁爲鄉算玉簫猶逢韋郎
近寒食人家相思未忘蘋藻香

于飛樂

鴛鴦
怨曲

綺翼翩翩問誰常借春陂生愁近渚風微紫山
深金殿暝日算同歸白頭相守情雖定事却難
期帶恨飛來煙埋秦草年年枉夢紅衣舊沙
間香頸冷合是單栖將終怨魂何年化連理芳
枝

梅溪詞

十一

汲古閣

南浦

玉樹曉飛香待倩它和愁點破妝鏡輕嫩一天
春平白地都護雨昏煙暝幽花露溼定應獨把
闌干凭謝屐未蠟安排共文鴛重遊芳徑年
來夢裏揚州怕事隨歌殘情赴雲冷嬌盼隔東
風無人會鸞燕暗中心性深盟縱約盡同晴雨
全無定海棠夢在相思過西園秋千紅影

探芳信

謝池曉被酒滯春眠詩繁芳草正一堦梅粉都
未有人埽細禽啼處東風軟嫩約關心早未燒
燈怕有殘寒故園稀到 說道試教了也爲我
相思占它懷抱靜數窗櫺最懂聽鵲聲好半年
白玉臺邊話屢見鈎小指芳期夜月花陰夢老

祝英臺近

或在第九句阻幽會
下分段下二闕做此

柳枝愁桃葉恨前事怕重記紅藥開時新夢又
溱洧此情老去須休春風多事便老去越難回

梅溪詞

汲古閣

避 阻幽會應念偷剪除醺柔條暗繁繁節物
移人春暮更顚顚可堪竹院題詩薜堦聽雨寸
心外安愁無地

又

綰流蘇垂錦綬煙外紅塵逗莫倚莓牆花氣醺
如酒便愁醺醉青虬蜿蜒無力戲穿碎一屏新
綉 謾懷舊如今姚魏俱無風標較消瘦露點
搖香前度剪花手見郎和笑拖裙囟欲去驚

忽地留芳袖

又

落花深芳草暗春到斷腸處金勒驕風欲過大
堤去翠樓暮領西邊恰如曾約画闌映一枝瓊
樹 正凝佇芳意欺月矜春渾欲便偷許多少
顰聲不敢寄愁與謝郎日日西湖如今歸後幾
時見倚簾吹絮

釵頭鳳

向刻清商怨誤
寒食飲綠亭

梅溪詞

汲古閣

春愁遠春夢亂鳳釵一股輕塵滿江煙白江波
碧柳戶清明燕簾寒食憶憶憶 顰聲曉簫聲
短落花不許春拘管新相識休相失翠陌吹衣
画樓橫笛得得得

西江月

閨思

西月澹窺樓角東風暗落簷牙一燈初見影窗
紗又是重簾不下 幽思屢隨芳草閒愁多似
楊花楊花芳草遍天涯綉被春寒夜夜

又賦木犀
香數珠

三十六宮月冷百單八顆香懸只宜結贈散花
天金粟分身顯現 指嫩香隨甲影頸寒秋入
雲邊未忘靈鷲舊因緣贏得今生圓轉

又

一片秋香世界幾層涼雨闌干青天不惜爛銀
盤借與先生爲勸 酒喚詩來酒外人言身在
人間如何得似碧雲閒且共嫦娥相伴

梅溪詞

汲古閣

又舟中趙子楚有詞
見詞即意和之

裙摺綠羅芳草冠梁白玉芙蓉次公筵上見山
公紅綬欲嘶雙鳳 已向水奩約月夏來玉界
藥風凌波襪冷一尊同莫負彩舟涼夢

慶清朝

墜絮擎萍狂鞭孕竹偷移紅紫池亭餘花未落
似供殘蝶經營賦得送春詩了夏惟攏斷綠陰
成桑麻外乳鳩穉燕別樣芳情 荀令舊香易

冷歎俊遊疎嬾枉自銷凝塵侵謝屐幽徑斑駁

苔生便覺寸心尚老故人前度謾丁寧空相悞

祓蘭曲水挑菜東城

桃源憶故人

或刻虞美人影

雙鴛感月天津近歸後嫩情常剗燈市一年愁
凝心共梅花冷 網塵洞戶春沉靜衰盡冶遊
情性羞見素娥嬌影明似愁鸞鏡

又賦梅

梅溪詞

十五

汲古閣

明霞煖透春機杼春在明霞多處我是有詩漁
父一夢秦天古 柳枝巷陌深朱戶牆外風流
一樹十五年來凝佇彈盡胭脂雨

花心動

風約簾波錦機寒難遮海棠煙雨夜酒未蘇春
枕猶歌曾是悵成歌舞半褰薇帳雲頭散奈愁
味不隨香去儘沈靜文園夏渴有人知否 嬾
記溫柔舊處偏只怕臨風見他桃樹繡戶鎖塵

錦瑟空絃無復画眉心緒待拈銀管書春恨被
雙燕替人言語意不盡坐楊幾千萬里

解佩令

人行花場衣沾香霧有新詞逢春分付屢欲傳
情奈燕子不曾飛去倚珠簾詠郎秀句相思
一度穠愁一度最難忘遮燈私語澹月梨花借
夢來花邊廊廡指春衫淚曾濺處

菩薩蠻

夜景

梅溪詞

十六

汲古閣

梨花不礙東城月月明照見空欄雪雪底夜香
微寒簾拜月歸錦衾幽夢短明日南堂宴宴
罷小樓臺春風來不來

又

賦王
薔花

唐昌觀裏東風軟齊王宮外芳名遠桂子典刑
邊梅花伯仲間籠茸鏤暎雪瑣細雕晴月誰
駕七香車綠雲飛玉沙

又賦軟
香

廣寒夜搗玄霜細玉龍睡重凝涎墜關合一團
嬌偎人暝欲消心情雖軟弱也要人搏擲寶
扇莫驚秋班姬應更愁

賀新郎

花落臺池靜自春衫閒來老了舊香荀令酒既
相違詩亦可此外雲沉夢冷又催喚官河蘭艇
軋呖煙霏吹不斷望樓陰欲帶朱橋影和草色
入輕暝裙邊竹葉多應賸怪南溪見後無箇
再來芳信蝴蝶一生花裏活難制竊香心性便
有段新愁隨定落日年年宮樹綠墮新聲玉笛
西風勁誰伴我月中聽

又

綠障南城樹有高樓街城樓下菱荷無數客自
倚闌魚亦避恐是持竿伴侶對別浦扁舟客與
楊柳影間風不到倩詩情飛過鴛鴦浦人正在
斷腸處兩山帶著冥冥雨想低簾短額誰見

恨時眉無別爲清尊眠錦瑟怕被歌留愁住便
欲趁採蓮歸去前度劉郎雖老矣奈年來猶道
多情句應笑殺舊鷗鷺

又

鵲翅西風淺乍疎雲坐慢近月銀鈎將捲天上
應閒支機石前度芳盟誰踐便好織回文錦獻
乞得穠歡今夜裏算盈盈一水曾何遠寧不會
暗相見 綵樓吹斷閒針線想幽情嫩約別有
梅溪詞 十八 汲古閣
鮮庭花院青鳥沉沉音塵絕煙鎖蓬萊宮殿漸
木杪參旗西轉不怕天孫成間阻怕人間薄倖
心腸變又學得易分散

又 六月十五日
夜西湖月下

同住西山下是天地中間愛酒能詩之社船向
少陵佳處放塵世必無知者暑不到雪宮風榭
楚竹忽然呼月上被東西幾葉雲縈惹雲散去
笑聲罷 清尊莫爲嬋娟瀉爲狂吟醉舞毋失

晉人風雅踏碎橋邊楊柳影不聽漁樵閒話更
欲舉空盃相謝北斗以南如此幾想吾曹便是
神仙也問今夜是何夜

又 湖上高賓王
題子登同賦

西子相思切委蕭蕭風裳水珮照人清越山染
蛾眉波鼻睭聊可與之娛悅便莫賦湘妃羅襪
怕見綠荷相倚恨恨白鷗占了涼波濶揀涼處
放船歇 道人不是塵埃物縱狂吟魂魄吹亂
梅溪詞 十九 汲古閣
一巾涼髮不覺引盃澆肺渴正要清歌駭發夏
坐上其人冰雪截取斷虹堪作釣待玉奩今夜
來時節也勝釣石城月

夜合花 賦
笛

冷截龍腰偷拏鸞爪楚山長鎖秋雲梅華未落
年年怨入江城千嶂碧一聲清杜人間兒女簫
笙共淒涼處琵琶湓浦長嘯蘇門 當時低度
西鄰天澹闌干欲算曾賦高情子期老矣不堪

帶酒重聽纖手靜七星明有新聲應更魂驚夢
回人世寥寥夜月空照天津

又

柳鎖鶯魂花翻蝶夢自知愁染潘郎輕衫未攬
猶將淚點偷藏念前事怯流光早去春窺酥雨
池塘向銷凝裏梅開半面情滿徐妝風絲一
寸柔腸曾在歌邊惹恨燭底縈香芳機瑞錦如
何未織鴛鴦醉扶人月依牆是當初誰敢疎狂
梅溪詞
二十
汲古閣

留春令

金林
橋詠

秀肌豐靨韵多香足綠勻紅注剪取東風入金
盤斷不買臨叩賦宮錦機中春富裕勸玉環
休妬等得明朝酒消時是閒澹雍容處

又
詠梅
花

故人溪上挂愁無奈煙稍月樹一涓春水點黃
昏便沒頓相思處曾把芳心深相許故夢勞

詩苦聞說東風亦多情被竹外香留住

瑞鶴仙

杏煙嬌溼鬢過杜若汀洲楚衣香潤回頭翠樓
近指鴛鴦沙上暗藏春恨歸鞭隱隱便不念芳
盟未穩自簫聲吹落雲東再數故園花信誰
問聽哥窗罅倚月釣欄舊家輕俊芳心一寸相
思後總灰盡奈春風多事吹花搖柳也把幽情
喚醒對南溪桃萼翻紅又成瘦損

梅溪詞

汲古閣

又
賦紅
梅

館娃春睡起爲發妝酒煖臉霞輕膩冰霜一生
裏厭從來冷澹粉腮重洗胭脂暗試便無限芳
穠氣味向黃昏竹外寒深醉裏爲誰偷倚嬌
媚春風模樣霜月心腸瘦來肌體孤香細細吹
夢到杏花底被高樓橫箴一聲驚斷却對南枝
灑淚謾相思桃葉桃根舊家姊妹

點絳脣

花落苔香斷無人肯行鸛鷺晚風翻繡吹醒東窗酒獨臥鸛鷺明月知人瘦香消後亂愁依舊開□胡酥手

又
六月十四夜與社友泛湖過西陵橋已子夜矣

山月隨人翠蘋分破秋山影約舡歸盡橋外詩心迥多少荷花不蓋鴛鴦冷西風定可憐潘鬢偏漫秦臺鏡

青玉案

梅溪詞

汲古閣

蕙花老盡離騷句綠染遍江頭樹日午酒消聽驟雨青榆錢小碧苔錢古難買東君住官河不礙遺鞭路被芳草將愁去多定紅樓簾影暮蘭燈初上夜香初炷猶自聽鸛鷺

浣溪沙

不見東山月露香姚家借得小芬芳亂鴛隨趁過宮牆香珀碾花嬌有意綠茸綉葉澀無光御封春酒幾時嘗

蝶戀花

二月東風吹客袂蘇小門前楊柳如腰細胡蝶識人遊冶地舊曾來處花開未幾夜湖山生夢寐評泊尋芳只怕春寒裏令歲清明逢上已相思先到濺裙水

臨江仙

草脚青回細膩柳梢綠轉條苗舊遊重到合魂銷棹橫春水渡人凭赤闌橋歸夢有時曾見

梅溪詞

汲古閣

新愁未肯相饒酒香紅被夜迢迢莫交無用月來照可憐宵

又

倦客如今老矣舊時不奈春何幾曾湖上不經過看花南陌醉駐馬翠樓詞遠眼愁隨芳草湘裙憶著春羅枉教裝得舊時多向來簫鼓地猶見柳婆娑

又
思

愁與西風應有約年年同赴清秋舊遊簾幙記
揚州一燈人著夢雙雁月當樓 羅帶鴛鴦塵
暗澹更須整頓風流天涯萬一見溫柔瘦應因
此瘦羞亦爲郎羞

漢宮春

友人與星娘雅有舊分別
去則黃冠矣托予寄情

花隔東垣詠燕臺秀句結帶謀歡囟舊盟有
限飛夢重關南唐夜月照湘琴別鶴孤鸞天便
遣清愁易長春衣常恁香寒 唐昌故宮何許
梅溪詞 二十 汲古閣
頓剪霞裁霧擺落塵綠一聲步虛婉婉雲駐天
壇淒涼故里想香車不到人間羞再見東陽帶
眼教人依舊思凡

蘭陵王

南湖同碧蓮見
寄是筆次韵

漢江側月弄仙人珮色含情久擢吳楚衣天水
空濛染嬌碧文漪簾影織涼骨時將粉飾誰曾
見羅襪去時點點波間冷雲積 想思舊飛鷁
謾想像風裳追恨瑤席涉江幾度和愁摘記雪

映雙腕刺縈絲縷分開綠蓋素袂溼放新句吹
入 寂寂意猶昔念淨社因緣天許相覓飄蕭
羽扇搖團白屢側臥尋夢倚欄無力風標公子
欲下處似認得

風入松

茉莉花

素馨拊萼太寒生多剪春水夜深綠霧侵涼月
照晶晶花葉分明人臥碧紗幮淨香吹雪練衣
輕 頻伽嘶得墮南薰不受纖塵若隨荔子華
梅溪詞 十五 汲古閣
清去定空埋身外芳名借重玉爐沉炷起予石
鼎湯聲

隔浦蓮

紅塵飛不到處此地知無暑亂竹分幽徑虛堂
中自回互陰聲生暗霧飛泉注氣入閒尊俎快
風度 齊宮楚榭如今空鎖煙樹何人伴我夢
賦雪車水柱惟有蟬聲助冷語驚寤飛雲來獻
涼雨

又荷

洛神一醉未醒俯鑑窺紅影萬綠森相衛西風
靜不放冷侵曉鷗夢穩非塵境棹月香千頃錦
機靚亭亭不語多應嗔賦玉井西湖遊子慣
識雨愁煙恨只恐吳娃暗折贈耿耿柔絲容易
縈損

鳳來朝

五日感事

暈粉就妝鏡掩金閨絲絲未整趁無人學指鴛

梅溪詞

二十六

汲古閣

顰頸恨誰踏蘚花逕一夢蒲香葵冷墮銀瓶
脆繩挂井扇底并團圓影只此是沈郎病

玉簫涼

秋是愁鄉自錦瑟斷絃有淚如江平生花裏活
奈舊夢難忘藍橋雲樹正綠料抱月幾夜眠香
河漢阻但鳳音傳恨欄影敲涼新妝蓮嬌試
曉梅瘦破春因甚却扇臨窗紅巾銜翠翼早弱
水茫茫柔指各自未剪問此去莫負王昌芳信

準更敢尋紅杏西廂

鵲橋仙

七夕舟中

河深鵲冷雲高鸞遠水珮風裳縹緲却推離恨
下人間第一個黃昏過了舟行有限愁來無
限去去長安漸杳應將巧思入相思覺淚比銀
灣較少

湘江靜

葦草堆青雲浸浦記囟囟倦篙曾駐漁榔四起

梅溪詞

二十七

汲古閣

沙鷗未落怕愁沾詩句碧袖一聲謔石城怨西
風隨去滄波蕩晚菰蒲弄秋還重到斷魂處
酒易醒思正苦想空山桂香懸樹三年夢冷孤
吟意短屢煙鍾津鼓展齒厭登臨移橙後幾番
涼雨潘郎漸老風流頓減閒居未賦

玲瓏四犯

雨入愁邊翠樹晚無人風葉如剪竹尾通涼却
怕小簾低捲孤坐便怯詩慙念後賞舊曾題遍

更暗塵偷鎖鸞影心事屢羞團扇 賣花門館
生秋草悵弓彎幾時重見前歡盡屬風流夢天
笑朱樓遠聞道秀骨病多難自任從來恩怨料
也和前度金籠鸚鵡說人情淺

又京口寄所思

濶甚吳天頓放得江南離緒多少一雨爲秋涼
氣小窗先到輕夢聽徹風蒲又散入楚空清曉
問世間愁在何處不離澹煙衰草 簾紋獨漫

梅溪詞

二十八

汲古閣

芙蓉影想淒淒欠郎偎抱卽今臥得雲衣冷山
月仍相照方悔翠袖易分難聚有玉香花笑待
雁來先寄新詞歸去且教知道

八歸

秋江帶雨寒沙縈水人瞰画閣愁獨煙簑散響
驚詩思還被亂鷗飛去秀句難續冷眼盡歸圖
画上認隔岬微茫雲屋想半屬漁市樵村欲算
競燃竹 須信風流未老憑持酒慰此淒涼心

目一鞭南陌幾篙官渡賴有歌眉舒綠只箇箇
眺遠早覺閒愁挂喬木應難奈故人天際望徹
淮山相思無雁足

過龍門

一帶古苔牆多聽寒蟬篋中針線早銷香燕尾
寶刀窗下夢誰剪秋裳 宮漏莫添長空費思
量鴛鴦難得再成雙昨夜楚山花簾裏波影先
涼

梅溪詞

二十九

汲古閣

又春愁

醉月小紅樓錦瑟筵篋夜來風雨曉來收幾點
落花饒柳絮同爲春愁 寄信問晴鷗誰在芳
洲綠波寧處有蘭舟獨對舊時攜手地情思悠
悠

玉蝴蝶

晚雨未摧宮樹可憐閒葉猶抱涼蟬短景歸秋
吟思又接愁邊漏初長夢魂難禁人漸老風月

俱寒想幽歡二花庭甃蟲網闌干 無端啼蛄
攪夜恨隨團扇苦近秋蓮一笛當樓謝娘懸淚
立風前故園晚強留詩酒新雁遠不致寒暄隔
蒼煙楚香羅袖誰伴嬋娟

齊天樂

白髮

秋風早入潘郎鬢斑斑遽驚如許暝雪侵梳晴
絲拂領栽滿愁城深處瑤簪謾妬便羞插宮花
自憐衰暮尙想春情舊吟淒斷茂陵女 人間

梅溪詞

三十

汲古閣

公道惟此歎朱顏也恁容易墮去涅子重緇搔
來更短方悔風流相悞郎潛幾縷漸疎了銅駝
俊遊儔侶縱有黥黥奈何詩思苦

又秋興

闌干只在鷗飛處年年怕吟秋興斷浦沉雲空
山挂雨中有詩愁千頃波聲未定望舟尾拖涼
渡頭龍暝正好登臨有人歌罷翠簾冷 悠然
魂墮故里奈閒情未了還被吹醒拜月虛簷聽

蛩壞砌誰復能憐嬌俊憂心耿耿寄桐葉芳題
冷風新詠莫遣秋聲樹頭喧夜永

又賦橙

犀紋隱隱顰黃嫩籬落翠深偷見細雨重移新
霜試摘佳處一年秋晚荆江未遠想橘友荒涼
木奴嗟怨就說風流草泥來赴蟹螯健 并刀
寒映素手醉魂沉夜飲曾倩排遣沆瀣含酸金
甕聚玉菽蔌吳鹽輕點瑤姬齒軟待惜取團圓

梅溪詞

三十一

汲古閣

莫教分散入手溫杼帕羅香自滿

又湖上卽席分韻得羽字

鴛鴦拂破蘋花影低低趁涼飛去画裏移舟詩
邊就夢葉葉碧雲分雨芳游自許過柳影閒波
水花平渚見說西風爲人吹恨上瑤樹 闌干
斜照未滿杏牆應望斷春翠儵聚淺約按香深
盟搗月誰是窗間青羽孤筇幾柱問因甚參差
斲成離阻夜色空庭待歸聽俊語

又中秋宿
真定驛

西風來勸涼雲去天東放開金鏡照野霜凝入
河桂溼一一冰壺相映殊方路永更分破秋光
盡成悲境有客躊躇古庭空自吊孤影江南
朋舊在許也能憐天際詩思誰領夢斷刀頭書
開蠶尾別有相思隨定憂心耿耿對風鵲殘枝
露蛩荒井斟酌姮娥九秋官殿冷

燕婦梁

梅溪詞

三十二

汲古閣

楚夢吹成樹外雲乍雁影斜分黃花心事一簾
塵但頻憶小腰身今宵素壁冰絃冷怕彈斷
沈郎魂秋衣因甚滿愁痕是午預幾黃昏

又

獨臥秋窗桂未香怕雨點飄涼玉人只在楚雲
傍也著淚過昏黃西風今夜梧桐冷斷無夢
到鴛鴦秋鉦二十五聲長請各自奈思量

月當廳

白壁舊帶秦城夢因誰拜下楊柳樓心正是夜
分魚鑰不動香深時有露螢自照占風裳可喜
影麈金坐來久都將涼意盡付沉吟殘雲事
緒無人捨恨箇箇藥娥歸去難尋綴取霧窗曾
唱幾拍清音猶有老來印愁處冷光應念雪翻
簪空獨對西風緊弄一井桐陰

秋霽

江水蒼蒼望倦柳愁荷共感秋色廢閣先涼古

梅溪詞

三十三

汲古閣

簾空算雁程最嫌風力故園信息愛渠入眼南
山碧念上國誰是鱸鱸江漢未歸客還又歲
晚瘦骨臨風夜聞秋聲吹動岑寂露蛩悲清燈
冷屋翻書愁上鬢毛白年少俊遊渾斷得但可
憐處無奈冉冉魂驚採香南浦剪梅煙驛

滿江紅
中秋夜湖

萬水歸陰故潮信盈虛因月偏只到涼秋半破
鬪成雙絕有物揩磨金鏡淨何人拏撈銀河決

想子胥今夜見嫦娥沉冤雪 光直下蛟龍穴
聲直上蟾蜍窟對望中天地洞然如刷激氣已
能驅粉黛舉盃便可吞吳越待明朝說似與兒
曹心應折

又書懷

好領青衫全不向詩書中得還也費區區造物
許多心力未暇買田清潁尾尚須索米長安陌
有當時黃卷滿前頭多慙德 思往事嗟兒劇
梅溪詞 三十四 汲古閣
憐牛後懷雞肋奈稜稜虎豹九重九隔三徑就
荒秋自好一錢不直貧相逼對黃花常待不吟
詩詩成癖

又九月二十一日出京懷古

緩轡西風歎三宿遲遲行客桑梓外鋤耒漸入
柳坊花陌雙闕遠騰龍鳳影九門空鎖鸞鸞翼
更無人擲笛傷宮牆苔花碧 天相漢民懷國
天厭虜臣離德趙建瓴一舉并收鰲極老子豈

無經世術詩人不預平戎策辨一襟風月看昇
平吟春色

戀繡衾

吳梅初試澗谷春夜幽幽江雁叫雲人正在孤
窗底被穠愁熏破醉魂 雨窗只剩殘燈影伴
羅衣無限淚痕瘦骨怕紅綿冷說年時斗帳夜
分

又

梅溪詞 三十五 汲古閣

黃華驚破九日愁正寒城風雨怨秋愁便是秋
心也又隨人來到画樓 因緣幸自天安頓更
題紅不禁御溝待寫與相思話爲怕奴顚顚且
休

又席上夢錫漢章同賦

天風入扇吹苧衣小紅樓夜氣正微有人在水
絃外水精簾花影自移 陽臺只是虛無夢便
不成涼夜誤伊想閒了瑠璃簾就一身明月伴

歸

換巢鸞鳳 梅意。花
菴作春情

人若梅嬌正愁橫斷塢夢繞谿橋倚風融漢粉
坐月怨秦簫相思因甚到纖腰定知我今無魂
可銷佳期晚謾幾度淚痕相照 人悄天眇眇
花外語香時透郎懷抱暗握萸苗乍嘗櫻顆猶
恨侵階芳草天念王昌忒多情換巢鸞鳳教偕
老溫柔鄉醉芙蓉一帳春曉

梅溪詞

三十六

汲古閣

惜奴嬌

香剝酥痕自昨夜春愁醒高情寄冰橋雪嶺試
約黃昏便不悞春昏信人靜倩嬌娥留連秀影
吟鬢簪香已斷了多情病年年待將春管領
鏤月描雲不枉了閒心性謾聽誰敢把紅顏比
竝

龍吟曲 卽水龍吟。
問梅劉去。

夜寒幽夢飛來小梅影下東風曉蝶魂未冷吾

身良是悠然一笑竹杖敲苔布鞵踏凍歲常先
到傍蒼林却恨儲風養月須我輩新詩吊 永
以南枝爲好怕從今逢花漸老愁消秀句寒回
斗酒春心多少之子逃空伊人遯世又還驚覺
但歸來對月高情耿耿寄白雲杪

又雪

夢回虛白初生便疑冷月通窗戶不知夜久都
無人見玉妃起舞銀界回天瓊田易地晃然非

梅溪詞

三十七

汲古閣

故想兒童健意生愁霽色情頻在窺簾處 一
片樵林釣浦是天教王維画取未如授簡先將
高興收歸妙句江路梅愁灞陵人老又騎驢去
過章臺記得春風乍見倚簾吹絮

又 陪節欲行
留別社友

道人越布單衣興高愛學蘇門嘯有時也伴四
佳公子五陵年少歌裏眠香酒酣喝月壯懷無
撓楚江南每爲神州未復欄干靜慵登眺 今

日征夫在道敢辭勞風沙短帽休吟稷穗休尋
喬木獨憐遺老同社詩囊小窗針線斷腸秋早
看歸來幾許吳霜染鬢愁多少

鷓鴣天

睡袖無端幾摺香有人丹臉可占霜半窗月印
梅猶瘦一律餅筵夜正長情豔豔酒狂狂小
屏誰與画鴛鴦解衣恰恨敲金釧驚起春風傷

枕囊

梅溪詞

三十八

汲古閣

又

御路東風拂醉衣賣燈人散燭籠稀不知月底
梅花冷只憶橋邊步襪歸閒夢淡舊游非夜
深誰在小簾幃里恩兒下團爐坐明處將人立
地時

又

搭柳闌干倚佇頻杏簾蝴蝶繡床春十年花骨
東風淚幾點螺香素壁塵簫外月夢中雲秦

樓楚殿可憐身新愁換盡風流性偏恨鴛鴦不
念人

又 衛縣道中
有懷其人

雁足無書古塞幽一程煙草一程愁帽簷塵重
風吹野帳角香銷月滿樓情思亂夢魂浮緬
裙多憶弊貂裘官河水靜闌干暝徙倚斜陽怨
晚秋

惜黃花 九月七日
定興道中

梅溪詞

三十九

汲古閣

涵秋寒渚染霜丹樹尚依稀是來時夢中行路
時節正思家遠道仍懷古更對著滿城風雨
黃花無數碧雲欲算美人兮美人兮未知何處
獨自捲簾櫳誰爲開尊俎恨不得御風歸去

玉燭新

疎雲縈碧岫帶晚日搖光半江寒皺越溪近遠
空頻向過雁風邊回首酸心一縷念水北尋芳
歸後輕醉醒隄月籠沙鞍鬆寶輪飛驟秦樓

屢約芳春記扇背題詩怕羅沾酒瘦愁易就因
驚斷夢裏桃源難又臨風話舊想日暮梅花孤
瘦還靜倚修竹相思盈盈翠袖

一剪梅

誰寫梅谿字字香沙邊幽夢常恁芬芳不如花
解伴昏黃只怕東風吹斷人腸小閣無燈月
浸窗香吹羅袖酒映宮妝如今竹外怕思量谷
裏佳人一片冰霜

梅溪詞

四十

汲古閣

又 追感

秦客當樓泣鳳簫宮衣香斷不見纖腰隔年心
事又今宵折盡冰絃何用鸞膠些子輕魂幾
度銷蘭騷惹些無計重招東窗一段月華嬌也
帶春愁飛上梅梢

醉落魄

鴛鴦意愜空分付有情眉睫齊家蓮子黃金葉
爭比秋苔靴鳳幾番躡牆陰月白花重疊窗

幽軟語屢驚怯宮香錦字將盈篋雨長新寒今
夜夢魂接

又 浙江送人時子
振之官越幕

江痕妥貼日光熨動黃金葉闌干直下愁相接
一朶紅蓮飛上越人楫鯉魚波上丁寧切詩
筒如綫不曾別明年好箇春風客五鶚交飛身
在玉皇闕

醉公子 詠梅寄南
湖先生

梅溪詞

四十一

汲古閣

神仙無皐澤瓊裾珠珮卷下塵陌秀骨依依誤
向山中得與相識溪峴側倚高情自鎖煙翠時
點空碧念香襟沾恨酥手剪愁今後夢魂隔
相思暗驚清吟客想玉照堂前樹三百雁翅霜
輕鳳羽寒深誰護春色詩鬢白總多因水村攜
酒煙墅留屐夏時帶明月同來與花爲表德

步月

剪柳章臺問梅東閣醉中攜手初歸逗香簾下

璀璨鏤金衣正依約冰絲射眼更在萼蟾玉西
飛輕塵外雙鴛細感誰賦洛濱妃 霏霏紅霧
繞步搖共鬢影吹入花圍管絃將散入靜燭籠
稀泥私語香櫻乍破怕夜寒羅襪先知歸來也
相偎未肯入重幃

余幼讀此詞便心醉梅溪今讀其全集

如醉玉生春柳髮極月等語則柳昏花
暝之句又不足多矣姜白石稱其奇秀清逸

梅溪詞

四十二

汲古閣

有李長吉之前蓋能融情景于一家會句
意于兩得豈易及耶 湖南毛晉識

梅溪詞 終

題白石詞

姜夔字堯章自號白石道人中

興詩家名流其歲除舟行十絕

膾炙人口詞極精妙不減清真

白石詞序

一

汲古閣

樂府其間高處有美成所不能
及善吹簫自製曲初則率意為
長短句然後協以音律云居鄞
陽進樂書免解不第而卒花菴

詞客題

白石詞序

汲古閣

白石詞

目錄

探春慢 一調

一萼紅 一調

揚州慢 一調

驀山溪 一調

點絳脣 一調

暗香 一調

疎影 一調

長亭怨慢 一調

齊天樂 一調

小重山令 一調

鷓鴣天 三調

憶王孫 一調

白石詞目

湘月 一調

念奴嬌 一調

惜紅衣 一調

琵琶仙 一調

秋宵吟 一調

少年遊 一調

鬲溪梅令 一調

淒涼犯 一調

翠樓吟 一調

清波引 一調

法曲獻仙音 一調

玲瓏四犯 一調

淡黃柳 一調

側犯 一調

眉嫵 一調

石湖仙 一調

汲古閣

解連環 一調 玉梅令 一調

踏莎行 一調 八歸 一調

白石詞目

汲古閣

白石詞目錄

終

白石詞

宋 姜夔

探春慢

過苕霅別鄭次阜諸君

衰草愁煙亂鴉送日風沙回旋平野拂雪金鞭
欺寒茸帽還記章臺走馬誰念漂零久謾贏得
幽懷難寫故人清沔相逢小窗閒共情話長
恨離多會少重訪問竹西珠淚盈把雁磧沙平
漁汀人散老去不堪遊冶無奈苕溪月又喚我

白石詞

汲古閣

扁舟東下甚日歸來梅花亂零春夜

一萼紅

人日長沙登定王臺

古城陰有官梅幾許紅萼未宜簪池面冰膠牆
腰雪老雲意還又沉沉翠藤共閒穿徑竹漸笑
語驚起臥沙禽野老林泉故王臺榭呼喚登臨
南去北來何事蕩湘雲楚水目極傷心朱戶
黏雞金盤簇燕空嘆時序侵尋記曾共西樓雅
集想坐桺還裊萬絲金待得歸鞍到時只怕春

深

揚州慢

中呂宮。淳熙丙申至日余過維揚夜雪初霽齊麥彌望入其城則四顧蕭條寒水自碧暮色漸起戍角悲吟予懷愴然感慨今昔因自度此曲千巖老人以爲有黍離之悲也。此後凡載宮調者並是自製曲

淮左名都竹西佳處解鞍少駐初程過春風十里盡齊麥青青自胡馬窺江去後廢池喬木猶

厭言兵漸黃昏清角吹寒都在空城杜郎俊賞算如今重到須驚縱豈翫詞工青樓夢好難

白石詞

汲古閣

賦深情二十四橋仍在波心蕩冷月無聲念橋

邊紅藥年年知爲誰生

驀山溪

題錢氏溪月

與鷗爲客綠野留吟屐兩行柳垂陰是當年仙

翁手植一亭寂莫煙外帶愁橫荷蕁蕁展涼雲

橫臥虹千尺才因老盡秀句君休覓萬綠正

迷人夏愁入山陽夜笛百年心事惟有玉欄知

吟未了放船回月下空相憶

點絳脣

丁未冬過吳松

燕雁無心太湖西畔隨雲去數峰清苦商略黃

昏雨第四橋邊擬某天隨住今何許凭闌懷

古殘柳參差舞

暗香

仙呂宮。辛亥之冬余載雪詣石湖止既月授簡索句且徵新聲作此兩

曲石湖把玩不已使工妓隸習之音節諧婉乃命之曰暗香疎影

舊時月色算幾番照我梅邊吹笛喚起玉人不

管清寒與攀摘何遜而今漸老都忘却春風詞

白石詞

汲古閣

筆但怪得竹外疎花香冷入瑤席江國正寂

寂嘆寄與路遙夜雪初積翠尊易泣紅萼無言

耿相憶長記曾攜手處千樹壓西湖寒碧又片

片次盡也幾時見得

疎影

仙呂宮

苔枝綴玉有翠禽小小枝上同宿客裏相逢籬

角黃昏無言自倚脩竹昭君不慣胡沙遠但暗

憶江南江北想珮環月夜歸來化作此花幽獨

猶記深宮舊事那人正睡裏飛近蛾綠莫侶
春風不管盈盈早與安排金屋還教一片隨波
去又却怨玉龍哀曲等恁時重覓幽香已入小
窗橫幅

長亭怨慢

中呂宮。桓大司馬云昔年種柳依依漢南今看搖落悽愴江

潭樹猶如此人何以堪此語余深愛之

漸吹盡枝頭香絮是處人家綠深門戶遠浦繁
迴算帆零亂向何許問人多矣誰得似長亭樹

白石詞

四

汲古閣

樹若有情時不會得青青如此日算望高城
不見只見亂山無數韋郎去也怎記得玉環分
付第一是早早歸來怕紅萼無人爲主算只有
并刀難剪離愁千縷

齊天樂

蟋蟀中都呼爲促織

庾郎先自吟愁賦淒淒夏聞私語露濕銅鋪苔
侵石井都是會聽伊處哀音似訴正思婦無眠
起尋機杼曲曲屏山夜涼獨自甚情緒西窗

又吹暗雨爲誰頻斷續相和砧杵候館吟秋離
宮吊月別有傷心無數幽詩謾與笑離落呼燈
世間兒女寫入琴絲一聲聲更苦宣政間有士大夫製蟋蟀吟

小重山令

潭州紅梅

人繞湘皋月墜時斜橫花樹小浸愁漪一春幽
事有誰知東風冷香遠茜裙歸鷗去昔遊非
遙憐花可可夢依依九疑雲杳斷魂啼相思血

白石詞

五

汲古閣

都沁綠筠枝

鷓鴣天

元夕不出

憶昨天街預賞時柳慳梅小未教知而今正是
歡遊夕却怕春寒自掩扉簾寂寂月低低舊
情唯有絳都詞芙蓉影暗三更後臥聽鄰娃笑
語歸

又

若溪記所見

京洛風流絕代人因何風絮落溪津籠鞬淺出

鴉頭韞知是凌波縹緲身 紅乍笑綠長頻與
誰同度可憐春鴛鴦獨宿何曾慣化作西樓一
縷雲

又十六
夜出

輦路珠簾兩行垂千枝銀燭舞僛僛東風歷歷
紅樓下誰識三生杜牧之 歡正好夜何其明
朝春過小桃枝鼓聲漸遠遊人散惆悵歸來有
月知

白石詞

汲古閣

憶王孫

番陽彭氏小樓

六

冷紅葉葉下塘秋長與行雲共一舟零落江南
不自由兩綢繆料得吟鸞夜夜愁

湘月

雙調。卽念奴嬌之隔指聲也

五湖舊約問經年底事長負清景暝入西山漸
喚我一葉夷猶乘興倦網都收歸禽時度月上
汀洲冷中流客與画橈不點清鏡 誰解喚起
湘靈煙鬟霧鬢理哀絃鴻陣玉塵談玄歎坐客

多少風流名勝暗柳蕭蕭飛星冉冉夜久知秋
信鱸魚應好舊家樂事誰省

念奴嬌

吳興荷花

開紅一舸記來時長與鴛鴦爲侶三十六陂人
未到水佩風裳無數翠葉吹涼玉容消酒更灑
菰蒲雨嫣然搖動冷香飛上詩句 日暮青蓋
亭亭情人不見爭忍凌波去只恐舞衣寒易落
愁入西風南浦高柳垂陰老魚吹浪留我花間

白石詞

七

汲古閣

住田田多少幾回沙際歸路

惜紅衣

吳興荷花無射宮

簾枕邀涼琴書換日睡餘無力細灑冰泉并刀
破甘碧牆頭喚酒誰問訊城南詩客岑寂高樹
晚蟬說西風消息 虹梁水陌魚浪吹香紅衣
半狼籍維舟試望故國渺天北可憎渚邊沙外
不共美人遊歷問甚時同賦三十六陂秋色

琵琶仙

吳興感遇

雙槳來時有人似舊曲桃根桃葉歌扇輕約飛
花蛾睂正奇絕春漸遠汀洲自綠更添了幾聲
啼鴂十里揚州三生杜牧前事休說 又還是
宮燭分煙奈愁裏箇箇換時節都把一襟芳思
與空階榆莢千萬縷藏鴉細柳爲玉尊起舞迴
雪想見西出陽關故人初別

秋宵吟

越調

古簾空墜月皎坐久西窗人悄蛩吟苦漸漏永

白石詞

入

汲古閣

丁丁箭壺催曉引涼颼動翠葆露脚斜飛雲表
因嗟念似去國情懷草帆煙草帶眼銷磨爲
近日愁多頓老衛娘何在宋玉歸來兩地暗縈
繞搖落江楓早嫩約無憑幽夢又杳但盈盈淚
灑單衣今夕何夕恨未了

少年遊

越調

雙螺未合雙蛾先歛家在碧雲西別母情懷隨
郎滋味桃葉渡江時扁舟載了箇箇去今夜

泊前溪楊柳津頭梨花牆外心事兩人知

鬲溪梅令

仙呂調。無錫歸寓意。

好花不與殢香人浪艸鄰又恐春風歸去綠成
陰玉鈿何處尋木蘭雙槳夢中雲水橫陳謾
向孤山山下覓盈盈翠禽啼一春

淒涼犯

仙呂調犯商調。合肥秋夕。

綠楊巷陌西風起邊城一片離索馬嘶漸遠人
歸甚處戍樓吹角情懷正惡更衰草寒煙淡薄
白石詞

九

汲古閣

似當時將軍部曲迤邐度沙漠追念西湖上
小舫攜歌晚花行樂舊遊在否想如今翠凋紅
落謾寫羊裙等新雁來時繫著怕箇箇不肯寄
與悞後約

翠樓吟

雙調。武昌安遠樓成。

月冷龍沙塵清虎落今年漢酺初賜新翻胡部
曲聽氍毹幕元戎歌吹層樓高峙看檻曲縈紅簷
牙飛翠人姝麗粉香吹下夜寒風細此地宜

有詞仙擁素雲黃鶴與君遊戲玉梯凝望久歎
芳草萋萋千里天涯情味仗酒被清愁花嬌英
氣西山外晚來還捲一簾秋霽

清波引 梅

冷雲迷浦倩誰喚玉妃起舞歲華如許野梅弄
睂嫵展齒印蒼蘚漸爲尋花來去自隨秋雁南
來望江國渺何處新詩謾與好風景長是暗
度故人知否抱幽恨難語何時笑漁艇莫負滄
白石詞 十 汲古閣

浪煙雨況有清夜啼猿怨人良苦

法曲獻仙音 張彥功
官舍

虛閣籠寒小簾通月暮色偏憐高處樹隔離宮
水平馳道湖山盡入尊俎奈楚客淹留久砧聲
帶愁去屢回顧過秋風未成歸計誰念我重
見冷楓紅舞喚起淡粧人問逋仙今在何許象
筆鸞牋甚而今不道秀句怕平生幽恨化作沙
邊煙雨

玲瓏四犯 越中歲暮聞
蕭鼓感懷

疊鼓夜寒坐燈春淺匆匆時事如許倦遊歡意
少俛仰悲今古江淹又吟恨賦記當時送君南
浦萬里乾坤百年身世惟有此情苦楊州柳
垂官路有輕盈喚馬端正窺戶酒醒明月下夢
逐潮聲去文章信美知何用謾贏得天涯羈旅
教說與春來要尋花伴侶

淡黃柳 正平調近
客合肥

白石詞 十一

汲古閣

空城曉角吹入垂楊陌馬上單衣寒惻惻看盡
鵝黃嫩綠都是江南舊相識正岑寂明朝又
寒食強攜酒小橋宅怕梨花落盡成秋色燕燕
飛來問春何在唯有池塘自碧

側犯 詠芍
藥

恨春易去甚春却向揚州住微雨正繭栗稍頭
弄詩句紅橋二十四總是行雲處無語漸半脫
宮衣笑相顧金壺細葉千朵圍歌舞誰念我

鬢成絲來此芙蓉。後日西園綠陰無數。寂寞

劉郎自修花譜

眉嫵

亦名百宜嬌。戲張仲遠。

看垂楊連苑。杜若吹沙。愁損未歸眼。信馬青樓
去。重簾下。娉婷人妙。飛燕翠尊。共款聽豔歌郎
意。先感便攜手。月地雲堦裏。愛良夜微燠。無
限風流疎。鼓有暗藏弓。履偷寄香翰。明日聞津
鼓。湘江上。催人還解春纜。亂紅萬點。悵斷魂煙
白石詞

汲古閣

水遙遠。又爭似相攜。乘一舸。鎮長見

石湖仙

越調。壽石湖居士。

松江煙浦。是千古三高遊衍佳處。須信石湖仙
侶。鳴夷翩然引去。浮雲安在。我自愛綠香紅舞。
容與看世間。幾度今古。盧溝舊曾駐馬。爲黃
花閒吟秀句。見說胡兒也。學綸巾。飲雨玉友金
蕉。玉人金縷。緩移箏柱。聞好語。明年定在槐府

解連環

玉鞍重倚。却沉吟未上。又縈離思。爲大喬能撥

春風小。喬妙移箏。雁啼秋水。柳怯雲鬆。更何必

十分梳洗。道郎攜羽扇。那日隔簾半面。曾記

西窗夜涼雨霽。歎幽歡未足。何事輕棄。問後約

空指舊徽。算如此溪山。甚時重至。水驛燈昏。又

見在曲屏近底。念惟有夜來皓月。照伊自睡

玉梅令

高平調。石湖畏寒不出。作此戲之。

疎疎雪片。散入溪南苑。春寒鎖舊家亭館。有玉

白石詞

十一

汲古閣

梅幾樹。背立怨東風。高花未吐。暗香已遠。公

來領客。梅花能勸。花長好。願公更健。便揉春爲

酒。剪雪作新詩。拚一日。繞花千轉。

踏莎行

金陵感夢。

燕燕輕盈。鶯鶯嬌軟。分明又向華胥見。夜長爭
得薄情知。春初早被相思染。別後書詞別時
針線。離魂暗逐。郎行遠。淮南皓月冷千山。冥冥
歸去無人管。

八歸

湘中送胡德華

芳蓮墜粉疎桐吹綠庭院暗雨乍歇無端抱影
銷魂處還見篠牆螢暗蘚階蛩切送客重尋西
去路問水面琵琶誰撥最可惜一片江山總付
與啼鴂長恨相從未款而今何事又對西風
離別渚寒煙淡棹移人遠縹緲行舟如葉想文
君望久倚竹愁生步羅襪歸來後翠尊雙飲下
了珠簾玲瓏閒看月

白石詞

十四

汲古閣

白石詞盛行於世多逸五湖舊約及燕雀

無心諸詞前人云花菴極愛白石選錄至遺

既讀絕妙初選果一一具載真完璧也范石

湖評其詩云有裁雲健月之妙亦獻金曼

玉之奇聲予于其詞云云商東夫于少年

官游中獨賞其詞以其兄之子妻之不第而卒

惜哉湖南毛晉識

白石詞

終

題石林詞

右丞葉公以經術文章為世宗
儒翰墨之餘作為歌調亦妙天
下元符中予兄聖功為鎮江掾

石林詞序

一

汲古閣

公為丹徒尉得其小詞為多是

時妙齡氣豪未能忘懷也味其

詞婉麗綽有溫李之風晚歲落

其華而實之能於簡淡時出雄

傑合處不減靖節東坡之妙豈

近世樂府之流哉陳德昭始得

之喜甚出以示余揮汗而書不

知暑氣之去也詩云誰能執熱

石林詞序

二

汲古閣

逝不以濯公詞之能慰人心蓋

如此紹興十七年七月九日東

廡關注書

石林詞

目錄

賀新郎

一調

水調歌頭

七調

八聲甘州

四調

念奴嬌

三調

滿庭芳

三調

滿江紅

二調

應天長

一調

定風波

四調

江城子

五調

竹馬兒

一調

浣溪沙

八調

永遇樂

二調

石林詞目

一

汲古閣

臨江仙

十九調

虞美人

八調

減字木蘭花

曲

木蘭花

一調

點絳脣

三調

鷓鴣天

七調

水龍吟

二調

千秋歲

二調

驀山溪

一調

清平樂

一調

雨中花

一調

南鄉子

三調

卜算子

二調

菩薩蠻

一調

蝶戀花

一調

醉蓬萊

一調

南歌子

採桑子

石林詞目

汲古閣

石林詞目錄

終

石林詞

宋 葉夢得

賀新郎

或刻
李玉

睡起流鶯語掩蒼苔房櫳向晚亂紅無數吹盡
殘花無人見惟有垂楊自舞漸暝靄初回輕暑
寶扇重尋明月影暗塵侵上有桀鬢女驚舊恨
遽如許江南夢斷橫江渚浪黏天葡萄漲綠
半空煙雨無限樓前滄波意誰採蘋花寄取但
石林詞

汲古閣

千山阻誰爲我唱金縷

水調歌頭

濠州觀
魚臺作

渺渺楚天濶秋水去無窮兩崖不辨牛馬輕浪
舞回風獨倚高樓一笑圍圍遊魚來往還戲此
波中危檻對千里落日照晴空子非我安知
我意真同鵬飛鴟化何有滄海漫沖融堪笑磻
溪遺老白首直釣溪畔歲晚忽衰翁功業竟安

在徒自兆非熊

又九月望日與客習射
西園余病不能射

霜降碧天靜秋事促西風寒聲隱地初聽中夜
入梧桐起瞰高城回望寥落關河千里一醉與
君同墨鼓開清曉飛騎引雕弓歲將晚客爭
笑問衰翁平生豪氣安在走馬爲誰雄何似當
筵虎士揮手絃聲響處雙雁落遙空老矣真堪
愧回首望雲中

石林詞

汲古閣

又送八舅
朝請

江海渺千里飄蕩歎流年等閒疋馬相過蔡興
却翛然十載悲歡如夢撫掌驚呼相語往事盡
飛煙此會真難偶此醉且留連酒方半誰輕
便動離絃我歌未闕公去明日復山川空有高
城危檻縹緲當筵清唱餘響落尊前細雨黃花
後飛雁落遙天

又湖光亭
落成

脩眉掃遙碧清鏡走回流堤外柳煙深淺碧瓦
起朱樓分付平雲千里包卷騷人遯思春色入
簾鈎桃李盡無語波影動蘭舟念謝公平生
志在滄洲登臨漫懷風景佳處每難酬却歎從
來賢士如我與公多矣名迹竟誰留惟有尊前
醉何必問消憂

又次韻叔父寺丞林
德祖和休官詠懷

今古幾流轉身世兩犇忙那知一丘一壑何處

石林詞

汲古閣

不堪藏須信超然物外容易扁舟相踵分占水
雲鄉雅志真無負來日故應長問騏驎空矯
首爲誰昂冥鴻天際塵事分付一輕芒認取騷
人生此但有輕篷短楫多製芰荷裳一笑陶彭
澤千載賀知章

又癸丑
中秋

河漢只平野香霧捲西風倚空千嶂橫起銀闕
正當中常恨年年此夜醉倒歌呼誰和何事與

君同莫恨歲華晚容易感梧桐 攬清影君試
與問天公遙知玉斧初斲重到廣寒宮付與孤
光千里不遣微雲點綴爲我洗長空老去狂猶
在應未笑衰翁

又

秋色漸將晚霜信報黃花小窗低戶深映微路
繞欹斜爲問山公何事坐看流年輕度拚却鬢
雙華徙倚望滄海天淨水明霞 念平簪空飄

石林詞

四

汲古閣

蕩徧天涯歸來三徑重埽松竹本吾家却恨悲
風時起冉冉雲間新雁邊馬怨胡笳誰似東山
老談笑淨胡沙

八聲甘州

詩陽樓八
公山作

故都迷岼草望長淮依然繞孤城想烏衣年少
芝蘭秀發戈戟雲橫坐看騎兵南渡沸浪駭犇
鯨轉眄東流水一顧功成 千載八公山下尚
斷崖草木遙擁崢嶸漫雲濤吞吐無處問豪英

信勞生空成今古笑我來何事愴遺情東山老
可堪歲晚獨聽柝聲

又

正月二日是歲閏
正月十四日纔立春

又新正過了問東風消息幾時來笑春工多思
畱連底事猶未輕回應爲瑤刀裁剪容易惜花
開試向湖邊望幾處寒梅 好是綠莎新徑剗
安排芳意特地重栽便從今追賞莫遣暫停盃
有千株深紅淺白倩緩歌急管特相催憑看取

石林詞

五

汲古閣

暝煙細靄先到高臺

又

問浮家泛宅自玄真去後有誰來漫煙波千頃
雲峰倒影空翠成堆可是溪山無主佳處且徘徊
算雨捲晴野落照天開 老去餘生江海伴
遠公香火猶有宗雷便何妨元亮攜酒間相陪
寄清談芒屨筇杖更盡駢風月入尊罍江村路
我歌君和莫棹船回

又甲辰承詔知止亭初
畢工劉無言相過

寄知還倦鳥對飛雲無心兩難齊漫飄然欲去
悠然且止依舊山西十畝荒園未遍趁雨却鋤
犁敢忘鄰翁約有酒同攜 況是岩前新建帶
小軒橫絕松桂成蹊試憑高東望雲海與天低
送滄波浮空千里照斷霞明滅卷晴霓君休笑
此生心事老更沉迷

念奴嬌
南歸度揚子作
雜用淵明語

石林詞

六

汲古閣

故山漸近念淵明歸意翛然誰論歸去來今秋
已老松菊三徑猶存稚子歡迎飄飄風袂依約
舊衡門琴書蕭散更欣有酒盈尊 惆悵萍梗
無根天涯行已徧空負田園去矣何之窗戶小
容膝聊倚南軒倦鳥知還晚雲遙映山氣欲黃
昏此還真意故應欲辨忘言

又中秋燕客有懷壬
午歲吳江長橋

洞庭波冷望氷輪初轉滄海沉沉萬頃孤光雲

陣卷長笛吹破層陰洶湧三江銀濤無際遙帶
五湖深酒闌歌罷至今鼉怒龍吟 回首江海
平生漂流容易散佳會難尋縹緲高城風露爽
獨倚危闌重臨醉倒清尊姮娥應笑猶有向來
心廣寒宮殿爲予聊借瓊林 或刻百字令
字句迥異

又

雲峰橫起障吳關三面真成尤物倒卷回潮目
盡處秋水黏天無壁綠鬢人歸如今雖在空有

石林詞

七

汲古閣

千莖雪追尋如夢謾餘詩句猶傑 聞道尊酒
登臨孫郎終古恨長歌時發萬里雲屯瓜步晚
落日旌旗明滅鼓吹風高画舫遙想一笑吞窮
髮當時曾照更誰重問山月

滿庭芳

雨後極目亭寄示
張敏仲程致道

麥隴如雲清風吹破夜來疎雨纔晴滿川煙草
殘照落微明縹緲危欄曲檻遙天盡日腳初平
青林外參差暝靄縈帶遠山橫 孤城春雨過

綠陰是處時有鶯聲問落絮遊絲畢竟何成信
步蒼苔遠徧真堪付閒客閒行微吟罷重回皓
首江海渺送情

又張敏叔程致道和
示復用韻寄酬

楓落吳江扁舟搖蕩算山斜照催晴此心長在
秋水芙蓉澄明底事經年易拚驚遺恨悄悄難平
臨風處佳人萬里霜笛與誰橫長城誰敢犯
知君五字元有詩聲笑茅舍何時歸此真成絲

石林詞

八

汲古閣

鬢朱顏老盡柴居在行即終行聊相待狂唱醉
舞雖老未忘情

又次韻俞紫巖王
道濟大夫見寄

一曲離歌煙林人去馬頭微雪新晴隔年光景
回首近清明斷送殘花又老春波靜湖水初平
誰重到雕欄盡日遙想画橋橫高城凝望久
何人爲我重唱餘聲問桃李更有幾處陰成老
去從遊似夢尊前事空有經行猶能記慙慙寄

語多謝故人情

滿江紅重陽賞菊時
余已除代

一朵黃花先催報秋歸消息滿芳枝凝露爲誰
裝飾便向尊前拚醉倒古今同是東籬側問何
須特地賦歸來拋彭澤回首去年時節開口
笑真難得使君今那更自成行客霜鬢不辭重
插滿他年此會何人憶記多情曾伴小闌干親
攀摘

石林詞

九

汲古閣

又

雪後郊原煙林外梅花初拆春欲半猶自探春
消息一眼平蕪看不盡夜來小雨催新碧笑去
年攜酒折花人花應識蘭舟漾城南陌雲影
淡天容窄繞風漪十頃暝浮晴色恰是撻頭收
釣處坐中仍有江南客問如何兩槳下苕溪吞
雲澤

應天長自穎上縣
欲還具作

松陵秋已老正柳幄田家酒醅初熟鱸膾專羹
萬里水天相續扁舟波浩渺寄一葉算濤吞沃
青莢笠西塞山前自翻新曲來往未應足便
細雨斜風有誰拘束陶寫中年何待更須絲竹
鷗夷千古意算入手比來尤速最好是千點雲
峯半篙澄淥

定風波

與幹譽才卿步
西園始見青梅

破萼初驚一點紅又看青子映簾櫳冰雪肌膚

石林詞

十

汲古閣

誰復見清淺尚餘疎影照晴空惆悵年年桃李
李伴腸斷祇應芳信負東風待得微黃春亦算
煙雨半和飛絮作濛濛

又

渺渺空波下夕陽睡痕初破水風涼過雨歸雲
留不住何處遠村煙樹半微茫莫笑經年人
老矣歸計得遲留處也何妨老子興來殊不淺
簾捲更邀明月坐胡床

又

千步長虹跨碧流兩山浮影轉螭頭付與詩人
都總領風景更逢仙客下瀛洲嫋嫋涼風吹
汗漫平岬遙空新卷絳河收却怪姮娥真好事
須記探支明月作中秋

又

斜漢初看素月流坐驚金餅出雲頭翠髮蕭然
吹素領光景何妨分付屬滄洲莫待霜花飄

石林詞

十一

汲古閣

爛熳蘋岬更憑佳句盡拘收解與破除消萬事
猶記一尊同得二年秋

此魯卿見
和復會之

江城子

原刻六闋後銀鐫無際
卷蓬瀛是東坡詞刪去

碧潭浮影蘸紅旗日初遲漾晴漪我欲尋芳先
遣報春知盡放百花連夜發休更待曉風吹
滿攜尊酒弄繁枝與佳期伴羣嬉猶有邦人爭
唱醉翁詞應笑今年狂太守能痛飲似當時

又

大雪與客
登極目亭

踈躑飛舞半空來曉風催巧縈迴野曠天遙回
望興悠哉欲問玉京知遠近試攜手上高臺
雲濤無際卷崔嵬歛浮埃照瓊瑰點綴林花真
個是多才說與化工留妙手休盡放一時開

又再送
盧倅

芙蓉開過雨初晴曲池平画橋橫耿耿銀河遙
下離空明一舸吳松歸未得聊共住小蓬瀛
問君何事引前旌趣歸程背高城魚鳥三年誰

石林詞

汲古閣

道總無情試遣他年歌此曲應尚記別時聲

又登小英
臺小飲

生涯何有但青山小溪灣轉潄潄投老歸來終
寄此山間茆舍半畝風雨橫荒徑晚亂榛菅
強扶衰病上巉巖水雲閒伴躋攀湖海蒼茫千
里在吳關漫有一盃聊自醉休更問鬢毛斑

又次韵葛魯
卿上元

甘泉祠殿漢離宮五雲中渺難窮永漏通宵壺

矢轉金銅曾從鈞天知帝所孤鶴老寄遼東
強扶衰病步龍鍾雪花濛打窗風一點青燈惆
悵伴南宮唯有使君同此恨丹鳳口水雲重

竹馬兒

與君記平山堂前細柳幾回同挽又征帆夜落
危檻依舊遙臨雲巘自笑來往匆匆朱顏漸改
故人俱遠橫笛想遺聲但寒松千丈傾崖蒼蘚
世事終何已田陰縱在歲陰仍晚嵇康老來

石林詞

汲古閣

尤嬾只要尊羹菰飯却欲便買茆廬短篷輕櫂
尊酒猶能辦君能過我水雲聊爲伴

浣溪沙
重陽一日
極目亭

小雨初回昨夜涼繞籬新菊已催黃碧空無際
卷蒼茫千里斷鴻供遠目十年芳草掛愁腸
緩歌聊與送瑤觴

又

睡粉輕消露臉新醉紅初破玉肌勻尊前留得

兩州春 剝挽雕盤欹醉帽重催飛騎走紅塵

十年蘭蕙笑騷人

又送盧倅

荷葉荷花水底天玉壺冰酒釀新泉一歡聊復

記他年 我亦故山歸去客與君分手暫流連

佳人休唱好因緣

又意存

休笑山翁不住山二年偷向此中閒歸來贏得

石林詞

十四

汲古閣

鬢毛斑 甕底新醅供酩酊城頭曲檻俯淙淙

山翁元在此山間

又許公堂席上次韻王幼安

絳蠟燒殘夜未分寶箏聲暝拍初勻斗樞光照

坐生春 便恐賜還歸袞繡莫辭揮翰落煙雲

鳳城西去斷離魂

又用前韵再寄幼安

綠野歌歡喜見分驟驚和氣曉來勻妙歌誰敢

和陽春 梅蕊舊年迎臘雪月華今夜破寒雲

獨醒爭笑楚人魂

又次韻王幼安曹存之園亭席上

物外光陰不屬春斷留風景伴佳辰醉歸誰管

斷腸人 柳絮尚飄庭下雪梨花空作夢中雲

竹間籬落水邊門

又與魯卿酌別席上次韻

千古風流詠白蘋二年歌笑擁朱輪翩翩却憶

石林詞

十五

汲古閣

上林春 劍履便應陪北闕袴襦那更假西人

玉堂金殿要詞臣

永遇樂寄懷張敏叔程致道

蘋芷芳洲故人回首雲海何處五畝荒田慙勤

問我歸此真成否洞庭波冷秋風嫋嫋木葉亂

隨風舞記扁舟橫斜載月目極暮濤煙渚傳

聲試問垂虹千頃蘭棹有誰重駐雪濺雷翻潮

頭過後颿影欹前浦此中高興何人解道天也

未應輕付且留取千鍾痛飲與君共賦

又 蔡州移守頴昌與客會別臨
芳觀席上。或刻蘇子瞻

天末山橫半空簫鼓樓觀高起指點裁成東風
滿院總是新桃李綸巾羽扇一尊飲罷目送斷
鴻千里攬清歌餘音不斷縹緲尚縈流水年
來自笑無情何事猶有多情遺思綠鬢朱顏匆
匆拚了却記花前醉明年春到重尋幽夢應在
亂鶯聲裏拍闌干斜陽轉處有誰共倚

石林詞

汲古閣

臨江仙

聞道今年春信早梅花不怕餘寒憑君先近向
南看香苞開遍未莫待北枝殘腸斷隴頭他
日恨江南幾驛征鞍一盃聊與盡餘歡風情何
似我老去未應闌

又

雪後寄
周十

夢裏江南渾不記祇今幽戶難忘夜來急雪繞
東坐竹窗松徑裏何處問歸艎瓮底新醅應

已熟一尊知與誰嘗會須雄筆卷蒼茫雲濤聲

隱戶瓊玉照頰牆

又 與客湖
上飲歸

不見跳魚翻曲港湖邊特地經過蕭蕭疎雨亂
風荷微雲吹盡散明月墮平波白酒一盃還
徑醉歸來散髮婆娑無人能唱採菱歌小軒欹
枕簾檐影挂星河

又 送章長卿還姑
蘇兼寄程致道

石林詞

十七

汲古閣

碧瓦新霜侵曉夢黃花已過清秋風颿何處挂
扁舟故人歸欲盡斜日更回頭樂園橋邊煩
俗問有人高臥江樓寄聲聊爲訴離憂桂棹應
已老何事久淹留

又 席上次韻
韓文若

聞道安車來過我百花未敢飄零疾催絃管送
孟行五朝瞻舊老揮塵聽風生鳳詔遠從天
上落高坐燕喜初醒莫言白髮減風情此時誰

得似飲罷却精神

又晁以道見和會韓文若之句復畲之二首

三月鶯花都過了曉來雪片猶零嵩陽居士記
行行西湖初水滿遙想縠紋生 欲爲海棠傳
信息如今底事長醒不應高臥頓忘情畱春春
不住老眼若爲明

又

唱徹陽關分別袂佳人粉淚空零請君重作醉

石林詞

十八

汲古閣

歌行一歡須痛飲回首念平生 却怪老來風
味減半酣易逐愁醒因花那更賦閒情鬢毛今
爾耳空笑老淵明

又次韵洪惠成湖上

漱澗湖光供一笑未須醉日論千將軍曾記舊
臨邊野塘新水漫煙岬酒如船 却怪情多春
又老回腸易逐愁煎何如旌旆鬱相連凱歌歸
玉帳錦帽碧油前

又同王幼安洪惠成過曾存之園亭

學士園林人不到傳聲欲問江梅曲欄清淺小
池臺已知春意近爲我著詩催 急管行觴圍
舞袖故人坐上三台幼安與存之少相從 此歡此宴固難
陪不辭同二老倒載習池回

又次韵畲幼安惠成存之席上梅花

不與羣芳爭豔豔化工自許寒梅一枝臨晚照
歌臺眼明渾未見絃管莫驚催 記取劉郎歸

石林詞

十九

汲古閣

去路千年應話天台酒闌不憚更重陪夜寒永
袂薄猶有暗香回

又晚之

三日疾風吹浩蕩綠蕪未徧平沙約回殘影射
明霞水光遙泛坐煙柳互歌斜 霜鬢不堪春
點檢畱連又見芳華一枝重插去年花此身江
海夢何處定吾家

又熙寧室與王取道賀方回曾公衮會別

自笑天涯無定準飄然到處遲留興闌却上五
湖舟鱸尊新有味碧樹已驚秋臺上微涼初
過雨一尊聊記同遊寄聲時爲到滄洲遙知歎
枕處萬籟看交流

又次葛魯卿法華
山曲水勤酒

山半飛泉鳴玉珮回波倒卷粼粼解巾聊濯十
年塵青山應却怪此段久無人行樂應須賀
太守風光過眼逡巡不尋常作坐中賓只愁花

石林詞

二十

汲古閣

解笑衰鬢不宜春

又西園石谷
亭新成

手種千株桃李樹參差半已成陰主人何事馬
駸駸二年江海路空負種花心試向中間安
小檻此還長要追尋却驚搖落動悲吟春歸知
早晚爲我變層林

又南山絕頂作臺
新成與客賞月

絕頂參差千嶂外不知空水相浮下臨湖海見

三州落霞橫暮景爲客小遲留卷盡微雲天
更濶此行不負清秋忽驚河漢近人流青霄元
有路一笑倚瓊樓

又明日與客復登
臺再用前韵

一醉三年那易得應須大白同浮已知絕景是
吾州嫦娥仍有意更肯爲人留萬籟無聲遙
夜永人間未識高秋從來我客盡風流故知憐
老子尤勝在南樓

石林詞

二十一

汲古閣

又明日小雨已而風大作復
晚晴遂見月與客再登

卷地驚風吹雨過却堪香霧輕浮遙知清影徧
南州萬峰橫玉立誰爲此山留邂逅一歡須
共惜年年長記今秋平生江海恨飄流元龍真
老矣無意臥高樓

又詔芳亭
贈坐客

一醉年年今夜月酒船聊更同浮恨無羯鼓打
梁州遺聲猶好在風景一時留老去狂歌君

勿笑已拚雙鬢成秋會須擊節泝中流一聲雲

外笛驚看水明樓世傳梁州西梁府初進此曲會明皇遊月宮還記霓裳之

曲適相近因作霓裳羽衣曲以梁州名之是夕約諸君明夜泛舟故有梁州中流之句

又

草草一年真過夢此生不恨萍浮且令從事到

青州已能從辟穀那更話封畱好月尚尋當

日約故人何啻三秋援琴欲寫竹間流此聲誰

解聽吟上仲宣樓

石林詞

虞美人

雨後同幹譽才卿置酒來禽花下作。或刻蘇子瞻或刻周美成

落花已作風前舞又送黃昏雨曉來庭院半殘

紅惟有游絲千丈罥晴空慙勤花下同攜手

更盡盃中酒美人不用斂蛾眉我亦多情無奈

酒闌時

又

極目亭望西山

翻翻翠葉梧桐老雨後涼生早葛巾藜杖正關

情莫遣繁蟬容易作秋聲遙空不盡青天去

一抹殘霞暮病餘無力厭躋攀爲寄曲欄幽意

到西山

又上已席上

一聲鶗鴂催春晚芳草連空遠年年餘恨怨殘

紅可是無情容易愛隨風茂林脩竹山陰道

千載誰重到半湖流水夕陽前猶有一觴一詠

似當年

又

同蔡寬夫置酒王仲弓出歌人聲甚妙

石林詞

二十三

汲古閣

東風一夜催春到楊柳朝來好莫辭尊酒重攜

持老去情懷能有幾人知鳳臺園裏新詩伴

不用相追喚一聲清唱落瓊卮千頃西風煙浪

晚雲遲

又

數聲微雨風驚曉燭影欹殘照客愁不奈五更

寒明日梨花開盡有誰看追尋猶記清明近

爲向花前問東風正使解欺儂不道花應有恨

也匆匆

又寒食
泛舟

平波漲綠春堤滿渡口人歸晚短篷輕楫費追尋始信十年歸夢是如今故人回望高陽里遙想車連騎尊前點檢舊年春應有海棠猶記插花人

又通堂睡起
同吹洞簫

綠陰初過黃梅雨隔葉聞鶯語睡餘誰遣夕陽

石林詞

二十四

汲古閣

斜時有微涼風動入窗紗天涯走徧終何有白髮空搔首未須錦瑟怨年華爲寄一聲長笛怨梅花

又贈蔡子固

梅花落盡桃花小春事餘多少新亭風景尙依然白髮故人相遇且畱連家山應在層林外悵望花前醉半天煙霧尙連空笑取扁舟歸去與君同

減字木蘭花

黃花暫老秋色欲歸還艸艸花下前期花老空歌鵲踏枝狂醒易醒不似舊時長酩酊玉簫新涼數盡更籌夜更長

又雪中賞牡丹

前村夜半每爲江梅腸欲斷淺紫深紅誰信漫天雪裏逢醉頭扶起宿酒闌干猶困倚便莫催殘明日東風爲掃看

石林詞

二十五

汲古閣

又王幼安見和前韵復用韵會之

粉消粧半一曲陽春歌始斷便覺香紅十倍光華筍未逢楊花吹起猶自風前相枕倚莫恨春殘畱取新詩仔細看

木蘭花

二月二十六日晚雨集客湖上

花殘却似春畱戀幾日餘香吹酒面溼煙不隔柳條青小雨池塘初有燕波光縱使明如練可奈落紅紛似霰解將心事訴東風只有啼鶯

千種轉

點絳脣

晚出山榭春初植蘭榭側近復生紫芝十一本

高柳蕭蕭睡餘已覺西風勁小窗人靜淅瀝生秋聽底事多情欲與流年競殘雲暝墜巾幘整獨立芝蘭徑

又

紹興乙卯登絕頂水亭

縹緲危亭笑談獨在千峰上與誰同賞萬里橫煙浪老去情懷猶作天涯想空惆悵少年豪

石林詞

二十六

汲古閣

放莫學衰翁樣

又

丙辰八月二十七日雨中與何彥亨小飲

山上飛泉漫流水下知何處亂雲無數畱得幽人住深閉柴門聽盡空簷雨秋還算小窗低

戶唯有寒蛩語

鷓鴣天

與幹譽賞梅

不怕微霜點玉肌恨無流水照冰姿與君著意從頭看初見今年第一枝人醉後雪消時江

南春色寄來遲使君盡是花前客莫怪慙勤爲

賦詩

又

元夕次前幹譽

夾路行歌盡落梅篆煙香細裊寒灰雲移碧海三山近月破中天九陌開追樂事惜多才車聲遙聽走隨雷十年夢斷鈞天奏猶記流霞醉後盃

又

雨後湖上看落花

石林詞

二十七

汲古閣

小雨初收報夕陽歸雲欲渡轉橫塘空回雨蓋翻新影不見瓊肌洗暗香追落景弄微涼尙餘殘淚浥空床祇應自有東風恨長遣啼痕破晚粧

又

續探蓮曲

曉日初開露未晞夕陽輕散雨還微暗搖綿霧游鯈戲斜映紅雲屬玉飛情脉脉恨依依沙邊空見棹船歸何人解舞新聲曲一試纖腰六

尺園

又次韵魯卿大
錢觀大湖

蘭蒨空悲楚客秋旌旗誰見使君遊
凌雲不隔三山路破浪聊憑萬里舟
公欲去尚能畱盃行到手未宜休
新詩無物堪倫比願探珊瑚出瑤鈎

又與魯卿晚雨泛舟出
西郭用煙波定韵

天末殘霞卷暮紅波間時見沒鳬翁
斜風細雨

石林詞

二十八

汲古閣

家何在老矣生涯盡箇中
惟此意與公同未須持酒祝牛宮
傷人不解青葉意猶說黃金寶帶重

又

一曲青山映小池綠荷陰盡雨離披
何人解識秋堪美莫爲悲秋浪賦詩
攜濁酒遶東籬菊殘猶有傲霜枝
一年好景君須記正是橙黃橘綠時

梁范堅常謂欣成惜敗者物之清秋爲萬物成功之時宋玉作悲秋非是乃作美秋

賦云

水龍吟
西湖燕客作

對花常欲流春恨春故遣花飛早晚來雨過綠陰新處幾番芳草一片飄時已知消滅滿庭誰掃料多情也似愁人易感先催趁朱顏老猶有清明未過但狂風匆匆難保酒醒夢斷年年此恨不禁煙草只恐春口應畱芳信與花爭好有姚黃一朵慙勤付與送金盃倒

石林詞

二十九

汲古閣

又八月十三日與張少逸游道場山放
自中流命工吹笛笛尾題月歸作

拖樓橫笛孤吹暮雲散盡天如水人間底事忽驚飛墮冰壺千里玉樹風清漫波搖卷與空無際謝嫦娥此夜慙勤偏照知人在千山裏常恨孤光易轉仗多情使君料理口口口口口口口口口口口口一盃起舞曲終須記但尊前有酒常追舊事拚年年醉

千秋歲

次韻兵曹席孟惠
歸中千葉黃梅

曉煙溪畔曾記東風面化工更與重裁剪額黃
明艷粉不笑妖紅軟凝露臉多情正是當時見
誰向滄波畔特地移閒館情一縷愁千點煩
君搜妙語爲我催清燕須細看紛紛亂盡空几
艷

又小雨連日東窗獨宿不能寐有懷松江舊游

雨聲蕭瑟初到梧桐響人不寐秋聲爽低簷燈
暗淡畫幕風來往誰笑賞依稀記得船蓬上

石林詞

三十

汲古閣

拍岸浮輕浪水闊菰蒲長向別浦收橫網綠簑
衝暝色艇子搖雙槳君莫忘此情猶是當時唱

驀山溪

百花洲席上次韻司錄董岸

一年春事常恨風和雨趁取未殘時醉花前春
應相許山翁倒載日暮習池回問東風春知否
莫道空歸去滿城歌吹也似春和豫爭笑使
君狂占風光不教飛絮明朝酒醒滿地落殘紅
唱新詞追好景猶有君收聚

清平樂

水空相映淡碧涵千頃素練不收寒玉鏡影落
堦無影纖纖與捧金盃暗香逐舞徘徊雪盡
玉容開遍東風不管寒梅

雨中花慢

寒食前一日小雨牡丹已將開與客置酒座中戲作

痛飲狂歌百計強畱風光無奈春去也應知相
賞未忍相違卷地風驚爭催春暮雨頓回寒威
對黃昏蕭瑟水膚洗盡猶覆霞衣多情斷了

石林詞

三十一

汲古閣

爲花狂惱故飄萬點霏微低粉面粧臺酒散淚
顆頻揮可是盈盈有意祇應真憐分飛拚令吹
盡明朝酒醒忍對紅稀

南鄉子

池亭新成晚步

淺碧蘸鱗鱗照眼全無一點塵百草千花都過
了初新翠竹高槐不占春歌嘯墮綸巾午醉
醒來尙欠伸待得月明歸去也青蘋夏有涼風
解送人

又自後園晚步湖上

小院雨新晴初聽黃鸝第一聲滿地綠陰人不
到盈盈一點孤花尚有情却傍水邊行葉底
跳魚浪自驚日暮小月何處去斜橫衝破浪痕
久未平

又癸卯種梅於西巖地瘦難立石間無花
今歲十一月輒先開數枝喜而爲賦

山畔小池臺曾記幽人著意栽亂石叅差春至
晚徘徊素景衝寒却自開絕絕照瓊瑰孤負

石林詞
汲古閣

芳心巧剪裁應恐練裙驚綺夜殘盃且放疎枝
待我來

卜算子
鳳皇亭

新月挂林梢暗水鳴枯沼時見疎星落画簷幾
點流螢小歸意已無多故作連環繞欲寄新
聲問採蓮水闊煙波渺

又並園種木芙蓉
卷九月旦盛開

曉雨洗新粧豔豔驚衰眼不趁東風取次開待

得清霜晚曲港照回流影亂微波淺作態低

昂好自持水闊煙波遠

菩薩蠻
湖光亭晚集。草堂
集作重疊金。秋思

平波不盡蘼葭遠清霜半落沙痕淺煙樹晚微
茫孤鴻下夕陽梅花消息近試向南枝問記
得水邊春江南別後人

蝶戀花

薄雪消時春已半踏遍蒼苔手挽花枝看一縷

石林詞
汲古閣

遊絲牽不斷多情更覺蜂兒亂盡日平波回
遠岫倒影浮光却記冰初泮酒力無多吹易散
餘寒向晚風驚幔

醉蓬萊
楚州上巳懷許下西湖寄
曾在之王仲弓韓文表

問東風何事斷送殘紅便拚歸去牢落征途笑
行人羈旅一曲陽關斷雲殘靄做渭城朝雨欲
寄離愁綠陰千轉黃鸝空語遙想湖邊浪搖
空翠絃管風高亂花飛絮曲水流觴有山公行

處翠袖朱闌故人應也弄画舫煙浦會寫相思
尊前爲我重翻新句

南歌子

是日微雨過午而霽晚
遂月出次劉無言韻

雨惜山容歛雲矜棹影開忽看霽色射林隈爲
問明亭清影爲誰來 盡洗滄時路重傾醉後
盃未應霜雪遽相催畱得佳期猶在笑徘徊

採桑子

冬至日與許幹譽章幾道飯
續善晚歸雪作因留小飲

山蹊小路歸來晚暮雪繽紛尊酒慙慙勤邂逅相

石林詞

三十四

汲古閣

從只有君 全家住處無人到元在重雲此景
誰分萬玉參差更作羣

少蘊自號石林居士晚年居卞山下奇石

森列藏書數萬卷嘯詠自娛所撰詩文甚

富自建康集甯是集燕語後人合編石林

總集百卷行世外石林詞一卷與並柳並

傳俾有林下風不作宋語端人真詞家逸品

也其爵里始末具載年譜及本傳湖南毛

晉識

石林詞

三十五

汲古閣

石林詞

終

題酒邊詞

詞曲者古樂府之末造也古樂府者詩之傍行也詩出于離騷楚詞而離騷者變風變雅之怨

酒邊詞序

一

汲古閣

而迫哀而傷者也其發乎情則同而止乎禮義則異名之曰曲以其曲盡人情耳方之曲藝猶不逮焉其去曲禮則益遠矣然

文章豪放之士鮮不寄意於此

者隨處自掃其跡曰譚浪遊戲

而已也唐人為之最工者柳耆

卿後出掩衆製而盡其妙好之

酒邊詞序

二

汲古閣

者以為不可復加及眉山蘇氏

一洗綺羅香澤之態擺脫綢繆

宛轉之度使人登高望遠舉首

高歌而逸懷浩氣超然乎塵垢

之外于是花間為阜隸而柳氏
為輿臺矣薌林居士步趨蘇堂
而躋其歲者也觀其退江北所
作於後而進江南所作于前以

酒邊詞序

三

汲古閣

枯木之心幻出葩華酌元酒之
尊棄置醇味非染而不色安能
及此余得其全集於公之外孫
汶上劉荀子卿反復猷猷復以

歸之因題其後公宏才偉績精

忠大節在人耳目固史載之矣

後之人昧其平生而聽其餘韻

亦猶讀梅花賦而未知宋廣平

酒邊詞序

四

汲古閣

歟武夷胡寅題

酒邊詞目錄

江南新詞

滿庭芳 二調

驀山溪 三調

水龍吟 二調

八聲甘州 二調

水調歌頭 三調

洞仙歌 一調

滿江紅 一調

虞美人 四調

蝶戀花 二調

鷓鴣天 十二調

減字木蘭花 一調

阮郎歸 一調

酒邊詞目

汲古閣

秦樓月 一調

少年遊 一調

西江月 六調

南鄉子 一調

浣溪沙 十二調

生查子 二調

臨江仙 一調

七娘子 一調

減字木蘭花 二調

清平樂 七調

更漏子 一調

點絳脣 十七調

採桑子 一調

一落索 一調

如夢令 二調

卜算子 五調

三字令 一調

長相思 一調

南歌子 一調

減字木蘭花 一調

南歌子 三調

桂殿秋 一調

朝中措 一調

菩薩蠻 一調

好事近 二調

減字木蘭花 六調

江北舊詞

滿庭芳 一調

水調歌頭 一調

梅花引 二調

帶人嬌 一調

酒邊詞目

汲古閣

玉樓春 二調

鷓鴣天 五調

踏莎行 一調

鵲橋仙 一調

虞美人 四調

更漏子 二調

鵲橋仙 一調

南歌子 一調

鵲橋仙 一調

南歌子 二調

卜算子 一調

菩薩蠻 三調

南歌子 一調

減字木蘭花 一調

秦樓月 一調

生查子 六調

望江南 一調 浣溪沙 一調

西江月 一調 點絳脣 一調

醜奴兒 一調 如夢令 一調

好事近 二調 採桑子 一調

清平樂 一調 浣溪沙 十三調

相見歡 三調

酒邊詞目 三 汲古閣

酒邊詞目錄 終

酒邊詞卷上

宋 向子諲

江南新詞

滿庭芳 巖桂風前高古平生心醉其間管轉漕淮南寄手植堂下薌林此花

為多戲作是詞當選徐師川諸公同賦

月窟蟠根靈巖分種絕知不是塵凡瑠璃剪葉
金粟綴花繁黃菊周旋避舍友蘭蕙羞殺山樊
清香遠秋風十里鼻觀已先參 酒闌聽我語

酒邊詞 汲古閣

平生半是江北江南經行處無窮綠水青山常
被此花相惱思共老結屋中間不因著薌林底
事游戲到人寰

又 巖桂香林收張元功所作

瑟瑟金風團團玉露巖花秀發秋光水邊一笑
十里得清香疑是蕊宮仙子新粧就嬌額塗黃
霜天晚妖紅麗紫回首總堪傷 中央孕正色
更畱明月偏照何妨便高如蘭菊也讓芬芳輸

與薌林居士微吟罷閒據胡床須知道天教尤
物相伴老江鄉

驀山溪

紹興乙卯大雪
行鄞陽道中

瑤田銀海皓色難爲對琪樹照人間曉然是華
嚴境界萬年松徑一帶舊峰巒深掩覆密遮藏
三昧光無碍 金毛獅子打就休驚怪片片上
紅爐且不可將情作解有無不道低絕去來今
明卽暗暗還明只個長不昧

酒邊詞

汲古閣

又

王明之曲薌林易
置十數字歌之

挂冠神武來作煙波主千里好江山都盡是君
恩賜與風勾月引催上泛宅時

泛宅卽公所賜
舟也上批云泛

宅可承充子謹
因各其舟曰泛宅

酒傾玉鱗堆雪總道神仙

侶 蓑衣蕩笠更著些兒雨橫笛兩三聲晚雲

中驚鷗來去欲煩妙手寫入散人圖蝸角名蠅

頭利著甚來由顧

又

老婆生日作十
一月初七日

一陽才動萬物生春意試說與宮梅到東閣花
枝第幾疎疎淡淡冷豔雪中明無俗調有真香
正與人相倚 怕煙怕霧瑞色門闌喜再拜引
盃長看兩頰紅潮欲起天教難老風鬢綠如雲
對玉筍與薌林歲歲花前醉

水龍吟

紹興甲子上
元有懷京師

華燈明月光中綺羅絃管春風路龍如駿馬車
如流水軟紅成霧太乙池邊葆真宮裏玉樓珠

酒邊詞

汲古閣

樹見飛瓊伴侶霓裳縹緲星回眼蓮微步 笑
入絲雲深處更冥冥一簾花雨金鈿半落寶釵
斜墜寒鸞歸去醉失桃源夢回蓬島滿身風露
到而今江上愁山萬疊鬢絲千縷

又

甲子季冬丁亥冒雪與晁叔異劉子駒
兄弟皆北客同上雪臺登連輝觀梁使
君造酒仍與北梨俱醉薌林堂上相與
聯句云西北通無路東南偶共期穿林
行鳥路踏雪驚驚梨英大年水龍吟詞過之夜歸
月色如畫
亦賦一首

夢回寒入衾裯曉驚忽墮瑤林裏穿帷透隙落花飛絮難窮巧思著帽披裘挈壺呼友倚空臨水望瓊田不盡銀濤無際浮皓色來天地遙想吳郎病起政冷窗微吟擁鼻持牋贈我新詞絕唱珠零玉碎餘興追遊清芬坐對高談傾耳晚歸來風埽停雲萬里月華如洗

八聲甘州

中秋前數夕久雨方霽

恨中秋多雨及晴景追賞且探先縱玉鈞初上

酒邊詞

汲古閣

水輪未正無素嬋娟飲客不來自酌對影亦清妍任笑鄉林老雪鬢霜髯好在章江西畔有凌雲玉筍空翠相連嬾崎嶇林麓則窈窕溪邊自斷此生休問願願瓮中長有酒如泉人世間是誰得似月下尊前

又

兩寅中秋對月

埽長空萬里淨無雲飛鏡上天東欲騎鯨與問一株丹桂幾度秋風取水珠宮貝闕聊爲洗塵

容莫放素娥去清影方中玄魄猶餘半璧便笙簧萬籟尊俎千峰况十分端正更鼓舞衰翁恨人生時乎不再未轉頭歡事已沉空多酌我歲華好處浩意無窮

水調歌頭

大觀庚寅閏八月秋鄉林老願子美注彥章蒲庭璽時在諸公幕府間從游者洪駒父徐師川蘇仲固及李商老兄弟是夕登臨賦咏樂甚俯仰三十九年所存者余與彥章耳紹興戊辰再聞感時撫事爲之太息因取舊詩中語用之

酒邊詞

五

汲古閣

閨餘有何好一年兩中秋補天修月人去千古想風流少日南昌幕下更得洪徐蘇李快意作清遊送日眺西嶺得月上東樓四十載兩人在總白頭誰知滄海成陸萍跡落南州忍問神京何在幸有鄉林秋露芳氣襲衣裘斷送餘生事唯酒可忘憂

又

兩寅中秋月用鄧韻有妙唱得賦一首庶幾時不爲堂上生客耳

我生六十四四度閨中秋碧天千里如水明月
更如流照我洛濱詩伯攜手仙卿屢隱閨苑與
同遊人醉玉相倚不肯下瓊樓 薌林老章江
上幾回頭賸欲控鶴瀛海聊下越王州直入白
雲深處細酌仙人九醞香霧儘侵裘笑看一笑
粲以寫我心憂

又再用前韵
合什令尹

飄飄任公子爽氣欲橫秋向日攜詩過我知不
酒邊詞 汲古閣

是凡流築室清江西畔巧占一川佳處勝士曰
追遊邀我出門去拉月上新樓 爛銀盤從樹
杪出雲頭好是風流從事同醉入青州須信人
生如幻七十古來稀有銷得幾孤裘誰似薌林
老無喜亦無憂

洞仙歌
伏

碧天如水一洗秋容淨何處飛來大明鏡誰道
斫却桂應更光輝無遺照寫出山河倒影 人

猶苦餘熱肺腑生塵移我超然到三境問姮娥
緣底事有盈虧煩玉斧運風重整教夜夜人世
十分圓待拚却長年醉了還醒

滿江紅
奉酌曾端伯使君
兼簡趙若虛監郡

雁陣橫空江楓戰幾番風雨天有意作新秋令
欲鑿殘暑籬菊巖花俱秀發清芬不斷來窗戶
笑驪然一醉得黃昏仍叔度 尊前事塵中去

拈花問無人語薌林顧靈照笑撫庭樹試舉似
酒邊詞 汲古閣

虎頭城太守想應會得玄玄處老我來嬾更作
淵明閒情賦

虞美人
與趙正之完立執別時印十有餘
年忽漫相逢又爾語別作是詞以

淮陽堂上曾相對笑把姚黃醉十年離亂有深
憂白髮蕭蕭同見渚江秋 屢聲細聽知何處
欲上星辰去清寒初溢算雲收更看碧天如水
月如流

又明年過彭蠡遇大風行巨浪中用前韵

寄趙正之及漢州李相公兼示開元栖老隱二

銀山堆裏廬山對舟子愁如醉笑有五老了無
憂大覺胸中雲夢氣橫秋 若人到得歸元處
定一齊銷去直須聞見泯然收始知大江東注
不會流

又中秋與二三禪子方誦十玄談趙正之復以長短句見寄乃用其韵語畱之

澄江霽月秋無對龜酒何須醉人憐貧病不堪

酒邊詞

八

汲古閣

憂誰識此心如月正含秋 再三滂漉方知處
試向波心去迢迢空劫勿能收漫道從來天地
與同流

又梅花盛開走筆戲呈韓叔夏司諫

江頭苦被梅花惱一夜霜須老誰將冰玉比精
神除是凌波却月見天真 情高意遠仍多思
只有人相似滿城桃李不能春獨向雪花深處
露花身

蝶戀花

和曾端伯使君用李久善韵

洲上百花如錦繡水滿池塘夏作濺濺溜斷送
風光惟有酒苦吟不怕因詩瘦 尋經經丘長
是久晚晚歸來稚子柴門候萬事付之醒夢後
眉頭不爲閒愁皺

又

百花洲老桂盛開張師明程德遠攜酒來醉花下有唱醉蝶戀花亦次其韵

岩桂秋風南埭路牆外行人十里香隨步此是
薌林遊戲處誰知不向根塵住 今日對花非

酒邊詞

九

汲古閣

浪語憶昨明光早荷君王顧生怕青蠅輕點污
思鱸何似思花去

鷓鴣天

壽太夫人

戲綵堂深翠幙張南廳特地作微涼葵花向日
枝枝似萱草忘憂日日長 門有慶福無疆老
人星共酒生光慙勤夏假天吳手傾瀉西江入
壽觴

又

番禺齊安郡王帝上贈故人

台榭初逢兩妙年瑤林玉樹倚風前疎梅影裏
春同醉紅菱香中月一船長悵恨短姻緣空
餘蝴蝶夢相連誰知瘴雨蠻煙地重上襄王玳
瑁筵

又豫章郡王席上

兩個鴛鴦波上來一綢楊柳掌中迴已愁芙蓉
因風去更著繁絃急管催含淺笑勸深盃桃
花氣暝眼邊開司空常見風流慣輸與山翁醉
酒邊詞
十
汲古閣

玉摧

又紹興已未
歸休後賦

露下風前處處幽官黃如染翠如流誰將天上
蟾宮樹散作人間水國秋香郁郁思悠悠幾
年魂夢繞江頭今朝得到薊林醉白髮相看萬
事休

又舊史載白樂天歸洛陽得楊常侍舊第
有林泉之致占一都之勝薊林居士卜
築清江乃楊遵道光祿故居也昔文安
先生之所可而竹木池館亦甚似之其

子孫與西蘇山茲從遊所謂百花洲者
因東坡而得名嘗爲絕句以紀其事復
戲廣其聲
爲是詞云

莫問清陽與洛陽山林總是一般香兩家地占
西南勝可是前人例姓楊石作枕醉爲鄉藕
花菱角滿池塘雖無中島霓裳奏獨鷗隨人意
自長

又有懷京師上元與韓叔夏司諫
王夏卿侍郎曹仲聲少卿同賦

紫禁煙花一萬重鰲山宮闕隱晴空玉皇端拱
酒邊詞
十
汲古閣

彤雲上人物嬉遊陸海中星轉斗駕回龍五
侯池館醉春風而今白髮三千丈愁對寒燈數
點紅

又戲韓
叔夏

只有梅花似玉容雲窗月戶幾尊同見來照眼
明如水欲去愁眉淡遠峰山萬疊水千重一
雙蝴蝶夢能通都將淚作梅黃雨盡把情爲柳
絮風

又老妻
生日

玉篆題名在九天而今且作地行仙
桂冠神武
歸休後同醉薌林是幾年
龜游泳鶴蹠蹠疎
梅修竹兩清妍欲知福壽都多少
阜閣清江可
比肩

又詠紅梅

江北江南雪未消此花獨步百花饒
青枝可愛
難爲杏綠葉初無不是桃
多態度足風標蓋

酒邊詞

汲古閣

珠仙子醉紅潮絕憐野外橫斜處
似與薌林慰
寂寥

又

紹興壬戌中秋前數夕與楊謹仲魯
子明劉曼客及子駒兄弟待月新橋

駕月新成碧玉梁
青天萬里瀉銀潢
廣寒宮裏
無雙樹無熱池邊不盡香
承露液釀秋光直
須一舉累千觴
不知世路風波惡
何似薌林氣
味長

又

紹興戊辰
歲閏中秋

明月光中與客期
一年秋半兩圓時
姮娥得意
爲長計織女歡盟可恨遲
瞻玉兔倒瓊筵追
懷往事記新詞
浩歌且入滄浪去
醉裏歸來凝
不知

又

曾端伯使君自虔守移
帥荆南作是詞戲之

贛上人人說故侯
從來文采更風流
題詩漫道
三千號別酒須拚一百籌
蔡画鷁衣輕裘又
將春色過荊州
合江遠岼垂楊柳
總學歌眉葉
酒邊詞

葉愁

十三

汲古閣

減字木蘭花

紹興辛未冬溫鵬前梅花已
開去明日立春今夕大雪程

德遠弟來自龍舒張琦
言寄聲相問有懷其人

青松翠篠一夜欹
傾如醉倒殘臘能佳
落盡梅
花見雪花
詩涯酒島何日登臨
同笑傲未老
還家飽歷年華有鬢華

又

紹興壬申春鄉林瑞香盛開賦此詞是
年三月十有六日辛亥公下世此詞公

之絕
筆也

斜紅疊翠何許花神來獻瑞粲粲裳衣割得天
孫錦一機 真香妙質不耐世間風與日著意
遮圍莫放春光造次歸

阮郎歸

紹興乙丑大雪
行鄱陽道中

江南江北雪漫漫遙知易水寒同雲深處望三
關斷腸山又山 天可老海能翻消除此恨難
頻聞遣使問平安幾時鑾輅還

秦樓月

酒邊詞

十四

汲古閣

芳菲歇故園目斷傷心切傷心切無邊煙水無
窮山色 可堪更近乾龍節眼中淚盡空啼血
空啼血子規聲外曉風殘月

少年遊

別韓叔夏

去年同醉酴醾下儘筆賦新詞今年君去酴醾
欲破誰與醉爲期 舊曲重歌傾別酒風露泣
花枝章水能長湘水遠流不盡兩相思

西江月

番禺趙立之
郡王席上

風響蕉林似雨燭生粉豔如花客星藥興泛仙
槎誤到支機石下 歡喜地中取醉溫柔鄉裏
爲家暎紅香霧開春華不道風波可怕

又

吳穆仲與法喜以禪悅爲樂寄倡醉
蓬萊示薌林居士有見處卽已無心卽
了之句戲作
是詞禽之

見處莫教甚著無心慎勿沉空本無背面與初
終說了還同說夢 欲識薌林居士真成漁父
家風收絲築釣月明中總是神通妙用

酒邊詞

十五

汲古閣

又

紹興丁巳秋編走詞東諸郡遂作天台
雁客之遊共黃帝三時足慰平生時
拜詔書薌林之賜因成長短句寄米子
發范元長陳去非翰林三學士以資玉
堂中
一笑

得意穿雲度水及時斫玉分金茲游了却未來
心怪我歸遲一任 居士何如學士翰林休笑
薌林個中真味少知音不是清狂太甚

又

政和年間上築宛丘手植衆薌自號薌
林居士建炎初解六路漕事中原俶擾
故廬不得返卜居清江之五柳坊紹興
癸丑罷帥南海卽棄官不仕乙卯起以

九江郡得轉漕江東入爲戶部侍郎辭
榮辟謫出守姑蘇到郡少日請又力焉
詔可且賜舟曰泛宅送之以歸已未算
春復遂舊隱時仲舅李公休亦辭春陵
郡守致仕
喜賦是詞

五柳坊中煙綠百花洲上雲紅蕭蕭白髮兩衰

翁不與時人同夢拋擲麟符虎節徜徉月下

林風世間萬事轉頭空個裏如如不動

又山谷作醺醺詩極工所謂露溼何郎試
湯餅日烘荷令桂爐香取古人語以況
此花稱爲著題余三十年前與晁之道
秋端叔諸公醉皇遠院東武襄家醉醺

酒邊詞

十六
汲古閣

甚盛各賦長短句獨記余虎溪沙一首
云翠羽衣寒白主人不將朱粉汚天真
清風爲伴月爲隣枕上解隨良夜夢
壺中別是一家春同心小綰更尖新真
成夢事此地此花不殊而心情老
嬾無復當時笑勉強作是詞云

紅褪小園桃杏綠生芳艸池塘誰教芍藥殿春

光兀似醺醺官樣翠蓋更蒙珠纓熏爐臙熨

沉香娟娟風露滿衣裳獨步瑤臺月上

又老妻生日因取薌林中所
產異物作是詞以侑觴

幾見芙蓉竝蒂忽生三秀靈芝千年老樹出孫

枝岩桂秋來滿地白鶴雲間翔舞綠龜葉上
遊戲齊眉偕老更何疑個裏自非塵世

南鄉子
大雪韓叔
夏坐中

梅與雪爭姝試問春風管得無除却個人多樣
態誰如細把冰姿比玉膚一面倒金壺既醉
仍煩翠袖扶同向凌風臺上看何如且與薌林

作画圖

浣溪沙
寶林山
聞建蘭

酒邊詞

十七
汲古閣

綠玉簫中紫玉條幽花疎淡更香饒不將朱粉
汚高標空谷佳人宜結伴貴游公子不能招
小窗相對誦離騷

又漁父詞張志和之兄松岩所作也有招
玄真子歸隱之意居士爲姑蘇郡守浩
然有歸志因廣其聲爲

浣溪沙示姑蘇諸友

樂在煙波釣是閒艸堂松桂已勝攀稍稍新月
幾回灣一碧太湖三萬頃屹然相對洞庭山
狂風浪起且須還

又戲呈牧
菴舅

進步須於百尺竿二邊休立莫中安要知玄露
浸多般 花影鏡中拈不起蟾光空裏撮應難
道人無事更參看

又荆公除日詩云爆竹聲中一歲除東風
送暖入屠蘇千門萬戶曠曠日爭把新

桃換舊符東坡詩云老去伯看新曆日
退歸擬學舊桃符古今絕唱也呂居仁
詩有画角聲中一歲除平明更飲屠蘇
酒之句政用以爲故事耳菊林退居之
十年戲集兩公詩輯以節意
足成浣溪沙自書以遺靈照

酒邊詞

十八

汲古閣

爆竹聲中一歲除東風送暖入屠蘇曠曠曉色
上林廬 老去怕看新曆日退歸擬學舊桃符
青春不染白髭鬚

又岩桂花開不數日謝去每恨
不能挽留近得爐熏頗耐久

醉裏驚從月窟來睡餘如夢蕊宮回碧雲時度
小崔嵬 疑是海山憐我老不論時節遣花開
從今休數返魂梅

又曾端
伯和

又老妻
生日

別樣清芬撲鼻來秋香過後却追同博山輕霧
鎖崔嵬 珍重香林一抹手不教一日不花開
暗中錯認是江梅首二句或刻聽罷霓裳夢
覺來天香留得袖中同

星斗昭回自一天疎梅池畔鬪清妍蟠桃正熟

藕如船 葉上靈龜來瑞世林間白鶴舞胎仙

春秋不記幾千年

又堂前岩桂犯雪開數枝色如杏
黃適當老妻生朝作以此侑觴

酒邊詞

十九

汲古閣

瑞氣氤氲拂水來金幢玉節下瑤臺江梅岩桂
一時開 不盡秋香凝燕寢無邊春色上尊罍
臨風嗅蕊笑徘徊

又和曾吉甫韵呈宋景晉侍
制宋有二小姬小桃小蘭

綠繞紅圍宋玉墻幽蘭林下正芬芳桃花氣暎
玉生香 誰道廣平心似鐵豔粧高韵兩難忘
蘇州老矣不能狂

又再用韵寄曾
吉甫運使

靄靄停雲覆短牆
天臨水自然芳
倚倚無處著清香
珍重驀山溪句
好尊前頻舉不相忘
濠梁夢蝶儘春狂

又簡王景源
元渤伯仲

南國風煙深更清
江相接是廬陵
甘棠兩地綠成陰
九日黃花兄弟會
中秋明月故人心
悲歡離合古猶今

又紹興辛未中秋王景源使君葉流下蕭灘捨舟從陸薌林老人以長短句贈行

酒邊詞

二十一

汲古閣

尊俎風流意氣傾
一盃相屬忍催行
離歌更作斷腸聲
滾滾大江前後浪
娟娟明月短長亭
水程山驛總關情

生查子

紹興戊午姑蘇郡參懷婦賦

天上得靈根
不是凡花數
清似水沉香
色染薔薇露
薌林月冷時
玉筍雲深處
歸夢托秋風
夜夜江頭路

又與客醉岩桂下落蕊忽墮酒盃中

月姊倚秋風
香度青林杪
吹墮酒盃中
笑靨撩人小
薌林萬事休
獨此情未了
醉裏又題詩
不覺花前老

臨江仙

紹興庚申老妻生日幼女靈照生於是歲女子亦有弄璋之喜

新月低垂簾額小
梅半出檐牙
高堂開燕靜無譁
麟孫鳳女學語正
啞啞寶鼎騰熏沈水瓊
燹爛醉流霞
薌林同老此生涯
一川風露總道是仙家

酒邊詞

二十一

汲古閣

七娘子

山圍水繞高堂路
恨密雲不下陽臺
雨霧閣雲窗
風亭月戶分明攜手同行處
而今不見生塵步
但長江無語東流去
滿地落花漫天飛絮
誰知總是離愁做

減字木蘭花

維摩住處竟日續
紛花似雨更
有難忘十里清芳撲鼻香
當年疏傳借問賜金卮
用許何似

歸艸寶墨光芒萬丈長

又

年年岩桂恰恰中秋侯我醉今日重陽百樹猶
無一樹香 且傾白酒賴有茱萸枝在手可是
清甘遠遍東籬摘未堪

清平樂

薌林之居岩桂爲最比得公是先
生清平樂詞云小山聚桂最有韻

人意拂葉攀花無限思露溼濃香滿袂
別來過了秋光翠簾昨夜新霜多少
月宮閒地如娥與
惜餘芳因賦一首

酒邊詞

二十二

汲古閣

幽花無外心與薌林會綠髮相看今老矣不作
淺俗氣味 露葉凝凝生光風梢泛泛飄香稱
意中秋開了餘情猶及重陽

又韓叔夏

秋光如水釀作鶯黃蟻散入千巖桂樹裏惟許
脩門人醉 輕鈿重上風鬟不禁月冷霜寒步
障深沉歸去依然愁滿空山

又

岩桂盛開戲呈
韓叔夏司諫

吳頭楚尾踏破芒屨底萬壑千岩秋色裏不耐
惱人風味 而今老我薌林世間百不關心獨
喜愛香韓壽能來同醉花陰

又奉酌韓叔夜

薄情風雨斷送花何許一夜清香無覓處却返
雲窗月戶 醉鄉麴米爲春荊州富貴中人肯
入薌林淨社玉山屬倒芳茵

又贈韓叔夏

酒邊詞

二十三

汲古閣

銀鈎蠶尾一似鍾繇字吏部文章麟角起自是
瑞人驚世 西垣准擬揮毫不須苦續離騷政
看翻堦紅藥無忘聚桂香醪

又奮趙彦正使君

人間塵外一種寒香蕊疑是月娥天上醉戲把
黃雲按碎 使君坐嘯清江騰芳飛譽無雙興
寄小山聚桂詩成斐几明窗

又

鄭長卿寶政思以龍焙絕品予方釀
薌林春色恨不得持去戲有此贈

薌林春色盃面雲腴白醉裏不知天地窄真是
人間歡伯 風流玉友爭妍酪奴可與忘年空
誦少陵佳句飲中誰是俱仙

夏漏子

雪中韓叔
夏席上

小窗前疎影下鸞鏡弄粧初罷梅似雪雪如人
都無一點塵 茸江寒人響絕夏著朦朧微月
山似玉玉如君相看一笑溫

點絳脣

薌林老人紹興甲寅中秋與二三
禪子對月寶林山中戲作長短句

酒邊詞

二十四

汲古閣

俗呼畢
絳唇

綠水青山一輪明月林梢過有誰同坐妙德毘
盧我 石女高歌古調無人和還知麼夏沒別
個且莫分疎破

又代淨
亢老

此夜中秋不向光影門前過披衣得坐無佛亢
生我 口鼓打皮借問今幾和還知麼就中兩
個鼻孔誰穿破

又代香嚴
榮老

不昧本來太虛明月流輝過同行獨坐高下多
由我 玉軫無絃誰對秋風和還知麼老龐一
個識得機關破

又代栖隱
曇老

折脚鐺中二時粥飯隨緣過東行西坐不識而
今我 壞盡田園終日且婆和還知麼雖也無
個時露衣衫破

酒邊詞

二十五

汲古閣

又後自
和

不挂一裘世間萬事如風過忘緣兀坐皮袋非
真我 隨色摩尼朱碧如何和還知麼從來只
個千古撲不破

又別代
淨亢

荆棘林中浪夸好手曾穿過不起千坐逼塞虛
空我 問路臺山婆子隨聲和還知麼石橋老
個些子平窺破

又別代
香嚴

春浪桃花禹門三尺平跳過死生不坐變化須
歸我 山起南雲北雨聲相和還知麼點點真
個塊土何曾破

又別代
栖隱

脫落皮膚故人南岳峰前過只知閒坐千聖難
窺我 明月澄潭誰唱復誰和還知麼錦鱗沒
個莫觸清光破

酒邊詞

二十六

汲古閣

又別白
和

綠水池塘笑看野鴨雙飛過正當呆坐紐鼻須
還我 画日張弓許久無人和還知麼難得全
個不免須明破

又世傳水月觀音詞徐師
川惡其鄙俗戲作一首

冰雪肌膚靚粧喜作梅花面寄情高遠不與凡
情崇 玉立峰前閒把經珠轉秋風便霧收雲
捲水月光中見

又重九戲用東坡先生韵

無熱池南歲寒亭上開新宴青山芳甸盡入真
如觀 舉首高歌人在秋天半晴空遠寒江影
亂何處飛來雁

又

病臥秋風嬾尋盃中追歡宴夢遊都旬不改當
年觀 故舊彫零天下今無半煙塵遠淚珠零
亂怕問隨陽雁

酒邊詞

二十七

汲古閣

又

今日重陽強按青葢聊開宴我家畿甸試上連
輝觀 憶著酺池古塢煙霄半愁心遠情隨雲
亂腸斷江城雁

又重陽後數日菊墩始有花
與諸友再登賦第四首

莫問重陽黃花滿地須遊宴休論夷甸且作江
山觀 百歲光陰屈指今過半霜天晚眼昏花
亂不見書空雁

又 王景源使君寵示岩桂長短句擬和一首

春蕙秋蘭斷崖空谷終難近何如逸韵十里香
成陣 傾蓋論交白首情無盡因君問新聲玉
振更覺花清潤

又 再賦示王景源使君

璧月光輝萬山不隔蟾宮樹金風玉露水國秋
無數 老子情鍾欲向香中住君王訴龍鸞飛
舞送到歸休處

酒邊詞

二十八

汲古閣

又 再次王景源使君韻賦第三首

明月山頭古香吹墮青林底世情無味伴我千
岩裏 詩老風流也向花留意歌新擬調高難
比半坐分君醉

採桑子 蘇林爲牧 蘇舅作

霜鬚七十期同老雲水之鄉總挂冠裳閒裏光
陰一倍長 况逢口屬籬邊笑風露中香報冷
秋光自有仙人九醞觴

一落索

春風吹斷前山雨行雲歸去朝來須信本無心
回首了無尋處 欲問個中去路阿誰能語澄
江霽月却深知把此意都分付

如夢令

予以岩桂爲爐熏雜以龍麝或謂未盡其妙有一道人授取桂花真

水之法乃神仙術也其香著人不減名曰薝林秋露李長吉詩亦云山頭老桂

吹古香戲作二闕以貽好事者

欲問香林秋露來自廣寒深處海上說薝薇何

酒邊詞

二十九

汲古閣

以桂花風度高古高古不著世間塵污

又

誰識薝林秋露勝却諸天花雨休更覓曹溪自
有個中去路參取參取滴滴要知落處

卜算子

臨鏡笑春風生怕梅花妬疑是西湖處士家疎
影橫斜處 江靜竹娟娟綠遶青無數獨許幽
人仔細看全勝牆東路

又中秋欲雨還晴惠刀寺江月亭用東坡先生韵示諸禪老寄徐師川樞密

雨意挾風回月色兼天靜心與秋空一樣清萬象森如影何處一聲鐘令我發深省獨立滄浪忘却歸不覺霜華冷

又重陽後數日辟亂行雙源山間見菊
花復用前韵時以九江郡懇辭未報

時菊碎榛薪地僻柴門靜誰道村中好客稀明月和清影天地一遽廬夢事慵思省若個知余嬾是真心已如灰冷

酒邊詞
三十
汲古閣

又督戰肥水再用前韵
第三首

繆繆擾擾中本體元來靜一段澄明絕點埃世事如泡影歇卽是菩提此語須三省古道無人著脚行禾黍秋風冷

又
第四首

千古一靈根本妙無明淨道個如如已是差莫認風旛影枯木夜堂深默坐時觀省月落鳥雞出戶飛萬里關河冷

三字令

春盡日雨餘時紅簌簌綠漪漪花滿地水平池煙光裏雲影上画船移文鴛竝白鷗飛歌韵響酒行遲將我意入新詩春欲去畱且住莫教歸

長相思
紹興戊辰閏中秋

年重月月重光萬瓦千林白似霜扁舟入醉鄉山蒼蒼水茫茫嚴瀨當時不是狂高風引興

酒邊詞
三十
汲古閣

長

南歌子

柳眼風前動梅心雪後寒年光渾似霧中看報畚風光無處可爲歡一曲聊收淚三盃強自寬新愁不耐上眉端怕見長安歸路嬾凭欄

減字木蘭花

無窮白水無限芰荷紅翠裏幾點青山半在雲煙掩靄間移舟橫截臥看碧天流素月此意

虛徐好把薊林入畫圖

南歌子

江左稱岩桂吳中說木犀水沉爲骨鬱金衣却恨疎梅惱我得青遲
葉借山光潤花蒙水色
奇年年勾引賦新詩應笑薊林冷淡獨心知

又紹興辛酉病起

病著連三月誰能慰老夫蕭蕭短髮不勝梳風裏支離欲倒要人扶
秋月明如水岩花忽起

酒邊詞

汲古閣

予旋筇白酒入盤盂報舍風光不醉夏何如

又韓公主近有提舉廣東市舶之命假道清江執別年餘忽爾相逢喜其同賦是

云詞

我入三摩地人疑小有天君王送老白雲邊不用丹青圖畫上凌煙
喜攬澄清轡能同載酒
船相逢忽漫別經年好是兩身強健在尊前

桂殿秋

秋色裏月明中紅旌翠節下蓬宮蟠桃已結瑤

池露桂子初開玉殿風

朝中措

王景源使君生日坐上偶作

滿城臘雪淨無埃觸處是花開天上瓊林珠樹誰知夜半移來
黃堂薦壽請君著意和氣潛
回化作一江春酒都將注入尊罍

菩薩蠻

天仙醉把真珠擲荷翻瀉入玻璃碧雨過酒尊涼紅葉冉冉香
飛來雙白鷺屢作傲傲舞山

酒邊詞

三十三

汲古閣

鳥起清歌晚來情更多

好事近

紹興辛未病起見梅

多病臥江干過盡春花秋葉又見橫斜疎影弄堦前明月
呼兒取酒據胡床尙喜知時節宜與老夫情厚有鬢邊殘雪
又云折得一枝清瘦入鬢邊殘雪

又

用前韵畱鄧端友使君

風勁入平林掃盡一川黃葉唯有長松千丈挂娟娟霜月
使君和氣動江城疑是芳菲節忽

到小園游戲見南枝如雪

減字木蘭花

登望
韶亭

兩峰對起象闕端門雲霧裏千嶂排空虎節龍
旂指顧中 簫韶妙曲我試與聽音韻足借問
誰傳松上清風石上泉

又

翠鬟雙小綠綺朱絃心未了画戟森閒玉子紋
揪手笑談 不妨扶老未說他年無限笑且要

酒邊詞

三十四

汲古閣

忘憂莫問今朝勝幾籌

又

梅花盛開走筆
戲呈韓叔夏

臘前雪裏幾處梅梢初破
蕤年晚江邊是處花
開晚更妍一絕知春意不耐愁何心與醉更
有難忘宋玉牆頭婉婉香

又

韓叔夏席
上戲作

誰知瑩徹惟有碧天雲外月一見風流洗盡胸
中萬斛愁 賸燒蚤炬只恐夜深花睡去想得

橫陳全是巫山一段雲

又

千山萬水望極不知何處是小院迴廊夢去相
尋未覺長 絕憐清瘦雪裏梅梢春未透常記
分攜雨後梨花曉尚啼

又

去年端午笑結綵絲長命縷今日重陽同泛黃
花九醞觴 經時離缺不爲萊服髭似雪一笑

酒邊詞

三十五

汲古閣

逢迎休覓空青眼自明

酒邊詞卷上

終

酒邊詞卷下

江北舊詞

滿庭芳

政和癸巳滁陽作
其年京師大雪

天宇長閒飛仙狂醉按雲碎玉沉空謝家庭院
爭道絮因風不怕寒生寶粟深洞護犀幙重重
瑤林裏疎梅獻笑小萼露輕紅 瑞龍香繞處
雲間絃管塵外簾櫳須爛醉煙霞莫許千鍾聞
道蟠桃正好蓬瀛路消息潛通飛瓊伴偷將春
酒邊詞 三十六 汲古閣

色分付入芳容

水調歌頭

趙伯山席上見梅

天公深藏巧雪裏放春回不到閒花凡艸都付
與疎梅獨立水邊林下蕭蕭冰容孤豔清瘦玉
腰肢觸撥暗香動風味欲愁誰 姮娥攜青女
過夜闌時瑤冠瓊佩粲然一笑亦何奇賸欲舉
觴對飲不怕月明霜重寒氣著人衣只恐鄰笛
起化作玉塵飛

梅花引

戲代李
師明作

花如頰梅如葉小時笑弄堦前月最盈盈最惺
惺閒愁未識無計定深情 十年空省春風面
花落花開不相見要相逢得相逢須信靈犀中
自有心通

又

向與前闕合
作一闕非

同盃勺同斟酌千愁一醉都推却花陰邊柳陰
邊幾回擬待偷憐不成憐 傷春玉瘦慵梳掠
酒邊詞 三十七 汲古閣

是一雙飛

殢人嬌

錢卿席上贈
侍人輕輕

白似雪花柔於柳絮蝴蝶兒鎮長一處春風貽
蕩驀然吹去口得遊絲半空惹住 波上精神
掌中態度分明是彩雲團做當年飛燕從今不
數只恐是高唐夢中神女

玉樓春

宛丘行口之
園見梅對雪

記得江城春意動兩行疎梅龍腦凍佳人不用
辟寒犀踏雪穿花雲鬢重 眞珠旋滴畱人共
夏葵沉香煥金鳳只今梅雪可憐時都似綠窗
前日夢

又與何文縝倪巨濟王元衷蘇叔黨宴
張子實家侍人賀全眞妙絕一時

雲窗霧閣春風透蝶遶蜂圍花氣漏惱人風味
恰如梅倚醉腰肢全是柳 細傳一曲情偏厚
淡掃兩山綠底皺歸時好月已沉空只有眞香
酒邊詞 三十八 汲古閣

猶滿袖

鷓鴣天 與師川同過
葉夢授家

小院深明別有天花能笑語柳能眠雪肌得酒
於中喚蓮步凌波分外妍 釵燕重髻荷偏兩
山斜疊翠聯娟朝雲無限飄春態算雨情知夏
可憐

又宣和乙亥
代人贈別

斗帳歡盟不計年誰知驀地遠如天何曾一霎

離心上怎得而今在眼前 魚不斷雁相連可
無小字寄芳牋薄情已是拋人去更與新愁到
酒邊

又同前

說著分飛百種猜泥人細數幾時回風流可慣
曾孤冷懷抱如何得好開 垂玉筍下香堦竝
肩小語更兜鞵再三莫遣歸期誤第一頻教入
夢來

酒邊詞 三十九 汲古閣

又

淺淺粧成淡淡梅見梅憶著傷粧臺書無鴻雁
如何寄腸斷催歸作麼回 千種恨百般猜爲
伊懷抱幾時開可堪江上風頭惡不放朝雲入
夢來

又

幾處秋千嬾未收花梢柳外出纖柔霞衣輕舉
疑奔月寶髻歌傾若墜樓 爭縹緲鬪風流蜂

兒蛺蝶笑嬉遊朝朝算算春風裏落盡梨花未

肯休

踏莎行

政和丙申
九江道中

靄靄朝雲飄春態度楚中夢斷尋無路欲將尊
酒遣新愁誰知引到愁深處不盡江山無邊
細雨只疑都把愁來做西山總不解遮闌隨春
直過東湖去

鵲橋仙

酒邊詞

四十

汲古閣

合卺風流擘釵情態壓倒癡牛騃女今年雲外
果深期想却笑人間離苦縈愁疊恨青山綠
水杳杳重重無數尋常猶有夢能來到此夜無
尋夢處

虞美人

政和丁酉下
琵琶溝作

濛濛煙樹無重數不碍相思路晚雲分外欲增
愁更那堪疎疎雨送歸舟雨來還被風吹去
隕淚多如雨擬題雙葉問離憂怎得水隨人意

肯西流

又
恨春

去年不到瓊花底蝶夢空相倚今年特地趁花
來因甚不教同醉過花開花知此恨年年有
閒伴人春瘦一枝和淚寄春風應把舊愁新怨
入眉峰

又
宣和
辛丑

去年雪滿長安樹望斷揚州路今年看雪在揚

酒邊詞

四十一

汲古閣

州人在蓬萊深處若爲愁而今不恨伊相誤
自恨來何算平山堂下舊嬉遊只有舞春楊柳
似風流

又

綺窗人似顰藏柳巧語春心透聲聲清切入人
深一夜不知兩鬢雪霜侵何時月下歌金縷
醉看行雲住嬾將幽恨寄瑤琴却倩金籠鸚鵡
述芳音

夏漏子

題趙伯山青白軒別王豐父劉長因同賦

竹孤青梅醞白夏著使君清絕梅似竹竹如君
須知德有隣 月同高風同調月底風前一笑
翻碎影度浮香與人風味長

又

鵲橋邊牛渚上翠節紅旌相向承玉露御金風
年年歲歲同 嬾飛梭停弄杆遙想綵雲深處
人咫尺似關山無聊獨倚闌

酒邊詞

四十二

汲古閣

鵲橋仙

七夕

澄江如練遠山橫翠一段風煙如畫層樓傑閣
倚晴空疑便是支機石下 寶奩瓊鑑淡勻輕
埽纖手美粧初罷擬將心事問天公與牛女平
分今夜

南歌子

代張仲宗賦

碧落飛明鏡晴煙悞遠山扁舟夜下廣陵難照
我白蘋紅蓼一盃殘 初望同盟飲如何兩處

看遙知香霧溼雲鬟凭睽瓊樓十二玉闌干

鵲橋仙

飛雲多態涼颼微度都到酒邊歌處冰肌玉骨
照人寒夏做弄一簾風雨 同禁風味合歡情
思不管星娥猜妬桃花溪水接銀河與占斷鵲
橋歸路

南歌子

郭小娘道裝

酒邊詞

四十三

汲古閣

是野花凡艸等閒春 翠羽雙垂耳鳥紗巧製
中經珠不動兩眉顰須信鉛華銷盡見天真
又

梁苑千花亂隨堤一水長眼前風物總悲涼何
況眉頭心上不相忘 因夢聊攜手憑書續斷
腸已驚蝴蝶過東牆夏被風吹鴻雁不成行

卜算子

東坡先生嘗作卜算子山谷老人見之云類不食煙火人語蘇林注
眼有兒女子態耳

竹裏一枝梅雨洗娟娟靜疑是佳人日暮來綽約風前影 新恨有誰知往事何堪省夢繞陽臺寂寞回沾袖餘香冷

菩薩蠻

鴛鴦翡翠同心侶驚風不動雙飛去春水綠西池重期相見時 長憐心共語夢裏池邊路相見不如新花應解笑人

又
致和雨中

酒邊詞

四十四

汲古閣

娟娟明月如霜白鰲山可是蓬山隔恨不及春風行雲處處同 暝香紅霧裏一笑誰新喜知得遠愁無春衫有淚珠

又

襪兒窄剪鞦兒小紋鴛並影雙雙好微步巧藏人輕飛洛浦塵 前回深處見欲近還相遠心事不能知教人直是疑

南歌子

雨過林巒靜風迴池閣涼窺人雙燕語雕梁笑看小荷翻處戲鴛鴦 共飲菖蒲細同分綵線長今朝真不負風光絕勝幾年飛夢繞高唐

減字木蘭花

幾年不見蝴蝶枕中魂夢遠一日相逢鸚鵡盃深笑靨濃 歡心未已流水落花愁又起離恨如何細雨斜風晚更多

秦樓月

酒邊詞

四十五

汲古閣

蟲聲切柔腸欲斷傷離別傷離別幾行清淚界殘紅頰 玉堦白露侵羅襪下簾却望玲瓏月玲瓏月寒光零亂照人愁絕

生查子

與王豐父鄭曼卿兄弟嵩山道中

月在兩山間人在空明裏山色碧於天月色光於水 心閒物物幽心動塵塵起莫向動中求長願閒如此

又

春心如杜鵑日夜思歸切啼盡一川花愁落千
山月 遙隣白玉人翠被餘香歇可慣獨眠寒
減動豐肌雪

又

近似月當懷遠似花藏霧好是月明時同醉花
深處 看花不自持對月空相顧願學月頻圓
莫化花飛去

又

酒邊詞

四十六

汲古閣

春山和恨長秋水無言度脉脉復盈盈幾點梨
花雨 深深一段愁寂寂無行路推去又還來
沒個遮攔處

又 贈陳
宋都

娟娟月入眉整整雲歸鬢鏡裏弄粧遲簾外花
移影 斜窺秋水長軟語春鶯近無計奈情何
只有相思分

又

相思嬾下床春夢迷蝴蝶入柳又穿花去去輕
如葉 可堪岐路長不道關山隔無賴是黃鸝
喚起空愁絕

望江南

八月十四日爲壽
近有弄璋之慶

微雨過庭院靜無塵天上秋期明日是人間月
影十分清真不負佳辰 稱壽處香霧繞花身
玉兔已成千歲藥桂花更與一枝新喜氣滿重
闌

酒邊詞

四十七

汲古閣

浣溪沙

冰雪肌膚不受塵臉桃眉柳已生春手搓梅子
笑迎人 欲語又休無限思暫來還去不勝顰
夢隨蝴蝶過東隣

西江月

微步凌波塵起弄粧滿鏡花開春心擲處眼頻
來秀色著人無耐 舊事如風無迹新愁似水
難裁相思日夜夢陽臺減盡沈郎衣帶

點絳脣 南昌送范師

丹鳳飛來細傳日下絲綸語使君歸去已近沙

堤路 風葉露花秋意濃如許江天算離歌輕

舉愁滿西山雨

醜奴兒 宣和辛丑

無雙亭下瓊花樹玉骨雲腴傾國稱姝除却楊

州是處無 天教紅藥來驂藥桃李先驅總作

花奴翠擁紅遮到玉都

酒邊詞

四十八

汲古閣

如夢令

午夜涼生翠幔簾外行雲撥亂可恨白蘋風欲

雨又還吹散腸斷腸斷楚夢驚殘一半

好事近

中秋前一日為壽

小雨度微雲快樂一天新碧恰到中秋佳處是

芳年華日 冰輪莫做九分看天意在今夕先

占廣寒風露怕姮娥偏得

又 懷安郡王席上

初上舞裯時爭看襪羅弓窄恰似晚霞零亂襯

一鉤新月 折旋多態小腰身分明是回雪生

怕因風飛去放真珠簾隔

採桑子

人如濯濯春楊柳徹骨風流脫體溫柔牽繫多

情儘未休 最憐恰恰新眠起雲雨初收斜倚

瓊樓葉葉眉心一樣愁

清平樂 寄邵子非諸友

酒邊詞

四十九

汲古閣

雲無天淨明月端如鏡烏鵲遠枝栖未穩零露

垂垂珠璣 扁舟共絕湖河秋風別去如梭今

夜淒然對影與誰斟酌姮娥

浣溪沙

花想儀容柳想腰融融曳曳一團嬌綺羅叢裏

最妖嬈 歌罷碧天零影亂舞時紅袖雪花飄

幾回相見為魂消

又 趙總帥以扇頭來乞詞戲有此贈趙能恭分茶寫字彈琴

豔趙傾燕花裏仙烏絲欄寫永和年有時閒弄
醒心絃 茗盃分雲微醉後紋楸斜倚髻鬟偏
風流模樣總堪憐

又王惺心效顰
亦有是請

曾是襄王夢裏仙嬌癡恰恰破瓜年芳心已解
品朱絃 淺淺笑時雙靨媚盈盈立處綠雲偏
稱人心事儘人憐

又

酒邊詞

五十

汲古閣

一夜涼颼動碧幙曉庭飛雨濺眞珠玉人睡起
倚金鋪 雲鬢作堆初未整柳腰如醉不勝扶
天仙風調世間無

又政和壬辰正月豫章龜潭作時徐
師川茂駒父汪彥章攜酒來作別

壁月光中玉漏清小梅疎影水邊明似梅人醉
月西傾 梅欲黃時朝暮雨月重圓處短長亭
舊愁新恨若爲情

又連年二月二
日出都門

人意天公則甚知故教小雨作深悲桃花渾似
淚胭脂 理棹又從今日去斷腸還似去年時
經行處處是相思

又政和癸巳儀
真東園作

花樣風流柳樣嬌雪中微步遇溪橋心期春色
到梅梢 折得一枝歸綠鬢冰容玉豔不相饒
索人同去醉金蕉

又

酒邊詞

五十一

汲古閣

守得梅開着意看春風幾醉玉闌干去時猶自
惜餘歡 雨後重來花埽地葉間青子已團圓
憑誰寄與感眉山

又醉醺和秋端叔
韵贈陳宋鄰

翡翠衣裳白玉人不將朱粉污天真清風爲伴
月爲隣 枕上解隨良夜夢壺中別是一家春
同心小綰更尖新

又

兩點春山入翠眉一綢楊柳作腰肢語音嬌軟
帶兒癡 猶省當來求識面隔溪清唱倒瓊甌
真成相見說當時

又

姑射肌膚雪一團摻摻玉手弄冰紈着人情思
幾多般 水上月如天樣遠眼前花似鏡中看
見時容易近時難

又

酒邊詞

五十二

汲古閣

雲外遙山似翠眉風前楊柳入腰肢凌波微步
襪塵飛 倚醉傳歌畱客處伴與不語帶人時
風流態度百般宜

又 許南叔
席上

百斛明珠得翠娥風流徹骨更能歌碧雲畱住
勸金荷 取醉歸來因一笑惱人深處是橫波
酒醒情味却知麼

相見歡

亭亭秋水芙蓉翠團中又是一年風露笑相逢
天機畔雲錦亂思無窮路隔銀河猶解嫁西
風

又

桃源深閉春風信難通流水落花餘恨幾時窮
水無定花有盡會相逢可是人生長在別離
中

又

酒邊詞

五十三

汲古閣

腰肢一縷纖長是垂楊泥泥風中衣袖冷沉香
花如頰眉如葉語如簫微笑微顰相惱過迴
廊

伯恭相家子欽聖憲肅皇后從姪也性極孝友
置義莊贍宗族貧者其主相忠節胡安國孫
九成輩極嘉與之晚忤秦檜竟乃致仕卜築清
江楊遵道故第竹木池館占一都之勝又筑石
手植岩桂顏其堂曰蘇林自詠云須知道天教

尤物相伴老江鄉又絕筆云真香妙質不耐世
間風與日豈米顛所謂衆香國中衆香國
中玄薌林之庶幾耶 湖南毛晉識

酒邊詞

五十四

汲古閣

酒邊詞卷下

終

題溪堂詞

謝無逸臨川進士自號溪堂學
古高傑文辭煅煉篇々有古意
而尤工於詩詞黃山谷嘗讀其

溪堂詞序

汲古閣

詩云晁張深也恨未識面耳其
詩曰山寒石髮瘦水落溪毛彫
又曰老鳳垂頭噤不語枯木槎
牙噪春鳥其詞曰黛淺眉痕沁

紅添酒面潮又曰魚躍水池飛

玉尺雲橫石嶺拂鮫綃皆百鍊

乃出冶者晁張又將避三舍笑

湯叟題

溪堂詞序

汲古閣

溪堂詞

目錄

如夢令

二調

點絳脣

二調

浣溪沙

二調

採桑子

三調

菩薩蠻

二調

減字木蘭花

二調

卜算子

一調

謁金門

一調

好事近

一調

清平樂

二調

醉桃源

三調

武陵春

二調

溪堂詞目

一

汲古閣

柳梢青

一調

西江月

九調

燕歸梁

一調

南歌子

一調

望江南

二調

浪淘沙

一調

鷓鴣天

四調

玉樓春

四調

鵲橋仙

一調

虞美人

三調

南鄉子

一調

醉落魄

一調

踏莎行

一調

蝶戀花

一調

臨江仙

二調

七娘子

一調

漁家傲 一調

青玉案 一調

江神子 二調

千歲秋 一調

驀山溪 一調

溪堂詞目

二

汲古閣

溪堂詞目錄

溪堂詞

宋謝逸

如夢令

或刻周美成

花落鷓鴣啼春算陌上綠楊飛絮金鴨晚香寒人在洞房深處無語無語葉上數聲疎雨

又

門外落花流水日煥杜鵑聲碎蕃馬小屏風一枕畫堂春睡如醉如醉正是困人天氣

溪堂詞

一

汲古閣

點絳脣

或刻張子野○碧影涵雲嶽作玉立峨峰遠

九日登高倚樓人在秋空半汝江如練碧影涵雲嶽醉看茱萸定是明年健清樽滿菊花黃淺偏入陶潛眼

又

金氣秋分風清露冷秋期半涼蟾光滿桂子飄香遠素練寬衣仙仗明飛觀霓裳亂銀橋人散吹徹昭華管

浣溪沙

樓閣簾坐乳燕飛圓荷細細點清溪薰風破悶
晚涼時 玉軫琴邊蘭思遠霜紉扇裏翠眉低
柔藍衫子開蜂兒

又

暝日溫風破淺寒短青無數簇幽蘭三年春在
病中看 中酒心情長似夢探花時候不曾閑
故園芳信隔秦關

溪堂詞

二

汲古閣

採桑子

楚山削玉雲中碧影落沙汀秋水澄疑一抹江
天雁字橫 金錢滿地西風急紅蓼煙輕簾外
砧聲驚起青樓夢不成

又

氷霜林裏爭先發獨壓羣花風送清笳更引輕
相淡淡遮 抱牆溪水彎環碧月色清華疎影
橫斜恰似林逋處士家

又

冷猿寒雁淮山遠風裊青帘飛雪廉纖莫道空
中是撒鹽 到時乳鵲喧梧影曉卷疎簾彩服
巡簷索笑梅花笑語添

菩薩蠻

暄風遲日春光開蒲萄水綠搖輕棹兩岼草煙
低青山啼子規 歸來愁未寢黛淺眉痕沁花
影轉廊腰紅添酒面潮

溪堂詞

三

汲古閣

又

縠紋波面浮鷓鴣蒲芽出水參差碧滿院落梅
香柳梢初弄黃 衣輕紅袖皺春困花枝瘦睡
起玉釵橫隔簾聞曉鶯

減字木蘭花

七夕

荷花風細乞巧樓中涼似水天幙低垂新月彎
環淺暈眉 橋橫烏鵲不負年年雲外約殘漏
疎鐘腸斷朝霞一縷紅

又

疎疎密密簷葡林中飛六出妬舞欺梅悠颺隨
風去却回 遙岑玉列不見雲中浮寸碧夜色
清妍庭下交光月午天

卜算子

煙雨羃橫塘紺色涵清淺誰把并州快剪刀剪
取吳江半 隱几岼島巾細葛含風軟不見柴
桑避俗翁心共孤雲遠

溪堂詞

四

汲古閣

謁金門

簾外雨洗盡楚鄉殘暑白露影邊霞一縷紺碧
江天暮 沉水煙橫香霧茗椀淺浮瓊乳臥聽
鷓鴣啼竹塢竹風清院宇

好事近

疎雨洗煙波雨過滿江秋色風起白鷗零亂破
嵐光深碧 荻花楓葉只供愁清吟寫岑寂吟
罷倚闌無語聽一聲羌笛

清平樂

曉風殘角月裏梅花落宿雨醒時滋味惡翠被
輕寒漠漠 夢回一點相思遠山暗感雙眉不
覺肌膚瘦玉但知帶減腰圍

又春情

花邊柳際已漸知春意歸信不知何日是舊恨
欲拚無計 故人零落西東題詩待倩鴻鴻惟
有多情芳艸年年處處相逢

溪堂詞

五

汲古閣

醉桃源

花枝破蕾柳梢青春寒拂面輕一眉新月影三
星銅荷燭燼零 低鳳扇裊霓旌珊珊環珮聲
坐間誰識許飛璫對郎仙骨清

又

風飄萬點落花飛殘紅枝上稀平蕪葉上淡煙
迷那堪春鳥啼 風細細日遲遲輕紗疊雪衣
多情多病嬾追隨玉人應恨伊

又雪

晨光曉色埽簷晶
寒口蝶夢驚亂飄
鴛瓦細無聲
遊颺桺絲輕
書幌冷竹窗明
柴門只獨扃
一尊濁酒爲誰傾
梅花相對清

武陵春

茶

画燭籠紗紅影亂
門外紫驕嘶分破
雲團月影虧
雪浪皺清漪
捧盃纖纖春筍
瘦乳霧泛冰甕
兩袖清風拂袖飛
歸去酒醒時

溪堂詞

六

汲古閣

又

送任民望
歸豐城

拍岸蒲萄江水碧
柳帶挽歸艎
破悶琴風繞袖涼
款款揀花香
淡煙疎雨隨宜好
何處不瀟湘
願作雙飛老鳳皇
莫學野鴛鴦

柳梢青

離別○時
刻不載

香肩輕拍尊前忍
聽一聲將息
昨夜濃歡今朝別
酒明日行客
後回來則須來
便去也如何
去得無限離情
無窮江水無邊山色

西江月

落窰寒香滿院
扶疎清影侵門
雪消平野晚煙
昏睡起懶勻檀粉
皎皎風前玉樹
盈盈月下冰魂
南枝春信夜來溫
便覺肌膚損瘦

又

花額上堆翠葆
遠山橫處星眸
絳宮深鎖算雲
浮月破黃昏時候
誰謂霞衣玉簡
便孤彩鳳秦樓
桃源不禁管人遊
曾是劉郎邂逅

溪堂詞

七

汲古閣

又

陳倅
席上

窄袖淺籠溫玉
修眉淡埽遙岑
行時雲霧繞衣襟
步步蓮生宮錦
菊與秋煙共晚
酒隨人意俱深
尊前有客動琴心
醉後清狂不禁

又

箏

寶柱橫雲雁影
朱絃隔葉鶯聲
風生玉指曉寒清
官樣輕黃袖冷
飲罷尙留餘意
曲終自有深情
歸來江上數峰青
梅小橫斜夜永

又代入上許
守生日

滴滴金盤露冷蕭蕭玉宇風清長庚入夢曉窗
明淡月微雲耿耿松竹五峰秋色笙歌三市
歡聲華堂開宴擁娉婷天上人間共慶

又送朱
泮英

青錦纏枝佩劒紫絲絡轡飛驄入關意氣喜生
風年少胸吞雲夢金闕日高露泣東華塵軟
香紅爭看荀氏第三龍春煥桃花浪湧

溪堂詞

八

汲古閣

又木芙蓉
容

曉豔最便清露晚紅偏怯斜陽移根栽近菊花
傍蜀錦翻成新樣坐客聯揮玉塵歌詞細琢
瓊章從今故事記溪堂歲歲攜壺共賞

又

木末誰攀新萼雪消自種前庭莫嫌開過尚盈
盈似待詩人醉咏霜後最添妍麗風中更覺
娉婷影搖溪水一灣清粧罷曉臨鸞鏡

又

密雪未知膚白夜寒已覺香清振芳堂下月盈
庭踏碎橫斜疎影且醉盃中綠蟻休辭笛裏
清聲東君催促于青青滋味要調金鼎

燕歸梁

六曲闌干翠幙坐香爐冷金猊日高花外轉黃
鸝春睡覺酒醒時草青南浦雲橫西塞錦字
杳無期東風只送柳綿飛全不管寄相思

溪堂詞

九

汲古閣

南歌子
夜春

雨洗溪光淨風掀柳帶斜畫樓朱戶玉人家簾
外一眉新月漫梨花金鴨香凝袖銅荷燭映
紗鳳盤宮錦小屏遮夜靜寒生春筍理琵琶

望江南

臨川好柳岸轉平沙門外澄江丞相宅壇前喬
木列仙家春到滿城花行樂處舞袖卷輕紗
謾摘青梅嘗煮酒旋煎白雪試新茶明月上簷

牙

又

臨川好山影碧波搖魚躍水池飛玉尺雲橫石
嶺拂鮫銷高樹竹蕭蕭 寒食近湖水綠平橋
繁杏梢頭張錦旆垂楊陰裏繫蘭橈遊客解金

貂

浪淘沙

上元

料峭小桃風凝淡春容寶燈山列半天中麗服

溪堂詞

十

汲古閣

靚粧攜手處笑語囟囟 酒滴小槽紅一飲千

鍾銅荷擎燭絳紗籠歸去笙歌喧院落月照簾

籠

鷓鴣天

桐葉成陰拂画簷清風涼處捲疎簾紅綃舞袖

繁腰柳碧玉睂峰媚臉蓮 愁滿眼水連天香

殘小字倩誰傳梅黃楚岫垂垂雨草碧吳江淡

淡煙

又

金節平分院落涼黃昏簾幙卷西廂冰輪碾破
粼粼碧玉斧修成練練光 低照戶巧侵床錦
袍起舞謫仙狂鵲飛影裏觥籌亂桂子風前笑
語香

又

紅暈香腮粉未勻梳粧閒淡穩精神誰知碧嶂
清溪畔也有姚家一朵春 睂黛淺爲誰顰莫

溪堂詞

十一

汲古閣

將心事付朝雲坐中有客腸應斷忘了醺醺架
下人

又

水濶天低雁字橫小春時節晚寒清梅梢月上
紛紛白竹塢風來冉冉輕 人似玉酒如澗入
關意氣喜風生坐中有客聯鑣去誰唱陽關第
四聲

玉樓春

寒食

弄晴數點梨梢雨門外画橋寒食路杜鵑飛破
草間煙蛺蝶惹殘花底霧東君著意怜樊素
一段韶華天付與粧成不管露桃嗔舞罷從教
風柳妬

又王守
生日

橫塘暈淺琉璃瑩綠葉陰濃庭院靜櫻桃熟後
麥秋涼芍藥開時槐夏永蓬萊閣下紅塵境
青羽扇底搖鳳影庭前玉樹一枝春香霧和煙

溪堂詞

十二

汲古閣

新月冷

又

個中懷抱誰排遣惻惻輕寒風剪剪細香梅蕊
晚香濃爭似柳梢春色淺嬌叱道字歌聲軟
醉後微渦回笑靨更無卓氏白頭吟只有盧郎
年少恨

又王守
生日

青錢點水圓荷綠解籜新篁森嫩玉輕風冉冉

棟花香小雨絲絲梅子熟華堂燭燼零金粟
入在洞天三十六韶華吹徹箎聲寒聲入壽觴
紅浪蹙

鵲橋仙

蝶飛煙草鶯啼雲樹滿院坐楊陰綠輕風飄散
杏梢紅更吹皺池波如縠珠簾日晚銀屏人
散樓上醉橫霜竹一春若道不相思緣底事紅
綃褪玉

溪堂詞

十三

汲古閣

虞美人

碧梧翠竹交加影角簾紗幙冷疎雲淡月媚橫
塘一陣荷花風起隔簾香雁橫天末無消息
水闊吳山碧刺桐花上蝶翩翩唯有夜深清夢
到郎邊

又

角聲吹散梅梢雪疎影黃昏月落英點點拂闌
干風送清香滿院作輕寒花競羯鼓催行酒

紅袖摻摻手曲聲未徹寶盃空飲罷香熏翠被
錦屏中

又

風前玉樹瑤金韵碧落佳期近疎雲影裏鵲橋
低簷外一彎新月印修眉 星河漸曉銅壺噎
又是經年別此情莫與玉人知引起舊家離恨
淚珠垂

南鄉子

美人

溪堂詞

十四

汲古閣

淺色染春衣衣上雙雙小雁飛袖卷藕絲寒玉
瘦彈碁贏得尊前酒一卮 氷雪拂臙脂絳蠟
香融落日西唱徹陽關人欲去依依醉眼橫波
翠黛低

醉落魄

霜砌聲急瀟瀟疎雨梧桐溼無言獨倚闌干立
簾捲黃昏一陣西風入 年時画閣佳賓集玉
人檀板當筵執銀瓶已斷絲繩汲莫話前歡忍

對屏山泣

踏莎行

春景

柳絮風輕梨花雨細春陰院落簾坐地碧溪影
裏小橋橫青帘市上孤煙起 鏡約關情琴心
破睽輕寒漠漠侵鴛被酒醒霞散臉邊紅夢回
山感眉間翠

蝶戀花

春景○草堂
作鳳棲梧

豆蔻梢頭春色淺新試紗衣拂袖東風軟紅日
溪堂詞

十五

汲古閣

三竿簾幙卷画樓影裏雙飛燕 攏鬢步搖青
玉碾缺樣花枝葉葉蜂兒顫獨倚闌干凝望遠
一川煙草平如翦

臨江仙

重九

木落江寒秋色晚颼颼吹帽風清丹楓樓外搗
衣聲登高懷遠山影雁邊橫 露染宮黃庭菊
淺茱萸煙拂紅輕尊前誰整醉冠傾酒香熏臉
落日斷霞明

又

玉樹臨風賓欲散，青昏約馬嘶庭幽。歡卡盡有，
餘清瓊瑩方一啜。銀燭已雙擎。坐久香津生。
齒頰何須五斗消醒。豔歌聲裏醉魂醒。明年思
此會，旌旆想登瀛。

七娘子

風剪冰花飛零亂。映梅梢素影，搖清淺。繡幄寒
輕。蘭熏煙煖。艷歌催得金荷卷。游梁已覺相

溪堂詞

十六

汲古閣

如倦憶去年。渡淮南岸。別後銷魂冷猿寒。雁
角聲只送黃昏怨。

漁家傲

漁父

秋水無痕清見底。蓼花汀上西風起。一葉小舟
煙霧裏。蘭棹艤柳條帶雨穿雙鯉。自嘆直鉤
無處使。笛聲吹徹雲山翠。鱸落霜刀紅縷細。新
酒美。醉來獨枕莎衣睡。

青玉案

蘆花飄雪迷洲渚。送秋水連天去。一葉小舟橫
別浦。數聲鴻雁兩行鷗。鷺天淡。瀟湘暮。蓬窗
醉夢驚。簫鼓回首青樓在。何處柳岸風輕吹。殘
暑菊開青蕊葉。飛紅樹。江上瀟瀟雨。

江神子

別情

一江秋水碧灣灣。繞青山。玉連環。簾幙低垂人
在。畫圖間。閒抱琵琶尋舊曲。彈未了。意闌珊。
飛鴻數點拂雲端。倚闌看。楚天寒。擬倩東風吹。

溪堂詞

十七

汲古閣

夢到長安恰似梨花春。帶雨愁滿眼。淚闌干。

又

春思

杏花村館酒旗風。水溶溶。颺殘紅。野渡舟橫楊
柳綠。陰濃望斷江南山。色遠人不見。草連空。
夕陽樓外晚煙籠。粉香融。淡眉峰。記得年時相
見。画屏中。只有關山今夜月。千里外。素光同。

千秋歲

景夏

楝花飄砌。蔌蔌清香細。梅雨過。蘋風起。情隨湘

水遠夢遶吳峰翠琴書倦鷓鴣喚起南窗睡

密意無人寄幽恨憑誰洗修竹畔疎簾裏歌餘

塵拂扇舞罷風掀袂人散後一鈎淡月天如水

驀山溪

月夜

霜清木落深院簾櫳靜池面卷煙波瑩香水一

奩明鏡修筠拂檻疎翠挽嬋娟山霧歛水雲收

野濶江天迥紅消醉玉酒面風前醒羅幙護

輕寒錦屏空金爐燼冷星橫參昴梅徑月黃昏

溪堂詞

十八

汲古閣

清夢覺淺眉顰窗外橫斜影

時本溪堂詞卷首蝶戀花以迄禪尾調江

南共六十有三闋皆小令輕倩可人中間字句

件件無從考索既獲溪堂全集未載樂府

一卷今依其章次就梓近來吳門抄本多

花心動一闋其詞云風裡楊花輕薄性銀燭

高燒心熱香餌懸鈎魚不輕吞辜負鈎兒

虛設愁粧到老係長伴針刺眼淚添成血

思量起拈枝花朵果兒難結海樣情深忍

撇似夢索相逢不勝歡悅出水雙蓮摘取

一枝可惜並頭不折猛期月滿會姮娥誰知

是初生新月折翼鳥甚是于飛時節疑是

厲筆不敢潤入附記以俟識者湖南毛晉識

溪堂詞

十九

汲古閣

溪堂詞

終

題樵隱詞

樵隱詩餘一卷信安毛平仲所作也平仲為人傲世自高與時多忤獨與錫山尤遂初厚善臨

樵隱詞序

一

汲古閣

終以書別之囑以志墓遂初既

為墓誌銘又序其集或病其詩

文視樂府頗不逮其然豈其然

乎乾道柔兆閏茂陽月永嘉王

木叔題

樵隱詞序

二

汲古閣

二
一

樵隱詞

目錄

賀新郎 一調

風流子 一調

薄倖 一調

水龍吟 一調

瑞仙鶴 一調

念奴嬌 八調

燕山亭 一調

水調歌頭 五調

滿庭芳 三調

滿江紅 三調

江城子 二調

漁家傲 二調

樵隱詞目

汲古閣

蝶戀花 一調

醉落魄 一調

玉樓春 二調

浪淘沙 一調

眼兒嬌 一調

秋蕊香 一調

畫堂春 一調

應天長令 一調

好事近 一調

謁金門 二調

點絳脣 一調

樵隱詞目錄 終

樵隱詞

宋毛 升

賀新郎

風雨連朝夕最驚心春光晚晚又過寒食落盡
一番新桃李芳草南園似積但燕子歸來幽寂
況是單棲饒惆悵儘無聊有夢寒猶力春意遠
恨虛擲東君自是人間客暫時來匆匆却去
爲誰畱得走馬插花當年事池空餘舊跡奈

樵隱詞

汲古閣

老去流光堪惜杳隔天涯人千里念無憑寄長
相憶回首處暮雲碧

風流子

新禽初弄舌東郊外催爾踏青期漸晴濫翠漪
惠風飴蕩暖蒸紅霧淑景輝遲粉牆外杏花無
限笑楊柳不勝垂閒裏歲華但驚蕭索老來心
賞尤惜芳菲平生歌酒地空回首惆悵觸緒
沾衣誰見素琴翻恨青鏡畱悲念千里雲遙算

天長短十年人杳流水東西惟有寄情芳草依舊
舊萋萋

薄倖

柳橋南畔駐驄馬尋春幾遍自見了生塵羅襪
爾許嬌波流眄爲感郎松柏深心西陵已約平
生願記別袖頻招斜門相送小立釵橫鬢亂
恨暗寫如蠶紙空目斷高城人遠奈當時消息
黃姑織女又成王謝生前燕託琴心恐怕嬌雲
慙隱詞
二
汲古閣
弱雨東風驀地輕吹散傷春病也狼籍飛花滿
院

水龍吟

登吳江
橋作

渺然震澤東來太湖望極平無際三吳風月一
江煙浪古今絕致羽化蓬萊胸吞雲夢不妨如
此看垂虹千丈斜陽萬頃盡倒影青奩裏
追想扁舟去後對汀洲白蘋風起只今誰會水光
山色依然西子安得超然相從物外此生終矣

念素心空在徂年易失淚如鉛水

瑞僊鶴

柳風清畫溷山櫻晚一樹高紅爭熟輕紗睡初
足悄無人欹枕虛檐鳴玉南園秉燭歎流光容
易過目送春歸去有無數弄禽滿徑新竹
閒記追歡尋勝杏棟西廂粉牆南曲別長會促成
何計奈幽獨縱湘絃難寄韓香終在屏山蝶夢
斷續對浴堦細草萋萋爲誰自綠

慙隱詞

三

汲古閣

念奴嬌

陪張子公
登覽輝亭

層欄飛棟壓孤城臨瞰并吞空闊千古吳京佳
麗地一覽江山奇絕天際歸舟雲中行樹鷺點
汀洲雪三山無際眇然相望溟渤
鳳么遺響悲涼故臺今不見蒼煙蕪沒千騎重來初起廢
緬想六朝人物峴首他年羊公終在笑幾人磨
滅一時樽俎且須同賦風月

又

少年奇志笑功名
画虎文章刻鵠形
永夜漫漫悲
畫短難挽蒼龍
銜燭飛霍飄零
浮雲遷變過眼
郵傳速管人真
意眇然千載誰
屬猶喜二子
當年諸公籍甚
賞雲和孤竹翰
墨流傳知幾許
遺響宮商相續
夢裡京華不須
驚嘆春艸年年
綠赤霄歸去更
看犇電歎玉

又
并秋登石橋迨
和視子權韻

十年湖海歎潘郎
憔悴無心雲閣強
起登臨驚

樵隱詞

四

汲古閣

算序日極清霜
搖落散髮層阿
振衣千仞浩蕩
窮林登沉寥無
際鏡天收盡雲
腳長嘯聲落
悲風想滄洲萬
里當年歸約回
首區中無限事
此意誰同商略
欲駕飛鴻翩然
獨往汗漫期相
諾滯留何事坐
令雙鬢如鵲

又
次韻施德
初席上

麗譙春晚望東
南千里湖山佳
色画戟門前清
似水時節初過
燈夕封井年登
京華日近每報

平安驛滿城花柳
正須千騎尋覓
憶我年少
追遊叨兔園客
右多慙英識今
日懷人無限意
老淚尊前重滴
賦詠空傳雄豪
誰在鬢點吳霜
白招呼一醉幸
公時慰愁寂

又
追和張巨
山牡丹詞

倚風含露似輕顰
微笑盈盈脉脉
染素勻紅知
費盡多少東君
心力國豔酣晴
天香融煥画手
爭傳得綠窗朱
戶曉粧誰見凝
寂獨占三月

樵隱詞

五

汲古閣

芳菲千花百卉
算難爭春色欲
寄朝雲無限意
回首京塵猶隔
舞破霓裳一枝
渾似醉倚香亭
北舊懽如夢老
懷鄉更追惜

又
題曾氏
溪堂

王孫老去算無地
傾倒胸中豪逸
小築三間便
席卷多少江山
風月萬壑回流
千峰輸秀入境
成三絕登臨佳
處鳥飛不盡空
濶追念輞水
斜川有風流千
載淵明摩詰何
必斯人聊一笑

俯仰今猶前日只恐東州催成棠蔭又作三年
別賞心難繼莫教辜負華髮

又記夢

阿環家住闌風頂絳闌瑤臺相接翳鳳藥鸞人
不見隱隱霓裳雲袂秀骨貞風長眉翠淺映白
咽紅頰非煙淡處渺然雲浪千疊一笑徐福
扁舟春風空老盡當時童妾骨冷魂清驚夢到
同看碧桃千葉寄語青童何時丹就爲我畱瓊
樵隱詞
六
汲中閣
笈天鷄催曉却愁吹墮塵劫

又中秋

素秋新霽風露洗寥廓珠宮瓊闕簾幙生寒人
未定鵲羽驚飛林樾河漢無聲微雲收盡相映
寒光發三千銀界一時無此奇絕正是老子
南樓多情辜負了十分佳節起舞徘徊誰爲我
傾倒盃中明月欲攬姮娥扁舟滄海戲濯凌波
襪漏殘鐘斷坐愁人世超忽

燕山亭勅住求賦
紅亭爲賦

暝靄輝遲雨過夜來簾外春風徐轉霞散錦舒
密映窺亭亭萬枝開遍一笑嫣然猶記有畫圖
曾見無伴初睡起昭陽弄粧日晚長是相赴
佳期有尋舊流鶯貪新雙燕惆悵共誰細繞花
陰空懷紫簫淒怨銀燭光中且更待夜深重看
畱戀愁酒醒緋千片

水調歌頭

次韻陸務觀陪太守
方務德登多景樓

樵隱詞

七

汲中閣

襟帶大江左平望見三州際空遺跡千古奇勝
米公樓太守中朝耆舊別業當今豪逸人物眇
應劉此地一尊酒歌吹擁貔貅楚山曉淮月
夜海門秋登臨無盡須信詩眼不供愁恨我相
望千里空想一時高唱零落幾人收妙賞頻回
首誰復繼風流

又上元
集

春意滿南國花動雪明樓千坊萬井此時燈火

隘追遊十里寒星相照一輪明月斜掛縹緲映
紅毬共嬉不禁夜光彩通飛浮 豔神仙轟鼓
吹引鰲頭文章太守此時賓從敵應劉回首昇
平舊事未減當年風月一醉爲君酬明日朝天
去空復想風流

又 和人
新堂

小築百年計雅志幾人成亂山淡處煙雨面面
對縈青中屨方安吾土花木仍供眞賞隣有阮

樵隱詞

八

汲古閣

稻生歲月拋身外塵事更無營 鳥知歸雲出
岫兩忘情從渠葦屋回首煙草昂顏傾何似生
涯纔足欹枕南窗北牖醉夢落樵聲更喜濯纓
處門外一江清

又 送周
元特

漢代李元禮江左管夷吾英姿雅望凜凜玉立
冠中都礪礪胸中千丈不肖低回青禁引去臥
江湖更學鴟夷子一舸下東吳 送公別孟酒

盡少躊躇舊棠陰下幾人臨路擁行車歸近雲
天尺五夢想經綸賢業談笑取單于爲問茗溪
水畱得此翁無

又 次劉若
訥韻

十載劉夫子名過庾蘭成人人爭看角犀今喜
試豐盈傾耳新詩千首妙處端須擊節金石破
蟲聲此士難復得黃口鬧如羹 憶年少游俠
窟戲荆卿結交投分馳心千里劇搖旌我老公

樵隱詞

九

汲古閣

方豪健儻許相從晚歲忼慨激中情洗眼功名
會一箭取遼城

滿庭芳

自宛陵易仲東
易雷別諸同寮

世事難窮人生無定偶然蓬轉萍浮爲誰教我
從宦到東州還似翩翩海燕春至歸及涼秋
回頭笑渾家數口又泛五湖月 悠悠當此去
白童白叟莫漫相畱但谿山好處溪負重游珍
重諸公送我臨岐淚欲語先流應須記從今風

月相憶在南樓

又

五十年來追思疇昔佳時去若雲浮依然重見
感涕話西州幸喜靈光不改空自笑蒲柳先秋
成何事風波末路險畏有沉舟別愁都幾許
相從未數我去公畱況狂直平生誰念遨遊月
夕風天正好還驚悵失此詩流江南岼明朝夏
遠回首仲宣樓

樵隱詞

汲古閣

又

行次四安山前記
寄章叔通弟無恙

護落難容崎嶇堪笑一年陸走川浮又攜妻子
兩度過神州紫蟹鱸魚正美涼天氣恰傍中秋
今宵意無人伴我快瀉玉雙月功名聊爾耳
千金聘楚萬戶封畱又爭如物外閒曠優游好
在東阡北陌相從有諸老風流家山近歸休去
也不上望京樓

滿江紅
紅蓮施
德初

東馬嚴徐名籍甚西京人物誰不羨伏蒲忠鯁

演綸詞筆雅意中朝今小試二年東郡弦風跡

數中興循吏兩三人公居一溫詔趣還丹闕

傾廬相方前席看雲臺登踐論思密勿超覽堂

中遺愛在幾人同戀津亭別顧倦游雲路僕登

仙心如失

又
懷家
山作

回首吾廬思歸去石谿樵谷臨甌有門前流水

樵隱詞

十一

汲古閣

亂松疎竹幽艸春餘荒井逕鳴禽日在窺牆屋

但等閒凭几看南山雲相逐家釀美招隣曲

朝餽飽隨耕牧況東臯二頃歲時都足麟閣功

名身外事牆陰不駐流光促更休論一枕夢中

驚黃梁熟

又

潑火初收鞦韆外輕煙漠漠春漸遠綠楊芳艸

燕飛池閣已著單衣寒食後夜來還是東風惡

對空山寂寂杜鵑啼梨花落 傷別恨閒情作

十載事驚如昨向花前月下共誰行樂飛蓋低

迷南苑路滿裙悵望東城約但老來顚顚惜春

心年年覺

江城子

和德初燈夕詞
次葉石林韻

神仙樓觀梵王宮月當中望難窮坐聽三通譙

鼓報籠銅還憶當年京輦舊車馬會五門東

華堂歌舞間笙鐘夕香濛度花風翠袖傳盃爭

樵隱詞

十二

汲古閣

勸紫茸翁歸去不堪春夢斷煙雨曉亂山重

又

倚牆高樹落驚禽小窗淡夜沉沉酒醒燈昏人

靜更愁霖惆悵行雲畱不住攜手處却分襟

悠悠風月兩關心擁孤衾恨難禁何況一春顚

顚到如今最苦清宵無寐極想見夢也難尋

漁家傲

極目丹楓迎霽曉山明水淨新霜早燕去鴻歸

無事了天渺渺風吹平野低寒艸 漸過初冬

時節好尋梅踏雪城南道追憶舊遊人已老慙

更少孤懷擬共誰傾倒

又

次梓陽
憶故人

楊子津頭風色暮孤角渺渺江南去憶得佳人

臨別處愁返顧青山幾點斜陽樹 可忍歸期

無定據天涯已聽邊鴻度昨夜鄉心畱不住無

驛數夢中行了來時路

樵隱詞

十三

汲古閣

蝶戀花

羅襪匆匆曾一過烏鵲歸來怨感流年度別袖

空看啼粉汚相思待倩誰分付 殘雪江村迴

馬路嫋嫋春寒簾晚空凝佇人在梅花淡處住

梅花落盡愁無數

醉落魄

楊

暮寒淒冽春風探繞南枝發更無人處增清絕

冷蕊孤香竹外朦朧月 西洲昨夢憑誰說攀

翻剗憶經年別新愁悵望催華髮雀占江頭一
樹垂垂雪

玉樓春

日長澹澹光風轉小尾黃蜂隨早燕行尋香逕
不逢人惟有落紅千萬片酒成顚頰花成怨
閒殺羽觴難會面可堪春事已無多新筍遮牆

苔滿院

又

來如春夢幾多時去似朝雲無覓處是
歐陽永未現成對子平仲向稱詞家能

焦隱詞

十四

汲古閣

品亦肯
蕙人耶

曲房小院匆匆過急鼓疎鐘催又去來如春夢
幾多時去似朝雲無覓處金瓶落井翻相誤
可憎馨香隨手故錦囊空有斷腸書彩筆不傳
長恨句

浪淘沙

簾幙燕雙飛春共人歸東風惻惻雨霏霏水滿
西池花滿地追惜芳菲回首曾遊并別夢依

稀一成春瘦不勝衣無限樓前傷遠意芳艸斜
暉

眼兒嬌

小溪微月淡無痕殘雪擁孤村攀條弄蕊春愁
相值寂默無言忍寒宜立何人見應怯過黃
昏朝陽夢斷薰殘沉水誰爲招魂

秋蕊香

蕩暝花風滿路織翠柳陰和霧曲池鬪艸舊遊

焦隱詞

十五

汲古閣

處憶試春衫白苧暗驚節意朱絃柱送春去
曉來一陣埽花雨惆悵薔薇在否

畫堂春

華燈收盡雪初殘踏青還爾遊盤落梅強半已
飛翻剗地春寒多病故人日遠幾時雙燕來
還可憐樓上一凭欄不見長安

應天長令

曲欄十二閒亭沼履迹雙沉人悄悄汲池寒香

燼小夢短女牆鴛喚曉 柳枝風輕如嫋門外
落花多少日日離愁縈繞不知春過了

好事近

次韻葉夢揚陳
天子南園作

飛蓋滿南園想見八仙遙集幾樹海棠開徧正
新晴天色 休辭一醉任無還衣上酒痕濕便
恐歲華催去聽秋蟲相泣

謁金門

春已半芳艸池塘綠徧山北山南花爛熳日長

樵隱詞

十六

汲古閣

蜂蝶亂 閒掩屏山六扇夢好強教驚斷愁對
画梁雙語燕故心人不見

又

傷離索猶記並肩池閣病起綠牕閑倚薄一秋
天氣惡 玉臂都寬金約歌舞新來忘却回首
故人天一角半江楓又落

點絳脣

夜色侵霜蕭蕭絡緯啼金井夢寒初言一倍銅

壺永 無限思量展轉愁重省熏爐火起來人
靜窗外梧桐影

平仲三衢人仕止州倅禮部尚書友之子負才
玩世頗有毛伯成之風撰樵隱集十五卷尤延
主為序惜乎不傳揚用修云毛杆以烟一卷惟
余家有之極賞其潑火初收一閱今為不多見
余近得楊夢羽先生秘藏宋元各家詞抄本
二十七種內有樵隱詩餘一卷共四十二首調

樵隱詞

十七

汲古閣

名二十有三亟梓而行之庶不與集俱湮耳
湖南毛晉識

樵隱詞

終

題竹山詞

竹山先生出義興鉅族宋南渡

後有名璩字宣卿者善書仕亦

通顯子孫俊秀所居擅溪山之

竹山詞序

汲古閣

滕故先生貌不揚長于樂府此

稿得之於唐士牧家藏本雖無

詮次庶幾無遺逸云至正乙巳

歲次秋七月十有七日湖濱散

人題

竹山詞序

二

汲古閣

竹山詞

目錄

賀新郎 五調

沁園春 二調

女冠子 二調

大聖樂 一調

解連環 一調

永遇樂 一調

花心動 一調

金盞子 一調

喜遷鶯 二調

晝錦堂 一調

水龍吟 一調

瑞鶴仙 四調

竹山詞目

木蘭花慢 二調

珍珠簾 一調

高陽臺 三調

春夏兩相期 一調

念奴嬌 一調

絳都春 一調

聲聲慢 一調

尾犯 一調

滿江紅 二調

探芳信 一調

梅花引 一調

洞仙歌 二調

最高樓 一調

祝英臺 一調

風入松 一調

解珮令 一調

汲古閣

一剪梅 二調

糖多令 一調

柳梢青 一調

阮郎歸 一調

金蕉葉 一調

小重山 二調

白苧 一調

蝶戀花 一調

虞美人 二調

南鄉子 二調

步蟾宮 二調

玉樓春 一調

戀繡衾 一調

浪淘沙 二調

燕歸梁 一調

步蟾宮 一調

竹山詞目

南鄉子 一調

行香子 一調

粉蝶兒 一調

翠羽吟 一調

賀新郎 三調

摸魚子 一調

沁園春 一調

喜遷鶯 二調

齊天樂 一調

念奴嬌 一調

應天長 一調

賀新郎 一調

玉漏遲 二調

高陽臺 一調

探春令 一調

秋夜雨 四調

汲古閣

少年遊

二調

柳梢青

一調

霜天曉角

一調

如夢令

一調

竹山詞目

三

汲古閣

竹山詞目錄

終

竹山詞

宋 蔣捷

賀新郎

曉秋

渺渺啼鴉了。巨魚天、寒生峭嶼。五湖秋曉。竹几一鐙人做夢。嘶馬誰行古道。起搔首、窺星多少。月有微黃籬無影。挂牽牛、數朶青花。小秋太淡。添紅棗。愁痕倚賴。西風掃被。西風翻催鬢。與秋俱老。舊院隔霜簾不捲。金粉屏邊醉倒。計無此、中年懷抱。萬里江南吹簫恨。恨參差、白雁橫天杪。煙未斂、楚山杳。

竹山詞

一

汲古閣

又

約友三月旦飲

雁喚晴嵐薄。倚層屏、千樹高低。粉纖紅弱。雲隘東風藏不盡。吹豔生香。萬竅又散入汀蘅。洲葦擾擾。囟塵土面看歌。鷺舞燕逢春。樂人笑物知誰錯。寶釵樓上圍簾幙。小婢娟雙調。彈箏半霄鸞鵲。我輩中人無此分。琴思詩情當却也。

勝似愁橫眉角芳景三分才過二便綠陰門巷
楊花落沽斗酒且同酌

又吳江

浪湧孤亭起是當年蓬萊頂上海風飄墜帝遣
江神長守護八柱蛟龍纏尾鬪吐出寒煙寒雨
昨夜鯨翻神軸動卷雕輦擲向虛空裏但留得
絳虹住五湖有客扁舟艤怕羣仙重游到此
翠旌難駐手拍闌干呼白鷺爲我慇懃寄語奈
竹山詞
汲古閣
鷺也驚飛沙渚星月一天雲萬壑覽茫茫宇宙
知何處鼓雙楫浩歌去

又懷舊

夢冷黃金屋嘆秦箏斜鴻陣裏素絃塵撲化作
嬌鶯飛歸去猶認紗窗舊綠正過雨荆桃如菽
此恨難平君知否似瓊臺湧起彈碁局消瘦影
嫌明燭鴛樓碎瀉東西玉問芳踪何時再展
翠釵難卜待把宮眉橫雲樣描上生綃画幅怕

不是新來粧束綵扇紅牙今都在恨無人解聽
開元曲空掩袖倚寒竹

又吳兵後

深閣簾垂綉記家人軟語燈邊笑渦紅透萬疊
城頭哀怨角吹落霜花滿袖影厮伴東奔西走
望斷鄉關知何處羨寒鴉到著黃昏後一點點
歸楊柳相看只有山如舊歎浮雲本是無心
也成蒼狗明日枯荷包冷飯又過前頭小阜趁
竹山詞
汲古閣
未發且嘗村酒醉揆楊囊毛錐在問隣翁要寫
牛經否翁不應但搖手

沁園春
爲老人書
南堂壁

老子平生辛勤幾年始有此廬也學邯鄲潛籬
栽些菊依他杜甫園種些蔬除了雕梁宥容紫
燕誰管門前長者車怪近日把一庭明月却借
伊渠鬢邊白髮紛如又何苦招賓納客歎但
夏榻宵眠面風欹枕冬簷晝短背日觀書若有

人尋只教僮道這屋主人今日居休羨彼有搖
金寶轡織翠華裾

又次強雲
卿韵

結算平生風流債負請一筆勾蓋攻性之兵花
圍錦陣毒身之鳩笑齒歌喉豈識吾儒道中樂
地絕勝珠簾十里迷樓因底嘆晴乾不去待雨
淋頭休休著甚來由硬鐵漢從來氣食牛但
只有千篇好詩好曲都無半點閒悶愁自古
竹山詞
四
汲古閣
嬌波溺人多矣試問還能溺我否高擡眼看牽
絲傀儡誰弄誰收

女冠子
元夕

蕙花香也雪晴池館如画春風飛到寶釵樓上
一片笙簫琉璃光射而今燈設掛不是暗塵明
月卽時元夜況年來心嬾意怯羞與蛾兒爭耍
江城人悄初更打問繁華誰解再向天公借
別殘紅地但夢裏隱隱鈿車羅帕吳牋銀粉研

待把舊家風景寫成閒話笑綠鬟隣女綺窗猶
唱夕陽西下

又競
渡

電旂飛舞雙雙還又爭渡湘灘雲外獨醒何在
翠葯紅蕖芳菲如故深衷全未語不似素車白
馬卷潮起怒但悄然千載舊跡時有閒人吊古
生平慣受椒蘭苦甚魄沉寒浪夏被饞蛟妬
結瓊紉璐料貝闕隱隱騎鯨煙霧楚妃花倚萼
竹山詞
五
汲古閣
玉簫吹了沂陂同步待月明洲渚小留旌節朗
吟騷賦

大聖樂
陶成之
生日

笙月涼邊翠翹雙舞壽仙曲破夏聽得豔拍流
星慢唱壽詞初了羣唱蓮歌主翁樓中披鶴氅
展一笑微微紅透渦襟懷好縱炎官駐轍長是
春和千年鼻祖事榮記曾赴雷聲飛快梭但
也曾三徑撫松採菊隨分吟哦富貴浮雲榮華

風過淡處還他滋味多休辭飲有碧荷貯酒深
似金荷

解連環 岳園
牡丹

妬花風惡吹青陰漲却亂紅池閣駐媚景別有
仙葩遍瓊甃小臺翠油疎箔舊日天香記曾遶
玉奴絃索自長安路遠膩紫肥黃但譜東洛

天津霽虹似昨聽鶉聲度月春又寥寞散豔魄
飛入江南轉湖渺山茫夢境難托萬疊花愁正

竹山詞

汲古閣

困倚鈎欄斜角待攜尊醉歌醉舞勸花自落

永遇樂

清逼池亭潤浸山閣雲氣凝聚未有蟬前已無
蝶後花事隨逝水西園支徑今朝重到半磳醉
筇吟袂除非是野身瘦小暗中引雛穿去梅
簷溜滴風來吹斷放得斜照一縷玉子敲枰香
綃落剪聲度深幾許層層離恨淒迷如此點破
謾煩輕絮應難認爭春舊館倚紅杏處

花心動 南塘
元夕

春入南塘粉梅花盈盈倚風微笑虹暈貫簾星
球攢巷徧地寶光交照湧金門外樓臺影參差
浸西湖波渺算天遠芙蓉萬朵是誰移到鬢
髮雙仙未老陪玳席佳賓暎香雲繞翠簷叩冰
銀管噓霜瑞露滿鍾頻酌醉歸深院重歌舞瑯
盤轉珍珠紅小鳳洲桺絲絲淡煙弄曉

金盞子 秋思

竹山詞

七

汲古閣

練月縈窗夢乍醒黃花翠竹庭館心字夜香消
人孤另雙鶉被他羞看擬待告訴天公減秋聲
一半無情雁正用恁時飛來叫雲尋伴猶記
杏籠暎銀燭下纖影卻佩鸞春渦暈紅豆小鶯
衣嫩珠痕淡印芳汗自從信誤青驪想龍鶯停
喚風刀快剪画簷梧桐怎剪愁斷

喜遷鶯 春草

游絲纖弱謾著意絆春春難憑託水暎成紋雲

晴生影芳草漸侵裙幄露添牡丹新豔風擺秋
千閑索對此景動高歌一曲何妨行樂 行樂
君聽取鸞轉綠窗也似來相約粉壁題詩香街
走馬爭奈鬢絲輪却夢回晝長無事聊倚闌干
斜角翠深處看悠悠幾點楊花飛落

又 改前
詞

游絲纖弱謾著意絆春春難憑託水暖成紋雲
晴生影雙燕又窺簾幙露添牡丹新豔風擺秋

竹山詞

八

汲古閣

千閑索對此景動高歌一曲何妨行樂 行樂
春正好無奈綠窗孤負敲碁約錦幄調笙銀瓶
索酒爭奈也曾迷著自從髮凋心倦常倚釣闌
斜角翠深處看悠悠幾點楊花飛落

書錦堂

花 荷

染柳煙消敲菰雨斷歷歷猶寄斜陽掩冉玉妃
芳袂擁出霸場倩他鴛鴦來寄語駐君舴艋亦
何妨漁榔靜獨奏權歌邀妃試酌清觴 湖上

雲漸暝秋浩蕩鮮風支盡蟬糧贈我非環非佩
萬斛生香半蝸茆屋歸吹影數螺苔石壓波光
鴛鴦笑何似且留雙槳翠隱紅藏

水龍吟

微稼軒體
招落梅魂

醉吟瓊瀝浮觴些招兮遣巫陽些君毋去此颶
風將起天微黃些野馬塵埃污君楚楚白霓裳
些駕空兮雲浪茫洋東下流君往他方些 月
滿兮西廂些呌雲兮笛淒涼些歸來兮爲我重

竹山詞

九

汲古閣

倚蛟背寒鱗蒼些俯視春紅浩然一笑吐出香
些翠禽兮弄曉招君未至我心傷些

瑞鶴仙

紅 葉

縞霜霏霽雪漸翠設涼痕猩浮寒血山窗夢淒
切短吟筇猶倚鸞邊新樾花魂未歇似追惜芳
消豔減挽西風再入柔柯誤染紺雲成纈 休
說深題錦翰淺泛瓊漪暗春曾泄情條萬結依
然是未愁絕最怜他南苑空堦堆遍人隔仙蓬

怨別鎖芙蓉小殿秋深碎蟲訴月

又 鄉城
見月

紺煙迷雁迹漸□鼓零鍾街喧初息風檠背寒
壁放冰蜍飛到絲絲簾隙瓊魂暗泣念鄉關霜
蕪似織謾將身化鶴來忘却舊遊端的 懽極
蓬壺渠漫花院梨溶醉連春夕柯雲罷奕櫻桃
在夢難覓勸清光乍可幽窗相伴休照紅樓夜
笛怕人間換譜伊涼素娥未識

竹山詞

汲古閣

又 壽東軒立
冬前一日

玉霜生穗也渺洲雲翠痕雁繩低也層簾四垂
也錦堂寒早近開爐時也香風遞也是東籬花
深處也料此花伴我仙翁未肯放秋歸也 嬉
也繪波穩舫鏡月危樓醺瓊醑也籠鬢睡也紅
粧旋舞衣也待紗燈客散紗窗日上便是嚴凝
序也換青毡小帳圍春又還醉也

又 買妾名
雪香

素肌元是雪向雪裏帶香更添奇絕梅花太孤
潔問梨花何似風標難說長洲漾楫料鴛邊嬌
蓉乍折對珠籠自剪涼衣愛把淡羅輕疊 清
徹螺心翠靨龍吻瓊涎總成虛設微微醉纈窗
燈暈弄明滅算銀臺高處芳非仙佩步徧纖雲
萬葉覺來時人在紅幃半廊界月

木蘭花慢 永

傍池闌倚徧問山影是誰偷但鷺飲瓊絲鴛藏

竹山詞

十一

汲古閣

繡羽礙浴妨浮寒流暗衝片響似犀椎帶月靜
敲秋因念涼荷院宇粉丸曾泛金甌 粧樓曉
澀翠罽油倦鬢理還休更有何意緒怜他半夜
餅破梅愁紅裯淚乾萬點待穿來寄與薄情收
只恐東風未轉悞人日望歸舟

又 再賦
前題

渺琉璃萬頃冷光射夕陽洲見敗柳漂枝殘蘆
泛葉欲去仍留羅幃少年夢裡正窺簾月浸素

肌柔誰念衰翁自老斷髭凍得成虬 凝眸一
望絕飛鷗宇宙正清幽謾細敲紫硯輕呵翠管
吟思難抽颼颼晚風又起但時聽碎玉落簷頭
多少梅花片腦醉來誤整香篝

珍珠簾

壽岳
君選

書樓四面筠簾捲微黑起翠弄懸纖絲軟樓上
讀書仙對寶笈霏轉繡館釵行雲度影澹壽觥
盈盈爭勸爭勸奈芸邊事切花中情淺 金奏
竹山詞
十二

汲古閣

高陽臺

芙蓉

霞鏤簾珠雲蒸篆玉環樓婉婉飛鈴天上王郎
颼輪此地曾停秋香不斷臺隍遠溢萬叢錦豔
鮮明事成塵鸞鳳簫中空度歌聲 臞翁一點
清寒性慣飡英菊喚飲露蘭汀透屋高紅新營

小樣花城霜濃月淡三更夢夢曼仙來倚吟屏
芙蓉期不是瓊姬不是芳卿

又送翠英

燕捲晴絲蜂黏落絮天教綰住閒愁裏清明
窗窗粉澀紅羞燈搖縹暈茸窗冷語未闌娥影
分收好傷情春也難留人也難留 芳塵滿目
總悠悠問縈縈珮響還繞誰樓別酒纔斟從前
心事都休飛鷺縱有風吹轉奈舊家苑已成秋

竹山詞

十三

汲古閣

莫思量楊柳灣西且擢吟舟

又闌元

橋尾星沉街心塵斂天公還把春饒桂月黃昏
金絲柳換星搖相逢小曲方嫌冷便暝薰珠絡
香飄却怜他隔歲芳期枉費囊綃 人情終似
娥兒舞到頻翻宿粉怎比初描認得游蹤花驄
不住嘶騎梅梢一寸殘紅炬喜尚堪移照櫻桃
醉醺醺不記元宵只道花朝

春夏兩相期 壽謝
令人

聽深深謝家庭館東風對語雙燕似說朝來天
上婺星光現金裁花結紫泥香繡裏藤輿紅茵
軟散蠟宮輝行鱗厨品至今人羨 西湖萬柳
如線料月仙當此小停颺輦付與長年教見海
心波淺縈雲玉珮五侯門洗雲華洞三春苑覆
拍調鸞急鼓催鸞翠陰生院

念奴嬌 壽薛
稼堂

竹口詞

十四

汲古閣

稼翁居士有幾多抱負幾多聲價玉立繡衣霄
漢表曾覽八州風化進退行藏此時正要一著
高天下黃埃撲面不成也控羸馬 人道雲出
無心纔離山後豈是無心者自古達官酣富貴
往往遭人描画只有青門種瓜閒客千載傳佳
話稼翁一笑吾今亦愛吾稼

絳都春 春
愁

春愁怎画正鸞背帶綠醺醺花謝細雨院深淡

月廊斜重簾挂歸時記約燒燈夜早拆盡秋千
紅架縱然歸近風光又是翠陰初夏 姪姹嘯
青法白恨玉珮罷舞芳塵凝榭幾擬倩人付與
蘭香秋羅怕知他墮策斜櫳馬在底處垂楊樓
下無言暗擁嬌鬟鳳釵溜也

聲聲慢 秋
聲

黃花深巷紅葉低窗淒涼一片秋聲豆雨聲來
中間夾帶風聲疎疎二十五點麗譙門不鎖更

竹山詞

十五

汲古閣

聲故人遠問誰搖玉珮簷底鈴聲 彩角聲吹
月墮漸連營馬動四起笳聲閃爍鄰燈燈前尚
有砧聲知他訴愁到曉碎嚶嚶多少蛩聲訴未
了把一半分與雁聲

尾犯 寒
夜

夜倚讀書床敲碎唾壺燈暈明滅多事西風把
魚鈴頻掣人笑語溫溫芋火雁孤飛蕭蕭檢雪
徧闌干外萬頃魚天未了予愁絕 雞邊長劍

舞念不到此樣豪傑瘦骨稜稜但淒其衾鐵是
非夢無痕堪記似雙瞳繽紛翠纈浩然心在我
逢著梅花便說

滿江紅

一掬鄉心付杳杳露莎煙葦來相伴淒然客影
謝他窮鬼新綠舊紅春又老少玄老白人生幾
況無情世故盪摩中凋英偉 詞場筆行羣蟻
戰場胃藏羣蟻問如何清晝倚藤凭隼流水青

竹山詞

十六

汲古閣

山屋上下束書壺酒船頭尾任垂涎斗大印黃

金狂周顗

又秋旅

秋本無愁奈客裏秋偏岑寂身老大懽敲秦正
嬾移陶甕萬誤曾因疎處起一閒且向貧中覓
笑新來多事是征鴻聲嘹唳 雙戶掩孤燈剔
書束架琴懸壁笑人間無此小窗幽閒浪遠微
聽敗葉響雨殘細數梧梢滴正依稀夢到故人

家誰橫笛

揆芳信 菊

翠吟哨似有人黃裳孤竚埃表漸老侵芳歲識
君恨不早料應陶令吟魂在凝此秋香妙傲霜
安尙想前身倚窗餘傲 回首醉年少控駿馬
蓉邊紅鞵茸帽淡泊東籬有誰肯夢飛到正襟
三誦悠然句聊遣花微笑酒休賒醒眼看花正
好

竹山詞

十七

汲古閣

梅花引

剡溪風雪。或作江城梅。花引

白鷗問我泊孤舟是身留是心留心若留時何
事鎖眉頭風拍小簾燈暈舞對閒影冷清清憶
舊遊 憶舊遊舊遊今在否花外樓柳下舟夢
也夢也夢不到寒水空流漠漠黃雲溼透木綿
裘都道無人愁似我今夜雪有梅花似我愁

洞仙歌

對雨 息友

世間何處最難忘盃酒唯是停雲想親友此時

無一盞千種離愁西風外長伴枯荷衰柳去
年深夜語傾倒書窗燭心懸小紅豆記得到門
時雨正蕭蕭嗟今雨此情非舊待與子相期采
黃花又未卜重陽果能晴否

又柳

枝枝葉葉受東風調弄便是鶯穿也微動自鶯
黃千縷數到飛綿閒無事誰管將春迎送輕
柔心性在教得遊人酒舞花吟恣狂縱更誰家
竹山詞 十八 汲古閣

最高樓

春

新春景明媚在何時宜早不宜遲軟塵巷陌青
油憶重簾深院画羅衣要些兒晴日照風吹暝
一片片雪兒休要下一點點雨兒休要灑纔
恁地越愆期悠悠不赴梅花到箇箇在帶柳花
飛倩黃鸝將我話報春歸

祝英臺

次韻

柳邊樓花下館低捲繡簾半簾外天絲擾擾似
情亂知他蛾綠纖眉顰黃小袖在何處閒遊閒
玩最堪嘆筆面一寸塵深玉柱網斜厓譜字
紅鸞薦剪燭記同看幾回傳語東風將愁吹去
怎奈向東風不管

風入松

戲人
去妾

東風方到舊桃枝仙夢已雲迷画闌紅子樗蒲

竹山詞

十九

汲古閣

處依然是春晝簾坐恨殺河東獅子驚回海底
鷗兒尋芳少步莫嫌遲此去却慵移斷腸不
在分襟後元來在襟未分時柳岸猶攜素手簾
房早掩朱扉

解珮令

春

春晴也好春陰也好著些兒春雨越好春雨如
絲繡出花枝紅裊怎禁他孟婆合阜梅花風
小杏花風小海棠風驀地寒峭歲歲春光被二

十四風吹老棟花風爾且慢到

一剪梅

宿龍游
朱氏樓

小巧樓臺眼界寬
朝卷簾看暮卷簾看故鄉一
望一心酸雲又迷漫水又迷漫
天不教人客
夢安昨夜春寒今夜春寒梨花月底兩眉攢敲
遍闌干拍遍闌干

又

舟過
吳江

一片春愁待酒澆
江上舟搖樓上帘招秋娘度

竹山詞

二十一

汲古閣

與秦娘嬌風又飄飄雨又蕭蕭
何日歸家洗
客袍銀字笙調心字香燒流光容易把人拋紅
了櫻桃綠了芭蕉

糖多令

寄東
軒

秋碧瀉晴灣樓臺雲影閒
記仙家元在蓬山飛
到雁峯塵更少三萬頃玉無邊
金醖倒垂蓮
歌搖香霧鬟任芙蓉月轉朱闌天氣已涼猶未
冷重九後小春前

柳梢青

有談舊
娼潘氏

小飲微吟殘燈斷雨靜戶幽窗幾度花開幾番
花謝又到昏黃
潘娘不是潘郎料應也霜黏
鬢傷鵲闌空鴛鴦壺破煙渺雲茫

阮郎歸

客中思
馬跡山

雪飛燈背雁聲低寒生紅被池小屏風畔立多
時閒看番馬兒
新慍淚舊題詩一般羅帶垂
瓊簫夜夜挾愁吹梅花知不知

竹山詞

二十一

汲古閣

金焦葉

秋夜
不寐

雲寒翠幙滿天星碎珠迸索孤蟾闌外照我看
看過轉角
酒醒寒砧正作待眠來夢魂怕惡
枕屏郎更画了平沙斷雁落

小重山

晴浦溶溶明斷霞樓臺搖影處是誰家銀紅裙
襖皺宮紗風前坐閒鬪鬱金芽
人散樹啼鴉
粉糰黏不住舊繁華雙龍尾上月痕斜而今照

冷淡白菱花

又

曾伴芳卿鏘珮環西風吹夢斷墮人寰假饒無
分入雕闌窺粧鏡也令小溪灣此地有誰怜
斜陽半臥處牧童攀勸花休苦恨天天從來道
薄命是朱顏

白苧

正春晴又春冷雲低欲落瓊苞未剖早是東風

竹山詞

二十二

汲古閣

作惡旋安排一雙銀蒜鎮羅幙幽絳水生漪皺
嫩綠潛鱗初躍愔愔門巷桃樹紅纔約畧知甚
時霽華烘破青青萼憶昨引蝶花邊近來重
見身學垂楊瘦削問小翠眉山爲誰攢却斜陽
宇任蛛絲罥徧玉箏絃索戶外惟聞放剪刀聲
深在粧閣料想裁縫白苧春衫薄

蝶戀花

風蓮

我愛荷花花最軟錦撈雲挨朵朵嬌如顫一陣

微風來自遠紅低欲醺涼波淺莫是羊家張
靜婉抱月飄煙舞得腰肢倦偷把翠羅香被展
無眠却又頻翻轉

虞美人

梳樓

絲絲楊柳絲絲雨春在溟濛處樓兒忒小不藏
愁幾度和雲飛去覓歸舟天憐客子鄉關遠
借與花消遣海棠紅近綠闌干纔卷朱簾却又
晚風寒

竹山詞

二十三

汲古閣

又聽雨

少年聽雨歌樓上紅燭昏羅帳壯年聽雨客舟
中江闊雲低斷雁叫西風而今聽雨僧廬下
鬢已星星也悲歡離合總無情一任階前點滴
到天明

南鄉子

泊雁水汀洲冷淡湔裙水漫秋裙上唾花無覓
處重游隔柳惟存月半鉤準擬架層樓望得

伊家見始休還怕粉雲天末起悠悠化作相思一片愁

又 塘門元宵

翠幃夜游車不到山邊與水涯隨分紙燈三四
盞鄰家便做元宵好景誇 誰解倚梅花思想
燈毬墜絳紗舊說夢華猶未了堪嗟纔百餘年
又夢華

步蟾宮

木犀。或刻玉樓春

竹山詞

二十四

汲古閣

綠華剪碎嬌雲瘦臙粧點點菊前蓉後涓涓月也
染成香又何況纖羅襟袖 秋窗一夜西風驟
翠奩鎖瓊珠花鏤人間富貴總腥羶且和露攀
花三嗅

又 春景

玉窗掣鎖香雲漲喚綠袖低敲方響流蘇拂處
字微訛但斜倚紅梅一餉 濛濛月在簾衣上
做池館春陰模樣春陰模樣不如晴這催雪曲

兒休唱

玉樓春

桃花灣馬跡

秦人占得桃源地說道花深堪避世桃花灣內
豈無花呂政馬來攔不住 明朝與子穿不去
去看霜蹄剡石處茫茫秦事是耶非萬一問花
花解語

戀繡衾

舊金小袖花下行過橋亭倚樹聽鴛被柳線低

竹山詞

二十五

汲古閣

紫鬢紺雲垂釵鳳半橫 紅薇影轉晴窗盡樣
蘭心未到繡絢奈一點春恨在青娥顰處又生
浪淘沙 夜景

人愛曉粧鮮我愛粧殘翠釵扶住欲畝鬟印了
夜香無事也月上涼天 新譜學箏難愁湧蛾
灣一床衾浪未紅翻聽得人催伴不采去洗珠
鉿

又 重九

明露浴疎桐秋滿簾櫳揜琴無語意忡忡搗破
東窗窺皓月早上芙蓉 前事渺茫中煙水孤
鴻一尊重九又成空不解吹愁吹帽落恨殺西
風

燕歸梁 蓮風

我夢唐宮春晝遲正舞到曳裾時翠雲隊仗綵
霞衣慢騰騰手雙坐 忽然急鼓催將起似綵
鳳亂驚飛夢回不見萬瓊妃見荷花被風吹

竹山詞

二十六

汲古閣

步蟾宮 中秋

去年雲掄水輪皎喜今歲微陰俱掃乾坤一片
玉琉璃怎算得清光多少 無歌無酒癡頑老
對愁影番嫌分曉天公元不負中秋我自把中
秋誤了

南鄉子 黃葵

冷淡是秋花更比秋花冷淡些到處芙蓉供醉
賞從他自有幽人處士誇 寂莫兩三葩晝日

無風也帶斜一片西窗殘照裏誰家捲却湘裙
薄薄紗

行香子 舟宿蘭亭

紅了櫻桃綠了芭蕉送春歸客尚蓬飄昨宵穀
水今夜蘭皋奈何雲溶溶風淡淡雨瀟瀟 銀
字笙調心字香燒料芳踪乍整還凋待將春恨
都付春潮過窈娘堤秋娘渡泰娘橋

粉蝶兒 殘春

竹山詞

二十七

汲古閣

啼鴂聲中春光化成春夢問東君仗誰時送燕
伶晴鶯愛暝一窗芳哄奈囡囡催他柳綿狂縱
輕羅小扇桐花又飛么鳳記寒吟沁梅霜凍
古今人易老莫閒雙鞦尙堪遊茶蘼粉雲香洞

翠羽吟

紺露濃映素空樓觀峭玲瓏粉凍霽英冷光搖
蕩古青松半規黃昏淡月梅氣山影溟濛有麗
人步依脩竹瀟然態若游龍 綃袂微皺水溶

溶仙莖清潑淨洗斜紅勸我浮香桂酒環珮暗
解聲飛芳靄中弄春弱柳垂絲慢按翠舞嬌童
醉不知何處驚剪剪淒緊霜風夢醒尋痕訪蹤
但畱殘挂穹梅花未老翠羽雙吟一片曉峯

賀新郎

鄉士以狂得
罪賦此戲行

甚矣君狂矣想胸中些兒磊磈酒澆不去據我
看來何所似一似韓家五鬼又一似楊家風子
怪鳥啾啾鳴未了被天公捉在樊籠裏這一錯

竹山詞

二十八

汲古閣

鐵難鑄濯溪雨漲荆溪水送君歸軟蛟橋外
水光清處世上恨無樓百尺裝著許多俊氣做
弄得棲棲如此臨別贈言朋友事有殷懃六字
君聽取節飲食慎言語

又

贈彈琵琶者

妾有琵琶譜抱金槽慢撚輕拋柳梢鶯柘羽調
六么彈遍了花底靈犀暗度奈敲斷玉釵纖股
低画屏深朱戶揜捲西風滿地吹塵土芳事往

蝶空訴天天把妾芳心誤小樓東隱約誰家
鳳簫鼙鼓淚點染衫雙袖翠修竹淒其又算背
燈影蕭條情互捐佩洲前裙步步渺無邊一片
相思苦春去也亂紅舞

又

題後院
画像

綠墮雲垂領背琵琶盈盈畏手粉間紅靚依約
春游歸來倦又似春眠未醒豔寒泚低迷蓉影
罵帶鬆聲飛過也柳窗深尚記停針聽魂浩蕩

竹山詞

二十九

汲古閣

孤芳景金釵斷股瓶沉井問蘇城香銷卷于
倩誰題詠燈暈青紅殘醉在小院屏昏帳暝誤
嗔怪眉心慵整入道真真招得下任千呼萬喚
無言應空對此淚花冷

摸魚子

壽東軒

嬋吟鞭雁峰高處曾游長壽仙府年年長見瑤
簪會霞杪葢芝輕度開繡戶芙蓉萬朵香紅賸
染秋光素清簫麗任豔玉盃深鸞酣鳳醉猶未

洞天算 塵緣誤迷却桃源舊步飛瓊芳夢同
賦朝來聞道仙童晏翹首翠房玄圃雲又霧身
恍到微茫認得胎禽舞遙汀近浦便一葦漁航
撐煙載雨歸去伴寒鷺

沁園春

壽岳君舉

管裴晉公生甲辰歲秉唐相鈞向東都治第纔
娛老眼北門建節又絆閒身燠館花濃涼臺月
淡不記弓刀千騎塵誰堪羨羨南塘居士做散

竹山詞

三十

汲古閣

仙人 南塘水向晴雲三百樹鳳洲楊柳春有
綠衣奏曲金口小雁綠衣勸酒玉跪雙麟前後
同年逸勞異趣中立番成雌甲辰斯言也是梅
花說與竹里山民

喜遷鶯

金村阻風

風濤如此被閒鷗誚我君行良苦柵紫深灣蘆
窠窄港小憇倦篙慵櫓壯年夜吹笛去驚得魚
龍皞舞悵今老但蓬窗緊揜荒涼愁悵 別浦

雲斷處低雁一繩攔斷家山路佩玉無詩飛霞
乏序滿席快飈誰付醉中幾番重九合度芳尊
孤負便晴否怕明朝蝶吟黃花秋圃

又

晴青

晴天寥廓被孤雲画出離愁消索玉局彈碁金
釵剪燭芳思可勝搖落鏡粧爲傭遲晚笙曲綠
愁差錯倒纖指口從頭細數年肯同樂 寂莫
花院悄昨夜醉眠夢也難憑托車角生肯馬足

竹山詞

三十一

汲古閣

方後才始斷伊漂泊悶無半分消遣春又一番
檐閣倚闌久奈東風忒冷紅綃單薄

齊天樂

元夜閨夢華錄

銀蟾飛到舳舨外娟娟下窺龍尾電紫鞘輕雲
紅簋曲雕玉與穿燈底峰繒岫綺沸一簇人聲
道隨竿媚侍女迎鑾燕嬌鶯詫炫珠翠 華胥
仙夢未了被天公頌洞吹換塵世淡柳湖山濃
花巷陌誰說錢塘而已回頭汴水望當日辰遊

萬里發處但有寒蕪夜深青燐起

念奴嬌

夢有奏方響而舞者

夜深清夢到叢華深處滿襟冰雪人在瑤雲方
響樂杳杳衝牙清絕翠篴翔龍金樅躍鳳不是
絃寶鐵淒鏘仙調風敲珠樹新折 中有五色
光開參差披影對舞山香徹霧閣雲窗歸去也
笑擁靈君旌節六曲闌干一聲鸚鵡霍地花空
滅夢回孤館秋茄霜孤鳴咽

竹山詞

三十二

汲古閣

應天長

次清真韵

柳湖載酒梅塹賒基東風袖裏寒色轉翠籠池
閣含櫻薦鶯食囟囟過春是客美細雨晝陰生
寂似瓊花滴下紅裳再返仙籍 無限倚闌愁
夢斷雲簫鵲叫度青壁漫有戲龍盤盈盈住花
宅驕驄馬嘶巷陌戶半掩墮鞭無迹但追想白
苧裁縫燈下初識

賀新郎

松詩

絕代幽人獨揜芳姿深居何處亂雲深谷自說

關中良家子零落聊依草木世喪敗誰收骨肉
輕薄兒郎爲夫壻愛新人窈窕顏如玉千萬事
風前燭 鴛鴦一旦成孤宿最堪憐新人歡笑
舊人哀哭侍婢賣珠回來後相與牽蘿補屋謾
采得栢枝盈掬日暮山中天寒也翠綃衣薄甚
肌生粟空歛袖倚修竹

玉漏遲

寄東軒

竹山詞

三十三

汲古閣

客窗空翠杪前生飲慣長生瓊醪回首紅塵換
了口花憶草隔水神仙洞府似只有飛霞能到
誰信道西風送我還陪清嘯 縹緲柳側霞樓
正繡幙圍春露深煙悄魚尾傍雪上鬢雲猶
少醉倚芙蓉目語願來此年年簪帽青嶼小鶴
立淡煙秋曉

又

傳巖隱木如武林納浴堂徐氏女子于客樓其婦也亦貯之所居樓上而圖西湖景于樓壁

翠鴛雙穗冷鴛聲喚轉春風芳景花湧袖香此
度徐粧偏稱水月仙人院宇到處有西湖如鏡
煙岫暝纖蔥誤指蓮峰篴嶺料想小閣初逢
正浪拍紅猊袖飛金餅樓倚斜暉晴把佳期重
省萬種惺鬆笑語一點溫柔情性釵倦整盈盈
背燈嬌影

高陽臺

江陰道中有懷

宛轉怜香徘徊顧影臨芳夏倚苔身多謝殘英
竹山詞
三十四
汲古閣

飛來遠遠隨人回顧却望晴簷下等幾番小摘
微薰到而今獨裊鞭梢笑不成春愁吟未了
煙林曉有垂楊夾路也爲輕顰今夜山窗還是
費繞梨雲行囊不是吳牋少問情誰去寫花真
待歸時葉底紅肥細雨如塵

探春令

春怨

玉窗蠅字記春寒滿草絲紅處画翠鴛雙展金
蜩翅未抵我愁紅膩芳心一點天涯去絮濛

濛遮住對花彈阮纖瓊指爲粉靨空彈淚

秋夜雨

秋雨

黃雲水驛秋笳噎吹人雙鬢如雪愁多無奈處
謾碎把寒花輕撷紅雲轉入香心裡夜漸深
人語初歇此際愁更別雁落影西窗殘月

又

春○蔣正夫令作春
夏冬各一闋次前韵

金衣露溼鸞喉噎春情不解分雪寶箏絃斷盡
但萬縷閒愁難撷長紅小白誰亭館過禁煙

竹山詞

三十五

汲古閣

彈指芳歇今夜休要別且醉宿細桃花月

又夏

鬆車轉急風吹噎冰絲鬆藕新雪有人涼滿袖
怕汗溼紅綃猶撷三夏夢斷敲荷雨細聽來
疎點還歇茉莉標致別占斷了紗厨香月

又冬

紅麟不暝餅笙噎爐灰一片晴雪醉無香嗅醒
但手把新燈閒撷夏深凍損梅花也聽画堂

簫鼓方歇想是天氣別豫借與春風三月

少年遊春思

梨邊風緊雪難晴千點照溪明吹絮窗低啞草
窗小人隔翠陰行而今白鳥橫飛處煙樹渺
鄉城兩袖春寒一襟春恨斜日淡無情

又思

楓林紅透晚煙青客思滿鷗汀二十年來無家
種竹猶借竹爲名春風未了秋風到老去萬

竹山詞

三十六

汲古閣

緣輕只把平生閒吟閒詠譜作權歌聲

柳梢青

游女○或刻蔣達

學唱新腔秋千架上釵股敲雙柳雨花風翠鬆
裙褶紅膩鞦韆歸來門掩銀缸淡月裏疎鐘
漸撞嬌欲人扶醉嫌人問斜倚樓窗

霜天曉角

折花

人影窗紗是誰來折花折則從他折去知折去
向誰家簷牙枝最佳折時高折些說與折花

人道須揀向鬢邊斜

如夢令村景

夜月谿簷鸞影曉露巖花鶴頂半世踏紅塵到
底輸他村景村景村景樵斧畔蓑漁艇

昔人評詞盛稱李氏晏氏父子及耆卿子野
子游子瞻美成堯章止矣蔣勝欲泯焉無

聞今讀竹山詞一卷悟之纖巧真若泥靡也
字之妍倩真六朝隄也豈其稍劣于諸公耶

竹山詞

三十七

汲古閣

或讀招落梅魂一詞謂其磊落橫放此幸
勿安同調其殆以一班而失全豹矣湖南毛晉

識

竹山詞終

題書舟詞

程正伯以詩詞名鄉之人所知也余頃歲遊都下數見朝士往往亦稱道正伯佳句獨尚書尤

書舟詞序

汲古閣

公以為不然曰正伯之文過於詩詞此乃識正伯之大者也今鄉人有欲刊正伯歌詞求余書其首余以此告之且為言正伯

方為當塗諸公以制舉論薦使

正伯惟以詞名世豈不小哉則

曰古樂府亦文爾初何損於正

伯之文哉余用是樂為書之雖

書舟詞序

汲古閣

然昔晏殊原以大臣子處富貴之極為靡麗之詞其政事堂中舊客尚欲其捐有餘之才豈未至之德者蓋殊原獨以詞名爾

他文則未傳也至少游魯直則

已兼之故陳無已之作自云不

減秦七黃九是亦推尊其詞爾

余謂正伯為秦黃則可為叔原

書舟詞序

三

汲古閣

則不可紹熙甲寅端午前一日

王稱季平序

書舟詞

目錄

摸魚兒 一調

洞庭春色 一調

南浦 一調

水龍吟 一調

四代好 一調

木蘭花慢 一調

念奴嬌 一調

閨怨無悶 一調

八聲甘州 一調

滿庭芳 一調

玉漏遲 一調

滿江紅 三調

書舟詞目

一

汲古閣

雲獅兒 一調

攤破江城子 一調

驀山溪 一調

最高樓 一調

瑤堦草 一調

上平曲 一調

孤雁兒 二調

一翫花 一調

祝英臺近 一調

碧牡丹 一調

小桃紅 一調

紅娘子 一調

天仙子 一調

青玉案 一調

芭蕉雨 一調

酷相思 一調

漁家傲	二調	攤破南鄉子	一調
破陣子	一調	折紅英	一調
一剪梅	三調	臨江仙	二調
鳳栖梧	十五調	醉落魄	三調
南鄉子	三調	鵲橋仙	一調
虞美人	一調	木蘭花	二調
瑞鷓鴣	二調	鷓鴣天	三調
浪淘沙	一調	雨中花令	三調
書舟詞目	二	汲古閣	
望江南	一調	望秦川	三調
南歌子	五調	入塞	一調
西江月	三調	眼兒媚	一調
朝中措	五調	烏夜啼	四調
虞美人影	一調	一落索	二調
憶秦娥	三調	好事近	四調
清平樂	四調	謁金門	七調
卜算子	三調	霜天曉角	二調

減字木蘭花	一調	菩薩蠻	十五調
浣溪沙	五調	點絳脣	一調
愁倚欄令	二調	生查子	三調
長相思	三調	如夢令	一調
憶王孫	一調		
書舟詞目	三	汲古閣	
書舟詞目錄	終		

書舟詞

宋程垓

摸魚兒

掩淒涼黃昏庭院角聲何處嗚咽矮窗曲屋風
燈冷還是苦寒時節凝竚切念翠被熏籠夜夜
成虛設倚闌愁絕聽鳳竹聲中犀幃影外簌簌
釀寒輕雪傷心處却憶當年輕別梅花滿院
初發吹香弄蕊無人見惟有暮雲千疊情未徹
書舟詞
一
又誰料而今好夢分胡越不堪重說但記得當
初重門鎖處猶有夜深月

洞庭春色

錦字親裁淚巾偷裏細說舊時記笑桃門巷粧
窺寶靨弄花庭榭香溼羅衣幾度相隨遊冶去
任月細風尖猶未歸多少事有垂楊眼見紅燭
心知如今事都過也但贏得雙鬢成絲歎半
妝紅莖相思有分兩分青鏡重合難期惆悵一

春飛絮夢悠颺教人分付誰銷魂處又梨花雨
暗半掩重扉

南浦

金鴨懶熏香向晚來春醒一枕無緒濃綠漲瑤
窗東風外吹盡亂紅飛絮無言竚立斷腸惟有
流鶯語碧雲欲暮空惆悵韶華一時虛度追
憶舊日心緒記題葉西樓吹花南浦老去覺懽
疎傷春恨都付斷雲殘雨黃昏院落問誰猶在
書舟詞
二
憑闌處可堪杜宇空只解聲聲催他春去

水龍吟

夜來風雨囟囟故園定是花無幾愁多愁極等
閒孤負一年芳意柳困花慵杏青梅小對人容
易算好春長在好花長見元只是人顚顚回
首池南舊事恨星星不堪重記如今但有看花
老眼傷時清淚不怕逢花瘦只愁怕老來風味
待繁紅亂處留雲借月也須拚醉

四代好

翠幙東風早蘭窗夢又被鶯聲驚覺起來空對
平階弱絮滿庭芳草厭厭未欣懷抱記柳外人
家曾到凭画欄那更春好花好酒好人好春
好尚恐闌珊花好又怕飄零難保直饒酒好酒
未抵意中人好相逢盡拚醉倒況人與才情未
老又豈關春去春來花愁花惱

木蘭花慢

春怨

書舟詞

三

汲古閣

倩嬌颺婉燕說不盡此時情正小院春闌芳園
畫鎖人去花零憑高試回望眼奈遙山遠水隔
重雲誰遣風狂雨橫便教無計畱春情知雁
杳與鴻冥自難寄丁寧縱柳院顰深桃門笑在
知屬何人衣篝幾回忘了奈殘香猶有舊時熏
空使風頭卷絮爲他飄蕩花城

念奴嬌

秋夜

秋風秋雨正黃昏供斷一窗愁絕帶減衣寬誰

念我難忍重城離別轉枕褰帷挑燈整被總是
相思切知他別後負人多少風月不是怨極
愁濃只愁重見了相思難說料得新來魂夢裏
不管飛來蝴蝶排悶人間寄愁天上終有歸時
節如今無奈亂雲依舊千疊

閨怨無悶

天與多才不合更與帶柳怜花情分甚總爲才
情惱人方寸早是春殘花褪也不料一春都成

書舟詞

四

汲古閣

病自失笑因其腰圍半減淚珠頻搵難省也
怨天也自恨怎免千般思忖倩人說與又却不
忍拚了一生愁悶又只恐愁多無人問到這裏
天也怜人看他穩也不穩

八聲甘州

問東君既解遣花開不合放花飛念春風枝上
一分花減一半春歸忍見千紅萬紫容易漲桃
溪花自隨流水無計追隨不忍憑高南望記

舊時行處芳意非非嘆年來春減花與故人非
總使梁園賦猶在奈長卿老去亦何爲空搔首
亂雲堆裏立盡斜暉

滿庭芳

時在臨安
晚秋登臨

南月驚鳥西風破雁又是秋滿平湖採蓮人盡
寒色戰孤蒲舊信江南好景一萬里輕覓尊鱸
誰知道吳儂未識蜀客已情孤 憑高增悵望
湘雲盡處都是平蕪問故鄉何日重見吾廬縱
書舟詞 五 汲古閣

夢依舊遶庭梧

玉漏遲

一春渾不見邨堪又是花飛時節忍對危闌數
曲算雲千疊門外星星柳眼看誰似當時風月
愁萬結憑誰爲我慙勤低說 不是慣却春心
奈新燕傳情舊鶯饒舌冷篆餘香莫放等閒消
歇縱使繁紅褪盡猶自有酴醾堪折魂夢切不

耐飛來蝴蝶

滿江紅

憶別

門掩垂楊寶香度翠簾重疊春寒在羅衣初試
素肌猶怯薄靄籠花天欲算小風送角聲初咽
但獨寒幽幌悄無言傷初別 衣上雨眉間月
滴不盡顰空切羨栖梁歸燕入簾雙蝶愁緒多
於花絮亂柔腸過似丁香結問甚時重理錦囊
書從頭說

書舟詞

六

汲古閣

又

水遠山明秋容淡不禁搖落況正是樓臺高處
晚涼猶薄月在衣裳風在袖水生枕簟香生幙
算四時佳處是清秋須行樂 東籬下西窗角
尋舊菊催新酌笑廣平何事對秋滿索搖葉聲
聲深院宇折荷寸寸閒池閣待歸來閒把木犀
花重熏却

又

葦屋爲舟身便是煙波釣客況人間元似泛家
浮宅秋晚雨聲篷背穩夜深月影窗櫺白滿船
詩酒滿船書隨宜索 也不怕雲濤隔也不怕
風帆側但獨醒還睡自歌還歌臥後從教鯁鱗
舞醉來一任乾坤窄恐有時撐向大江頭占風
色

雪獅兒

斷雲低晚輕煙帶暝風驚羅幙數點梅花香倚

書舟詞

七

汲古閣

雪窗搖落紅爐對誰正酒面瓊酥初削雲屏煖
不知門外月寒風惡 迤邐慵雲半掠笑盈盈
閒弄寶箏絃索暝極生春已向橫波先覺花嬌
柳弱漸倚醉要人樓着低告記早把被香熏却

攤破江城子

娟娟霜月又侵門對黃昏怯黃昏愁把梅花獨
自泛清樽酒又難禁花又惱漏聲遠一更更總
斷魂 斷魂斷魂不堪聞被半溫香半溫睡也

睡也睡不穩誰與溫存只有床前紅燭伴啼痕
一夜無眠連曉角人瘦也比梅花瘦幾分

驀山溪

老來風味是事都無可只愛小書丹牘圍着琅
玕幾個呼風約月隨分樂生涯不羨富不憂貧
不怕烏蟾墮 三盃徑醉轉覺乾坤大醉後百
篇詩儘從他龍吟鶴和升沉萬事還與本來天
青雲上白雲間一任安排我

書舟詞

八

汲古閣

最高樓

舊心事說著兩眉羞記得凭肩遊細裙羅襪桃
花呀薄衫輕扇杏花樓幾番行幾番醉幾番畱
也誰料春風吹已斷又誰料朝雲飛亦散天
易老恨難酬蜂兒不解知人苦燕兒不解說人
愁舊情懷消不盡幾時休

瑤階草

空山子規叫月破黃昏冷簾幙風輕綠暗紅又

盡自從別後粉銷香膩一春成病那堪晝閒日
永恨難整起來無語綠萍破處池光淨悶理
殘粧照花獨自伶瘦影睡來又怕飲來越醉醒
來却悶看誰似我孤另

上平曲惜春

愛春歸憂春去爲春忙旋點檢雨障雲妨遮紅
護綠翠幃羅幙任高張海棠明月杏花天更惜
濃芳喚鴛吟招蝶拍迎柳舞倩桃妝盡呼起
書舟詞九汲古閣

孤雁兒

在家不覺窮冬好向客裏方知道故園梅子正
開時記得清樽頻倒高燒紅蠟暝熏羅幌一任
花枝惱如今客裏傷懷抱忍雙鬢隨花老小
窗獨自對昏只有月華飛到假饒真個雁書
頻寄何似歸來早

又有尼從人而復出者
戲用張子野事賦此

雙鬟乍綰橫波溜記當日香心透誰教容易逐
鷄飛輪却春風先手天公元也管人顚顚放出
花枝瘦幾宵和月來相就問何處春山鬪祇
應深院鎖嬋娟枉却嬌花時候何時爲我小梯
橫閣試約黃昏後

一叢花閨怨。或刻御街行

傷春時候一憑闌何況別離難東風只解催人
書舟詞十汲古閣

去也不道鴛老花殘青牋未約紅綃忍淚無計
鎖征鞍寶釵瑤鈿一時閒此恨苦天慳如今
直恁拋人去也不念人瘦衣寬歸來忍見重樓
淡月依舊五更寒

祝英臺近春晚

墜紅輕濃綠潤深院又春晚睡起厭厭無語小
粧嬾可堪三月風光五更魂夢又都被杜鵑催
儂怎消遣人道愁與春歸春歸愁未斷閒倚

銀屏羞怕淚痕滿斷腸沉水重熏瑤琴閒理奈
依舊夜寒人遠

碧牡丹

睡起情無着曉雨盡春寒弱酒盞飄零幾日頓
疎行樂試數花枝問此情何若爲誰開爲誰落
正愁却不是花情薄花元笑人蕭索舊觀千
紅至今冷夢難託燕麥春風更幾人驚覺對花
羞爲花惡

書舟詞

十一

汲古閣

小桃紅

不恨殘花彈不恨殘春破只恨流光一年一度
又催新火縱青天白日繫長繩也畱春得麼
花院從教鎖春事從教過燒筍園林嘗梅臺榭
有何不可已安排珍簾小胡床待日長閒坐

紅娘子

小小閒窗底曲曲深屏裏一枕新涼半床明月
畱人歡意奈梅花引裏喚人行苦隨他無計

幾點清觴淚數曲烏絲紙見少離多心長分短
如何得是到如今畱下許多愁枉教人顚顚

天仙子

慘慘霜林冬欲盡又是溪梅寒弄影矮窗曲屋
夜香燒人已靜燈垂燼點滴芭蕉和雨聽約
個歸期猶未定一夜夢魂終不穩知他勾得許
多情真個悶無人問說與画樓應不信

青玉案

用賀方回韵

書舟詞

十二

汲古閣

寶林巖畔凌雲路記薜蘿尋梅去詠綠書紅知
幾度行雲歸後碧雲遮斷寂莫人何處一聲
長笛江天算別後誰吟倚樓句勻面照溪心已
許欲憑錦字寫人愁去生怕梨花雨

芭蕉雨

雨過涼生藕葉晚庭消盡暑渾無熱枕簟不勝
香滑爭奈寶帳情生金尊意愜玉人何處夢
蝶思一見冰雪須寫個帖兒丁寧說試問道肯

來麼今夜小院無人重樓有月

酷相思

別惜

月掛霜林寒欲墜正門外催人起奈離別如今
眞個是欲住也畱無計欲去也來無計馬上
離情衣上淚各自供顚顚問江路梅花開也未
春到也須頻寄人到也須頻寄

漁家傲

彭門道
中早起

野店無人霜似水清燈照影寒侵被門外行人

書舟詞

十三

汲古閣

催客起因個事老來方有思家淚寄問梅花
開也未愛花只有歸來是想見小喬歌舞地渾
含喜天涯不念人顚顚

又

獨木小舟煙雨溼燕兒亂點春江碧江上青山
隨意覓人寂寂落花芳草催寒食昨夜青樓
今日客吹愁不得東風力細拾殘紅書怨泣流
水急不知那箇傳消息

攤破南鄉子

休賦惜春詩畱春住說與人知一年已負東風
瘦說愁說恨數期數刻只望歸時莫恠杜鵑
啼眞個也喚得人歸歸來休恨花開了梁間燕
子且教知道人也雙飛

破陣子

小小紅泥院宇深深翠色屏幃簇定熏爐酥酒
軟門外東風寒不知恰疑三月時釵影半欹

書舟詞

十四

汲古閣

綠子歌聲輕度紅兒醉裏不愁夏漏斷夏要梅
花看幾枝起來霜月低

折紅英

即紅頭鳳正角
又名折紅英

桃花煥楊花亂可憐朱戶春強半長記憶探芳
日笑凭郎肩帶紅偎碧惜惜惜春宵短離腸
斷淚痕長向東風滿憑青翼問消息花謝春歸
幾時來得憶憶憶

一剪梅

舊日心期不易招重來孤負幾個良宵尋常不見儘相邀見了知他許大無聊昨夜梅花插翠翹影落清溪應也魂消假饒真個住山腰那箇金章換得漁樵

又

小會幽歡整及時花也相宜人也相宜寶香未斷燭光低莫厭盃遲莫恨歡遲夜漸深深漏漸稀風已侵衣露已沾衣一盃重勸莫相違何

書舟詞

十五

汲古閣

似休歸何自同歸

又

斗轉參橫一夜霜玉律聲中又報新陽起來無緒賦行藏只喜人間一線添長簾幙垂垂月半廊節物心情都付椒觴年華漸晚鬢毛蒼身外功名休苦思量

臨江仙

合江放舟

送我南來舟一葉誰教催動鳴榔高城不見水

茫茫雲灣纔幾曲折盡九回腸買酒澆愁愁不盡江煙也共淒涼和天瘦了也何妨只愁今夜雨更做淚千行

又

濃綠鎖窗閒院靜照入明月團團夜長幽夢見伊難瘦從香臉薄愁到翠眉殘只道花時容易見如今花盡春闌画樓依舊五更寒可怜紅繡被空記合時歡

書舟詞

十六

汲古閣

鳳棲梧

客臨安連日惡霖旅枕無寐起作

九月江南煙雨裏客枕淒涼到曉渾無寐起上小樓觀海氣昏昏半約漁樵市斷雁西邊家萬里料得秋來笑我歸無計劒在床頭書在几未甘分付黃花淚

又

有客錢塘江上住十日魚居九日愁風雨斷送一春彈指去荷花又遶南山渡湖上幽尋君

已許消息不來望得行雲算芳艸夢魂應記取

不成忘却池塘句

又

門外飛花風約住消息江南已釀黃梅雨蜀客
望鄉歸不去當時不合催南渡憂國丹心曾
獨許縱吐長虹不奈斜陽算莫道春光難攬取
少陵辨得尋花句

又南窗
偶題

書舟詞

十七

汲古閣

薄薄窗油清似鏡兩面疎簾四壁文書靜小篆
焚香消日永新來識得閒中性人愛入嫌都
莫問絮自沾泥不怕東風緊只有詩狂消不盡
夜來題破窗花影

又送子廉
煙南下

九月重湖寒意早目斷黃雲冉冉連衰草慘別
臨江愁滿抱酒樽時事都相惱聞道吳天消
息好鴛鴦西池咫尺君應到若見故人相問勞

爲言未分書舟老

又下十閣或另
刻蝶戀花

日下船蓬人未起一個燕兒說盡傷春意江上
殘花能有幾風催雨促成容易湖海客心千
萬里著力東風推得人行未相次桃花三月水
菱歌誰伴西湖醉

又

滿路梅英飛雪粉臨水人家先得春光嫩樓底

書舟詞

十八

汲古閣

杏花樓外影牆東柳線牆西恨擷翠揉紅何
處問曉入睂峰已作傷春困路月痕彎一寸
芳心只爲東風損

又春風一夕浩蕩
曉來柳色一新

寒意勒花春未足只有東風不管春拘束楊柳
滿城吹又綠可人青眼還相屬小葉星星眠
未熟看盡行人唱徹陽關曲心事一春何計續
芳條未展睂先蹙

又自東江藥鼎過
蘇願諸園小飲

晴帶溪光春自媚繞翠紫青來約東風醉雲補
斷山疎復綴雨回綠野清還麗 拄杖不妨舒
客意臨水人家問有花開未江左風流今有幾
逢春不要人顚顚

又

翠幙成陰簾拂地池館無人四面生涼意荷氣
竹香俱細細分明著莫清風袂 玉枕如冰笙

書舟詞

十九

汲古閣

似水纔彈橫釵早被鷓鴣呼起今夜月明人未睡
只消三四分來醉

又

画閣紅爐屏四向梅擁寒香次第侵帷帳燭影
半低花影幌修眉正在花枝傍 帶粉偎香羞
一餉未識春風已覺春情蕩醉裏不知霜月上
歸來已踏梅花浪

又

樓角吹花煙月墮的皪韶妍又向梅心破釵上
綵旛看一個賞心已覺春生坐 莫恨年華風
雨過人日嬉遊次第連燈火翠幄高張金盞大
已拚醉袖隨香輶

又

小院菊殘煙雨細天氣淒涼惱得人顚顚被暝
橙香羞早起玉釵一任慵雲墜 樓上珠簾鈎
也未數尺遙山供盡傷高意竚立不禁殘酒味

書舟詞

二十

汲古閣

繡羅依舊和香睡

又月下有感

小院秋光濃欲滴獨自鈎簾細數歸鴻翼鴻斷
天高無處覓矮窗催暝蛩催織 涼月去人纔
數尺短髮蕭騷醉倚西風立愁眼望天收不得
露華衣上三更溼

又

晴日溪山春可數水遶池塘知有人家住尋日

尋花花不語舊時春恨還如許 苦恨東風無
意緒只解催花不解催人去日晚荒煙迷古戍
斷魂正枉梅花浦

醉落魄

歐石
梅花

夏園初結綠深深處紅千疊杜鵑過盡芳菲歇
只道無春滿意春猶愜 折來一點如猩血透
明冠子輕盈帖芳心感破情尤切不管花殘猶
自揀雙葉

書舟詞

二十一

汲古閣

又

別少城舟
宿黃龍

風催雨促今番不似前歡足早來最苦離情毒
唱我新詞掩著面兒哭 臨行只怕人行遠慙
勤夏寫多情曲相逢已是腰如束從此知他還
減幾分玉

又

晚涼時節翠梧風定蟬聲歇有人睡起香浮頰
倚著闌干笑揀青荷葉 如今往事愁難說曲

池依舊閒風月田田翠蓋香羅疊畱得露痕都
是淚珠結

南鄉子

幾日訴離樽歌盡陽關不忍分此度天涯真個
去銷魂相送黃花落葉村 斜日又黃昏蕭寺
無人半掩門今夜粉香明月淚休論只要羅巾
記舊痕

又

書舟詞

二十二

汲古閣

纔合又輕離心事多違小窗燈影記親移可奈
酒酣花困處不省人歸 山翠又如眉腸斷幽
期相思有夢阿誰知莫遣重來風絮亂不似當
時

又

老去嬾尋花獨自生涯幾枝疎影漫窗紗昨夜
月來人不睡看盡橫斜 門外欲啼鴉香意凌
霞從渠千樹遶人家世上一枝元也足不要隨

他

鵲橋仙

秋
寄懷

角聲吹月風聲落枕夢與柔腸俱斷誰教當日
太清濃颺不下新愁一段黃花開了梅花開
未曾約邨時相見莫教容易負幽期怕真個孤

他淚眼

虞美人

春
愁

輕紅短白東城路憶得分襟處柳絲無賴舞春

書舟詞

二十三

汲古閣

柔不繫離人只解繫離愁如今花謝春將老
柳下無人到月明門外子規啼喚得人愁爭似

喚人歸

木蘭花

疎枝半作窺窗老又是一年春意早風低小院
得香遲月傍女牆和影好去年苦被離情惱
今日逢花休草草後時花紫盡從他且趁先春
拚醉倒

又
書作

別時已有重來願誰料情多天不管分明咫尺
是青樓抵死濃雲遮得徧寄聲只倚西飛雁
雁落書回空是怨領愁歸去有誰知水又茫茫
山又斷

瑞鷓鴣

瑞
香

東風冷落舊梅臺猶喜山花拂面開紺色染衣
春意淨水沉熏骨晚風來柔條不學丁香結

書舟詞

二十四

汲古閣

矮樹仍參茉莉栽安得方盆載幽植道人隨處
作香材

又
春
園

門前楊柳綠成陰翠塢籠香徑自深遲日暝熏
芳草眼好風輕撼落花心無多春恨鶯難語
最晚朝眠蝶易尋惟有玉醒不相貸釀成顚顚
到如今

鷓鴣天

昨夜思量直到明拂明心緒更愁人風披露葉
高低怨冷雨寒煙各自輕 休賴酒莫求神爲
誰教爾許多情如今早被思量損好更當時做
弄成

又

木落江空又一秋大寒幾日不登樓紅綃帳裏
橙猶在青瑣窗深菊未收 新画閣小書舟篆
煙熏得晚香畱只因貪伴開爐酒惱得紅兒一

書舟詞

二十五

汲古閣

夜謳

又
寄少

淚溼芙蓉城上花片飛何事苦參差鎖深不奈
鸞無語巢穩爭如燕有家 情未老鬢先華可
怜各自淡生涯楊花不解知人意猶自沾泥也
學他

浪淘沙

山盡兩溪頭水合天浮行人莫賦大江愁且是

芙蓉城下水還送歸舟 魚雁兩悠悠煙斷雲
收誰教此水却西流載我相思千點淚還與青
樓

雨中花令

聞說海棠開盡了怎生得夜來一笑顰綠枝頭
落紅點裏問有愁多少 小院閉門春悄悄禁
不得瘦腰如嬾豆蔻濃時醺醺香處試把菱花
照

書舟詞

二十六

汲古閣

又

舊日愛花心未了緊消得花時一笑幾日春寒
連宵雨悶不道幽歡少 記得去年深院悄梁
畔一枝香嫋嫋說與西樓後來明月莫把梨花
照

又

卷地芳春都過了花不語對人含笑花與人期
人怜花病瘦似人多少 聞道重門深悄悄愁

不盡露啼煙嫋斷得相思除非明月不把花枝

照

望江南

夜泊龍橋灘
前遇雨作

蓬上雨蓬底有人愁身在漢江東畔去不知家

在錦江頭煙水兩悠悠吾老矣心事幾時休

沉水熨香年似日薄雲垂帳夏如秋安得小書

舟

家有擬舫
名書舟

望秦川

早春
感懷

書舟詞

二十七

汲古閣

柳弱眠初醒梅殘舞尚凝春陰將冷傷簾幃又
是東風和恨向人歸樂事燈前記愁腸酒後
知老來無計遣芳時只有閒情隨分品花枝

又

竹粉翻新籜荷花拭靚妝斷雲侵晚度橫塘小
扇斜釵依約傷牙床蘸蜜分紅荔傾筒瀉碧
香醉時風雨醒時涼明月多情依舊過西廂

又

翠黛隨粧淺銖衣稱體香好風偏與十分涼却

扇含情獨自遠池塘碧藕絲絲嫩紅榴葉葉

雙牽絲摘葉爲誰忙情到歡歡拚醉又何妨

南歌子

雨燕翻新幙風鵬遶舊枝画堂春盡日遲遲又
是一番平綠漲西池病起尊難盡腰寬帶易
坐不堪村落子規啼問道行人一去幾時歸

又

楊光輔又
寄示尋春

書舟詞

二十八

汲古閣

淡靄籠青瑣輕寒薄翠綃有人顚顚帶寬腰又
見東風不忍見柔條悶酒尊難盡閒香篆易
銷夜來溪雪已平橋溪上梅魂憑仗一相招

又

早春

梅塢飛香定蘭窗翠色齊水邊沙際又春歸領
略東風能有幾人知愛月眠須晚尋花去未
遲誰家庭院更芳菲費盡才情休負一春詩

又

華筵飲散撒芳尊人影亂紛紛且約玉驄留住
細將團鳳平分一甌看取招回酒興爽徹詩
魂歌罷清風雨腋歸來明月千門

又湯詞

龍團分罷覺芳滋歌徹碧雲詞翠袖且留纖玉
沉香載捧冰垠一聲清唱半甌輕啜愁緒如
絲記取臨分餘味圖教歸後相思

又詠三十
九數

書舟詞

三十一

汲古閣

真遊六六洞中仙騎鶴下三天休道日斜歲暮
行年方是韶華相逢一笑此心不動須待明
年要得安排穩當除非四十相連樂天詩有行年三十九歲

時之句

又

片花飛後水東流無計挽春畱香小誰栽杜若
夢回依舊揚州破瓜年在嬌花艷冶舞柳纖
柔莫道劉郎霜鬢才情未放春休

烏夜啼

楊柳拖煙漠漠梨月浸月溶溶吹香院落春還
盡顚顚立東風只道芳時易見誰知密約難
通芳園遶徧無人問獨自拾殘紅

又醉枕不能寐

白酒欺人易醉黃花笑我多愁一年只有秋光
好獨自却悲秋風急常吹夢去月遲多爲人
留半黃橙子和詩卷空自伴床頭

書舟詞

三十二

汲古閣

又

綠外深深柳港紅問曲曲花樓一春想見貪遊
冶不道有人愁三月東風易老幾宵明月難
畱餘醺白盡窗前也還肯醉來否

又

靜院槐風綠漲小窗梅雨黃坐欲看春事畱連
處惟有夜寒知夢長閒消午醉掃花共坐風
涼歸來窗北胡床與在義皇以上

虞美人影

粉霜拂拂凝香砌。醞釀梅花天氣。月上小窗如水。水冷浸人無寐。平生可慣閒顚顚。擔負新愁不起。消遣夜長無計。只倚熏香睡。

一落索

門外鸞寒楊柳正。減歡疎酒。春陰早是做人愁。更何況花飛後。莫倚東風消瘦。有醪醑入手。儘偎香玉醉。何妨任花落愁依舊。

書舟詞

三十三

汲古閣

又歌者索詞
名一東

小小腰身相稱。更著人心性一聲歌起。繡簾陰都遏住。行雲影。聞道玉郎家近。被春風勾引。從今莫怪一東看。自壓盡人間韻。

憶秦娥

青門深海棠開盡。春陰陰春陰陰。萬重雲水一寸歸心。玉樓深鎖煙消沉。知他何日同登臨。同登臨待收紅淚。細說如今。

又

情脉脉半黃橙子和香擘。和香擘分明記得袖香熏窄。別來人遠關山隔。見梅不忍和花摘。和花摘有書無雁。寄誰歸得。

又

愁無語黃昏庭院黃梅雨。黃梅雨新愁一寸舊愁千縷。杜鵑叫斷空山苦。相思欲計人何許。人何許一重雲斷一重山阻。

書舟詞

三十四

汲古閣

好事近
雙中遠上無
雙喉感懷作

別夢記春前。春盡苦無歸日。想見鵲聲庭院。誤幾回消息。萬重離恨萬重山。無處說思憶。只有路傍雙堠也。隨人孤隻。

又待月不至

天淡一簾秋。明月幾時來。得何事桂低香近。把清光邀勒。人間明晦總由天。何必問通塞。且爲人如月好。醉莫分南北。

又

煙盡成樓空又是一簾佳月何事山城畱滯負
好花時節 燒燈剪綵沒心情應有翠娥說欲
借好風吹恨奈亂雲愁疊

又

急雨鬧水荷銷盡一襟煩暑趁取晚涼幽會近
翠陰濃處 風梢危滴撼珠璣灑面得新句莫
惜玉壺傾盡待月明歸去

書舟詞

三十五

汲古閣

清平樂

山城桃李催促春無幾日日爲花須早起猶惜
花無計 阿誰畱得春風長教遶綠圍紅莫遣
十分芳意輸他萬點愁容

又

紅木犀詞

秋香誰買散入琉璃界點綴小紅全不礙還却
鉛華餘債 夜來月底相期一枝未覺香遲恰
似青綾帳底絳羅初試裙兒

又
雪詠

疎疎整整風急花無定紅燭照筵寒欲凝時見
篩簾玉影 夜深明月籠紗醉歸涼面香斜猶
有惜梅心在滿庭誤作吹花

又

綠深紅少柳外橫橋小雙燕不知幽夢好驚起
碧窗春曉 起來慵整多時玉臺金鏡慵移多
少春愁未說却來閒數花枝

書舟詞

三十六

汲古閣

謁金門

杏花

春悄悄紅到一枝先巧酒入半腮微帶卵粉寒
香未飽 芳意枝頭偏開困盡蜂鬚鬢爪擬倩
玉纖和露拘情多愁易攪

又
茶蘼

花簇簇觸眼萬條垂玉小院春深窗鎖綠水沉
風斷續 明月又侵樓曲羞向枕囊拘束只待
夜深清影足醉來花底宿

又陪蘇子重諸
友飲東山

烏帽側行徧杏花春色野意青青分隴麥人家
煙水隔 春事莫催行客彈指青梅堪摘醉倚
暮天江拍拍雨晴沙路白

又病
起

花半溼一霎晚雲籠密天氣未佳風又急小庭
愁獨立 酒病起來無力懊惱篆煙鎖碧一餉
春情無處覓小屏山數尺

書舟詞

三十七

汲古閣

又

春夜雨催潤柳塘花塢小院深深門幾許画簾
香一縷 獨立晚庭凝竚細把花枝閒數燕子
不來天欲暮說愁無處所

又

風陣陣吹落楊花無定酒病厭厭三月盡花檀
紅自隱 新綠軒牕清潤月影又移牆影手撚
青梅無處問一春長悶損

又

濃睡醒驚對一簾秋影楓葉乍零風不定半窗
疎雨影 愁與年光不盡老入星星雙鬢只擬
上樓尋遠信雁遙煙水暝

卜算子

枕簟暑風消簾幙秋風動月到夜來愁處明只
照團衾鳳 去意杳無憑別語愁難送一紙魚
牋枕底香且做新來夢

書舟詞

三十八

汲古閣

又

獨自上層樓樓外青山遠望到斜陽欲盡時不
見西飛雁 獨自下層樓樓下蛩聲怨待到黃
昏月上時依舊柔腸斷

又

幾日賞花天月淡茶縻小寫盡相思喚不來又
是花飛了 春在怕愁多春去恹歡少一夜安
排夢不成月墮西窗曉

霜天曉角

幾夜瑣窗揭素蟾光似雪恰恨照人欹枕紗幮
爽簾紋滑 迤邐篆香裏好懷誰共說若是知
人風味來分付半牀月

又

玉清冰樣潔幾夜相思切誰料濃雲遮擁同心
帶甚時結 囟囟休惜別還有來時節記取江
陰歸路須共踏夜深月

書舟詞

三十九

汲古閣

減字木蘭花

雙雙相竝一點紅邊偏照映玉剪雲裁不比浮
花共蒂開 幾回心下選勝摘來情自足挿向
雲鬟要與仙郎比竝看

菩薩蠻

和風暝日西郊路遊人又踏青山去何處碧雲
衫映溪纔雨三 疎松分翠黛故作羞春態回
首杏煙消月明歸渡橋

又

春回綠野煙光薄低花矮柳田家樂隴麥又青
青喧蜂閒趁人 野翁忘近遠怪識劉郎面斷
却小橋溪怕人溪外知

又 訪江東
外家作

画橋拍拍春江綠行人正在春江曲花潤接平
川有人花底眠 東風元自好只怕催花老安
得萬垂楊繫教春日長

書舟詞

四十

汲古閣

又

平蕪冉冉連雲綠斜陽襯雨明溪足小鴨睜睛
沙翠煖三兩花 春光閒婉婉盡日無人見試
著小屏山圖歸雲際看

又 正月三日
西山卽事

山頭翠樹調鸞舌山腰野菜飛黃蝶來爲等閒
休去成多少愁 小庭花木改猶有啼痕在別
後不曾看怕花和淚殘

又

羅衫乍試寒猶怯妬花風雨連三月燈冷閉門
時有愁誰得知 此情真個苦只爲當時語莫
道絮沾泥絮飛魂亦飛

又

夜來花底鶯饒舌把人心事分明說許大好因
緣只成容易傳 春闌無好計唯有歸來是從
此玉臺前曉粧休太妍

書舟詞

四十一

汲古閣

又

小窗陰綠清無暑篆香終日縈蘭炷冰簟漲寒
濤清風一枕高 有人團扇却門掩庭花落少
待月侵床照教魂夢涼

又

文同

暑庭消盡風鳴樹樹鳴風盡消庭暑橫枕一聲
鶯鶯聲一枕橫 扇統低粉面粉低統扇涼
月淡侵床床侵淡月涼

又

東風有意畱人住黑風無意催人去去住兩茫
然相逢成短緣 平生花柳笑過後關心少今
日奈情何爲伊饒恨多

又

去年恰好雙星節鵲橋未渡人離別不恨障雲
生恨他真個行 天涯消息近不見棄鸞影柳
外鷓鴣聲幾回和夢驚

書舟詞

四十二

汲古閣

又

淺寒帶暝和煙下輕陰挾雨隨風灑翠幙護重
簾篆香銷半奩 平生風雨夜怕近芭蕉下今
夕定愁多蕭蕭聲奈何

又

客窗曾剪燈花弄誰教來去如春夢冷落舊梅
臺小桃相次開 人間春易老只有山中好閒
却慳花籬莫教溪外知

又

曉煙籠日浮山翠春風著水回川媚遠近碧重
重人家山色中野花香自度似識幽人處安
得著三間與山終日閑

又

扶犁野老田東睡插花山女田西醉醉眼眩東
西看看桃滿溪耕桑山下足統綺人間俗莫
管舊東風從教吹軟紅

書舟詞

浣溪沙

病中自以菊花
相供者戲書

汲古閣

天女慙勤著意多散花猶記病維摩肯來丈室
問云何腰佩摘來煩玉笋鬢香分處想秋波
不知真個有情麼

又

遙想當年出鳳雛王口風有未全疎祇今朱紱
爲誰紆芳草池塘春夢後粉香簾幙曉晴初
一簪華髮要人梳

又

翠葆扶疎傍藥闌亂飄綠沼滿書單清明時節
又看看小雨勒成春尾恨東風偏作夜來寒
琴心老盡不須彈

又

薄日移陰午暑空一盃何事便潮紅扇統揮盡
却疎慵早睡情懷冰枕外夜涼消息雨荷中
不須留燭眩房櫳

書舟詞

四十四

汲古閣

又

閒倚前榮小扇車晚妝無力彈雲顰凝情看落
一庭花笑挽清風歸玉枕嬾隨缺月傍窗紗
羞紅兩臉上嬌霞

點絳脣

梅雨收黃暑風依舊閒庭院露荷輕顫只有香
浮面挂起西窗月澹無人見幽情遠墮釵低
扇好個涼方便

愁倚闌令 三景道

山無數雨蕭蕭路迢迢不似芙蓉城下去柳如腰
夢隨春絮飄飄知他在第幾朱橋說與杜鵬休喚怕魂銷

又

春猶淺柳初芽杏初花楊柳杏花交影處有人家
玉窗明煥煥霞小屏上水遠山斜昨夜酒多春睡重莫驚他

書舟詞

四十五

汲古閣

生查子

溪光曲曲村花影重重樹風物小桃源春事還如許
情知送客來又作尋芳去可惜一春詩總爲閒愁賦

又

長記別郎時月淡梅花影梅影又橫窗不見江南信
無心換夕香有分怜朝鏡不怕瘦稜稜只怕梅開盡

又 春日

蘭帷夜色高繡被春寒擁何事玉樓人屢踏楊花夢
分明相見陳不道幽情重乞個好因緣莫待來生種

長相思

對重陽感重陽身在西風天一方年年人斷腸
景淒涼客淒涼縱有黃花祇異鄉晚雲連夢長

書舟詞

四十六

汲古閣

又

酒孤斟客孤吟戲馬臺荒露艸深英雄何處尋
愛登臨莫登臨定是愁來關客心莫天煙水沉

又

風敲窗雨敲窗窗外芭蕉雲作幢聲聲愁對床
對銀缸點銀缸夢採芙蓉隔一江幾時蝴蝶雙

如夢令

風入藕花翻重夜氣與香俱縱月又帶風來涼
意一襟誰共情重情重可惜短宵無夢

憶王孫

蕭蕭梅雨斷人行門掩殘春綠陰生翠被寒燈
枕自橫夢初驚窗外啼鵲催五更

正伯與子瞻中表兄弟也故集中多詞種
作如素難忘一剪梅之類今憲刪正其酷

書舟詞

四十七

汲古閣

相思四代好折紅英諸詞家皆極欣賞
謂秦七黃九莫及也湖南毛晉識

書舟詞

終

題坦菴詞

詞古詩流也吟咏情性莫工於
詞臨淄六一當代文伯其樂府
猶有憐景泥情之偏豈情之所

坦菴詞序

汲古閣

鍾不能自己於言耶坦菴先生
金閨之彥性天衷曠吐而為文
如泉出不擇地連收兩科如俯
拾芥詞章廼其餘事人見其摸

寫風景體狀物態俱極精巧初

不知得之、易以至得趣忘憂

樂天知命茲又情性之自然也

因為編次俾鑒諸木觀者當自

坦菴詞序

汲古閣

識其胸次云門人尹覺先之敘

坦菴詞

目錄

萬年歡 一調

水調歌頭 八調

滿江紅 五調

沁園春 二調

醉江月 七調

促拍滿路花 二調

永遇樂 三調

風入松 一調

鳳皇閣 一調

蝶戀花 八調

鷓鴣天 七調

柳梢青 十調

坦菴詞目

菩薩蠻 十三調

汲古閣

浣溪沙 六調

醉蓬萊 一調

好事近 二調

醉蓬萊 一調

漢宮春 一調

廳前柳 一調

訴衷情 四調

一剪梅 二調

朝中措 六調

點絳脣 三調

撲蝴蝶 一調

醉桃源 三調

賀聖朝 一調

踏莎行 二調

憶秦娥 一調

武陵春 二調

坦菴詞目錄	清平樂	三調	鵲橋仙	四調
	謁金門	七調	東坡引	三調
	生查子	五調	少年遊	二調
	小重山	一調	霜天曉角	二調
	江南好	一調	關河令	二調
	採桑子	二調	浪淘沙	三調
	雙頭蓮令	一調	畫堂春	一調
	南柯子	一調	西江月	二調
坦菴詞目	洞仙歌	一調	南鄉子	一調
	行香子	一調	卜算子	五調
	伊洲三臺	一調		
			汲古閣	

坦菴詞	萬年歡	宋 趙師使	
電繞神樞華渚流虹誕彌良用佳辰萬寓謳歌 歸舞寶曆增新四七年間盛事皇威暢邊鄙無 塵仁恩被華夏咸安太平極治懽聲 重華道 隆德茂亘古今希有揖遜重聞聖子三宮歡聚 兩世慈親幸際千秋聖旦霑鎬宴普率惟均封	一	汲古閣	
坦菴詞	水調歌頭	金鼎調元手玉殿渙恩華宣威蜀道曾見千騎 擁高牙憑仗元樞籌略寬我宸旒西顧惠澤被 幽遐爲憶江城好南浦艤仙槎 格天心膺帝 眷極褒嘉琳宮香火緣在還近玉皇家霖雨久 思賢佐看卽聲傳丹禁喚仗聽宣麻袞繡公歸 去宰路築堤沙	並物安 上公閣

又春野亭
送別

江亭送行客腸斷木蘭舟水高風快滿目煙樹
織成愁呀軋數聲柔櫓拍塞一懷離恨指顧隔
汀洲獨立滄茫外欲去強遲留海山長雲水
濶思難收小亭深院歌笑不忍記同游唯有當
時明月千里有情還笑後會尚悠悠此恨無重
數和淚付東流

又癸卯信
豐送春

坦菴詞

汲古閣

韶華能幾許節物歎推移羣花競芳爭豔無奈
隙駒馳紅紫隨風何處唯有搏枝新綠暗逐雨
催肥喬木罌初囀深院燕交飛漸清和微扇
暑日遲遲新荷泛水搖漾萍藻弄晴漪百歲光
陰難挽一笑歡娛易失莫惜酒盈卮無計畱連
住還是送春歸

又萬載煙
雨觀

江流清淺外山色有無中平田坡岬迴曲一目

望難窮波面輕鷗容與沙際野航橫渡不信画
圖工路入神仙宅翠鎖梵王宮俯晴郊增勝
槩氣橫空雲林城市層列知有幾重重更上危
亭高處從倚欄干虛敞象緯逼璇穹要盡無邊
景煙雨看空濛

又戊申春陵用舊韵賦
二詞呈族守德遠

人生如寄耳世態逐時移浮名薄利能幾方寸
謾交馳龍足生涯隨分到眼風光可樂終不羨

坦菴詞

三

汲古閣

輕肥有志但長嘆無路且早飛恨年華何去
速又來遲綠陰濃映池沼穀浪皺風漪轉午鷺
聲睨睨滾地楊花飄蕩愛景惜芳卮此意誰能
解一笑任春歸

又

心景兩無著情物豈能移超然遠覽失笑名利
苦紛馳一品官資榮顯百萬金珠豪富空自喜
家肥會得個中理川湧與雲飛靜中樂陶中

趣自舒遲心如止水無風無自夏生漪已是都
忘人我一任吾身醒醉有酒引連卮萬法無差
別融解卽同歸

又
林韵

世態萬紛變人事一何忙胸中素韜奇蘊匣劍
豈能藏不向燕然紀績優與漁樵爭席擺脫是
非鄉要地時難得閒處日偏長志橫秋謀奪
衆謾軒昂蠅頭蝸角微利爭較一毫芒幸有喬

坦菴詞

四

汲古閣

林脩竹隨分粗衣樸食何必計冠裳我已樂蕭
散誰與共平章

又
丁巳長沙
壽王樞使

台星明翼軫和氣滿瀟湘長懷勝處地靈應產
股肱良共仰三朝元老要識一時英傑人物自
堂堂直氣薄霄漢德望聳巖廊擁貔貅森榮
戟鎮藩方折衝樽俎春融花柳有壺觴兩世麟
符玉節九郡恩風惠雨仁者壽宜長鳳詔來丹

闕繡袞觀明光

滿江紅
甲午豫章
和李思永

渺渺春江迷望眼蒲萄漲綠春過也瀟疎庭戶
寂寥心目念遠不禁啼鴉鬧愁多易遣脩蛾蹙
向小窗時把綵牋看翻新曲晴晝永便新浴
相思淚不成哭空無言顚顚暗銷肌玉目斷碧
雲無信息試憑青翼飛南北聽掀簾疑是故人
來風敲竹

坦菴詞

五

汲古閣

又
辛丑赴信豐
舟行贛石中

煙浪連天寒尚峭空濛細雨春去也紅銷芳徑
綠肥江樹山色雲籠迷遠近灘聲水滿忘艤阻
挂片颿掠岸晚風輕停煙渚浮世事皆如計
名利役驚時序歎清明寒食小舟爲旅露宿風
食安所賦石泉榴火知何處動歸心猶賴翠煙
中無杜宇

又
壬子秋社甫
中賦桃花

露冷天高秋氣爽千林葉落驚初見小桃枝上
盛開紅萼淺淡胭脂經雨洗剪裁碼礪如雲薄
問素商何事鬪春工施丹腹芙蓉苑顏如灼
會暗與花王約要棄秋名字竝傳京雒回首瑤
池高宴處桂花香裏驂高鵠但莫教容易逐西
風輕飄却

又丙辰中秋定王臺
即席餞富次律

涼入三湘秋氣爽江澄沙白人欲去離愁黯黯

坦菴詞

六

汲古閣

莫畱行色盍在中朝陪鴈鷺暫來南楚分風月
與元樞鶚薦芑扶搖朝天闕皇華使和戎策
西府贊中興紫綬有緇衣同美武公勛烈檣燕已
知添別意驪駒誰爲歌新闌恨此情如月過中
秋圓還缺

又丁巳和濟時
几宜送春

去去春光畱不住情懷索莫邨堪是日長人困
雨餘寒薄葉底青青梅勝豆枝頭顰顰花畱萼

歎流年空有惜春心憑春酌歌笑酒誰斟酌
非與是忘今昨且隨時隨分強歡尋樂世事燕
鴻南北去人生鳥兔東西落問故園不負送春
期明年約

沁園春和伍子嚴
避暑二首

雨接梅霖風祛槐暑麥天已秋正榴燃紅炬枝
頭色豔荷翻綠蓋池面香浮心景俱清身名何
有且向忙中早轉頭塵勞事枉朝思夕計細慮

坦菴詞

七

汲古閣

深謀悠悠不復徵求但安分隨緣休便休縱
官居極品徒爲美玩家稱鉅富未免閑愁遇酒
開顏逢歡樂意有似木人騎土牛從他笑看一
朝解悟八極遨遊

又

羊角飄塵金鳥爍石雨涼念秋有虛堂臨水披
襟散髮紗幮霧卷湘簾波浮遠列雲峰近叅荷
氣臥看文書琴枕頭蟬聲寂向莊周夢裏栩栩

無謀 茶甌醒困堪求 麓飽飯安居可以休算
脩閒靜勝吾能自樂 榮華紛擾人謾多愁 習嬾
非癡覺迷是病 一力那能勝九牛 但休問且追
尋觴詠知友從游

醉江月

題趙文炳桂屏

枕山平遠記當年 小閣牙床曾展圍幅 高深春
晝永寂寂重簾不卷 櫂艤西湖人 歸南陌酒暈
紅生臉 困來無那 玉肌小倚嬌軟 堪恨身在

坦菴詞

八

汲古閣

天涯曲屏環枕 此意何由見 想像高唐無夢到
獨擁閒衾展轉 物是人非 山長水闊 觸處思量
徧愁遮 不斷夜闌依舊斜掩

又

丙午螺川

飄流踪跡趁春來 還趁春光 歸去九十韶華能
幾許 著意畱他不住 趙柳催花 摧紅長翠多少
風和雨 蜂閒蝶怨 盡憑枝上鶯語 歸櫂去去
難畱 桃花浪煥綠漲迷津 浦回首重城天樣遠

人在重城深處 惜別愁分凝暗 有淚總寄陽關
句 不堪腸斷恨隨江水東注

又

乙未白蓮待廷對

斜風疎雨正無聊 情緒天涯寒食煙重雲嬌春
爛熳却得輕寒邀勒 柳褪鵝黃池添鴨綠 桃杏
渾狼藉 亂山深處畱些子春色 海燕未便
歸來踏青關草誰與同尋覓 杜宇多情芳樹裏
只管聲聲歷歷似勸行人不如及早作箇歸消

坦菴詞

九

汲古閣

息休教腸斷夢魂空費思憶

又

乙未中元自佛州過白蓮

曉風清暑映湖光 如練山光如染 十里荷花香
滿路飛蓋斜欹粧面 一葉扁舟數聲柔櫓 陡覺
紅塵遠 六橋三塢恍然圖畫中見 因念當日
三賢兩山佳處應也經行 遍琢月吟風無限句
景物隨人俱顯賀 監風流玄真清致我亦情非
淺 漁蓑投老利名何用深羨

又信豐賦
茉莉

化工何意向天涯海嶠有花清絕縞袂綠裳無
俗韻不畏炎荒煩熱玉骨無塵冰姿有豔雅淡
天然別真香冶態未饒紅紫春色底事口落
江南水仙兄弟端自難優劣瘴雨蠻煙魂夢遠
寧識溪橋霜雪薜蘿同芳素馨爲伴百和清芬
蕤淒然風露夜涼香泛明月

又萬載龍
江眼界

坦菴詞

十一

汲古閣

平生奇觀愛登高臨遠尋幽選勝欲上層巔窮
望眼一半崎嶇危徑萬瓦鱗鱗四山簇簇咫尺
疎林映山川城郭恍然多少清興殘照斜歛
餘紅橫陳平遠一抹輕煙暝何處飛來雙白鷺
點破遙空澄瑩鶴嶺雲平龍江波渺不羨瀟湘
詠襟懷舒曠曲欄倚了還凭

又足樂園
牡丹

韶華婉婉正和風遲日暄妍清晝紫燕黃鸝爭

巧語催老芬芳花柳灼灼花王盈盈嬌豔獨殿
春光後鵲翎初拆露霑香沁珠溜遙想京洛
風流姚黃魏紫間綠如鋪繡小蓋低回雕檻曲
車馬紛馳園囿天雨曼珠玉槃金束占得聲名
久畱連朝算賞心不厭芳酒

促拍滿路花

信豐黃師
尹跳珠亭

栽花春爛熳疊石翠嶺屹小亭相對倚數峰寒
主人尋勝接竹引清泉鑿破蒼苔地一掬泓澄

坦菴詞

十一

汲古閣

六花疑是深淵山前六花小池向閑中百慮翛然情
事寄鳴絃爐香陪茗椀可忘言噴珠濺雪歷歷
聽潺湲塵世知何計不老朱顏靜看日月跳丸

又端陰亭贈錦
屏道人

連枝蟠古木瑞蔭映晴空桃江江上景古今同
忙中取靜心地儘從容埽盡荆榛蔽結屋誅茆
道人一段家風任鳥飛兔走囟囟世事亦何
窮官閒民不擾夏年豐簞瓢雲水時與話西東

眞樂誰能識兀坐忘言浩然天地之中

永遇樂重明節

金昊行秋秊商回律天氣佳處瑞應皇家祥開
聖旦寶曆綿基祚瑤池人祝鈞天樂奏湛露宴
均寰宇萬花覆千官盡醉盛事頓超今古中
興天統四三傳序揖遜自歸明主黃屋非心蘿
圖有永還付當今主帝夷高蹈壽康長保五世
祖孫懽聚尊之至千秋令節萬年聖父

坦菴詞

十二

汲古閣

又甲午走筆
大用梅詞韵

秋滿衡臯淡雲籠月晚來風勁一抹殘霞數聲
過雁還是黃昏近憑高臨遠倚樓凝睇多少斷
愁幽興聽漁村鳴榔隱隱別浦暮煙收暝湘
妃起舞芳蘭紉佩約略亂峰雲鬢景物悲涼楚
天澄淡過盡歸颿影斜陽低處遠山重疊蕭樹
亂鴉成陣空無言欄干凭瞬悶懷似困

又爲盧顯文家
金林檎賦

日麗風暄暗催春去春尙畱戀香褪花梢苔侵

柳徑密幄清陰展海棠零亂梨花淡矜初聽聞

空鷺燕有輕盈妍姿靚態緩步闌風仙苑綠

叢紅萼芳鮮柔媚約略試粧深淺細葉來禽長

梢戲蝶簇簇枝頭見駝顏鬢髮春愁無力困倚

画屏嬌軟只應怕風欺雨橫落紅萬點

風入松戊申浚縣
永舟泛瀟湘

溪山佳處是湘中今古言同平林遠岫渾如画

坦菴詞

十三

汲古閣

夏漁村返照斜紅兩畔荻風策策一江秋水溶

溶蒼崕石壁景尤雄人自西東利名汨沒黃

塵裏又那知清勝無窮何日輕舸簑笠持竿獨

釣西風

鳳凰閣已酉歸舟
衡陽作

正薰風初扇梅黃暑溽竝搖雙槳去程速那夏

黃流浩淼白浪如屋動歸思離愁萬斛平生

奇觀頗快江山寓目日斜雲定晚風熟白鷺飛

來點破一川明綠展十幅瀟湘画軸

蝶戀花

戊戌和
鄧南秀

柳眼窺春春漸吐又是東風搖曳黃金樹宜入
新春聞好語一犁處處催畊雨未有花鬚金
縷縷醉夢悠颺似蝶翩躚舞一枕仙遊何處去
覺來依舊江南住

又

已亥同常監游漢
陽洞題肯堂壁

春到園林能幾許昨夜疎疎過却催花雨暝日

坦菴詞

十四

汲古閣

晴嵐原上路雕鞍暫繫芳菲樹仙洞同遊皆

勝侶翻憶年時醉裏曾尋句要與龍江春作主

翩然又趁東風去

又

癸卯信豐
賦美客

剪剪西風催碧樹亂菊殘荷節物驚秋算綠葉
紅苞迎曉露錦屏繡幄圍芳圃塵世鸞駢邴
肯駐尚憶層城仙苑飛瓊侶能共牡丹爭幾許
惜花對景聊爲主

又 道中有簪
二色菊花

百疊霜羅香蕊細嫋嫋垂鈴綴簇黃金碎獨占
九秋風露裏芳心不與羣花比采采東籬今
古意秀色堪餐更惹蘭膏膩不用南山橫紫翠
悠然消得因花醉

又

臨安道
中賦梅

剪水凌虛飛雪片認得清香雪樹深深見傳粉
凝酥明玉豔含章簷下春風面照影溪橋情

坦菴詞

十五

汲古閣

不淺羌管聲中疊恨傳幽怨隴首人歸芳信斷

萬重雲水江南遠

又

戊戌中
秋夜

夜雨鳴簷聲錄軟薄酒澆愁不那更籌促感舊
傷今難舉目無聊獨剪西窗燭彈指光陰如
電速富貴功名本自無心逐糲食簾衣隨分足
此身安健他何欲

又

丙辰嫣然
賞海棠

春入園林新雨過次第芳菲惹起情無那蜀錦
青紅初剪破枝頭點點胭脂顆 柳帶隨風金
嫩娜隱映餘霞燦燦紅雲墮高燭夜寒光照坐
只愁沉醉誰扶我

又用宜笑
之語作

解語花枝嬌朶朶不爲傷春愛把眉峰鎖宜笑
精神偏一個微渦媚靨櫻桃破 先自腰肢常
嫩娜更被新來酒飲頻過火茶飲不懽猶自可

坦菴詞

十六

汲古閣

臉兒瘦得些娘大

鷓鴣天

壬辰豫章
惠月佛閣

煙靄空濛江上春夕陽芳草渡頭情飛紅已逐
東風遠嫩綠還因夜雨深 情脉脉思沉沉捲
簾愁與算雲平闌干倚徧東西曲杜宇一聲腸
斷人

又豫章
大閱

玉帶紅花供奉班裏頭新樣總宜男開裝鞍轡

青驄馬帖體衣裳紫窄衫 雲鬢重黛眉彎內
家粧束冠江南輕裘緩帶風流帥錦繡叢花擁
騎還

又揖翠
晚望

榕葉陰陰未著霜淺寒猶試夾衣裳霧濃煙重
遙山暗雲淡天低去水長 風淅瀝景淒涼亂
鷗聲裏又斜陽孤鶩落處驚鷗鷺飛映書空雁
字行

坦菴詞

十七

汲古閣

又夕七

一葉驚秋風露清砌蛩初聽傍窗聲人逢役鵲
飛鳥夜橋渡牽牛織女星 銀漢淡算雲輕新
蟾斜挂一鉤明人間天上佳期處涼意還從過
雨生

又湘江舟中
應叔索賦

風定江流似鏡平斜陽天外挂微明雲歸遠岫
千山暝霧映疎林一抹橫 漁火細釣絲輕黃

塵撲撲謾爭榮何時了却人間事泛宅浮家過此生

又贈妙惠

妙曲清聲壓楚城蕙心蘭態見柔情凌波穩稱金蓮步蘸甲從教玉笋斟歌緩緩笑吟吟向人真處可憐生仙源幸有藏春處何事禁風逐世塵

又丁巳除夕

坦菴詞

十八

汲古閣

爆竹聲中歲又除頓回和氣滿寰區春風解綠江南樹不與人閒染白鬚殘蠟燭舊桃符寧辭末後飲屠蘇歸歟幸有園林勝次第花開可自娛

柳梢青祭戶立春

節物推移青陽景變玉琯灰飛綵仗泥牛星毬雪柳爭報春回絲金縷玉蟠兒夏斜裊東風應時宜入新春人隨春好春與人宜

又茶縻屏

紅紫凋零化工特地剪玉裁瓊碧葉鼓芳檀心點素香雪團英柔風喚起娉婷似無力斜欹翠屏細細吹香盈盈浥露花裏傾城

又和趙顯祖

漠漠輕陰養花天氣乍暗還明曲徑風微蜂迷紅片蝶趁游人平蕪極目青青謾悵望誰招斷魂柳外愁聞鶯雛喚友鳩婦呼晴

坦菴詞

十九

汲古閣

又黃桤林送李梓伯

料峭餘寒元宵欲過燈火闌珊宿酒難醒新愁未解搖兀吟鞍深林百舌關關夏雨洗桃紅未乾野燒痕青荒陂水滿春事何堪

又高陽江亭

煙歛雲收夕陽斜照暮色遲留天接波光水涵山影都在扁舟虛名白盡人頭問來往何時是休潮落潮生吳山越嶺依舊臨流

又發八
仙花

人間春足一番紅
紫水流風逐戲蝶初閒輕搖
粉翅高低飛撲
雨昏煙暝增明似積雪枝間
映綠后土瓊芳蓬萊仙伴盡紛香粟

又邵武熙春臺席
上呈修可叔

矯首遐觀崇臺徙倚心目俱寬
一水縈藍羣峰聳翠天接高寒
平生江北江南總未識欄中
好山雨暗前汀雲生衣袂身勸躋攀

坦菴詞

二十

汲古閣

又王子蒲陽
壺山閣

暑懷煩鬱危欄徙倚凝情獨立榕葉連陰橫岡
接秀壺峰凝碧
海山雲樹微茫夏無數歸颿
算集却憶瀟湘孤村煙渚晚風斜日

又鑑止月
下賞蓮

水滿方塘菰蒲深處戲浴鴛鴦燦錦舒霞紅幢
綠蓋時通幽香
天弓搖挂孤光映煙樹雲間
渺茫散髮披襟都忘身世真在仙鄉

又和張伯壽
紫笑詞

濃碧博枝柔黃襯紫獨殿春風
茵茵輕盈甘瓜馥郁葉萼相重
人生一笑難同夏餘韵都藏
笑中日助清芬酒添風味須與從容

浣溪沙
癸巳豫章

日麗風和春晝長
杏花枝上正芬芳
無情社雨亦何狂
一洗嬌紅啼嫩臉
半開新綠映殘粧
画梁空有燕泥香

坦菴詞

二十一

汲古閣

又滕王閣席上
贈段雲輕

落日沉沉墮翠微
斷雲輕逐晚風歸
西山南浦画屏圍
一目波光剛欲溜
兩眉山色翠常低
須知人與景相宜

又鳴山驛
道中

松雪紛紛落凍泥
棲禽猶困傍枝低
昨簷氷柱玉鞭坐
流水濺濺春意動
羣山燦燦曉光迷
朔風寒日度雲遲

又螺川從善
席上敘別

不比陽關去路賒使君行即返京華清江江上
是吾家聚散有時思夜雨留連無計勸流霞
紅愁綠慘一川花

又鑑止
宴坐

雪絮飄池點綠漪舞風游漾燕交飛陰陰庭院
日遲遲一縷水沉香散後半甌新茗味回時
脩閒萬事總忘機

坦菴詞

二十二

汲古閣

又鶯鶯
紅梅

本是孤根傲雪霜肌膚不肯浣鉛黃要隨塵世
淺勻粧似杏著花尤燦燦比梅成實自雙雙
青枝巧綴碧鴛鴦

菩薩蠻
癸巳自豫
章微歸

扁舟又向瀟灘去危檣却繫江頭樹風送雨聲
來涼生真快哉電光雲際掣白浪天相接不
用怯風波風波平地多

又

嬌花媚柳新粧靚裙邊微露雙鴛竝笑靨最多
情春從兩臉生香羅縈皓腕翠袖籠歌扇餘
韻遏雲低梁塵簌簌飛

又

晚風斷送歸颿急重城回首天連碧猶有小樓
情西山如舊青故園今漸近應卜燈花信一
喜一牽縈平分兩處心

坦菴詞

二十三

汲古閣

又用三謝詩故人心尚
遠故心人不見之句

故人心上如天遠故心人更何由見腸斷楚江
頭淚和江水流江流空滾滾淚盡情無盡不
怨薄情人人情逐處新

又瑞蔭
秋望

小春愛日融融暝危亭望處晴嵐滿江靜綠迴
環橫陳無際山清霜欺遠樹黃葉風扶去試
探嶺頭梅點紅開未開

又
可人
梅軸

瑤英爲惜輕飛去可人妙筆移縑素瀟灑向南
枝永無開謝時 閨房難竝秀自是春風手何
必問逃禪人間水墨仙

又
韵勝
竹屏

多情可是憐高節濡毫幻出真清絕雨葉芙蓉
枝天寒人倚時 蕭蕭襟韵勝堪與梅兄竝不
用翠成林坡仙曾賞音

坦菴詞

二十四

汲古閣

又
玉山
道中

霜風落木千山遠護霜雲散晴曦暝瀟灑小旗
亭山花照眼明 粉粧勻未了一捻春風小把
酒恨囟囟深情眉媚中

又
梅林渡
寄興伯

行舟蕩漾鳴雙槳江流爲我添新漲指顧隔汀
洲人歸心尙留 陽關三疊舉怨柳離情苦何
似莫來休不來無許愁

又
永州牧人亭和
聖徒季行韵

故人話別情難已故人此別何時會江上駐危
亭離懷牽故情 悠悠東去水簇簇漁村市應
記合江濱瀟湘別故人

又
春陵迎
陽亭

西風又老瀟湘樹翩翩黃葉辭枝去斜日淡雲
籠溪山煙靄中 危闌閒獨倚縠浪連天際殘
角起江城書空征雁橫

坦菴詞

二十五

汲古閣

又
辛亥二
月雪

東皇不受人間俗爲嫌花柳紛紅綠特地闕春
和連延雨雪多 梅梢封玉蕊春半開猶未還
恐怨韶華吹綿作柳花

又
鑑止蓮花
穿闌干開

水風葉底波光淺亭亭翠蓋紅粧面六月下塘
春平鋪雲錦屏 露涼輕點綴綠映珍珠袂渾
似太真妃倚闌嬌困時

好事近 登絲海棠

紅杏已香殘，唯有海棠堪惜。天氣著花如酒，醉嬌紅無力。娉娉嫋嫋倚東風，柔媚忍輕摘。憑仗算寒要住，賽錦川春色。

又 癸巳催粧

雲度鵲成橋，青翼已傳消息。綵仗蒨宮初下，應人間佳夕。龍煙縹緲散粧樓，香霧擁瑤席。準擬洞房披扇看，仙家春色。

坦菴詞

醉蓬萊

重明節丙辰長汝

二十六

汲古閣

正金風零露玉宇生涼，晚秋天氣華渚流虹。應生商佳瑞，電繞神樞，慶綿宗社。御寶圖宸極脫屣塵，凡遊心澹泊逍遙物外。聖子神孫，祖皇文母上接三宮，下通五世，至盛難名。亘古今無比，誕節重明，燕樂和氣，動普天均被壽祝南山。尊傾北海，臣隣歡醉。

漢宮春

壬子蒲中鹿鳴宴

丹詔天飛見，皇家願治側席。英才鴻儒抱負，素蘊壯志興懷。文場戰勝，便從此脫迹蒿萊。人笑羨鹿鳴勸駕，還因計吏偕來。先春占早爭開，是人間第一。唯有江梅，甫中舊傳盛事，六亞三魁。桃花浪暖，夏平地聽一聲雷。藍綬嫺蘆，鞭駿馬長安走徧天街。

廳前柳

晚秋天過，算雨雲容斂，月澄鮮正。風露淒清處，

坦菴詞

二十七

汲古閣

砌蛩喧夏，黃黃舞翩翩。

念故里千山雲水隔

被名韁利鎖，繁牽莫作悲秋意。對尊前且同樂

太平年

又 升桂

景清佳，正倦客凝秋思，浩無涯。迤邐十里香芬馥，桂初華。向碧葉露芳葩，爲粟粒鵝兒情淡薄。倩西風染就丹砂，不比黃金雨，燦餘霞。送幽夢到仙家。

訴衷情

鑑止
初夏

清和時候雨初晴
密樹翠陰成新篁
嫩搖碧玉芳徑綠苔深
雛燕語乳鸞聲暑風輕
簾旌微動沉篆煙消
午枕除清

又

蒲中酌獻白湖
靈惠妃三首

神功聖德妙難量
靈應著莆陽
湄洲自咎仙境
宛在水中央
孚惠愛備祈禳
降嘉祥雲車風馬
盼蠻來歆桂酒椒漿

坦菴詞

二十八

汲古閣

又

茫茫雲海浩無邊
天與水相連
舳艫萬里來往
有禱必安全
專掌握雨暘
權屬豐年瓊卮玉醴
饗此精誠福慶綿綿

又

威靈千里護封圻
十萬戶
歸依白湖宮殿雲聳
香火盡虔祈
傾壽酒誦聲詩
諒遙知民康俗阜
雨潤風滋功與天齊

一剪梅

蒲中
賞梅

雪裏盈盈玉破花
遐想風流壓盡京華
點酥團粉任欹斜
獨露春妍問誰似他
有酒何須稚子賒
訪戴歸來倚櫂溪涯
人生得意定談誇
除却西湖不記誰家

又

丙辰冬
長沙作

暝日烘梅冷未甦
脫葉隨風獨見枯株
先春占早又何如
玉點枝頭猶自蕭疎
江北江南景坦菴詞

二十九

汲古閣

不殊雪裏花清月下香
浮它年調鼎費工夫
且與藏春處士西湖

朝中措

蒲中
樂堂

斜陽留照有餘紅
煙靄淡冥濛
麥隴青搖一望
前山翠失雙峰
高臺徙倚松飄逸
韵梅減冰容
俯眎塵寰如掌
翩然我欲乘風

又

疎疎簾幙映娉婷
初試曉粧新玉腕
雲邊緩轉

修蛾波上微顰 鉛華淡薄輕勻桃臉深注櫻
唇還似舞鸞窺沼無情空惱行人

又 乙未中秋
麥湖舟中

西風著意送歸船家近總欣然去日梅開爛熳
歸時秋滿山川 京華倦客難堪羈思歷盡愁
邊寄語姮娥休笑月圓人亦團圓

又 山
樊

亂山春過雪成堆七里逋香回蕤簇玲瓏金粟
坦菴詞 三十 汲古閣

花裝碎屑玫瑰 蘭衰梅謝桃粗李俗誰與追
隨清絕殿春仙侶清風吹破荼蘼

又 月
季

開隨律琯度芳辰鮮豔見天真不比浮花浪蕤
天教月月常新 薔薇顏色玫瑰態度寶相精
神休數歲時月季仙家欄檻長春

又 丁亥益陽
賀正宜之

睂間黃色喜何如花縣拜恩初五品榮頒命服

十行祇奉天書 萱堂繡閣均封大邑盛事同
居此日銀章朱紱行看王帶金魚

點絳脣 和翁
子西

日煥風暄殿春瓊蓋依臺榭雪堆花架不用丹
青寫 瑩徹精神映月唯宜夜幪香帕倩風扶
下碎玉殘粧卸

又

漠漠春陰褪花時候餘寒峭數聲啼鳥喚起簾
坦菴詞 三十 汲古閣

櫛曉 雲鬢慵梳淡拂春山小情多少亂縈愁
抱風裏坐楊裊

又 同曾無玷觀
沉賽娘基

裊裊娉娉可人尤賽娘風韵花嬌玉潤一捻春
期近 占路藏機已向碁中進但休問酒旗花
陣早晚爭先勝

撲蝴蝶

清和時候熏風來小院琅玕脫籜方塘荷翠颭

柳絲輕度流鶯画棟低飛乳燕園林綠陰初遍
景何限 輕紗細葛綸巾和羽扇披襟散髮心
清塵不染一盃洗滌無餘萬事消磨去遠浮名
薄利休羨

醉桃源 桐江舟中

微雲埽盡碧虛寬月華光影寒山河表裏鑑中
看沉沉清夜闌 風細細露溥溥神遊八極間
九霄回首望塵寰悠然醉夢還

坦菴詞

三十二

汲古閣

又 草葉茶蘼

纖枝延蔓走青虬風清體更柔故饒檀薤著花
稠疎疎如綴旒 瓊作靨玉成裘玫瑰應輩流
惜香愁怕罨搔頭寧隨口事休

又

杜鵑花發映山紅韶光覺正濃水流紅紫各西
東綠肥春已空 閒戲蝶嬾遊蜂破除花影重
問春何事不從容憂愁風雨中

賀聖朝 和宗之梅

千林脫落羣芳息有一枝先白孤標疎影壓花
叢更清香堪惜 吟情無盡賞音未已早紛紛
藉藉想貪結子去調羹任叫雲橫笛

踏莎行

白雪開殘紅雲吹盡園林新綠迷芳徑榆錢不
解買青春隨風亂點蒼苔暈 紫燕飛忙黃鸝
聲嫩日長煙暝游蜂困憑高念遠思無窮那堪

坦菴詞

三十三

汲古閣

宿酒厭厭病

又

萬事隨緣一身須正功名富貴皆前定多圖廣
計要爭強如何人力將天勝 極費機謀徒勞
犇競到頭畢竟由他命安時處順得心閒飢餐
困寢虧賢甚

憶秦娥 和劉希宋

傷離索不堪涼月穿珠箔穿珠箔料應別後粉

銷瓊削 無聊倚徧西樓角枝頭幾悞驚飛鵲
驚飛鵲先來顚顚更逢搖落

武陵春

和王叔度桃花

一陣曉風花信早先到小桃枝冉冉紅雲映翠
微開宴憶瑤池 零亂分飛貪結子芳徑自成
蹊消得劉郎去路迷腸斷武陵溪

又

信豐揖翠閣

乍雨籠晴雲不定芳艸綠纖柔燕語鶯啼小院
坦菴詞 三十四 汲古閣

幽春色二分休 試凭危欄凝遠目山與水光
浮滾滾閒愁逐水流流不盡許多愁

清平樂

并無必東館

舞風輕燕繚繞深深院晝永人閒簾不捲時聽
鶯簧巧囀 清和天氣陰陰南風初奏熏琴喚
起午窗新夢愁添一掬歸心

又

陽春亭

一宵風雨春與人俱去春解再來花作主只有

行人無據 慙慙滿酌離觴陽關唱起愁腸苦
恨無情杜宇聲 咩斷斜陽

又

迎春花一名金腰帶

纖穠嬌小也解爭春早占得中央顏色好裝點
枝枝新巧 東皇初到江城慙慙先去迎春乞
與黃金腰帶壓持紅紫紛紛

鵲橋仙

歸舟過六和塔

風波平地塵埃撲面總是爭名競利悟時不必
坦菴詞 二十五 汲古閣

苦貪圖但言任流行坎止 忽來忽去何榮何
辱天也知人深意一颿風送過桐江喜跳出瑤
瑤井裏

又

安仁道中雲

同雲空羃狂風浩浩激就六花飛下山川滿目
白模糊更茅舍溪橋瀟灑 玉田銀界瑤林瓊
樹光映乾坤不夜行人不爲旅人忙怎解識天
然圖畫

又同放國華飲開
啼鵲卽席作

春光已算花殘葉密更值無情風雨斜陽芳樹
翠煙中又聽得聲聲杜宇 血流無用離魂空
斷只撓淒涼爲旅在家誰道不如歸你何似隨
春歸去

又丁巳
七夕

明河風細鵲橋雲淡秋入庭梧先墜摩孩羅荷
葉傘兒輕總排列雙雙對對 花瓜應節蛛絲

坦菴詞

汲古閣

卜巧望月穿針樓外不知誰見女牛忙謾多少
人間歡會

謁金門

風和雨又送一番春去春去不知何處住惜春
無覓處 柳老空搏香絮鬢嬌乍遷芳樹回念
故園如舊否不堪聞杜宇

又丁酉冬
昌山渡

江水綠江上數峰如簇喚渡小舟來岸北筍輿

行太速 素豔窗紗籠玉不負看花心目今夜
知他何處宿斷魂沙路曲

又陸樹逵

沙畔路記得舊時行處藹藹疎煙迷遠樹野航
橫不渡 竹裏疎花梅吐照眼一川鷗鷺家在
清江江上住水流愁不去

又

風雨急紅紫又還狼藉嫩綠團枝苔徑溼簾開
坦菴詞

三十七

汲古閣

雙燕入 院靜畫閣人寂一縷水沉煙直心事
有誰能會得堦前芳艸碧

又常山
道中

風策策山迴暮煙橫白漸瀝穿林翻敗葉羈懷
愁倦客 問宿荒村山驛誰識離情脉脉雁足
無書孤夜色音塵千里隔

又和發善
二首

花夜雨渺渺綠波南浦擘絮晴雲山外吐凝情

誰笑語 十二玉梯空
閑却瑣窗朱戶久客
念歸歸未許寸心愁萬縷

又

風雨半春鎖綠楊深院
幙浪不飜香穗捲輕寒
閒便面 歸興新來不淺
勾引閒愁撩亂一枕
春醒誰與管曉鶯驚夢斷

東坡引

別周誠可

相看情未足離觴已催促
停歌欲語眉先蹙何
坦菴詞

三十八

汲古閣

期歸太速 如今去也無計
追逐怎忍聽陽關
曲扁舟後夜灘頭宿愁
隨煙樹簇

又

公真

飛花紅不聚都因夜來雨
枝頭冷落情如許東
風誰是主 看看滿地堆
却香絮似目斷章臺
路殘英剝蘼留春住春
歸何處去春歸何處去

又

龍江趙去非席上

孟行情意密今宵是何夕
行人此別真堪惜愁

腸空悶鬱 明朝去也回首
相憶要留戀如何
得無端聚雨飄何急
人來心上滴人來心上滴

生查子

宜春記賓亭別王希白唐

梅從隴首傳柳向鄧亭折
鴛瓦曉霜濃掠面凝
寒色 相逢意便親欲去
如何說我亦是行人
更與行人別

又

華鄉陽春亭

千山擁翠屏一水縈羅帶
雨過水痕添雲散山
坦菴詞

三十九

汲古閣

容在 亭高景最幽天迥
風尤快啼鳥一聲閒
喚起情無奈

又

遲遲春晝長冉冉東風軟
寒食乍晴天紅紫芳
菲遍 前峰積翠橫新漲
接藍遠向晚淡煙迷
一段屏山展

又

丙午鐵爐岡回

春光不肯留風雨催將去
紅逐故園塵綠滿江

南樹陰晴寒食天寂寞西郊路芳艸織新愁
悵望人何處

又

庭虛任雀喧院靜無人到回首十年非賴得知
幾早心隨香篆銷意與梅花好萬事轉頭空
一笑吾身老

少年遊

梅

玉壺氷結暮天寒朔吹繞闌干雪破梢頭香傳

坦菴詞

四十

汲古閣

花外春信入江南
巡檐索笑情何限一點已
微酸待得黃縑冥冥煙雨綠樹裏金丸

又

氷霜凝凍臘殘時暝律漸推移綵勝羅幃土牛
春杖和氣與春回
花心柳眼知時節微露向
陽枝喜入新春稱心百事如意想都宜

小重山

農人以夜雨
當時爲夜春

樂歲農家喜夜春朝來收宿霧快新晴雲移日

轉午風輕香羅薄暝困游人
積水滿春塍
綠波翻鬱鬱露秧針幸無離緒苦牽情煙林外
時聽杜鵑聲

霜天曉角

三衢道中

雨餘風勁霧重千山暝
茆舍寒林相映分明是
畫圖景
去程何日定天遠長安近喚起新愁
無盡全沒箇故園信

又

舟行清溪

坦菴詞

四十一

汲古閣

艤舟砂磧秋淨波澄碧極目青山橫遠懸崖斷
擁蒼壁
傍岩漁艇集渡頭人物立入景瀟湘
眞画雲籠日晚風急

江南好

天共水水遠與天連天淨水平寒月漾水光月
色兩相兼月映水中天
人與景人景古難全
景若佳時心自快心還樂處景應妍休與俗人
言

關河令

清遠軒
曉望

亭臯霜重飛葉滿聽西風斷雁閒凭危闌斜陽
紅欲歛行人歸期太晚誤髣髴征帆幾點水
遠連天愁雲遮望眼

又

已亥宜
春舟中

江頭伊軋動柔櫓漸楚天欲暮浩蕩輕鷗波間
自容與岼蓼汀蘋無緒更滿目瀟疎江樹此
意何窮憑誰圖画取

坦菴詞

汲古閣

採桑子

三月晦
東館大雨

四十二

連朝雨驟驅春去瓦注盆傾不記初春澗柳催
花忒有情春光解有重來日寧耐休爭待得
秋深聽你無聊點滴聲

又

櫻桃
花

梅花謝後櫻花綻淺淺勻紅試手天工百卉千
葩一信通餘寒未許開舒妥怨雨愁風結子
筠籠萬顆勻圓訝許同

浪淘沙

花杏

絳萼襯輕紅綴簇玲瓏天桃繁李一時同獨向
枝頭春意開嬌倚東風飛片入簾櫳粉淡香
濃鳳簫聲斷月明中只恐明朝風雨惡燕嘴泥
融

又

桃花

桃萼正芳菲初占春時蒸霞燦錦望中迷料出
繁枝臨曲沼鸞鑑粧遲蜂蝶鎮相依天氣融

坦菴詞

四十三

汲古閣

怡空教追憶武陵溪片片漫隨流水去風暖煙
霏

又

柳

搖曳萬絲風輕染煙濃鵝黃初褪綠茸雨洗
雲嬌春向晚雪絮空濛車馬漸橋中別緒幽
窗只知攀折怨西東不道曉風殘月岼離恨無
窮

雙頭蓮令

信豐
雙蓮

太平和氣兆嘉祥
艸木總成雙
紅苞翠蓋出橫塘
兩兩關芬芳
翰搖碧玉竝青房
仙髻擁新粧
連枝不解引鸞皇
畱取映鴛鴦

畫堂春

梅

西真仙子宴瑤池
素裳瓊豔冰肌瑞
籠香霧撲銖衣
鳳翥鸞飛
玉骨解凌風
露鉛華不涷凝
脂戍樓
菴管正孤吹
月淡煙低

南柯子

送朱辰州子方壺小隱

坦菴詞

四十四

汲古閣

木落千山瘦
風微一水澄
清霜暝日快
歸程喚渡沙頭
欸欸話離情
傍岸漁舟集
橫空雁字輕
凭闌凝望眼
增明一片瀟湘真箇畫難成

西江月

丁巳長沙大閱

笳鼓旌旗改色
弓刀鎧甲增明
攢花簇隊馬蹄輕
稟聽元戎號令
羊祜輕裘臨陣
亞夫細柳屯營
觀瞻已聳定
王城飛虎成名日振

又

同蔡受之趙中甫巡城飲于南楚樓

淼淼澄波面
依依紫翠山
光危欄徙倚對斜陽
山影波流蕩漾
世事一番醒醉
人生幾度炎涼
高情收拾付觥觴
何至義皇人上

洞仙歌

丁巳元夕大雨

元宵三五正好嬉遊
去梅柳蛾蟬鬪
濟楚換鞦兒添頭面
只等黃昏恰限
有些子無情風雨心忙腹熱
沒頓渾身處
急把燈臺炎艾炷做匙
婆許蔥油麵灰
画葫蘆夏漏轉越聯不停不住

坦菴詞

四十五

汲古閣

待歸去
猶自意遲疑
但無語空將眼兒厮覷

南鄉子

尹先之索淨圓子詞

元夜景尤殊
萬斛金蓮照九衢
鎚拍鼓湯都賣得爭
如甘露盃中萬顆珠
應是著工夫
腦麝濃熏費小厨
不比七夕黃蠟
做知無
要底圓兒糖上浮

行香子

春日遲遲
春景熙熙
漸郊原芳艸萋萋
夭桃灼灼

灼楊柳依依見燕喃喃蜂簇蝶飛飛 閒庭
寂寂曲沼漪漪夏秋千紅索垂垂遊人隊隊樂
意嬉嬉盡醉醺醺歌緩緩語低低

卜算子 立石道中

晴日歛春泥陌上東風軟料峭寒禁花柳閒狂
恨春工淺 綠漲一江深黛潑千山遠目斷平
蕪無際愁數盡征鴻點

又 丙午春卽席和從善

坦菴詞

四十六

汲古閣

楊柳褪金絲豔杏搖紅影欲雨還晴二月天春
色渾無定 曉夢不堪驚午晝新來永一掬歸
心萬疊愁空惹長亭恨

又 和從善壽安堂賞海棠

嬌豔醉楊妃輕裊憐飛燕人在昭陽睡足時初
試粧深淺 一段錦新裁萬里來何遠高燭休
教照夜寒媚臉融春豔

又 和徐師川韻贈歌者

綠暗柳藏煙紅淡花經雨夏著如花似玉人豔
態嬌波注 纖手捧瑤卮緩遏歌雲縷只恐鬢
花不解留還逐東風去

又 赴春陵和向伯元送行詞

雲歛峭寒輕雨漲春波渺旅枕無堪夢易驚啼
鴉聲催曉 尙憶故園花紅紫爲客好世路崎
嶇長短亭來往何時了

伊洲三臺 丹桂

坦菴詞

四十七

汲古閣

桂華移自雲岩夏被靈砂染丹清露溼酖顏醉
乘風下臨世間 素娥襟韻蕭閒不與羣芳竝
看軟軟絳綃單覺身輕夢回廣寒

介之汴人一名師俠生于金閨捷于科第故其詞

亦多富貴氣或病其能作淺淡語不能作倚麗

語余正謂諸家頌酒賡色已極溫觴存一淡粧以

愧陳抹三初集中放翁一派也湖南毛晉識

菴詞終

惜香樂府目錄

卷一 春景

水龍吟 一調

念奴嬌 一調

滿庭芳 一調

花心動 一調

踏莎行 一調

南歌子 一調

蝶戀花 一調

鷓鴣天 二調

江神子 一調

南歌子 一調

臨江仙 一調

一鼓花 一調

惜香樂府目

汲古閣

青玉案 一調

醉蓬萊 一調

雨中花慢 一調

驀山溪 一調

蝶戀花 一調

虞美人 二調

江神子 一調

醉蓬萊 一調

臨江仙 一調

青玉案 一調

南歌子 一調

醉落魄 一調

點絳脣 五調

鷓鴣天 五調

探春令 一調

小重山 二調

菩薩蠻 二調

卷二 春景

水龍吟 四調

聲聲慢 二調

南歌子 一調

浣溪沙 三調

朝中措 一調

桃源憶故人 一調

長相思 一調

感皇恩 一調

探春令 一調

菩薩蠻 一調

醜奴兒 一調

浣溪沙 一調

惜香樂府目

二

汲古閣

清平樂 二調

更漏子 一調

訴衷情 一調

小重山 一調

蝶戀花 一調

鷓鴣天 二調

探春令 十二調

卷三 春景

寶鼎現 一調

青玉案 一調

燭影搖紅 一調

念奴嬌 二調

阮郎歸 一調

虞美人 一調

漁家傲	一調	念奴嬌	一調
玉樓春	一調	謁金門	一調
眼兒嬌	一調	菩薩蠻	一調
畫堂春	二調	卜算子	一調
念奴嬌	二調	菩薩蠻	一調
點絳脣	一調	鷓鴣天	二調
瑞鶴仙	一調	臨江仙	一調
一叢花	一調	清平樂	一調
惜香樂府目	三	汲古閣	
朝中措	一調	柳梢青	一調
卷四 夏景			
花心動	一調	鼓笛慢	一調
念奴嬌	一調	滿庭芳	二調
好事近	一調	虞美人	一調
醉蓬萊	二調	賀新郎	一調
踏莎行	一調	醉落魄	一調
卜算子	一調	阮郎歸	一調

蝶戀花	一調	鷓鴣天	一調
江神子	一調	新荷葉	一調
臨江仙	一調	朝中措	一調
減字木欄花	一調	卜算子	一調
臨江仙	一調	雨中花令	一調
畫堂春	一調	浣溪沙	一調
西江月	一調	卜算子	一調
清平樂	二調	浣溪沙	二調
惜香樂府目	四	汲古閣	
鷓鴣天	一調	菩薩蠻	一調
西江月	一調	浣溪沙	一調
蝶戀花	一調	浣溪沙	二調
青玉案	二調	謁金門	一調
卷五 秋景			
念奴嬌	二調	聲聲慢	一調
瑞鶴仙	一調	滿庭芳	一調
水調歌頭	一調	驀山溪	一調

洞仙歌	虞美人
醉蓬萊	洞仙歌
夏雲峯	感皇恩
瑞鶴仙	臨江仙
鷓鴣天	驀山溪
水調歌頭	踏莎行
臨江仙	醉落魄
好事近	菩薩蠻
惜香樂府	五
卜算子	點絳脣
好事近	思越人
小重山	採桑子
朝中措	洞仙歌
似娘兒	蝶戀花
夜行船	清平樂
一剪梅	南歌子
醉花陰	菩薩蠻
	汲古閣

浣溪沙	卷六
滿庭芳	御街行
有有令	一剪梅
臨江仙	南歌子
永遇樂	玉蝴蝶
瀟湘夜雨	念奴嬌
似娘兒	柳梢青
惜香樂府	六
祝英臺近	點絳脣
柳梢青	西江月
眼兒嬌	別怨
減字木蘭花	好事近
霜天曉角	鷓鴣天
驀山溪	浣溪沙
點絳脣	鷓鴣天
望江南	玉樓春
	汲古閣

鵲橋仙 一調	菩薩蠻 三調	阮郎歸 一調	菩薩蠻 一調	如夢令 一調	卷七 總詞	水龍吟 一調	水調歌頭 一調	水龍吟 一調	念奴嬌 一調	水調歌頭 一調	水龍吟 一調	惜香樂府目	七	汲古閣
菩薩蠻 一調	霜天曉角 二調	憶秦娥 一調										暮山溪 一調	念奴嬌 一調	
臨江仙 一調	漁家傲 一調	虞美人 二調										瑞鶴仙 一調	暮山溪 一調	
青玉案 一調	虞美人 二調											瑞鶴仙 一調	暮山溪 一調	
臨江仙 一調	漁家傲 一調											青玉案 一調	虞美人 二調	
江神子 一調	御街行 一調											一叢花 一調	天仙子 一調	
瑞鷓鴣 二調	行香子 一調											瑞鷓鴣 二調	行香子 一調	
夜行船 一調	採桑子 一調											夜行船 一調	採桑子 一調	

蝶戀花 三調	鷓鴣天 四調	眼兒嬌 三調	臨江仙 三調	惜奴嬌 一調	卷八 總詞	水龍吟 一調	水調歌頭 一調	水龍吟 一調	訴衷情 一調	滿江紅 一調	賀新郎 一調	好事近 一調	眼兒嬌 一調	惜香樂府目	八	汲古閣
鷓鴣天 四調														簇水 一調	青杏兒 一調	
漢宮春 一調	雨中花慢 一調	玉團兒 一調												更漏子 一調	浣溪沙 二調	
柳梢青 一調	雨 中 花 慢 一調													漢宮春 一調	雨中花慢 一調	
南歌子 一調	臨江仙 一調													柳梢青 一調	玉團兒 一調	
鷓鴣天 二調	浣溪沙 一調													南歌子 一調	臨江仙 一調	
浪淘沙 一調	眼兒嬌 一調													鷓鴣天 二調	浣溪沙 一調	
如夢令 一調	浣溪沙 一調													浪淘沙 一調	眼兒嬌 一調	

減字木蘭花	二調	夜行船	一調
眼兒嬌	一調	品令	一調
柳梢青	一調	浣溪沙	三調
臨江仙	一調	夜行船	一調
浪淘沙	一調	如夢令	一調
卜算子	一調	眼兒嬌	一調
卷九	總詞○好事近 以下俱賀生辰		
南鄉子	二調	謁金門	二調
惜香樂府目	九	汲古閣	
一剪梅	一調	點絳脣	二調
菩薩蠻	二調	画堂春	一調
如夢令	二調	菩薩蠻	一調
長相思	一調	柳梢青	一調
好事近	一調	朝中措	三調
念奴嬌	一調	好事近	二調
柳長春	一調	武陵春	一調
臨江仙	一調	喜遷鶯	一調

鵲橋仙	一調	卷十	補遺
柳梢青	一調	賀新郎	一調
東坡引	一調	杏花天	一調
臨江仙	一調	鞦韆	一調
眼兒嬌	一調	菩薩蠻	一調
鷓鴣天	一調	浪淘沙	一調
謁金門	一調	侍香金童	一調
惜香樂府目	十	汲古閣	
菩薩蠻	一調	清平樂	一調
好事近	一調	思越人	一調
武陵春	一調		
惜香樂府目錄	終		

惜香樂府卷一

宋 趙長卿

春景

水龍吟

韶華迤邐三春，算飛盡繁紅無數。多情爲與，牡丹長約，年年爲主。曉露凝香，柔條千縷，輕盈清素。最堪憐，玉質冰肌，婀娜江梅，謾休爭妬。翠蔓扶疎，隱映似碧紗籠罩。越溪遊女，從前愛惜，嬌姿終日。愁風怕雨，夜月一簾，小樓魂斷，有思量處。恐因循，易嫁東風，爛漫暗隨春去。

惜香樂府

卷之一

汲古閣

念奴嬌

小春時候，見早梅吐玉，裁瓊粧白。點點枝頭光，照眼惱損柔腸。情客暗裏芳心，出羣標致，經歲成疎隔。如今風韻，何人依舊，冰雪冷豔。瀟灑天然，香姿肯易許，遊蜂狂蝶，夜半黃昏，擔帶了多少清風。明月宋玉雖悲，元超雖恨，見了千愁。

歇東君還許有情，取次攀折。

滿庭芳

爆竹聲飛，屠蘇香細，華堂歌舞催春。百年消息，經半已凌人。念我功名冷落，又重是一歲還新。驚心事，安仁華鬢，年少已逡巡。明知生似寄，何須苦苦，役慕蹄輪。最難忘，通經好學，沉淪。是讀書萬卷，辜負他此志，難伸從今去。燈窗勉進雲路，豈無因。

惜香樂府

卷之一

汲古閣

花心動

客中見寄

風軟寒輕，暗香飄撲，面無限清楚。乍淡乍濃，應想前村，定是早梅初吐。馬兒行過坡兒下，危橋外，竹梢疎處。半斜露，花蕊藍藍，燦然滿樹。一餉看花凝竚，因念我西園玉英，真素最是繫心。婉婉精神，伴得水雲仙侶。斷腸沒奈人，千里無計，向釵頭頻覩。淚如雨，那堪又還日暮。

踏莎行

春草

柳暗披風桑柔宿雨一番綠遍江頭樹
鶯花已過苦無多看看又是春歸去
病酒情懷光陰如許閒愁悄沒安排處
新來著意與兜籠身心苦役伊知否

南歌子

早春

春色烘衣煖宮梅破鼻香盡驅和氣入蘭堂
又是輕雲微雨下巫陽酒帶歡情重醺醺氣味
長晚來拂拭略梳粧笑指一鉤新月上迴廊

惜香樂府

卷之一
三

汲古閣

蝶戀花

春深

宿雨新晴天色好穠李天桃一剎都開了
燕子歸來深院悄柳綿鋪迥無人埽
咫尺鶯花還又老綠入閒堦只有青青草
參揣前期誰可表此情不語知多少

鷓鴣天

茶蘼

鏤玉裁瓊莫比香娉婷枝上殢春光
風流別有千般韵割捨昏沉入醉鄉
蜂笑蝶儘乾忙檀

心知未肯尋常從來詩苦人消瘦
乞與幽窗富錦囊

又

春草

蜂蜜釀成花已飛海棠次第雨臙脂
園林檢點春歸也只有縈風柳帶垂
情默默恨依依可人天氣日長時
東風恰好尋芳去何事驅馳作別離

江神子

梅

惜香樂府

卷之一
四

汲古閣

年年長見傲寒林歷羣英有餘清
曾被芳心紅日惱詩情玉質暗香無
限意偏婉婉儘輕盈今年滿灑照岐
亭更芳馨也崢嶸無奈多情終是惜
飄零誰與東君收拾取怕風雨挫瑤瓊

南歌子

荆溪寄南徐故人

春思濃如酒離心亂似綿
一川芳艸綠生煙客裏因循重過
豔陽天屈指歸期近愁眉淚灑然
無端還被此情牽爲問桃源還有再
逢緣

臨江仙賞花

憶昔去年花下飲團樂爭看醺酒濃花豔兩
相宜醉中嘗記得帶帶寫新詩 還是春光驚
已算此身猶在天涯斷腸無奈苦相思憂心徒
耿耿分付與他誰

一叢花古花

柳顰啼曉夢初驚香霧入簾清胭脂淡注宮粧
雅似文君猶帶春醒芳心婉婉娟容綽約桃李

惜香樂府

卷之一
五

汲古閣

總消聲 相如春思正縈縈無奈惜花情曲欄
小檻幽深處與慙慙遮護娉婷姚黃魏紫十分
顏色終不似輕盈

青玉案春算

天涯目斷江南路見芳草迷風絮綠暗花梢春
幾許小桃寂莫海棠零亂飛盡胭脂雨 子規
聲裏山城暮月挂西南夢回處滿抱離愁推不
去雙眉百皺寸腸千縷若事憑鱗羽

醉蓬萊賞郡圃芍藥

是三春已算浪蕊彫殘牡丹零落獨殿清和有
佳名芍藥淺淺芳叢繡幢鼎鼎更豔香綽約渾
似揚州画樓捲起翠簾紅幙 倚檻輕盈萬嬌
千媚故整霞裙笑花寂莫太守風流擁笙歌圍
著坐上詩人二千里外念此身飄泊客眼看花
歸心對酒番成蕭索

雨中花慢春雨

惜香樂府

卷之一
六

汲古閣

宿靄凝陰天氣未晴峭寒勒住羣葩倚欄無語
羞辜負年華柳媚梢頭翠眼桃蒸原上紅霞可
堪卹盡日狂風蕩蕩細雨斜斜 東君底事無
賴薄倖著意殘害顰花惟是我惜春情重說奈
咨嗟故與慙慙索酒更將油幕高遮對花歡笑
從教風雨著醉酬他

暮山溪早春

曉來雨霽弱柳搖新翠麗日媚東風正不暝不

寒天氣幽禽弄舌花上訴春光高一餉低一餉
清曉圓還碎 那知時勢春亦元無意草木自
敷榮似人生功名富貴我咱諳分隨有亦隨無
不妬富不憎貧歌酒閒遊戲

蝶戀花

芍藥開殘春已盡紅淺香乾蝶子迷花陣陣是
清和人正困行雲散後空留恨 小字金書頻
與問意曲心誠未必他能信千結柔腸愁寸寸

惜香樂府

卷之一
七

汲古閣

細釵幾日重相近

虞美人

清婉亭
賞餘

江梅雖是孤芳早爭似酴醾好几紅飛盡草萋
迷婀娜枝頭纔見細腰肢 玉容消得仙源惜
滿架香堆白檀心應笑酒相宜割捨花前猛飲
倒金卮

又

水塘淺綠生芳草枝上青梅小柳眉愁黛爲誰

開似向東君喜見故人來 碧桃銷恨猶堪愛
妃子今何在風光小院酒尊同向晚一鉤新月
落花風

江神子

小溪清淺照孤芳葢珠娘暗傳香春染粉容清
麗傳宮粧金縷翠蟬曾記得花密密過彫牆
而今冷落水雲鄉念平康轉情傷夢斷巫雲空
恨楚襄王冰雪肌膚消瘦損愁滿地對斜陽

惜香樂府

卷之一
八

汲古閣

醉蓬萊

是平分春色夢草池塘暝風簾幕昨夜三台燦
天邊芝角自是君家慶流澤遠降生申崧岳厚
德溫良高才粹雅淵源學博 何事丹墀尚淹
閣步未許中原少勤方畧且對笙歌醉黃金錯
落葢洞珠宮媚人桃李趁青春綽約綠意紅情
成陰結子五雲樓閣

臨江仙

算

春事猶餘十日吳蚕早已三眠多情忍對落花
前餘醺飄煥雪荷葉媚晴天 香淡無心浸酒
綠浮可意邀船時允堪恨也堪憐單衣三月算
歌扇一番圓

青玉案

社日
客居

去年社日東風裏向三徑開桃李脆管危絃隨
意起綠陰紅影暝香繁盡伴我醺醺醉 今年
社日空坐淚客舍看花甚情意江上危樓愁獨
惜香樂府

卷之一
九

汲古閣

倚欲將心事巧憑來燕說與人顚顚

南歌子

春暮
送別

枝上紅飛盡梢頭綠已勻遊絲柳絮媚青春向
晚煥風簾幕練光新 春已囟囟去那堪話別
情劉郎幾日便登程告你覓些歡笑送行人

醉落魄

春深

麥畦勻綠枝頭屑屑飛梅玉傷心何事人南北
斷盡回腸忍聽陽關曲 倚窗青陰亭亭竹好

風敲動聲相續夜闌怕見銀臺燭會得離情他
也淚速速

點絳脣

春思

密雨隨風昨來一夜簷聲濶奈何倂慙官路梅
花瘦 賦得多情怕到春時候如今一病非因
酒試問君知否

又柳

春到垂楊嫩黃染就金絲軟麗晴新煥湧翠千
惜香樂府

卷之一
十

汲古閣

山遠 爲甚年年眉向東風展閒消遣欲歸猶
嬾漁笛天將晚

又春

輕煥輕寒賞花天氣春將半柳搖金線求友鶯
相喚 玉腕蛾眉意眼頻頻歌喉軟玉卮受
勸一醉應相拚

又雨

夜雨如傾滿溪添漲桃花水落紅鋪地枝上堆

濃翠 去年如今常伴酴醾醉今年裏離家千里獨猛東風淚

又

春

啼鳥喃喃恨春歸去春誰管日和風煥綠暗閉庭院 還憶當年綺席新相見人已遠水流雲散空結多情怨

鷓鴣天

詠茶

弱質纖姿儷素粧水沉山麝鬱幽香直疑始射惜香樂府

卷之十一

汲古閣

來天上要惱人間傳粉郎 簡釀酒枕爲囊更餘風味勝糖霜肯如紅紫空姚冶謾惹遊蜂戲蝶忙

又

玉容應不羨梅粧檀心特地賽爐香半藏密葉牆頭女勾引酡顏馬上郎 樽乏酒且傾囊蟹螯糟熟似黏霜一年光景渾如夢可惜人生忙處忙

又

洗盡鉛華不著粧一般眞色自生香飄飄何處凌波女故故相迎馬上郎 尋譜謔發詩囊絕勝梅萼嫁冰霜故山寒食依然在勾引東坡旅興忙

又

鏤玉裁瓊學靚粧不須沉水自然香好隨梅蕊粧宮額肯似桃花誤阮郎 羞傳粉賤香囊何惜香樂府

卷之十一

汲古閣

勞傲雪與凌霜新來勾引無情眼拚爲東風一餉忙

又

綽約肌膚巧樣粧風流元自有清香未應傳粉疑平叔却笑荷花似六郎 浮蟻舊入詩囊學人消瘦怯風霜午窗一枕莊周夢甘作花心粉蝶忙

探春令

元

去年元夜正錢塘看天街燈火鬧蛾兒轉處熙熙語笑百萬紅粧女今年肯把輕辜負列燐煌千炬趁閒身未老良辰美景欸醉新歌舞

小重山 癸亥春

清曉窗前杜宇啼遊仙驚夢醉斷魂迷起來窗下看盆池傷春去消瘦不勝衣柳陌記年時行雲音信杳與心違空教攢恨入雙眉人已遠紅葉莫題詩

惜香樂府

卷之十三

汲古閣

又 癸亥春

綠樹陰陰春已休羣花飄盡也不勝愁遊絲飛絮兩悠悠迷芳艸日暝雨初收深院小遲留好香燒一炷細煙浮更聽羯鼓打梁州惱人處宿酒尚扶頭

菩薩蠻

梅花有意舒香粉舒香已得先春信香與露華清露濃愁殺人酒多愁愈重此意誰能共淚

溼染衣斑夜霜金縷寒

又

梅花枝上東風軟朝來吹散真香遠雅淡有餘清客心和淚傾美人臨別夜月晃燈初地玉枕小屏山眉尖曾細看

惜香樂府

卷之十四

汲古閣

惜香樂府卷一

惜香樂府卷之二

春景

水龍吟

梅詞

煙姿玉骨塵埃外看自有神仙格花中越樣風
流曾是名標清客月夜香魂雪天孤豔可堪憐
惜向枝間且作東風第一和羹事期它日聞
道春歸未識問伊家却知消息當時惱殺林逋
空遶團欒千百橫管輕吹處餘香散阿誰偏得
惜香樂府

卷之二
十五

汲古閣

壽陽宮應有佳人待與點新粧額

又

葦綃開得仙花就中最有佳人似香肌勝雪千
般揉縛禁他風雨縞夜精神繁春標致忍教孤
負悵潘郎去後河陽滿縣知他是誰為主多
謝文章吏部遇卿盃不曾輕許應知這底無言
情緒難爲分付吹遍春風耀殘明月總傷心處
待閒亭夜永遊人散後作飛仙去

又

詞

天教占得如簧巧聲乍囀千嬌媚金衣襯著風
流模樣於中可是紅杏香中綠楊陰處多應饒
你向黃昏苦苦嬌啼怨別那堪更東風起別
有詩腸鼓吹未關他等閒俗耳雙柑斗酒當時
曾是高人留意南國春歸上陽花落止添顚顚
念帝聲欲碎何人解作留春計

又

詞

惜香樂府

卷之二
十六

汲古閣

淡煙輕靄濛濛望中乍歇凝晴晝纔驚一霎催
花還又隨風過了清帶梨梢暈含桃臉添春多
少向海棠點點香紅染遍分明是胭脂透無
奈芳心滴碎阻遊人踏青攜手簷頭線斷空中
絲亂纔晴却又簾幙閒垂處輕風送一番寒峭
正留君不住滿簫更下黃昏後

聲聲慢

草詞

濃芳滿地秀色連天和煙帶雨萋萋幾許芳心

還解報得春暉當時謝郎夢裏似慇懃傳與新
詩却爲甚動長門怨感南浦傷離 追想天涯
行客應解擁車輪步步相隨惆悵如絲正是欲
斷腸時憑高望中不見路悠悠南北東西春去
也怨王孫猶自未歸

又柳詞

金垂煙重雪颺風輕東風慣得多嬌秀色依依
偏應綠水朱樓腰肢先來太瘦更眉尖惹得閒

惜香樂府

卷之二
十七

汲古閣

愁牽情處是張郎年少一種風流 別後長堤
目斷空記得當時馬上牆頭細雨輕煙何處夕
繫扁舟叮嚀再須折贈勸狂風休挽長條春未
老到成陰終待笑遊

南歌子

暮春
雨

黯靄陰雲覆滂沱急雨飛洗殘枝上亂紅稀恰
是褪花天氣困人時 向曉春醒重偎人起較
遲薄羅初見試輕衣笑拭新粧須要剪餘醺

浣溪沙

春深

寒食風霜最可人梨花榆火一時新心頭眼底
總宜春 薄暮歸吟芳艸路落紅深處鷓鴣聲
東風疎雨喚愁生

又暮春

柳老拋綿春已深夾衣初試曉寒輕別離無奈
此時情 先自愁懷容易感不堪聞底子規聲
西樓料得數回程

惜香樂府

卷之二
十八

汲古閣

又早春

不憤江梅噴暗香春前臘後正淒涼霜風雪月
忍思量 斜倚幽林如有恨玉鱗飛後轉堪傷
時人那解惜孤芳

朝中措

梅

別來無事不思量霜日最淒涼凝想倚欄干處
攢眉應爲蕭郎 梅花豈管人消瘦只恁自芬
芳寄語行人知否梅花得似人香

桃源憶故人

初春

夜來一夜東風暖春到桃腮柳眼對景可堪腸
斷強把愁眉展花期惹起歸期念前事從頭
付遍凝想水遙山遠空結相思怨

長相思

春

花飛飛柳依依簾捲東風日正遲社前雙燕歸
藥欄東藥欄西記得當時素手攜彎彎月似
眉

惜香樂府

卷之二十九

汲古閣

感皇恩

詞

景物一番新熙熙時候小院融和漸長晝東君
有意爲憐纖腰消瘦軟風吹破眉間皺媚媚
枝頭輕黃微透舞到春深轉清秀錦囊多感又
更新來傷酒斷腸無語凭欄久

探春令

早春

笙歌間錯華筵啟喜新春新歲菜傳纖手青絲
輕細和氣入東風裏幡兒勝兒都姑婦戴得

更乞戲願新春已後吉吉利利百事都如意

菩薩蠻

春深

赤闌干外桃花雨飛花已覺春歸去柳色碧依
依濃陰春晝遲海棠紅未破勻糝胭脂顰風
雨也相饒應怜粉面嬌

醜奴兒

春殘

牡丹已過酴醾謝飛盡繁花濃翠號鴉綠水橋
邊賣酒家年時攜手尋春去滿引流霞往事

惜香樂府

卷之二十九

汲古閣

堪嗟猶喜潘郎鬢未華

浣溪沙

龍姬小春

簾捲輕風小春荷枯菊悴正愁人江梅喜見
一枝新料得主人偏愛惜也應冰雪好精神
故園桃李莫生嗔

清平樂

問訊梅花

楚梅嬌小好是霜天曉宿酒惱人香暗遶浸影
碧波池沼生成素淡芳容不須抹黛勻紅準

擬成陰結子莫教枉費春工

又早起

綺疏新曉學語雛鸞巧煙暝瑤堦梧葉老滿地
東風芳草少年不合風流償他酒債花愁望
斷綠蕪春去銷魂嬾上層樓

夏漏子暮春

日彤彤風蕩蕩簾外柳花飛颺紅有限綠無窮
雨晴芳徑中腸寸結縈離別還是去年時節

惜香樂府卷之二 二十一 汲古閣

春草也子規啼傷春三月時

訴衷情重臺

檀心刻玉幾千里開處對房櫳黃昏淡月籠豔
香與酒爭濃宜輕素鄙輕紅思無窮化工著
意南南北北一種東風

小重山楊花

枝上楊花糝玉塵晚風扶起處雪輕盈撲人點
點細無聲誰能惜撩亂滿江城忍淚未須傾

十年追往事嘆流鶯曉來雨過轉傷情鋪池綠

遺恨寄浮萍

蝶戀花春殘

綠盡燒痕芳艸遍不暝不寒切莫辜良宴罨畫
屏風開羽扇薄羅衫子仙衣練晚雨小池添
水面戲躍頰鱗又向波心見持酒伊聽聲宛轉
樽前唱徹昭陽怨

鷓鴣天燕

惜香樂府卷之二 二十二 汲古閣

梁上雙雙海燕歸故人應不寄新詩柳梧陰裏
高還下簾幙中間去復回追盛事憶烏衣王
家巷陌日沉西興亡無限驚心語說向時人總
不知

又春殘

謾謾東風作雨寒無言獨自凭欄干綠肥紅瘦
春歸去恨逼愁侵酒怎寬追往事惜花殘殘
花往事總相關風光臺上傷心處此意人休作

算閒

探春令

春

新元纔過漸融和氣先到簾幃
謾閒遶柳徑花
蹊裏探看試春來未
年時曾把春拋棄與春
光陪淚待今春日
日花前沉醉欸細偎紅翠

又

立春

數聲回雁幾番疎
雨東風回暎甚
今年立得春來
晚過人日方相見
縷金幡勝教先辦著工

惜香樂府

卷之二
二十三

汲古閣

夫裁剪到邨時
觀當須教滴惜
稱得梅粧面

又

賞梅
十首

水檐坐著雪花飛
絮時方嚴肅向尋常
搖曳凡花野草怎生
敢誇紅綠
江梅孤潔無拘束
祇溫然如玉自一般
天賦風流清秀總不
同麝俗

又

而今風韻舊時標
致總皆奇絕再相逢
還是春前臘後粉面
凝香雪
芳心自與羣花別
儘孤

高清潔邨情懷最是與人好處
冷淡黃昏月

又

彫牆風定綺窗燭
灺沉吟獨坐料雪霜
深處司花神女暗裏
焚百和
惱人一陣香初過
把清愁熏破更邨堪
得冰姿玉貌痛與惜
則箇

又

龜紗隔霧繡簾鈎
月邨時曾見照影兒
覷了千回百轉素豔
明於練
柔腸堆滿相思願
更重

惜香樂府

卷之二
二十四

汲古閣

看幾遍是天然不用
施朱攏翠羞損桃花
面

又

疎籬橫出綠枝斜
露笑盈盈地悄一似
初覩東鄰女有無限
風流意
半開折得瓊瑰蕊
惹新香沾袂放曲屏
珠晃膽瓶兒裏伴我
醺醺睡

又

水澌池面柳搖金
線春光無限問梅花
底事收香藏蕊到此
方舒展
百花頭上俱休管
且驚

開俗眼看綠陰結子成功調鼎有甚遲和晚

又

溪橋山路竹籬茆舍淒涼風雨被摧殘沮挫精神依舊無奈相思苦東君故與收拾取忍教他塵土向綠窗繡戶朱欄小檻做箇名花主

又

雨屏風瘦雪欺霜妬時光牢落怎奈向天與孤高出衆一任傍人惡凡花且莫相嘲謔儘強

惜香樂府

卷之二
二十五

汲古閣

伊寂莫便饒他百計千方做就醞藉如何學

又

樓頭月滿欄干風度有人腸斷爲多情役得神魂撩亂又被梅縈絆對花沉醉應須拚且尊并相伴恨無端玉笛穿簾透幙好夢還驚散

又

清江平淡暗香瀟洒滿林風露漸枝上也學楊花柳絮輕逐春歸去東君著意勤遮護總留

他不住幸西園別有能言花貌委曲關心悵

惜香樂府

卷之二
二十六

汲古閣

惜香樂府卷二

惜香樂府卷三

春景

寶鼎現

上元

驚塵盡埽碧落輝騰元宵三五夏漏永遲遲停
鼓天上人間當此遇正年少盡香車寶馬次第
追隨士女看往來巷陌連薨簇起星毬無數

政簡物阜清閒處聽笙歌鼎沸頻舉燈焰暝庭
帷高下紅影相交知幾戶恣歡笑道今宵景色

惜香樂府

卷之三
二十七

汲古閣

勝却前時幾度細算來皇都此夕消得喧傳今
古綺席成行爐噴裊沉檀輕縷覩遨遊綵仗
疑是神仙伴侶欲飛去恨難留住漸到蓬瀛步
願永逢恁時恁節且與風光爲主

青玉案

殘春

梅黃又見纖纖雨客裏情懷兩眉聚何處煙村
啼杜宇勸人歸去早思家轉聽得聲聲苦利
名縈絆何時住惱亂愁腸成萬縷滿眼興亡知

幾許不如尋個老松石畔作個柴門戶

燭影搖紅

深春

梅雪飄香杏花開豔燃春晝銅駝煙淡曉風輕
搖曳青青柳海燕歸來未久向雕梁初成對偶
日長人困綠水池塘清明時候簾幙低垂麝
煤煙噴黃金獸天涯人去杳無憑不念東陽瘦
眉上新愁歷舊要消遣除非殢酒酒醒人靜月
滿南樓相思還又

惜香樂府

卷之三
二十八

汲古閣

念奴嬌

梅影

銀蟾光滿弄餘輝冷浸江梅無力緩引柔條浮
素蕊橫在閒窗虛壁染紙揮毫粉塗墨暈不似
今端的天然造化別是一般清瘦蹤跡今夜
翠葆堂深夢回風定因月才相識先自離愁那
更被曉角殘更催逼曙色將分輕陰移盡過眼
難尋覓江南圖上画工應爲描得

又

落梅

玉龍聲杳正瑤臺曲舞香山初徹褪粉搯酥千
萬顆滿地平鋪銀雪草褥香茵苔錢買住留待
黃昏月有人粧罷對花凝竚愁絕 休更悵落
羞開東君情分自古多離別好把芳心收拾取
與個和羹人說擺脫風塵消停酸苦終有成時
節浮花浪蕊到頭不是生活

阮郎歸

咏春

和風暝日小層樓人閒春事幽杏花深處一聲

惜香樂府

卷之三
二十七

汲古閣

鳩花飛水自流 尋舊夢續揚州眉山相對愁
憶曾和淚送行舟清江古渡頭

虞美人

春寒

東風捲盡辛夷雪逆旅清明節黃昏煙雨失前
山陟遍朱欄酒噤不禁寒 歸來誰護衣篝火
倒擁文鴛臥可堪連夜子規啼喚得春歸人却
未成歸

漁家傲

梅

蕙死蘭枯金菊槁返魂香入江南早竹外一枝
斜更好誰解道古今惟有東坡老 坡詩云竹
外一枝斜更好
去歲花前人醉倒酒醒花落無人掃今歲
花開人未到愁滿抱青山一帶連芳草

念奴嬌

梅

蘭枯菊槁是返魂香入江南春早谷靜林幽人
不見夢與梨花顛倒雪刻檀心玉勻豐頰粧赴

嚴鍾曉海仙么鳳綠衣何處飛遶 竹外孤裊

惜香樂府

卷之三
三十一

汲古閣

一枝古今解道只有東坡老莫倚廣平心似鐵
閒把珠璣揮掃桃李興臺水霜賓客月地還淒
悄暗香消盡和羹心事誰表

玉樓春

春半

江村百六春強半拍拍池塘春水滿風團柳絮
舞如狂雨壓橘花香不散 陰陰巷陌閒庭院
小立危欄羞燕燕不知何事未還鄉除却青春
誰作伴

謁金門

莫春

風又雨滿地殘紅無數花不能言鶯解語曉來
啼更苦把酒東臯日算抵死留春春去擬倩
楊花尋去處楊花無定據

眼兒嬌

春晚

樓上黃昏杏花寒斜月小闌干一雙燕子兩行
歸雁画角聲殘綺窗人在東風裏無語對春
閒也應似舊盈盈秋水淡淡春山

惜香樂府

卷之三
三十一

汲古閣

菩薩蠻

殘春

楊花飛盡鶯聲澀杜鵑喚得春歸急病酒起來
遲嬌慵嬾画眉寶奩金鴨冷重喚燒香餅著
意煉龍涎纖纖手遶煙

画堂春

長新亭
小飲

小亭煙柳水溶溶野花白白紅紅惱人池上晚
來風吹損春容又是清明天氣記當年小院
相逢憑欄幽思幾千重殘杏香中

又賞海

夜來曉趁海棠時臉邊勻透胭脂亂紅嬌影困
垂垂睡損楊妃多少肉溫香潤朱唇綠鬢相
偎晚風何苦過臺西斷送春歸

卜算子

春景

春水滿江南三月多芳艸幽鳥銜將遠恨來一
一都啼了不學鴛鴦老回首臨平道人道長
眉似遠山山不似長眉好

惜香樂府

卷之三
三十二

汲古閣

念奴嬌

梅

見梅驚笑問經年何處收香藏白似語如愁却
問我何苦紅塵久客觀裏栽桃仙家種杏到處
成疎隔千林無伴淡然獨傲霜雪且與管領
春迴孤標爭肯接雄蜂雌蝶豈是無情知受了
多少淒涼風月寄隴人遙和羹心在忍使芳塵
歇東風寂莫可憐誰與攀折

又梅

水邊籬落獨橫枝
冉冉風煙岑寂踏雪尋芳村
路永竹屋西頭遙識蕙艸香
銷小桃紅未醉眼
驚春色離愁何處斷腸無限陳跡
顚顚素臉
朱唇天寒日暮倚闌干無力歲晚天涯驛使遠
難寄江南消息自笑平生憐清惜淡故園曾親
植百花雖好問還有恁標格

菩薩蠻

梅

肩輿曉踏江頭月
月華冷浸消殘雪
雪月照疎

惜香樂府

卷之三
三十三

汲古閣

籬梅花三兩枝
人憐花淡薄花恨人牢落不

似卽回時醺醺醉玉肌

點絳脣

梅

開盡梅花雪殘庭戶春來早
歲華偏好只恐催人老
惟有詩情猶被花枝惱
金樽倒笑終是清狂少

鷓鴣天

梅

手種梅花三四株
要看冰霜照清臞
朝來幾朵

茆檐下竹外江頭恐不如
疑玉面吐香鬚莫
嫌孤瘦漸豐餘
化工不肯辜人意
做底懽娛報
禽渠

又

春

只慣嬌癡不慣愁
離情渾不挂眉頭
可憐惱盡
尊前客却趁東風上小舟
眞個去不懽留落
花流水一春休
自怜不及春江水
隨到滕王閣
下流

惜香樂府

卷之三
三十四

汲古閣

瑞鶴仙

暮春有感

海棠花半落正蕙圓風生蘭亭香撲青英暝池
閣任翻紅飛絮遊絲穿幙情懷易著奈宿醒情
緒正惡嘆韶光漸改年華在舊歡如昨
追
念凭肩盟誓枕臂私言盡成離索
記得忘却當時事
卽時約怕燈前月下得見則個厭厭只待
覩著問新來爲誰縈牽又還瘦削

臨江仙

春

過盡征鴻來盡燕故園消息茫然一春顚顚有
人憐懷家寒食夜中酒落花天 見說江頭春
浪渺慙慙欲送歸船別來此處最縈牽短篷南
浦雨疎柳斷橋煙

一叢花

葬春
送別

堦前春草亂愁芽塵暗綠窗紗釵盟鏡約知何
限最斷腸湓浦琵琶南渚送船西城折柳遺恨
在天涯 夜來魂夢到儂家一笑臉如霞顰啼
情香樂府
卷之三
三十五 汲古閣

清平樂

春景

霽光搖目春入郊源綠殘雪壓枝堆爛玉時向
林間蔽蔽 杖藜細履平沙醉中一任欹斜落
日數聲啼鳥香風滿路梅花

朝中措

咏春

亂山疊疊水泠泠南北短長亭客路如天杳杳

歸心特地寧寧 春光蕚惹花朝冷落酒伴飄
零鬢影黃邊半白燒痕黑處重青

柳梢青

春詞

桃杏舒紅遲遲暝日媚景芳濃紫燕穿簾香泥
著地未乳巢空 千山萬水重重煙雨裏王維
畫中芳草斜陽無人江渡蓑笠漁翁

近豐城馬令字夢山舊日與張公舍人從遊
甚厚偶一日暇命道士請紫府仙忽畫其灰

惜香樂府

卷之三
三十六

汲古閣

稱云我乃張孝祥也昔日死生之事天數難
逃耳今不復云予幸歸紫府真人之列馬令
遂具菓卓酌酒具服焚香而命飲勞焉凡三
獻盃而稱有不樂之意馬遂具盃分東西之
位張乃堅不肯東坐再三而馬遂居其東飲
未終而又索呼妓爲佐罇馬如命令歌舞數
曲又命画灰而云予亦醉矣別無所贈謹成
小詞伸作別之意

予平生惟珍惜一端硯在本家書院洪字號
籠內宜取以贈馬君再画灰云仙風路隔後
會難期遂去後果於其家得硯再禱而請竟
不復至得其傳者樂邑詹凝叔堅欽而奉行
好事君子幸無以爲妖惑牛鬼蛇神之怪當
重張公平昔魁名文章善政在人耳目未泯
詳之無忽

惜香樂府

卷之三
三十七

汲古閣

原本析稍清而近虛城云、後裁余平

生云、并本詞修去不甚相屬始仍舊

附卷末

惜香樂府卷三

惜香樂府卷四

夏景

花心動

花

綠水平湖浸芙蓉爛錦豔勝傾國半欽半開斜
立斜欹好似困嬌無力水仙應赴瑤池宴醉歸
去美人扶策駐香駕擁波心媚容倩粧顏色
曾見茗川澄碧勻粉面溪頭舊時相識翠被繡
綢彩扇香簫度歲杳無消息露痕滴盡風前淚

惜香樂府

卷之四
三十八

汲古閣

追往恨悠悠蹤跡動怨憶多情自家賦得

鼓笛慢

甲申五月五日與友人同賦此詞時病

暑風吹雨仙源過深院靜涼於水蓮花郎面翠
幢紅粉煥人香細別院新番曲成初按詞清聲
腕奈難堪羞澀朦朧病眼無心聽笙簧美還
記當年此際嘆飄零萍蹤千里楚雲寂寞吳歌
淒切成何情意因念而今水鄉瀟灑風亭高致

對花前可是十分蒙斗肯辜歡醉

念奴嬌

碧舍笑

晚粧纔罷見攏絲勻玉一團嬌秀趁得年光長
是向金谷無花時候不比鴛鴦不關燕燕不似
章臺柳清涼無汗雪肌瀟灑難偶 好是斜月
黃昏瑤堦鈿砌百媚初含酒惱殺多情香噴噴
雙靨盈盈回首傾國傾城千金莫惜蘭蕙應難
友沈郎拚了爲花一味銷瘦

惜香樂府

卷之四
十九

汲古閣

滿庭芳

荷

竹飈斜梢荷傾餘瀝晚風初到南池雨收池上
高柳亂蟬嘶冉冉蓮香滿院夕陽映紅浸庭闌
涼生到碧瓜破玉白酒酌玻瓈 思量浮世事
枯榮辱寵歡喜憂悲算勞心勞力得甚便宜粗
有田園笑傲揀些個朋友追隨好時景莫教挫
過撞著醉如泥

又對景

紅藕洲塘黃葵庭院清風時動清飈素紈輕颭
涼色爽征衣一一光陰日月關情處前事難期
空凝想臨鸞有恨誰與画新眉 刀頭心寸折
江南厚約惟是儂知念默歌停舞冷落屏幃何
日朱籠鸚鵡迎門報金勒東歸羅絃管合歡聲
裏爛醉玉東西

好事近

雨過對景

山路亂蟬吟聲隱茂林脩竹恰值快風收雨遞
惜香樂府

卷之四
四十

汲古閣

荷香芬馥 破除愁慮酒宜多把酒再三囑
想溪亭瀟灑稱晚涼新浴

虞美人

雙蓮

二喬姊妹新粧了照水盈盈笑多情相約五湖
遊似向羣花叢裏騁風流 丁香枝上千千結
怨惹相思切爭如特地嫁黑風吐盡芳心點點
絳唇紅

醉蓬萊

新蕩枝

正火山槐夏黛葉細枝荔子新摘千里馳驅薦
仙源佳席浪比龍睛未輸崖蜜燦爛然紅摘滿
貯彫盤纖纖素手丹苞新擘 梨栗麓疎帶酸
橘柚凡品多般總羞標格何似濃香洗煩襟仙
液爲愛真妃再三珍重價傾城傾國玉骨冰肌
風流醞藉直宜消得

又
午端

見浴蘭纔罷拂掠新粧巧梳雲髻初試生衣恰
惜香樂府

卷之四
四十一

汲古閣

三裁貼體艾虎宜男朱符辟惡好儲祥納吉金
鳳釵頭應時戴了千般忙戲 柳更慙勤再三
祝願鬪巧合歡彩絲纏臂刻玉香蒲泛金觥迎
醉午日熏風楚詞高詠度遏雲聲脆赤口白舌
從今消滅諸餘可意

賀新郎
初夏

篆縷銷金鼎翠沉沉庭陰轉午晝長人靜芳艸
王孫知何處只覩楊花糝徑正玉枕香騰初醒

門外殘紅春去也悶無聊宿酒厭厭病雲鬢
未懽整 江南舊事休重省但今朝尋消問息
塞鴻難倩月滿西樓凭欄處暗數歸期未定又
只恐瓶沉金井嘶騎不來銀燭暗枉教人立盡
梧桐影誰伴我照鸞鏡

踏莎行
涼夜

樹影將圓林梢不動汗珠挹透紗衣重荷風忽
送雨飛來晚涼習習生幽夢 珠箔高鈎瑤琴

惜香樂府

卷之四
四十二

汲古閣

閒弄移樽邀取嬋嬋笑今宵拚著醉眠呵夜香
聞早添金鳳

醉落魄
重午

淡粧濃抹西湖人面兩奇絕菖蒲角黍家家節
水戲魚龍十里畫簾揭 凌波無限生塵襪冰
肌瑩徹香羅雪遊船且莫催歸楫遮莫黃昏天
外有新月

卜算子

亭上
納涼

新月挂林梢暗水鳴枯沼時見疎星落画簷幾
點流螢小 歸意了無多故作連環遠欲寄新
詩問採菱水濶煙波渺

阮郎歸

送別有感
因詠鸛作

東城沙軟馬蹄輕清和雨乍晴柳陰曲徑泣流
鸛淒涼不忍聽 休苦怨莫悲鳴何須雨淚傾
但將巧語寫心誠東君肯薄情

蝶戀花

初夏

惜香樂府

卷之四
四十三

汲古閣

亂疊青錢荷葉小濃綠陰陰學語雛鸛巧小樹
飛花芳徑草堆紅靚碧於中好 梅子弄黃枝
上早春已歸時戲蝶遊蜂少細把新詞纔和了
雞聲已喚紗窗曉

鷓鴣天

夜釣月橋
賞荷花

新晴水暎藕花紅烘人暑意晚來濃笑攜纖手
橋東路楊柳青青一徑風 深翠裏豔香中雙
鸛初下蒨珠宮月籠粉面三夏露涼透蕭蕭一

夢中

江神子

夜涼
對景

綵雲飛盡楚天空碧溶溶一簾風吹起荷花香
霧噴人濃明月淒涼多少恨恨難許我情鍾
相思魂夢幾時窮洞房中憶從客須信別來應
也歛眉峰好景良宵添悵望無計與一樽同

新荷葉

咏荷

惜香樂府

卷之四
四十四

汲古閣

冷徹蓬壺翠幢鼎鼎生香十頃琉璃望中無限
清涼遮風掩日高低靚密護紅粧陰陰湖裏羨
他雙浴鴛鴦 猛憶西湖當年一夢難忘折得
曾將盞雨歸思如狂水雲千里不堪更回首思
量而今把酒爲伊沉醉何妨

臨江仙

初夏

簾幙清風灑灑園林綠陰垂垂練花開遍麥秋
時雨深芳艸渡蝴蝶正慵飛 顚顚三春心事
風流一弄金衣韶光老盡起深思日長庭院裏

徙倚聽催歸

朝中措

夏首

荷錢浮翠點前溪
梅雨日長時恰是清和天氣
雕鞍又作分攜
別來幾日愁心折針線小蠻
衣羞對綠陰庭院啣泥燕燕于飛

減字木蘭花

柳詠

柳絲搖翠翠幄陰無限意不絆行舟只向江
邊絆客愁
月明風細分付一江流去水嬌眼

惜香樂府

卷之四
四十五

汲古閣

傷春誰是章臺欲折人

卜算子

夏日送
吳主簿

執手送行人水滿荷花浦舊恨新愁不忍論淚
歷瀟瀟雨
行計已匆匆無計留伊住一點相思萬里心誰怕關山阻

臨江仙

賞興

柳上斜陽紅萬縷
烘人滿院荷香晚涼初浴略
梳粧冠兒輕替枕衫子染鴛黃
蓄意新詞輕

緩唱慇懃滿捧瑤觴醉鄉日月得能長仙源正

閒散伴我老高唐

雨中花令

初夏
遠思

綠鎖窗紗梧葉底
麥秋時曉寒慵起宿酒厭厭
殘香冉冉渾似卽時天氣
別日不堪頻屈指
回頭早一年不啻搔首無言欄干十二倚了又
還重倚

畫堂春

筆下遊西
湖有感

惜香樂府

卷之四
四十六

汲古閣

湖光染雨碧連天
遠堤映草芊芊舞風楊柳欲
撕綿依依起翠煙
還是春風客路對花空負
嬋娟暮寒樓閣碧雲間羅袖成斑

浣溪沙

夜涼
小飲

露挹新荷撲鼻香
惱人更漏響浪浪柳梳斜月
上紗窗
小醉耳邊私語好五雲樓閣羨劉郎
酒闌燭暗斷回腸

西江月

邀參寥老忠
孝堂觀書

水滿平塘過雨洗粧紅褪芙蓉綠荷美影蔭龜
魚無限閒中景趣 蒲酒高堂邃館那堪左右
圖書凌雲賦得似相如多少風流態度

卜算子

四明別
周德遠

閒路踏花來閒逐清和去來去雖然總是閒多
少傷心處 紅碧好池塘朱綠深庭戶隨分山
歌社舞中且樂陶陶趣

清平樂

忠孝堂雨過荷花爛然晚
晴可人因呈李宜山同舍

惜香樂府

卷之四
四十七

汲古閣

水鄉清楚襟袖銷暑綽約藕花初過雨出浴
楊妃無語 葡萄滿酌玻璃已拚一醉酬伊浪
捲夕陽紅碎池光飛上簾幃

又

初夏
舞宴

清和時候底事休交瘦滿酌流霞看舞袖步步
錦裯紅皺 六么舞到虛催幾多深意徘徊拚
了明朝中酒爲伊更飲瓊盃

浣溪沙

初夏

霧透龜紗月映欄麥秋天氣怯衣單練花風軟
曉來寒 嬾起麝煤重換火暝香濃處歛眉山
眼波橫漫綠雲鬟

又

初夏
有感

薄霧輕陰釀曉寒起來宿酒尙酡顏柳顰何事
苦關關 新恨舊愁俱喚起當年紫袖看弓彎
淚和梅雨兩潸潸

鷓鴣天

初夏試生衣而婉卿持素
扇索詞因作此書于扇上

惜香樂府

卷之四
四十八

汲古閣

牙領番騰一線紅花兒新樣喜相逢薄紗衫子
輕籠玉削玉身材瘦怯風 人易老恨難窮翠
屏羅幌兩心同既無閒事縈懷抱莫把雙蛾皺
碧峰

菩薩蠻

初夏

方池新漲蒲萄綠曉來雨過花如浴測測杏園
風梢頭一麴紅 危樓愁獨倚一寸心千里宿
酒尙微醺嬾裝堆髻雲

西江月

夏詞有感

穩唱巧翻新曲靈犀密意潛通荷花香染晚來
風相對恍然如夢 有恨眉尖皺碧多情酒暈
生紅此愁不是等閒濃應爲仙源傾動

浣溪沙

初夏

睡起風簾一派垂失巢燕子傷人飛日長深院
委香泥 綠筍出林翻錦籜紅葵著雨褪胭脂
微風度竹入輕衣

惜香樂府

卷之四
四十九

汲古閣

蝶戀花

和任路
分荷花

憶昔臨平山下過無數荷花照水無纖黥短艇
直疑天上坐醉眠花裏香無那 雨浥紅粧嬌
娜娜脉脉含情欲向風前破莫道晚來風景可
青房著子千千顆

浣溪沙

爲王參
議壽

密葉陰陰翠幄深梅黃弄雨正頻頻榴花照眼
一枝新 緱嶺有人今毓粹飛鳧不日遶嚴宸

一樽敬壽太夫人

又

呈趙
狀元

雨過西湖綠漲平環湖密柳暗藏鶯麥秋天氣
似清明 對策有人新切直逢春不日盡施行
扁舟未用速歸程

青玉案

歷波
鵬客

結堂雄占雲煙表萬象爭呈巧老木參天溪西
遶亂山橫秀一湖澄照天付陰晴好 夜空喚

惜香樂府

卷之四
五十

汲古閣

客清樽倒明月飛來上林杪涼滿九霄風露浩
酒慵起舞一聲清嘯平厓波聲小

又

恍如遼鶴歸華表閭盡人間巧天乞一堂山對
遠微波不動岸中時照照見星星好 舞風荷
蓋從欹倒碧樹生涼自天杪誰識元龍胃次浩
騎鯨欲去引盃獨嘯醉眼青天小

謁金門

一雨場傾暑白晝
王次靜餘日次韻

今夜雨歸盡一番袪暑宛似瀟瀟鳴遠浦短蓬
何日去自漉床頭玉醕清興有誰知否反笑
功名能幾許槐宮非浪語

惜香樂府

卷之四
五十一

汲古閣

惜香樂府卷四

惜香樂府卷五

秋景

念奴嬌

客孫章秋
雨懷歸

江城向曉被西風揉碎一天絲雨亂織離愁千
萬縷多少關心情緒促織鳴時木犀開後秋色
還如許那堪飄泊異鄉千里孤旅應想簾幙
閒垂西樓東院齊把歸期數記得臨岐收淚眼
執手叮嚀言語白酒紅莧黃花綠橋莫等閒辜
惜香樂府

卷之五
五十二

汲古閣

負朱籠歸騎甚時先報鸚鵡

又
秋日
牡丹

花王有意念三秋寂莫淒涼天氣木落煙深山
霧冷不比尋常風味勒駕閑來柳蒲顚顚無限
驚心事仙容香豔儼然春盛標致雅態出格
天姿風流醞藉羞殺巖前桂寄語芙蓉臨水際
莫騁芳顏妖麗一朵凭欄千花退避惱得騷人
醉等閒風雨更休憊倦容易

聲聲慢 府判 生辰

金風玉露綠橘黃橙商秋爽氣飄逸南斗騰光
應是間生賢出照人紫芝眉宇更仙風誰能儔
匹細屈指到小春時候恰則三日 莫論早年
富貴也休問文章有如椽筆堯舜逢君啟沃定
知多術而今且張錦幄麝煤泛暎香鬱鬱華堂
裏聽瑤琴輕弄水仙新律

瑞鶴仙 張望 生辰

惜香樂府 卷之五 五十四 汲古閣

西風蘋末起動院落清秋新涼如水纖歌遶雲
際正美人翻曲陽春輕籠蘭衣玉佩擁南斗光
中一醉有邦人萬口同聲贊嘆我公愷悌 百
里年豐穀稔事簡刑清頌聲盈耳鵬程九萬摩
空展坐天翼定丹書飛下彤墀歸去秘略家傳
小試看封留亘古功名未容退避

滿庭芳 七

雨洗長空風清雲路又還准備佳期夜涼如水

一似去秋時渺渺銀河浪靜星橋外香霏辭
霞輶舉鸞驂鵲取穩穩過飛梯 經年成間阻
相逢無語應喜應悲怕玉繩低處依舊睽離和
我愁腸萬縷嫦娥怨底事來遲廣寒殿春風桂
魄首與慰相思

水調歌頭 中 秋

今夕知何夕秋色正平分嫦娥此際底事越樣
好精神已是天高氣肅那更清風灑灑萬里沒
惜香樂府 卷之五 五十四 汲古閣

纖雲把酒臨風飲酒而起紅鱗 歌一曲舞一
曲捧金樽從他妄想老兔顛顛正紛紛我爲桂
花拚醉明日扶頭不起顛倒白綸巾天若知人
意夜雨莫傾盆

驀山溪 憶古人詩云滿城風雨近重陽因此詞

滿城風雨又是重陽近黃菊媚清秋倚東籬商
量開盡紅萸白酒景物一年年人漸遠夢還稀
贏得無窮恨 釵分鏡破一一開方寸強醉欲

消除醉魂醒淒涼越悶鴛鴦宿債償了惡因緣
當時事祇今愁斑盡安仁鬢

洞仙歌

水犀

菱荷已老菊與芙蓉未一夜秋容上巖桂間繁
蕪嫩黃染就瓊瑰開未足已早香傳十里從
前分付處明月清風不用斜暉照佳麗嘆浮花
徒解咤淺白深紅爭似我瀟灑堆金積翠看天
濶秋高露華清見標致風流更無塵意

惜香樂府

卷之五
五十五

汲古閣

虞美人

中秋無月

西風明月臨臺榭準擬中秋夜一年等待到而
今爲甚今宵陡頓却無情 姮娥應怨孤眠苦
取次爲雲雨素蟾特地暗中圓未放清光容易
到仙源

醉蓬萊

七月命赴清武廟臺主人餞于法
回寺侍兒才卿乞詞因此賦之題

于壁

正金風無露玉宇生涼楚郊無暑催起行人恰

槐黃時序萬里晴霄幾人爭覩快鵬搏一舉明
月圓時素秋中夜凌雲新賦 那更淵源詞鋒
輕銳筆陣縱橫學通今古譽望飛騰是麟宗文
虎魁薦鼎來華堂香裏與管弦爲主待看明年
彤墀射策鰲頭獨步

洞仙歌

殘秋

黃花滿地庭院重陽後天氣淒清透襟袖動離
情最苦旅館蕭條那堪更風剪凋零飛柳 臨
惜香樂府

卷之五
五十六

汲古閣

岐曾執手祝付叮嚀知會別來念人否爲多情
生怕分離祇知道準擬別來消瘦甚苦苦促裝
赴歸期要赴他橘綠橙黃時候

夏雲峯

初秋有作

露華清天氣爽新秋已覺涼生朱戶小窗坐來
低按秦箏幾多妖豔都總是白雪餘聲那更玉
肌膚韻勝體段輕盈 照人雙眼偏明況周郎
自來多病多情把酒爲伊再三著意須聽銷魂

無語一任側耳與心傾是我不卿卿更有誰可卿卿

感皇恩

送林縣尉

碧水漫芙蓉秋風楚岸三歲光陰轉頭換且畱都騎未許匆匆分散更持盃酒慙勤勸休作等閒別離人看且對笙歌醉須拚如君才調掌得玉堂詞翰定應不久勞州縣

瑞鶴仙

感秋有感

惜香樂府

卷之五 五十七

汲古閣

敗荷擎沼面紅藥舞林梢光陰何速碧天靜如水金風透簾幙露清蟬伏追思往事念當年悲傷宋玉漸危樓向晚魂銷處倚遍闌干曲凝目一霎微雨塞鴻聲斷酒病相續無情賞處金井梧東籬菊漸蘭橈歸去銀蟾滿夜水村煙渡怎宿負伊家萬愁千恨甚時是足

臨江仙

送宜春令

萬里西風吹去旆滿城無奈離情甘棠也似戴

公深曉來風露裏葉葉做秋聲十載兩番遺愛在須知愁滿宜春楚天低處是歸程夕陽疎雨外莫遣亂蟬鳴

又

秋日有感

楓葉白蘋秋未老晚風吹泛輕舸青山瀝瀝水茫茫情隨流水遠恨逐算山長一點相思千點淚眼前無限情傷佳人獨自捧離觴陽關休唱徹唱徹斷人腸

惜香樂府

卷之五 五十八

汲古閣

鷓鴣天

感秋有感

亭樹蕭蕭生暮涼安排清夢到胡床楚山楚水秋江外江北江南客恨長蘋渚冷橘汀黃斷魂殘夢更斜陽欲將此日悲秋淚灑向江天哭楚狂

驀山溪

秋日賀張公生辰

水犀開了還是生辰到一笑對西風喜人與花容俱好壽筵開處香霧撲簾幃笙篴奏星河曉

拚取金鑿倒 當年仙子容易拋蓬島月窟與
花期要同向人間不老拈枝弄蕊此樂幾時窮
一歲裏一番新莫與蟠桃道

水調歌頭重陽

江水浸雲影鴻雁欲南飛攜壺結客何處空翠
渺煙霏塵世難逢一笑況有紫萸黃菊須插滿
頭歸風景今朝是身世昔人非 酬佳節須酌
酹莫相違人生如寄何用辛苦怨斜暉無盡今
惜香樂府 卷之五 五十九 汲古閣
來古往幾許春花秋月柳更何有危機問取牛山
客何事獨沾衣

踏莎行木犀

弄影欄干吹香巖谷風亭慘作黃金屋未須收
拾入熏爐窗前細把離騷讀 奴僕葵花兒曹
黃菊一秋風味淒涼足旁邊只少箇嫦娥分明
勝在蟾宮宿

臨江仙初秋

獵獵風蒲初暑過蕭然庭戶秋清野航渡口帶
煙橫晚山千萬疊別鶴兩三聲 秋水芙蓉聊
蕩槳一樽同破愁城蓼花灘上白鷗明算雲連
極浦急雨暗長汀

醉落魄秋夜感懷

傷離恨別愁腸又似丁香結不應斗頓音書絕
煙水連天何處認紅葉 殘更數盡銀缸滅邊
城画角聲鳴咽羅衾淚滴相息血花影移來搖
惜香樂府 卷之五 六十 汲古閣

碎半窗月

好事近秋殘

初過菊花天餞送月宮仙客丹桂拒霜濃淡映
眉間黃色 紅裙歌夜飲離觴努力赴勅敵惟
願捷書來到道一聲都得

菩薩蠻七夕

綺樓小小穿針女秋光點點蛛絲雨今夕是何
宵龍車烏鵲橋 經年謀一笑豈解令人巧不

用問如何人間巧更多

卜算子

秋深

涼夜竹堂空小睡
囟囟醒庭院無人
月上堦滿地攔干影
何處最知秋風在
梧桐井夜半
鸞弄玉笙露溼衣裳冷

點絳脣

蓼岸西風小舟江上漁歌唱倚欄凝想羃羃雲

垂帳好事因循寂莫閒惆悵如何向又來心

惜香樂府

卷之五
六十一

汲古閣

上空向高亭望

好事近

秋晚

浙浙蓼花風怪道曉來淒惻翻見密雲拋雨動

一山秋色從前多感爲傷時無處頓然寂箇

事已寒前約祇晚陰凝碧

思越人

向刻品令非
秋日感懷

情難托離愁重悄愁沒處安著那堪更一葉知

秋天色兒漸冷落馬上征衫頻搵淚一半斑

斑污却別來爲憶叮嚀話空贏得瘦如削

小重山

秋雨

一夜西風響翠條
碧紗窗外雨長涼
颼潮來綠漲水平橋
添清景疎雨韻入芭蕉
坐久篆煙銷
多情人去後信音遙
即今消瘦沈郎腰
悲秋切虛度可入宵

採桑子

岩桂

去年岩桂花香裏著意非常月在東廂酒與繁

惜香樂府

卷之五
六十二

汲古閣

華一色黃今年盃酒流連處銀燭交光往事

難忘待把真誠問阿郎

朝中措

曾端行予與之往還一日作樓于
南山仙源醉賞酒中作詞書于壁

坐前數妓乞詞而歌以勸大白
因有所感再和前韵○秋景

柳林羃羃暮煙斜秋水淺平沙樓外碧天無際

紫山斷處橫霞星稀漸覺東簷隱月涼到窗

紗多少傷懷往事隔溪燈火人家

又和

征帆一縷轉鸞斜驚鷺起汀沙點點隨風逆上
滿江飛破殘霞樓前光景樓心紅粉蟬翼輕
紗却憶錢塘江上曲欄橫檻他家

洞仙歌

東園朱去年三兄弟同處十年俱
取鄉薦故余與之爲莫逆交園有
岩桂數畝至秋日花開月滿攜
壺來賞如到廣寒宮殿因賦此

廣寒宮殿不在人間世分付天香與岩桂向西
風摇曳處數十里知聞金翠裏別有出羣標致
東園盛事五畝濃陰花必以詩書取榮貴況

惜香樂府

卷之五
六十三

汲古閣

一門三秀才未足欽崇卽更是異姓同居兄弟
更細把繁英祝姮娥看禹浪飛騰定應來歲

似娘兒

或刻青杏
兒○殘秋

橘綠與棖黃近小春已過重陽晚來一霎霏微
雨單衣漸覺西風冷也無限情傷孤館最淒
涼天色兒苦恁恹離愁一枕燈殘後睡來不
是行行坐坐月在迴廊

蝶戀花

深秋

一夢十年勞憶記社燕賓鴻來去何容易宿酒
半醒便午睡芭蕉葉映紗窗翠襯粉泥書雙
合字鸞凰鴛鴦總是雙雙意已作吹簫長久計
鴛衾恐有中宵淚

夜行船

送胡彥直
歸槐溪

淚眼江頭看錦樹別離又還秋算細水浮浮輕
風冉冉穩送扁舟去歸去江山應得助新詩
定須多賦有雁南來槐溪千萬寄我驚人句

惜香樂府

卷之五
六十四

汲古閣

清平樂

秋

鴻來燕去又是秋光算冉冉流年嗟暗度道心
事還無據寒窗露冷風清旅魂幽夢頻驚何
日利名俱賽爲予笑下愁城

又

秋容眼界隨寓渾堪愛遠岫連天橫淡靄望斷
孤鴻飛外夕陽紅樹林垌重重錦障橫陳一
段江南景色倩誰爲下丹青

一剪梅

秋雨感思

霽靄迷空曉未收
羈館殘燈永夜悲
秋梧桐葉上三更雨
別是人間一段愁
睡又不成夢又休
多愁多病當甚風流
真情一點苦
紫人纔下眉尖恰上心頭

南歌子

道中直重九

此日知何日
他鄉憶故鄉
亂山深處過重陽
走馬吹花無復少年狂
黃菊擎枝重紅茱溼露

惜香樂府

卷之五六十五

汲古閣

香扁舟隨雁過
滿湖遙想菜庭應恨不同觴

醉花陰

建康重九

老去悲秋人轉瘦
更異鄉重九人意自淒涼
祇有茱萸歲歲香依舊
登高無奈空搔首
落照歸鴉後
六代舊江山滿眼興亡一洗黃花酒

菩薩蠻

秋雨船中

西風轉掩蒹葭浦
客愁生怕秋闌雨
衾冷夢魂驚
聲聲滴到明
不眠欹枕聽故故添新恨
新

恨有誰知天寒雁正稀

又

秋老江行

炊煙一點孤村迥
嬌雲斂盡天容淨
雁字忽橫秋
江瀉客愁銀鈎空寄恨
恨滿憑誰問袖手立西風
舟行秋色中

浣溪沙

早秋

雨滴梧桐點點愁
冷催秋色上簾鉤
蛩聲何事早知秋
一夜涼風驚去燕
滿川晴漲漾輕鷗

惜香樂府

卷之五六十六

汲古閣

懷人千里思悠悠

惜香樂府卷五

惜香樂府卷六

冬景

滿庭芳

十月念六日大雪作此呈社人

晚色沉沉雨聲寂莫夜寒初凍雲頭曉來皆砌
一麪冷光浮目斷江天靄靄低迷映綠竹修修
多才客高吟柳絮還更上層樓烹茶新試水
人間清楚物外遨遊勝似他銷金暝帳情柔細
看流風迴舞終日價淺酌輕謳醺醺地美人翻
惜香樂府 卷之六 六十七 汲古閣

曲消盡古今愁

御街行

山夜

晚來無奈傷心處見紅葉隨風舞解鞍還向亂
山深黃昏後不成情緒先來離恨打疊不下天
氣還淒楚風兒住後雲來去裝換些兒雨無
眠托首對孤燈好語向誰分付從來煩惱嚇得
膽碎此度難擔負

有有令

歲殘

前山減翠疎竹度輕風日移金影碎還又年華
算看看是新春至邨夏堪有個人人似花似玉
溫柔伶俐準擬恩情忔戲拈弄上則人難比
我也埋根豎柱你也爭些氣大家一捺頭地美
中夏美厮守定芙蓉百歲

一剪梅

或刻攤破醜奴兒○梅詞

樹頭紅葉飛都盡景物淒涼秀出羣芳又見江
梅淺淡粧也囉真個是可人香蘭魂蕙魄應
惜香樂府 卷之六 六十八 汲古閣

羞死獨占風光夢斷高堂月送疎枝過女牆也

囉真個是可人香

臨江仙

日暮舟中月明寒甚憶煖春園勝

日欲低時江景好算山紫翠重重釣筒收盡碧
潭空一舸霜夜月兩岸荻花風遙憶煖春新
向火黃昏下了簾櫳水村漁浦艤孤篷單衾愁
夢斷無夢轉愁濃

南歌子

夜坐

霜結凝寒夜星輝識曉晴蘭膏重剔且教明爲
照梢頭香縷一絲輕 坐久看看困新詞綴未
成梅花熏得酒初醒更向耳邊低道月三更

永遇樂

霜詞

宵露珠零濺冰花薄凝瑞偏早月練輕翻風刀
碎剪青女呈纖巧微丹楓纈低摧蕉尾不覺半
池蓮倒最好是千林橘柚輕黃一村封了 佳
人指冷暗驚羅幙一夜斜飛多少怕倚銀屏愁
惜香樂府

卷之六
六十九

汲古閣

看玉砌金菊鮮鮮曉傷嗟傳粉佳期還未何處
冷沾衣透爭知人臨鸞試罷與梅共瘦

玉蝴蝶

雪詞

片片空中剪水巧粧春色照耀江湖漸覺花毡
轉柳寒陣飛榆散銀盃時時逐鳥翻縞帶一一
隨車徧簾隅寒生水筋光剖明珠 應須淺斟
低唱瓊坐紅帳獸焚金爐更向高樓縱觀吟醉
謝娘扶靜時聞竹聲崑谷漫不見禽影江湖儘

躊躇歌闌寶玉賦就相如

瀟湘夜雨

燈詞

斜點銀缸高擎蓮炬夜寒不奈微風重重簾幙
掩堂中香漸遠長煙裊裊光不定寒影搖紅偏
奇處當庭月暗吐焰如虹 紅裳呈豔麗娥一
見無奈狂蹤試煩他纖手捲上紗籠開正好銀
花照夜堆不盡金粟凝空叮嚀語頻將好事來
報主人公

惜香樂府

卷之六
七十

汲古閣

念奴嬌

夜寒有感

據爐肅坐聽瓶笙別有天然宮徵紙帳屏山渾
不俗寫出江南煙水繁短燈青灰閒香軟所欠
惟梅矣風飛無定數聲時顫窗紙 試問夜已
何其呼童起看月上東牆未天外忽聞征雁過
還把音書來寄短笺埋煙輕簾鳴雨已辦征舩
計放教歸去故鄉江上魚美

似娘兒

何刻擬破醜奴兒
誤○冬日有感

又是兩分攜顚顚損看怎醫治煙村一帶寒紅
遶悲風紅葉殘陽暮草還似年時 愁緒暗猶
夷謾屈指數遍歸期短檠燈燼無人問此時只
有窗前素月剛伴相思

柳梢青

過何郎石
見早梅

雲暗天低楓林凋翠寒雁聲悲茆店兒前竹籬
巴後初見橫枝 盈盈粉面香肌記月榭當年
見伊有恨難傳無腸可斷立馬多時

惜香樂府

卷之六
七十一

汲古閣

祝英臺近

武陵寄煥
紅梅

記臨岐銷黯處離恨慘歌舞恰是江梅開遍小
春算斷腸一曲金衣兩行玉筍酒闌後欲行難
去 惡情緒因念錦幄香奩別來負情素冷落
深閨知解怨人否料應寶瑟慵彈露華嬾傳對
鸞鏡終朝凝竚

點絳脣

夜飲青雲樓聞更漏近如在
脚底因思向事追念故作

瓦溼鴛鴦夜深霜重江風冷月華明映清浸梅

梢粉 漏斷寒濃惹起當年恨君休問雁飛欲
盡沒個南來信

又

當日相逢枕衾清夜紗窗冷翠梅低映汗溼香
腮粉 美滿風情結下無窮恨憑誰問此心難
盡說與他爭信

又

對景有感

雪霽山橫翠濤擁起千重恨砌成愁悶卽更梅
惜香樂府

卷之六
七十二

汲古閣

花褪 鳳管雲笙無不繁方寸叮嚀問淚痕羞
搵界破香腮粉

柳梢青

東園醉
作梅詞

千林落葉聲聲悽慘江臯雁飛難似玉肌總驚
花貌壓倒芳菲 香心吐盡因誰料調鼎工夫
易期休唱陽關莫歌白雪雨淚沾衣

西江月

雪江見紅
梅對酒

背日猶餘殘雪向陽初綻紅梅臘寒卽事更相

宜醉了還醒又醉 堪笑多愁早老管他閒是
閒非對花酌酒兩忘機唱個哩謔囉哩

眼兒媚

霜夜對月

一鈎新月照西樓清夜思悠悠那堪更被征鴻
嘹唳絆惹離愁 倚欄不語情如醉都總寄眉
頭從前只爲惜他伶俐舉措風流

別怨

霜寒

嬌馬頻嘶曉霜濃寒色侵衣鳳帷私語處翻成

惜香樂府

卷之六
七十三

汲古閣

離怨不勝悲更與叮嚀祝後期 素約諧心事

重來了比看相思如何見得明年春事濃時穩

藥金驀裏來爛醉玉東西

減字木蘭花

冬日飲別
趙德遠

小春天氣未唱陽關心已醉紅蓼秋容後會何

時得再逢 歸朝好事仰看皇州揚雨露百里

恩波擬欲留公無奈何

好事近

饒趙知坐
席上作

去路馬蹄輕正是小春時節愛日煖煖江樹綴
梅梢新雪 范滂攬轡正澄清知我公明潔分
此仁風愷悌濟鄰邦歡悅

霜天曉角

霜夜小酌

閣兒幽靜處圍爐面小窗好是鬪頭兒坐梅煙
炷返魂香 對火怯夜冷猛飲消漏長飲罷且
收拾睡斜月照滿簾霜

鷓鴣天

霜夜

惜香樂府

卷之六
七十四

汲古閣

寶篆龍煤燒欲殘細聽銅漏已更闌紗窗斜月

移梅影特地籠燈仔細看 幽夢斷舊盟寒那

堪在曲小屏山風光得似而今不肯把花枝作

等閒

暮山溪

和曹元寵
試梅詞

玉妃整佩絳節參差御一笑喚春回正江南天
寒歲暮孤標獨立占斷世間香雲屋冷雪籬深
長記西湖路 人間塵土不是留花處羌管一

聲催碎瓊瑤紛紛似雨枝頭著子聊與世調羹
功就後盍歸休還記來時不

浣溪沙

梅賦

雪壓前邨曲徑迷萬山寒立玉參差孤舟獨釣
一簑歸別塢時聽風折竹斷橋閒看水流漸
一枝凍蔬出疎籬

又

初冬

風捲霜林葉葉飛雁橫寒影一行低淡煙衰草
惜香樂府

卷之六
七十五

汲古閣

不勝詩白酒已篋浮蟻熟黃雞未老藁頭肥
問儂不醉待何時

又

梅

憶爲梅花醉不醒斷橋流水去無聲鷺翹沙嘴
亦多情疎影臥波波不動暗香浮月月微明
高樓羌管未須橫

點絳脣

月夜

離緒千重角聲偏著羈人枕邨堪酒醒勾引愁

難整門鎖黃昏月浸梅花冷人初靜斗坐天
迥雁落清江影

鷓鴣天

霜夜

門外寒江泊小舩月明留客小窗前夜香燒盡
更聲遠斗帳低坐煖意生醺著酒炙些燈伴
他針線嬾成眠情知今夜鴛鴦夢不似孤蓬宿
雁邊

望江南

霜天有感

惜香樂府

卷之六
七十六

汲古閣

山又水雲岫插峰巒斷雁飛時霜月冷亂鴉啼
處日啣山疑在畫圖間金烏轉遊子損朱顏
別淚盈襟雙袖溼春心不放兩眉閒此去幾時
還

玉樓春

月

尋真誤入桃源洞草草幽歡聊與共牢籠風月
此時情做造溪山今夜夢柳條未放金絲弄
梅萼已經霜雪凍新來愁恨重如山不信馬兒

駝得動

鵲橋仙 梅

溪清水淺霜明月淡玉破梅梢未遍寒枝纖瘦
乃如無但空裏飛花數片 藥風欲去凌波難
駐惟見紅愁粉怨夜深青女溼霓裳暗香在廣
寒宮殿

菩薩蠻 初冬 旅思

楓林颯颯凋寒葉汀蘋敗蓼遙相接景物已非
惜香樂府 卷之六 七十七 汲古閣

秋淒涼動客愁 還家貧亦好肯厭盃中草香
飯滑流匙三登快樂時

又 霜天 旅思

霜風颯颯溪山碧寒波一望傷行色落日淡荒
村人家半掩門 孤舟移野渡古木棲鴉聚著
雨晚風酸貂裘不奈寒

又 初冬

敗荷倒盡芙蓉老寒光黯淡迷衰草行客易銷

魂笛飛何處村 雲寒天借碧樹瘦煙籠直若
個是鄉關夕陽西去山

阮郎歸 客中 見梅

年年爲客遍天涯夢遲歸路賒無端星月浸窗
紗一枝寒影斜 腸未斷鬢先華新來瘦轉加
角聲吹徹小梅花夜長人憶家

霜天曉角 梅 詠

香來不歇誰把南枝折的礫疎花初破都因是
惜香樂府 卷之六 七十八 汲古閣

夜來雪 清絕十分絕孤標難細說獨立野塘
清淺誰作半空夜月

又 梅和

雪花飛歇好向前村折行至斷橋斜處寒蔬瘦
不禁雪 韵絕香更絕歸來人笑說最愛夜堂
深迥疎影占半窗月

菩薩蠻 初冬 旅中

客帆卸盡風初定夜空霜落吳江冷幸自不思

歸無端鳥夜啼 雞鳴殘月落到枕秋聲惡有
酒不須斟酒深愁轉深

憶秦娥

初冬

寒蕭索征鴻過盡離懷惡離懷惡江空天迥夜
寒楓落 有人應誤刀頭約情深翻恨郎情薄
郎情薄夢回長是半床閒却

如夢令

漢上晚步

何處一聲鳴榔驚起滿川寒鷺一著画難成雪

惜香樂府

卷之六
七十九

汲古閣

霽亂山無數且住且住數遍溪南煙樹

惜香樂府卷六

惜香樂府卷七

總詞

水龍吟

仙源居士有武林之行因與一二
友攜酒賞月飲于縣橋之中乃即

事爲
之詞

危樓橫枕清江上兩岸碧山如画夕煙羃羃晚
燈點點樓臺新夜明月當天白沙流水冷光連
野浸欄千萬頃琉璃軟皺打漁艇相高下 何
處一聲羌管是誰家倚樓人也多情對景無言
惜香樂府

卷之七
八十

汲古閣

有恨欲歌還罷把酒臨筵阿誰知我此懷難寫
忍思量後夜芳容不似暗塵隨馬

水調歌頭

元日客
寧都

離愁晚如織托酒與消磨奈何酒薄愁重越醉
越愁多忍對碧天好夜皓月流光無際光影轉
庭柯有恨空垂淚無語但悲歌 因疑想從別
後促雙娥春來底事孤負紫袖與江鞦韆整雕
鞍歸去著意淺斟低唱細看小婆娑萬莖千花

裏一任玉顏駝

水龍吟

江樓席上歌姬盼盼翠鬟作樽酒行彈琵琶曲舞梁州醉語贈之

酒潮勻頰雙眸溜美映遠山橫秀風流俊雅嬌
癡體態眼前稀有蓮步彎彎移歸拍裏凌波難
偶對仙源醉眼玉纖籠巧撥新聲魚紋皺我
自多情多病對人前只推傷酒瞞他不得詩情
嬾倦沈腰銷瘦多謝東君慇懃知我曲翻紅袖
拚來朝又是扶頭不起江樓知不

惜香樂府

卷之七
八十一

汲古閣

念奴嬌

小飲江亭有作

夕陽低盡望楚天空闊稀星簾幙算靄橫江煙
萬縷照水參差樓閣兩兩三三樓前歸鷺飛過
欄干角霜風何事遠檐吹動寂莫消散我已
忘機而今百念灰了心頭火對酒當歌渾冷淡
一任他憑噀惡松竹園林柳梧庭院自有人間
樂閒雲休問去來本是無著

水調歌頭

懷遠

貪癡無了日人事沒休期白駒過隙百歲能得
幾多時自古腰金結綬著意經營辛苦回首不
勝悲名未能安穩身已致傾危空剗刻休巧
詐莫心欺須知天定只見高塚與新碑我已從
頭識破贏得當歌臨酒歡笑且隨宜較甚榮和
辱爭甚是和非

水龍吟

自遣

惜香樂府

卷之七
八十二

汲古閣

煦曾著意斟量過天下事無窮盡貪榮貪富朝
思夕計空勞方寸躡足封王功名蓋世誰如韓
信更堆金積玉石崇豪侈當時望傾西晉長
樂宮中一嘆又何須繫懸印吹樓效死輕車東
市頭膏血刃尤物虛名於身何補一齊休問遇
當歌臨酒舒眉展眼且隨緣分

驀山溪

午坐壺天水雲風傳琵琶有感而作

壺天水雪消盡虛堂暑多謝故人風送花香
傳小樹香風初過一曲斷腸聲如怨訴訴閒愁

落落琵琶語 江邊馬上彈指成千古淚眼與
啼粧嘆風流只今何處芳心役損觸事起悲酸
招玉素撥檀槽整理金衣縷

念奴嬌

席上
卽事

精神俊雅更邛堪天與風流標格羅綺叢中偏
豔冶偷處教人怜惜目剪秋波指纖春笋新樣
冠兒直高唐雲雨甚人有分消得 忔戲笑裏
含羞回眸低盼此意誰能識密約幽歡空悵望
惜香樂府 卷之七
八十三 汲古閣

瑞鶴仙

歸寧都因成
寄懷香諸院

無言屈指也算年年底事長爲旅也恹惶受盡
也把良辰美景總成虛也自嗟嘆也這情懷如
何訴也設愁明怕暗單栖獨宿怎生禁也 閒
也有時臨鏡漸覺形容日銷減也光陰換也空
辜負少年也念仙源深處暝香小院贏得群花

怨也是虧他見了多教罵幾句也

驀山溪

懷遠

無非無是好個閒居士衣食不求人又識得三
文兩字不貪不僞一味樂天真三徑裏四時花
隨分堪遊戲 學些沓拖也似沒意志詩酒度
流年熟諳得無爭三昧風波岐路成敗霎時間
你富貴你榮華我自關門睡

青玉案

德遠歸越因
作此餞行

惜香樂府

卷之七
八十四

汲古閣

東門楊柳空盈路繫得征鞍能駐不暗綠枝頭
新過雨柔絲千尺乳鴛百轉似怨行人去 行
人去後知何處去向天邊遶鷺鷥瑤管瓊臺多
雅趣花磚穩上玉堦闊步肯念人塵土

虞美人

江鄉
對景

雨聲破曉催行槳拍拍溪流長綠楊遶岸水痕
斜恰似画橋西畔邨人家 人家樓閣臨江渚
應是停歌舞珠簾整日不閒鈎月斷征帆猶未

識歸舟

又送別

燈前忍見啼紅面別酒頻斟
勤愁娥歛翠不勝情
報道看看天色待平明
慇懃重把陽關唱
休要教人望出門
猶自尙叮嚀
厮養頻催恰好
趁涼行

臨江仙

楊柳

十里春風楊柳路
年年帶雨披雲柔
條萬縷不

惜香樂府

卷之七
八十五

汲古閣

勝情還將無意眼
識遍有心人
餓損宮腰終不似
効顰總是難成
只愁秋色入高林
殘蟬和落葉
此際不堪論

漁家傲

旅中
遠思

客裏情懷誰可表
淒涼舉目知多少
強飲強歌還強笑
心悄悄從頭徹底
思量了
當日相逢非草草
果然恩愛成煩惱
穩整征鞍
歸去好重厮守
相期待與同偕老

江神子

述情

當時得意兩心齊
綺窗西
共于飛
拂掠宮粧長與画新眉
一自別來煙水闊
愁易積
夢還稀
相逢却似舊家時
恨依依
語低低
多少關情冷煥有誰知
只此定應諧素願
但指日約鸞棲

御街行

柯山故人別後
改圖因作此

香薰斗帳相逢乍
正宮漏沉沉夜
月飛梅影上簾櫳
標致風流嬌雅眼
波橫浸照人百媚無限

惜香樂府

卷之七
八十六

汲古閣

叮嚀話
玉鞍門上嘶
歸馬
遶行色難畱也
別來花豔不禁春
浪向東風輕嫁空
餘小院博山修竹
依舊窗兒下

一叢花

和張子野

當歌臨酒恨難窮
酒不似愁濃
風帆正起
歸與岸東西
芳草漫茸茸
楚夢乍回
吳音初聽
誰念我孤蹤
藏春小院
煥融融
眼色與心通
烏雲有意重梳掠
便安排金屋
房櫳雲雨厚
因鴛鴦

宿債作個好家風

天仙子寓意

眼色媚人嬌欲度行盡巫陽雲又雨花時還復
見芳姿情幾許愁何許莫向耳邊傳好語 往
事悠悠曾記否忍聽黃鸝啼錦樹啼聲驚碎百
花心分付與誰為主落盡飛紅知甚處

瑞鷓鴣遣情

寶簪常見曉粧時面藥香融傅口脂擾擾親曾

惜香樂府

卷之七
八十七

汲古閣

掠綠鬢纖纖巧與西新眉 濃歡已散西風遠
憶淚無多爲你垂各自從今好消遣莫將紅葉
浪題詩

又寓意

結絲千緒不勝愁莫怪安仁鬢早秋檀口未歌
先搵淚柳眉將斂半凝羞 盃傾潏灩送行酒
岸艤飄飄欲去舟待得名登天府後歸來茱菊
映釵頭

行香子馬上有感

驕馬花驄柳陌經從小春天十里和風箇人家
住曲巷牆東好軒窗好體面好儀容 燭炮歌
慵斜月朦朧夜新寒斗帳香濃夢回画角雲雨
匆匆恨相逢恨分散恨情鍾

夜行船詠美人

龜甲爐煙輕裊簾櫳靜乳鶯啼曉拂掠新粧時
宜頭面繡草冠兒小 衫子揉藍初著了身材

惜香樂府

卷之七
八十八

汲古閣

採桑子寓意

疎簾乍捲孜孜看冰玉精神體白停勻端的于
人不薄情 更無背約和焦燥各表真誠纔得

相親切莫分張向別人

蝶戀花登樓晚望聞歌聲清婉而作

閒上西樓俟遠望一曲新聲巧媚誰家唱獨倚
危欄聽半餉長江快瀉澄無浪 清淚恰同春

水漲拭盡重流觸事如何向不覺黃昏燈已上
舊愁還是新愁樣

又

天淨姮娥初整駕桂魄蟾輝來赴清和夜費盡
丹青無計画纖纖側向疎桐挂 人在扶疎桐
影下耳畔輕輕細說家常話年少難留應不借
未歌先咽歌還罷

又 寧都半歲歸家欲別
去而意終不決也

惜香樂府

卷之七
八十九

汲古閣

葉底蜂衙催日晚向晚勻粧巧画宮眉淺翠幙
無風香自遠金船酌酒須教滿 未說別離魂
已斷雨幌雲屏只恐良宵短心事不隨飛絮亂
宦情肯把恩情換

鷓鴣天

晨起忽見大鏡觀
物思人有感而作

睡覺扶頭聽曉鐘隔簾花霧溼香紅翠搖鈿砌
梧桐影暎透羅襦芍藥風 閒對影記曾逢画
眉臨鏡霎時同相思已有無窮恨忍見孤鸞宿

鏡中

又 月夜諸院
飲酒行令

寶篆煙消香已殘嬋娟月色浸欄干歌喉不作
尋常唱酒令從他各自還 傳盃手莫教閒醉
紅潮臉媚酡顏相攜共學驂鸞侶却笑盧郎舊
約寒

又 暇口泛舟遊客有嘆居士髮白者求竟
忽見臨江倚樓人因思向來有感作此

綠水澄江得勝遊浪平風軟稱輕舟樽前我易
惜香樂府

卷之七
九十

汲古閣

傷前事柳外人誰獨倚樓 空感慨惜風流風
流贏得謾多愁愁多著甚銷磨得莫怪安仁鬢
早秋

又 雙有麟翼之便
書以寄文卿

一曲清歌金縷衣巧佼心事有誰知自從別後
難相見空解題紅寄好詩 憶攜手過堦墀月
籠花影半明時玉釵頭上輕輕顫搖落釵頭豈
蕊枝

眼兒媚

東院遠人乞詞醉
中書于裙帶三首

人隨社節去匆匆此恨幾時窮陽臺寂莫巫山
淒慘雲雨成空芭蕉密處窗兒下冷落舊香
中黃昏靜也蛩聲滿院明月清風

又

槐陰密處嚙黃鸝午日正長時一番過雨綠荷
池面冷浸琉璃紅塵不到華堂裏纖楚對蛾
眉笑偎人道新詞覓個美底腔兒

惜香樂府

卷之七
九十一

汲古閣

又

當年策馬過錢塘曲徑小平康繁紅灑白嬌
鴛鴦咤燕爭喚何郎而今又客東風裏渾不似尋
常只愁別後月房雲洞啼損紅粧

臨江仙

筆妓夢雲對居上忽有
剪髮齊眉修道之語

蕊嫩花房無限好東風一樣春工百年歡笑酒
樽同笙吹雛鳳語裙染石榴紅且向五雲深
處住錦衾繡幌從容如何即是出樊籠蓬萊人

少到雲雨事難窮

又

予買一妾備慧教之寫東坡字半年又
工唱東坡詞命各文卿元約三年文卿
不忍捨主顧母不容與議堅索之去今
失于一農夫常常奇聲或片紙數字問
訊仙源有感遂和其韵

破靨盈盈巧笑舉盃盞灑灑迎逢慧心端有謝娘
風燭花香霧嬌困面微紅別恨綵箋雖寄清
歌淺酌難同夢回楚館雨雲空相思春算愁滿
綠蕪中

惜香樂府

卷之七
九十二

汲古閣

又

夜坐更深燭盡月明飲興
未闌再酌命諸姬唱一詞

夜久笙簫吹徹更深星斗還稀醉拈裙帶寫新
詩鎖窗風露燭炮月明時水調悠揚聲美幽
情彼此心知古香煙斷綵雲歸滿傾蕉葉齊唱
傳花枝

惜奴嬌

賦水仙花

洛浦嬌魂怨得到人間少把風流分付花貌六
出精神膺寒射香試到清秀與江梅爭相先後

簷蔔簾疎怎似妖嬈體調比山樊也應錯道
最是慇懃捧出金盞銀臺拚了仙源與奇葩醉
倒

惜香樂府

卷之七
九十三

汲古閣

惜香樂府卷七

惜香樂府卷八

總詞

水龍吟

無情風掠芭蕉響還是重門已閉銀缸獨對相
思方切教人怎睡解嘆從前事解嘆了依前驚
氣想他家那裏知人顛顚想應是睡也未且
恁和衣強寢奈無寐依前重起起來思想當初
與你忒煞容易及至而今也半頭天眼不存不
濟最消魂苦是黃昏前後冷清清地

惜香樂府

卷之八
九十四

汲古閣

水調歌頭

賞月

把酒相勞苦月色耀天章冰輪碾破寒碧飛入
酒樽涼擊節詞人妙句吸此清輝萬丈肺腑亦
生光攬袂欲仙舉逸興共天長日邊客幙中
俊坐間狂浩歌清嘯恍然雲海渺茫茫喚醒謫
仙蘇二何事常愁客少更恐被雲妨月與人長
好廣大醉爲鄉

水龍吟

先來天與精神爽因麗景添殊態拖輕冉冉纔
疑一段還分五綵畢竟非煙有時爲雨惹情無
奈道無心怎被歌聲遏斷遲遲向青天外宜
伴先生醉臥得饒到和山須買也曾惱殺襄王
誰道依前不會我欲棄歸去翻悵悵帝鄉何在
念佳期未展天長算合儘空相對

訴衷情

惜香樂府

卷之八
九十五

汲古閣

花前月下會鴛鴦分散兩情傷臨行祝付真意
臂間皓齒留香還更毒又何妨儘成瘡瘡兒
可後痕兒見枉見後思量

滿江紅

懊惱平生奈天賦恩情太薄二三歲看伊受盡
眼尖眉角記得當初低耳畔是誰先有干飛約
惟到今剗地誤盟言還先惡天眼見人難度
天易感人難托人心險天又怎生捉摸莫問傷

人非與是手兒但把心兒托便不成厮守許多
時乾休却

賀新郎

負你千行淚大都來一寸心兒萬般縈繫似恁
愁煩那裏泊故自三年二歲爲你後甘心顚顚
終待說山盟海誓這恩情到此非容易拚做個
久長計緊要事須評議怕人人驀地知時怎
生處置毒害心腸祇知是怕你生煩到底便莫
惜香樂府

卷之八
九十六

汲古閣

好事近

喜氣擁門闌光動綺羅香陌行到紫薇花下悟
身非凡客不須朱粉汗天真嫌怕太紅白留
取黛眉淺處画章臺春色

眼兒嬌

連滄危觀暮江前幾醉使君筵少年俊氣曾將

吟筆買斷江天 重來細把閒遊數回首一辛
酸蘭城已老文園多病負此江山

簇水

長憶當初是他見我心先有一鉤纔下便引得
魚兒開口好事重門深院寂寞黃昏後厮覷著
一面兒酒 試攔就便把我得人意處閑子裏
施纖手雲情雨意似十二巫山舊夏向枕前言
約許我長相守歡人也猶自睂頭皺

惜香樂府

卷之八
九十七

汲古閣

青杏兒

舊刻難破
醜奴兒

最苦是離愁行坐裏只在心頭待要作個巫山
夢孤衾展轉無眠到曉和夢都休 夢裏也無
由誰敢望真個綢繆暫時不見渾閒事只愁柳
絮楊花自來擺蕩難留

夏漏子

燭消紅窗送白冷落一衾寒色鴉喚起馬跑行
月來衣上明 酒香唇粧印臂憶共個人人睡

魂蝶亂夢鸞孤知他睡也未

浣溪沙

一味風流一味香十分濃豔十分粧自然嬌態
自然芳 樓上好風樓下水雪前欄檻竹前窗
也宜單著也宜雙

又

惻惻笙竿萬籟風陽關疊遍酒尊空相逢草草
別匆匆 滿眼淚珠和雨灑一襟愁緒抵秋濃

惜香樂府

卷之八
九十八

汲古閣

相思今夜五雲東

漢宮春

講柳談花我從來口快歡說他家眼前見了無
限楚女吳姬千停萬穩較量來終不如他便做
得宮儀院體歌談不帶煙花 從前萬事堪誇
愛拈牋弄管錦字欹斜新來與人牖著不許胡
巴豪懣謾惹料福緣淺似地些誰爲傳詩通曲
慇懃題上窗紗

雨中花慢

幌子分香羅巾拭淚別來時未覓淒惶上得船
兒來了剗地淒涼可惜花前月裏却成水遠山
長做成恩愛如今贏得萬里千鄉 情知這場
寂寞不干你事傷我窮忙不道是久長活路終
要稱量我則匆匆歸去知你且種種隨娘下梢
睚徹有時笑你風光

柳梢青

惜香樂府

卷之八
九十九

汲古閣

小窗閒適雲髻彈香肩肌偎膝玉扇無塵明瓊
欲碎春纖同擲 不爭百萬呼盧賭今夜鴛帷
痛惜好忍馬兒若還輸了當甚則劇

玉團兒

鉛華淡竚新粧束好風韻天然異俗彼此知名
雖然初見情分先熟 爐煙淡淡雲屏曲睡半
醒生香透肉賴得相逢若還虛度生世不足

南歌子

梅萼和霜曉梨花帶雪春玉肌瓊豔本無塵肯

把鉛華容易汚天真 湯餅嘗初罷羅巾拭轉

新幾回貪耍失黃昏月裏歸來無處覓精神

臨江仙

人在夢雲樓上別殘燈影裏遲留依稀綠慘更
紅羞露痕雙臉溼山樣兩眉愁 幾幅片帆天
際去雲濤煙浪悠悠今宵獨立古江頭水腥魚
菜市風碎荻花舟

惜香樂府

卷之八
一百

汲古閣

鷓鴣天

只有梅花似玉容雪窗月戶幾尊同見來怨眼
明秋水欲去愁眉淡遠峯 山萬疊水千重一
雙蝴蝶夢能通都將淚作黃梅雨盡把情爲柳
絮風

又

小院深明別有天花能笑語柳能眠雪肌得酒
千中暝蓮步凌波分外妍 釵燕重髻荷偏兩

山斜疊翠連娟朝雲無限矜春態算雨情知更
可伶

浣溪沙

画角聲沉捲暮霞寒生促索錦屏遮沉檀半爇
髻堆鴉蝴蝶夢回餘燭影子規啼處隔窗紗
夜深明月漫梨花

浪淘沙

簾捲露花容幾度相逢他知我意欲相通偏奈
惜香樂府

卷之八
一百一

汲古閣

天教多阻間積恨何窮雲雨杳無蹤愁怕東
風時聞語笑恣歡濃惟有俺咱真分淺往事成
空

眼兒嬌

始與官妓往來中道相棄遂
以小字刺于眉間故作此詞

雲間藏一點飛鴉休把翠鈿遮二年三歲千擱
百就今日天涯奴今有似風前絮飛入那人
家你還下得除非睡起不照菱花

如夢令

竹外半窺嬌面真個出塵體段沒處可偷伶空
恁眼穿腸斷休戀休戀只是與伊分淺

浣溪沙

閒理絲簧聽好音西樓剪燭夜深深半嗔半喜
此時心煖語溫存無恙語酌開香靨笑吟吟
別來煩惱到如今

減字木蘭花

陽關唱徹斷盡離腸聲哽咽酒已三巡今夜王
惜香樂府

卷之八
一百二

汲古閣

孫是路人此情難說莫負等閒風與月欲問
歸期來戴釵頭艾虎兒

又

半窗斜月茆店蕭條燈已滅床下蛩聲聲動淒
涼不忍聽終宵無寐覆去翻來真箇是屈指
歸期應是梅花爛熳時

夜行船

送胡彥直歸
柳醉中作

短棹輕舟排辦了歌聲斷晚霞殘照紅蓼坡頭

綠楊堤外離恨知多少 別後莫教音信杳
光陰自來堪笑画角譙門槐溪歸路正是楚天
曉

眼兒嬌

玉樓初見念奴嬌無處不妖嬈眼傳密意樽前
燭外怎不魂消 西風明月相逢夜枕簟正涼
宵帶人記得叮嚀殘漏且慢明朝

品令

惜香樂府

卷之八
一百三

汲古閣

黃昏時候悄不語心如醉無眠凝想別來繡閣
多應顚顚上了燈兒知是睡哩坐哩 驀思歸
計又還是重屈指從今已後睽離千萬且休容
易這底恹惶你看是誰不是

柳梢青

甜言軟語長記那時蕭娘叮囑清筦危絃前歡
難繼鱗鴻無據 紛紛眼底浮花拈弄動幾多
思慮千結丁香且須珍重休胡分付

浣溪沙

金獸噴香瑞靄氛夜涼如水酒醺醺照人嬌眼
媚生春 我自愁多魂已斷不禁楚雨帶巫雲
人情又是一番新

又

坐看銷金煥帳中羔兒酒美獸煤紅淺斟低唱
好家風 愛客東君多解事晚粧新與画眉峯
便須催喚出房櫳

惜香樂府

卷之八
一百四

汲古閣

又

堆枕冠兒翡翠釵蒙金領子滿綰幺千中沉淨
好情懷 新浴晚涼梳洗罷半嬌微笑下堂來
蓮花因甚未曾開

臨江仙

天外濃雲雲外雨雨聲初上檐牙紅蕖應褪洗
粧花晚涼如有意靄靄到山家 爲喚山童多
索酒金鍾細酌流霞暈生玉頰酒潮斜閒中無

寵辱醉裏是生涯

夜行船

送張希舜
歸南城

綠蓋紅幢籠碧水魚跳處浪痕勻碎惜別慙勤
留連無計歌聲與淚和柔脆一葉扁舟煙浪裏
曲灘頭此情無際窈窕眉山暮霞紅處雨雲想
翠峰十二

浪淘沙

窈窕繡幃深窈窕娉婷梅花初試晚粧新那更

惜香樂府

卷之八
一百五

汲古閣

嬌癡年紀小冰雪精神舉措忒輕盈歌徹新
聲柔腸魂斷不堪聽但恐巫山留不住飛作行
雲

如夢令

居士年來嬾散凡事只從寬簡身外更無求祇
要夏涼冬煖美滿美滿得過何須積趙

卜算子

十載仰高明一見心相許來日孤舟西水門風

飽征帆腹後夜起相思明月清江曲若見秋
風寒雁來能寄音書否

眼兒嬌

先來客路足傷悲那更話別離玉驄也解知人
欲去驤首頻嘶馬蹄動是三千裡後會莫相
違切須更把丁香珍重待我重期

惜香樂府

卷之八
一百六

汲古閣

惜香樂府卷八

惜香樂府卷九

總詞

南鄉子

楚楚窄衣裳腰身占却多少風光
笑說春來春去事淒涼
嬾對菱花暈曉粧
閒立近紅芳遊蜂戲蝶
悞採真香何事不歸巫峽去
思量故來塵世斷人腸

又

惜香樂府

卷之九
一百七

汲古閣

月轉水晶盤樓上初聞一鼓殘
又是去年天氣好欄干
風動梅梢玉鬪寒
無奈壯情蘭對酒如何欲強歡
誰道破愁須仗酒君看酒到愁多破亦難

謁金門

和德遠

燈乍滅忽見一天明月
恰舞霓裳歌未歇
露寒回絳闕
羽服明暉玉雪笑語輕
參環玦香澤惱人情不徹
夜長窗自白

又
和宗人

傷離索猶記竝肩池閣多病起來閒倚薄一秋
天氣惡玉臂都寬金約歌舞新來忘却回首
故人天一角半江楓又落

一剪梅

紅藕香殘碧樹秋羞解羅襦偷上蘭舟雲中誰
寄錦書來雁字回時月滿西樓花自飄零水
自流一種相思兩處閒愁酒醒夢斷數殘更舊

惜香樂府

卷之九
一百八

汲古閣

恨前歡總上心頭

點絳脣

雲鞦宮鬟淡黃衫子輕香透晚涼時候睡起新
粧就冰枕生寒玉浸纖纖手沉吟久睂山斂
秀愛道奴家瘦

又

舊刻此首後有浣溪沙二
首是毛東堂作今俱刪去

煙洗風梳司花先放江梅吐竹村沙路脉脉搖
寒雨醉龜吟魂無着清香處愁如縷繫春不

住又折冰枝去

菩薩蠻

江城風火連三月不堪對酒江亭別休作斷腸
聲老來無淚傾 風高帆影疾目送舟痕碧錦
字幾時來熏風無雁回

又

春山已感眉峰綠春心駘蕩難拘束惆悵爲春
傷惜花心更狂 對花深有意且向花前醉花

惜香樂府

卷之九
一百九

汲古閣

作有情香與人相久長

画堂春

當時巧笑記相逢玉梅枝上玲瓏酒盃流處已
愁濃寒雁橫空 去程無計更從容到歸來好
事匆匆一時分付不言中此恨難窮

如夢令

寄蔡
堅老

居士年來病酒肉食百不宜口蒲合與波稜夏
着同蒿葱韭親手親手分送臥龍詩友

又

別恨眉尖無數後夜王孫何處歌館與粧樓目
斷行雲凝竚凝竚凝竚憶淚千行紅雨

菩薩蠻

隔江一帶春山好平林新綠春光老休去倚闌
干飛紅一忍看 東流何處去便是歸舟路芳
草外斜陽行人更斷腸

長相思

惜香樂府

卷之九
一百十

汲古閣

歛愁眉恨依依腸斷關情怨別離雲中過雁悲
瘦因誰病因誰屈指無言付後期此時人怎
知

柳梢青

瀟灑仙源天桃穠李曾對華筵歌媚驚塵舞彎
低月滿勸金船 鑑湖煙水連天政歸棹紅粧
闌妍花霧香中人詢居士切莫多傳

賀生辰

好事近 賀德遠

不羨八千椿不羨三偷桃客也不羨他龜鶴一
總爲凡物 羨君恰似老人星長明無休息好
與中興賢主立維城勛績

朝中措 上錢知羣符主
管朱知錄三首

南樓風物一番新春算昇斯民豈但仁人愷弟
更兼政事如神 人生最貴榮登五馬千里蒙
恩祇恐促歸廊廟去思有脚陽春

惜香樂府 卷之九
一百十一 汲古閣

又

文章學業繼家聲名譽壓羣英早歲掀騰無仕
如公富貴難并 定膺丹詔朱輪迅召陶冶蒼
生自是鹽梅姿質佇看大手調羹

又

先生德行冠南豐錦繡作心胸暫屈徒勞州縣
文章後進宗工 督郵綱紀才高幕府雅望尤
崇此去定膺光寵且須滿醉西東

念奴嬌 上張南
豐生日

桂華蟾魄到中秋祇有人聞一六浩渺清風因
喚起千里吹飛鴻鵠碧落翻花瑤空隱瑞聲節
琅玕筑板懷玉燕此時嘉慶重育 始信石在
丹臺瞳方八百子已三千熟麟脯靈瓜那更有
瓊瑩神仙醺醖秋水春山柳腰花面一醉霓裳
曲長生清淨自然何用辟穀

好事近

惜香樂府 卷之九
一百十二 汲古閣

江上一江樓樓上遠山橫翠還更腰金騎鶴引
竹西歌吹 壽君春酒遣雙壺滿引見深意肯
向龜荷香裏喚儂來同醉

又

劍水雷歡聲喜慶間生人傑一段葱葱佳氣扇
熏風時節 今朝銀艾佐琴堂爭把壽香焚去
去鳳皇池上見龜巢連葉

柳長春 上董
倅

梅喜先春雁驚未臘于門瑞氣浮周匝正當月
應上絃時長庚夢與良辰合 螺水恩濃盱江
德洽壽盃勸處燃紅蠟明年此際祝遐齡賀賓
一一趨東閣

武陵春

上馬宰

又是新逢三五夜瑞氣氤氳萬點燈和月色
新桃李倍添春 花縣主人情息好行樂逐良
辰滿引千鍾酒又醇歌韵動梁塵

惜香樂府

卷之九
一百十三

汲古閣

臨江仙

上祝永

天祐炎圖生國瑞藍田暫屈英僚始知文宿降
璇霄中元前五日七夕後三朝 江散風流臨
此政少年瀟灑奇標行看峻擢相熙朝功名前
稷契壽算等松喬

喜遷鶯

上魏安撫

商飈輕透動簾幙飛梧亂飄庭甃瑞氣氤氳沉
檀初焚煙噴寶臺金獸黃花美酒天教占得先

他時候誕元老慶有聲此夕降生華胄 歡笑
宜稱壽絃管鼎沸宮商方頻奏滿捧瑤卮華堂
歌舞拍轉金釵斜溜朱顏綠鬢慙勤深願鎮長
如舊嘆濱海道難留指日榮遷飛驟

鵲橋仙

上張宣機

雲峰初歛秋容如洗庭院金風初扇蔥蔥佳氣
靄侯門信天上麒麟乍見 祝君此去飛黃騰
踏日侍凝旒遠冕和羹調味早歸來坐看取蓬
惜香樂府

卷之九
一百十四

汲古閣

萊清淺

惜香樂府卷九

惜香樂府卷十

拾遺

柳梢青

晴雪樓臺試燈簾幙適是元宵羅綺嬌春帝城
風景今夜應饒爭知我繫如匏便佳月良天
任教早閉柴門從他簫鼓細打輕敲

賀新郎

世諦人多錯阿誰將虛名微利放教輕著萬事
惜香樂府

卷之十
一百十五

汲古閣

莫非前定了選甚微如飲酌算徒詫龍韜豹畧
縱使龍頭安尺木更從教豹變生三角渾是夢
恍如昨吾廬自笑常虎廊對殘編磨穿枯硯
生涯微薄負郭田園能有幾隨分安貧守約要
不改簞瓢顏樂西掖北扉終須到且嘲風咏月
常相謔要要甚萬金藥

東坡引

舊刻此首後有滿庭芳
一首是山谷作今刪去

茅簷無客至冰硯凍寒泚南枝喜入新詩裏惱

人頻嚼蕊惱人頻嚼蕊因思去臘江頭醉倚

動客興傷春意經年自嘆人如寄光陰如撚指

光陰如撚指

杏花天

乍涼浙浙風生幕人獨在朱欄翠閣吹簫信杳
爐香薄眉上新愁又覺從前事擬將拚却夢
不斷花梢柳萼一盃睡起誰同酌斜日陰陰轉

角

惜香樂府

卷之十
一百十六

汲古閣

臨江仙

遠岫螺頭溼翠流霞頰尾疎明斷虹斜界雨新
晴煙村燈火晚江浦画難成我向其間泛葉
終朝露渚風汀老來心事最關情不堪三弄笛
吹作斷腸聲

輓繡毬

和康伯
可酌

流水奏鳴琴風月淨天無星斗翠嵐堆裏蒼岩
深處滿林霜膩暗香凍了那禁頻嗅馬上再

三回首因記省去年時候十分全似邨人風韵
柔腰弄影冰臆退做成清瘦

眼兒嬌

南枝消息杳然間寂莫倚離欄紫腰豔豔青腰
裊裊風月俱閒 佳人環珮玉欄珊作惡探花
還玉纖撚粟櫻唇呵粉愁點眉彎

菩薩蠻

日高猶戀珊瑚枕羞紅不忿花如錦雙燕運芹
惜香樂府

卷之十
一百十七

汲古閣

泥燕歸人未歸 縱饒梳洗罷朱戶何曾跨寂
莫小房攏回文和淚封

鷓鴣天

落魄東吳二十春風流詩句得清新今年却恨
花星照再見溫卿與遠真

京口妓魁
趙柔陳玉

分楚佩

染巫雲赤繩結得短花茵若非京口初相識安
得毘陵作故人

浪淘沙

綠樹轉鳴禽已是春深楊花庭院日陰陰簾外
飛來雙語燕不寄歸音 舊事嬾追尋空惹芳
心天涯消息遠沉沉記得年時中酒後直至而
今

謁金門

春睡足簾捲翠屏山曲芳草沿堦橫地軸垂楊
相映綠 暗憶舊歡難續又是禁煙傳燭陌上
踏青新結束秋千誰共促

惜香樂府

卷之十
一百十八

汲古閣

侍香金童

一種春光占斷東君惜算穠李昭華爭竝得粉
膩酥融嬌欲滴端的尊前舊曾相識 向夜闌
酒醒霜濃寒又力但只與水姿添夜色繡幙銀
屏人寂寂只許劉郎暗傳消息

菩薩蠻

新晴庭戶春陰薄東風不度重簾幙第幾小蘭
房雛鶯初弄黃 悄寒春未透不解尋花柳只

恐漸春深愁生求友心

清平樂

紫簫聲斷窗底春愁亂試著春衫羞自看窄似
年時一半 一春長病厭厭新來愁病重添香
冷倦熏金鴨日高不捲珠簾

好事近

齒頰帶餘香馨咳總成珠玉剪碎袖羅花片點
金觥春綠 玉魚花露自清涼涓涓在郎腹猶
惜香樂府

卷之十
一百十九

汲古閣

勝望梅消渴對文君眉蹙

思越人

何刻品
令誤

好事客宮商內吟得風清月白主人幸有豪家
意後堂熟有春色 花壓金翹俏相映酒滿玉
纖無力你若待我些兒酒儘喫得得得

武陵春

落了丹楓殘了菊秋色苦無多誰喚西風泣淚
羅吹恨入星河 碧枝頭上金粟開曾排翠雲

窩重揉檀英憶兩娥無奈冷香何

長卿自號仙源居士蓋南豐宗室也不極志終華
獨安心風雅每遇花間鶯外輒觴詠自娛鄉貢進
士劉澤集其樂府以春景夏景秋景冬景及總領
賀生辰補遺類編釐為十卷雅未敢與南唐二主相
伯仲方之徽宗則迥出雲霄矣湖南毛晉識

惜香樂府

卷之十
一百二十

汲古閣

惜香樂府卷十

終

西樵語業

目錄

水調歌頭 七調

滿江紅 四調

瑞鶴仙 一調

賀新郎 二調

念奴嬌 二調

洞仙歌 二調

鵲橋仙 二調

蝶戀花 三調

千秋歲 一調

玉人歌 一調

點絳脣 二調

秦樓月 一調

西樵語業目

一 汲古閣

浣溪沙 二調

桃源憶故人 一調

踏莎行 一調

減字木蘭花 一調

生查子

青 一調

相見歡 一調

訴衷情 一調

西樵語業目錄 終

西樵語業

廬陵 楊炎正 濟翁

水調歌頭 登多景樓

寒眼亂空闊客意不勝秋強呼斗酒發興特上
最高樓舒卷江山圖画應禽龍魚悲嘯不暇顧
詩愁風露巧欺客分冷入衣裘 忽醒然成感
慨望神州可憐報國無路空白一分頭都把平
生意氣只做如今顚顚歲晚若爲謀此意仗江

西樵語業 一 汲古閣

月分付與沙鷗

又 呈辛隆興

杖屨覓春色行遍大江西訪花問柳都自無語
欲成蹊不道七州三壘今歲五風十雨全是太
平時征轡晚瘳月漁釣夜垂絲 詩書帥坐闌
玉塵揮犀與方不淺領袖風月過花期只恐梅
梢青子已露調羹消息金鼎待公端回首滕王
閣空對落霞飛

又送張使君

父老一盃酒爭勸使君留可憐桃李千樹無語
送歸舟聽得拈笙玉指都把萬家遺愛吹作許
離愁倚醉袖紅溼生怕夕陽流問君侯今幾
日到東州還家時候次第梅已暗香浮只恐道
間驛使先寄調羹消息歸去總無由鼎鉉功名
了徐赴赤松遊

又呈趙總領

西樵語業

二

汲古閣

買得一航月醉臥出長安平堤千里過盡楊柳
綠陰間依約曉鶯啼處認得南徐風物客夢恍
驚殘重到舊遊所如把面圖看英雄事千古
意一凭闌惜今老矣無復健筆寫江山天上人
間知己賴有使星郎宿照映此塵寰準擬五湖
去爲乞釣漁竿

又

把酒對斜日無語問西風胭脂何事都做顏色

染芙蓉放眼算江千頃中有離愁萬斛無處落
征鴻天在闌干角人倚醉醒中千萬里江南
北淞西東吾生如寄尙想三徑菊花叢誰是中
州豪傑借我五湖舟楫去作釣魚翁故國且回
首此意莫匆匆

又

一笛起城角吹破小梅愁東風猶未誰遣春信
到吾州聞得東來千騎鼓舞兒童竹馬和氣與

西樵語業

三

汲古閣

空浮桃李未陰處準擬種千頭今太守宋人
物晉風流政成談笑不妨高興在南樓只恐蓬
萊仙伯合侍玉皇香案難作寇恂畱約住紫泥
認憑軾且優游

又

踏碎九街月藥醉出京華半生湖海誰念今日
老還家獨把瓦盆盛酒自與漁樵分席說尹政
聲佳竹馬望塵去倦客亦隨車聽薰風清曉

角韵梅花人家十萬說盡炎熱與咨嗟只恐棠
陰未滿已有楓宸趣召歸路不容遮回首江邊
柳空著舊棲鴉

滿江紅

春入臺門又見染柳絲新綠對此景一年爲壽
一番添福莫怪鳳池頒詔晚要教淮水恩波足
聽邊民千歲頌聲中重重祝 堂萱茂庭芝馥

歌倚扇盃持玉共勸君一醉滿斟醺醺今夜東

西樵語業

四

汲古閣

風吹酒醒明朝萬里騎黃鵠向九霞光裏望宸

輝看除目

又

筆染相思暗題盡朱門白壁動離思春生遠岸
煙銷殘日楊柳結成羅帶恨海棠染就胭脂色
想深情幽怨繡屏間雙鷺鵲 春水綠春山碧
花有恨酒無力對一奩愁思九分孤寂寸寸錦
腸渾欲斷盈盈玉淚應偷滴倩東風吹雁過江

南傳消息

又壽稼軒

壽酒如澠拚一醉勸君休惜君不記濟河津畔
當年今夕萬丈文章光焰裏一星飛墮從南極
便御風乘輿入京華班卿棘 君不是長唐白
又不是嚴陵客只應是明主夢中良弼好把袖
間經濟手如今去補天西北等瑤池侍宴夜歸
時騎箕翼

西樵語業

五

汲古閣

又

典盡春衣也應是京華倦客都不記麴塵香霧
西湖南陌兒女別時和淚拜牽衣曾問歸時節
到歸來稚子已成陰空頭白 功名事雲霄隔
英雄伴東南拆對雞豚社酒依然鄉國三徑不
成陶令隱一區未有楊雄宅問漁樵學作老生
涯從今日

瑞鶴仙

元夕爲王使君賦

風光開舊眼正梅雪初消柳絲新染樓臺競裝
點照金荷十里珠簾齊捲湘絃楚管動香風旌
旗影轉望雲間一點台星飛下洞天清晚爭
看袖紅圍坐舞翠回春笑歌生暝歡聲正遠嬉
遊意未容嬾恐絲綸趣召清都仙伯歸去朝天
夜半倩邦人挽取鰲頭醉扶玉腕

賀新郎

十日狂風雨埽園林紅香萬點送春歸去獨有

西樵語業

六

汲古閣

荼蘼開未到留得一分春住早楊柳趁晴飛絮
可奈暝埃欺畫永試薄羅衫子輕如霧驚舊恨
到睂宇東風臺榭知何處問燕鶯如今尚有
春光幾許可殺一年遊賞倦放得無情露醕爲
喚取扇歌裙舞乞得風光還兩眼待爲君滿把
金盃舉扶醉玉伴揮塵

又寄辛

潭州

夢裏驂鸞馭望蓬萊不遠翩然被風吹去吹到

楚樓煙月上不記人間何處但疑是蓬壺別所
縹緲霓裳天女隊奉一仙滿把流霞舉如喚我
醉中舞醉醒夢覺知何許問瀟湘今日誰與
主盟樽俎無限青春難老意擬倩管絃寄與待
新築沙堤穩步萬里雲霄都歷徧却依前流水
桃源路畱此筆爲君賦

念奴嬌

漢天雲靜望一星飛過湘南湘北當是郴山猿

西樵語業

七

汲古閣

鶴夢喚起日邊消息羽扇綸巾浩然蔡興此意
無人識扁舟千里但聞清夜橫笛記得天上
人間去年今日曾作稱觴客明月風煙依舊似
只覺蓬萊懸隔更恐明朝韶黃飛下趣駕冲霄
翼袞衣劔履望公長在南極

又

杏花楊柳對東風染盡一年春色彈壓煙光三
萬頃誰識清都仙伯夜泛銀潢手移星緯飛墮

從天闕御風樂興偶然身到鄉國 二年入樂
昇平舞臺歌榭處處紅牙拍壽酒千觴斟不盡
一醉何妨今夕夏約明年鳳皇池上去作稱觴
客梅花折得贈君調鼎消息

洞仙歌

芙蓉開了春未江梅透小小東風弄晴晝把萬
家和氣吹入笙歌爐裏都與慈闈做壽 黃
堂今日貴白著萊衣捧勸金船十分酒願從今

西樵語業

八

汲古閣

江海上日日韶華桃李逕總爲人間種就但看
取天邊老人星有一點台星共光南斗

又壽稼軒

帶湖佳處髣髴蓬島曾對金樽伴芳草見桃
花流水別是春風笙歌裏誰信東君會老 功
名都莫問總是神仙買斷風光鎮長好但如今
經國袖裏偷閑天不管怎得關河事了待貌
取精神上凌煙却旋買扁舟歸來聞早

鵲橋仙

忠歸時節乍寒天氣總是離人愁緒夜來無奈
被西風更吹做一簾秋雨 征衫拂淚闌干倚
醉羞對黃花無語寄書除是雁來時又只恐書
成雁去

又壽稼軒

築成臺榭種成花柳更又教成歌舞不知誰爲
帶湖仙收拾盡壺天風露 閑中得味酒中得

西樵語業

九

汲古閣

趣只恐天還也妬青山縱買萬千重遮不斷韶
書來路

蝶戀花

別范南伯

離恨做成春夜雨添得春江剗地東流去弱柳
繫船都不住爲君愁絕聽鳴榔 君到南徐芳
艸渡想得尋春依舊當年路後夜獨憐回首處
亂山遮隔無重數

又稼軒生間作首句
川丘六書中語

點檢笙歌多釀酒不放東風獨自迷楊柳院院
翠陰停永晝曲欄隨處堪垂手 昨日解醒今
夕又消得情懷長被春僂僂門外馬嘶人去後
亂紅不管花消瘦

又

萬點飛花愁似雨峭殺輕寒不會畱春住滿地
亂紅風埽聚只教燕子啣將去 獨倚闌干閑
自覩深院無人行到無情處簾外絲絲楊柳舞

西樵語業

十

汲古閣

又還裝點人情緒

千秋歲

代人
寫詩

五雲縹緲朝退金門曉歸未穩傳宣到龍樓陪
夕宴鳳沼吟春草人間世誰知自有蓬萊島
一盃宜勸了換得天顏笑人不老春長好從今
千百歲總是中書考瑤池會金盤剗薦安期棗

玉人歌

風西起又老盡籬花寒輕香細漫題紅葉句裏

意誰會長天不恨江南遠苦恨無書寄最相思
盤橘千枚膾鱸十尾 鴻雁阻歸計算愁滿離
腸十分豈止倦倚闌干顧影在天際凌煙圖畫
青山約總是浮生事判從今買取朝醒夕醉

點絳脣

邂逅開尊眼中有個人纖軟袖羅輕轉玉腕回
春煥 韵處無多只惱人腸斷詞將半近前相
勸撲撲清香滿

西樵語業

十一

汲古閣

又送別洪才之

水載離懷暮帆吹月寒欺酒楚梅春透忍放持
盃手 莫唱陽關免溼盈盈袖君行後邨人消
瘦不惱詩腸否

秦樓月

東風寂垂楊舞困春無力春無力落紅不管杏
花狼籍 斷腸芳艸萋萋碧新來怪底相思極
相思極冷煙池館又將寒食

浣溪沙

楊柳籠煙裊嫩黃
桃花蘸水染紅香
薄羅衫子日初長
飲盡東風三百盞
醉來愁斷幾回腸
教人獨自遣風光

又

三逕閑情傲落霞
五湖高興不浮家
自斟北斗浸丹砂
閑把胃中千澗壑
撰成醉處一生涯
雪樓風月篆崗花

西樵語業

十二

汲古閣

桃源憶故人

尊前未語眉先皺
只把橫波斜溜此意問春知
否蝶困蜂兒瘦
腿膝呷丁些來酒越會把人
僂僂有箇約伊時候夢裏來相就

踏莎行

宿鷺棲身飛鴻點淚不堪更
是重陽到一襟無處著
淒涼倚欄看盡斜陽倒
瘦減難豐悲傷易老
淡觴消得黃花笑
画眉人去玉篴存濃愁

如黛憑誰埽

減字木蘭花

月明如畫占斷小樓
僕把酒入眼人人如月
精神更有情
大家休睡畱到天明
和月醉生怕醒來
月到波心憶酒媒

生查子

金蓮照夜紅
玉腕扶春碧
曲妙遏雲行人好欺
花色歡生酒面濃
笑染爐香溼
飲盡十玻璃

西樵語業

十三

汲古閣

月墮東方白

柳梢青

生紫衫兒影
金領子著得偏宜
步穩金蓮香黑
紈扇舞轉花枝
捧盃更著腿膝唱一箇新行
耍詞玉骨冰肌好
天良夜怎不憐伊

相見歡

江湖萬里征鴻再相逢
多少風煙摸在笑談中
歌裙醉羅巾
淚別愁濃
瘦減腰圍不礙帶金

重

訴衷情

露珠點點欲團霜
分冷與紗窗
錦書不到腸斷
煙水隔茫茫
征燕盡塞鴻
翔盼風檣闌干曲
處又是一番倚盡斜陽

楊濟翁廬陵人也西樵乃清海府城西山名相去數百

里或曰曾派寓于此因以名集今亦無傳但其語業一

卷後遂可喜不作妖艷情態雖非詞家能品其品之

西樵語業

十四

汲古閣

間可想見云湖南毛晉識

西樵語業 終

竹屋癡語

目錄

齊天樂 三調

玉樓春 四調

玉蝴蝶 一調

臨江仙 二調

金人捧露盤 三調

鳳栖梧 三調

賀新郎 一調

喜遷鶯 二調

菩薩蠻 六調

青玉案 一調

醉落魄 一調

夜合花 一調

竹屋癡語目

一

花心動 一調

昭君怨 一調

杏花天 四調

祝英臺近 二調

江城子 一調

生查子 六調

解連環 二調

燭影搖紅 一調

憶秦娥 二調

清平樂 二調

更漏子 一調

東風第一枝 二調

山花子 一調

浣溪沙 五調

蘭陵王 二調

水龍吟 三調

汲古閣

聲聲慢	一調	隔浦蓮	一調
思佳客	六調	永遇樂	一調
玲瓏四犯	一調	御街行	二調
霜天曉角	三調	眼兒嬌	一調
卜算子	一調	西江月	一調
點絳脣	二調	踏莎行	二調
戀繡衾	一調	風入松	二調
南鄉子	一調	洞仙歌	一調
竹屋癡語目		汲古閣	
柳梢青	一調	少年遊	一調
訴衷情	一調	夜行船	一調
滿江紅	一調	酌江月	一調
謁金門	一調	畱春令	四調
太常引	一調	浪淘沙	一調
意難忘	一調	雨中花慢	一調
八歸	一調	瑞鶴仙	一調
竹屋癡語目錄	終		

竹屋癡語		宋 高觀國
齊天樂		
碧雲闌處無多雨愁與去帆俱遠倒葦沙閑枯		
蘭砌冷寥落寒江秋晚樓陰縱覽正魂怯清吟		
病多依黯怕揖西風袖羅香自去年減風流		
江左久客舊遊得意處朱簾曾捲載酒春情吹		
簫夜約猶憶玉嬌香臉塵樓故苑嘆壁月空簷		
竹屋癡語		汲古閣
夢雲飛觀送絕征鴻楚峰煙數點		
又菊		
叢幽一笑東籬曉霜華又隨香冷暈色黃嬌低		
枝翠婉來趁登高佳景誰偏管領是彭澤歸來		
未荒三徑最悵清觴道家標致自風韻南山		
依舊翠倚採花無限思西風吹醒萬蕊金寒三		
秋夢好曾記餐英清詠關斑淚沁怕節去蜂愁		
雨荒煙暝明日重陽爲誰簪短鬢		

又中秋夜
懷梅溪

晚雲知有關山念澄霄捲開清霽素景分中冰
盤正溢何管嬋娟千里危欄靜倚正玉筵吹涼
翠觴留醉記約清吟錦袍初喚醉魂起孤光
天地共影浩歌誰與舞淒涼風味古驛煙寒幽
垣夢冷應念秦樓十二歸心對此想斗插天南
雁橫遶水試問姮娥有愁能爲寄

時刻或于孤
光天地共影

下分
段非

竹屋癡語

二

汲古閣

玉樓春
擬宮詞

幾雙海燕來金屋香滿離宮三十六春風剪草
碧纖纖春雨浥花紅撲撲
衛姬鄭女腰如束
齊唱陽春新製曲曲終移宴起笙簫花下晚寒
生翠縠

又海棠題寅
餘桂曲

胭脂染出春風錦生怕黃昏人有恨雨難揩淚
玉環嬌煙不遮愁紅袖冷
醉魂吹斷香魂靜

拂拂翠眉羞帶粉最怜新燕識風流只爲春寒
消瘦損

又春思

多時不踏章臺路依舊東風芳草渡鶯聲喚起
水邊情日影炙開花上霧
謝娘不信佳期誤
認得馬嘶迎繡戶今宵翠被不春寒只恐香穠
春又去

又憶舊

竹屋癡語

三

汲古閣

春煙澹澹生春水曾記芳洲蘭棹艤岸花香到
舞衣邊汀草色分歌扇底
棹沉雲去情千里
愁壓雙鴛飛不起十年春事十年心怕說濺裙
當日事

玉蝴蝶
秋思。時
刻不載

喚起一襟涼思未成晚雨先做秋陰楚客悲殘
誰解此意登臨古臺荒斷霞斜照新夢黯微月
疎砧總難禁盡將幽恨分付孤斟
從今倦看

青鏡既遲勛業可負煙林斷梗無憑歲華搖落
又驚心想尊汀水雲愁凝閒蕙帳猿鶴悲吟信
沉沉故園歸計休更侵尋

臨江仙

東越道中

俱是洛陽年少客才華迥出天真青衫慣拂軟
紅塵酒狂因月舞詩俊爲梅新寄語長安風
月道鶚花緩作青春披風沐露問前津客中春
不當歸去倍還人

竹屋癡語

四

汲古閣

又

風月生來人世夢魂飛墮仙津青春日醉芳
塵一鞭花陌曉雙漿柳橋春前度詩留醉袖
昨宵香泛羅巾小姬飛燕是前身歌隨流水咽
眉學遠山顰

金人捧露盤

水仙花

夢湘雲吟湘月吊湘靈有誰見羅襪塵生凌波
步弱背人羞整六銖輕娉娉裊裊暈嬌黃土色

輕明 香心靜波心冷琴心怨客心驚怕珮解
却返瑤京盃擎清露醉春蘭友與梅兄蒼煙萬
頃斷腸是雪冷江清

又

梅花

念瑤姬翻瑤珮下瑤池冷香夢吹上南枝羅浮
夢杳憶曾清曉見仙姿天寒翠袖可憐是倚竹
依依 溪痕淺雪痕凍月痕淡粉痕微江樓怨
一笛休吹芳信待寄玉堂煙驛雨淒淒新愁萬
竹屋癡語

五

汲古閣

又

楚宮閉金成屋玉爲欄斷雲夢容易驚殘驪歌
幾疊至今愁思怯陽關清音恨阻抱哀箏知爲
誰彈 年華晚月華冷霜華重鬢華斑也須念
閒損離鞍斜緘小字錦江三十六鱗寒此情天
闌正梅信笛裏關山

鳳栖梧

雲喚陰來鳩喚雨謝了江梅可踏江頭路拚却
一番花信阻不成日日春寒去見說東風桃
葉渡岸隔青山依舊修眉婦婦雁不如爭上柱
一行常見相思苦

又
通卷

巖室歸來非待聘渺渺千崖漠漠江千頃明月
清風休弄影只愁踏破蒼苔徑摘取香芝醫
鶴病正要臞仙相伴清閒性朝市不聞心耳靜

竹屋癡語

汲古閣

一聲長嘯煙霞冷

又
高頭印席
長翁同賦

西子湖邊眉翠嫵魂冷孤山誰是風煙主相喚
吟詩天欲雨嫩涼不隔鷗飛處移下天孫雲
錦渚翠蓋牽風綽約凌波女清約已成君記取
月明夜半魚龍舞

賀新郎

賦

月冷霜袍擁見一枝年華又晚粉愁香凍雲隔

溪橋人不度的曉春心未縱清影怕寒波搖動
更沒纖毫塵俗態倚高情預得春風寵沉凍蝶
挂么鳳一盃正要吳姬捧想見郎柔酥弄白
暗香偷送回首羅浮今在否寂寞煙迷翠壠人
爭奈桓伊三弄開遍西湖春意爛算羣花正作
江山夢吟思怯算雲重

喜遷鶯

代人吊西湖歌者

竹屋癡語

七

汲古閣

煙啼月長是爲春消黯玉骨瘦無一把粉淚愁
多千點可憐損任塵侵粉蠹舞裙歌扇轉盼
塵夢斷峽裏雲歸空想春風面燕子樓空玉臺
粧冷湖外翠峰眉淺綺陌斷魂名在寶篋返魂
香遠此情苦問落花流水何時重見

又
懷秋

涼雲歸去再約著晚來西樓風雨水靜簾陰鷗
閒菰影秋到露汀煙浦試省喚回幽恨盡是愁

邊新句倦登眺動悲涼還在殘蟬吟處 淒楚
空見說香鎖霧縠心似秋蓮苦寶瑟彈冰玉臺
窺月淺淡可怜偷聚幾時翠溍題葉無復繡簾
吹絮鬢華晚念庾郎情在風流誰與

菩薩蠻

春思

春風吹綠湖邊草春光依舊湖邊道玉勒錦障
泥少年遊冶時 煙明花似繡且醉旗亭酒斜
日照花西歸鴉花外啼

竹屋癡語

八

汲古閣

又蘇堤
芙蓉

紅雲半壓秋波碧豔粧泣露嬌啼色佳夢入仙
城風流石曼卿 宮袍呼醉醒休捲西風錦明
日粉香殘六橋煙水寒

又水晶
粉

玉鱗熬出香凝軟并刀斷處冰絲顫紅縷間堆
盤輕明相映寒 纖柔分勸處膩滑難停筇一
洗醉魂清真成醒酒冰

又

玉欄秋色知誰主隔欄一架蒲萄雨綠蘚怕啼
蟬可堪宮漏長 烏絲吟古怨清淚消塵硯夢
冷不成雲□峯峯外情

又
秋中

何須急管吹雲暝高寒灩灩開金餅今夕不登
樓一年空過秋 桂花香霧冷梧葉西風影客
醉倚河橋清光愁玉簫

竹屋癡語

九

汲古閣

又詠雙心
水仙

雲嬌雲嫩羞相倚凌波共酌春風醉的蝶玉臺
寒肯教金釵單 只疑雙蝶夢翠袖和香擁香
外有鴛鴦風流煙水鄉

青玉案

平生似欠西湖債每拚了金貂解嫵媚煙雲多
變態雕鞍來處画船歸去花柳春風隘 玉京
相接蓬壺界入画遙山翠分黛蘇小不來時節

改一堤風月六橋煙水鷺約鷗盟在

醉落魄

鈎簾翠溼寒江上雨晴風急亂峰低處明殘日
雁字成行界破暮天碧故人天外長爲客倚
欄一望情何極新來得個歸消息去棹回舟數
過幾千隻

夜合花

斑駁雲開濛濛雨過海棠花外寒輕湖山翠暝

竹屋癡語

十

汲古閣

東風正要新晴又喚醒舊遊情記年時今日清
明隔花陰殘香隨笑語特地逢迎人生好景
難并依舊秋千巷陌花月蓬瀛春衫抖擻餘香
半染芳塵念嫩約杳難憑被幾聲啼鳥驚心一
庭芳草危欄晚日無限消凝

花心動

意

碧蘚封枝點寒英疎疎玉清冰溼夢憶舊家春
與新恩曾映壽陽粧額綠魂青袂南隣伴應怪

我精神都別恨衰晚春風意思頓成羞怯猶

念橫斜性格惱和靖吟魂自來清絕斜傍勁松

偷倚修篁總是歲寒相識綠陰結子當時意到

如今芳心銷歇小橋夜清愁倦陪澹月

昭君怨

題春波
獨載圖

一棹莫愁煙艇飛破玉壺清影水濺粉消寒紗
雲鬟不肯凌波微步却載春愁歸去風澹楚

魂驚隔瑤京

竹屋癡語

十一

汲古閣

杏花天

春愁

霽煙消處寒猶嫩乍門巷悄悄畫永池塘芳草
魂初醒秀句吟春未穩仙源阻春風瘦損又
燕子來無芳信小桃也自知人恨滿面羞紅難
問

又

遠山學得脩眉翠看眉展春愁無際雨痕半溼
東風外不管梨花有淚西園路青鞵暗記怕

行入秋千徑裏一春多少相思意說與新來燕子

又題杏花春禽
扇面挂軸

花凝露溼胭脂透是綵筆丹青染就粉綃怕入
班姬手舒卷清寒時候春禽靜來窺晴晝閒
冷落芳心知否不愁院宇東風驟日日嬌紅如
舊

又杏
花

竹屋癡語

十二

汲古閣

玉壇消息春寒淺露紅玉嬌生靚豔小怜鬢溼
胭脂染只隔粉牆相見花陰外故宮夢遠想
未識鸞鸞燕燕飄零翠徑紅千點桃李春風已
晚

祝英臺近

荷

擁紅粧翻翠蓋花影暗南浦波面澄霞蘭艇採
香去有人水濺紅裙相招晚醉正月上涼生風
露兩凝佇別後歌斷雲閒嬌姿黯無語魂夢

西風端的此心苦遙想芳臉輕顰凌波微步鎮
輸與沙邊鷗鷺

又閨
思

一窗閒孤燼冷獨自箇春睡繡被熏香不似舊
風味靜聽滴滴簷聲驚愁攪夢更不管庾郎心
醉念芳意一併十日春寒梅花照顚顚嬾做
新詞春在可憐裏幾時挑菜踏青雲沉雨斷盡
分付楚天之外

竹屋癡語

十三

汲古閣

江城子

代作

綠鼓籬菊點嬌黃過重陽轉愁傷風急天高歸
雁不成行此去郎邊知近遠秋水闊碧天長
郎心如妾妾如郎兩離腸一思量春到春愁秋
色亦淒涼近得新詞知口怨妾無訴泣蘭房

生查子

詞

野泉春吐芽泥溼隨飛燕碧澗一盃羹夜韭無
人剪玉釵和露香鵝管隨春軟野意重慙慙

持以君王獻

又

芙蓉羞粉香倚竹窺煙霽眼帶楚波寒骨豔春風醉誰傳側帽情想解遺鞭意紅葉可憐秋不寄相思字

又 史補之席上歌者贈雲頭香乞詞

蓬萊一捻雲徹骨龍涎染風味韻而芳笑語柔而婉花嬌綠鬢寒酒凝清歌怨翠幄已煙穠

竹屋癡語

十四

汲古閣

銀燭重休剪

又 本

春籠雲潤香露溼青蛟瘦偷學漢宮粧舞徹霓裳後酥胸紫領巾冰剪柔荑手有意入羅囊不肯成春酒

又

飛花澹澹風被暝疎疎雨香潤玉堦塵翠溼紗窗霧鈿箏離雁行寶篋留釵股唯有鳳樓魂

夜夜江南路

又 梅次韵

香驚楚驛寒瘦倚湘筠算一笛已黃昏片月尤清楚沉沉冰玉魂漠漠煙雲浦酸淚不成彈又向春心聚

解連環 柳

露條煙葉惹長亭舊恨幾番風月愛細縷先宰輕黃漸拂水藏鴉翠陰相接纖軟風流眉黛淺

竹屋癡語

十五

汲古閣

三眠初歇奈年華又晚繁華遊蜂絮飛晴雪依依灞橋怨別正千絲萬緒難禁愁絕悵歲久應長新條念曾繫花驄屢停蘭橈弄影搖晴恨閒損春風時節隔郵亭故人望斷舞腰瘦怯

又 春本

浪搖新綠漫芳洲翠渚雨痕初足蕩霽色流入橫塘看風外漪漪皺紋如縠藻荇縈迴似留戀鴛飛鷗浴愛嬌雲蘸色媚日接藍遠迷心目

仙源漾舟岸曲照芳容幾樹香浮紅玉記那回
西洛橋邊濺裙翠傳情玉纖輕掬三十六陂錦
鱗渺芳音難續隔垂楊故人望斷漫愁千斛

燭影搖紅

別浦潮平遠村帆落煙江冷征鴻相喚著行飛
不耐霜風緊雲意垂垂未定正慘慘雲橫疎影
酒醒情緒日晚登臨淒涼誰問行樂京華軟
紅不斷香塵噴試將心事卜歸期終是無憑準
竹屋癡語
十六
汲古閣
寥落年華將盡誤玉人高樓凝恨第一休負西
子湖邊江梅春信

憶秦娥

棲鳥驚隔窗月色寒於冰寒於冰澹移梅影冷
印疎櫺幽香未覺魂先清無端勾起相思情
相思情惱人無睡直到天明

又舟中書事

歌聲闌蘭舟只隔芙蓉灣芙蓉灣扇搖波影風

捲雲鬟餘音嫋嫋留飲歡雙鴛飛處傳情難
傳情難曲終人去愁寄湖山

清平樂

秋葉

盤枝剪翠葉葉西風意吹上玉人雲鬢底無限
新涼氣味飄蕭露捲煙柔絕憐不逐宮流寄
語多情宋玉悲秋得似宜秋

又

春滿雨溼燕子低飛急雲壓前山羣翠失煙水

竹屋癡語

十七

汲古閣

滿湖輕碧小蓮相見灣頭清寒不到青樓請
上琵琶絲索今朝破得春愁

更漏子

玉簫閒清韻咽人倚画欄愁絕雲惱月月羞雲
半溪梅影昏恨春風蕭散後夜夜數殘更漏
情悄悄思依依天寒一雁飛

東風第一枝

爲梅溪壽

玉潔生英冰清孕秀一枝天地春早素盟江國

芳寒舊約漢宮夢曉溪橋獨步看灑落仙人風
表似妙句何遜揚州最惜細吟清峭 香暗度
照影波渺春暗寄付情雲杳愛隨青女橫陳更
憐素娥窈窕調羹雅意好贊助清時廊廟羨韵
高只有松筠共結歲寒難老

又 壬戌立春日訪
梅溪雨中同賦

燒色回清水痕綻白嬌雲先釀酥雨縱寒不壓
葭塵應時已鞭黛土東君入夜怕預惱詩邊心

竹屋癡語

十八

汲古閣

緒意轉新無奈吟魂醉裏已題春句 香夢醒
幾花暗吐綠睡起幾絲偷舞酒醅清惜重斟菜
甲嫩憐細縷玉纖絲勝願歲歲春風相遇要等
得明日新晴第一待尋芳去

山花子

嫋嫋天風響珮環鵲橋有女夜窠鸞也恨別多
相見少似人間 銀浦無聲雲路渺金風有信
玉機閒生怕河梁分袂處曉光寒

浣溪沙

遮坐銀屏度水沉障風羅幙皺沉金日遲宮院
靜愔愔 繁杏半窺紅日薄小憐低唱綠窗深
試拈犀管寫春心

又

魂是湘雲骨是蘭春風冰玉注芳顏誰招仙子
在人間 濺水裙兒香霧皺唾花衫子碧雲寒
洞簫聲絕却駢鸞

竹屋癡語

十九

汲古閣

又

偷得韓香惜未燒吹簫人在月明橋草芳似待
玉驄驕 吹絮繡簾春澹澹隔香羅帳夜迢迢
楚魂須著楚詞招

又

雲外峰巒翠欲埋雨沾黃葉溼青鞋小驚春色
入寒荂 風月愁新空雁字神仙夢冷憶鸞釵
淒涼不是好情懷

又題湖樓壁

一色煙雲澹不消
兩峰眉黛爲誰嬌
春寒猶占木蘭燒
燕子似甘愁寂莫
海棠未肯醉妖嬈
小園嫩約尙蕭條

蘭陵王

爲十年故人作

鳳簫咽花底寒輕
夜月蘭堂靜香霧翠深曾與
瑤姬恨輕別羅巾淚暗疊
情人歌聲怨切慙勤
意欲去又留柳色和秋爲重折
十年迥淒絕

竹屋癡語

二十

汲古閣

念髻怯瑤簪衣腿香空雙鱗不度煙江闊
自春來人見水邊花外羞倚東風翠袖怯
正愁恨時節南陌阻金勒甚望斷青禽難倩
紅葉春愁欲解丁香結整新歡羅帶舊香官篋淒涼風景
待見了更何說

又春雨

洒塵閣羃羃天垂似幕
春寒峭吹斷萬絲溼影
和煙暗簾箔清愁曉來覺
佳景惜惜過却芳郊

外鷺恨燕愁不管秋千冷紅索
行雲楚臺約

念今古凝情朝暮如昨啼紅溼翠春情薄
謾一

犁江上半篙堤外勾引輕陰趁算角正孤緒寂

莫斑駁止還作聽點點簷聲沉沉春酌只愁

入夜東風惡怕催教花放趁將花落溟濛煙草

夢正遠恨怎托

水龍吟

集意

舊家心緒如雲乍舒乍卷初無定西郊載雨東

竹屋癡語

二十一

汲古閣

城隔霧還開晴景愛惱花陰喜移月地朦朧清

影任無心有意溶溶曳曳蕭散處有誰問朝

暮如今難准枉教他慣春人恨遠峰依舊前蹤

何枉有時愁凝此興飄然不妨吹斷一川輕暝

待良宵再入高唐夢裏覓巫陽信

又爲放翁詩

道山玉府真仙去年再屢論思地西清禁域香
淙名重年高身退玉振金聲水增川湧德兼才

貴愛知章引去安單穩駕軒冕付談笑外 蘭
玉孫枝競秀奉親歡萊衣同戲蓬萊東接苧蘿
西顧三山聳翠賜杖清朝命堂綠野放懷高致
似太公出將衛公入相爲蒼生起

又爲夢
菴壽

夜來曾跨青虬海風嫋嫋吹襟袖蓬萊誤入羣
仙爭問劉郎安否玉塵冰壺日庭星角孕成奇
秀看丹分寶鼎錄傳秘篋聞重寄長生酒 崑

竹屋癡語

二十二

汲古閣

夢驚回晚漏正長庚輝纏南斗祥開華旦菊香
秋杪張黃霜後筆埽龍蛇句裁螭錦俊才誰右
看功勛繡衮家聲再振數千齡壽

聲聲慢

元夕

壺天不夜寶炬生香光風蕩搖金碧月灩水痕
花外峭寒無力歌傳翠簾盡捲誤驚回瑤臺仙
跡禁漏促拚千金一刻未耐佳夕 捲地香塵
不斷最得意輸他五陵狂客楚柳吳梅無限眼

邊春色鮫綃暗中寄與待重尋行雲消息乍醉
醒怕南樓吹斷曉笛

隔浦蓮

七夕

銀灣初霽暮雨鵲赴秋期去淺月窺清夜涼生
一天風露纖巧雲暗度河橋路縹緲鸞女正
容與 西廂舊約玉嬌誰見私語柔情不盡好
似冰綃雲縷回首天涯又怨阻無語西風魂斷
機杼

竹屋癡語

二十三

汲古閣

思佳客

秋扇

入手西風意已羞不須玉斧爲重修撲螢涼夜
沉沉月障面清歌澹澹秋 休棄置且遲留可
憐又向篋中收莫教暗損羅帶女漢殿淒涼萬
古愁

又

題大真
出浴圖

寫出梨花雨後情凝脂洗盡見天真春從翠髻
堆邊見嬌自紅綃脫處生 天寶夢馬嵬塵斷

魂無復到華清恰如佇立東風裏猶聽霓裳羯鼓聲

又

有約湖山却解襟晝眠占得一庭深樹邊風色
寒滋味愁裏年華雁信音驚楚夢聽瑤琴黃
花尙可伴孤斟斷雲萬一成疎雨却向湖邊看
晚陰

又

竹屋癡語

二十四

汲古閣

剪翠衫兒穩四停最憐一曲鳳清吟同心羅帕
輕藏素合字香囊半影金春思倩畫窗深誰
能拘束少年心鬢來驚碎風流膽踏動櫻桃葉
底鈴

又立秋前一日西湖

不肯樓邊看画船載將詩酒入風煙浪花濺白
凝飛鷺荷葉藏紅似小蓮醒醉夢喚吟仙先
秋一葉莫驚蟬白雲鄉裏溫柔遠結得清涼世

界緣

又中秋後一日借月意

白玉樓臺知幾重夜來望斷廣寒宮一分乍闕
嬋娟影二八尤宜冰雪容雲鬢露口釵風水
晶簾幙正玲瓏慙勤再爲天香醉可惜清光付
曉鐘

永遇樂次韻吊青樓

竹屋癡語

二十五

汲古閣

淺暈修蛾脆痕紅粉猶記窺戶香斷奩空塵生
砌冷誰喚青鸞舞春風花信秋宵月約歷歷此
心曾許啣芳恨千年怨結玉骨未應成土木
蘭艇子莫愁何在謾繫寒江煙樹事逐雲沉情
隨佩冷短夢分今古一盃遙夜孤光難曉多少
碎人腸處空淒黯西風細雨盡吹淚去

玲瓏四犯

水外輕陰做弄得飛雲吹斷晴絮駐馬橋西還
繫舊時芳樹不見翠陌尋春問著小桃無語恨

燕鷺不識閒情却隔亂紅飛去 少年曾失春
風意到如今怨恨難訴魂驚冉冉江南遠煙草
愁如許此意待寫翠牋奈斷腸都無新句問甚
時舞鳳歌鸞花裏再看仙侶

御街行
賦簾

香波半窄深深院正日上花陰淺青絲不動玉
鈎閒看翠額輕籠蔥蒨鶯聲似隔篆煙微度愛
橫影參差滿 邨回低挂朱欄畔念悶損無人

竹屋癡語

二十六

汲古閣

捲窺春偷倚不勝情彷彿見如花嬌面纖柔緩
揭簷然飛去不似春風燕

又
賦輪

藤筠巧織花紋細稱穩步如流水踏青陌上雨
初晴嫌怕溼文鴛雙履要人送上逢花須住纔
過處香風起 裙兒挂在簾兒底更不把窗兒
閉紅紅白白簇花枝恰稱得尋春芳意歸來時
晚紗籠引道扶下人微醉

霜天曉角
春晴

春雲粉色春水和雲溼試問西湖楊柳東風外
幾絲碧 望極連翠陌蘭橈雙槳急欲訪莫愁
何處旗亭在画橋側

又

爐煙浥溼花露蒸沉液不用寶釵翻炷閒窗下
嫋輕碧 醉拍羅袖惜春風偷染得占取風流
聲價韓郎是舊相識

竹屋癡語

二十七

汲古閣

又
九日蘇堤

霜清水碧冷浸紅雲溼休說季倫錦帳山南岸
更花密 露滴空翠幕兩峰開霽色不爲穠粧
一醉西風帽爲誰側

眼兒嬌

輕雲終被斷雲留不肯放春愁翠樓舊倚粉牆
重見歌酒風流 今朝畢竟吟情澹芳意未全
酬東風向晚鷺花有意吹轉船頭

卜算子

泛西湖坐間寅坐同賦○花菴作春晚

屈指數春來
彈指驚春去
檐外蛛絲網
落花也
要留春住
幾日喜春晴
幾夜愁春雨
十二雕窗六曲屏
題遍傷春句

西江月

小舫半簾山色
斷橋兩岸秋陰
芙蓉消息已愁
深紅染雲機翠錦
幾度煙波共酌
半生風月
關心飛來鷗鷺
足知因一笑歌邊醉醒

竹屋癡語

二十八

汲古閣

點絳脣

天外青鸞幾時常
向人間住
斷歌零舞月上欄
陰暮
顚顚潘郎不解爲花主
知何處夢雲愁
雨怕向西樓去

又

釣月蓬間載詩却向旗亭醉
翠蒲陰外莫放雙鷗起
水佩仙裳洒落煙雲意
來相試玉綃新

製要寫蓬壺記

踏莎行

九日西山

水減堤痕秋生屐齒
瘦筇喚起登高意
翠微煙冷夢淒涼
黃花香晚人顚顚
懷古風流悲秋
情味紫萸更勸入旗亭
醉玉人相見說新愁可憐
又溼西風淚

又

花染煙香柳搖風翠
春工寫出清明意
翠灣還趁画舸開粉牆
到處驕驄繫
歌喚紅裙酒招

竹屋癡語

二十九

汲古閣

青旆吟情又許春風醉
何妨日日爛芳遊
今宵先向西城睡

戀繡衾

碧梧偷戀小窗陰
恨芭蕉不展寸心暗語近陽
臺遠奈秋宵砧斷漏沉
月明欲教吹簫去隔
驂鸞空留怨音從此是天涯阻
這一場愁夢更深

風入松

春晴

捲簾日日恨春陰寒食新晴馬蹄只向南山去
長橋愛花柳多情紅外風嬌日暝翠邊水秀山
明 杜郎歌酒過平生到處蓬瀛醉魂不入重
城曉穠歡寄桃葉桃根繡被嫩寒清曉鸞聲喚
醒春醒

又聞鄰女
吹笛

粉嬌曾隔翠簾看橫玉聲寒夜深不管柔荑冷
櫻朱度香噴雲鬟霜月搖搖吹落梅花簌簌驚
竹屋癡語

三十

汲古閣

殘 蕭郎且放鳳簫閒何處鸞鸞靜聽三弄霓
裳罷魂飛斷愁裏關山三十六宮天近念奴却
在人間

南鄉子

賦十
四絃

直柱倚冰絃曾見胡兒馬上彈却笑琵琶風韻
古濺濺想像湘妃水一簾 寒恨曲中傳兩摺
琴絲費玉纖不似江南風月好厭厭拍手齊看
舞袖邊

洞仙歌

題

輕痕淺暈偷染春風面恰似西施影兒現擬新
粧臨鑑一段天真閒態度長恁香嬌玉軟 從
今懷袖裏不暫相離似笑如顰在舒卷願芳容
不老只似如今嬌不語無奈情深意遠便雨隔
雲疎暫分攜也時展丹青見伊一見

柳梢青

柳

翠拂晴波煙垂古岸灞橋春色斜帶鴉啼亂紫
竹屋癡語

三十一

汲古閣

鸞夢愁絲如織 爲憐張緒風流正瘦損宮腰
褪碧綻綰同心留連不住天涯行客

少年遊

草

春風吹碧春雲映綠曉夢入芳煙軟襯飛花遠
連流水一望隔香塵 萋萋多少江南舊恨翻
憶翠羅裙冷落閒門淒迷古道煙雨正愁人

訴衷情

西樓楊柳未勝煙寒峭落梅天東風渡頭波晚

一棹木蘭船 花態度酒因緣足春憐屏開山
翠雨怯雲嬌盡付愁邊

夜行船

剪水天風吹醉醒高樓外凍雲愁凝袖口香寒
歌喉春暝不管雁邊寒緊 瓊屑瑤花飛碎影
應須待玉田千頃小約梅英教吟柳絮春在繡
紅鴛錦

滿江紅

竹屋癡語

三十二

汲古閣

擊碎空明滄浪晚棹歌飛入西山外紫霞吹斷
赤塵無迹飛上冰輪涼世界喚回天籟清肌骨
看驪珠影墮冷光斜蛟龍窟 長嘯外綸中側
輕露下纖絳溼聽洞簫聲在臥虬陰北千萬江
妃留醉夢二三沙鳥驚吟魄任天河落盡玉盃
空東方白

醉江月

靈岩
吊古

萬岩靈秀拱崇臺飛觀憑陵千尺清磬一聲簾

幕冷無復宮娃消息響屨廊空採薌徑古塵土
成遺跡石閒松老斷雲空鎖愁寂 專寵誰比
輕輦楚腰吳豔一笑無顏色風月荒涼羅綺夢
輪與扁舟歸客舞闌歌殘國傾人去青草埋香
骨五湖波淼遠空依舊涵碧

謁金門

煙墅暝隔斷仙源芳徑雨歇花梢魂未醒溼紅
如有恨 別後香車誰整怪得画橋春靜碧漲

竹屋癡語

三十三

汲古閣

平湖三十頃歸雲何處問

留春令

淮南
道中

斷霞低映小橋流水一川平遠柳影人家起炊
煙髣髴似江南岸 馬上東風吹醉面問此情
誰管花裏清歌酒邊情又何日重相見

又

粉綃輕試綠裙微褪吳姬嬌小一點清香著芳
魂便添起春懷抱 玉臉窺人舒淺笑寄此情

天渺酒醒羅浮角聲寒正月挂南枝曉

又

玉清水瘦洗粧初見春風頭面等得黃昏月溪
寒愛顧影臨清淺 歷盡冰霜空羞怨怨粉香
消減江北江南舊情多奈笛裏關山遠

又

玉妃春醉夜寒吹墮江南風月一自情留館娃
宮在竹外尤清絕 貪睡開遲風韻別向杏花

竹屋癡語

三十四

汲古閣

休說角冷黃昏豔歌殘怕驚落胭脂雪

太常引

玉肌輕襯碧霞衣似爭駕翠鸞飛羞問武陵溪
笑女伴東風醉時 不飄紅雨不貪青子冷淡
却相宜春晚湧金池問一片將愁寄誰

浪淘沙

杜鵑花

啼魄一天涯怨入芳華可憐零血染煙霞記得
西風秋露冷曾浣司花 明月滿窗紗倦客思

家故宮春事與愁賒冉冉斷魂招不得翠冷紅
斜

意難忘

贈代

仙子奇容是名花第一美占春風煙香籠淺罩
露靚浥芳紅憐舞燕惜驚鴻想獨步吳宮料認
得嬌雲媚雨來自巫峰 風流正與歡濃羨高
樓並倚曲影欄東燭搖留醉枕塵陰戀歌鍾三
弄笛五花聽莫行樂匆匆但看取天長地久笑
竹屋癡語

三十五

汲古閣

語相逢

雨中花慢

旆拂西風客應漢星行參玉節征鞍緩帶輕裘
爭看盛世衣冠吟倦西湖風月去看北塞關山
過離宮禾黍故壘煙塵有淚應彈 文章俊偉
穎露囊鋒岩動萬里呼韓知素有平戎手段小
試何難情寄吳梅香冷夢隨隴雁霜寒立勛未
晚歸來依舊酒社詩壇

八歸 重陽前一日懷梅溪

楚峯翠冷吳波煙遠吹袂萬里西風關河迥隔
新愁外遙憐倦客音塵未見征鴻雨帽風巾歸
夢杳想吟思吹入飛蓬料恨滿幽苑離宮正愁
黯文通 秋濃新霜初試重陽催近醉紅偷染
江楓瘦筇相伴舊遊回首吹帽知與誰同想更
囊酒醖暫時冷落菊花叢兩疑佇壯懷立盡微
雲斜照中

竹屋癡語

三十六

汲古閣

瑞鶴仙 節枝

一枝蒼玉冷愛露節霜根從他孤勁提攜遠塵
境自清癯骨力歲寒心性登臨助興甚偏與芒
屨相稱笑葛洪陂外騰飛渺渺水間煙迥 尋
勝撥開林影斷破苔痕緩支幽徑分雲度嶺待
隨處問梅信任香挑村醕寒抱夜月識盡江山
好景扣禪關約折歸來萬緣自靜

賓王詞草堂集不多選入如玉樹蝶坊刻竟逸去

又如杏花天思佳客諸作混入他人先輩多指此

既時本之誤陳造序云高竹屋與史梅溪皆周秦
之詞所作要是不經人道謬其妙處少游美成亦
未及也湖南毛晉識

竹屋癡語

三十六

汲古閣

竹屋癡語 終

夢窗甲藁

目錄

鎖寒窗

尉遲杯

渡江雲

霜葉飛

瑞鶴仙

五調

滿江紅

解連環

二調

夜飛鵲

一寸金

二調

遠佛閣

拜新月慢

水龍吟

五調

夢窗甲藁目

解語花

汲古閣

玉燭新

宴清都

三調

慶宮春

齊天樂

五調

歸花遊

四調

應天長

風流子

二調

過秦樓

還京樂

塞翁吟

丁香結

六么令

隔浦蓮近

荔枝香近

二調

浪淘沙慢

西平樂慢

瑞龍吟

二調

大舖

二調

解蹀躞

倒犯

花犯

二調

浣溪沙

四調

玉樓春

點絳脣

二調

訴衷情

三調

夜遊宮

二調

醉桃源

三調

如夢令

望江南

二調

定風波

月中行

夢窗甲藁目

菩薩蠻

汲古閣

虞美人

婆羅門引

二調

二調

賀新郎

二調

祝英臺近

二調

西子粧慢

江南春

夢芙蓉

高山流水

霜花腴

澡蘭香

玉京謠

探芳新

鳳池吟

念奴嬌

惜紅衣

江南好

雙雙燕

洞僊歌 二調

夢窗甲藁目

三

汲古閣

夢窗甲藁目錄 終

夢窓甲藁

宋 吳文英

。鎖寒窓 玉蘭

紺縷堆雲清顯潤玉記人初見蠻腥未洗梅谷
一懷悽惋渺征槎去乘閒風占香上國幽心展
遺芳揜色真姿凝淡返魂騷晚一盼千金換
又笑伴鷗夷共歸吳苑離煙恨水夢杳南天秋
晚比來時瘦肌更銷冷薰沁骨悲鄉遠最傷情
夢窓甲藁 汲古閣

送客咸陽佩結西風怨

尉遲杯 賦楊公小蓬萊

垂楊逕洞鑰啟時遣流鶯迎洎洎暗谷流紅應
有緗桃千頃臨池笑靨春色滿銅華弄妝影記
年時試酒新陰褪花曾采新杏 蛛窓繡網玄
經纔石研開奩雨潤雲凝小小蓬萊香一掬愁
不到朱嬌翠靚清樽伴人間永日斷琴和碁聲
竹露冷笑從前醉臥紅塵不知仙在人境

渡江雲

西湖清明

羞紅顰淺恨。晚風未落。片繡點重茵。舊隄分燕尾。桂棹輕鷗。寶勒倚殘雲。千絲怨碧。漸路入仙塢。迷津。腸謾回。隔花時見。背面楚腰身。逡巡題門惆悵。墮履牽縈。數幽期難准。還始覺畱情緣寬。帶眼因春。明朝事與孤煙冷。做滿湖風雨。愁人。山黛暝。澄波淡綠。無痕。

霜葉飛

重九

夢窓甲藁

二

汲古閣

斷煙離緒。關心事。斜陽紅隱霜樹。半壺秋水薦黃花。香噴西風雨。縱玉勒輕飛迅。羽悽涼誰弔。荒臺古。記醉踏南屏彩扇。咽寒蟬。倦夢不知蠻素。聊對舊節傳杯。塵牋蠹管。斷關經歲慵賦。小蟾斜影轉東籬。夜冷殘蛩語。早白髮緣愁萬縷。驚颺從捲烏紗去。謾細將茱萸看。但約明年翠微高處。

瑞鶴仙

秋感

淚荷拋碎壁。正漏雲篩雨。斜梢窓隙。林聲怨秋色。對小山不迭。寸眉愁碧。涼欺岼憤。暮砧催銀屏翦尺。最無聊。燕去堂空。舊幙暗塵羅額。行客西園有分。斷柳凄花。似曾相識。西風破屐。林下路。水邊石。念寒蛩殘夢。歸鴻心事。那聽江村夜笛。看雪飛。蘋底蘆稍。未如鬢白。

又春感

夢窓甲藁

三

汲古閣

晴絲牽緒亂。對滄江斜日。花飛人遠。垂楊暗笑苑正旗亭。烟冷河橋風暖。蘭情蕙盼。惹相思春根酒畔。又爭如。吟骨縈消。漸把舊衫重翦。漢斷流紅千浪。缺月孤樓。總難畱燕。歌塵凝扇。待憑信。拚分鈿。試挑燈欲寫。還依不忍。牋幅偷和淚捲。寄殘雲。刺雨蓬萊也。應夢見。

又贈絲鞋莊生

藕心抽瑩璽。引翠鉞行處。冰花成片。金門從迴輦。兩玉鳬飛上。繡絨塵軟。絲絢侍宴。曳天香春

風宛轉。傍星辰。直上無聲。緩躡素雲歸晚。寄
跡平康得意。醉踏香泥。潤紅沾線。良工詫見。吳
蠶唾海沉檀。任真珠妝綴。春巾客屨。今日風流
霧散。侍宣供禹步。晨遊退朝燕殿。

又 餞郎糾曹之嚴
陵分韻得直字

夜寒吳館窄。漸酒闌燭暗。猶分香澤。輕颺展爲
翮。送高鴻飛過。長安南陌。漁磯舊迹。有陳蕃虛
床挂壁。掩庭扉。蛛網黏花。細草靜搖春碧。還
夢窓甲葉。

汲古閣

憶洛陽年少。風露秋燦。歲華如昔。長吟墮幘。暮
潮送富春客。算玉堂不染梅花清夢。宮漏聲中
夜直。正逋仙清瘦。黃昏幾時覓得。

又 贈道女陳華
山內夫人

絲雲棲翡翠。聽鳳笙吹下。飛軒天際。晴霞翦輕
袂。澹春姿雪態。寒梅清泚。東皇有意。旋安排闌
干十二。早不知爲雨爲雲。盡日建章門閉。堪
比紅綃織素。紫燕輕盈。內家標致。游仙舊事。星

斗下。夜香裡。華峰紙屏橫幅。春色長供午睡。更
醉乘玉井秋風。采花弄水。

滿江紅 灑山
湖

雲氣樓臺分一派。滄浪翠蓬開小景。玉盆寒浸
巧石盤松。風送流花時過。岼。浪搖晴棟欲飛空。
算蛟宮祇隔一紅塵。無路通。神女駕凌曉風。
明月佩響丁東。對兩蛾猶鎖。怨綠烟中。秋色未
教飛盡。鴈夕陽長是墜疎鐘。又一聲欸乃過前
夢窓甲葉。

五

汲古閣

巖移釣蓬

解連環 秋
情

暮簷涼薄。疑清風動竹。故人來邈。漸夜久。閑引
流螢弄微照。素懷暗呈纖白。夢遠雙成。鳳笙杳
玉繩西落。掩練帷倦入。又惹舊愁。汗香闌角。
銀瓶恨沉斷索。歎梧桐未秋。露井先覺。抱素影
明月空闌。早塵損丹青。楚山依約。翠冷紅衰。怕
驚起西池魚躍。記湘娥絳綃暗解。褪花墜萼。

又留別姜石帚

思和雲結斷江樓望曉雁飛無極正岼柳衰不堪攀忍持贈故人送秋行色歲晚來時暗香亂石橋南北又長亭暮雪點點淚痕總成相憶杯前十陰似擲幾酬花倡月連夜浮白省聽風聽雨笙簫向別枕倦醒絮颺空碧片葉愁紅趁一舸西風潮汝歎滄波路長夢短甚時到得

夜飛鵲蔡司戶席上南花

夢窓甲藁

汲古閣

金規印遙漢庭浪無紋清雪冷沁花薰天街曾醉美人畔涼枝移插烏巾西風驟驚散念枝懸愁結帶翦離痕中郎舊恨寄橫竹吹裂哀雲空剩露華烟彩人影斷幽芬深閉千門渾似飛仙入夢羅襪微步流水青蘋輕冰潤悵今朝不共清尊怕雲槎來晚流紅信杳繁斷秋魂

一寸金贈筆工劉衍

秋入中山臂隼牽盧縱長獵見駭毛飛雪章臺

獻頰腰束縞湯沐疏邑簪管刊瓊牒蒼梧恨帝娥暗泣陶郎老憔悴玄香禁苑猶催夜俱入自歎江湖雕隴心盡相攜蠹魚篋念醉魂悠颺折釵錦字點髯掀舞流觴春帖還倚荆溪檝金刀氏尚傳舊業勞君爲脫帽蓬窓寫情題水葉

又秋感

秋壓更長看見姮娥瘦如束正古花搖落寒蛩

夢窓甲藁

汲古閣

滿地參梅吹老玉龍橫笛霜被芙蓉宿紅錦透尚欺暗燭年年記一種淒涼繡幌金圓挂香玉頑老情懷都無懽事良宵愛幽燭歎回圖難做橘村砧思笠蓑有約蓴洲魚屋心景憑誰語商絃重袖寒轉軸疎籬下試覓重陽醉壁青露菊

達佛閣思此首御製詩作同押

暗塵四斂樓觀迥出孤館清漏將短獸聞夜久

簾聲動書幔。桂花又滿。閑步露草。偏愛幽遠。花
氣清婉。望中迤邐。城陰度河岍。倦客最蕭索。
醉倚斜陽穿柳綫。還似汴隄虹梁橫水面。看浪
颺春燈。舟下如箭。此行重見。歎故友難逢。羈思
空亂。兩眉愁向誰舒展。

拜新月慢

姜石帚以盆蓮數十
置中庭宴客其中

絳雪生涼。碧霞籠夜。小立中庭蕪地。昨夢西湖。
老扁舟身世。歎遊蕩。暫賞吟花酌露樽俎。冷玉
夢窓甲葉
紅香疊洗眼。眩意迷古陶洲十里。翠參差淡
月平芳砌。甄花滉小浪。魚鱗起。露盞淺障青羅
洗湘娥春膩。蕩蘭煙。麝馥濃侵酒吹不散。繡屋
重門閉。又怕便綠減西風。泣秋檠燭外。

水龍吟

惠山
酌泉

艷陽不到青山。古陰冷翠成秋苑。吳娃點黛。江
妃擁髻。空濛遮斷。樹密藏溪。草深迷市。峭雲一
片。二十年舊夢。輕鷗素約。霜絲亂朱顏變。龍

吻春霏玉澱。煮銀瓶羊腸車轉。臨泉照影。清寒
沁骨。客塵都浣。鴻漸重來。夜深華表。露零鶴怨。
把閑愁換與樓前晚色。棹滄波遠。

又

賦張斗墅家
古松五粒

有人獨立空山。翠髯未覺霜顏老。新香秀粒。濃
光綠浸。千年春小。布影參旗。障空雲蓋。沉沉秋
曉。駟蒼虬萬里。笙飛鳳女。驂飛乘天風裊。般
巧。霜斤不到。漢遊仙相從最早。皺鱗細雨。層陰
夢窓甲葉
藏月朱弦古調。問訊東橋故人南嶺。倚天嘯待
凌霄謝了。山深歲晚。素心財表。

又

壽尹
梅津

望春樓外滄波。舊年照眼青銅鏡。煉成寶月。飛
來天上。銀河流影。紺玉鈎簾處。橫犀塵。天香分
鼎。記殷雲殿瑣。栽花翦露。曲江畔。春風勁。槐
省。紅塵晝靜。午朝回吟生晚興。春霖繡筆。鶯邊
清曉。金猊旋整。閨苑芝仙貌。生綃對綠窗深景。

弄瓊英數點。宮梅信早。占年光永。

又送葛信州

幾番時事重論。座中共惜斜陽下。今朝翦柳東風送客。功名近也。約住飛花。暫聽留燕。更攀情話。問千牙過闕。一封入奏。忠孝事都應寫。聞道蘭臺清暇。幾鴟夷烟江一舸。貞元舊曲。如今誰聽。惟公和寡。兒騎空迎。舜瞳回盼。玉階前借便急回。暖律天邊。海上正春寒夜。

夢窓甲藁

汲古閣

又癸卯元夕

淡雲籠月微黃。柳絲淺色。東風緊。夜寒舊事。春期新恨。眉山碧遠。塵陌飄香。繡簾垂戶。趁時妝面。鈿車催去急。珠囊袖冷。愁如海。情一綫。猶記初來吳苑。未清霜。飛驚霜鬢。嬉遊是處。風光無際。舞惹歌舊。陳迹征衫。老客華鏡。懽都盡。向殘燈。夢短。梅花曉角。爲誰吟怨。

玉燭新

春情

花穿簾隙透。向夢裏消春酒。中延晝。嫩篁細指。相思字。瑩粉輕粘。沾練袖。章臺別後。展繡絡紅。

薦香舊

應數歸舟。愁凝画闌眉柳。移

燈夜語。西窗逗曉。悵迷香。問何時。又素紈乍試。還憶是。繡幃思酸時候。蘭清蕙總未比蛾眉。螭首。誰想與。惟有金籠。春篴細奏。

解語花
梅

門橫皺碧。路入蒼烟。春近江南岸。暮寒如剪。臨

汲古閣

夢窓甲藁
溪影。一半斜清淺。飛雲弄晚。蕩千里。暗香平遠。端正看瓊樹。三枝總似蘭昌見。酥瑩雲容。夜暖伴。蘭翹清瘦。蕭鳳柔婉。冷雲荒翠。幽棲久。無語暗申眷怨。東風半面。料准擬。何郎詞卷。歡未闌。烟雨青黃。宜畫陰庭館。

慶宮春

旅思
附清真
此月印空。不似何故。附此

雲接平岡。山圍寒野。路回漸轉。孤城衰柳。啼鴉驚風。驅雁動人。一片秋聲。倦途休駕。淡烟裏微。

茫見星塵埃憔悴生怕黃昏離思牽縈華堂
舊日逢迎花艷參差香露飄零絃管當頭偏伶
嬌鳳夜深篴暖笙清眼波傳意恨密約幽怨未
成許多煩惱只爲當時一餉留情

宴清都連理海棠

繡幄鴛鴦柱紅清密膩雲低護秦樹芳根兼倚
花梢鈿合錦屏人妒東風睡足交枝正夢枕瑤
釵蕪股障滌蠟滿照歡聚婪蟾冷落羞度人

夢窓甲葉

汲古閣

間萬感幽單華清慣浴春益風露連鬟並媛同
心共結向承恩處憑誰爲歌長恨暗殿鎖秋燈
夜語敘舊期不負春盟紅朝翠暮

又壽榮王夫人

萬壑蓬萊路非烟霽五雲城闕深處璇源婉鳳
瑤池種玉煉顏金姥長虹夢入僊懷便洗日銅
華翠渚向瑞世獨占長春蟠桃正飽風露慙
勤漢殿傳卮隔江雲起暗飛青羽南山壽石東

周寶鼎千秋鞏固何時地拂龍衣待迎入玉京
閨圓看賸擁湖船三千綵御

又秋感

萬里關河眼愁疑處渺渺殘照紅斂天低遠樹
潮分斷港路迴淮甸吟鞭又指孤店對玉露金
風送晚恨自古才子佳人此景此情多感吳
王故苑別來良朋雅集空歎蓬轉揮毫記燭飛
觴趁月夢消香斷區區去情何限倩片紙丁寧

夢窓甲葉

十三

汲古閣

過雁寄相思寒雨燈窗芙蓉舊院

齊天樂齊雲樓

凌朝一片陽臺影飛來太空不去棟與參橫簾
鉤斗曲西北城高幾許天聲侶語便闐闐輕排
虹河平遡問幾陰晴霸吳平地謾今古西山
橫黛瞰碧眼明應不到烟際沉鷺臥笛長吟層
霾乍裂寒月溟濛千里憑虛醉舞夢凝白闌干
化爲飛霧淨洗青紅驟飛滄海雨

又春暮

新烟初試花如夢。疑收楚峰殘雨。茂苑人歸。秦樓燕宿。同惜天涯爲旅。遊情最苦。早柔綠迷津。亂莎荒圃。數樹梨花。晚風吹。墮半汀鶯。流紅江上去。遠翠尊曾共醉。雲外別墅。淡月秋千。幽香巷陌。愁結傷春深處。聽歌看舞。駐不得當時。柳蠻櫻素。睡起慊慊。洞簫誰院宇。

。又別情

夢窓甲葉

十四

汲古閣

烟波桃葉西陵路。十年斷魂潮尾。古柳重攀。輕漚聚別。陳迹危亭獨倚。涼颼乍起。渺烟磧。飛帆暮山橫翠。但有江花共臨秋鏡。照憔悴。華堂燭暗。送客眼波回。盼處芳艷。流水素骨凝冰。柔葱蘸雪。猶憶分瓜深意。清尊未洗。夢不溼行雲。設沾殘淚。可惜秋宵。亂蛩疎雨裏。

又壽榮王夫人

玉皇重賜瑤池宴。瓊筵第二十四。萬象澄秋。羣

裾曳玉。清澈冰壺人世。鰲峰對起。許分得鈞天。鳳絲龍吹。翠羽飛來。舞鸞曾賦。曼桃字。鶴胎曾夢。電繞桂根。看驟長。玉幹金蕊。少海波新。芳第露滴。涼入堂階。綵戲香霖乍洗。擁蓮媛三千。羽裳風佩。聖姥朝元。煉顏銀漢水。

又贈姜石帚

餘香繞潤鸞綰。汗秋風夜來先起。霧鎖林深。藍浮野濶。一笛漁蓑。漚外紅塵萬里。就中決銀河。

夢窓甲葉

十五

汲古閣

冷涵空翠。岸嘴沙平。水楊陰下。晚初艤。桃溪人住。最久。浪吟誰得到。蘭蕙疏綺。研色寒雲。籤聲亂葉。斲竹簾紋如水。笙歌醉裏。步明月。丁東靜傳環珮。更展芳塘。種花招燕子。

掃花遊
西湖
寒食

冷空淡碧。帶翳柳輕雲。護花深霧。艷晨易午。正笙簫競波。綺羅爭路。驟捲風埃。半掩長娥翠嫵。散紅縷。漸紅溼杏泥。愁燕無語。乘益爭避處。

就解珮旗亭故人相遇恨春太妒濺行裙更惜
鳳鈎塵污。斟入梅根。萬點啼痕暗樹。峭寒暮更
蕭蕭隴頭人去。

又春雪

水雲共色。漸斷岸飛花。雨聲初峭。步帷素裊想
玉人誤惜。章臺春老。岫斂愁蛾。半洗鉛華未曉。
艤輕棹。似山陰夜晴。乘興初到。心事春縹緲。
記徧地梨花。弄月斜照。舊時鬪草。恨凌波路鑰。

夢窓甲藁

汲古閣

小庭深窈。凍澁。簫漸入。東風郢調。暖回早醉。
西園紅。紅休掃。

又

草生夢碧。正燕子。簾幃影。遲春午。倦茶薦乳。看
風籤亂葉。老沙昏雨。古簡蟬篇。植得雲根療蠹。
最清楚。帶明月。自鋤花外幽圃。醒眼看醉舞。
到應事無心。與閒同趣。小山有語。恨逋僊占却。
暗香吟賦。暖逼書牀。帶草春搖翠露。未歸去。正

長安軟紅如霧

又送春古江村

水園沁碧。驟夜雨。飄紅。竟空林島。艷春過了。有
塵香墜鈿。尚遺芳草。步繞新陰。漸覺交枝逕小。
醉深窈。愛綠葉翠圓。勝看花好。芳架雪未掃。
怪翠被佳人。困迷清曉。柳絲繫棹。問閨門自古。
送春多少。倦蝶慵飛。故撲簪花破帽。酌殘照。掩
重城暮鍾不到。

夢窓甲藁

汲古閣

應天長

吳門元夕

麗花鬪勝。清麝濺塵。春聲偏漏。芳陌竟路障空。
雲幕冰壺浸霞色。芙蓉詞賦客。競繡筆。醉嫌天
色。作素娥下。小駐輕鑣。眼亂紅碧。前事頻非
昔。故苑年光。渾與世相隔。向暮巷。空人絕。殘燈
耿。塵壁。凌波恨。簾戶寂。聽怨寫墮梅哀笛。竚立
久。雨暗河橋。譙漏疎滴。

風流子

藥

金谷已空塵。薰風轉國色。返春魂。半歆雪。醉霜舞。低鸞翅。絳籠蜜炬。綠映龍盆。窈窕繡窻人。睡起臨砌。脉無言。情整墮。髮怨時遲暮。可憐憔悴。啼雨黃昏。輕橈移花市。秋娘渡。飛浪濺。溼行裙。二十四橋南北。羅薦香分。念碎劈芳心。紫思千縷。贈將幽素。偷剪重雲。終待鳳池歸去。催詠紅翻。

又前題

夢窓甲葉

十八

汲古閣

溫柔酣紫曲。揚州路。夢遶翠盤龍。侶日長。傍枕墮粧偏髻。露濃如酒。微醉飲紅。自別楚嬌。天正遠。傾國見吳宮。銀燭夜闌。暗聞香澤。翠陰秋寂。重返春風。芳期嗟輕誤。詫君去。腸斷妾若爲。容惆悵。舞衣疊損。露綺千重。料繡窻曲理。紅牙拍碎。禁階敲徧。白玉盂空。猶記弄花相謔。十二闌東。

過秦樓

卷美

藻國婁迷。趨塵澄映。怨入粉烟。藍霧香籠。麝水膩漲。紅波一鏡。萬粧爭妬。湘女歸魂。珮環玉冷。無聲。凝情誰想。又江空月墮。凌波塵起。綵鴛愁舞。還暗憶。鈿合藍橈。絲牽瓊腕。見的更憐心苦。玲瓏翠幄。輕薄冰綃。穩稱錦雲留住。生怕哀蟬暗驚秋。被紅衰。啼珠零露。能去西風。老盡羞趨東風嫁與。

還京樂

箏笙琵琶方響迭奏

夢窓甲葉

十九

汲古閣

宴蘭湫。促秦絲。紫筦裂飛繁響。似漢宮人去。夜深獨語。胡沙淒哽。對雁斜。玳瑁瓊弄。玉臨秋影。風吹遠。河漢去。杳天風吹冷。汎清商。竟轉銅壺。敲漏瑤牀。二八青娥環珮。再整菱歌。四碧無聲。變須臾。翠翳紅暝。歎梨園。今調絕音希。愁深未醒。桂檝輕如翼。歸霞時點清鏡。

塞翁吟

贈宏卷

草色新宮綬。還跨紫陌驕驄。好花是。晚開紅冷。

菊最香濃黃簾□□□夢燈外換幾秋風敘
往約桂花宮爲別剪珍藂雕龔行人去秦腰
褪玉心事稱吳女暈濃向春夜閨情賦就想初
寄上國書時唱入眉峰歸來共酒窈窕紋窗蓮
卸新蓬

丁香結

秋日海棠

香嫋紅霏影高銀燭曾縱夜遊濃醉正錦溫瓊
膩被燕踏暖雪驚翻庭砌馬嘶人散後秋風換
夢窓甲藁

二十

汲古閣

故園夢裏吳霜融曉陡覺晴動偷春花意還
似海霧似僊山喚覺環兒半睡淺薄朱唇嬌羞
艷色自傷時背簾外寒挂淡月向日秋千地懷
春情不斷猶帶相思舊字

六么令

夕七

露蛩初響機杼還催織婺星爲情慵懶佇立明
河側不見津頭艇子望絕南飛翼雲梁千尺塵
緣一點回首西風又陳迹那知天上計拙乞

巧樓南北瓜果幾度淒涼寂寞羅池客人事回
廊縹緲誰見金釵擘今夕何夕盃殘月墮但耿
銀河漫天碧

隔浦蓮近

泊長橋過重午

榴花依舊照眼愁褪紅絲腕夢繞烟江路汀菰
綠薰風晚年少驚送遠吳蠶老恨緒縈抽繭
旅情懶扁舟繫處青帘濁酒須換一番重午旋
買香蒲浮瓊新月湖光蕩素練人散紅衣香在
夢窓甲藁

二十一

汲古閣

南岸

荔支香近

送人遊南徐

錦帶吳鉤征思橫淮水夜吟敲落霜紅船傍楓
橋繫相思不管年華喚酒吳娃市因詰駐車新
堤步秋綺淮楚尾暮雲送人千里細雨南樓
香密錦溫曾醉花谷依然秀靨偷春小桃李爲
語夢窓憔悴

又七

睡輕時聞晚鵲噪庭樹。又說今夕天津西畔重
歡遇。蛛絲暗鎖紅樓。燕子穿簾處。天上未比人
間更情苦。秋釐改如月姊長眉嫵。過雨西風
數葉井梧愁舞。夢入藍橋幾點疎星映朱戶。淚
溼沙邊凝佇。

浪淘沙慢

賦李尚書山園

夢仙到。吹笙路杳。度巘雲滑。溪谷冰綃未裂。金
鋪畫鎖乍掣。見竹靜梅深春海濶。有新燕簾底

夢窓甲藁

二十二

汲古閣

說念漢履無聲跨鯨遠。年年謝橋月。曲折画
闌盡日憑熱。半蜃起玲瓏樓閣畔。縹緲鴻去絕。
飛絮颺東風。天外歌闌睡紅醉。纈還是催寒食。
看花時節。花下蒼苔盛羅襪。銀燭短漏壺易竭。
料池柳不攀春送別。倩玉兔別搗秋香更醉踏。
千山冷翠飛晴雪。

西平樂慢

春感重過西湖先賢堂

岸壓郵亭路。欹華表堤樹舊色依依。紅索新晴

翠陰寒食。天涯倦客重歸。歎綠平烟帶苑幽渚。
塵香蕩晚。當時燕子無言對立斜暉。追念吟
風賞月。十載事夢惹綠楊絲。画船爲市。天粧艷
水。日落雲沉。人換春移。誰更與苔根澆石。菊井
招魂。謾省連車載酒。立馬臨花。猶認鶯紅傍路。
枝歌斷燕闌榮華露草。冷落山丘。到此徘徊細
雨西城。羊曇醉後花飛。

瑞龍吟

送梅津

夢窓甲藁

二十三

汲古閣

黯分袖。腸斷去水流萍。住船繫柳。吳宮曉月燒
花。曉月當醉題恨倚蠻江豆蔻。吐春繡。筆底麗
情多少。眼波眉岫。新園鎖却愁陰。露黃迷漫。委
寒香半畝。還背垂虹秋去。四橋烟雨。一宵歌酒。
猶憶翠微攜壺。烏帽風驟。西湖到日。重見梅
鈿皺。誰家聽琵琶未了。朝驄嘶漏印。剖黃金籀。
待來共凭齊雲話舊。莫唱朱櫻口。生怕遣樓前
行雲知後。淚鴻怨角。空教人瘦。

。又德清清
明競渡

大溪面遙望繡羽衝烟錦梭飛練桃花三十六
陂蛟宮睡起嬌雷乍轉去如箭催趁戲旗遊鼓
素瀾雪濺東風冷溼蛟腥淡陰送晝輕霏弄晚
洲上青蘋生處鬪春不管懷沙人遠殘日半開
一川花影零亂山屏醉纈連棹東西岸闌干
倒千紅粧靨鉛香不斷傍暝疎簾捲翠連皺淨
笙歌未散簪柳嬌桃嫩猶自有玉龍黃昏吹怨
夢窓甲藁
二十四
汲古閣

大舖春雨
附清真

對宿煙收春禽靜飛雨時鳴高屋墻頭青玉旂
洗鉛霜都盡嫩梢相觸潤逼琴絲寒侵枕障蟲
網吹粘簾竹郵亭無人處聽簷聲不斷困眠初
熟奈愁極頻驚夢輕難記自憐幽獨行人歸
意速最先念流潦妨車轂奈向蘭成憔悴樂廣
清羸等閒時易傷心目未怪平陽客雙淚落笛

中哀曲況蕭索青蕪國紅糝鋪地門外荆桃如
殺夜共誰秉燭

。又荷塘
小隱

峭石帆收歸期差林沼半銷紅碧漁蓑樵笠畔
買佳鄰翻葢浣花新宅地鑿桃陰天澄藻鏡聊
與漁郎分席滄波耕不碎似藍田初種翠烟生
壁料情屬新蓮夢驚春草斷橋相識平生江
海客秀懷抱雲錦當秋織任歲晚陶籬菊暗通
夢窓甲藁
二十五
汲古閣

解蹀躞別情

醉雲又兼醒雨楚夢時來往倦蜂剛著梨花惹
游蕩還做一段相思冷波葉舞愁紅送人雙槳
暗凝想情共天涯秋黯朱橋鎖深巷會稀投
得輕分頓惆悵此去幽曲誰來可憐殘照西風

半粧樓上。

倒犯贈黃復菴

茂苑共鶯花醉吟。歲華如許。江湖夜雨。傳書問雁多幽阻。清溪上。慣來往。扁舟輕如羽。到興懶歸來。玉冷耕雲圃。按瓊簫。賦金縷。回首詞場動地聲名。春雷初啓戶。枕水臥漱石。數間屋。梅一塲。待共結良朋侶。載清尊。隨花追野步。要未若城南分取溪隄住。晝長看柳舞。

夢窓甲藥

二十六

汲古閣

花犯

謝黃復菴除夜寄古梅枝

剪橫枝。清溪分影。翛然鏡空曉。小窗春到。憐夜令霜娥。相伴孤照。古苔淚鎖霜千點。蒼華人共老。料淺雪黃昏。驛路飛香遺冷草。行雲夢中認瓊娘。冰肌瘦。窈窕風前纖縞。殘醉醒屏山外。翠禽聲。小寒泉貯。紺壺漸暖。年事對青燈驚換了。但恐舞一簾胡蝶。玉龍吹又杳。

又水僊

小娉婷。清鉛素靨。蜂黃暗偷暈。翠翹歛。髻昨夜

冷中庭。月下相認。睡濃更苦。淒風緊。驚回心未

穩。送曉色。一壺蔥蒨。纔知花夢準。湘娥化作

此幽芳。凌波路。古岸雲沙遺恨。臨砌影。寒香亂

凍梅藏。韻薰爐畔。旋移傍枕。又還見。玉人垂紺

鬢。料喚賞清華池館。臺盃須滿引。重押

浣溪沙觀吳人歲旦遊承天

千蓋籠花鬪勝春。東風無力掃香塵。盡沿高閣

夢窓甲藥

二十七

汲古閣

步紅雲。閒裏暗牽經歲恨。街頭多認舊年人。

晚鐘催散又黃昏。

又翠川慧日寺蠟梅

蝶粉蜂黃大小喬。中庭寒盡雪微銷。一般清瘦

各無聊。窗下和香封遠訊。牆頭飛玉怨鄰簫。

夜來風雨洗春嬌。

又春情

門隔花深夢舊遊。夕陽無語燕歸愁。玉纖香動

小簾鈞落絮無聲春墮淚行雲有影月含羞
東風臨夜冷於秋

又桂

曲角深簾隱洞房正嫌玉骨易愁黃好花偏占
一秋香夜氣清時初傍枕曉光分處未開窗
可憐人似月中孀

梨花欲謝恐難禁

玉樓春

京市舞女

夢窓甲藥

二十八

汲古閣

茸茸狸帽遮梅額金蟬羅剪胡衫窄乘肩爭看
小腰身倦態強隨聞鼓笛問稱家住城東陌
欲買千金應不惜歸來困頓帶春眠猶夢婆娑
斜趂拍

點絳脣

春暮

時霎清明軟花不過西園路嫩陰綠樹政是春
留處燕子重來往事東流去征衫貯舊寒一
縷淚溼風簾絮

又試燈夜
初晴

捲盡愁雲素娥臨夜新梳洗晴塵不起酥潤凌
波地輦路重來彷彿燈前事情如水小樓薰
被春夢笙歌裏

訴衷情

春曉

陰陰綠潤暗啼鴉陌上斷香車紅雲深處春在
飛出建章花春此去那天涯幾烟沙忍教芳
草狼籍斜陽人未歸家

夢窓甲藥

二十九

汲古閣

又清春

柳腰空舞翠裙烟盡日不成眠花塵浪捲清晝
漸變晚陰天吳社水繫游船又經年東風不
管燕子初來一夜春寒

又七夕

西風吹鶴到人間涼月滿縵山銀河萬里秋浪
重載客槎還河漢女巧雲鬟夜闌千釵頭新
約鉞眼嬌顰樓上秋寒

夜遊宮

竹窻聽雨坐久隱几就睡既覺見水仙娟媚于燈影中

窗外梢溪雨響映窗裏嚼花燈冷渾似瀟湘繫
孤艇見幽仙步凌波月邊影香苦欺寒勁牽
夢繞滄濤千頃夢覺新愁舊風景紺雲歆玉搔
斜酒初醒

又春晴

春語鶯迷翠柳烟隔斷晴波遠岫寒壓重簾慢
拖繡袖鑪香倩東風與吹透花訊催時候舊
夢窓甲藥

汲古閣

相思偏供閒晝春淡情濃半中酒玉痕消侶梅
花更清瘦

醉桃源

贈盧長笛

沙河塘上舊遊嬉盧郎年少時一聲長笛月中
吹和雲和雁飛驚物換歎星移相看兩鬢絲
斷腸吳苑草淒淒倚樓人未歸

又芙蓉

青春花姊不同時淒涼生較遲艷粧臨水最相

宜風來吹繡漪驚舊事問長眉月明僊夢回
凭闌人但覺秋肥花愁人不知

又會飲豐樂樓

翠陰濃合曉鶯堤春如日墜西画圖新展遠山
齊花深十二梯風絮晚醉魂迷隔城聞馬嘶
落紅微沁繡鴉泥秋千教放低

如夢令

春景

鞦韆爭鬧粉牆閒看燕紫鶯黃啼到綠陰處喚
夢窓甲藥

汲古閣

回浪子閒忙春光春光正是拾翠尋芳

望江南

賦畫照女

衣白苧雪面墮愁鬟不識朝雲行雨處空隨春
夢到人間留向畫圖看慵臨鏡流水洗花顏
自織蒼烟湘淚冷誰撈明月海波寒天淡霧漫
漫

又茶

松風遠鶯燕靜幽芳粧褪官梅人倦繡夢回春

草日初長。蕘碗試新湯。笙歌斷情與絮悠颺。
石乳飛時離鳳怨。玉纖分處露花香。人去月侵廊。

定風波春情

密約偷香口踏青。小車隨馬過南屏。回首東風
消鬢影。重省十年心事。夜船燈。離骨漸塵橋
下水。到頭難減景中情。兩岸落花殘。酒醉烟冷。
人家垂柳未清明。

夢窓申葉

三十二

汲古閣

月中行和黃復菴

疎桐翠竹早驚秋。葉葉雨聲愁。燈前倦客老貂
裘。燕去柳邊樓。吳宮寂寞空烟水。渾不認舊
采菱洲。秋花旋結小盤虬。蝶怨夜香留。

虞美人秋感

背庭綠。恐花羞墜。心事遙山裏。小簾愁捲月籠
明。一寸秋懷。禁得幾蛩聲。井梧不放西風起。
供與離人睡。夢和新月未圓時。起看簷蛛結網。

又尋思

菩薩蠻春情

綠波碧草長堤色。東風不管春狼籍。魚沫細痕
圓。燕泥花唾乾。無情牽怨柳。画舸紅樓側。斜
日起。凭闌垂楊舞曉寒。

賀新郎

湖上有所贈

湖上芙蓉早。向北山。山深霧冷。更看花好。流水
茫茫城下夢。空指遊仙路。杳笑蘿障。雲屏親到。

夢窓申葉

三十三

汲古閣

雪玉肌膚春溫夜。飲湖光山。綠成花貌。臨澗水
弄清照。著愁不盡宮眉小。聽一聲相思曲裏。
賦情多少。紅日闌干。鴛央枕。那在。倂腰褪了。算
誰識。垂楊枝裊。不是秦樓無緣分。點吳霜。羞帶
簪花帽。但帶酒任天曉。

又爲德清趙令居賦小垂虹

浪影龜紋皺。蘸平煙。青紅半溼。枕溪窗牖。千尺
晴霞慵臥。冰萬疊。羅屏擁繡。謾幾度。吳船回首。

歸雁五湖應不到。問蒼茫。釣雪人知否。樵唱杳
度深秀。重來趁得花時候。記留連。空山夜雨。
短亭春酒。桃李新栽成蹊處。盡是行人去後。但
東閣官梅清瘦。欸乃一聲山水綠。燕無言。風定
垂簾盡寒正。悄。韞吟袖。

婆羅門引為懷寧趙仇香賦

香霏汎酒。瘴花初洗玉壺冰。西風乍入吳城。吹
徹玉笙何處。曾說董雙成。奈司空經慣。未暢高

夢窓甲稿

汲古閣

情。瑤臺幾層。但夢繞曲闌。行空憶雙蟬。口翠
寂寂秋聲。堂空露涼。倩誰喚。行雲來。洞庭團扇
月只隔烟屏。

又郭清華席上為放琴客而折有所吟賦以見喜

風連亂翠。酒霏飄汗洗新粧。幽情暗寄蓮房。弄
雪調冰重會。臨水暮追涼。正碧雲不破。素月微
行。雙成夜笙。斷舊曲。解明璫。別有紅嬌粉潤。
初試霓裳。分蓬調郎。又拈惹花茸。碧唾香波暈。

切一盼秋光

祝英臺近悼得趣贈宏菴

黯春陰收燈後。寂寞幾簾戶。一片花飛。人駕綠
雲去。應是蛛網金微。拍天寒水。恨聲斷孤鴻洛
浦。對君訴。團扇輕委桃花。流紅為誰賦。

從今醉何處。可憐憔悴文園。曲屏春到斷

腸句落梅愁雨

又上元

夢窓甲稿

汲古閣

晚雲開朝雪霽。時節又燈市。夜約遺香。南陌少
年事。笙簫一片紅雲。飛來海上。繡簾捲湘桃春
起。舊遊地。素娥城闕年年。新粧趁羅綺。玉練
冰輪。無塵浣流水。曉霞紅處啼鴉。良宵一夢。回
堂正日長人睡。

西子粧慢夢窗自度腔湖上清明薄遊

流水趨塵。艷陽酷酒。画舸遊情如霧。笑拈芳草
不知名。凌波斷橋西堍。垂楊謾舞。總不解將春

繫住燕歸來。問綵繩纖手。如今何許。懽盟誤。
一箭流光。又趁寒食去。不堪衰鬢。著飛花。傍綠
陰。冷烟深樹。玄都秀句。記前度劉郎。曾賦最傷
心。一片孤山細雨。

江南春 杜衡山莊

風響牙籤。雲寒古硯。芳名猶在堂笏。秋牀聽雨。
妙謝庭春草。吟筆城市喧鳴轍。清溪上小山秀。
潔便向此。搜松訪石。茸屋營花。紅塵遠避風月。

夢窓甲藁

三十六

汲古閣

瞿塘路隨漢節。記羽扇綸巾。氣凌諸葛青天。
萬里料設憶。尊絲鱸。雪車馬從休。歇榮華事。醉
歌耳熱。天與此翁。芳芷嘉名。初蘭佩兮瓊玦。

夢芙蓉

趙昌芙蓉圖
梅津所藏

西風搖步綺。記長堤驟過。紫騮十里。斷橋南岸。
人在晚霞外。錦溫花共醉。當時曾共秋被。自別
霓裳。應紅銷翠冷。霜枕正慵起。慘淡西湖柳
底。搖蕩秋魂。夜月歸環珮。畫圖重展。驚認舊梳

洗去來雙翡翠。難傳眼恨眉意。夢斷瓊娘僊雲。
深路杳。城影蘸流水。

高山流水

丁基仲側室善絲桐賦詠
曉達音呂備歌舞之妙

素絃一一起。秋風寫柔情。多在春葱。微外斷腸。
聲。霜霄暗落。驚鴻低顰處。剪綠裁紅。仙郎伴。新
製還賡舊曲。映月簾櫳。似名花並蒂。日日醉春
濃。吳中空傳有西子。應不解。換徵移宮。蘭蕙
滿襟懷。唾碧總噴花茸。後堂深。想費春工。客愁

夢窓甲藁

三十七

汲古閣

重時聽蕉寒雨碎。淚溼瓊鍾。恁風流也。稱金屋
貯嬌慵。

霜花腴

重陽前一
日沈石湖

翠微路窄。醉晚風。憑誰爲整。欹冠霜飽。花腴燭
銷人瘦。秋光做也都難病。懷強寬。恨雁聲偏落。
歌前記年時舊宿。淒涼暮烟秋雨。野橋寒。粧
靨鬢英爭艷。度清商一曲。暗墜金蟬。芳節多陰。
蘭情稀會。晴暉稱拂吟牋。更移画船。引珮環邀

下嬋娟。算明朝。未了重陽。紫萸應奈看。

澡蘭香

淮安重午

盤絲繁腕巧篆垂簪玉隱緝紗睡覺銀瓶露井
彩簫雲窗往事少年依約爲當時曾寫榴裙傷
心紅綃褪萼黍夢光陰漸老汀洲烟蕩莫唱
江南古調怨抑難招楚江沉魄薰風燕乳暗雨
梅黃午鏡澡蘭簾幙念秦樓也擬人歸應剪菖
蒲自酌但悵望一縷新蟾隨人天角

夢窓甲葉

汲古閣

玉京謠

陳仲文自號藏一益取坡詩中萬
人如海一身藏語爲度夷則商犯
无射宮腔製此贈之

蝶夢迷清曉萬里無家歲晚貂裘弊載取琴書
長安間看桃李爛錦繡人海花場住客燕飄零
誰計春風裏香泥九陌文梁孤壘微吟怕有
詩聲翳鏡慵看但小樓獨倚金屋千嬌從他鴛
暖秋被蕙帳移煙雨孤山待對影落梅清泚終
不似江上翠微流水

探芳新

吳中元日承
天寺遊人

九街頭正軟塵潤酥雪消殘溜袂賞祇園花艷
雲陰籠畫層梯空廓散擁凌波紫翠袖歎年端
連環轉爛熳遊人如繡腸斷迴廊竚久便寫
意澣波傳愁慙岫漸沒飄鴻空惹閒情春瘦椒
盃香乾醉醒怕西窗人散後暮寒深遲回處自
攀庭柳

鳳池吟

慶梅津自繼漕
除右司郎官

夢窓甲葉

三十九

汲古閣

萬丈巍臺碧杳恩外袞袞野馬遊塵舊文書几
閣昏朝醉暮覆雨翻雲忽變清明紫垣收使下
星辰經年事靜公門如水帝句陽春長年父
老相語幾百年見此獨駕冰輪又鳳鳴黃幕玉
霄平邇鵲錦輕恩事省中書半紅梅子薦鹽新
歸來晚待慶吟殿閣南薰

念奴嬌

賦德明縣
圃明秀亭

思生晚眺岸烏紗平步春雲層綠卷画屏風開

四面各樣鶯花結束。寒欲殘時。香無著處。千樹風前。玉遊蜂飛過。隔牆疑是金谷。偏稱晚色橫烟。愁凝我髻。淡生綃裙幅。縹緲孤山南畔路。相對花房竹屋。溪足沙明。岩陰石秀。夢冷吟亭。宿松風古澗。高調月夜清曲。

惜紅衣

余從姜石帚遊苕霅間三十五年矣。重來傷今感昔。聊以詠懷。

鷺老秋絲。蘋愁暮雪。鬢那不自倒。柳移栽。如今暗溪碧。烏衣細語。傷伴惹茸紅。曾約南陌。前度

夢窓甲藁

四十

汲古閣

劉郎尋流花踪跡。朱樓水側。雪面波光。汀蓮沁顏色。當時醉近繡箔。夜吟三十六。磯重到清夢。冷雲南北。買釣舟。溪上應有烟蓑相識。

江南好

友人選中吳密園坐客孟深情淡不覺沾醉越翼日吾儕載酒問奇

字時齊示江南好詞紀前夕之事聊次韻

行錦歸來。画眉添嫵。暗塵重拂雕籠。穩瓶泉暖。花隘聞春容。國密籠香晻。霽煩纖手。新點團龍。溫柔處。垂楊彈髻。暗豆花紅。行藏多是客鶯。

邊話別橋下相逢。算江湖幽夢。頻繞殘鐘。好結梅兄。替弟莫輕似。西燕南鴻。偏宜醉寒欺酒力。簾外東雲重。

雙雙燕

題賦

小桃謝後。雙雙燕飛來。幾家庭戶。輕烟曉暝。湘水暮雨。遙度簾外。餘寒未捲。共斜入紅樓深處。相將占得雕梁。似約韶光留住。堪舉翩翩翠羽。楊柳岸。泥香半和梅雨。落花風軟。戲從亂紅飛舞。多少呢喃意緒。盡日向流鶯分訴。還過短牆。誰會萬千言語。

夢窓甲藁

四十一

汲古閣

洞僊歌

方菴春日花勝宴客爲得鵲慶花翁賦詞俾屬韻未

芳辰良宴。人日春朝並。細縷青絲。裹銀餅。更玉犀金綵。沾座分簪歌。團暖。梅靨桃脣鬪勝。露房花曲折。鶯入新年。添個宜男小山枕。待枝上飽東風。結子成陰。藍橋去。還覓瓊漿一飲。料別館西湖。最情濃。爛画舫。月明醉宮袍錦。

又賦黃木香
贈辛稼軒

花中慣識壓架瓏。雪可見湘英。間琅葉恨春風將了。染額人歸。留得個。裊裊垂香帶月。鵝兒真侶酒。我愛幽芳。還比茶蘼。又嬌絕。自種古松根。待黃龍。亂飛上蒼髯。五鬚更老。仙添與筆端。春敢喚起桃花。問誰優劣。

夢窓甲藁

四十二

汲古閣

夢窓甲藁
終

夢窓乙藁

目錄

江神子

四調

風入松

四調

豐樂樓

三調

天香

玉漏遲

二調

金盞子

二調

永遇樂

二調

玉蝴蝶

二調

絳都春

五調

惜秋華

四調

惜黃花慢

十二郎

夢窓乙藁目

一

汲古閣

燭影搖紅

二調

醜奴兒

二調

木蘭花慢

四調

喜遷鶯

二調

探芳信

二調

聲聲慢

七調

高陽臺

四調

倦尋芳

三姝媚

二調

畫錦堂

二調

漢宮春

花心動

二調

八聲甘州

三調

新雁過粧樓

二調

淒涼調

尾犯

東風第一枝

夜合花

夢窓乙葉目

汲古閣

夢窓乙葉目錄終

夢窓乙葉

江神子

李別駕招飲
海棠花下

翠紗籠袖映紅霏。冷香飛。洗凝脂。睡足嬌多，還是夜深宜。翻怕迴廊花有影，移燭暗，放簾垂。尊前不接駐雲詞。料花枝。妒蛾眉。丁祝東風，莫送片紅飛。春重錦堂人盡醉，和曉月，帶花歸。

又送桂花吳憲時已有
檢詳之命未赴闕

天街如水翠塵空。建章宮。月明中。人未歸來，玉

夢窓乙葉

汲古閣

樹起秋風。寶粟萬釘花露重。催賜帶過垂虹。夜涼沉水綉簾櫳。酒香濃。霧濛濛。釵列吳娃腰。裊帶金蟲。三十六宮蟾觀冷，畱不住，珮丁東。

又十日荷塘小隱
賞桂呈朔翁

西風來晚桂開遲。月宮移。到東籬。皎皎驚塵吹。下半冰規擬喚阿嬌來。小隱金屋底。亂香飛。重陽還是隔年期。蝶相思。客情知。吳水吳烟愁裏更多。詩一夜看承應未別。秋好處。雁來時。

又送翁五峰白
鶴江還都

西風一葉送行舟。淺遲留。艤汀洲。新浴紅衣綠
水帶香流。應是離宮城外晚。人竚立。小簾鉤。
新歸重省別來愁。黛眉頭。半痕秋。天上人間斜
月繡針樓。湘浪莫迷花蝶夢。江上約。負輕鷗。

風入松爲友人訪
琴客賦

春風吳柳幾番黃。懽事小蠻窗。梅花正結雙頭
夢。玉龍吹散幽香。昨夜燈前歆黛。今朝陌上啼

夢窓乙葉

汲古閣

妝。最憐無侶伴。鷓鴣桃葉已春江。曲屏先暖
鴛衾慣。夜寒深都是思量。莫道藍橋路遠。行雲
只隔幽坊。

又春晚
感懷

聽風聽雨過清明。愁草瘞花銘。樓前綠暗分攜
路。一絲柳。一寸柔情。料峭春寒中酒。交加曉夢
啼鶯。西園日日掃林亭。依舊賞新晴。黃蜂頻
撲秋千索。有當時。纖手香凝。惆悵雙鴛不到。幽

堦一夜苔生

又桂

蘭舟高蕩漲波涼。愁被矮橋坊。暮煙疎雨西園
路。誤秋娘。淺約宮黃。還泊郵亭喚酒。舊曾送客
斜陽。蟬聲空曳別枝長。似曲不成商。御羅屏
底。翻歌扇。憶西湖。臨水開窗。和醉重尋幽夢。殘
衾已斷薰香。

又都升
妙香

夢窓乙葉

三

汲古閣

畫船簾密不藏香。飛作楚雲狂。傍懷半捲金爐
燼。怕暖消春日。朝陽清馥。晴薰殘醉。斷烟無限
思量。凭闌心事隔垂楊。樓燕鎖幽牕。梅花偏
惱多情月。慰溪橋流水。昏黃哀曲。霜鴻悽斷。夢
魂寒蝶悠颺。

豐樂樓

節齋新建此樓夢窗淳熙十一年
二月甲子作是詞大書于壁望幸

天吳駕雲聞海凝。春空燦綺倒銀海。蘸影西城

四碧天鏡無際。綵翼曳扶搖。宛轉。雲龍降尾交。
新霽近。玉虛高處。天風笑。語吹墜。清濯縑塵。
快展曠眼。傍危欄。醉倚面屏。障一一鶯花。薜蘿。
浮動金翠。慣朝昏晴光。雨色燕泥動。紅香流水。
步新梯。藐視年華。頓非塵世。麟翁袞烏。領客。
登臨。座有誦魚美。翁笑起。離席而語。敢詫京兆。
以後爲功。落成奇事。明良慶會。賡歌熙載。隆都。
觀國多閒暇。遣丹青雅飾。繁華地。平瞻太極天。

夢窓乙藁

汲古閣

街潤納璇題。露床夜沉秋緯。清風觀闕。麗日。
果思。正午長漏遲。爲洗盡脂痕。茸唾淨捲麴塵。
永畫低垂。繡簾十二。高軒駟馬。峩冠鳴珮。班回。
花底修禊。飲御爐香。分朝衣袂。碧桃數點。飛花。
湧出宮溝。迤春萬里。

又春曉
感懷

殘寒政欺病酒。掩沉香繡戶。燕來晚。飛入西城。
似說春事遲暮。画船載清明。過却晴烟冉冉。吳。

宮樹念羈情。遊蕩隨風化。爲輕絮。十載西湖。
傍柳繫馬。趁嬌塵。輭霧迤紅漸。招入仙溪。錦兒。
偷寄幽素。倚銀屏。春寬夢窄。斷紅溼歌。純金縷。
暝堤空。輕把斜陽。總還鷗鷺。幽蘭旋老。杜若。
還生水鄉。尚寄旅。別後訪六橋。無信。事往花委。
瘞玉埋香。幾番風雨。長波妒吟。遙山羞黛。漁燈。
分影。春江宿。記當時。短檣桃根渡。青樓彷彿。臨。
分敗壁。題詩淚墨。慘澹塵土。危亭望極。草色。

夢窓乙藁

五

汲古閣

天涯嘆髻侵半。苧暗點檢。離痕歡唾。尚染鮫綃。
彈鳳迷歸。破鸞慵舞。般動待寫。書中長恨。藍霞。
遶海沈過。雁謾相思。彈入哀箏柱。傷心千里江。
南怨曲。重招斷魂。在否。

又詠荷和趙
修全韵

橫塘穿棹。艷錦引鴛鴦。弄水斷霞晚。笑折花歸。
紺紗低護。燈蕊潤玉瘦。水輕倦浴。斜拖鳳股盤。
雲墜。聽銀牀聲細。梧桐漸覺涼思。窗隙流光。

過如迅羽。翹空梁燕子。誤驚起。風竹敲門。故人還又不至。記琅玕新詩細指。早陳迹。香痕纖指。怕因循。羅扇恩疎。又生秋意。西湖舊日。畫舸頻移。嘆幾縈夢寐。霞佩冷。疊瀾不定。麝藹飛雨。乍濕鮫綃。暗盛紅淚。練單夜共。波心宿處。瓊簫吹月。霓裳舞向明朝。未覺花容悴。嬌香易落。回頭淡碧銷烟。鏡空畫羅屏裏。殘蟬度曲。唱徹西園也。感紅怨翠。念省慣吳宮幽憩。暗柳追涼。夢窓乙葉

六
汲古閣

曉岸參斜。露零漚起。絲繁寸藕。留連懽事。桃笙平展。湘浪影。有昭華穠李。水相倚。如今鬢點。淒霜半篋。秋詞恨盈蠹紙。

天香

蠟梅

蟬葉粘霜。蠅苞綴凍。生香遠帶風峭。嶺上寒多。溪頭月冷。北枝瘦。南枝小。玉奴有姊。先占立。墻陰春早。初試宮黃淡薄。偷分壽陽纖巧。銀燭淚深未曉。酒鍾慳貯愁多少。記得短亭歸馬暮。

衙蜂鬧。豈惹釵梁恨。裊但悵望天涯。歲華老遠。信難封吳雲雁杳。

玉漏遲

春情

絮花寒食路。晴絲罥日。綠陰吹霧。客帽欺風愁滿。畫船烟浦。綵挂秋千散後。悵塵鎖燕簾鶯戶。從間阻。夢雲無準。髣髴如許。夜久綉閣藏嬌。記掩扇傳歌。剪燈留語。月約星期。細把花鬢頻數。彈指一襟怨恨。謾空倩啼鵲。聲訴深院。字黃夢窓乙葉

七

汲古閣

昏杏花微雨

又

春情

杏香飄禁苑。須知自古。呈州春早。燕子來時。繡陌漸薰芳草。蕙圃天桃過雨。弄碎影。紅篩碧沼。深院悄。綠楊盡日。鶯聲爭巧。早是賦得多情。更對景臨風。鎮辜歡笑。數曲闌干。故人謾勞登眺。天際微雲過盡。亂峰鎖一竿殘照。歸路杳。東風淚零多少。

金盞子

賦秋壑西湖小築

卜築西湖種翠蘿。猶傍軟紅塵裏。來往載清吟。爲偏愛吾廬。畫船頻繫。笑攜雨色晴光入。春明朝市。石橋鎖。烟霞五百名仙。第一人是。臨酒論深意。流光轉。鶯花任亂委。冷然九秋肺腑。應多夢。岩扃冷雲空翠。漱流枕石幽情。寫漪蘭綠。綺轉城處。他山小隊登臨。待西風起。

又

吳城連日賞桂一夕風雨悉已零落獨寓窓曉花方作小蕾未及見開有新邑

夢窓乙葉

八

汲古閣

之役局來西館離落間惘然一枝可愛見倡人而喜爲賦此解

賞月梧園恨。廣寒宮樹曉風搖落。莓砌掃蛛塵。空腸斷。蕉爐燼消殘夢。殿秋尚有餘花鎖。烟窗雲幄。新雁又無端。送人江上。短亭初泊。籬角夢依約。人一笑。惺忪翠袖薄。悠然醉魂喚醒。幽叢畔。淒香霧雨漠漠。晚吹乍顫秋聲。早屏空金雀。明朝想猶有。數點蜂黃伴我斟酌。

永遇樂

過李氏晚粧閣見壁間舊所題詞遂再賦

春酌沉沉。晚粧的的。仙夢遊慣。錦湫維舟。青門倚蓋。還被鶯鶯喚。裴郎歸後。崔娘沉恨。謾客請傳芳卷。聯題在。頻經翠袖。勝隔紺紗塵慢。桃根杏葉。膠粘綳縹。幾回凭闌人換。蛾髻愁雲。蘭香賦粉。都爲多情褪。離巾拭淚。征袍染醉。強作酒朋花伴。留連怕風姨浪妒。又吹雨斷。

又

探梅次時齋韻

夢窓乙葉

九

汲古閣

冷夢燈颭唇語。侶堪怜。念景都開。刺綉但續舊愁。一縷鄰歌散。羅襟印粉袖。濕蓓桃紅露。西湖舊日。留連清夜。愛酒幾將花誤。遺襪塵消。題裙墨黦。天遠吹笙路。吳臺直下。綳悔無限。未放野橋香度。重謀醉揉香弄影。水清淺處。

玉蝴蝶

秋賦

角斷籤鳴疎點。倦螢透隙。低弄書光。一寸悲秋。生動萬種淒涼。舊衫染唾凝花碧。別淚想粧洗。

蜂黃楚魂傷雁汀沙冷來信微茫都忘孤山
舊賞水沉熨露岸錦宜霜敗葉題詩御溝應不
到流湘數客路又隨淮月羨故人還買吳航兩
凝望滿城風雨催送重陽

又秋恨

晚雨未催宮樹可憐閑葉猶抱涼蟬短景歸秋
吟思又接愁邊漏初長夢魂難禁人漸老風月
俱寒想幽歡土花庭甃蟲網闌干無端啼蛄

夢窓乙葉

汲古閣

攪夜恨隨團扇苦近秋蓮一曲當樓謝娘懸泪
立風前故園晚強留詩酒新雁遠不致寒暄隔
蒼烟楚香羅袖誰伴嬋娟

絳都春

元夕

融和又報乍瑞靄霽色皇都春早翠憶競飛玉
勒爭馳都門道鰲山綵結蓬萊島向晚景雙龍
銜照絳綃樓上彤芝葢底仰瞻天表縹緲風
傳帝樂慶三殿共賞羣仙同到迤邐御香飄滿

人間聞嬉笑須臾一點星球小漸隱隱鳴鞘聲
香遊人月下歸來洞天未曉

又

爲郭清華
內子壽

香深霧煥正人在錦瑟年華深院舊日漢宮分
得紅蘭滋吳苑臨池羞落梅花片弄水月初勻
妝面紫烟籠處雙鸞共跨洞簫低按歌管紅
圍翠袖凍雲外似覺東風先轉綉畔晝遲花底
天寬春無限仙郎驕馬瓊林宴待捲上珠簾教

夢窓乙葉

汲古閣

看更傳鶯入新年寶釵夢驚

又

爲李寶房
量珠賀

情粘舞綫悵駐馬灞橋天寒人遠旋剪露痕移
得春嬌栽瓊苑流鶯長語烟中怨恨三月飛花
零亂艷陽歸後紅藏翠掩小坊幽院誰見新
腔按徹背燈暗共倚寶屏慈舊綉被夢輕金屋
裝深沉香換梅花重洗春風面正溪上參橫月
轉竝禽飛上金沙瑞香雲煖

又燕亡久矣京口適見故人悵怨有感

南樓墜燕。又燈暈夜涼。疎簾空捲。葉吹暮喧。花露晨晞。秋光短。當時明月娉婷畔。悵客路幽局俱遠。霧鬟依約。除非照影。鏡空不見。別館秋娘乍識。侶人處。最在雙波凝盼。舊色舊香。閑雨閑雲。情終淺。丹青難畫真真面。便只作梅花頻看。更愁花變梨雲。又隨夢散。昨當作伴

又余往來清華池館六年賦咏屢以感昔傷今益不堪懷乃復作此解

夢窓乙葉

十二

汲古閣

春來雁渚。弄艷冶。又入垂楊如許。困舞瘦腰。啼濕宮黃。池塘雨碧。沿蒼蘚。雲根路。尚追想。凌波微步。小樓重上。憑誰爲唱。舊時金縷。凝竚烟蘿翠竹。欠羅袖。爲倚天寒日暮。強醉梅邊。招得花奴來尊俎。東風須惹春雲住。莫把飛瓊吹去。便教移取薰籠。夜溫綉戶。

惜秋華重九

細響殘蛩。傍燈前似說深秋懷抱。怕上翠微傷

心亂烟殘照。西湖鏡掩塵沙。翳曉影。秦鬟雲擾。新鴻喚。淒涼漸入紅萸烏帽。江上故人老。視東籬秀色。依然始好。晚夢趁鄰杵。斷乍將愁到。秋娘淚濕黃昏。又滿城雨輕風小。閒了看芙蓉。畫船多少。

又七夕

露罥蛛絲。小樓陰墮月。秋驚華鬢。宮漏未央。當時鈿釵送遺恨。人間夢隔西風。算天上年華一

夢窓乙葉

十三

汲古閣

瞬相逢。縱相疎。勝却巫陽無準。何處動涼訊。聽露井。梧桐楚騷成韻。綵雲斷。翠羽散。此情難問。銀河萬古秋聲。但望中。婺星清潤。輕俊度金針。謾牽方寸。

又七夕前一日
送人歸鹽官

數日西風。打秋林聚熟。還催人去。瓜菓夜深斜。河擬看星度。怱怱便倒離尊。悵遇合雲銷萍聚。留連有殘蟬韻。晚時詞金縷。綠水暫如許。奈

南牆冷落竹烟槐。雨此去杜曲已近紫霄尺五。
扁舟夜宿吳江。正水珮寬裳無數。睂嫵問別來
解相思否。

又木芙蓉

路遠仙城自玉郎去却。芳卿憔悴。錦段鏡空。重
鋪步。幢新綺。凡花瘦。不禁秋。幻膩玉。腴紅鮮麗。
相攜試新粧。乍畢。交扶輕醉。長記斷橋外。驟
玉驄過處。千嬌凝睇。昨夢頓醒。依約舊時睂翠。

夢窓乙葉

十四

汲古閣

愁邊暮合碧雲情。唱入六么聲裏。風起舞。斜陽
闌干十二。大曲六么王子喬天
蓉城事有樓名碧雲

惜黃花慢

次吳江小泊夜飲曾窓惜別邦
人趙簿攜小妓侑尊連歌數闌

皆清真詞酒盡已四
鼓賦此詞餞尹梅津

送客吳阜正試霜夜冷。楓落長橋。望天不盡背
城漸杳。離亭黯黯。恨水迢迢。翠香零落。紅衣老
暮愁鎖。殘柳睂梢。念瘦腰沈郎舊日。曾繫蘭橈。
仙人鳳咽瓊簫。悵斷魂送遠。九辯難招。醉鬟

畱盼小窗。剪燭歌雲。載恨飛上銀霄。素秋不解
隨船去。敗紅趁一葉寒濤。夢翠翹怨紅料過南
燕。

十二郎

垂紅橋
上有垂虹亭屬吳江中一節中

素天際水。浪拍碎。凍雲不凝。記曉葉題霜。秋燈
吟雨。曾繫長橋過艇。又是賓鴻重來後。猛賦得
歸期纔定。嗟綉鴨解言香。鱸堪釣。尚廬人境。
幽興爭如共載。越娥粧鏡。念倦客依前。貂裘茸

夢窓乙葉

十五

汲古閣

帽重向淞江。照影。酹酒滄茫。倚歌平遠。亭上玉
虹腰冷。迎醉面。暮雪飛花。幾照黛愁山暝。

燭影搖紅

壽王
榮玉

天桂飛香。御花簇座千秋宴。笑從王母摘仙桃。
瓊醴雙金盞。掌上龍珠照眼。映羅圖星暉海潤。
浮槎遠到。水淺蓬萊。秋明河漢。寶月將弦。晚
釣斜掛西簾捲。未須十日便中秋。爭看清光滿。
淨洗紅塵障面。賀朝霖催班正殿。喜回天上。紫

府開遙瑤池宣勤

又賦德清縣
國古紅梅

莓鎖虹梁稽山祠下當時見橫斜無分照溪光
珠網空凝徧姑射青春對面駕飛虬羅浮路遠
千年春在新月苔池黃昏山館花滿河陽爲
君羞褪晨妝舊雲根直下是銀河客老秋槎變
雨外紅鉛洗斷又晴霞驚飛暮管倚闌只怕弄
水鱗生乘東風便

夢窓乙葉

汲古閣

醜奴兒龍翁飛翼樓觀雪

東風未起花上緘座無影峭雲溼凝酥深塢乍
洗梅青鈎簾愁絲冷浮虹氣海空明若耶門閉
扁舟去懶客思鷗輕幾度問春倡紅冶翠空
媚陰晴看真色千岩一素天淡無情醒眼重開
玉鈎簾外曉峰青相扶輕醉越王臺上更最高
層

又雙清樓在
錢塘門外

空濛乍斂波影簾花晴亂正西子梳粧樓上鏡
舞青鸞潤逼風襟滿湖山色入闌干天虛鳴籟
雲多易雨長帶秋寒遙望翠凹隔江時見越
女鬟低算堪羨烟沙白鷺算往朝還歌管重城
醉花春夢半香殘乘風邀月持盃對影雲海人
間

木蘭花慢

陪舍幕遊虎丘時魏益齋已秘親擢陳芬窟李方菴皆將滿秩

夢窓乙葉

十七

汲古閣

玉瘦顚顚真真輕藁漸穿險磴步荒苔猶認瘞
花痕千古興亡舊恨半丘殘日孤雲開尊重
弔吳魂嵐翠冷洗微醺問幾曾夜宿月明起看
釧水星紋登臨總成去客更軟紅先有探芳人
回首滄波故苑落梅烟雨黃昏

又重遊
虎丘

步層丘翠莽處更春寒漸晚色催陰風花弄雨
愁起闌干驚翰帶雲去杳任紅塵一片落人間

青塚麒麟有恨卧聽簫鼓遊山 年年葉外花
前嬌艷楚髮成潘嘆寶奩塵久青萍共化裂石
空磐塵緣酒沾粉污問何人從此濯清泉一笑
掀髯付與寒松瘦倚蒼巒

又重泊

酹清盃問水慣曾見幾逢迎自越棹輕飛秋萼
歸後杞菊荒荆孤鳴舞鷗慣下又漁歌忽斷晚
烟生雪浪閒銷釣石冷楓頻落江汀長亭春

夢窓乙藁

十八

汲古閣

恨何窮目易盡酒微醒悵斷魂西子凌波去杳
環珮無聲陰晴最無定處被浮雲多翳鏡華明

曉東風霽色綠楊樓外山青

又施芸隱隨綺節過浙東
作詞畱別用其韵以餞

幾臨流送遠漸荒落舊郵亭念西子初來當時
望眼啼雨難晴娉婷素紅共載到越吟翻調倚
吳聲得意東風去棹怎憐會重離輕雲零夢
轉浮觴流水畔叙幽情恨賦筆分攜江山委秀

桃李荒荆經行問春在否過汀洲暗憶百花名
鶯縷爭堪細折御黃堤上重盟

喜遷鶯同丁基仲過希
道家看牡丹

凡塵流水正春在絳闕瑤階十二暖日明霞天
香盤錦低映曉光梳洗故苑浣花沉恨化作妖
紅斜紫困無力倚闌干還倩東風扶起公子
畱意處羅蓋牙籤一一花名字小扇翻歌密圍
畱客雲葉翠溫羅綺艷波紫金盃重人倚妝臺

夢窓乙藁

十九

汲古閣

微醉夜和露剪殘枝點點花心清淚

又福山蕭寺歲除

江亭年暮趁飛雁又聽數聲柔櫓藍尾盃單膠
牙飴淡重省舊時羈旅雪舞野梅籬落寒擁漁
家門戶晚風峭做初番花訊春還知否何處
圍艷冶紅燭畫堂博簪良宵午誰念行人愁先
芳草輕送年華如羽自剔短檠不睡空索綵桃
新句便歸好料鶯黃已染西池千縷

探芳信

與李方菴聯舟入杭時方菴至嘉興索舊燕同載是夕雪大作林簾

洲渚皆瓊瑤方菴馳小序求詞且約訪蔡公甫

夜寒重。見羽葆將迎。飛瓊入夢。整素妝歸處。中宵按瑤鳳。舞春歌夜棠梨岸。月冷和雲凍。画船中太白仙人。錦袍初擁。應過浯溪否。試笑挹中郎。還叩清弄。粉黛湖山。欠攜酒共飛鞚。洗盃時換銅觚水。待作梅花供。問何時帶雨鋤煙自種。

夢窓乙葉

汲古閣

又

丙申歲吳燈市盛常年余借宅幽坊一時名勝遇合置酒接殷勤之懽甚盛事也分鏡字韵

暖風定。正賣花吟春。去年曾聽旋白沈幽蘭。銀瓶釣金井。斗窗香暖。慳畱客街鼓。還催暝。調鸕鷀。驚試遣深盃。喚將愁醒。燈市又重整。待醉勒遊韁。緩穿斜徑。暗憶芳盟。綃帕淚猶凝。吳宮十里吹笙路。桃李都羞靚。繡簾人怕惹。飛梅翳鏡。

聲聲慢

詠桂花

藍雲籠曉。玉樹懸秋。交加金釧霞枝。人起昭陽。

禁寒粉粟生肌。濃香最無著處。漸冷香風露成。

霏繡茵展。怕空堦驚墜。化作螢飛。三十六宮。

愁重。問誰持金錘。和月都移。掣鎖西廂。清尊素

手重攜。秋來髣髴華多少。任烏紗醉壓花低。正搖

落嘆淹畱客。又未歸。

又

四香。友人以梅蘭瑞香水仙供客。曰四香分韵得風字。

雲深山塢。烟冷江皋。人生未易相逢。一笑燈前。

夢窓乙葉

汲古閣

釵行兩兩。春容清芳。夜爭真態。引生香。撩亂東

風探花手。與安排。金屋。懊惱司空。憔悴欹翹。

委珮。恨玉奴消瘦。飛趁輕鴻。試問知心。尊前誰

最情濃。連呼紫雲伴。最小丁香。纔吐微紅。還解

語。待攜歸行雨夢中。

最當作醉

又

飲時貴家卽席三姬求詞

春星當戶。眉月分心。羅屏繡幕圍香。歌緩輕塵。

暗較文梁。秋桐泛商絲雨。恨未回飄雪。垂楊連

寶鏡更一家姊妹曾入昭陽。鶯燕堂深誰到。
爲殷勤須放。醉客疎狂。量減離懷。孤負蘸甲清。
觴曲中倚嬌伴。誤算只圖一顧周郎。花鎮好駐
年華長在鎖窗。

又宏菴宴席客有持桐子侑
組者自云其姬親剝之

寒簫驚墜香豆初收。銀床一夜霜深。亂寫明珠。
金盤來薦清斟。綠窗細剝檀皺。料水晶微損春。
簪風韻處。惹手香酥。潤櫻口脂侵。重省追涼。
夢窓乙葉
前事正風吟。莎井月碎苔陰。顚顚相思。無情謾
攪秋心。銀臺剪花盃散。夢阿嬌金屋沉沉。甚時
見露拾香釵燕墜金。

又贈藕
花洲

六銖衣細。一葉舟輕。黃蘆堪笑浮槎。何處汀洲。
雲瀾錦浪無涯。秋姿淡凝水色。艷真香不染春。
華笑歸去。傷金波開戶。翠屋爲家。回首紅粧。
青鏡與一川平綠。五月晴霞。頰玉盃中。西風不

到窗紗端的。舊連深意。料采菱新曲。羞謔秋波。
灝對年年人。勝似花。

。又饒魏綉使泊吳
江爲友人賦

旋移輕鷁。淺傍垂虹。還因送客遲留。淚雨橫波。
遙山眉上新愁。行人倚闌。心事問誰知。只有沙
鷗念聚散。幾楓丹。霜渚暮綠春洲。漸近香菰。
炊黍想紅絲。織字未遠。青樓寂寞。漁鄉爭如連
醉溫柔。西窗夜深。剪燭夢頻生。不放雲收。共悵

夢窓乙葉

二十三

汲古閣

望認孤烟起處是洲。

又景夏

梅黃金重。柳細絲輕。園林草烟如織。殿角風微。
簾外燕喧鶯寂。池塘綵鷺乍起。露荷翻千點珠。
滴閒畫永。稱瀟湘竿叟。爛柯仙客。日午槐陰
低轉。茶甌能清風頓生。兩腋撚玉盤中。朱李淨
沉寒碧。朋儕閒歌白雪。卸紗巾尊俎狼籍。有皓
月照黃昏眠。又未得。

。高陽臺豐樂樓

脩竹凝粧垂楊駐馬憑闌淺画成圖山色誰題
樓前有雁斜書東風緊送斜陽下弄舊寒晚酒
醒餘自銷凝能幾花前頻老相如傷春不在
高樓上在燈前欹枕雨外薰爐怕艤遊船臨流
可奈清癯飛紅若到西湖底攪翠瀾總是愁魚
莫愁來吹盡香綿泪滿平蕪

。又落梅

夢窓乙藁

二十四

汲古閣

宮粉雕痕仙雲墮影無人野水荒灣古石埋香
金沙鎖骨連環南樓不恨吹橫笛恨曉風千里
關山半飄零庭上黃昏月冷闌干壽陽宮理
愁鸞問誰調玉髓暗補香瘢細雨歸鴻孤山無
限春寒離魂難倩招清些夢縞衣解珮溪邊最
愁人啼鳥晴明葉底清園

又送王歷陽以右曹赴闕

淝水秋寒淮堤柳色別來幾換年光紫馬行遲

纔生夢草池塘便乘丹鳳天邊去禁漏催春殿
稱觴過松江雪弄飛花冰解鳴璫芳洲酒社
詞場賦高臺陳迹曾醉吳王重上逋山詩清月
瘦昏黃春風侍女衣篝畔早鵲袍已煖天香到
東園應費新題千樹苔蒼

又壽毛荷塘

風裊垂楊雪消蕙草何如清潤潘郎風月襟懷
揮毫倚馬成章仙都觀裏桃千樹映麴塵十里

夢窓乙藁

二十五

汲古閣

荷塘未歸來應戀花洲醉玉吟香東風晴晝
濃如酒正十分皓月一半春光燕子重來明朝
傳夢西窗朝寒幾煖金爐燼料洞天日月偏長
杏園詩應待先題嘶馬平康

倦尋芳上元

海霞倒影空霧飛香天市催晚暮靨宮梅相對
画樓簾捲羅襪輕塵花笑語寶釵爭艷春心眼
亂簫聲正風柔柳弱舞肩交燕念窈窕東鄰

深巷燈外歌沉月上花淺夢雨離雲點點漏壺
清怨珠絡香銷空念住紗窗人老羞相見漸銅
壺閉春陰曉寒人倦

三姝媚詠春情

吹笙池上道爲王孫重來旋生芳草水石清寒
過半春猶自燕沉鶯悄柳柳闌干晴蕩漾禁烟
殘照往事依然爭忍重聽怨紅淒調曲榭方
亭初掃印蘚迹雙鴛記穿林窈窕頓隔年華似夢

夢窓乙葉

二十六

汲古閣

回花上露晞平曉恨逐孤鴻客又去清明還到
便鞍墻頭歸騎青梅已老

又過都城舊居有感

湖山徑醉慣漬春衫啼痕酒痕無限又客長安
嘆斷衿零袂汗塵誰浣紫曲門荒沿敗井風搖
青蔓對語東鄰猶是曾巢謝堂雙燕春夢人
間須斷但惟得當年夢緣能短繡屋秦箏傷海
棠偏愛夜淺開宴舞歌歌沉花未減紅顏先變

竚久河橋欲去斜陽淚滿

畫錦堂有感

舞影燈前簫聲酒外獨鶴華表重歸舊雨殘雲
仍在門巷都非愁結春情迷醉眼老憐秋髮倚
蛾眉難忘處猶恨綉籠無端誤放鶯飛當時
征路遠懽事差十年輕負心期楚夢秦樓相遇
共嘆相違淚香沾溼孤山雨瘦腰折損六橋絲
何時向窓下剪殘紅燭夜杪參移

夢窓乙葉

二十七

汲古閣

又過種山即越文種墓

帆落迴潮人歸故國山椒感慨重遊弓折霜寒
機心已墮沙鷗燈前寶劒清風斷正五湖雨笠
扁舟最無情岩上閑花腥染春愁當時白石
蒼松路解勒回玉輦霧掩山羞木客歌闌青春
一夢荒丘年年古苑西風到雁怨啼綠水蒨秋
暮登臨幾樹殘烟西北高樓

漢宮春

追和尹梅津賦俞園牡丹

花姥來時帶天香國艷羞掩名姝日長半嬌半
困宿酒微蘇沉香檻北比人間風異烟殊春恨
重盤雲墜碧花翻吐瓊盃洛苑舊移仙譜
向吳娃深館曾奉君娛猩唇露紅未洗客髩霜
鋪蘭詞沁壁過西園重載雙壺休設道花扶人
醉醉花却要人扶

花心動郭清華新軒

入眼青紅小玲瓏飛簾度雲微溼繡檻展春金
夢窓乙葉二十八汲古閣

屋寬花誰管采菱波狹翠深知是深多少都不
放夕陽紅入待粧綴新漪漲翠小園荷葉此
去春風滿篋應時鎖蛛絲淺虛塵榻夜雨試燈
晴雪次梅趣取玳簪重盍捲簾不解招新燕春
須笑酒慳歌澁半窗掩日長困生翠睫

又柳

十里東風裏垂楊長似舞時腰瘦翠館朱樓紫
陌青門處處燕鶯晴晝乍看搖曳金絲袖春淺

映鶯黃如酒嫩陰裏煙滋露染翠嬌紅溜此
際雕鞍去久空追念郵亭短枝盈首海角天涯
寒食清明淚點絮花沾袖遠年折贈行人遠今
年恨依然纖手斷腸也羞眉盡應未就

八聲甘州陪庚幕諸公遊靈岩

渺空煙四遠是何年青天墜長星幻蒼崖雲樹
名娃金屋殘霸宮城箭逕酸風射眼膩水染花
腥時輟雙鴛響廊葉秋聲宮裏吳王沉醉倩

夢窓乙葉二十九汲古閣

五湖倦客獨釣醒醒問蒼天無語華髮奈山青
水涵空闌干高處送亂鴉斜日落漁汀連呼酒
上琴臺去秋與雲平

又姑蘇臺和施芸隱韵

步晴霞倒影洗閑愁深盃滌風漪望越來清淺
吳歛香靄江鴈初飛輦路凌空九險粉冷濯粧
池歌舞煙霄頂樂景沉暉別是青紅闌檻對
女牆山色碧澹空骨間當時遊鹿應笑古臺非

有誰招扁舟漁隱但寄情西子却題詩閑風月
暗消磨盡浪打鷗磯

又和梅

記行雲夢影步凌波仙衣剪芙蓉念盃前燭下
十香搵袖玉煖屏風分種寒花舊盞薜土蝕吳
蠶人遠雲槎渺煙海沉蓬重訪樊姬隣里怕
等閑易別那忍相逢試潛行幽曲心蕩忽忽井
梧凋銅鋪低亞映小眉瞥見立驚鴻空惆悵醉

夢窓乙葉

汲古閣

秋香畔往事朦朧

新鴈過粧樓

感秋

夢醒芙蓉風簷近渾疑珮玉丁東翠微流水都
是惜別行蹤宋玉秋花相比瘦賦情更苦似秋
濃小黃昏紺雲暮合不見征鴻宜城當時放
客認燕泥舊迹返照樓空夜闌心事燈外敗壁
寒蛩江寒夜楓怨落怕流作題情腸斷紅行雲
遠料澹蛾人在秋香月中

又

中秋後一夕李方菴月庭延客
命小妓過新水令坐間賦詞

閨苑高寒金樞動氷宮桂樹年年剪秋一半難
破萬戶連環織錦相思樓影下鈿釵暗約小簾
間共無眠素娥慣得西墜闌干誰知壺中自
樂正醉園夜玉淺鬪嬋娟鴈風自勁雲氣不上
涼天紅牙潤沾素手聽一曲清歌雙霧鬟徐郎
老恨斷腸聲在離鏡孤鸞

淒涼調

合肥巷陌皆種柳秋風夕起騷騷
然余客居閩戶時聞馬嘶出城四

夢窓乙葉

汲古閣

他則荒煙野草不勝淒黯乃著此解琴
有淒涼調假以爲名凡曲言犯者謂以
宮犯商或上字犯宮之類如道調宮上字住
雙調亦上字住所住字同故道調中
犯雙調或上字犯宮中犯道調其他準
此唐人樂書云犯有正旁偏側宮犯宮
爲正宮犯商爲旁犯角爲偏側宮犯羽
爲側此說非也十二宮所住字各不同
不容相犯此十二宮特可犯商角羽耳余
歸行都以此曲示國上田正德使以亞
俗器吹之其韻極
美亦曰瑞鶴仙影

綠楊巷陌秋風起邊城一弓離索馬嘶漸遠人
歸甚處戍樓吹角情懷甚惡更衰草寒煙澹薄

似當時將軍部曲迤邐度沙漠追念西湖上
小舫攜歌晚花行樂舊遊在否想如今翠凋紅
落漫寫羊裙等新鴈來時繫着怕忽忽不肯寄
與悞後約

尾犯

夜雨滴空堦孤館夢回情緒蕭索一片閑愁想
丹青難摸秋漸老蛩聲正苦夜將闌燈花漸落
最無端處忍把良宵只恁孤眠却佳人應怪
夢窓乙藁
三十二
汲古閣
我自別後寡信輕諾記得當時剪香雲爲約甚
時向幽閨深處按新詞流霞共酌再同歡笑肯
把金玉珠珍博

東風第一枝情

傾國傾城非花非霧春風十里獨步勝如西子
妖嬈更比太真淡竚鉛華不御謾道有巫山洛
浦似恁地標格無雙鎮鎖畫樓深處曾被風
容易送去曾被月等閑留住似花翻使花羞似

柳任從柳妬不教歌舞恐化綵雲輕舉信下蔡
陽城俱迷看取宋玉詞賦

夜合花

自鶴江入京泊
葑門外有感

柳暝河橋鶯暗臺苑短檠頻惹春香當時夜泊
溫柔便入深鄉詞韵窄酒盃長剪蠟花壺箭催
忙共追遊處凌波翠陌連棹橫塘十年一夢
淒涼似西湖燕去吳館巢荒重來萬感依前喚
酒銀缸溪雨急岸花狂趁殘鴉飛過滄茫故人
夢窓乙藁
三十三
汲古閣
樓上憑誰指與芳草斜陽

余家藏書未倫如四明吳夢窓詞稿二十
年前僅見丙丁二集因遂授梓蓋尺錦寸
繡不忍秘諸枕中也今又得甲乙二冊但
錯簡紛然如風裡落花誰是主此南唐後
主亡國詞識也無可奈何花落去似曾相
識燕歸來巧對晏元獻公與江都尉同遊
池上一段佳話久已耳熟豈容攘美又如

秦少游門外綠陰千頃蘇子瞻敲門試問
野人家周美成倚樓無語理瑤琴歐陽永
叔佳人初試薄羅裳之類各入本集不能
條舉但如雲接平岡對宿煙收諸篇自注
附某集者姑仍之未識誰主誰賓也古虞
毛晉識

夢窓乙藁

三十四

汲古閣

夢窓乙藁

夢窗詞稿目錄

丙稿

丹鳳吟 一調

喜遷鶯 一調

柳梢青 一調

生查子 一調

玉漏遲 一調

一剪梅 一調

點絳脣 一調

絳都春 一調

祝英臺近 一調

燭影搖紅 一調

歸花遊 一調

西江月 一調

夢窗詞稿目

一

汲古閣

宴清都 一調

桃源憶故人 一調

浣溪沙 一調

木蘭花慢 一調

水龍吟 一調

夜行船 一調

朝中措 一調

塞翁吟 一調

風入松 一調

燭影搖紅 一調

尾犯 一調

水龍吟 一調

宴清都 一調

聲聲慢 一調

永遇樂 一調

西江月 一調

朝中措	一調	秋蕊香	一調
惜秋華	一調	聲聲慢	一調
點絳脣	二調	慶春宮	一調
蝶戀花	一調	玉樓春	一調
柳梢青	一調	燭影搖紅	一調
齊天樂	一調	水龍吟	二調
浣溪沙	二調	無春慢	一調
塞垣春	一調	一剪梅	一調
夢窗詞稿目			
二			
木蘭花慢	一調	探芳信	一調
燕歸梁	一調	解語花	一調
祝英臺近	一調	烏夜啼	一調
浪淘沙	一調	踏莎行	一調
齊天樂	一調	繞佛閣	一調
秋蕊香	一調	疎影	一調
聲聲慢	一調	木蘭花慢	一調
瑞鶴仙	一調	浪淘沙	一調
汲古閣			

水調歌頭	一調	思佳客	一調
垂絲釣	一調	喜遷鶯	一調
西河	一調	點絳脣	一調
滿江紅	一調	祝英臺近	一調
珍珠簾	一調	滿江紅	一調
木蘭花慢	一調	極相思	一調
醉蓬萊	一調	三部樂	一調
秋思耗	一調	法曲獻仙音	一調
夢窗詞稿目			
三			
愁春未醒	一調	月中行	一調
丁稿			
瑞龍吟	一調	瑞鶴仙	一調
思佳客	一調	沁園春	一調
齊天樂	一調	玉樓春	一調
醉落魄	一調	蝶戀花	一調
朝中措	一調	江城梅花引	一調
杏花天	一調	倦尋芳	一調
汲古閣			

滿江紅	一調	朝中措	一調
龍山會	一調	夢行雲	一調
天香	一調	謁金門	一調
鬬啼序	一調	點絳脣	一調
繞佛閣	一調	夜遊宮	一調
如夢令	一調	醉桃源	一調
絳都春	一調	漢宮春	一調
瑤花	一調	瑞鶴仙	一調
夢窗詞稿目			
四			
暗香	一調	淒涼犯	一調
思佳客	一調	宴清都	一調
六醜	一調	蕙蘭芳引	一調
探芳信	一調	惜黃花慢	一調
金縷歌	一調	青玉案	一調
浣溪沙	一調	探芳信	一調
採桑子	一調	三姝媚	一調
水龍吟	一調	燭影搖紅	三調
汲古閣			

望江南	一調	天香	一調
江神子	一調	沁園春	一調
採桑子	一調	清平樂	一調
燕歸梁	一調	西江月	一調
滿江紅	一調	夜行船	一調
好事近	一調	浣溪沙	一調
風入松	一調	鷓鴣天	一調
虞美人影	一調	訴衷情	一調
夢窗詞稿目			
五			
花上月令	一調	卜算子	一調
秋霽	一調	鳳棲梧	一調
江神子	一調	齊天樂	一調
賀新郎	一調	霜天曉角	一調
烏夜啼	一調	夜行船	一調
鳳栖梧	一調	生查子	一調
尾犯	一調	慶春宮	一調
霜天曉角	一調	漢宮春	一調
汲古閣			

西江月	一調	浣溪沙	一調
戀繡衾	一調	催雪	一調
杏花天	一調	醉桃源	一調
菩薩蠻	一調		
絕筆			
鷓鴣序	一調		
夢窗補遺			
聲聲慢	一調	倦尋芳	一調
夢窗詞稿目		汲古閣	
絳都春	一調	唐多令	一調
法曲獻仙音	一調	好事近	一調
憶舊遊	一調	宴清都	一調
金縷歌	一調		
夢窗詞稿目錄	終		

夢窗丙稿

丹鳳吟 賦陳宗之芸居樓

麗錦長安人海。避影繁華。結廬深寂。燈窗雪戶。光映夜寒東壁。心彫鬢改。鏤冰刻水。縹簡離離。風籤索索。怕遣花蟲蠹粉。自採秋芸。熏架香汎。纖碧。夏上新梯窈窕。暮山淡著。城外色。舊雨江湖遠。問桐陰。門巷燕曾相識。吟壺天小。不覺翠蓬雲隔。桂斧月宮三萬手。計元和通籍。輭紅滿路。誰聘幽素客。

喜遷鶯 甲辰冬至寓越兒輩尚謂瓜經蕭寺

冬分人別。渡倦客。晚潮傷頭俱雪。雁影秋空。蝶情春蕩。幾處路窮車絕。把酒笑溫寒夜。倚繡添慵。時節。又底事。對愁雲。江國離心還折。吳越重會。面檢點。舊吟同看。燈花結。兒女相思。年華輕送。隣戶斷簫聲。噎待移杖。藜雪後。猶怯蓬萊。

夢窗丙稿

汲古閣

寒閣晨起嬾任鴉林催曉梅窗沈月

柳梢青

與龜翁登研意觀雪懷癸卯歲臘朝斷橋竝馬之游

斷夢游輪孤山路杳。越樹陰新。流水凝酥。征衫沾淚都是離痕。玉屏風冷。愁人醉爛。燭梅花翠雲。傷夜船回。惜春門掩。一鏡香塵。

生查子

稽山對雪有感

算雲千萬重。寒夢家鄉遠。愁見越溪娘。鏡裏梅花面。醉情啼枕水。往事分釵燕。三月灞陵橋。

夢窗丙稿

汲古閣

心剪東風亂

玉漏遲

中秋

雁邊風訊小。飛瓊望杳。碧雲先晚。露冷欄干定。怯藕絲冰腕。淨洗浮雲片玉。勝花影。春燈相亂。秦鏡滿。素娥未肯分秋一半。每圓處。卽良宵。甚此夕。偏饒對歌臨怨。萬里嬋娟。幾許霧屏雲幔。孤兔淒涼照水。曉風起。銀河西轉。摩淚眼。瑤臺夢。回人遠。

一剪梅 贈友

遠目傷心樓上山。愁裏長睂。別後蛾鬟。算雲低壓小欄干。教問孤鴻。因甚先還。瘦倚溪橋梅夜寒。雪欲銷時。淚不禁彈。剪成釵勝待歸看。春在。西窗。燈火更闌。

點絳脣

越山見梅

春未來時。酒攜不到千岩路。瘦還如許。晚色天寒處。無限新愁。難對風前語。行人去。暗銷春夢。素橫笛。空山暮。

夢窗丙稿

汲古閣

素橫笛。空山暮。

絳都春

題蓬萊閣燈屏

螺屏映翠。正霧捲暮色。星河浮霽。路幕遞香街。馬衝塵。東風細。梅槎凌海橫。鯨背倩穩載。蓬萊雲氣。寶街斜轉。冰娥素影。夜清如水。應記千秋化鶴。舊華表。認得山川猶是。暗解繡囊。爭擲金錢。游人醉。笙歌曉度晴霞外。又上苑。春生一草。便教接宴。鸞花萬紅鏡裏。

祝英臺近 除夜 立春

剪紅情。裁綠意。花信上釵股。殘日東風。不放歲華去。有人添燭西窗。不眠侵曉。笑聲轉新年鬢語。舊尊俎。玉纖曾擘黃柑。柔香繫幽素。歸夢湖邊。還迷鏡中路。可憐千點吳霜。寒銷不盡。又相對落梅如雨。

燭影搖紅 元夕 微雨

碧澹山姿。暮寒愁沁。歌眉淺。障泥南陌潤輕酥。

夢窗丙稿

汲古閣

燈火深深院。入夜笙歌漸暝。綵旗翻空。男舞通

恣游不怕。素娥塵生。行裙紅滅。銀燭籠紗。翠

屏不照殘梅怨。洗粧清靨。春風宜帶啼痕看。

楚夢留情未散。素娥愁天長信遠。曉窗移枕。酒

困香殘。春陰簾捲。

掃花遊 賦瑞圃萬家春堂

暝波印日。倒秀影秦山。曉鬟梳洗。步帷艷綺。正梁園未雪。海棠猶睡。藉綠盛紅。怕委天香到地。

画船繫。舞西湖暗黃。虹臥新霽。天夢春枕被。

和鳳筑東風。宴歌曲水。海宮對起。燦驪光乍溼。

杏梁雲氣。夜色瑤臺。禁蠟初傳。翡翠喚春醉。問

人間幾番桃李。

西江月 賦瑞圃青梅枝上晚花

枝裊一痕雪。在葉藏幾豆春濃。玉奴最晚嫁東風。來結梨花幽夢。香力添熏羅被。瘦肌猶怯水綃。綠陰青子老溪橋。羞見東鄰嬌小。

夢窗丙稿

汲古閣

宴清都 錢嗣榮仲享還京

翠羽飛梁苑。連催發、暮牆畱話江燕。塵階墮珥。瑤扉乍鑰。綵繩雙罥。新煙暗、葉成陰。效翠嫵西陵送遠。又趁得、藍露天香。春留建章花晚。歸來笑折仙桃。瓊樓宴夢。金漏催箭。蘭亭秀語。烏絲潤墨。漢宮傳翫。紅歌醉玉天上。倩鳳尾時題画扇。問幾時重駕巫雲。蓬萊路淺。

桃源憶故人

越山青斷西陵浦。一岸密陰疎雨。潮帶舊愁生。
算曾折盡楊處。桃根桃葉當時渡。嗚咽風前。
柔櫓。燕子不留春住。空寄離檣語。

浣溪沙

題史菊屏扇

門巷深深小西樓。闌干曾識凭春愁。新蓬遮却
繡鴛游。桃觀日斜香掩戶。蘋溪風起水東流。
紫萸玉腕又逢秋。

木蘭花慢

壽秋齋

夢窗兩稿

六

汲古閣

記瓊林宴起。輭紅路幾西風。想漢影千年。荆江
萬頃。杳信長通。金猊錦鞵賜馬。又霜橫漢節聚。
仍紅。細柳春陰喜色。四郊秋事年豐。從容。歲
晚玉關長不閉。靜邊鴻訪武昌舊壘。山川相繆。
日費詩筒。蘭宮繫書翠羽。帶天香飛下玉芙蓉。
明月瑤笙奏徹。倚樓黃鶴聲中。

水龍吟

過秋壑湖上舊居寄贈

小湖北嶺雲多。小園暗碧鸞啼處。朝回勝賞。墨

池香潤。吟船繫雨。霓節千妃。錦颿一箭。攜將春
去。算歸期未卜。青煙散後。春城詠飛花句。黃
鶴樓頭月午。奏玉龍江梅解舞。熏風紫禁。嚴更
清夢。思懷幾許。秋水生時。賦情還在。南屏別墅。
看章臺走馬。長堤種取。柔絲千樹。

夜行船

贈趙梅齋

夢窗兩稿

七

汲古閣

香衾夢鎮疎清曉。並蒂蓮開。合歡屏映。玉漏又
催朝早。

朝中措

贈趙梅齋

吳山相對越山青。湘水一春平。粉字情深。題葉
紅波香染浮萍。朝雲暮雨。玉壺塵世。金屋瑤
京。晚雨西陵潮汛。沙鷗不似身輕。

塞翁吟

錢梅津除郎赴闕

有約西湖去。移棹曉折芙蓉。算終是。稱心紅。染

不盡薰風。千桃過眼春如夢。還認錦疊雲重。弄
晚色。舊香中。旋撐入深叢。從容情。猶賦冰車
健筆。人未老。南屏翠峯。轉河影。浮查信早。素妃
叫海目。歸來太夜池東。紅衣卸了。結子成蓮。天
勁秋濃。

風入松

壽梅

一飄江上。算潮平。騎鶴過瑤京。湘波山色。青天
外。紅香蕩玉珮東。西圃仍圓夜月。南風微弄
夢窗雨稿

汲古閣

秋聲。阿咸才俊。翠壺冰。王母最憐生。萬年枝
上千年葉。垂楊鬢春共青青。連喚碧筒傳酒。雲
回一曲雙成。

燭影搖紅

越上霖雨應禱

秋入燈花。夜深簷影。琵琶語。越娥青鏡。洗紅埃
山鬪秦眉嫵。相間金茸翠畝。認城陰。春畊舊處。
晚春相應。新稻炊香。疎煙林莽。清磬風前海
沈宿裏芙蓉炷。阿香秋夢起。嬌啼玉女傳幽素。

人駕海查未渡。試梧桐。聊分宴俎。採菱別詠。留
取蓬萊。霎時雲住。

尾犯

贈浪翁重客吳門

翠被落紅粧。流水膩香。猶共吳越。十載江楓。冷
霜波成纈。燈院靚涼花。乍剪桂園深幽。香旋折。
醉雲吹散。晚樹細蟬。時替離歌咽。長亭曾送
客。偷賦錦雁留別。淚接孤城。渺平蕪煙闊。半菱
鏡青門重售。採香堤。秋蘭共結。故人顚顚。遠夢
夢窗雨稿

九

汲古閣

越來溪畔月。

水龍吟

壽王

望中璇海波新。訊查又。匝銀河轉。金風細裏。龍
枝聲奏。鈞簫秋遠。南極飛仙。夜來催駕。祥光重
見。紫霄承露掌。瑤池陰密。蟠桃秀。螽運綻。新
陳晴暈。凌漢半涼生。蘭繁書卷。繡裳五色。昆臺
十二。香深簾捲。花萼樓高處。連清曉。千秋傳宴。
賜長生玉宇。鸞迴鳳舞。下蓬萊殿。

宴清都

壽秋

翠匝西門柳。荆州昔未來時。正春瘦。如今賸舞。
西風舊色。勝東風秀。黃梁露溼秋江。轉萬里雲。
檣蔽畫。正虎落馬靜。晨嘶連營夜沈。刁斗。舍
章換幾桐陰。千官邃幄。韶鳳還奏。席前夜久。天
低燕密。御香盈袖。星槎信約長在。醉與渺銀河
賦就。對小弦月挂南樓。涼浮桂酒。

聲聲慢

壽方泉

夢窗丙稿

汲古閣

鬢圓長徑。鱸躍尊波。重來雨過中秋。酒市漁鄉。
西風勝似春柔。宿春去年村墅。看黃雲還委。西
疇。風池去。信吳人有分。借與遛留。應是香山
續夢。又疑香追詠。重到蘇州。青鬢江山。足成千
歲風流。圍腰御仙花底。襯月中金粟。香浮夜燕
久。攬秋雲。平倚画樓。

永遇樂

乙巳中秋風雨

風拂塵徽。雨侵涼榻。纔動幽思。緩酒消夏。移燭

傍影。淨洗芭蕉耳。銅華滄海。愁蠹重幘。燕北雁

南天外。算陰晴。渾似幾番。渭城故人離會。青

樓舊日。高歌取醉。玉妃口口。梳洗紅葉。流光殫

花兩鬢。心事成秋。水白凝虛曉。香吹輕燼。倚窗

小瓶疎桂。問深宮。嬌娥正托。妬雲第幾。

西江月

登蓮菜閣看桂

清夢重遊天上。古香吹下雲頭。簫聲三十六宮。
愁高處。花驚風驟。客路羈情不斷。闌干晚色

夢窗丙稿

十一

汲古閣

先收千山濃綠。未成秋。誰見月中人瘦。

朝中措

題陸桂山詩集

殷雲凋葉晚晴初。籬落認奚奴。纔近西窗燈火。
旋收殘夜琴書。秋深露重。天空海闊。玉界香

浮。木落秦山清瘦。西風幾許工夫。

秋蕊香

和吳見山賦落桂

寶月驚塵墮曉。愁瑣空枝。殘照古苔。幾點露螢。
小銷滅。秋光旋少。佩丸尚憶春酥裏。故人老

斷香忍和淚痕掃。魂返東籬夢香。

惜秋華

八月飛翼樓登高

思渺西風。悵行踪浪逐南飛高雁。怯上翠微危樓。更堪凭晚。蓬萊對起幽雲。澹埜色。山容愁捲清淺。瞰滄波。靜銜秋痕一綫。十載寄吳苑。慣東籬深處。把露黃偷剪。移算景照越鏡。意銷香斷。秋娥賦得閒情。倚翠尊小眉初展。深勸待明朝。醉巾重岸。

夢窗丙稿

十二

汲古閣

聲聲慢

和沈時參八日登高韵

憑高入夢。搖落關情。寒香吹盡空巖。陸葉銷紅。欲題秋訊。難緘重陽正隔殘照。趁西風不響雲尖。葉半暝。看殘山濯翠。剝水開匳。暗省長安年少。幾傳盃。甫把菊招潛。身老江湖。心隨飛雁。天南島。紗倩誰重整。映風林鈞玉纖纖漏聲起。亂星河入影。画簷。

點絳脣

和吳見山韵

金井空陰。枕痕歷盡秋聲。聞夢長難曉。月樹愁鴉悄。梅壓檐梢。寒蝶尋香到。窗黏了。翠池春小。波冷鴛鴦覺。

。又有懷蘇州

明月茫茫。夜來應照南橋路。夢遊熟處。一枕啼秋雨。可惜人生。不向吳城住。心期誤。雁將秋去。天遠青山暮。

慶春宮

題錢得開園池

夢窗丙稿

十三

汲古閣

春屋圍花。秋池沿草。舊家錦籍川原。蓮尾分津。桃邊迷路。片紅不到人間。亂篴蒼暗。料惜把行題共刪。小晴簾捲。獨占西窗。一鏡清寒。風光未老。吟潘嘶騎征塵。祗付憑欄。鳴瑟傳杯。辟邪翻燼。繫船香斗春寬。晚林青外。亂鴉著斜陽。幾山粉銷。莫染。猶是秦宮。綠擾雲鬟。

蝶戀花

和吳見山韵

明月枝頭香滿路。幾日西風。落盡花如雨。倒照

秦眉天鏡古。秋明白鷺雙飛處。自摘霜蔥宜薦俎。可惜重陽。不把黃花與。帽墮笑憑纖手取。清歌莫送秋聲去。

玉樓春

和吳兄山韵

闌干獨倚天涯客。心影暗彫風葉寂。千山秋入雨中青。一雁哀隨雲去急。霜花強弄春顏色。相弔年光澆大白。海煙沉處倒殘霞。一杆鮫綃和淚織。

夢窗丙稿

十四

汲古閣

柳梢青

題錢得開四時圖

翠嶂圍屏。畱連迅景。花外油亭。淡色煙昏。濃光清曉。一幅閑情。輞川落日漁曾。寫不盡人間四并。亭上秋聲。鴈能春語。難入丹青。

燭影搖紅

錢馮深居翼日深居初度

飛蓋西園。晚秋恰勝春天氣。霜花開盡錦屏空。紅葉新裝綴。時放清杯泛水。暗淒涼。東風舊事。夜吟不就。松影闌干。月籠寒翠。算唱陽關。但

憑綵袖歌千歲。秋星入夢隔明朝。十載吳宮會。一棹回潮渡葦。正西窗燈花報喜。柳蠻櫻素。試酒爭憐。不教不醉。

齊天樂

與馮深居登禹陵

三千年事殘鴉外。無言倦憑秋樹。逝水移川。高陵變谷。邨識當時神禹。幽雲怪雨。翠萍溼空梁。夜深飛去。雁起青天。數行書似舊藏處。寂寥西窗坐久。故人慳會遇。同剪燈語。敗蘚殘碑。零圭斷壁。重拂人間塵土。霜紅罷舞。謾山色青青。霧朝煙暮。岸鎖春船。畫旗賽鼓。

夢窗丙稿

十五

汲古閣

水龍吟

壽梅津

杜陵折柳狂吟。硯波尚瀝紅衣露。仙桃宴早。江梅春近。還催客句。宮漏傳雞。禁門嘶騎。宦情熟處。正黃綃夜展。天香宇暝。春蔥剪紅蜜炬。宮帽鸞枝醉舞。思飄颻。臞仙風舉。星羅萬卷。雲驅千陣。飛豪海雨。長壽盃深。探春腔穩。江湖同賦。

又看看便繫金狔。鷺曉傷西湖路。

又用見山
韵錢別

夜分谿館漁燈。巷聲乍寂。西風定。河橋送遠。玉
簫吹斷。霜絲舞影。薄絮秋雲。澹蛾山色。宦情歸
興。怕煙江渡後。桃花又汎。宮溝上。春流紫。新
句欲題還省。透香煤。重牋誤隱。西園已負。林亭
移酒。松泉薦茗。攜手同歸處。玉奴喚綠窗春近。
想騎驄。又踏西湖二十四番花訊。

夢窗丙稿

汲古閣

浣溪沙

陳少逸席上用
聯句韵有贈

秦黛橫愁送暮雲。越波秋淺暗啼昏。空庭春草
綠如裙。綵扇不歌原上酒。青門頻返月中魂。
花開空憶倚闌人。

又

一曲鸞簫別綵雲。燕釵塵涇鏡華昏。灞橋舞色
褪藍裙。湖上醉迷西子夢。江頭春斷倩離魂。
旋緘紅淚寄行人。

探春慢龜翁下世
後登研意

苔徑曲深深。不見故人。輕敲幽戶。細草春回。目
送流光一羽。重雲冷。哀雁斷。翠微空。愁蝶舞。遲
鳴鞭。游蓬小夢。枕殘驚寤。還識西湖醉路。向
柳下竝鞍。銀袍吹絮。事影難追。卹負燈床聞雨。
水谿憑誰照影。有明月。桀與去。暗相思。梅孤瘦。
笑江亭草。

塞垣春丙午
歲旦

夢窗丙稿

十七

汲古閣

漏瑟侵瓊筦。潤鼓借烘爐。暝藏鈞怯。冷畫難臨
曉。隣語。轉帶綠窗細。浮梅殘。換蜜炬。花心
短。夢驚回。林鴉起。曲屏春事天遠。迎路柳絲
裙。看爭拜東風。盈灞橋岸。髻落寶釵寒。恨花勝
遲燕。漸街簾影轉。還似新年。過郵亭。一相見。南
陌又燈火。繡囊塵香淺。

一剪梅賦處靜以梅
花枝見贈

老色頻生玉鏡塵。雪澹春姿。越看精神。溪橋人

去幾黃昏流水冷。都是啼痕。細雨輕寒暮。
掩門。萼綠燈前。酒帶香溫。風情誰道不因春。
春到一分。花瘦一分。

木蘭花慢

錢韓似赴江東離幕

潤寒梅細雨。捲燈火。暗塵香。正萬里胥濤。流花漲賦。春共東江。雲檣未傳燕語。過呆恩。垂柳舞鵝黃。留取行人繫馬。輭紅深處。聞鴛。霽月清風凝望。久悠颺。鄖山蒼。又紫簾一曲。還吹別調。夢窗丙稿

夢窗丙稿

十八

汲古閣

探芳信

賀雲麓先生秘閣滿月

探春到。見絲花釵頭。玉燕來早。正紫龍眠重。明月弄清曉。夜塵不沁銀河水。金盞供新澡。鎮惟犀護緊。東風秀藏芝草。星斗燦懷抱。問霧暝藍田。玉長多少。禁苑傳香。柳邊語聽鸞報。片雲飛趁春潮去。紅輦長安道。試回頭。一點蓬萊翠

小

燕歸梁

對雲醒坐上雲麓先生

一片游塵拂鏡灣。素影護梅殘。行人無語看春山。背東風。雨蒼顏。夢飛不到梨花外。孤館閉。更寒。誰憐消渴。老文園。聽溪聲瀉水泉。

解語花

立春風雨併餞翁處靜江上之役

簷花舊滴。帳燭新啼。香潤殘冬被。澹煙疏綺。凌波步。暗阻。傍牆挑薺。梅痕似洗。空點點。年華別

夢窗丙稿

十九

汲古閣

淚花鬢愁釵股。籠寒絲燕沾雲膩。還闌辛盤。葱翠念青絲。牽恨曾試纖指。雁回潮尾。征帆去似與東風相避。泥雲萬里。應剪斷紅情綠意。年少時。偏愛輕憐。和酒香宜睡。

祝英臺近

錢陳少逸被舍臺檄行部

問流花。尋夢草。雲暝翠微路。錦雁峯前。淺約畫行處。不教嘶馬飛春。一奩越鏡。卽銷盡紅吟綠賦。送人去。長絲初染柔黃。晴和曉煙舞。心事

偷占。鬢漏漢宮語。趁得羅蓋天香。歸來時候。笑畱取玉關春住。

烏夜啼 題趙三畏舍館海棠 印初九秋

醉痕深暈潮紅。睡初濃。寒食來時。池館舊東風。銀燭換。月西轉。夢魂中。明日春和人去。繡屏空。

浪淘沙 有得越中故人贈楊梅者爲賦贈

綠樹越溪灣。過雨雲殷。西陵人去暮潮還。鉛淚

夢窗丙稿 二十 汲古閣

結成紅粟。顆封寄長安。別味帶生酸。愁憶睂

山小樓燈外。練花寒。衫袖醉痕。花唾在。猶染微

丹

踏莎行

潤玉籠綃。檀櫻倚扇。繡圈猶帶脂香淺。榴心空

疊舞裙紅。艾枝應壓愁鬟亂。午夢千山。窗陰

一箭。香瘢新褪紅絲腕。隔江人在雨聲中。晚風

菰葉生秋怨

齊天樂 與江湖諸友泛舟

麴塵猶沁傷心水。歌蟬暗驚春換。露藻清啼煙。蘿淡碧。先結湖山秋怨。波簾翠捲。嘆霞薄輕綃。泥人重見。傍柳追涼。暫疎懷袖負紈扇。南花清鬪素靨。画船應不載。坡靜詩卷。泛酒芳筍。題名蠹壁。重集湘鴻。江燕平蕪未剪。怕一夕西風。鏡心紅變。望眼愁生。算天菱唱遠。

繞佛閣 與沈野逸東阜天街盧樓追涼小飲

夢窗丙稿 二十一 汲古閣

夜空似水。橫漢靜立。銀浪聲杳。瑤鏡奩小。素娥乍起。樓心弄孤照。絮雲未巧。梧韻露井。偏借秋

乍起樓心。弄孤照。絮雲未巧。梧韻露井。偏借秋

早暗情多少。怕教微膽寒。光見懷抱。浪迹尚

爲客。恨滿長安千古道。還記暗螢穿簾。街語悄。

歎步影歸來。人鬢花老。紫簫天渺。又露飲風前。

涼墮輕帽。酒盃空。數星橫曉。

秋蕊香 七

嬾浴新涼。睡早。雪靨酒紅侵笑。倚樓起把繡針

小月冷秋波夢覺。怕聞井葉西風到。恨多少。粉河不語墮秋曉。雲雨人間未了。

疎影賦墨梅。舊刻暗香非。

占春壓一捲峭寒萬里。平沙飛雪。數點酥鈿口。□□凌曉東風吹裂。獨自曳橫梢瘦影入廣。平裁水詞筆。記五湖清夜推蓬。臨水一痕微月。何遜揚州舊事。五更夢半醒。胡調吹徹。若把南枝圖入。凌煙香滿玉樓瓊闕。相將初試紅鹽。夢窗丙稿。二十。汲古閣。

聲聲慢歲漕解建新樓上梅津。

清漪街苑。御水分流。阿階西北。青紅朱棋浮雲。碧窗宿霧濛濛。璇題淨橫秋影。笑南飛不過新鴻。延桂景。見素娥梳洗。微步瓊空。城外湖山。十里想無時長。敞罨盡簾櫳。暗柳回堤。何須繫馬金狔。鬢花翰林千首。綵毫飛海雨天風。鳳池。

上。又相思春夜夢中。

木蘭花慢送翁五峰遊江。

送秋雲萬里。算卷舒總何心。歎路轉羊腸。人營燕壘。霜滿蓬簪。愁侵庾塵滿袖。便封侯。邨羨漢淮陰。一醉尊前。玉忍教菊老松深。離音又聽西風。金井樹動秋陰。向暮江目斷。鴻飛渺渺。天色沉沉。沾襟四絃夜語。問楊瓊往事。到寒砧。爭似湖山歲晚。靜梅香底同斟。

夢窗丙稿。

二十三

汲古閣

瑞鶴仙丙午重九。

亂雲生古嶠。記舊遊。惟怕秋光不早。人生斷腸草。歎如今搖落。暗驚懷抱。誰臨晚眺。吹臺高霜草。歎如今搖落。暗驚懷抱。誰臨晚眺。吹臺高霜歌縹緲。想西風此處。留情肯著。故山衰帽。聞道更香西市。酒熟東隣。浣花人老。金鞭騁裏。追吟賦。倩年少。想重來新雁。傷心湖上。銷滅紅深翠。窮小樓寒。睡起無聊。半簾晚照。

浪淘沙

九日從吳見山覓酒。

山遠翠眉長。高處淒涼。菊花清瘦杜秋娘。淨洗綠盃牽露井。聊薦幽香。烏帽壓吳霜。風力偏狂。一年佳節過西廂。秋色。雁聲愁幾許。都在斜陽。

水調歌頭

賦方泉望湖樓

屋下半流水。屋上幾青山。賞心千頃。明鏡入座。玉光寒。雲起南峰未雨。雲歛北峯初霽。健筆寫青天。俯瞰古城堞。不礙小闌干。繡鞍馬。輭紅路。乍回班。層梯影轉。停午信手展綳編。殘照游舫收盡。新月書簾纔捲。人在翠壺間。天際笛聲起。塵世夜漫漫。

夢窗丙稿

二十四

汲古閣

思佳客

賦半面女獨微步鶴鳴天

釵燕攏雲睡起時。隔牆折得杏花枝。青春半面粧如画。細雨三更花又飛。輕愛別。舊相知。斷腸青塚幾斜暉。亂紅一任風吹起。結習空時不點衣。

垂絲釣

雲麓先生以畫舫載洛花燕客

聽風聽雨春殘。落花門掩。乍倚玉闌。旋剪天豔。攜醉靨。放迦溪游纜。波光掩映。燭花黯澹。碎霞澄水。吳宮初試菱鑑。舊情頓減。孤負深盃盞。衣露天香染。通夜飲。問漏移幾點。

喜遷鶯

賦王耀菴與開堂

煙空白鷺。乍飛下似呼行人相語。細縠春波微痕。秋月曾認。片帆來去。萬頃素雲遮斷。十二紅

夢窗丙稿

二十五

汲古閣

簾鈎處。黯愁遠。向虹霄時送斜陽凝佇。輕許孤夢到海上。幾宮玉冷。深窗戶。遙指人間隔江。燈火漠漠。水蘋搖。算看葦斷。殘殘釣替却珠歌。雪舞吟未了。去匆匆。清曉一闌煙雨。

西河

陪鶴林先生登花園

春乍霽。清連。画舫融洩。螺雲萬疊。黯凝秋黛。蛾照水。謾將西子比西湖。溪邊人更多。麗步危徑。攀豔蕊。掬霞到手紅碎。青蛇細折。小迴廊去。

天半尺。画闌入算起東風。棋聲吹下人世海棠。
藉雨半繡地。殘寒退初卸羅綺。除酒消春何計。
高沙頭。更續斜陽一醉。雙玉盃和流花洗。

點絳脣

推枕南窗。練花寒入草紗淺。雨簾不捲。空礙調
雛燕。一握柔葱。香染榴巾汗。音塵斷。盡羅閒
扇。山色天涯遠。

滿江紅 錢方萬
岩赴闕

夢窗丙稿

二十六

汲古閣

竹下門敲。又呼起蝴蝶。夢清閒裏看隣牆。梅子
幾度仁生。燈外江湖多夜雨。月邊河漢獨晨星。
向草堂清曉。卷琴書。猿鶴驚。宮漏靜。朝馬鳴。
西風起。已關情。料希音不枉。女瑟嫺笙。蓮蕩折
花香未晚。野舟橫渡水初晴。看高鴻飛上碧雲
中秋一聲。

祝英臺近

春日客龜
溪遊廢圃

採幽香。巡古苑。竹冷翠微路。鬪草溪根。沙印小

蓮步。自憐兩鬢清霜。一年寒食。又身在雲山深
處。晝閒度。因甚天也慳春。輕陰便成雨。綠暗
長亭。歸夢趁。風絮有情。花影闌干。鶯聲門徑解
畱我雲時凝佇。

珍珠簾

春日客龜溪過貴人家隔牆聞
簫鼓聲疑是按舞佇立久之

蜜沈爐煖餘煙裏。佇立行人官道。麟帶壓愁香
聽舞簫雲渺。恨縷情絲春絮遠。悵夢隔銀瓶難
到。寒峭。有東風垂柳。學得腰小。還近綠水清

夢窗丙稿

二十七

汲古閣

明歎孤身如燕。將花頻繞。細雨溼黃昏。半醉歸
懷抱。蠹損歌紈人去久。謾淚沾香蘭如笑。書香
念客枕幽單。看春漸老。

滿江紅

甲辰歲盤門外
寓居過重午

結束蕭仙。嘯梁鬼。依還未滅。荒城外。無聊閒看
野煙一抹。梅子未黃。愁夜雨。欄花不見。簪秋雪。
又金羅紅字。寫香詞。年時節。簾底事。憑燕說。
合歡縷。雙條脫。自香銷。紅臂舊情都別。湘水離

魂孤葉怨。揚州無夢。銅華闕。倩臥簫吹裂。晚天雲看新月。

木蘭花慢

錢趙山臺

指呆恩曉月。動涼信。又催歸。正玉漲松波。花穿画舫。無限紅衣青絲。傍橋淺繫。問笛中誰奏鶴南飛。西子冰綃冷處。素娥寶鏡圓時。清奇好借秋光。臨水色寫瑤卮。向醉中織就。天孫雲錦。一杼新詩。依稀數聲禁漏。又東華塵染帽簷緇。夢窗雨稿

汲古閣

爭似西風小隊。便棄鱸膾秋肥。

極相思

題陳藏一水月梅扇

玉纖風透秋痕。涼與素懷分。棄鸞歸後。生綃淨剪。一片冰雲。心事孤山春夢在。到思量猶斷。詩魂水清月冷。香銷瘦影人立。黃昏。

醉蓬萊

和方南山韵

碧天書信斷。寶枕香留。淚痕盈袖。誰識秋娥比。行雲纖瘦。象尺熏爐翠鋸金縷。記倚床同繡月。

蟬瓊梳。冰銷粉汗。南花黑透。盡是當時少年。清夢臂約痕深。把綃紅縐。憑鵲傳音。恨語多輕。漏潤玉畱情。沈郎無奈。向柳陰期候。數曲催闌。雙鋪深掩。風鏐鳴獸。

三部樂

賦姜石帚漁隱

江鵝初飛。蕩萬里素雲。際空如沫。詠情吟思。不在秦箏金屋。夜潮上明月。蘆花。傍釣簑夢遠。句清敲玉。翠罌汲曉。款乃一聲秋曲。片蓬障雨。

夢窗雨稿

二十九

汲古閣

棄風。半竿渭水。伴鷺汀幽宿。邨知煖袍挾錦。低簾籠燭。鼓春波載花萬斛。帆鬣轉銀河可掬。風定浪息。滄茫外。天浸寒綠。

秋思耗

荷塘為枯蒼名姝求賦聽雨小閣

堆枕香鬟側。驟夜聲偏。偏画屏秋色。風碎串珠。潤侵歌板。愁壓眉窄。動羅篴清商。寸心低訴敘。怨抑。映夢窗零亂碧。待漲綠春深。落花香泥。料有斷紅流處。暗題相憶。歡夕簷花細滴。送故。

人粉黛重飾。漏侵瓊瑟。丁東敲斷。弄晴月白。怕
一曲霓裳未終。催去駉鳳翼。歎謝客猶未識。謾
瘦却東陽。燈前無夢到得。路隔重雲。雁北。

法曲獻仙音

賦秋晚
紅白蓮

風拍波驚。露零秋覺。斷綠衰紅。江上。豔拂潮粧。
澹凝冰靨。別翻翠池花浪。過數點斜陽雨。啼綃
粉痕冷。宛相向。指汀洲。素雲飛過。清麝洗玉
井。曉霞珮響。寸藕折長絲。何郎心似春風蕩。半
夢窗雨稿
掬微涼。嬌蟬聲遠。度菱唱。伴鷓鴣秋夢。酒醒月
斜輕帳。

愁春未醒

侍雲龍先生登
飛翼樓觀雲
山亭子後

東風未起。花上纖塵無影。峭雲溼凝酥。深塲洗
梅清。釣捲愁絲冷。浮虹氣海空。明若耶門閉。扁
舟去懶。客思鷗輕。幾度問春。倡紅冶翠。空媚
陰晴。看真色。千巖一素天。澹無情。醒看重開玉
鈎簾外。曉峯青。相扶輕醉。越山更上。臺最高層。

月中行

和黃復卷
山月三五

疎桐翠井。蚤驚秋。葉葉雨聲愁。燈前倦客老貂
裘。燕去柳邊樓。吳宮寂寞空煙水。渾不認舊
采菱洲。秋花旋結小盤虬。蝶怨夜香留。

夢窗丙稿

三十

汲古閣

夢窗丙稿

終

夢窗丁稿

瑞龍吟

賦蓬萊閣。舊刻雙調非。

墮紅際。層觀冷翠玲瓏。五雲飛起。玉虬紫結城
痕。淡煙半野。斜陽半市。瞰危梯。門巷去來車
馬。夢游宮蟻。秦鬟古色凝愁。鏡中暗換。明眸皓
齒。東海青桑生處。勁風吹淺。瀛洲清泚。山影
汎出碧樹。人世旗槍。芽焙綠。曾試雲根味。岩流
澌。涎香怕攪。驕龍春睡。露草啼清淚。酒香斷文
丘廢。隨今古。秋聲裏。情謾黯寒鴉。孤村流水半
空裏。画角落月地。

瑞鶴仙

壽方蕙岩寺簿。

轆轤秋又轉。記旋草新詞。江頭憑雁。蔡槎上銀
漢。想車塵纔踏。東葉紅。輭何時。賜見漏聲涼移
宮夜半。問尊鱸。今幾西風。未覺歲華遲晚。一
片丹心。白髮滴露研朱。雅陪清燕。班回柳院。蒲
團底。小禪觀。望杳恩。明月初圓。此夕應笑嬋娟。

茂苑。願年年玉兔長生。聳秋井幹。

思佳客

閨中。即鷓鴣天。

丹桂花開第二番。東籬展却宴期寬。人間寶鏡
離仍合。海上仙槎去復還。分不盡。半涼天。可
伶。閑剩此嬋娟。素娥未隔三秋夢。贏得今宵又
倚闌。

沁園春

賦方泉。

澄碧西湖。軟紅南陌。銀河地穿。見華星影裏。仙

夢窗丁稿

三十三

汲古閣

碁局靜。清風行處。瑞玉圭寒。斜谷山深。望春樓
遠。無此峭嶭小渭川。春一泓地。解不波不涸。獨
障狂瀾。老蘇雨後坡仙。繼菊井佳名。相與傳
試摩挲。勁石無令折角。丁寧明月。莫浣規圓。謾
結鷗盟。那知魚樂。心止中流。別有天。無塵夜聽
吾伊。正在秋水闌干。

齊天樂

毘陵陪兩別駕宴丁園。

竹深不放斜陽入。橫波澹墨林沼。斷莽平煙。殘

荷剝水宜得秋深纔好。荒亭旋埽。正著酒寒輕。
弄花春小。障錦西風。半圍歌袖。半吟草。游清
興易嬾。景饒人未勝。樂事長少。柳下停車。尊前
岸幘。同撫雲根一笑。秋香未老。漸風雨西城暗。
欲客帽。背日移舟。亂鴉溪樹晚。

玉樓春

為故人壽母

華堂宿讌連清曉。醉裏笙歌雲窈窕。釀成千日
酒初香。過却重陽秋夏好。阿兒早晚成名了。

夢窗丁稿

三十四

汲古閣

玉樹階前春滿抱。天邊金鏡不須磨。長與粧樓
慙晚照。

醉落魄

題藕花洲尼扇

春溫紅玉。纖衣學剪嬌鴉綠。夜香燒短銀屏燭。
偷擲金錢重把寸心卜。翠深不礙鴛鴦宿。採
菱誰記當時曲。青山南畔紅雲北。一葉波心明
滅淡粧束。

蝶戀花

題華山道女扇

北斗秋橫雲髻影。鸞羽衣輕。腰減青絲剩。一曲
游仙聞玉磬。月華深院人初定。十二闌干和
笑凭。風露生寒。人在蓮花頂。睡重不知殘酒醒。
幾度啼鴉暝。

朝中措

題蘭室道女扇

楚臯相遇笑盈盈。江碧遠山青。露重寒香有恨。
月明秋珮無聲。銀燈炙了。金爐燼燠。真色羅
屏。病起十分清瘦。夢闌一寸春情。

夢窗丁稿

三十五

汲古閣

江城梅花引

贈倪梅村。舊刻題誤。

江頭何處帶春歸。玉川迷。路東西。一雁不飛雪
壓凍雲低。十里黃昏成曉色。竹根籬。分流水。過
翠微。帶書傍月自鉏畦。苦吟詩。生鬢絲。半黃
細雨翠禽語。似說相思。惆悵孤山。花盡草離離。
半幅寒香家住遠。小簾垂。玉人談聽馬嘶。

杏花天

湯詠

蠻薑荳蔻相思味。算却在春風舌底。江清愛與

消殘醉。顚顚文園病起。停嘶騎歌眉送意。記曉色東城夢裏。紫檀量淺香波細。腰斷垂楊小市。

倦尋芳

花翁遇舊歡吳門老妓李伶邀分韵同賦此詞

墜餅恨井塵鏡迷樓。空閒孤燕。寄別崔徽清瘦。畫圖春面。不約舟移楊柳繫。有綠人映桃花見。敘分攜。悔香癡謾藝。綠鬟輕剪。聽細語琵琶。幽怨。客鬢蒼華。衫袖溼徧。漸老芙蓉。猶自帶霜。夢窗下稿
三十一
看一縷情深朱戶掩。兩痕愁起青山遠。被西風。又驚吹夢雲分散。

滿江紅

紅菊和韻

露浥初英。蚤遺恨參差九日。還却笑萸萸隨節過。桂彫無色。盃面寒香蜂共泛。離根秋訊蛩催織。愛玲瓏。篩月水屏風。千枝結。芳井酌。寒泉咽。霜著處。微紅溼。笑評花索句。看誰先得。好灑烏巾連夜醉。莫愁金鈿無人拾。算遺蹤。猶有枕囊。

畱相思物

朝中措

閨桂香

海東明月鎖雲陰。花在月中心。天外幽香輕漏。人間仙影難尋。并刀剪葉。一枝曉露。綠鬢曾簪。惟有別時難忘。冷煙疎雨。秋深。

龍山會

陪毘陵幕府諸名勝載酒雙清賞芙蓉

石徑幽雲冷。步帳深深。豔錦青紅亞。小橋和夢醒。環珮香煙水。茫茫城下。何處不秋陰。問誰借。

夢窗下稿

三十一

汲古閣

東風豔冶。最嬌嬈。愁侵醉霜淚洒。紅綃搖落。翠莽平沙。挽斜陽。駐短亭車馬。曉粧羞未墮。沈恨起。金谷魂飛。深夜驚雁落。清歌醉花。舫船快瀉。去來捨月。向井梧梢上挂。

夢行雲

即六么花十八和趙修全韵

簾波皺。纖縠朝炊熟。眠未足。青奴細膩未拚真。珠斛素蓮幽怨。風前影。搔頭斜墜玉。画闌枕水垂楊梳雨。青絲亂。如乍沐。嬌笙微韵。晚蟬亂。

秋曲翠陰明月勝花夜。那愁春去速。

天香

壽筠塘內子

碧藕藏絲。紅蓮並蒂。荷塘水暝香斗。窈窕文窗。
深沉書幔。錦瑟歲華依舊。洞簫韻裏。同跨鶴青
田碧岫。菱鏡妝臺挂玉。芙蓉豔褥鋪繡。西鄰
障蓬漂手。芙蓉朝夢。闌分秀。未冷綺簾猶捲淺
冬時候。秋到霜黃半畝。便準擬。攜花就君酒。花
酒年華。天長地久。

夢窗丁稿

三十八

汲古閣

謁金門

和勿參韵

雞唱晚。斜照西窗白暝。一枕午醒幽夢遠。素衾
春絮軟。紫燕紅樓歌斷。錦瑟華年一箭。偷果
風流輸曼倩。畫陰爭繡綫。

鷺啼序

和趙修全韵。舊刻分四段非。

橫塘棹穿豔錦。引鴛鴦弄水。斷霞晚笑折花歸。
紅紗籠護燈蕊。潤玉瘦水輕倦浴。斜拖鳳股盤
雲墜。聽銀水聲細。梧桐漸覺涼思。窗隙流光

冉冉迅羽。想空梁燕子。誤驚起。風竹敲門。故人

還又不至。記琅玕。新詩陳迹。指香痕。纖葱玉指。
怕因循。羅扇恩疎。又生秋意。西湖舊日。画舸頻
移。不定歎幾縈夢寐。霞珮冷。飛雨乍溼鮫綃。暗
盛紅淚。波心宿處。練筆夜共。瓊簫吹月。霓裳舞
尚明朝。未覺花容頽。媽香易落。回頭淡碧銷煙。
鏡空畫羅屏裏。殘蟬度曲。唱徹西園也。感紅
怨翠。省慣吳宮幽怨。暗柳退涼。曉岸參斜。露零

夢窗丁稿

三十九

汲古閣

鷗起絲縈寸藕。雷連歡事。桃笙平展湘浪影。有
昭華。穠李水相倚。如今鬢點淒霜。半篋秋詞。恨
盈蠹紙。

點絳脣

香泛羅屏。夜寒著酒宜偎倚。翠偏紅墜。喚起芙
容睡。一曲伊州。秋色芭蕉裏。嬌和醉。眼情心
事。愁隔湘江水。

繞佛閣

贈郭李隱

荷霞豔錦星媛夜織河漢鳴杵紅翠萬縷送幽
夢與人間秀芳句怨宮恨羽孤劍謾倚無限淒
楚賦情縹緲東風搖颺花絮幽窗鏡裏半
髻雪詞老春深鶯曉處長閉翠陰幽坊楊柳戶
看故苑離離偏生禾黍短蓼青屨笑寄隱閒追
雞社歌舞最風流墊巾沾雨

。夜遊宮

人去西樓雁杳敘別夢揚州一覺雲淡疎星楚
夢窗下稿

汲古閣

山曉聽啼鳥立河橋話未了雨外蛩聲早細
織就霜絲多少說與蕭娘不知道向長安對秋
燈幾人老

如夢令

春在綠窗楊柳人與流鶯俱瘦眉底算寒生簾
額時翻波皺風驟風驟花徑啼紅滿袖

醉桃源

荷塘小隱
賦燭影

金丸一樹帶霜華銀臺搖豔霞燭陰樹影兩交

加秋紗機上花飛醉筆駐吟車香浮小隱家
明朝客夢付啼鴉歌闌月未斜

絳都春

餞李太博赴
括蒼別駕

長亭旅雁欲倦羽寄栖牆陰年晚問字翠樽刻
燭紅箋慳曾展水灘鳴珮舟如箭笑烏憤臨風
重坼可憐垂柳清霜萬縷送將人遠吳苑千
金未散買新賦共賞文園詞翰流水翠微明月
清風平分半花深驛路香不斷萬玉舞采恩東
夢窗下稿

汲古閣

漢宮春

壽王
度州

懷得銀符卷朝衣歸袖猶惹天香星移太微幾
度飛出西江吳城駐馬趁肥鱸臘蟻初嘗紅霧
底金門候曉爭如小隊春行何用倚樓看鏡
算橘中深趣日月偏長江山待吟秀句梅靨催
粧東風水煥弄煙嬌語燕飛檣來歲醉鵲樓勝
處紅圍舞袖歌裳

瑤花

分韻得作字
戲虞宜典

秋風采石羽扇揮兵認紫駟飛躍江離塞草應
笑春空鎖凌煙高閣胡歌秦隴問鏡鼓新詞誰
作有秀蓀來染吳香瘦馬青笏南陌水漸細
響長橋蕩波底蛟腥不浣霜鍰烏絲醉墨紅袖
煙十里湖山行樂老仙何處算洞府光陰如昨
想地寬多種桃花豔錦東風成慳

瑞鶴仙

壽雲麓先生

夢窗丁稿

四十二

汲古閣

記年時秋半看畫堂凝香璇奎初煥天邊歲華
轉向九重春近仙桃傳宴銀罍翠管寶香飛蓬
萊小苑感玉皇恩重千秋翠麓峻齊雲漢須
看鴻飛高處野闊天寬弋人空羨梅清水暝茗
溪畔幾吟卷算金門聽漏玉墀班平贏得風霜
滿臉總不如綠野身安鏡中未晚

暗香

送魏句濱宰吳縣
解組分韻得闌字

縣花誰葺記滿庭燕麥朱扉斜闥妙手作新公

館青紅曉雲溼天際疎星趁馬画簾隙冰絃三
疊盡換却吳水吳煙桃李靚春靨風急送帆
葉正雁水夜清臥虹平帖輭紅路接塗粉闌深
早催入懷暝天香宴果花隊簇輕軒銀燭便問
訊湖上柳兩堤翠匝

淒涼犯

又名瑞鶴仙影
賦重臺水仙

空江浪闊清塵凝層層刻碎冰葉水邊照影華
裙曳翠露搔淚溼湘煙暮合塵韞凌波半涉怕

夢窗丁稿

四十三

汲古閣

臨風欺瘦骨護冷素衣疊樊姊玉奴恨小鈿
疎唇洗粧輕怯汜人最苦粉痕深幾重愁靨花
溢香濃猛熏透霜絹細摺倚瑤臺十二金錢暈
半

思佳客

癸卯除夜
舊刻失題 中陽楊天

自唱新詞送歲華鬢絲添得老生涯十年舊夢
無尋處幾度新春不在家衣懶換酒難賒可
伶此夕看梅花隔年昨夜青燈在無限粧樓盡

翠華

宴清都送馬林屋赴南宮分韻得動字

柳色春陰重。東風力、快將雲雁高送。書繁細雨，吟窗亂雪。天寒筆凍。家林秀橘霜老。笑分得蟾邊桂種。應茂苑、斗轉蒼龍。淮潮獻奇吳鳳。玉眉暗隱華年。凌雲氣壓。千載雲夢。名箋淡墨。恩袍翠草。紫駟青鞵。飛香杏園新句。眩醉眼春游乍縱。弄喜音鵲遶庭花。紅簾影動。

夢窗丁稿

四十四

汲古閣

六醜

干寅歲吳門元夕風雨

漸新鴉映柳。茂苑鎖東風。初翠館娃舊遊。羅襦香未滅。玉夜花節。記向雷連處。看街臨晚。放小簾低揭。星河欲灑春雲熱。笑靨欹梅仙衣舞纈。澄澄素娥宮闕。醉西樓十二。銅漏催徹。紅消翠歇。歎霜簪練髮。過眼年光舊情盡別。泥深厭聽啼鴂。恨愁霏潤沁。陌頭塵襪。青鸞香鈿車音絕。却因甚。不把歡期。付與少年華月。殘梅瘦飛。

趁風雪。丙夜永。更說長安夢。燈花正結。

蕙蘭芳引

賦陳藏一家吳郡王西園墨蘭

空翠。□雲。楚山迥。故人南北。秀骨冷盈盈。□□□□。清洗九畹。料未許千金輕。債淺笑還輕語。蔓草羅裙一幅。素女情多。阿真嬌重。喚□空谷。弄野色煙姿。宜埽怨蛾澹墨。光風入戶。媚香傾國。湘佩寒幽。夢小窗春足。

探芳信

夢窗丁稿

四十五

汲古閣

爲春瘦。更瘦如梅花。花應知否。任枕函雲。離懷半中酒。雨聲樓閣。春寒裏。寂莫收燈後。甚年年闌草心期。探花時候。嬌嬾強拈繡。暗背裏相思。閒供晴畫。玉合羅囊。蘭膏漬透。紅豔舞衣。疊損金泥鳳。妬折闌干柳。幾多愁。兩點天涯。遠岫。

惜黃花慢

賦菊

粉靨金裳。映繡屏認得。舊日蕭娘。翠微高處。故

人帽底。一年最好。偏是重陽。避春祇怕春不遠。
傷幽徑。偷理秋妝。帶醉鄉。寸心似剪。漂蕩愁腸。
朝顙笑入清霜。關萬花。樣巧深染蜂黃。露痕
千點。自怜舊色。寒泉半掬。百感幽香。雁聲不到。
東籬畔。滿城但風雨。淒涼。最斷腸。夜深怨蝶飛
狂。

金縷歌

為德清趙令君賦小垂虹印新印

浪影龜紋皺。蘸平煙。青紅半溼。枕溪窗牖。千尺

夢窗丁稿

四十六

汲古閣

晴虹映碧漪。萬疊羅屏擁。繡謾幾度。吳船回首。
歸興五湖應不到。向滄茫釣雪人知否。樵唱杳
度深秀。重來趁得花時候。記畱連空山夜雨。
短亭春酒。桃李新栽成蹊處。盡是行人去後。但
東閣官梅清瘦。欸乃一聲山水綠。燕無言風定。
紅簾晝。寒正悄。彈吟袖。

青玉案

重到溪葵園

東風客雁溪邊道。帶春去。隨春到。認得踏青香

徑小。傷高懷遠。亂雲深處。目斷湖山杳。梅花
似惜行人老。不忍輕飛送殘照。一曲秦娥春態
少。幽香誰採。舊寒猶在。歸夢啼鶯曉。

浣溪沙

題李中笙舟中梅屏

冰骨清寒瘦一枝。玉人初上木蘭時。嬾粧斜立
澹春姿。月落溪窮清影在。日長春去畫簾垂。
五湖水色掩西施。

探芳信

雲麓小閣早飲客僕棋事琴事。舊刻缺半調

夢窗丁稿

四十七

汲古閣

轉芳徑。見霧捲晴漪。魚弄游影。旋解纓濯翠。臨
枰□□。修林竹色。花香處。意足多新詠。試把
龍唇供來時。舊寒纔定。門巷都深靜。但酒敵
曉寒。共消日永。舊曲漪瀾。待畱向月中聽。藻蘋
密布官溝水。任汎流紅冷。小闌干笑拍東風醉。
醒。

採桑子

瑞香

茜羅結就丁香顆。顆顆相思。猶記年時。一曲春

風酒一卮。綠鸞依舊。棄雲到。不負心期。清睡濃時。香趁銀屏蝴蝶飛。

三妹媚

姜石帚館水磨方氏會飲總宜卽事寄毛荷塘

酣春清鏡裏。照清波明眸。暮雲愁歛。半綠垂絲。正楚腰纖瘦。舞衣初試。燕客漂零。煙樹冷青驄。曾繫畫館朱橋。還把清尊。慰春顚顚。離苑幽芳深閉。恨淺薄東風。褪香銷膩。綵箋翻歌。最賦情偏在。笑紅顰翠。暗拍闌干。看散盡斜陽舫市。

夢窗下稿

四十八

汲古閣

付與嬌鶯。金衣清曉。花深未起。

水龍吟

雲麓新章北墅園池

好山都在西湖。斗城轉北。多流水。屋邊五畝。橋通雙沼。平煙蘸翠。旋疊雲根。半開竹徑。鷗來須避。四時長把酒。臨花傍月。無一日不春意。獨樂當時高致。醉吟篇如今還繼。舉見日葵心傾。□□□。歸計浮碧亭。泛紅波。迥桃源人世。待天香。□□開時。又勝翠陰青子。

燭影搖紅

雲麓夜燕園亭

新月侵階。綠雲林外笙簫透。銀臺雙引繞花行。紅墜香沾袖。不管籤聲轉漏。更明朝棋消永晝。靜中閒看。倦羽飛還。遊雲出岫。隨處春光翠。陰郵抵西湖柳。去年溪上牡丹時。還試長安酒。都把愁懷抖擻。笑流顰啼春謾瘦。曉風盡惡。妬雪寒銷。梅梢成莖。

又

毛荷塘生日留京不歸賦以寄意

夢窗下稿

四十九

汲古閣

西子西湖。賦情合載鴟夷棹。斷橋直去是孤山。應爲梅花到。幾度吟昏醉曉。背東風偷閒闌草。亂鴉啼後。解珮歸來。春懷多少。千里嬋娟茂。園今夜同清照。櫻脂茸唾聽吟詩。爭似還家好。昵昵西窗語笑。鳳雲深瓊簫縹緲。願春如舊。柳帶同心。花枝壓帽。

望江南

卽憶江南

三月暮。花落更情濃。人去鞦韆閒挂月。馬停楊

柳倦嘶風堤畔画船空。厭厭醉長日小簾櫳。
宿燕夜歸銀燭外。啼鴛聲在綠陰中。無處覓殘紅。

天香 賦黑
衣香

珠絡玲瓏。羅囊閒闕。酥懷暝麝相倚。百和花鬚。
十分風韻。半襲鳳箱重綺。茜□四角。慵未結流
蘇春睡。熏度紅薇院落。煙銷画屏沈水。溫泉
絳綃乍試。露華侵透。肌蘭泚謾省淺溪月夜暗

夢窗丁稿

五十

汲古閣

浮花氣。荀令如今老矣。但未識韓郎舊風味。遠
寄相思。餘熏夢裏。

江神子

賦洛北碧
沼小庵

長安門外小林丘。碧壺秋。浴輕鷗。不放啼紅流
水透宮溝。時有晴空雲過影。華鏡裏。翳魚游。
綺羅塵滿九街頭。晚香樓。夕陽收。波面琴高。仙
子駕黃蚪。清磬數聲人定了。池上月。照虛舟。

沁園春

送翁賓陽
游鄂渚

情如之何。算途爲客。忍堪送君。便江湖天遠。中

宵同舟。關河秋近。何日清塵。玉塵生風。貂裘明

雪。幕府英雄。今幾人。行清早。料剛腸肯。帶淚眼

難輟。平生秀句。清尊到。帳動風開。自有神聽

夜鳴黃鶴。樓高百尺。朝馳白馬。筆掃千軍。賈傳

才高。岳家軍壯。好勒燕然石上文。□□□念故

人老矣。甘臥閒雲。

採桑子

夢窗丁稿

五十一

汲古閣

水亭花上三更月。扇與人閒。弄影闌干。玉燕重
抽攏。陰簾。心期偷卜。新蓮子。秋入眉山。翠破
紅殘。半簾湘波。生曉寒。

清平樂

書姬
子扇

柔柯剪翠。蝴蝶雙飛起。誰墮玉鈿花徑裏。香帶
熏風臨水。露紅滴□秋枝。金泥不染禪衣。結
得同心成了。任教春去多時。

燕歸梁

書水
仙扇

白玉搔頭墜髻鬆。怯冷翠裙重。當時離珮解。丁
東淡雲低。算江空。青絲結帶。鴛鴦殘歲。華晚
又相逢。綠塵湘水。避春風。步歸來。月宮中。

西江月

江上桃花流水。天涯芳草青山。樓臺春瑣碧雲
灣。都入行人望眼。一鏡波平鷗去。千林落日
鴉還。天風裏裏送輕颿。驀過星槎銀漢。

滿江紅

夢窗丁稿

五十二

汲古閣

翠幙深庭。露紅晚。閒花自發。春不斷。亭臺成趣。
翠陰叢密。紫燕雛飛。簾額靜。金鱗影轉。池心閣。
有花香竹。色賦閒情。供吟筆。閒問字。評風月。
時載酒。調冰雪。似初秋。入夜。淺涼欺。尊人境。不
教車馬近。醉鄉莫放笙歌歇。倩雙成一曲紫雲
迴。紅蓮折。

夜行船

寓化度寺

鴉帶斜陽。歸遠樹。無人聽。數聲鐘暮。日與愁長。

心灰香斷。月冷竹房扃戶。画扇青山吳苑路。
傷懷袖。夢飛不去。憶別西池。紅綃盛淚。腸斷粉
蓮啼露。

好事近

僧房聽琴

琴冷石床雲。海上偷傳新曲。彈作一簷風雨。碎
芭蕉寒綠。冰泉輕瀉翠筒香。林果薦紅玉。早
是一分秋意。到臨窗脩竹。

浣溪沙

夢窗丁稿

五十三

汲古閣

波面銅花冷不收。玉人垂釣理纖鉤。月明池閣
夜來秋。江燕話歸成曉別。水花紅減似春休。
西風梧井葉先愁。

風入松

雲麓園
堂燕客

一番疎雨洗芙蓉。玉冷珮丁東。輕輻聽帶秋聲。
轉早涼。生傷井桐。歡宴涼宵好。月佳人。脩竹清
風。臨池飛閣。乍青紅。移酒小垂虹。貞元供奉
梨園曲。稱十香。深蘸琉璃。醉夢孤雲曉色。笙歌

一派秋空

鷓鴣天

化度寺作

池上紅衣伴倚闌。栖鴉常帶夕陽還。殷雲度雨疎桐落。明月生涼寶扇閒。鄉夢窄。水天寬。小窗愁黛淡秋山。吳鴻好爲傳歸信。楊柳閨門屋數間。

虞美人影

詠香

即沈漁漁故人

黃包先著風霜勁。獨占一年佳景。點點吳鹽雪

夢窗十稿

五十四

汲古閣

疑玉贈和蠶冷

洋園誰識黃金徑。一棹洞庭

秋興。香薦蘭皋湯鼎。殘酒西窗醒。

訴衷情

片雲載雨過江鷗。水色澹汀洲。小蓮玉慘紅怨。翠被又經秋。涼意思。到南樓。小簾鉤。半窗燈暈。幾葉芭蕉。客夢床頭。

花上月令

文園消渴愛江清。酒腸怯怕深觥。玉舟曾洗芙蓉

容水瀉清冰。秋夢淺。醉雲輕。庭竹不收簾影

去。人睡起。月空明。瓦瓶汲井和秋葉。薦吟醒夜深重。怨遙更。

卜算子

涼挂曉雲輕。聲度西風小。井上梧桐應未知。一葉雲鬟裏。來雁帶書遲。別燕歸程早。頻探秋香開未開。恰似春來了。

秋霽

賦雲麓水園長橋

夢窗十稿

五十五

汲古閣

一水盈盈。漢影隔游塵。淨洗寒綠。秋沐平煙。日回西照。乍驚飲虹天北。綵蘭翠馥。錦雲直下花成屋。試縱目。空際醉來。風露跨黃鶴。追想縹緲釣雪松江。恍然煙簑。秋夢重續。問何如臨池。贈玉扁舟空艤。洞庭宿也。勝飲湘然。楚竹夜久人悄。玉妃喚月。歸來挂筌聲裏。水宮六六。

鳳栖梧

甲辰七夕

即從隱元

開過南枝花滿院。新月西樓。相約同針線。高樹

數聲蟬送晚。歸家夢向斜陽斷。夜色銀河情
一片。輕帳偷歡。銀燭羅屏怨。陳迹曉風吹霧散。
簾鉤空帶蛛絲捲。

江神子

喜雨上
麓翁

一聲玉磬下星壇。步虛闌。露華寒。平曉阿香油
壁碾青鸞。應是老鱗眠不得。雲砲落。海潮翻。
身閒猶耿寸心丹。炷爐煙。暗祈年。隨處蛙聲鼓。
吹稻花田。秋水一池蓮葉晚。吟喜雨。拍闌干。

夢窗下稿

五十六

汲古閣

齊天樂

飲白醪感
少年事

芙蓉心上三更露。茸香漱泉玉井。自洗銀舟徐
開素酌。月落空杯無影。庭陰未暝。度一曲新蟬
韻。秋堪聽。瘦骨侵冰。怕驚紋簾夜深冷。當時
湖上載酒。翠雲開處。芙蓉雪面波鏡。萬感瑤漿。千
莖鬢雪。煙鎖藍橋花徑。畱連算景。但閒覓孤歡。
強寬秋興。醉倚修篁。晚風吹半醒。

賀新郎

湖山有
所贈

湖上芙蓉早。向北山煙深霧冷。更看花好流水

茫茫城下夢。空指游仙路。杳笑蘿嶂雲屏親到。
玉雪肌膚春溫夜。飲湖光山綠。成花貌。臨澗水。
弄清照。著愁不盡。宮眉小。聽一聲相思曲裏。
賦情多少。紅日闌干。鴛鴦枕畔。枉裙腰褪了。算
誰識。垂楊秋裏。不是秦樓無緣分。點吳霜羞戴
簪花帽。但帶酒。任天曉。

霜天曉角

題胭脂嶺
陶氏門

夢窗下稿

五十七

汲古閣

煙林褪葉紅。藕藉游人屨。十里秋聲松路。嵐雲
重翠。濤涉。竚立。閒素筵。画屏羅幃疊。明月雙
成。歸去。天風裏。鳳笙浹。

烏夜啼

桂花
李因樹

西風先到岩扃。月籠明。金露啼珠滴翠。小雲屏。
一顆顆。一星星。是秋情。香裂碧窗煙破。醉魂
醒。

夜行船

逗曉闌干露露水。歸期杳。畫簷鵲喜。粉汗餘香。
傷秋中酒。月落桂花影裏。屏曲巫山和夢倚。
行雲重夢飛不起。紅葉中庭綠。塵斜口。應是寶
箏慵理。

鳳栖梧

化度寺池蓮一
花最晚有感

印廷惠允

湘水煙中相見早。羅蓋低籠。紅拂猶嬌小。粧鏡
明星爭晚照。西風日送凌波杳。惆悵來遲羞
窈窕。一霎畱連。相伴闌干悄。今夜西池明月到。

夢窗丁稿

五十八

汲古閣

餘香翠被空秋曉

生查子

秋社

當樓月半奩。曾買菱花處。愁影背闌干。素髮殘
風露。神前鷄酒盟。歌斷秋香戶。泥落畫梁空。
夢想青春語。

尾犯

甲辰中秋。
舊刻失題

紺海掣微雲。金井算涼梧。韻風息。何處樓高想
清光先得。江汜冷。冰綃乍洗。素娥懽菱花再拭。

影畱人去。忍向夜深簾戶照陳迹。竹房苔徑
小。對日莫教煙碧。露蓼香輕。記年時相識。二十
五。聲聲秋點。夢不認。屏山路。窄。醉魂悠颺滿地。
桂陰無人惜。

慶春宮

殘葉翻濃。餘香棲苦。障風怨動秋聲。雲影搖寒。
波塵銷膩。翠房人去深局。畫成淒黯。雁飛過垂
楊轉青。闌干橫。算酥印痕香。玉腕誰憑。菱花
夢窗丁稿

五十九

汲古閣

乍失娉婷。別岸圍紅。千豔傾城。重洗清盃。同追
深夜。荳花寒落愁燈。近歡成夢。斷雲隔巫山幾
層。偷相憐處。重盡金簫。消瘦雲英。

霜天曉角

舊刻
失題

香萼幽徑滑。縈繞秋曲折。簾額紅搖波。影魚驚
墜暗吹沫。浪闊輕棹撥。武陵曾話別。一點煙
紅春小。桃花夢半林月。

漢宮春

壽梅
津

名壓年芳。倚竹根新影。獨照清漪。千年禹梁。鮮
碧重發南枝。冰凝素質。遣凡桃羞濯塵姿。寒正
峭。東風似海。香浮夜雪春霏。練鵲錦袍仙使。
有青娥傳夢。月轉參移。逋山傍鷺。繫馬玉剪新
辭。宮妝鏡裏。笑人間。花訊都遲。春未了。紅鹽薦
鼎。江南煙雨黃時。

西江月

丙午冬至

添線綉床人倦。翻香羅幙煙斜。五更簫鼓賣人

夢窗十稿

六十

汲古閣

家門外曉寒嘶馬。帽壓半簷朝雪。鏡開千曆
春霞。小帘沽酒看梅花。夢到林逋山下。

浣溪沙

中冬望後出遊
履翁舟中即興

新夢游仙駕紫鴻。數家燈火灞陵東。吹簫樓外
凍雲重。石瘦溪根船宿處。月斜梅影曉寒中。
玉人無力倚東風。

戀繡衾

頻摩書眼怯細文。小窗陰天氣似昏。獸爐暝燭

添困。帶茶煙微潤寶熏。少年嬌馬西風冷。舊
春衫。猶浣酒痕。夢不到梨花路。斷長橋無限暮
雲。

催雪

霓節飛瓊。鸞駕弄玉。杳隔平雲。弱水倩皓鶴傳
書。衛姨呼起。莫待粉河凝曉。趁夜月瑤笙飛環。
珮寒驢吟影。茶煙竈冷。酒亭門閉。歌麗泛碧
蟻放繡箔。半鈎寶臺臨砌。要須借東君灞陵春

夢窗十稿

六十一

汲古閣

意曉夢先迷。楚蝶早。風戾重寒侵羅被。還怕掩
深院。梨花又作故人清淚。

杏花天

鬢稜初剪。玉纖弱。早春入屏山四角。少年買困
成歡謔。人在濃香繡幄。霜絲換。梅殘夢覺。夜
寒重。長安紫陌。東風入戶。先情薄。吹老燈花半
萼。

醉桃源

元日

五更櫪馬靜無聲。隣雞猶怕驚。日華平曉弄春
明。莫寒愁翳生。新歲夢去年情。殘宵半酒醒。
春風無定落梅輕。斷鴻長短亭。

菩薩蠻

落花夜雨辭寒食。塵香明日城南陌。玉靨溼斜
紅。淚痕千萬重。傷春頭竟白。來去春如客。人
瘦綠陰濃。日長簾影中。

夢窗丁稿

六十二

汲古閣

夢窗丁稿

終

夢窗絕筆

鷓鴣啼序

□吳駕雲閣海□春空燦綺倒銀海燕影西城
□□天鏡無際綵翼曳扶搖宛轉雲龍虹尾交
相曳□□高處□笑語吹墜清濯緇塵
□□□□□□□□屏障一一鶯花薜蘿
□□□□□□□□□□紅香流水
□□□□□□□□□□□□領客

夢窗絕筆

六十三

汲古閣

□□□□□□離席而語敢詫京兆□□
□□成良慶會賡歌熙載隆都□□閒暇遺
□□雅飾繁華地平瞻太極□□□天□
□□納璇題靜夜沈秋□風觀闕麗日□正
午洗盡脂痕茸唾淨捲麴塵永晝低垂繡帷十
二高軒駟馬戎冠鳴珮班回花底脩禊飲御爐
香分惹朝衣袂碧桃數點飛花湧出宮溝陽春

萬里

淳祐十一年二月甲子
四明吳文英若特書

夢窗補遺

聲聲慢

閨重九
飲郭園

檀。樂。金。碧。婀娜蓬萊。游雲不蘸芳洲。露柳霜蓮。
十分點綴。殘秋新彎。画眉未穩。似含羞低度牆。
頭愁送遠。駐西臺車馬。共惜臨流。知道池亭。
多宴掩庭花。長是驚落秦謳。膩粉闌干。猶聞凭。
袖香留。輸他翠連拍。登瞰新粧。終日凝眸。簾半。
捲帶黃花人在小樓。

夢窗補遺

六十四

汲古閣

倦尋芳

饒周糾
定夫

草。帆。挂。雨。水。岸。飛。梅。春。思。零。亂。送。客。將。歸。偏。是。
故宮離苑。醉酒曾同涼月舞。草芳還隔紅塵面。
去難留。悵芙蓉路窄。綠楊天遠。便繫馬驚邊。
清曉煙草晴花。沙潤香軟。爛錦年華。誰念故人。
遊倦寒食相思。隄上路行雲。應在孤山畔。寄新。
吟。莫。空。回。五。湖。春。雁。

絳都春

爲清華
內子寄

香深露暝。正人在錦瑟。年華深院。舊日漢宮分。
得紅蘭滋吳苑。臨池羞落梅花片。弄水月初勻。
粧面紫煙籠處。雙鸞共跨。洞簫低按。歌筵紅。
圍翠袖。凍雲外似覺東風先轉。繡幃晝遲。花底。
天寬春無限。仙郎騎馬瓊林宴。待捲上珠簾教。
看。更。傳。鸞。入。新。年。寶。釵。夢。燕。

唐多令

惜別

何處合成愁。離人心上秋。縱芭蕉不雨也飈飈。

夢窗補遺

六十五

汲古閣

都道晚涼天氣好。有明月。怕登樓。年事夢中。
休。花。空。煙。水。流。燕。辭。歸。客。尚。淹。留。垂。柳。不。繫。裙。
帶。住。謾。長。是。繫。行。舟。

法曲獻仙音

和丁宏
菴韵

落葉霞翻。敗窗風咽。暮色淒涼深院。瘦不關秋。
淚。綠。生。別。情。銷。鬢。霜。千。點。悵。翠。冷。搔。頭。燕。那。能。
語。恩。怨。紫。簫。遠。記。桃。枝。向。隨。春。渡。愁。未。洗。鉛。
水。又。將。恨。染。粉。綃。溫。離。箱。忍。重。拈。燈。夜。裁。剪。望。

極藍橋。綵雲飛。羅扇歌斷。料翼籠玉。鎖夢裏。隔花時見。

好事近

秋飲

雁外雨絲絲。將恨和愁都織。玉骨西風添瘦。減尊前歌力。袖香曾枕醉紅腮。依約唾痕碧。花下凌波入夢。引春雛雙鶺鴒。

憶舊遊

別黃澹翁

送人猶未苦。苦送春隨人去。天涯片紅都飛盡。

夢窗補遺

六十六

汲古閣

陰陰潤綠。暗裏啼鴉。賦情頓雪。雙鬢飛夢。逐塵沙。歎病渴淒涼。分香瘦減。兩地看花。西湖斷橋路。想繫馬垂楊。依舊欹斜。葵麥迷煙處。問離巢孤燕。飛過誰家。故人爲寫深怨。空壁掃秋蛇。但醉上吳臺。殘陽草色。歸思賒。

宴清都

病渴文園久。梨花月。夢殘春故人舊。愁彈枕雨。衰翻帽雪。爲情倻憊。千金醉躍驕驄。試問取朱

橋翠柳。痛恨不買斷斜陽。西湖醞入春酒。吳宮亂水斜煙。留連倦客。慵更回首。幽蛩韻苦哀鴻。叫絕斷音難偶。題紅汎葉。零亂想夜冷江楓暗瘦。付與誰一半悲秋。行雲在否。

金縷歌

陪履齋先生
滄浪看梅

卯辰新年

喬木生雲氣。訪中興英雄陳迹。暗追前事。戰艦東風。慳借便。夢斷神州故里。旋小築吳宮閒地。華表月明。歸夜鶴。歎當時花竹。今如此。枝上露。

夢窗補遺

六十七

汲古閣

濺清淚。遊頭小簇。行春隊。步蒼苔。尋幽別塢。看梅開未。重唱梅邊新度曲。催發寒梢凍蕊。此心與東君同意。後不如。今非昔。兩無言。相對滄浪水。懷此恨。寄殘醉。

跋

或云夢窗詞一卷。或云凡四卷。以甲乙丙丁爲目。

或又云。四明吳君特從吳履齋諸公。遊晚年好。

填詞。謝世後。同遊集其丙丁兩年稿若干篇。

聲為二卷末有鶯啼序遺缺甚多蓋他筆也
 與余家藏本合符既闕花菴諸刊又得速篇九
 闕附存卷尾山陰尹煥序略云求詞于吾家前有
 清真後有夢窗此非煥之言四海之言也湖
 南毛晉識

夢窗補遺

六十八

汲古閣

夢窗補遺

終

近體樂府

目錄

朝中措 一調

滿庭芳 一調

謁金門 一調

點絳脣 三調

朝中措 二調

醉落魄 二調

西江月 二調

近體樂府目

汲古閣

近體樂府目錄 終

近體樂府

宋 周必大

朝中措 酒 勤

藥成臺上曉書雲黃色映天庭已謝浮名浮利
也知來應長生 邊庭臥鼓餘糧棲畝朝野歡
聲從此四時八節兄弟常醉金觥

滿庭芳

子中兄自安仁遺書云將以重九登高祝融峯且有借瓊珮霞裾之

語戲往一閣以解嘲

近體樂府

汲古閣

天壤茫茫人心殊觀未免因欠思餘太山丘垤
同載一方輿邛笈長沙不溼祝融峯纔比吾廬
秋風冷攀緣汗浹應歎苦區區 登高聊爾耳
何須蠟屐誰暇膏車點存處清都宛在須臾笑
約藥鸞羽客窺倒景拊掌崎嶇歸來把萸囊菊
盞一爲洗泥塗

謁金門

和從周宣教韵祝千歲壽請呼段馬二生歌之

梅乍吐趁壽席香風度人與此花俱獨步風流

天付與 好在青雲岐路願共作和羹侶歸訪
赤松辭萬戶鸞花猶是主

點絳脣

葛守坐上出點絳脣道思歸之意走筆次其韵

報畬風光滿傾瓊液休思睡亂鸞聲碎來往甘
棠底 太守新詞解釋無窮意高歌起浮雲閒
事渾付煙中翠

又

丁亥九月巳丑赴池陽郡會坐中見梅花賦

白江梅信大都玉斲酥凝就雨肥霜逗癡騃聞

近體樂府

汲古閣

房秀 莫待冬深雪壓風欺後□□却嫌伊
瘦仍怕伊憊憊

又

七夜趙富文出索姬小雙再賦

秋夜藥槎客星客到天心處眼波微注將謂牽
牛渡 見了還非重理霓裳舞都無誤幾年一
遇莫訝周郎顧

朝中措

賤生日蒙季懷示朝中措新詞今借原韵以侑壽筭敬述雅志非泛

泛祝詞也

戊子

月眉新畫露珠圓今夕正相鮮欲導唐家誕節
先生漢相韋賢懸知此處鸞遷春谷鸚在秋
天斑首算來旬歲狀頭看取明年

又其韵季懷常以宰相自期故每戲之○

丑

九重深念朔庭空良弼夢時中季懷有時中堂擢第難

遵常制築岩真繼高風明年東府金釵珠履

列鼎鳴鐘良醞儻分焦草早禾休浸曹公季懷近送

近體樂府三汲古閣

讀如醺之則
云林各早禾戲

醉落魄庚寅四月次江
西時英明可韵

山川迥別赤城自古雄東越鍾英儲秀簪紳列

何事黃扉殊未相黃髮如今袞職邨客缺人

心恰與天時合看看孚號彤庭發初破天荒留

與後來說明可台州人自云
近世未有兩府

又

才高句傑飛黃却應鸞和節新詞聊卷波瀾闊

泉玉淙淨猶不比清切相逢未穩愁相別南

園煙草南樓月陽關西出重吹徹垂柳新栽寧

忍便攀折明可新
創南園

西江月莫春魯氏坐上
次胡邦衡韵

三月群賢畢集二天五馬生光傳觴擊鼓底匆

忙画鷁將飛江上魯國方虛兩社齊人要復

侵疆延英引對上東廊應念幽人相望

又再賦
送行

近體樂府四汲古閣

藉甚新除刺史端然舊殿靈光詔書催發權歌

忙沙路從今穩上有喜刊除戎索無勞遠撫

閩疆日高龍影轉槐廊想見清光注望

南渡而下詩之富實維放翁文之富實維孟公先

輩爭仰為大家与歐蘇並稱但卷帙浩繁我

明尚未刻余于寅卯間已鐫放翁詩文一百三十

卷有奇行母而益公省三語稿二百卷僅得二抄

本句錯字滿未敢妄就刻刻倘海內同志或宋刻

或名家訂本肯不惜荊州之借俾平困史與淵
伯共成漢登真菰林大勝事也最近體樂府數閱
特之劇技耳先什之以當相徵券湖南毛晉識

近體樂府

五

汲古閣

近體樂府

終

竹竺詩餘

目錄

沁園春

八調

八聲甘州

一調

乳燕飛

三調

摸魚兒

一調

水龍吟

一調

喜遷鶯

一調

木蘭花慢

四調

滿江紅

三調

醉江月

二調

水調歌頭

二調

六州歌頭

二調

永遇樂

一調

竹竺詩餘目

傳言玉女

一調

清平樂

六調

眼兒嬌

三調

謁金門

五調

霜天曉角

四調

夜行船

一調

長相思

一調

烏夜啼

一調

祝英臺近

一調

鵲橋仙

四調

西江月

二調

憶秦娥

一調

定風波

一調

虞美人

三調

踏莎行

一調

蝶戀花

一調

汲古閣

好事近	一詞	小重山	一詞
醜奴兒	二詞	夏漏子	一詞
減字木蘭花	一詞	臨江仙	三詞
南鄉子	一詞	鷓鴣天	三詞
菩薩蠻	三詞	浣溪沙	四詞
山花子	二詞	卜算子	一詞
醉蓬萊	一詞	醉落魄	一詞
江城子	一詞	訴衷情	一詞
竹垞詩餘目	二	柳梢青	一詞
朝中措	二詞		
滿庭芳	一詞		
竹垞詩餘目錄	終		

竹垞詩餘	宋 黃 機
沁園春	奉東章史君 再遊西園
問訊西園一春幾何君今再遊記流觴亭北偷拈酒戲凌雲臺上暗度詩闌略略花痕差差柳意十日不來紅綠稠須重醉便功名了後白髮爭休 定誰騎鶴揚州任書放牀頭醺瓮頭況慇懃鸞燕能歌更舞輕狂蜂蝶欲去還留歲月	
竹垞詩餘	汲古閣
易忘姓名須載筆勢翩翩回萬牛歸來晚有燭	
明金剪香煥珠簾	
又	
六月云初入爭議公公無阻傷記傳飛急羽舟泛海道瀾漫白水路入沙場萬姓三軍倚公爲命法有逗遛公自當君還信似崔嵬砥柱屹立瞿塘 此行陰德難量到論定纔知滋味長看魚肥蟹健妻孥笑樂酒煇稻熟翁媪相將何以	

報公祝公千歲多少人家燒夜香凌煙上更聲
名凜凜冠劔堂堂

又

問訊梅梢小春近也花應漸開記華堂此日紅
牙絲竹歡聲昨夜翠玉樽罍霧節童童金旂曳
曳人自閑風玄圃來嬉遊處任滄波變陸劫火
成灰 行天看取龍媒笑衛霍當年如此哉有
筆頭文字何妨揮灑胸中兵甲解洗氛埃見說
竹垞詩餘 二 汲古閣

又

日過西窗客枕夢回庭空放衙記海棠洞裏泥
金寶尊醺醺架下油壁鈿車醉墨題詩薔薇露
重滿壁飛雅行整斜爭知道向如今漂泊望斷
天涯 小桃一半蒸霞夏兩岸垂楊渾未花便
解貂貫酒消磨春恨星珠買笑酬當年華對面

青山招之不至說與浮雲休苦遮山深處見炊
煙又起知有人家

又

暑風清微梅腮漸紅麥鬚未黃恨牡丹多病醫
治費巧醺醺易老點綴無方客裏光陰愁中意
緒想美人兮山水長銷凝處有龍絲墜簡來喚
持觴 華堂賸貯春光紫一行珠璣時樣粧更
燕畱輕態詞翻古調鬢嬌欲嚬曲度新腔玉漏
竹垞詩餘 三 汲古閣

又

問訊仙翁因勤爲底來萬山中想橘邊丹井鶴
尋舊約松間碧洞鹿養新茸霧節亭亭星旂曳
曳導以浮丘雙玉童嬉遊處盡祥煙瑞雨霽月
光風 歡聲已與天通更日夜彬江流向東定
催歸有謂泥香芝檢畱行無計路熟花驄入侍

嚴凝密陪清燕吳水歡然相會逢年年裏對春
如酒好酒似春濃

又 送徐孟堅
秩滿還朝

人物眇然落落曉星如君幾何有飄搖長袖工
持月斧寂寥遺韵妙鼓雲和政事文章特其餘
事英氣橫空時浩歌還堪笑似龍文古鼎誰復
摩挲 青絲繫馬庭柯爲小駐壽君金叵羅說
一時偉望齊高岳麓二年遺愛拍滿湘波世事

竹室詩餘

四

汲古閣

多端細憑商畧痛處不須言語多從今去好經
從烏府躡上鑾坡

又 送趙運使
之江西

有美一人昔枉何居今方見之儼瓊纓翠弁氣
清芬只珠幢絳節光陸離兮吾道非耶世情復
余天驥昂藏不受羈還知否定曲高寡和才大
難施 行吟湘水之湄看雲卷雲舒無定姿想
粲然長笑物皆有用時哉易失我亦奚爲袖手

旁觀何如小試欲脫囊中失利雖君休歎正梅
花將發塵滿征衣

八聲甘州 爲遲
至壽

問仙翁底事到人間人間足嬉遊向文邊書意
詩邊著語口滿南州逸韻高情總似野水蕩孤
舟所未能忘者藥鼎茶甌 政恐功名相混便
扶搖直上龍尾螭頭想塵緣終薄歸去老菟裘
有當年東鄰西舍辦雞豚相與燕春秋階庭裏

竹室詩餘

五

汲古閣

兒孫衮衮飛度驂驪

乳燕飛 次岳總
幹韵

擊碎珊瑚樹爲畱春怕春欲去駛如風雨春不
畱兮君休問付與流鶯自語但莫賦綠波南浦
世上功名花梢露政何如一笑翻金縷繫白日
莫教算 蒼頭引馬城西路赴池亭荻芽尚短
梅心未苦小雨欲晴晴不定漠漠雲飛輕絮算
行樂春來幾度鞭影不搖鞍小據過橫塘試把

前山數雙白鷺忽飛去

又次徐斯遠
韵寄稼軒

興發元同宇喚君來浮君大白爲君起舞滿斑
斑功名洒淚百歲風吹急雨愁與恨憑誰分付
醉裏狂歌空漫觸且休歌只倩琵琶訴人不語
絃自語 詩成更將君自賦渺樓頭煙迷碧艸
雲連芳樹艸樹那能知人意悵望關河夢阻有
心事牋天天許繡帽輕裘眞男子政何須紙上
竹塋詩餘 六 汲古閣

分今古未辦得賦歸去

又

秋意今如許怪征鞍底事匆匆翩然難駐斗悵
屏圍山六曲怕見瑣窗欲算請誰伴梧桐疎雨
路入衡陽天一角更山環水繞無重數客易口
便難阻 相思纔信相思苦省疎狂迷歌帶酒
把人輕誤問取歸期何日是指點庭前幽樹定
冷蘂疎花將吐此去西風吹雁過家身心別後

安平否聊慰我至誠處

摸魚兒

惜春歸送春惟有亂紅撲較如雨亂紅也怨春
狼藉搵得淚痕無數腸斷處更喚起瓊鵲催發
長亭路征鞍難駐但脉脉含顰嗔人底事剛愛
逐春去 關千凭芳草斜陽凝竚愁連滿眼煙
樹蹙鬆不理金釵溜鸞鏡一奩香霧花誰主悵
玉容寂寞口口春知否單衣嬾卸任門外東風
竹塋詩餘 七 汲古閣

流鶯聲裏盡日攪飛絮

水龍吟

晴江袞袞東流爲誰流得新愁去新愁都在長
亭望際扁舟行處歌罷翻香夢回呵酒別來無
據恨荼蘼吹盡櫻桃過了便只恁成孤負須
信情鍾易感數良辰佳期應誤才高自嘆綵雲
空詠凌波謾賦團扇塵生吟牋淚漬一觴慵舉
但丁寧雙燕明年還解寄平安否

喜遷鶯

香風亭上

平湖百畝種滿湖蓮葉遶堤楊柳冉冉波光輝
輝煙影空翠溼露襟袖靜愜鄰雞啼午煥逼沙
鷗眠畫西園路更紅塵不斷蝶酣蜂瘦知否
堪畫處野薺蕪菁胃地鋪茵繡桃李陰邊桑麻
鼓裏斜蟲酒帘誇酒竹寺小依山趾茅店平窺
津口春又晚正香風有客倚闌搔首

木蘭花慢

次岳總幹韵

竹垞詩餘

八

汲古閣

歎鏡中白髮元不向酒邊栽奈詩習未除客愁
易感勝要安排浮名任他有命怕青山頗怪不
歸來出屋長松招鶴繞渠流水行盃浪驅羸
馬踏江淮幽夢苦相催甚狹路嶸崎雄心突兀
誰忍徘徊此事正煩公等笑曹劉只合作興臺
我自人間屈曲青雲有眼休回

又

政胡塵滿野問誰與作堅城有老子行年平頭

六十無限聲名向來試陳大畧便羣兒啁哳耳
邊鳴爭識規模先定破羌終屬營平吾心惟
有忠誠羞媚嫵做逢迎謂干戈鋒鏑動關民命
此不宜輕聽渠自分勇怯奈何他天理若持衡
只把從前不殺也應換得長生

又

次岳總幹韵

問功名何處算只合付悠悠怕僮僕揶揄長年
爲客楚尾吳頭春來故園漸好似不應不醉把

竹垞詩餘

九

汲古閣

春休賸買萸蒿荻筍河豚已上漁舟人間太
半只閒愁蓑笠夢汀洲向桃花邊招邀同社
秉燭來遊連臺聽渠拘倒更麴生元不厭誅求
世事翻雲覆雨滿懷何止離憂

又

曹文王前子自不與世人同況地望旣華天資
更偉雲驥行空年少才名蜚動泛星槎曾到廣
寒宮桂子香濃秋月桃花浪煖春風神仙之

說朦朧鉛與汞亦何功政磐石規模維城事業
倚重周宗休要碧油紅旆趁黑頭時節做三公
堂上雙親未老穩看金紫重重

滿江紅

呀鼓聲中又粧點千紅萬綠春試手銀花影粲
雪梅香馥歸夢不知家近遠飛帆正掛天西北
記年時歌舞綺羅叢憑誰續 煙水迥雲山簇
勞悵望傷追琢把蛛絲鵲喜意口占卜月正圓
竹垞詩餘 十 汲古閣

時羞獨照夜偏長處憐孤宿悔從前輕被利名
牽征塵撲

又

萬竈貔貅便直欲埽清閭洛長淮路夜亭警燧
曉營吹角綠鬚將軍忠下馬黃頭奴子驚聞鶴
想中原父老已心知今非昨 狂鯢剪於菟縛
單于命春冰薄政人人自勇翹關還舉旗幟倚
風飛電影戈鋌射月明霜鏐且莫令榆柳塞門

秋悲搖落

又

雲暗山昏西風撼一天悲雨隱君問短牆修竹
故園何處九月江南無雁到素書封了誰傳與
待從頭拚却把心寬還如故 吳姬唱燕姬舞
持玉竿溫瓊醕悵人生歡會一年幾許莫上小
樓高處望樓前詰曲來時路便直須足馬兩蒼
頭東歸去

竹垞詩餘

十一

汲古閣

醉江月

春愁幾許似春雲鵲驚連空無數口口眉尖偏
易得沒箇因由分付楊柳煙濃海棠花暗綠漲
檣頭路小樓應是有入和淚凝竚 長記寶軸
粧成鴛鴦繡嬾輕笑歌金縷香雪精神依舊否
風月誰憐虛度帶減衣寬十分顚顚兩下平分
取黃昏可更子規聲碎煙塲

又

東籬成趣有西風解事催開叢菊碎摺黃金誰
試手一一清香堪掬露溼涼輕霞凝寒重秀發
如新沐宮粧勻就豈知紅紫寵俗因念昔日
淵明微官不受歸伴花幽獨彈壓秋光三徑裏
濁酒床頭初熟飲劇腸寬醉深吻燥更把綸巾
漉此翁無恙喚渠同醉船玉

水調歌頭爲施少儀作

此日足可惜心事正崔嵬江淮踏遍經歲相識

竹垞詩餘

十二

汲古閣

定誰來每向酒邊長嘆更向花邊長笑意慮叵
能猜邂逅忽相遇有客在塵埃脫儒冠著武弁
太多才筆墨爭似鉤戟容易到雲臺餘子何須
轉手便把平生習臆勇去莫徘徊事業上金石
人自懽哀

又次下洞流
孟亭作

金篆鏤岩穴玉斧鑿山湫飛泉濺沫無數六月
自生秋天矯長松千歲上有冷然天籟清響聊

難收亭屋創新觀客執棹還畱推名利付飄
瓦寄虛舟烝羔釀秫醅瓮戢戢蟻花浮喚取能
歌能舞棄輿攜將高處盃酌薦崑球徑醉雙口
白眼視庸流

六州歌頭

岳總幹櫟括上吳荊州
啟以此腔歌之因次韵

百年忠憤無淚洒江濱曹劉事埋露草鏤煙榛
哭英魂此恨有誰知者時把劒頻看鏡徒自苦
拳破裂眼眇昏從古時哉去迹鄉人子反袂傷

竹垞詩餘

十三

汲古閣

麟望家山何在衮衮已顰纓欲刻還生猛堪驚
膏肓危病寧有藥鍼七具獻無門荊州啟條
舊画漢將軍不已存便合囊封去倉庾地尙間
關此不用心漫有恐無干人世懽哀數耳天或
者又假人言又一番春盡高柳暗如雲夢斷重
閣

又次岳總
幹韵

將軍何日去築受降城三萬騎貔貅虎豹鯢鯨

洗滄溟試上金山望中原路平於掌百年事心
未語淚先傾若若縈縈印綬偏安久大義誰明
倚危欄欲遍江水亦吞聲目斷蘋汀海門清
停盃與問焉用此手雖口積如京波神怒風浩
浩勃然興捲龍腥似把渠忠憤伸懇請翠華巡
呼壯士挽河漢蕩撓槍長算直須先定如細故
休苦縈縈正清愁滿抱鷗鷺却多情飛過郵亭

永遇樂

章史君席上

竹垞詩餘

十四

汲古閣

別院春深華堂畫永嘉燕初啓翠玉樽罌紅牙
絲管睡鴨沉煙裏弄晴雲態行空絮影漠漠似
飛如墜最多情紫綵團就錯落亂星流地 史
君自有元龍豪氣喚客且休辭醉蝶困蜂酣燕
嬌鶯姹懽意濃如此侃其笑語止乎禮義衣佩
細紉蘭芷遙歸去殘更欲盡曉鴉又起

傳言玉女

次岳總幹韵

日薄風柔池面欲平還皺紋楸玉子磔磔敲春

畫衾繡半捲花氣濃熏香獸小團初試輓轡銀
甃 夢斷陽臺甚情懷似病酒鳳奩羞對比年
時更瘦雙燕乍歸寄與綠牋紅豆邨堪又是牡
丹時候

清平樂

西園啼鳥畱得春多少客裏情懷無日好愁損
連天芳艸 博山灰冷香殘微風吹滿銀箋卓
午花陰不動一雙蝴蝶團圓

竹垞詩餘

十五

汲古閣

又東邪宰

曉窗晴日一點黃金橘萬事如毛隨日出多少
人間頭白 未春長恨春遲春來生怕春歸辦
取羯天簫鼓莫教孤負荼蘼

又為繆推官壽。清客繆之亭名也

煙融雨膩春去三之二了却蘭亭脩禊事判與
仙翁一醉 方壺日月偏長清客花草吹香辨
取此身強健功名飽看諸郎

又
詩林

釵頭蝴蝶趁舞梅邊雪酒瀉黃滕光奪月歲歲
年年蕉葉邊城鶯喚春來沙場馬到秋肥脫
却熊韜虎略換渠金甲牙旗

又

風韶煙膩春事三之二說與人生行樂耳富貴
古來如此西園已有心期姚黃魏紫開時纖
指金荷漱澹香唇銀竹參差

竹垞詩餘

十六

汲古閣

又
江上

西風獵獵又是登高節一片情懷無處說秋滿
江頭紅葉誰憐鬢影淒涼新來更點吳霜孤
負萸囊菊盞年年客裏重陽

眼兒嬌

粉牆朱閣映垂楊晴綠小池塘東風颺暝單衣
初試晝日偏長鬢鬆兩鬢飛雲影鈿合未梳
粧闌干側畔閒拋荔子驚散鴛鴦

又

東風挾雨苦無端惻惻送輕寒那堪更向湘灣
六六淺處畱船詩闌酒戲成孤負春事已闌
珊離愁都在落花枝上杜宇聲邊

又

莫嗔日日話思歸歸却也便宜東鄰招茗西鄰
喚酒一笑開眉人生萬事無緣足待足是何
時妻能紡績兒能畊穫未必寒飢

竹垞詩餘

十七

汲古閣

謁金門

風又雨牆外落紅無數人不歸來春不住佳期
還已誤細細一團愁緒薄倖疎狂何處化作
青鸞飛得去問天天亦許

又

風雨後枝上綠肥紅瘦樂事參差團不就一春
如病酒樓外煥煙楊柳憶得年時攜手燕子
雙雙來未久頗知人意否

又

愁萬疊春在雨條煙葉翠袖倚風寒霎霎傷闌
看乳鴨 何處一聲啼鳩架上茶蘼欲雪繡被
熏香香未歇可憐音信絕

又壽何令

冬十月記取生申時節梅傍小春融絳雪淺寒
猶未却 且醉笙歌蕉葉富貴不須頻說國太
夫人頭半白看君金印燁

竹垞詩餘

十八

汲古閣

又秋晚口蕙
花為賦

秋向晚秋晚蕙根猶煥碧染羅裙湘水淺羞紅
微到臉 窈窕繡簾圍遍月薄霜明庭院粧罷
寶奩慵不掩無風香自滿

霜天曉角
梅

玉粲冰寒月痕侵画欄客裏安愁無地為徙倚
到更殘 問花花不言嗅香香欲闌消得个溫
存處山六曲翠屏間

又儀真江
上夜泊

寒江夜宿長嘯江之曲水底魚龍驚動風捲地
浪翻屋 詩情吟未足酒興斷還續艸艸興亡
休問功名淚欲盈掬

又金山吞
海亭

長江千里中有英雄淚却笑英雄自苦興亡事
類如此 浪高風又起歌悲聲未止但願諸公
強健吞海上醉而已

竹垞詩餘

十九

汲古閣

又夜舟過
峨眉山

江涵落日風轉飛帆急問訊蛾眉好在無一語
送行客 閒情眠未得倚窗消酒力却怕魚龍
驚動且莫要夜吹笛

夜行船
京口南園

紅濺羅裙三月二露桃開柳綿又起百尺遊絲
罨鶯畱燕判與南園一醉 歷歷斜陽明野水
倚危闌算雲千里說似遊人直須燒燭早晚綠

陰青子

長相思

蛾眉亭

東梁山西梁山占斷長江相對閒古今雙鬢斑

間天漫漫水漫漫人事如潮多往還淺渾深恨

間

烏夜啼

雲容曉色相涵征驂碎點遙山山如豆是淮南

路漸遠家漸遠恨難堪見窗花葉底鬢髮耗

竹垞詩餘

二十一

汲古閣

祝英臺近

試單衣扶短策沙路淨如洗乍雨還晴花柳自

多麗爭知話別南樓片帆天際便孤了同心連

理鎮縈繫謾有羅帶香囊殷紅鬪輕翠一紙

濃愁無處倩雙鯉可堪飛夢悠悠春風無賴時

吹過亂鶯聲裏

鵲橋仙

次韵湖上

黃花似鈿芙蓉如面秋事淒然向晚風流從古

記登高又處處悲絲急管有愁萬斛有才八

斗慷慨時驚俗眼明年一笑復誰同料天遠爭

如人遠

又壽荀宰

松梢擎雪竹枝溥露炯炯照人清韵仙家譜系

合長生元不藉藥爐丹井凌雲壯志坐天健

翻九萬扶搖路穩發聞政最有公車定飛下日

邊音信

竹垞詩餘

二十一

汲古閣

又

一番雨過江頭綠漲催喚扁舟解去重來言語

是相寬怎得似而今且住陽關聲斷同心未

綰簌簌淚珠無數秋鴻春燕往還時莫忘了錦

牋分付

又

薄情也見多情也見不似這番著相如何容易

買歸舟報南浦桃花綠漲隨君無計畱君無

西江月

又垂絲海棠一名醉美人

竹坐詩餘

二十二

汲古閣

憶秦娥

秋蕭索梧桐落盡西風惡西風惡數聲新雁數
聲殘角離愁不管人飄泊年年孤負黃花約
黃花約幾重庭院幾重簾幙

定風波

短策飄飄勝著鞭
攜壺與客洗愁顏
興到爲君

拚劇飲狂甚論詩說劒口瀾翻 画燭燒殘花
影褪□□長鯨要使百川乾醉處不知誰氏子
只記開窗臨水便迎山

虞美人

三年萬里黃塵路只欠江湖去扁舟二月下湘
灣過了洞庭青艸又春殘 □□□□□□□□

[illegible]

竹垞詩餘	二十三	汲古閣
------	-----	-----

又

十年不作湖湘客
亭堠催行色
淺山荒艸記當年
時篠竹籬邊羸馬向人嘶
書生萬字平戎策
苦淚風前滴
莫辨衫袖障征塵
自古英雄之楚
又之秦

又

雲情雨意纔端的。津鼓催行色。因緣雖淺是因緣。猶勝當初無分小畱連。劉郎雙鬢青堪照。

君也方年少尊前不用苦沾衣未信桃源別後

路成迷

踏莎行

雲樹參差煙蕪平遠沙頭只欠飛來雁西風方
做一分秋淒涼已覺難消遣窗底燈寒帳前
香燠回腸偏學車輪轉剩衾閒枕自無眠蕉門
夏著梅花怨

蝶戀花

竹垞詩餘

二十四

汲古閣

碧樹涼颼驚西扇窗戶齊開秋意參差滿先自
離愁裁不斷蛩螢更作聲聲怨山遶千重溪
百轉隔了溪山夢也無由見歸計憑誰占近遠
銀缸昨夜花如糝

好事近

鴻雁幾時來目斷暮山凝碧別後故園無恙定
芙蓉堪折休文多病廢吟詩有酒怕浮白不
是孤他詩酒更孤他風月

小重山

梧竹因依山盡頭瀟瀟疎雨後幾分秋輕涼無
數入西樓凭欄久滿眼動離愁飛鷺下汀洲
怕知鴻雁到帶書否詩闌酒戲一齊休人如削
身在水邊洲

醜奴兒

綠陰窗几明如拭粉黛初勻無限芳心翻動牙
籤却帶人多嬌愛學秋來曲微顫朱唇別後

竹垞詩餘

二十五

汲古閣

銷魂字底依稀記指痕

又

綺窗撥斷琵琶索一一相思一一相思無限柔
情說似誰銀鈎欲寫回文曲淚滿烏絲淚滿
烏絲薄倖知他知不知

夏漏子

秋點長秋夢短怕見黃昏庭院風窸窣雨蕭蕭
倚窗魂欲銷候蛛絲占鵲起依舊濃愁一紙

紅袖黝翠鈿
鵲淚痕猶未乾

減字木蘭花

西風浙浙滿眼芙蓉紅
欲滴無限相思百疊青
山百曲溪憑誰說與衣帶別來寬幾許好片
心腸不道秋來早晚涼

臨江仙

上已清明都過了客愁惟有心知子規昨夜忽
催歸驛程那復記魂夢已先飛回首故園花
竹空詩餘
二十六
汲古閣
與柳枝枝葉葉相思歸來拚得典春衣綠陰幽
遠處不管盡情啼

又

鳳翥鸞飛空燕子寶香猶惹流蘇舊歡淒斷數
行書終山方種玉合浦忽還珠
午枕夢圓春
寂寂依然刻雪肌膚覺來煙雨滿平蕪客情殊
索莫肯喚一尊無

又

寒食清明都過了客中無計畱春東風吹雨更
愁人繫船芳艸畔始信是官身
悵望故園煙
水濶幾時匹馬駸駸別腸何止似車輪帶天天
不管轉作兩眉顰

南鄉子

簾幙闌深沉燈暗香銷夜正深花落画屏簷鳴
細雨岑岑滴破相思萬里心
曉色未平分翠
被寒生不自禁待得夢成翻惡況堪顰飛雁新
竹空詩餘
二十七
汲古閣
來也誤人

鷓鴣天

細聽樓頭漏箭移客床寒枕不勝欹淒涼夜角
偏多眼吹到梅花第幾枝
人間闊雁叅差相
思惟有夢相知謝他窗外芭蕉雨葉葉聲聲伴
別離

又元日呈
王帥

柳際梅邊鴈雪乾
釵頭蝴蝶又成團飄零萍梗

江湖客冷落笛簫燈火天 澆濁酒惜流年牙
旗夜市幾時穿太平樂事終須在老去心情恐
不然

又

濟楚偏宜淡薄粧冰涵清潤玉生香祇因夢峽
成雲雨便擬吹簫誇鳳皇 新聞阻舊思量多
晴翻不似垂楊年年纔到春三月百計飛花入
洞房

竹垞詩餘

二十八

汲古閣

菩薩蠻

池落開遍蓮房老秋聲已入梧桐表葵扇與桃
笙尚宜相帶行 危亭三百尺爽氣真堪挹淪
茗且盤旋翩翩吾欲仙

又

相思繞遍天涯路相思不識行人處多病怕逢
春那堪春正深 日高梳洗嬾鸞鏡香塵揜雙
鬢綠鬢鬆一簾花信風

又

惜山不厭山行遠山中禽鳥頻驚見小雨似憐
春霏霏容易晴 青裙田舍婦饁餉前村去溪
水想平腰喚船依斷橋

浣溪沙

舊刻誤入山花
子二闕今分出

綠瑣窗前雙鳳奩調朱勻粉玉纖纖粧成誰解
盡情看 柳轉光風絲裊娜花明晴日錦爛斑
一春心事在眉尖

竹垞詩餘

二十九

汲古閣

又

日轉雕欄午漏分井梧落盡小窗明寶床絲索
嬾關心 愁壓春山應脉脉困凝秋水想沉沉
低頭時露一灣金

又

墨綠衫兒窄窄裁翠荷斜簪領雲堆幾時踪跡
下陽臺 歌罷櫻桃和露小舞餘楊柳起風回
喚人休訴十分盃

又

著破春衫走路塵子規啼斷不禁聞功名似我
却羞人 象板且須歌皓齒裏蹠何苦惜黃金
尊前休負此生身

山花子

送杜仲高

綠綺空彈恨未平可堪執手送行人碧河謾將
珍重意莫辭斟 我定憶君吟渭北君須思我
賦停雲未信高山流水曲斷知音

竹堂詩餘

三十

汲古閣

又

流轉春光又一年春愁盡日兩眉尖草草幽歡
能幾許已天邊 會得音書生羽翼免教魂夢
役關山簾捲落花千萬點雨如煙

卜算子

東趙金

憶自別郎時數到郎歸日及至郎歸郎又行淚
臉香紅溼 殘夢怕尋思眉繡慵收拾夏簾青
青白晝長背倚闌干立

醉蓬萊

壽史

政槐雲濃翠榴火殷紅暑風涼細紫府神仙向
人間游戲瑞節珠幢瓊纓寶珮炯冰壺標致經
濟規模登庸衣鉢家傳如此 禮樂醇儒詩書
元帥盡洗凡蹤平吞餘子敬簡堂深且從容一
醉慶社綿綿功名衮衮比衡山湘水更把陽和
從頭付與滿門桃李

醉落魄

竹堂詩餘

三十一

汲古閣

藕花初發熏風庭院涼成雲碧紗金縷籠香雪
記得年時心事凭欄說 如今陡頓音書絕夜
窗羞見團團月錦囊塵暗黃金玦畱取多情歸
趁好時節

江城子

次洪如晦韵

醉來玉樹倚風前舉吟鞭指青帘烏帽低昂搖
兀似乘船傍路誰家粧束巧斜映日半窺簾
尋歡端合趁芳年對鵲絃且陶然紙上從渠劉

蹶與羸顛漠漠綠陰春復夏多少事總懸天

訴衷情

宿琴圻江上

子規聲老又殘春猶作未歸人天意不能憐客
何事苦教貧 歸去也莫逡巡好從今秧田車
水麥隴腰鎌總是關心

朝中措

駁雲行雨苦無多晴也快如梭春思正難拘束
客愁誰爲銷磨 尋花覓識傳盃託意種種蹉

竹垞詩餘

三十二

汲古閣

跼消息不來雲錦淚痕溼滿香羅

又

逢逢船鼓綠楊津彼此是行人先自離愁無數
邨堪病酒傷春 岸花檣燕低飛欸語滿面慙
勤後會不知何日因風時惠嘉音

柳梢青

征路迢迢征旗獵獵征袖徘徊撲簌淚珠怕聞
別語慵舉離盃 春風花柳齊開只喚做愁端

恨媒一片衰腸十分好事等待回來

滿庭芳

次仁和韵時
欲之官永興

二十年間舊遊踪跡夢飛岳麓湘灣征衫再理
秋老菊花天爲客問君何好愛水光山色爭妍
經行處旗亭酤酒曾記屋東偏 噫其吾甚矣
不慚蹇拙欲闢婢娟辦輕輿短艇強載衰顏人
道彬陽無雁奈情鍾藕斷絲聯須相憶新詩賦
就時復寄吳牋

竹垞詩餘

三十三

汲古閣

草堂詩餘若干卷向來訛驚人目每秘一冊便
稱詞林大觀不知抹倒幾許騷人即如次仲幾
叔輩不之寵柳嬌花燕脂鶯脰等語何愧大晟
上座耶草堂集竟不載一篇真堪太息余隨得
本之先後次第付梨丸修商緯羽之士幸垂擲焉
秋分日湖南毛晉識

竹垞詩餘

終

金谷遺音

目錄

水調歌頭 六調

寶鼎硯 一調

眼兒嬌 二調

臨江仙 五調

鷓鴣天 十二調

卜算子 四調

漁家傲 二調

洞仙歌 一調

念奴嬌 五調

醉落魄 四調

醜奴兒 一調

西江月 三調

金谷遺音目

汲古閣

踏莎行 二調

望海潮 二調

虞美人 二調

水龍吟 一調

長相思 四調

品令 一調

點絳脣 六調

玉樓春 十一調

西地錦 一調

朝中措 一調

阮郎歸 一調

滿江紅 一調

浪淘沙 一調

聲聲慢 一調

憶秦娥 一調

菩薩蠻 三調

惜奴嬌 二調

江城子 二調

如夢令 三調

亭前柳 一調

好事近 二調

夜行船 二調

茶瓶兒 一調

清平樂 六調

一剪梅 一調

浣溪沙 四調

謁金門 五調

杏花天 一調

南柯子 六調

武陵春 一調

減字木蘭花 三調

柳梢青 一調

金谷遺音目

汲古閣

烏夜啼 一調

愁倚闌 二調

滿庭芳 四調

更漏子 二調

行香子 一調

畫堂春 一調

山花子 一調

燕歸梁 一調

望江南 一調

青玉案 一調

蝶戀花 三調

驀山溪 三調

千秋歲 一調

傳言玉女 一調

金谷遺音目錄 終

金谷遺音

宋 石孝友

水調歌頭 送張左司

君恩九鼎重臣命一毫輕出身事主剛甚須作
不平鳴老却西山薇蕨閒損南窗松菊羞死漢
公卿豺狼敢橫道草木要知名 秋已素人又
去若爲情長沙何在風送嗚咽算潮聲舉棹却
尋歸路揮塵莫談時事得酒且頻傾一片古時

金谷遺音

汲古閣

月千里伴君行

又 上清江李中生長

清霜洗空闊黍管吹秋灰七萸餘翠半月流素
影徘徊天遣蟠桃仙李笑折一枝丹桂積慶到
雲來風骨峭冰玉談辨屑瓊瑰 黃閣老金閨
彥謫仙才小分銅竹遍洒雨露楚江隈好把蕭
灘玉筍變作嘉肴芳酒爲壽莫停盃飛詔下霄
漢謫鼎待鹽梅

又 趙倅生辰

蕭灘韵環珮玉筍燦玲瓏仙源積慶當日占夢
兆維熊學業肯先歆向文鯁已高白賀飛步更
蟾宮秀色溢眉宇雄辯倒心胃 作兒戲爲親
壽捧霞鍾彩衣搖曳光映懷橘墮雙紅正好平
分風月且伴能言桃李鯨汲海濤洪行赴紫泥
詔歸拜黑頭公

又

金谷遺音

汲古閣

男兒四方志豈久困泥沙束書匣依舊旅食
在京華蹭蹬青雲未遂奔走紅塵何計歛衽且
還家草木漸黃落風月正清嘉 友猿鶴宅丘
壑樂生涯幾時雷雨轟礪平地起龍蛇尺箠可
鞭夷狄寸舌可孟社稷無路踏雲車今古萬千
事洒淚向黃花

又

美人在何許相望正悠悠雲窗霧閣遙想宛在

海中洲空對殘雲冷雨何限重山疊水一夢到
無由遺怨寫紅葉薄倖記青樓金烏擲玉蟾
缺物華休鳳梧鴛井一夜風露各驚秋唯有遠
山無賴淡掃一眉晴綠特地向人愁歛袂且歸
去回首謾遲留

又

高情逸雲漢長揖謝君侯脫遺軒冕簸弄泉石
下清幽心契匡廬猿鶴浹染固陵松栢一衲且

金谷遺音

三

汲古閣

蒙頭風月感平髮魂夢遶神州漾一葉樣孤
管去來休琵琶亭畔正是楓葉荻花秋點檢詩
囊酒盃擡帖舞裯歌扇收盡兩眉愁回望碧雲
合相伴赤松遊

寶鼎現

上元上江
西劉樞密

雪梅清瘦月桂圓冷天街新霽想帝輦三朝薄
算催促燭龍開扇雉正拜舞捧玉卮爲壽花滿
香銷鳳髓罄禹穴胥濤萬頃春入南山聲裏

鼎軸元老詩書帥體宸衷奉雙親意勤色養行
春惜花夜懽宴瑤池衣綵戲鼓淑氣遍湖山千
里驚破慳紅澀翠笑郎箇癡兒無賴打得金
魚墜地休念太平當年手把青藜照字對珠簾
雲棟收拾歌舞輟慶母愛小寬王事看不日歸
步沙堤又贊重華孝治

眼兒嬌

何須著粉更施朱元不在粧梳尋常結束珊瑚

金谷遺音

四

汲古閣

環珮短短裙襦花羞柳妬空撩亂冰雪做肌
膚而今便好小名弄玉小字瓊奴

又

愁雲淡淡雨蕭蕭算算復朝朝別來應是眉峰
翠減腕玉香銷小軒獨坐相思處情緒好無
聊一釵萱草幾竿脩竹數葉芭蕉

臨江仙

一霎狂雲驚雨過月華恰到簾帷檻前疊石翠

參差洞房相見處燈火乍涼時 睡玉眠花愁
夜短匆匆笑惜佳期風梧不動酒醒遲好同蝴蝶
夢飛上鳳皇枝

又

醉袖吟鞭行色裏帽簷低處風斜晚山一半被
雲遮殘陽明遠水古木集栖鴉 算去朝來緣
底事不如早早還家曲屏深幌小窗紗翠沾睂
上柳紅搵臉邊花

金谷遺音

五

汲古閣

又

買笑當歌何處好小樓四面江山玉梅枝上卸
餘寒雨隨春到急風向晚來顛 任自腰圍都
瘦損肯教懽意闌珊引盃相屬莫畱殘花和人
競好人與月爭圓

又

枕上鶯聲初破睡峭寒輕透簾幃起來惆悵有
誰知雨狂風轉急揉損好花枝 薄倖別來春

又老等閒悵却佳期斜陽影裏立多時遠山何
事□相對感修睂

又

常記夢雲樓上住殘燈影裏遲畱依稀綠慘更
紅羞露痕雙臉淚山樣兩睂愁 數片輕帆天
際去雲濤煙浪悠悠今宵獨宿古江頭水腥魚
菜市風碎荻花洲

鷓鴣天

金谷遺音

六

汲古閣

收拾睂尖眼尾情當筵相見便相親偷傳翡翠
歌中意暗合鴛鴦夢裏身 雲態度月精神月
流雲散兩無情覺來一枕淒涼恨不敢分明說
向人

又

收拾睂尖眼尾情夜來真個夢傾城鴛鴦有底
情難盡蝴蝶無端夢易驚 愁一掬月三更繡
帷應好睡輕盈知他莫有相憐分展轉尋思直

到明

又

別後應憐信息疎
西風幾度到庭梧
夜來縱有鴛鴦夢
春去空餘蛺蝶圖
煙樹遠塞鴻孤垂
垂天影帶平蕪憑誰寫此相思曲
寄與馮川鄭

小奴一云金陵小道姑

又

家在東湖湖上頭
別來風月爲誰留
落霞孤鶩

金谷遺音

七

汲古閣

齊飛處南浦西山相對愁
眞了了好休休莫
教辜負菊花秋
浮雲富貴何須羨
画餅聲名肯浪求

又

花漏聲乾月隱牆
瑣灰迎曉透新陽
物情漸逐雲容好
懽意偏隨日脚長
山作鼎玉爲漿壽
盃鼓處豔梅粧
醉鄉路接華胥國
應夢朝天侍赭黃

又

玉燭調元黍律均
迎長嘉節屬芳辰
雲如惜雨鈎牽雪
梅不禁風漏泄春
天意好物華新
偷閒羸取酒邊身
太平朝野都無事
且與鸞花作主人

又

一夜冰漸滿
玉壺五更喜氣動
洪爐門前桃李
知麟集庭下
芝蘭看鯉趨
泉脉動
草心蘇
日

金谷遺音

八

汲古閣

長添得繡工夫
試探補衣彌縫手
眞個曾添一線無

又

一列音塵兩杳然
不堪虛度菊花天
驚秋遠雁橫斜字
噪晚哀蟬斷續絃
好消息惡姻緣涼
宵如水復如年
夢魂不怕風波險
飛過江西阿邨邊

又

屏幃重重翠幕遮蘭膏煙煥篆香斜相思樹上
雙栖翼連理枝頭竝蒂花 歛鳳髻難烏紗雲
慵雨困興無涯箇中贏得平生事免走烏飛一
任他

又 旅中
中秋

露葉披殘露顆傳明星著地月流天不辭獨賞
窮今夜應爲相逢憶去年 辜窮窈負嬋娟誰
知兩處照孤眠姮娥不怕離人怨有甚心情獨

金谷遺音

九

汲古閣

自圓

又 冬至上
李唐

萬里羈孤困一簾平頭四十誤儒冠絳絃廣播
薰風煥鄒律潛消黍谷寒 樓謾倚劒休彈看
君行復上金鑾鳳池波裏求餘潤阮肆泥中豈
久蟠

又 慶徐元
齋生子

六十仙翁抱桂栽果符吉夢誕英才上天與降

麒麟種明月還生蚌蛤胎 華閣啓玳筵開快
呼玉手捧金罍要知遠地無功客曾到高門托
賀來

卜算子

人自蒨宮來微步香雲擁小試樽前白雪歌葉
葉秋聲動 一剪豔波橫兩點愁山重收拾眉
尖眼尾情作個鴛鴦夢

又

金谷遺音

十

汲古閣

見也如何算別也如何遽別也應難見也難後
會難憑據 去也如何去住也如何住住也應
難去也難此際難分付

又

折得月中枝坐惜青春老及至歸來能幾時又
踏關山道 滿眼秋光好相見應須早若赴重
陽不到家只怕黃花笑

又 孟撫幹歲寒
三友屏風

冷蕊闌紅香瘦節攢蒼玉更著堂堂十八翁取
友三人足惜此歲寒姿移向屏山曲紙帳熏
爐結勝緣故伴仙郎宿

漁家傲

送李惠言徐元
集赴試南宮

射虎將軍奪繡帽西園公子南山豹共跨龍媒
銜鳳沼風色好宮花御柳迎人笑劍履醒醒
天日表集英殿下春來早雙鸚盤空擎百鳥歸
來了藍袍錦水光相照

金谷遺音

十一

汲古閣

又

夜半潮聲來枕上擊殘夢破驚魂蕩見說錢塘
雄氣象披衣望碧波堆裏排銀浪月影徘徊
天澗漾金戈鐵馬森相向洗盡塵根磨業障增
豪放從公筆力詩詞壯

洞仙歌

芙蓉院宇露下秋容瘦龜鶴仙人獻長壽問蓬
山別後幾度春歸歸去晚開得蟠桃斲句人

閒遊戲好鯨背風高那更相將鳳雛九事蘋蘩
工翰墨才德兼全人總道古今稀有儘從他鳥
兔促年華看綠鬢朱顏鎖長依舊

念奴嬌

上洪帥王千道生辰正
月十六日用東坡韵

半千寶運瑞清朝誕育人間英物暎律吹灰春
到也遲日光騰東壁婺女雙溪沈郎八詠輝映
皆冰雪儲精毓秀幾年一个人傑須信和氣
隨人粉海欺黛柳嬌春爭發翠幙重重稱壽處
蓮炬蕙煙明滅鼎席猶虛九重頻念此衮衣華
髮明年今夜鳳池應醉花月

金谷遺音

十二

汲古閣

又

悶紅顰翠惜流年忍對豔陽時節白玉樓成人
去後兩地青塵都絕鸞鑑分飛夢雲零亂懽意
今衰颯墨痕紅淡憶曾題遍紅葉須信後約
難憑臂啣鬟剪也只成虛設滿眼淒涼無限事
付與丁香愁結欲語情酸臨歧步嬾悵望蘭舟

發出門誰伴淚昏一片孤月

又

平湖閣上正殘虹挂雨微雲擎月萬頃琉璃秋
向冷忍便翠銷紅歇北海樽罍西園游宴興逸
湖山發飛塵不到坐移蓬島珠闕莫厭笑口
頻開少年行樂事轉頭胡越公子多情真愛客
敢憚深盃百罰太一舟輕芙蓉城鎖醉指神仙
窟藥風歸去儘教吹亂華髮

金谷遺音

十三

汲古閣

又

平湖閣上正雌霓將捲雄風初發醉倚危欄吟
眺處月在蓬萊溟渤蓬萊香浮桂華光放翻動
蛟鼉窟踏輪誰信宓妃曾借塵鞮人世景物
堪悲等閒都換了朱顏雲髮遙想廣寒秋到早
閒著幾多空濶太白詩魂玉川風腋自有飛仙
骨嫦娥爲伴夜深同駕霜月

又

上德安王
文甫生辰

麥秋天氣正玉杓斡暑熏絃鳴律浴佛生朝初
過也還數佳辰三日筮水呈祥夢熊叶慶寶運
符千一太平朝野異人端爲時出須信家世
蟬聯乃翁遺範在子孫逢吉霧隱巢雲聊寄傲
行矣飛英騰實瀑布泉清爐峯氣秀光映霞觴
溢萱堂爭看綵衣紅墮雙橘

醉落魄

友罵夢蝶尋花間柳深相結教春去後羣芳歇

金谷遺音

十四

汲古閣

零落朋游辜負好時節眼邊愁緒多于髮迢
迢一水通吳越舊歡新恨都休說坐煥殘紅沉
醉碧天闊

又

鸞孤鳳隻而今怎忍輕拋擲知他別後誰怜惜
一味恹恹辜負我思憶雲山萬疊煙波急短
書頻寄征鴻翼相逢後會知何日去也奴哥千
萬好將息

又

空庭草積吹花風去春無迹鎖鸞深處應相憶
紅染羅巾顰損眉山碧曲屏塵暗雙鸚鵡醉
衾不煖爐煙溼一簾暝色人孤寂夢裏燈殘心
上雨聲滴

又

紅嬌翠弱怨人珠淚頻偷落歸期莫負音牋約
雨斷雲銷總是初情薄夜深秋氣生簾幙半

金谷遺音

十五

汲古閣

衾依舊空閒却故人何處孤舟泊兩岸秋聲一
夜風濤惡

醜奴兒

次韵何文成燈
下鏡中懔花

菱花鏡裏桃花笑清影團團月淡風寒深夜移
燈許細觀武陵溪上當時事何處飛鸞淚紙
驚瀾飄盡紅英不忍看

西江月

歌徹秋娘金縷醉板織女雲車而今誰復薦相

如拔劍茫然四顧好景憑詩斷送閒愁著酒
消除鏡中絲髮莫驚呼春滿珠簾繡戶

又

脉脉無端心事厭厭不奈春醒越羅衫薄峭寒
輕試問幾番花信萬點風頭柳絮數聲柳外
啼鶯斜陽還傍小窗明門掩黃昏人靜

又

拽盡風流露布築城煩惱根基早知恁地淺情

金谷遺音

十六

汲古閣

時枉了教人恁地惜你十分攔就把人一味
禁持這回斷了更相思比似人間沒你

踏莎行

沉水銷紅屏山掩素鎖窗醉枕驚眠處菱荷香
裏散秋風芭蕉葉上鳴秋雨飛閣愁登倚闌
凝竚孤鴻影沒江天算行雲嬾寄好音來斷雲
暗逐斜陽去

又

釵鳳搖金髻螺分翠銖衣穩束宮腰細綠柔紅
小不禁風海棠無力貪春睡 剪水精神怯春
情意霓裳一曲當時事五陵年少本多情爲何
特地添顚顚

望海潮

離情水泮歸心雲擾黯然凝竚江皋柳色搖金
梅香弄粉依稀滿眼春嬌常記極遊遨更與持
玉笋因解金貂郎去瞿塘妾家巫峽水迢迢

金谷遺音

十七

汲古閣

別來暗減風標際碧雲暗斷翠被香消春草生
池芳塵凝榭淒涼月夕花朝千里夢魂勞但鳥
啼渡口猿響山椒擬把無窮幽恨萬疊寫霜綃

又

元日上都
通魯大卿

雲龍雙輔匣龍雙起當年楚尾吳頭借月命卿
占星分使來寬俗瘵君憂繡指屈儒流口暫輟
北闕小試南州協奏熏風需爲霖雨歲登秋
春工點綴芳柔正梅凝笑臉柳弄青眸柏葉薦

觴椒花載頌休辭秉燭嬉遊乃眷在宸旒更德
標銀管名覆金甌笑看朝天路穩歸拜富民侯

虞美人

醉尋芳艸城頭路底事頻凝竚麗譙直下小層
樓鴛瓦重重勾砌幾重愁 睡紅顰翠春風面
咫尺無由見從教笑語落簷楹圖得香閨依約
認郎聲

又

金谷遺音

十八

汲古閣

月娥弄影當窗照疑是巫山曉芙蓉帳裏睡魂
驚淺拂輕勾猶恐已天明 高樓未放梅花弄
却就鴛衾擁舞腰纖瘦不禁春恣意任郎撩亂
一梳雲

水龍吟

舊遊曾記當年鳳城雨露開晴晝端門發鑰御
爐煙暗宮花影覆帝念民勞俾蔡輅傳暫臨牛
斗散陽和照春光萬井來小試調元手 職業

才華競秀漢廷臣無出其右九重眷倚頻虛槐
鼎爭迎袞繡爽氣西山綠波南浦釀成芳酒赴
鋒車未到霞觴共祝百千長壽

長相思

你又癡我又迷到此癡迷兩爲誰天天天怎知
長相思極相思願得姻緣未盡時今生重共
伊

又

金谷遺音

十九

汲古閣

紅依稀綠依稀寒勒花梢開較遲蝶魂空自迷
怕人疑使人疑人道閒愁想未知歌眉因甚
低

又

蝶團飛鷺亂啼陌上花開人未歸碧臺歌舞稀
月入扉風滿帷坐到黃昏人靜時清愁君不

知

又

樹槎牙冰交加冷豔疎疎瘦影斜幾枝梅放花
天一涯語三叉已是情多怨物華那堪更憶
家

品令

困無力幾度偎人翠顰紅溼低低問幾時麼道
不遠三五日你也自家寧耐我也自家將息
驀然地煩惱一箇病教一箇怎知得

點絳脣

金谷遺音

二十

汲古閣

霽景澄秋晚風吹盡朝來雨夕陽煙樹萬里山
光算一帶長川自在流今古人何處月波橫
素冷浸蒹葭浦

又

緩解羅裳十分鴛履低腰素冰香微度一罇殷
紅露風折芳蓮影落盆池去多羞處怕人偷
覷粉面頻回顧

又

著意栽銀砌成葉葉蓮花舫醉霞搖蕩恰似凌
波樣 自笑平生鯨吸侯陂量孤心賞不如深
幌一榻酬千想

又

楊柳腰肢春來尙怯銖衣重眼波偷送笑把花
枝弄 雨帳雲屏一枕高唐夢春情動帶人嬌
縱困彈釵橫鳳

又

金谷遺音

二十一

汲古閣

醉倚危檣望中歸思生天際山腰渚尾幾簇漁
樵市 帆落西風一段蘆花水八千里錦書欲
寄新雁曾來未

又

日薄風遲柳眠無力花枝妥燕樓空鎖好夢誰
驚破 寒食清明又等閒都過愁無那淚珠頻
墮酒盡相思顆

玉樓春

小桃破盡風前萼草草年華閒過却十分清瘦
有誰知一點相思無處著 書憑雁字應難說
花與淚珠相對落萬紅千翠儘春光若比此情
猶自薄

又

春生澤國芳菲早樓外牆陰聞語笑東君著意
到西園點破施朱渾未了 楚雲算合吳天杳
天色沉沉雲擾擾洞門深閉月輪孤不見當時

金谷遺音

二十二

汲古閣

張好好

又

風光澹蕩雲容粹點染園林添況味花間照夜
簇紅紗柳外踏青搖綠旆 芳時不分空顚顚
抖擻愁懷賒樂事羅衫一任泥塵泥拚了通宵
排日醉

又

扁舟破浪鳴雙櫓歲晚客心分萬緒香紅漠漠

落梅村愁碧萋萋芳草渡 漢臯珮失誠相誤
楚峽雲歸無覓處 一天明月缺還圓 千里伴人
來又去

又

井花暝處新陽動 節物撩人添倥傯 寒蠶氷齒
暈輕澌敗絮栗肌慳 短夢 文章徹了成何用
悶撥爐灰窺餽甕 尋思已得到春時 預把五窮
連夜送

金谷遺音

二十三

汲古閣

又 冬日 上江西
曹魯大卿

漢皇受禪新 堯統沼躍潛魚儀舞鳳 五雲色備
觀臺書萬世功成賢相用 江湖襟帶蠻荆控
摩撫民勞輪土貢 願傾石尉望塵心來獻魯侯
難老頌

又

一陽不受群陰壅 殘曆行間冬破仲 雲低吹白
臘寒濃梅小綻 紅春意重 湖山千里勤飛控

淑氣冲融披水凍 笑攜雨露灑民心 暗聚精神
交帝夢

又

黃鍾應律扶炎統 舜日迎長佳節用娟娟 芳意
著花梢 盎盎煥香浮酒甕 壽觴喚取纖纖捧
雨歌珠簾雲遠棟 興來且伴橘中仙 歸去却聯
池上鳳

又

金谷遺音

二十四

汲古閣

臺門瑞靄光陽動 人語鼓聲沉洶洶 觀風堂迥
暗香飄捲雨樓前寒翠擁 鋒車促入承天寵
丹詔啣來須彩鳳 五絲宮線日邊長 看補崑廊
龍袞縫

又 送趙
判官

陽關聲裏催行色 馬惜離羣人惜別 入懷風月
記銜盃 迎步溪山供散策 陰飈斷渡江吹白
晴經吞雲天放碧 懸知詩興滿歸途 三四野梅

開的礫

又

尋春悞入桃源洞
草草幽懽聊與共
牢籠風月此時情
做造溪山今夜夢
柳蹊未放金絲弄
梅徑已經香雪凍
春愁離恨重於山
不信馬兒馳得動

西地錦

回望玉樓金闕正
水遮山隔風兒又起
雨兒又

金谷遺音

二十五

汲古閣

煞好愁人天色
兩岸荻花楓葉爭舞
紅吹白
中秋過也重陽近也
作天涯行客

朝中措

亂山疊疊水冷冷
南北短長亭客路如天
杳杳
歸心能地寧寧
春光荏苒花期冷落
酒伴飄零
鬢影黃邊半白
燒痕黑處重青

阮郎歸

燭花吹盡篆煙青
長波拍枕鳴西風
吹斷雁鴻

聲離人夢暗驚
鄉思動旅愁生
誰知此夜情
亂山重疊擁孤城
空江月自明

滿江紅

雁陣驚寒故喚起
離愁萬斛因追念
鏡鸞易破鳳絃難續
詩句已憑紅葉去
夢魂未斷黃梁熟
歎浪萍風梗又天涯
成幽獨
歸來引相思曲
塵滿把淚盈掬
對長天遠水落霞孤鶩
立盡西風無好意
遙山也學雙眉感
恨草根不逐鬢根

金谷遺音

二十六

汲古閣

摧秋夏綠

浪淘沙

好恨這風兒催俺
分離船兒吹得去如飛
因甚
眉兒吹不展
耐耐風兒不是這船兒
載起相思船兒
若念我孤恁
載取人人蓬底睡
感謝風兒

聲聲慢

花前月下好景良辰
厮守日許多時
正美之間

何事便有輕離無端珠淚暗敷染征衫點點紅
滋最苦是慇懃密約做造相思 咿啞櫓聲離
岸魂斷處高城隱隱天涯萬水千山一去定失
花期東君關來無賴散春紅點破梅枝病成也
到而今著個甚醫

憶秦娥

秦樓月秦娥本是秦宮客秦宮客夢雲風韻借
仙標格 相從無計不如休如今去也空相憶

金谷遺音

二十七

汲古閣

空相憶尊前歡笑夢中尋覓

菩薩蠻

酒濃花豔秋波滑舞餘腰素花枝活相見又還
休不禁歸去愁 醉衾成獨擁月冷知霜重早
是夢難成梅花腸斷聲

又

雪香白盡江南隴煥風綠到池塘夢疊影上簷
明夜湖春水生 踏青何處去楊柳橋邊路不

見浣花人汀洲空白蘋

又

花銷玉瘦斜平薄舞衣寬盡腰如削因甚不勝
嬌烏雲橫鬢翹 雙娥顰淺黛鸞鏡愁空對羅
袖晚香寒淚珠和粉彈

惜奴嬌

我已多情更撞著多情底你把一心十分向你
盡他們劣心腸偏有你笑你撇了人只爲箇你

金谷遺音

二十八

汲古閣

宿世冤家百忙裏方知你沒前程阿誰似你
壞却才名到如今都因你是你我也沒星兒恨
你

又

合下相逢算鬼病須沾惹閒深裏做場話霸負
我看承枉馳我許多時價冤家你教我如何割
捨 苦苦孜孜獨自箇空嗟訝便心腸捉他不
下你試思量亮從前說風話冤家你直待教人

呪罵

江城子

青青楊柳水邊橋水迢迢柳搖搖緩引離腸頻
駐木蘭橈我是行人君是客俱有恨總無聊
水漸波浪煥瓊瑤舞晴飈拂春潮一片別魂銷
盡遣誰招不似嚴陽山上雪魂易盡雪難銷

又

相逢執手也踟躕立斯須話區區借問來時曾

金谷遺音

二十九

汲古閣

見邨人無忍淚啼痕香不減雖少別忍輕辜

霜風搖落歲將徂景凋疎恨縈紆過盡行雲我
枉與誰居一掬歸心飛不去層浪疊片蟾孤

如夢令

照水粉梅開盡春淺峭寒猶甚秋氣著人衣斗
帳玉兒生暈邨更邨更簾外月斜風橫

又

風獵亂香如埽又是粉梅開了庭戶鎖殘寒夢

斷池塘春艸情悄悄情悄悄簾外數聲啼鳥

又

折寄隴頭春信香淺綠柔紅嫩插向鬢雲邊添
得幾多風韻但問但問管與玉容相稱

亭前柳

有件偷遮算好事大家都知被新冤家矍索後
沒別底似別底也難爲識盡千千并萬萬邨
得恁海底猴兒這百十錢一箇潑性命不分付

金谷遺音

三十

汲古閣

待分付與誰

好事近

幸自得人情只是有些脾鱉引殺俺時直甚損
我兒陰德情知守定沒乾休乾休冤俺急今
夜這回除是有翅兒飛得

又

微雨洒芳塵醞造可人春色聞道夢雲樓外正
小桃花發慙勤留取最繁枝樽前待閒折準

擬亂紅深處化一雙蝴蝶

夜行船

昨日特承傳誨欲相見奈何無計這場煩惱捻
著嚟曉夜價求天祝地教俺兩下不存濟你
莫却信人調戲若還真個肯收心厮守著快活
一世

又

漏永迢迢清夜露華濃洞房寒乍愁人早是不

金谷遺音

三十一

汲古閣

成眠奈無端月窺窗罅心心念念都緣那被
相思悶損人也冤家你若不知人這懽娛自今
權罷

茶瓶兒

相對盈盈一水多聲價開名得字剛能見也還
拋棄負了萬紅千翠畱無計來無計成何況
味而今若沒些兒事却枉了做人一世

清平樂

送同舍
周智隆

惱花風雨斷送春將算底死留春春不住那更
送春歸去今朝且賦歸與明年春滿皇都笑
泛桃花錦浪與君同醉西湖

又

天涯重九獨對黃花酒醉撚黃花和淚嗅憶得
去年攜手去年同醉流霞醉中折盡黃花還
是黃花時候去年人在天涯

又

金谷遺音

三十二

汲古閣

見時怜惜不見時思憶花柳光陰都瞬息把光
陰虛擲才郎妾貌相當有些似欠商量看你
忔憎模樣更須著我心腸

又

醉紅宿翠髻難烏雲墜管是夜來不得睡那更
今朝早起春風滿搦腰肢堦前小立多時恰
恨一番雨過想應溼透鞋兒

又

山明水嫩瀟瀟酒桐廬郡極目風煙無限景說也
如何得盡 自怜俗狀塵容幾年斷梗飄蓬借
使嚴陵知道祇應笑問東風

又

霽光搖目春入郊原綠殘雪壓枝堆爛玉特聞
枝間蔌蔌 瘦藤細履平沙醉巾一任欹斜落
日數聲啼鳥香風滿路梅花

一剪梅

送晁
駟父

金谷遺音

三十三

汲古閣

萍水相逢無定居同在他鄉又問征途離歌聲
裏客心孤花盡園林水滿江湖 煙樹微茫帶
岸蒲何處長沙何處洪都要知安穩到家無千
里征鴻一紙來書

浣溪沙

宿醉離愁慢髻鬟

韓偓

綠殘紅豆憶前懽

叔原

錦江春水寄書難

叔原

紅袖時籠金鴨煖

少

小樓吹徹玉笙寒

李璟

爲誰和淚倚闌干

中

行

又

柳岸梅溪春又生風枝斜裏雪枝橫空牽歸興
惹離情 灰盡寸心猶自熱淚承雙睫不能情
夢雲樓隔豫章城

又

迎客西來送客行堆堆歷歷短長亭殢人殘酒
不能醒 煙染暮山浮紫翠霜凋秋葉復丹青

金谷遺音

三十四

汲古閣

憑誰圖寫入銀屏

又

幾曲屏山數幅波雁聲斜帶夕陽過卸帆聊醉
菊花坡 旅枕夢魂歸路遠秋江風緊夜寒多
薄情還解憶人麼

謁金門

歸不去歸去又還春暮洞裏小桃音信阻幾番
風更雨 相伴竹筇芒屨穿盡松溪花塢早是

行人貪道路聲聲聞杜宇

又

雲樹直雨歇半空猶溼山影插尖高幾尺依依
銜落日遠岬雙飛鷓鴣一水無情自碧颯颯
白蘋風正急斷腸人獨立

又

春睡重睡起煙銷鸞鳳著雨柳綿吹易動風簾
花影弄過雁空勞目送縱有音書何用有意

金谷遺音

三十五

汲古閣

相思無意不如休做夢

又

風又雨斷送殘春歸去人面桃花在何處綠陰
空滿路立馬垂楊官渡一寸柔腸萬縷回首
碧雲迷洞府杜鵑啼日暮

又

山雨絕山重冷如冰雪窗外芭蕉三兩葉影排
窗上月醉枕驚回蝴蝶好夢無人共說心事

悠悠芳艸歇不眠聽鼠噉

杏花天

把盃莫唱陽關曲行客去居人恨跼屏山似展
江如簇不見罇前醉玉鵲啼處怨聲裂竹問
後夜闌舟卹宿帛書早繫征鴻足腸斷絃孤怎
續

南歌子

蟻酒浮明月鯨波泛落星春花秋葉幾飄零只

金谷遺音

三十六

汲古閣

有廬山君眼向人青明日非今日長亭更短

亭不辭一飲盡雙螯爭奈秋風江口酒初醒

又

草色裙腰展水容水鏡開又還春事破寒來一
夜東風吹綻後園梅糯瓷筠香釀熏爐續麝
煤休驚節物暗相催羸取大家沉醉探春盃

又

鳳髻斜分翠鴛鞋小研紅東君著意綺羅叢最

好一枝特地怨春風 懊恨無情語嬌羞忍笑
蓉相看疑是夢魂中怕逐飛雲歸去斷行蹤

又

疇昔飛鸞侶而今斷雁行西風嶺外下斜陽無
賴一鈎新月挂人腸 雙淚沾襟袖孤燈對客
床枕餘衾剩只殘香別得嬌癡不睡也思量

又

春淺梅紅小山寒嵐翠薄斜風吹雨入簾幕夢

金谷遺音

三十七

汲古閣

覺南樓嗚咽數聲角 歌酒工夫嬾別離情緒
惡舞衫寬盡不堪著若比鄰回相見更消削

又

亂絮飄晴雪殘花繡地衣西園歌舞驟然稀只
有多情蝴蝶作團飛 舊事深琴怨新愁減帶
圍倚樓凝望更依依怕見一天風雨捲春歸

武陵春

走去走來三百里五日以爲期六日歸時已是

疑應是望歸時 鞭箇馬兒歸去也心急馬行
遲不免相煩喜鵲兒先報那人知

減字木蘭花

贈何藻

新荷小小比目魚兒翻翠藻小小新荷點破清
光景趣多 青青半捲一寸芳心渾未展待得
圓時罩定鴛鴦一對兒

又

空階雨過細艸搖搖先入座斜日多情戀戀幽

金谷遺音

三十八

汲古閣

窗故故明 沉吟無語立遍梧桐庭下樹病葉
先秋零亂風前片段愁

又

角聲催曉斗帳美人初夢覺黛淺粧殘清瘦花
枝不耐寒 匆匆睡起冷落餘香栖翠被何處
陽臺雨散雲收猶未來

柳梢青

雲髻盤鴉眉山遠翠臉暈微霞燕子泥香鵝兒

酒煥曾見來邨 秋光已著黃花又恰恨尊前
見他越樣風流惱人情意真個冤家

烏夜啼

瀟湘雨打船蓬別離中愁見拍天滄水攪天風
留不住終須去莫匆匆後夜一尊何處與誰

同

愁倚欄

又名春光

人好遠路能長奈思量更放晚來些小雨做新

金谷遺音

三十九

汲古閣

涼 衰艸低襯斜陽斜陽外水冷雲黃借使有
腸也須斷況無腸

又

淮水闊楚山長恨難量不道愁離人獨夜夏天

涼 佳節虛過重陽更籬下拆盡疎黃看取清

溪三百曲是回腸

滿庭芳

上張紫微

筆走龍蛇詞傾河漢妙年德藝雙成帝庭敷奏

親擢冠羣英龍首其誰不取便直饒勛業崢嶸
偏他甚潑天來大一箇好聲名 憶曾瞻拜處
當年汝水今日湓城歎白首青衫又造賓閣謹
贊詩文一卷仗仙風吹到蓬瀛依崑地熏香摘
豔作箇老門生

又

次范倅憶洛陽梅

蘭畹霜濃柳溪水咽春光先到江梅瘦枝疎萼
特地破寒開鈎引天涯舊恨雙眉鎖九曲腸回

金谷遺音

四十

汲古閣

空銷黯故園何在風月漫長淮 當年吟賞處
醉仙顛倒飛屑成堆怎奈向而今雨悞雲乖萬
里難憑驛使邨堪對別館離盃誰知道洛陽詩
老還有夢魂來

又

瘦頰凝酥殘粧弄酒相逢一笑東風竝肩攜手
羞落可憐紅疑是回心院裏埋醉首吐作芳釐
無端處雄蜂雌蝶相美兩情通 一從攀折後

漢臯珮失銅雀春空想桃葉桃根此恨能同多
謝金鑾舊客收拾在芸閣籤中還知否竊香傳
粉輸與蠹書蟲

又寄別

修竹接藍梅山聳翠小小佳處西安從來聞說
今日遠來看便好求田問舍耳溪澗目飽林巒
爭知道塵緣未了無計與盤桓小蠻應念處
絃孤么鳳鏡掩孤鸞愁再見多情素日閒閒早
金谷遺音 四十一 汲古閣

更漏子

彈吟鞭歆醉帽行盡關山古道霜滿地水平田
雁兒聲在天北沙門南浦岸望得眼穿腸斷
桐樹巷夢雲樓玉兒應也愁

又

燭銷紅窗送白冷落一衾寒色難喚起馬馳行

月昏衣上明酒香唇粧印臂竟夜人人共睡
魂蝶亂夢鸞孤知他睡穩無

行香子

你也嬌癡我也狂迷望今生永不分離如何別
後三換梅枝是好相知不相見只相思良辰
美景賞心樂事負我辜伊鳳絃再續鸞鑑重窺
且等些時說些子做些兒

畫堂春

金谷遺音

四十二

汲古閣

寒蛩切切響空幃斷腸風葉霜枝鳳樓何處雁
書遲空數歸期沈腰春瘦却成宋玉秋悲又
還辜負菊花時沒箇人知

山花子

落日秋風嶺上村全稀過雁少行人正是悲傷
愁絕處更黃昏漠漠野煙生碧樹漫漫衰艸
際黃雲借使管人行到此也銷魂

燕歸梁

樓外春風桃李陰記一笑千金翠眉山歛眼波
侵情滴滴怨深深當初見了而今別後算此
恨難禁與其向後兩關心又何似而今

望江南

山又水雲巘帶風灣斷雁飛時天拍水亂鴉啼
處日銜山疑在画圖間人漸遠遊子損朱顏
別淚空沾雙袖溼春心不放兩眉閑此去幾時
還

金谷遺音

四十三

汲古閣

青玉案

征鴻過盡秋容謝捲離恨還東下剪剪霜風落
平野溪山掩映水煙搖曳幾簇漁樵舍芙蓉
城裏人如画春伴春遊夜轉夜別後知他如何
也心隨雲亂眼隨天斷淚逐長江瀉

蝶戀花

別後相思無限期欲說相思要見終無計擬寫
相思持送伊如何盡得相思意眼底相思心

裏事縱把相思寫盡憑誰寄多少相思都做淚
一齊淚損相思字

又

寒卻園林春已透紅著溪梅綠染前堤柳見箇
人人今感舊引盃相屬蒲塘酒金縷歌中眉
黛皺多少閒愁借與傷春瘦明日馬蹄浮野秀
柳顰梅慘空回首

又

金谷遺音

四十四

汲古閣

薄倖人人畱不住楊柳花時還是成虛度一枕
夢回春又去海棠吹落胭脂雨金鴨未銷香
篆吐斷盡柔腸看取沉煙縷獨上危樓凝望處
西山暝色連南浦

驀山溪

鶯鶯燕燕搖蕩春光嬾時節近清明雨初晴嬌
雲弄煥醉紅溼翠春意釀成愁花似染草如剪
已是春強半小鬟微盼分付多情管癡騃不

知愁想怕晚貪春未慣主人好事應許玳筵開
歌眉斂舞腰軟怎向輕分散

又

小花靜院有個人人現縹緲更娉婷算不數歌
朋無伴鳴珂曲裡常記偶相見無語恨有情愁
綠嫩紅粧淺別來誰念人面關山遠凝睇倚
危樓眼波長睂峯不展一年心事到此向誰論
書雁杳夢雲深寂莫江天晚

金谷遺音

四十五

汲古閣

又

醉魂初醒強起尋芳徑一似楚雲歸銷沒箇鱗
書羽信疎狂蹤跡虛度可憐春陰還悶晴還困
贏得無端病菱花寶鏡拆破雙鸞影別袖忍
頻看生怕見啼紅醉粉而今顚顚瘦立對東風
紅成陣綠成陰況是春將盡

千秋歲

春工領畧點破羣花萼對流景傷淪落踏青心

縷嬾病酒情懷惡無奈處東風故故吹簾幙
腕玉寬金約一去音容遯魚與雁應難託從前
多少事不忍思量著心撩亂斜陽影在欄干角

傳言玉女

雪壓梅梢金裊柳絲輕斂錦宮春早乍風和日
煥華國翠路九陌綺羅香滿連空燈火滿城絃
管月射西樓更交光照夜宴萬人擁路指鼇
山笑看花旗翠帽到處朱簾高捲歸時常是漏

金谷遺音

四十六

汲古閣

殘銀箭

余初聞蔣竹山集至人影窗紗一調喜謂周秦
復生人恐白雲寡和既更得次仲金谷遺音如
茶瓶兒惜奴嬌諸篇輕倩纖艷不墮顏奴之蕩
心蕙性之鄙俚又不墮霓裳縹緲襟佩之空
架方之蔣勝欲余未能伯仲也湖南毛晉識

金谷遺音

終

散花菴詞

目錄

賀新郎 四調

木蘭花慢 三調

南柯子 二調

行香子 一調

賣花聲 二調

長相思 三調

感皇恩 一調

蝶戀花 一調

月照梨花 一調

摸魚兒 一調

水龍吟 一調

西河 一調

散花菴詞目

汲古閣

清平樂 二調

醉江月 二調

浣沙溪 一調

鷓鴣天 二調

秦樓月 一調

重疊金 三調

謁金門 一調

南鄉子 二調

花發沁園春 一調

阮郎歸 一調

鵲橋仙 一調

木蘭花慢 一調

水調歌頭 一調

滿庭芳 二調

清平樂 一調

散花菴詞

宋 黃昇

賀新郎 題雙溪馮熙之
交游風月之樓

倦整摩天翼笑歸來點画亭臺按行泉石落落

元龍湖海氣更著高樓百尺收攬盡水光山色

曾駕飈車蟾宮去幾回批借月支風敕斯二者

慣相識 玲瓏窗戶青紅溼夜深時寒光爽氣

洗清肝膈似此交游真灑落判與升堂入室有

散花菴詞 汲古閣

象來爲賓客不用笙歌輕點浣看仙翁手搦虹

霓筆吟息遠兩峰碧 樓對兩
峰甚奇

又 乙巳正月十日雙溪攜酒遣蛺蝶亭桃花
方開主人浩歌酌客飲其卽席作此

風送行春步漸行行山回路轉入雲深處問訊

花梢春幾許半在詩人杖屨點點是祥煙膏露

中有瑤池千歲種整嚴粧來作巢仙侶相嫵媚

試凝竚 風流座上揮談麈更多情多才多調

緩歌金縷趁取芳時同宴賞莫惜清樽緩舉有

明月隨人歸去從此一春須一到願東君長與
花爲主泉芙石聞斯語

又菊

莫恨黃花瘦正千林風霜搖落算秋時候晚節
相看元不惡采采東籬獨秀試攬結幽香盈手
幾劫修來方得到與淵明千載爲知舊同冷淡
比蘭友 柴桑心事君知否把人間功名富貴
付之塵垢不肯折腰營口腹一笑歸歟五柳悵
散花菴詞 汲古閣

此意而今安有若得風流如此老也何妨相對

無盃酒詩自可了重九

又梅

自掃梅花下問梢頭冷蕊疎疎幾時開也問者
闕焉今久矣多少幽懷欲寫有誰是孤山流亞
香月一聯眞絕唱與詩人千載爲嘉話餘興味
付來者 清癯不戀華亭榭待與君白髮相親
竹籬茆舍喜甚今年無酒禁溜溜小槽壓蔗已

準擬雪天霜夜自醉自吟仍自笑任解冠落珮
從嘲罵書此意寄同社

木蘭花慢

題馮雲月玉
連環詞後

自沈香夢斷風雨外失餘春悵袍錦淋漓金鑾
論奏四海無人蛾眉古來見妬奈昭陽飛燕亦
成塵惟有空梁落月至今能爲傳神 神遊八
表跨長鯨誰是再來身愛雲月溪頭玉環一曲
筆力千鈞人間不堪著眼但香名百世尚如新
散花菴詞 汲古閣

乞我九霞蜚珮梯空笑上秋旻

又乙巳
病中

問潘郎兩鬢更禁得幾番秋悵病骨臞幽懷
渺渺短髮颺颺雲邊一聲長笛這風情多屬趙
家樓欹枕困尋藥裹熏衣慵訊香篝 悠悠老
矣復焉求何止賦三休念少日書癖中年酒病
晚歲詩愁已攀桂花作證便從今把筆一齊勾
只有煙霞痼疾相陪風月交游

又懷舊

問春春不語設新綠滿芳洲記歷歷前遊看花
南陌命酒西樓東風翠紅圍繞把功名一笑付
糟丘醉裏了忘身世吟邊自負風流風流莫
莫復休休白髮漸盈頭悵十載重來略無歡意
惟有閒愁多情向人似舊但小桃婀娜柳纖柔
望斷殘霞落日水天拍拍飛鷗

南柯子

丁酉清明

散花菴詞

四

汲古閣

天上傳新火人間試袂衣定巢新燕覓香泥不
爲繡簾朱戶說相思側帽吹飛絮憑欄送落
暉粉痕銷淡錦書稀怕見山南山北子規啼

又重九

蘭佩秋風冷茱囊曉露新多情多感怯芳辰強
折黃花來照碧粼粼落帽參軍醉空樽靖節
貧世間卽復有斯人目送歸鴻西去一傷神

行香子

梅

寒意方濃喚信才通是晴陽暗拆花封冰霜作
骨玉雪爲容看體清癯香淡圻影朦朧孤城
小驛斷角殘鐘又無邊散與春風芳心一點幽
恨千重任雪霏霏雲漠漠月溶溶

賣花聲

己亥三月一日

鸞蝶太囟囟惱殺衰翁牡丹開盡狀元紅俯仰
之間增感槩花事成空飛柳綠陰中粉絮濛
濛多情多病轉疎慵不是東風孤負我我負東

散花菴詞

五

汲古閣

風

又憶舊

秋色滿層霄剪剪寒飈一襟殘照兩無聊數盡
歸鴉人不見落木蕭蕭往事欲魂消夢想風
標春江綠漲水平橋側帽停鞭沽酒處柳軟鶯
嬌

長相思

秋懷

天悠悠水悠悠月印金甌曉未收笛聲人倚樓

蘆花秋蓼花秋催得吳霜點鬢稠香箋莫寄

愁

又秋夜

砧聲齊杵聲齊金井欄邊敗葉飛夜寒烏不栖

風淒淒露淒淒影轉梧桐月已西花冠窓外

啼

又春晚

惜春歸愛春歸脫了羅衣著苧衣綠陰黃鳥啼

散花菴詞

六

汲古閣

酒醒時夢醒時清簾疎簾一局茶丁東風馬

兒

感皇恩

送饒溪臺游諸

騎鶴上揚州腰纏十萬沽起詩人舊公案看山
看水此去勝遊須徧煩君收拾取歸吟卷少
日風流算年蕭散佳處何妨小留款沙河塘上
落日繡簾爭捲也須拂拭起看花眼

蝶戀花

春感

百計留春春不住褪粉吹香日日催教去心事

欲憑鸞語訴流鸞剝地無憑據綠玉闌干圍

綺戶一點柔紅應在深深處想倚翠簾吹柳絮

淺顰惆悵芳期誤

月照梨花

閨怨

畫景方永重簾花影好夢猶酣鸞聲喚醒門外

風絮交飛送春歸脩蛾画了無人問幾多別

恨淚洗殘粧粉不知郎馬何處嘶煙草萋迷鷓鴣

散花菴詞

七

汲古閣

鵲啼

摸魚兒

爲道饒山中極
花作寄馮雲月

問山中小桃開後曾經多少晴雨遙知載酒花
邊去唱我舊歌金縷行樂處正蝶繞蜂圍錦繡
迷無路風光有主想倚杖西阡停盃北望望斷
碧雲算花知道應倩蜚鴻寄語年來老子安
否一春一到成虛約不道樹猶如此煩說與但
歲歲東風粧點紅雲塢劉郎老去待有日重來

同君一笑拈起看花句

水龍吟

贈丁南隣

少年有志封侯彎弓欲挂扶桑外一朝歛縮蕭然清興了無拘礙袖裏陰符枕中鴻寶功名蟬蛻看舌端霹靂劇談玄妙人間世疑無對閨苑醉鄉佳處想當年綠陰猶在羣仙寄語不須點勘鬼神功罪碧海千尋赤城萬丈風高浪快待踞龜食蛤相期汗漫與煙霞會

散花菴詞

汲古閣

西河

已亥秋作○舊分三段非

天似洗殘秋未有寒意何人短笛弄西風數聲壯偉倚欄感槩展雙眸離離煙樹如薺少年事成夢裏客愁付與流水筆床茶具老空山未妨肆志世間富貴要時賢深居宜有餘味大江東去日西墜想悠悠千古興廢此地閱人多矣且揮絃寄興氛埃之外目送蜚鴻歸天際

清平樂

宮怨

珠簾寂寂愁背銀缸泣記得小年初選入三十

六宮第一當年掌上承恩而今冷落長門又

是羊車過也月明花落黃昏

又宮詞

深深禁籞霽日明鸞羽風動槐龍交翠舞恰恰花陰亭午一簾暝絮悠颺金爐旋炷沈香天子方看諫疏內人休鬪新粧

醉江月

蘇軾題王林

散花菴詞

九

汲古閣

玉林何有有一彎蓮沼數間茆宇斷塹疎籬聊補茸邨得粉牆朱戶禾黍秋風雞豚曉日活脫田家趣客來茶罷自挑野菜同煮多少甲第連雲十斛環座人醉黃金塢回首邯鄲春夢破零落珠歌翠舞得似衰翁蕭然陋巷長作溪山主紫芝可採夏尋岩谷深處

又涼夜

西風解事爲人間洗盡三庚煩暑一枕新涼宜

客夢飛入藕花深處水雪襟懷琉璃世界夜氣
清如許劃然長嘯起來秋滿庭戶應笑楚客
才高蘭成愁悴遺恨傳千古作賦吟詩空自好
不直一盃秋露淡月闌干微雲河漢耿耿天催
曙此情誰會梧桐葉上疎雨

浣沙溪

離

鐘磬泠泠夜未央梨花庭院月如霜步虛聲裏
拜瑤章紫極清都雲渺渺紅塵濁世事茫茫
散花菴詞

汲古閣

未知誰有返魂香

鷓鴣天

春

沈水香銷夢半醒斜陽恰照竹間亭戲臨小舫
書團扇自揀殘花插淨瓶鴛宛轉燕丁寧晴
波不動晚山青玉人只怨春歸去不道槐雲綠
滿庭

又

張園作

雨過芙蕖葉葉涼摩挲短髮照橫塘一行歸鷺

拖秋色幾樹鳴蟬餞夕陽花側畔柳旁相微
雲澹月又昏黃風流不在談鋒勝袖手無言味
最長

秦樓月

秋夕

心如結西風老盡黃花節黃花節塞鴻聲斷冷
煙淒月漢朝陵廟唐宮闕興衰萬變從誰說
從誰說千年青史幾人華髮

重疊金

壬寅立秋

散花菴詞

十一

汲古閣

西風半夜驚羅扇蛩聲入夢傳幽怨碧藕試初
涼露痕啼粉香清水凝簾竹不許雙鴛宿又
是五更鐘鴉啼金井桐

又

冬

南山未解松梢雪西山已挂梅梢月說侶玉林
人人間無此清此身元是客小住娛今夕拍
手凭闌干霜風吹鬢寒

又

除日立春

銀幡綵勝參差剪東風吹上釵頭燕一笑繞花
身小桃先報春 新春今日是明日新年至肇
爾莫探官人間行路難

謁金門

春

花事淺方費化工勻染牆角紅梅開未徧小桃
纔數點 人在算寒庭院閒續茶經香傳酒息
如水詩思嬾雨聲簾不捲

南鄉子

夏夜

散花菴詞

十二

汲古閣

多病帶圍寬未到衰年已鮮歡夢破小樓風馬
響珊珊缺月無情轉画欄 涼入苧衾單起探
燈花夜欲闌書冊滿床空伴睡慵觀拈得漁樵
笛譜看

又冬夜

刻泰少游

萬籟寂無聲鈴鐵稜稜近五更香斷燈昏吟未
穩淒清只有霜華伴月明 應是夜寒凝惱得
梅花睡不成我念梅花花念我關情起看清水

滿玉瓶

花發沁園春

芍藥會

曉燕傳情午鶯喧夢起來檢校芳事荼蘼褪雪
揚柳吹綿迤邐麥秋天氣翻階傍砌看芍藥新
粧嬌媚正鳳紫勻染綃裳猩紅輕透羅袂 晝
暝朱闌困倚是天姿妖嬈不減姚魏隨蜂惹粉
趁蝶棲香引動少年情味花濃酒美人正在翠
紅圍裏問誰是第一風流折花簪向雲髻

散花菴詞

十三

汲古閣

阮郎歸

微姜堯章體

粉香吹暝透單衣金泥雙鳳飛閒來花下立多
時春風酒醒遲 桃葉曲柳枝詞芳心空自知
湘臯月冷佩聲微雁歸人不歸

鵲橋仙

春情

青林雨歇珠簾風細人在綠陰庭院夜來能有
幾多寒已瘦了梨花一半 寶釵無據玉琴難
托合造一襟幽怨雲窗霧閣事茫茫試與問杏

梁雙燕

木蘭花慢

鶯啼啼不盡燕語語難通這一點芳心十年不
斷惱亂東風重來故人何處但依前流水小橋
東記得同題粉壁而今壁破無蹤 蘭皋空漲
綠溶溶流眼落花紅念著破春衫當時送別燈
下裁縫相思謾令自苦嘆雲煙過眼總成空落
日楚天無際凭闌目送歸鴻

散花菴詞

十四

汲古閣

水調歌頭

題李季九侍郎
鄂州各雲樓

輪奐半天上勝槩壓南樓籌邊獨坐豈欲登覽
快雙眸浪說胸吞雲夢直把氣吞殘虜西北望
神州百載好機會人事恨悠悠 騎黃鶴賦鸚
鵡謾風流密王祠畔楊柳煙鎖古今愁整頓乾
坤手段指授英雄方畧雅志管爲酬盃酒不在
手凌鬢怨驚秋

滿庭芳

楚州上巳萬柳
池應監承飲客

三月春光羣賢勝踐山陰何似山陽鵝池墨妙
曲水記流觴自許風流丘壑何人共擊楫長江
新亭上山河有異舉目恨堂堂 使君經世志
十年邊上兩鬢風霜問池邊楊柳因甚淒涼萬
樹重新種了株株在桃李花旁仍須待賸栽蘭
芷爲國洗河湟

又

元夕上邵武
王守子文

散花菴詞

十五

汲古閣

艸木生春樓臺不夜團團月上雲霄太平官府
民物共逍遙指點江梅一笑幾番負雨秀風嬌
今年好花邊把酒歌舞醉元宵 風流賢太守
青雲志氣玉樹丰標是神仙班裏舊日王喬出
奉版輿行樂金蓮照十里笙簫收燈後看看丹
詔催入聖明朝

清平樂

吳國軍呈
李司直

今朝欲去忽有留人處說與江頭楊柳樹繫我
扁舟且住 十分酒興詩腸難禁冷落秋光借

取春風一笑狂夫到老猶狂

叔陽自號玉林別號花菴詞客早棄科舉雅意讀書顏其居曰散花菴嘗選唐宋詞及中興以來詞各十卷曰絕妙詞選末載自製詞四十首有總跋云其間體製不同無非美妙傑特之作昔辨受立稱其詩為晴窗冰柱樓秋房喜其與魏菊莊友善以泉石清士目之余于其詞云云湖南毛晉識

散花菴詞

十六

汲古閣

散花菴詞

終

和清真詞

目錄

瑞龍吟 一調

瑣窗寒 一調

風流子 一調

渡江雲 一調

應天長 一調

荔枝香 三調

還京樂 一調

掃花遊 一調

解連環 一調

玲瓏四犯 一調

丹鳳吟 一調

滿江紅 一調

和清真詞目

瑞鶴仙 一調

西平樂 一調

浪淘沙 一調

憶舊遊 一調

驀山溪 一調

少年遊 二調

秋蕊香 一調

漁家傲 二調

南鄉子 一調

望江南 一調

浣溪沙 三調

迎春樂 二調

點絳脣 一調

一落索 二調

垂絲釣 一調

滿庭芳 一調

汲古閣

隔浦蓮	一調	法曲獻仙音	一調
過秦樓	一調	側犯	一調
塞翁吟	一調	蘇幙遮	一調
浣溪沙	四調	點絳脣	一調
訴衷情	一調	風流子	一調
華胥引	一調	清都宴	一調
四園竹	一調	齊天樂	一調
木蘭花	一調	霜葉飛	一調
和清真詞目			
二			
蕙蘭芳	一調	塞垣春	一調
丁香結	一調	氏州第一	一調
解蹀躞	一調	少年遊	一調
慶春宮	一調	醉桃源	一調
點絳脣	一調	夜遊宮	一調
訴衷情	一調	傷情怨	一調
紅林擒近	二調	滿路花	一調
解語花	一調	六么令	一調
汲古閣			

倒犯	一調	大酺	一調
玉燭新	一調	花犯	一調
醜奴兒	一調	水龍吟	一調
六醜	一調	虞美人	二調
蘭陵王	一調	蝶戀花	四調
西河	一調	三部樂	一調
菩薩蠻	一調	品令	一調
玉樓春	一調	滿路花	一調
和清真詞目			
三			
汲古閣			
和清真詞目錄終			

和清真詞

宋 方千里

瑞龍吟

樓前路愁對萬點風花數行煙樹依依斜日紅
收算山翠接平蕪画處 小留佇還是画欄凭
暝半扃朱戶簾櫳儘日無人消凝悵望時時自
語 堪恨行雲難繫賦情楊柳徘徊猶舞追想
向來歡娛懷抱非故題紅寄綠魂斷江南句何
和清真詞 汲古閣

瑣窗寒

燕子池塘黃鸝院落海棠庭戶東風暗許借與
輕風柔雨奈春光困人正濃画欄小立慵無語
念冶遊時節融怡天氣異鄉愁旅朝暮 凝情
處嘆聚散悲歡歲常十五連飛竝羽未抵鴛朋

鳳侶算章臺楊柳尚存楚娥鬢影依舊否再相
逢拚解離鞍燕樂同盃俎

風流子

春色遍橫塘年華巧過雨溼殘陽正一帶翠楊
嫩莎平野萬枝紅滴繁杏低牆惱人是燕飛盤
軟舞鸞語咽輕簫還憶舊遊禁煙寒食共追清
賞曲水流觴 迴思歡娛處人空老花影尚占
西廂堪惜翠睂環坐雲鬢分行看戀柳煙光遮
和清真詞 汲古閣

渡江雲

長亭今古道水流暗響渺渺雜風沙倦遊驚歲
晚自歎相思萬里夢還家愁凝望結但掩淚慵
整鉛華更漏長酒醒人語睥睨有啼鴉 傷嗟
回腸千縷淚眼雙坐過離情不下還暗思香翻
香燼深閉窗紗依稀看遍江南画記隱隱煙靄

兼葭空健羨□鴛鴦共宿葭花

應天長

嫩黃上柳新綠漲池東風豔冶天色又見乍晴
還雨年華傷寒食春依舊身是客對麗景易傷
岑寂悵凝望一帶平蕪剪就茵藉 前度少年
場醉記旗亭聯句徧窗壁調笑映牆紅粉參差
水邊宅蘆鞭懶過故陌恨未老漸成塵跡謾無
語立盡斜陽懷抱誰識

和清真詞

三

汲古閣

荔枝香

勝日登臨幽趣爽興去翠壁古木千章林影生
寒霧空濛冷溼人衣山路元無雨深澗斗瀉飛
泉溜甘乳 漁唱晚看小棹歸前浦笑指官橋
風颭酒旗斜舉還脫宮袍一醉芳盃倒鸚鵡幸
有離章蠟炬

又

小園花梢雨歇浪羞泣碧瓦光霽羅幙香浮鬢

啼燕語交加是處池館春徧風外認得笙歌近

遠 醉魂半縈夜酒吹未散暗憶年時正日起
西池宴笑攜豔質郢曲新聲妙如剪有愁容易
排遣

還京樂

歲華慣每到和風麗日歡再理爲妙歌新調粲
然一曲千金輕費記夜闌沉醉更衣換酒珠璣
委悵画燭搖影易積銀盤紅淚 向笙歌底問
和清真詞

四

汲古閣

掃花遊

野亭話別恨露草芊綿曉風酸楚怨絲恨縷正
楊花碎玉滿城雪舞耿耿無言暗灑闌干淚雨
片帆去縱百種避愁愁早知處 離思都幾許
但漸慣征塵斗迷歸路亂山似俎更重江浪森

易沉書素睜目銷魂自覺孤吟調苦小留佇隔
前村數聲簫鼓

解連環

素封誰託空寒潮浪疊亂山雲邈對倦景無語
消魂但香斷露晞絮飛風薄杜宇聲中動多少
客情離索遶闌干竚立暗記邯回賞遍花藥

依依歲華自若更低煙算草殘照孤角嘆息故
里春光有幽圃名園算也閒却早早歸休漸過

和清真詞

五

汲古閣

了芳條華萼趁良時按歌喚舞舊家院落

玲瓏四犯

傾國名姝似暈雪勻酥無限嬌豔素質閒姿天
賦淡蛾豐臉還是睡起慵粧顧鬢影翠雲零亂
悵平生把鑒驚換依約瑣窗逢見 繡幃凝想
鴛鴦薦画屏烘獸煙葱蒨依紅傍粉憐香玉聊
慰風流眼空嘆倦客斷腸奈聽徹殘更急點仗
夢魂一到花月底休飄散

丹鳳吟

宛轉迴腸離緒嬾倚危欄愁登高閣相思何處
人在繡幃羅幕芳年豔齒在消虛過會合絲輕
因綠蟬薄暗想飛雲驟雨霧隔煙遮相去還是
天角 悵望不時夢到素書謾說波浪惡縱有
青青髮漸吳霜粧點容易凋鑠歡期何晚忽忽
坐驚搖落顧影無言清淚溼但絲絲盈握染斑
客袖歸日須問著

和清真詞

六

汲古閣

滿江紅

爲憶仙姿相思恨纏綿未足從別後沈郎消瘦
帶圍如束消息三年沉過處關山千里無飛肉
算誰知中有不平心彈碁局 空想像金釵卜
時畏翫回紋曲許何時重到瑣窗華屋長得一
生花裏活軟紅深處鴛鴦宿也勝如騎馬著征
衫京塵撲

瑞鶴仙

看青山遶郭夏草萋萋疎煙漠漠無風自花
落欲黃昏誰向官樓吹角剛腸頓弱恨別來辜
負厚約想香閨念舊還憶去年共舉盃酌 寂
寞光陰虛度未說離愁淚痕先閣珠簾翠幙除
相見是奇藥況中年已後凭高臨遠情懷終是
易惡早歸休月地雲階賸追笑樂

西平樂

倦踏征塵厭驅匹馬凝望故國猶賒孤館今宵
和清真詞 七 汲古閣

亂山何許平林漠漠煙遮悵過眼光陰似瞬回
首歡娛異昔流年迅景霜風敗葦驚沙無奈輕
離易別千里意刷淚獨長嗟 綺窗人遠青門
信杳敘影何時重見雲斜空怨憶吹簫韵曲旋
錦回文想像宮商蠹損機杼生塵誰爲新裝暈
素華郵信自怜悠颺夢蝶浮沒書鱗縱有心情
盡爲相思爭如傷早歸家

浪淘沙

素秋霽雲橫曠野浪拍孤堞柔櫓悲聲頓發驪
歌恨曲未闌念一寸回腸千縷結柳條在忍使
攀折但悵惆悵臺路多少相思拚愁絕 淒切
去程浩渺空濶奈斷梗孤蓬西風外款款殘吹
咽應暗爲行人傷念離別淚波易竭疑怨懷羞
觀當時明月煙浪無窮青山疊魚封遠雁書漸
歇甚時合金釵分處缺謾飄蕩海角天涯再見
日應憐兩鬢玲瓏雪

和清真詞

八

汲古閣

憶舊遊

念花邊玉漏悵裏鸞笙曾款良宵鏤鴨吹香霧
更輕風動竹韵響瀟瀟画簷皓月初掛簾幙穀
紋搖記罷曲夏衣挑燈細語酒量全消 迢迢
舊時路縱下馬銅駝誰聽揚鑣奈可怜庭院又
徘徊虛過清夢難招斷魂暗想幽會回首渺星
橋試彷彿仙源重尋當日千樹桃

驀山溪

園林晴晝花上黃蜂尾翼語怯遊人又還傷綠
楊深避曲池斜迳草色碧於藍欄倦倚簾半起
魂斷斜陽裏江南春盡渺渺平橋水身在一天涯問此恨何時是已飛帆輕槳催送莫愁來
歌舞地尊酒底不羨東隣美

少年遊

丹青閑展小屏山香燼一絲寒織錦回紋生綃
紅淚不語自羞看相思念遠關河隔終日望

和清真詞

九

汲古閣

征鞍不識軍栖忍教良夜魂夢覓長安

又

東風無力颺輕絲芳艸雨餘姿淺綠還池輕黃
歸柳老去願春遲欄干凭暝慵回首閒把小
花枝怯酒情懷惱人天氣消瘦有誰知

秋蕊香

一枕盤鸞錦暎初起嬾勻粧面綠雲嬾娜映嬌
眼酒入桃腮暈淺翠簾半捲香縈線礙飛燕

画屏淺立意閒遠春瑣深沉小院

漁家傲

燭彩花光明似畫羅幃夜出傾城秀紅錦紋茵
雙鳳鬪看舞後腰肢宛勝章臺柳眼尾春嬌
波態溜金樽笑捧纖纖袖一陣粉香吹散酒更
漏久消魂獨自歸時候

又

冷葉啼螢聲惻惻銀床曉起清霜積魂斷江南

和清真詞

十

汲古閣

煙水國書難得相思此意無人識綠鬢金釵

年少客愁來嬾傷菱花仄霧閣雲窗閒枕席情
何適盃盈珠淚還偷滴

南鄉子

西北有高樓淡靄殘煙漸漸收幾陣涼風生客
袖颼颼心逐年華袞袞流花卉滿前頭老嬾
心情萬事休獨倚欄干無一語回眸鼓角聲中
喚起愁

望江南

春色算短艇艤長堤飛絮空隨花上下啼鶯占
斷水東西來往燕爭泥 桑柘綠歸去覓前蹊
夜瓮酒香從蟻鬪曉窗眠足任雞啼猶勝旅情
悽

浣沙溪

楊柳依依窄地垂麴塵波影漸平池霏微細雨
出魚兒 先自別來容易瘦卽堪春去不勝悲

和清真詞

十一

汲古閣

腰肢寬盡縷金衣

又

無數流鶯遠近飛垂楊裊裊弄晴暉斷腸聲裏
送春歸 鬢影空思香霧溼襪塵還想步波微
去年花下酒闌時

又

清淚斑斑著意垂消魂迢遞一天涯誰能萬里
布長梯 先自樓臺飛粉絮可堪簾幙捲金泥

相思心上乳鶯啼

迎春樂

參差鳳鐸鳴高屋漸驚覺清眠熟看夕陽倒影
花陰速雙燕子歸來宿 幾曲危腸愁易束問
雪鬢何時重綠料想此情同應暗損香肌玉

又

紅深綠暗春無跡芳心蕩冶遊客記搖鞭跋馬
銅駝陌凝眸認珠簾側 絮滿愁城風捲白逌

和清真詞

十二

汲古閣

多少相思消息何處約歡期芳草外高樓北

點絳脣

池館春深海棠枝上斑斑雨酒旗斜舉風滾楊
花絮 遊子征衫凭喚闌干處空凝竚杜鵑啼
苦還報南樓鼓

一落索

月影娟娟明秀簾波吹皺徘徊空度可憐宵謾
問道因誰瘦 不見芳音長久鱗鴻空有渭城

西路恨依然尚夢想青青柳

又

心抵江蓮長苦凌波人去厭厭消瘦不勝衣恨
清淚多於雨 舊曲慵歌瓊樹誰傳香素碧溪
流水過樓前問紅葉來何處

垂絲釣

錦鱗繡羽難傳愁態顰嫵岸草際天雲影垂絮
人何許謾竝欄倚柱 煙光暮悵榆錢滿路送

和清真詞

十三

汲古閣

春帶酒歡期幽會希遇彩簫鳳侶回首分攜處
雙臉吹愁雨無限語再見時記否

滿庭芳

山色澄秋水光融日浮萍飄碎還圓數行征雁
分破白鷗煙高下回塘暗谷寫幽思終日濺濺
閒凝望殘霞暝靄何處一漁船 江南思舊隱
筠軒野徑茆舍疎棧慣攜壺花下欵帽風前想
儼淵明舊節琴中趣何必疎絃歸歟計不將五

斗輸與北窗眠

隔浦蓮

垂楊煙溼嫩葆別嶼環清窈紺影浮新漲夷猶
終日魚鳥花妥庭下草鳴蟬開暗綠藏臺沼
野軒小歇眠斷夢閒書風葉顛倒詩懷酒思悔
費十年昏曉投老紅塵倦再到愁覺悠然心寄
天表

法曲獻仙音

和清真詞

十四

汲古閣

庭葉飄寒砌蛩催織夜色迢迢難度細剔燈花
再添香獸淒涼洞房朱戶見鳳枕羞孤另相思
洒紅雨有誰語 道年來爲郎顛顚音問隔回
首後期尚阻寂莫兩愁山鎖閒情無限顰嫵嫩
雪消肌試羅衣寬盡腰素問何時夢裏趁得好
風飛去

過秦樓

柳灑鵝黃草揉螺黛院落雨痕纔斷蜂鬢霧溼

燕嘴泥融陌上細風頻扇多少豔景關心長苦
春光疾如飛箭對東風忍負西園清賞翠深香
遠空暗憶醉走銅駝閒敲金鐙倦跡素衣塵
染因花瘦覺爲酒情鍾綠鬢幾番催變何況逢
迎向人睂黛供愁嬌波回倩料相思此際濃似
飛紅萬點

或作濃于空
裏亂紅千點

側犯

四山翠合一溪碧繞秋容靚波定見鷺立魚跳

和清真詞

十五

汲古閣

動平鏡脩竹散步屨古木通幽徑風靜煙霧直
池塘倒晴影流年舊事老矣塵心瑩還暗省
點吳箱鮒鮒悴愧潘令夢憶江南小園路迴愁聽
葉落轆轤金井

塞翁吟

暮色催更鼓庭戶月影朧朧記舊跡玉樓東看
枕上芙蓉雲屏幾軸江南画香篆燼煨煙空睡
起處繡衾重尚殘酒潮紅 忡忡從分散歌稀

宴小懷麗質渾如夢中苦寂莫離情萬緒似秋
後怯雨芭蕉不展愁封何時細語此夕相思曾
對西風

蘇幕遮

扇留風冰却暑夏木陰陰相對黃鸝語薄晚輕
陰還閣雨遠岸煙深彷彿菱歌舉 燕歸來花
落去幾度逢迎幾度傷羈旅油壁西陵人識否
好約追涼小簾蒹葭浦

和清真詞

十六

汲古閣

浣沙溪

菱藕花開來路香滿船絲竹載西涼波搖髮彩
粉生光 翡翠雙飛尋密浦鴛鴦濃睡倚回塘
閒情須與酒商量

又

密約深期卒未成藏鈞春酒坐頻傾向人嬌艷
夜亭亭 相顧無言情易覺歸來單枕夢猶驚
眼梢怨淚幾時晴

又

面面虛堂水照空天然一朵玉芙蓉千嬌百媚
語惺惚未散嬌雲輕鞦韆欲融輕雪乍凝眉
石榴裙衩爲誰紅

又

刻樣衣裳巧刻繒綵枝環繞萬年藤生香吹透
穀香水嫩水帶山嬌不斷溼雲堆嶺膩無聲
香肩婀娜許誰凭

和清真詞

十七

汲古閣

點絳脣

閒蕩蘭舟翠娥仙袂風中舉鴛鴦深浦綠暗曾
來路留戀荷香薄晚慵歸去還和顧練波澄
素月上潮生處

訴衷情

遠山重疊亂山盤江上晚風酸秋容夏兼殘日
楓葉照人丹書未到夢猶閒鬢先斑凭高無
語征雁知愁聲斷雲間

風流子

河梁攜手別臨岐語笑約踏青歸自雙燕再來
斷無音信海棠開了還又參差料此際笑隨花
便面醉騁錦鄣泥不憶故園粉愁香怨忍教華
屋綠慘紅悲舊家歌舞地生疎久塵暗鳳縷
羅衣何限可伶心事難訴歡期但兩點愁蛾纔
開重斂幾行清淚欲制還垂爭表爲郎顚顚相
見方知

和清真詞

十八

汲古閣

華胥引

長亭無數羈客將歸故園換葉乳鴨隨波輕蘋
滿渚時笑接眼春色何窮更櫓聲伊軋思憶
前歡未言心已愁怯欺鬢吳霜恨惺惺又還
盈鐻錦紋魚素邨堪重翻再閱粉指香痕依舊
在繡裳鴛篋多少相思皺成眉上千疊

清都宴

暮色聞津鼓煙波碧數行征雁時度輕柳聚網

長歌和楫水村漁戶行人又落天涯但悵望高
陽伴侶記舊日酒卸宮袍馬酬少妾詞賦如
今鬢影蕭然相逢似雪徒話愁苦芳塵暗陌殘
花遍野歲華空去坐楊翠拂門徑尙夢想當時
住處縱早歸綠漸成陰青娥在否

四園竹

花驄縱策制淚掩斜扉玉爐細裊鴛被半閒蕭
瑟羅幃銀漏聲那更雜疎疎雨裏此時懷抱誰
和清真詞

十九

汲古閣

知恨淒其西窗自剪寒花沉吟暗數歸期最
愛深情密意無限當年往復詩辭千萬紙甚近
日人來字漸稀

齊天樂

碧紗窗外黃鸝語聲聲似愁春晚岸柳飄綿庭
花墮雪惟有平蕪如剪重門向掩看風動疎簾
浪鋪湘簾暗想前歡舊遊心事寄詩卷 鱗鴻
音信未覩夢魂尋訪後關山又隔無限客館愁

思天涯倦跡幾許良宵展轉閒情意遠記密閨
深閨繡衾羅薦睡起無人料應眉黛歛

木蘭花

溶溶水映娟娟秀淺約宮粧籠翠袖舞餘楊柳
乍縈風睡起海棠猶帶酒 顚顚蕭郎緣底瘦
卽日花前相見後西窗疑是故人來費得羅牋
詩幾首

霜葉飛

和清真詞

二十

汲古閣

塞雲垂地堤煙重燕鴻初度江表露荷風柳向
人疎臺榭還清悄恨脉脉離情怨曉相思魂夢
眼屏小奈倦客征衣自遍拂塵埃玉鏡羞照
無限靜陌幽坊追歡尋賞未落人後先到少年
心事轉頭空况老來懷抱儘綠葉紅英過了離
聲慵整當時調問麗質從顚顚消減腰圍似卽
多少

蕙蘭芳

庭院雨晴倚斜照睡餘雙鷺正學染脩蛾官柳
細勻黛綠繡簾半捲透笑語瑣窗華屋帶脆聲
咽韵遠近時聞絲竹乍著單衣纔拈圓扇氣
候暄煥趁驕馬香車同按繡坊画曲人生如寄
浪勤耳目歸醉鄉猶勝旅情愁獨

塞垣春

四遠天垂野向晚景離鞍卸吳藍滴草塞綿藏
柳風物堪画對雨收霧霽初晴也正陌上煙光

和清真詞

二十一

汲古閣

泥聽黃鸝啼紅樹短長音如寫懷抱幾多愁
年時赴歡會幽雅盡日足相思奈春晝難夜念
征塵滿堆襟袖邨堪更獨遊花陰下一別鬢毛
減鏡中霜滿把

丁香結

煙溼高花雨藏低葉爲誰翠消紅隕歎水流波
迅撫艷景尚有輕陰餘潤乳鸞啼處路思歸意
淚眼暗忍青青榆莢滿地縱買閒愁難盡勾

引正記著年時乍怯春寒陣陣小閣幽窗殘粧
賸粉黛眉曾暈迢遞魂夢萬里恨斷柔腸寸知
何時重見空爲相思瘦損

氏州第一

朝日融怡天氣豔冶桃英杏萼猶小燕壘初營
蜂衙乍散池面煙光縹緲芳草如黛更湫澹波
光相照錦繡縈回丹青映發未容春老倦客
自嗟清興少念歸計夢魂飛繞浪闊魚沉雲高

和清真詞

二十二

汲古閣

雁阻睽目添愁抱憶香閣臨麗景無人伴輕輦
淺笑想像消魂怨東風孤衾獨曉

解蹀躞

院宇無人晴晝靜看簾波舞自怜春晚漂流尙
羈旅邨況淚溼征衣恨添客鬢終日子規聲苦
動離緒謾徘徊愁步何時再相遇舊歡如昨
匆匆楚臺雨別後南北天涯夢魂猶記關山屢
隨書去

少年遊

人如穠李香濛翠縷芳酒嫩於橙寶燭煨香珠
簾閒夜銀宇理鸞笙 歸時醉面春風醒花霧
隔疎更低輾彫輪輕橈騎馬相伴月中行

慶春宮

宿靄籠晴層雲遮日送春望斷愁城籬落堆花
簾櫳飛絮更堪遠近鶯聲歲華流轉似行蟻盤
旋萬里人生如寄利鎖名韁何用勞縈 駸駸

和清真詞

二十三

汲古閣

皓髮相迎斜照難留朝霧多零宜趁良辰何妨
高會爲隔月皎風清舞臺歌榭遇得旅懽期易
成莫辭盃酒天賦吾曹特地鍾情

醉桃源

良宵相對一燈青相思寫研綾去時情淚滴紅
冰西風吹涕零 愁宛轉意飛騰晴窗穿紙蠅
夢知關塞不堪行憶君猶問程

又

鴛鴦濃睡碧溪沙荷花深處家快風收電掣金
蛇涼波流素華 吳國豔楚宮娃紅潮連翠霞
坐來忽忽燭光斜城頭聞亂鴉

點絳脣

綠葉陰陰滿城風雨催梅潤画樓人近朝霧來
芳信 從解雕鞍休數花吹陣無多悶燕催鶯
赴付與春歸恨

夜遊宮

和清真詞

二十四

汲古閣

一帶垂楊蘸水映芳草萋萋千里跋馬回堤少
年子擁青蛾向紅樓南酒市 拚飲罌花底恣
懽笑粉融香墜不赴臨分醉中起但依稀寫柔
情留蜀紙

又

城上昏煙四飲画樓外陡聽更點千里相思夢
中見恨年華逐東流隨急箭 簾影參差轉夜
初過水沉煙亂勝枕餘衾故人遠憶閒窗鞦韆雲

鬢低粉面

訴衷情

一鉤新月淡於霜
楊柳漸分行
征塵厭堆襟袂
雞唱促晨裝
淮水闊
楚山長
暗悲傷
重陽天氣
盃酒黃花還寄他鄉

傷情怨

閒愁眉上翠
小儘春衫寬了舞
鑑孤鸞
嚴粧羞獨照
王孫音信尙渺
度寒食禁煙須到
赴賞
和清真詞
二十五
汲古閣

芳菲今年春事早

紅林擒近

花幕高燒燭
獸爐深炷香
寒色上樓閣
春威偏池塘
多情天孫罷織
故與玉女穿窗
素臉淺約
宮裝風韻勝笙簧
遊冶尋舊侶
尊酒老吾鄉
清歌度曲何妨
塵落雕梁
任瑤階平尺珠簾人報
賸拚酩酊飛羽觴

又

曉起山光慘
晚來花意寒
映月衣纖縞
因風佩琅玕
三弄江梅聽徹
幾點岸柳飄殘
宛然舞曲
初翻簾影捲波瀾
把酒同喚醉
促膝小留歡
清狂痛飲能消多少
盃盤況人生如寄
相逢半老歲華休作容易看

滿路花

簾篩月影金風捲
楊花雪天邊
鴻雁少
音塵絕
春光欲算客心
歸心折
江湖波浪闊
目斷家山
和清真詞
二十六
汲古閣

料應易過佳節
柔情千點
杜宇枝頭
血危腸餘寸許
誰能接
眠思夢憶不似今番
切欲對何人說
攬鏡沉吟瘦來須有差別

解語花

長空淡碧素魄凝輝
星斗寒相射
鳳樓鴛瓦天風動
冉冉珮環高下
歌清韻雅
對好景芳樽滿
把花霧濃燈火
瑩煌笑語烘蘭麝
千斛明珠照夜
況人如圖畫
明豔容冶
繡巾香帕
歸來路

緩逐杏韞驕馬笙歌散也愁萬炬絳蓮分謝夏
漏殘驚聽西樓吹小梅初罷

六么令

照人明豔肌雪消繁燠嬌雲慢垂柔領紺髮濃
於沐微暈紅潮一線拂拂桃腮熟羣芳難逐天
香國豔試比春蘭芙蓉秋菊 當時相見恨晚彼
此繁心目別後空憶仙姿路隔吹簫玉何處欄
干十二縹緲陽臺曲佳期重卜都將離恨拚與
和清真詞 二十七 汲古閣
尊前細留囑

倒犯

盡日任梧桐自飛翠堦慵掃閒雲散縞秋容瑩
算天清窈斜陽到地樓閣參差簾櫳悄嫩袖舞
涼颼拂拂生林表蕩塵襟寫名醪 攜手故園
勝事尋蹤松篁幽徑寫曲沼瞰靜綠陰簷影龜
魚小信倦跡歸來好倩叮嚀長安遊子道鬢髮
霜侵莫待菱花照醉鄉深處老

大酺

正夕陽閒秋光淡鴛瓦參差華屋高低簾幕迥
但風搖環珮細聲頻觸瘦怯單衣涼生兩袖零
亂庭梧窗竹相思誰能會是歸程客夢路諳心
熟況時節黃昏閑門人靜凭欄身獨 歡情何
太速歲華似飛馬馳輕轂謾自歎河陽青鬢再
苒如霜把菱花悵然凝目老去疎狂減思墮策
小坊幽曲赴游樂繁華國回首無緒清淚紛於
和清真詞 二十八 汲古閣
紅菽話愁夏堪剪燭

玉燭新

海棠

海棠初雨後似露粉粧成肉紅團就太眞帳裏
春眠醒緩感樓前宮漏潮生酒暈獨自倚闌干
時候吹鬢影斜立東風餘寒半侵羅袖 驪山
宮殿無人想笑問君王豔容如否萬花競鬪難
比竝麗美巧勻豐瘦閨房挺秀一顧丹鉛低首
應對羯鼓聲中清歌美奏

花犯荷

渚風低芙蓉萬朵清妍賦情味霧綃紅綴看曼
立分行閒淡佳麗靚姿豔冶相扶倚高低紛慍
喜正曉色嬾窺粧面嬌眠歌翠被 秋色爲花
且徘徊朱顏迎綺露還應顚顚腰肢小腮痕嫩
更堪飄墜風流事舊宮暗鎖誰復見塵生香步
裏謾歎息玉兒何許繁華空逝水

醜奴兒

和清真詞

二十九

汲古閣

凌波臺畔花如剪幾點吳霜煙淡雲黃東閣何
人見晚粧 江南春近書千里誰寄清香別墅
橫塘鼓角聲中又夕陽

水龍吟海棠

錦城春色移根麗姿迥歷江南地瓊酥拂臉彩
雲滿袖羣芳羞避雙燕來時算寒庭院雨藏煙
閉正□□未足宮粧尙怯還輕酒燕脂淚 長
是歡遊花底怕東風陡成怨吹高燒銀燭梁州

催按歌聲漸起綠態多慵紅情不語動搖人意
算吳宮獨步昭陽第一可依稀比

六醜

看流鶯度柳似急響金梭飛擲護巢占泥翩翩
飛燕翼昨夢前迹暗數歡娛處豔花幽草縱冶
遊南國芳心蕩漾如波澤繫馬青門停車紫陌
年華轉頭堪惜奈離襟別袂容易疎隔人間春
寂 謾雲容暮碧遠水沉雙鯉無信息天涯漸

和清真詞

三十

汲古閣

老羈客嘆良宵漏斷獨眠愁極吳霜皎半侵華
幘誰復省十載勻香暈粉髻傾鬟側相思意不
離潮汐想舊家接酒巡歌計今難再得

虞美人

花臺響徹歌聲暝白日林中短春心搖蕩客魂
消搓粉揉香排比一團嬌 重來猶自尋芳徑
吹鬢東風影步金蓮處綠苔封不見彩雲雙袖
舞驚鴻

又

高樓遠閣花飛遍急雨梢池面
脩脩楊柳不知門多少亂鶯啼處
暮煙昏銀鈎小字題芳絮
宛轉回文語可憐單枕夢行雲
腸斷江南千里未歸人

蘭陵王

晚煙直池沼波痕皺碧年芳爲
花態柳情接粉柔藍釀春色繁
華記上國曾識傾城幼客風流
和清真詞

三十一

汲古閣

事聯句送鈞牋綠綃紅遮書尺
行雲去無跡念喚響歌臺香霧
瑤席當時誰信盟言食知一
歲離聚幾多間阻人生如夢寄
堠驛況分散南北悲惻萬愁積
奈鸞鳳歡疎魚雁音寂天涯
何處相思極但目斷芳草恨隨
塞笛邨堪庭院更聽得夜雨滴

蝶戀花

漏泄東君消息後短葉長條著
意遮軒牖嫩比

鵝黃初熟酒染勻巧費春風手
萬縷篩金新

月透入夜柔情還勝朝來秀
綵筆彫章知幾首可人標韻無
新舊

又

一搦腰肢初見後恰似娉婷
十五藏朱牖春色惱人濃抵
酒風前脉脉如招手黛染修
眉蛾綠透態婉儀閒自是閨
房秀堪惜年華同轉首女郎臺
畔春依舊

和清真詞

三十二

汲古閣

又

碎玉飛花寒食後薄影行風
終日穿疎牖有客思歸還把
酒閒吹倦絮輕粘手雪滿愁
城寒欲透飄盡殘英翠幄成
穠秀張緒風流今白首少年襟
度難如舊

又

翠浪藍光新雨後整整斜斜
高下籠窗牖萬斛深傾重碧
酒量愁知落何人手
籠霧梳煙晴

色透照影回風一段嫣然秀白下門東空引首
藏鴉枝葉長懷舊

西河

都會地東南王氣須記龍盤鳳舞到錢塘瑞煙
回起畫圖彩筆寫西湖波光溶漾無際翠欄最
宜半倚柳陰駿馬誰繫鱗差觀閣接飛翬銜盧
萬壘倒空碧漫軟琉璃雲收天淨如水 夕陽
照晚聽近市沸笙簫歡動閭里比屋樂逢堯世
和清真詞 三十三 汲古閣

好相將載酒尋歌玄對酌當年華鬢花裏

三部樂

簾捲窗明聽杜宇乍啼漏聲初絕亂雲收盡天
際留殘月奈相送行客將歸悵去程漸促霽色
催發斷魂別浦自上孤舟如葉 悠悠音信易
隔縱怨懷恨語到見時難說堪嗟水流急景霜
飛華髮想家山路窮望曉空倚仗魂親夢切不
似嫩朵猶能替離緒千結

菩薩蠻

黃雞曉唱玲瓏曲人生兩鬢無重綠官柳繫行
舟相思獨倚樓 來時花未發去後紛如雪春
色不堪看蕭蕭風雨寒

品令

露晞煙靜寂寥轉梧桐寒影天際歷歷征鴻近
被風吹散聲斷無行陣 秋思客懷多少恨謾
厭厭誰問暈殘蘭地香消印夢魂長定愁伴夏
和清真詞 三十四 汲古閣

籌盡

玉樓春

華堂銀燭堆紅淚解說離人多少意恨從別後
恨無窮愁到濃時惟一味 江南渭北三千里
顛顛相思何日已馬蹄清曉草黏天庭院黃昏
花滿地

滿路花

鶚飛翠柳搖魚躍浮萍破班班紅杏子交榴火

池臺畫永繚繞花陰裏山色遙供座枕簟清涼
北窗時喚高臥 翻思少年走馬銅駝左歸來
敲鐙月留關鎖年華老矣事逐浮雲過今吾非
故我邨日尊前祇今問有誰呵

吳成當徽廟時提舉大晟樂府每製一調名流
輒依律廢唱獨束楚方千里樂安楊澤民有和
清真全詞各一卷或今為三英集行世花萼詞客
止送于坐過秦樓風流子訴衷情三闋而澤民不

和清真詞

三十五

汲古閣

載豈揚芳于万邪湖南毛晉識

和清真詞 終

後村別調

目錄

滿江紅

十四調

風入松

四調

水龍吟

四調

浪淘沙

四調

念奴嬌

三調

六州歌頭

一調

沁園春

五調

摸魚兒

二調

賀新郎

九調

卜算子

二調

一剪梅

一調

木蘭花慢

三調

後村別調目

一

汲古閣

最高樓

二調

臨江仙

四調

昭君怨

二調

清平樂

四調

長相思

五調

菩薩蠻

一調

玉樓春

一調

生查子

一調

憶秦娥

五調

鵲橋仙

一調

踏莎行

一調

水調歌頭

九調

哨遍

一調

賀新郎

二十調

沁園春

四調

摸魚兒

一調

一剪梅 一調

滿庭芳 一調

鷓鴣天 二調

卜算子 一調

木蘭花慢 一調

念奴嬌 二調

後村別調目

二

汲古閣

後村別調目錄 終

後村別調

宋 劉克莊

滿江紅

夜雨涼甚忽動從戎之興

金甲瑠戈記當日轅門初立磨盾鼻一揮千紙
龍蛇猶溼鐵馬曉嘶營壁冷樓船夜渡風濤急
有誰憐援臂故將軍無功級 平戎策從軍什
零落盡慵收拾把茶經香傳時時溫習生怕客
談榆塞事且教兒誦花間集嘆臣之壯也不如

後村別調

一

汲古閣

人今何及

又 二月二十四夜飲海棠花下作

老子年來頗自許心腸鐵石尚一點消磨未盡
愛花成癖懊惱每嫌寒勒住丁寧莫被晴烘拆
奈暄風烈日太無情如何得 張西燭頻頻惜
憑素手輕輕摘更一番雨過彩雲無迹今夕不
來花下飲明朝空向枝頭覓對殘紅滿院杜鵑
啼添愁寂

又范尉
梅谷

赤日黃埃夢不到清溪翠麓空健羨君家別墅
幾株幽獨骨冷肌清偏要月天寒日暮尤宜竹
想主人杖屨繞千迴山南北 寧委澗嫌金屋
寧映水羞銀燭歎出羣風韻背時裝束競愛東
鄰姬傅粉誰憐空谷人如玉笑林逋何遜謾爲
詩無人讀

又送宋惠父
入江西幕

後村別調

二

汲古閣

滿腹詩書餘事到穰苴兵法新受了烏公書幣
著鞭垂發黃紙紅旗喧道路黑風青草空巢穴
向幼安宣子頂頭行方奇特 谿峒事聽儂說
龔遂外無長策優猷俘非勇納降非怯帳下健
兒休盡銳草間赤子俱求活到啞喇快寄凱歌
來寬離別

又

落日登樓誰管領倦游狂客待喚起滄浪漁父

隔江吹笛看水看山身尚健憂晴憂雨頭先白
對暮雲不見美人來遙天碧 山中鶴應相憶
沙上鷺渾相識想石田茆屋草深三尺空有鬢
如潘騎省斷無面見陶彭澤便倒傾海水浣衣
塵難滌

又送王
實之

天壤王郎數人物方今第一談笑裏風霆驚座
雲煙生筆落落元龍湖海氣琅琅董相天人策

後村別調

三

汲古閣

問如何十載尚青衫諸侯客 易愛底些官職
難保底些名節擬閉門投轄劇談三日疇昔評
君天下寶當爲天下蒼生惜向臨分慷慨出商
聲摧金石

又壽王
實之

鶴駁來時長占定一年清絕九萬里纖雲收盡
帝青空闊月露偏爲丹桂地風霜欲放黃花節
聽玉笙縹緲度緱山吹初徹 曾直把龍鱗批

曾戲取鯨牙拔向絳河濯足咸池晞髮俗子底
量吾輩事天仙不在臞儒列世豈無瑤草與蟠
桃堪攀掇

又和王實之韻
送鄭伯昌

恹雨盲風留不住江邊行色煩問信冥鴻高士
釣鰲詞客千百年傳吾輩話二三子繫斯文脉
聽王郎一曲玉簫聲淒金石晞髮處怡山碧
垂釣處滄溟白笑而今拙宦它年遺直只願長
後村別調
留相見面未宜輕別平生膝有狂談欲吐且休
休驚鄰壁

又四首並
和實之

往日封章曾聳動君王玉色今似得三閭公子
四明狂客古不能箝言者口天方欲壽中朝脉
算人間豈有病無醫須鍼石年冉冉袍猶碧
心耿耿頭先白笑臣舒迂緩臣山愚直拂袖歸
來羞炙手望塵拜了難伸膝把富春瀨與首陽

山園齋壁

又

三黜歸來飯蔬食渾無慍色中年後家如旅舍
身如行客軒冕豈非疣贅具煙霞已是膏肓脉
有些兒隙地更疏泉堆卷石鄰媼餉新篴碧
溪友賣鮮鱗白向陳編冷笑孔明元直俗事不
教汚兩耳燕居聊可盤雙膝取當年行腳一枝
筇懸高壁

後村別調

五

汲古閣

又

疇昔臚傳仗下奏祥雲五色何況是西山弟子
鵲山賓客上帝照臨忠義瞻老師付受文章脉
問此君髣髴似何人徂徠石園官菜登盤碧
田舍米翻匙白嬾投詩見素寄書杓直德耀不
嫌爲隱髻龜兒已解搖吟膝有誰憐給札老相
如家徒壁

又

下見西山料它日面無慙色君記取不爲呂黨
亦非秦客十客有意挽回當世事無方延得諸
賢脉笑海波渺渺幾時平空嘶石園五畝紛
紅碧家四世傳清白任天孫笑拙女嬃嫌直老
去何煩援以手向來不要加諸膝待深山深處
著茆竺看青壁

又壽唐夫人

八十加三人盡訝還童返少爭信道夜春曉織

後村別調

六

汲古閣

總會經了凜凜共姜當日誓諄諄孟母平生教
到如今象服擁魚軒天之報如船藕如瓜棗
斑衣舞金鐘醕望秋宵一點老人星照塵世少
如嬾福壽上蒼知得兒忠孝待看它孫子又生
孫添懷抱

又和吳叔永尚書時吳喪少子

著破青鞵渾不憶踞它龍尾更冷笑癡人擘劃
二三百歲殤子彭錢誰壽天靈均漁父爭醒醉

向江天極目羨禽魚悠然矣孟中物姑停止
床頭易都拋廢慨事常八九不如人意白雪誦
高尤協律落霞語好終傷綺待煩公老手一摩
挲文公記

風入松福清道中作

橐泉夢斷夜初長別館淒涼細思二十年中事
歎人琴已矣俱亡改盡潘郎鬢髮銷殘荀令衣
香多年布被冷如霜到處同床簫聲一去無

後村別調

七

汲古閣

消息但回首天涯茫茫舊日風煙草樹而今總
斷人腸

又同前

歸鞍尚欲小徘徊逆境難排人言酒是銷憂物
奈病餘孤負金巵蕭瑟搗衣時候淒涼鼓缶情
懷遠林搖落晚風哀野店猶開多情惟是燈
前影伴此翁同去同來逆旅主人相問今迴老
似前迴

又 公升至石塘追
和十五年前韻

殘更難睡抵年長曉月淒涼芙蓉院落深深閉
歎芳卿今在亡絕筆無求皇曲癡心有返魂
香 起來休鑷鬢邊霜半被堆床定歸兜率蓬
萊去奈人間無路茫茫緣斷謾三彈指憂來欲
九迴腸

又 同
前

攀翻宰樹暫徘徊草草安排昔人徒步陳雞絮
後村別調 八 汲古閣

愧公家僕馬觥籌華表舊愁滿目黃梁殘夢傷
懷 欲將莊列等歡哀對卷慵開憑高指點虛
無路問何年遼鶴歸來宿酒得風漸解小興待
月同迴

水龍吟 已亥
自壽

年年歲歲今朝左弧懸罷渾無事吾衰久矣我
辰安在老之將至嬾寫京書怕看除目敗人佳
息把東籬掩定北窗開了悠然酌頽然睡 客

有過門投贄道先生訪華胥氏誰能辛苦陪它
綺語記它奇字屈指先賢戴花老監豈其苗裔
待異時約取寬夫彥國入耆英會

又

先生放逐方歸不如前輩抽身早臺郎舊秩看
來俗似散人新號起舞非狂行吟非怨高眠非
傲嘆終南捷徑太行盤谷用卿法從吾好 閉

了草廬長嘯後將軍來時休報床頭書在古人
後村別調 九 汲古閣

出處今人非笑製箇淡詞呷些薄酒野花簪帽
願雲臺任滿又還因任賽汾陽考

又 自和
前韻

病翁一榻蕭然劉屏山 不知世有歡娛事雀羅
庭院載醪客去催租人至報畝秋光要些酒量
要些詩思奈長鯨罷吸寒蛩息響茶甌外惟食
睡 窮巷幸無干贄或相過莫知誰氏柴門草
戶關人守舍任伊題字自和山歌國風之變離

騷之裔待從今向去年年強健插花高會

又

平生酷愛淵明偶然一出歸來早題詩信意也
書甲子也書年號陶侃孫兒孟嘉甥子疑狂疑
傲與柴桑樵牧斜川魚鳥同盟後歸于好除
了登臨吟嘯事如天莫相諮報田園閒靜市朝
翻覆回頭堪笑節物催人東籬把菊西風吹帽
做先生處士一生一世不論資考

後村別調

十

汲古閣

浪淘沙

旅况

紙帳素屏遮全似僧家無端雷月闌窗紗喚起
玉關征戍夢幾疊寒笳歲晚客天涯短髮蒼
華今年衰似去年些詩酒新來都減價孤負梅
花

又

疊嶂碧周遮游子思家掩藏白髮賴烏紗落日
倚樓千萬恨社鼓城笳老去淡生涯虛擲年

華臘茶孟子太清些待得癡兒公事畢謝了梅

花

又 丁未生日

去歲詣公車天語勤渠絳紗玉斧照寒儒恰似
昔人曾夢到帝所清都骨相太清臞謫墮須
臾今年黃勅換稱呼只爲此翁霜鬢禿老不中
書

又

後村別調

十一

汲古閣

早歲類寒蛩晚節遭逢曾開黃卷侍重瞳歸去
青藜光照牖堦藥翻紅出畫頗囟囟主眷猶
濃除官全似紫陽翁寶文漳州換箇新衙頭面改又
似包公小龍

念奴嬌 木犀

遶籬尋菊菊猶遲舍北芙蓉渾未却是小山鼓
桂裏一夜天香飄墜約束奴兵丁寧稚子莫歸
青苔砌風高露冷倚欄疑匪人世客有載酒

過子朗吟招隱洗盡悲秋意白髮長官窮似蠹
剛被天公調戲遍地堆金滿空雨粟不濟淵明
事殘英賸馥明朝猶可同醉

又菊
花

老夫白首尚兒嬉廢圃一番料理餐飲落英并
墜露重把離騷拈起野豔幽香深黃淺白占斷
西風裏飛來雙蝶繞鼓欲去還止 嘗試詮次
羣芳梅花差可伯仲之間耳佛說諸天金色界
後村別調 十二 汲古閣

又
壬寅
生日

比如去歲前年今朝差覺門庭靜玉軸錦標無
一首知道先生遠佞假使文殊攜諸菩薩來問
維摩病無花堪散亦無香積齋襯 回首雪浪
驚心黃茆過頂瘴毒如□□□□□□□□□□
□□□□□□□□□□□□□□□□□□□□□□

令年年今日白頭母子家慶

六州歌頭
丹

維摩病起兀坐等枯株清晨裏誰來問是文殊
遣名姝奪盡羣芳豔色浴纔出醒初解千萬態
嬌無力困相扶絕代佳人不入金張室却訪吾
廬對茶鐺禪榻笑殺此翁癯瑤砌金壺始消渠
憶承平日繁華事修成譜寫成圖奇絕甚歐
公記蔡公書古來無一自京華隔問姚魏竟何
後村別調 十三 汲古閣

獻

沁園春
夢方
早若

何處相逢登寶釵棲訪銅雀臺喚厨人斫就東
溟鯨鱸膾人呈罷西極龍媒天下英雄使君與
操餘子誰堪笑酒盃車千乘載燕南代北劍客
奇材 飲酣鼻息如雷誰信被晨雞催喚回嘆

年光過盡功名未立書生老去機會方來使李
將軍遇高皇帝萬戶侯何足道哉推衣起但悽
涼感舊慷慨生哀

又送包
尉

我羨君歸一路秋風芙蓉木犀想慈顏望久靈
鳥乍噪新眉画就郎馬頻嘶忙脫征衫快呼斗
酒細與家人說建谿情知道這中年懷抱生怕
分攜 丈夫南北東西應笑殺離筵粉淚啼悵
後村別調 十四 汲古閣

佳人來未碧雲冉冉王孫去後芳草萋萋明日
相思山長水複古道入稀茆店雞元龍老有高
樓百尺誰共登梯

又寄鍾
賢良

我夢見君帶飛霞冠著宮錦袍與牧之高會齊
山風月謫仙同載采石雲濤萬卷星羅千篇電
掃不學窮兒賦楚騷掀髯處有魚龍起舞狐兔
悲嗥 英雄埋沒蓬蒿暗摸索當年劉與曹嘆

事機易失功名難偶誅茅西崦種秫東臯柵有
雞豚庭無羔雁不是先生索價高人間窄待相
期海上笑摘蟠桃

又贈孫
季蕃

歲暮天寒一見飄然幅巾布裘儘侵雲鳥道躋
攀絕頂拍天鯨漫笑傲中流疇昔期君紫髯鐵
面生子當如孫仲謀誰知道到中年猶未建節
封侯 南來萬里何求因感慨喬公成遠遊悵
後村別調 十五 汲古閣

名姬駿馬都如昨夢隻雞斗酒難到新丘天地
無情功名有數千古英雄只麼休平生獨羊曇
一個淚灑西州

又寄九華
葉賢良

一卷陰符二石硬弓百斤寶刀夏玉花驄噴鳴
鞭電抹烏絲欄展醉墨龍跳牛角書生虬鬚豪
客談笑皆從折簡招依稀記曾請纓係粵草檄
征遼 當年目視雲霄誰信道淒涼今折腰悵

燕然未勒南歸草草長安不見北望迢迢老去
胸中有些磊塊歌罷猶須著酒澆休休也但帽
邊鬢減鏡裏顏凋

摸魚兒

賞海

甚春來冷煙淒雨朝朝遲了芳信。驀然作暖晴
三日又覺萬殊嬌困。天怎忍。潘令老不成也。沒
看花。分才情減盡。悵玉局飛仙。石湖絕筆。孤負
這風韻。傾城色。懊惱佳人薄命。牆頭岑寂誰
後村別調 十六 汲古閣

又感嘆

怪新來倚樓看鏡。清狂渾不如舊。算雲千里傷
心色。那更亂蟬疎柳。凝望久。愴故國百年漢闕
誰回首。功名大謬。歎采藥名山。讀書精舍。此計
何時就。封侯事久矣。輸人妙手。扁舟聊作漁

叟高冠長劍都閒物。世上切身惟酒。千載後君
試看。拔山扛鼎俱烏有。英雄骨朽。問顧曲周郎
而今還解來聽小詞否

賀新郎

鬱孤臺

絕頂規危榭。跨高寒。鳥飛不過。雲生其下。斤斲
無聲。人按堵。翕忽青紅變化。覽城郭山川如畫。
閣老鳳樓修造。手笑談間突出。凌雲厦。臺上景
買無價。啞壺塵尾登臨暇。似當年文章太守
後村別調 十七 汲古閣

又春景

動地東風起。画橋西。繞溪桑柘。漫山桃李。寂寂
牆陰蒼苔路。猶印前回屐齒。驚歲月。飈馳雲駛。
太息攀翻長亭樹。是先生手種。今如此。君不樂
欲何俟。傍人錯會淵明意。笑斯翁皇皇汲汲

登山臨水佳處徑呼籃輿去彷彿柴桑栗里從
我者門生兒子嘗試平章先賢傳屈原醒不似
劉伶醉判茗芋臥花底

又荷藥

一夢揚州事画堂深金瓶萬朶元戎高會座上
祥雲層層起不減洛中姚魏嘆別後關上迢遞
國色天香何處在想東風猶憶狂書記驚歲月
一彈指數枝清曉煩馳騎向小窗依稀重見
後村別調
十八
汲古閣
蕪城佳麗料得花憐儂消瘦儂亦憐花顚顚謾
悵望竹西歌吹老矣應無騎鶴日但春衫點點
當時淚那更舊情味

又送陳子華赴冀州

北望神州路試平章這場公案向誰分付記得
太行兵百萬曾入宗爺駕御今把作握蛇騎虎
君去東京豪傑喜看投戈下拜真吾父談笑裏
定齊魯兩淮蕭索惟狐兔問當年祖生去後

有人來否多少新亭揮淚客不夢中原塊土這
事業須由人做堪笑書生心膽怯向車中閉置
如新嬾空目送塞鴻去

又端午

深院榴花吐画簾開綵衣紈扇午風清暑兒女
紛紛新結束時樣釵符艾虎早已有游人觀渡
老大逢場慵作戲任白頭年少爭旗鼓溪雨急
浪花舞靈均標致高如許憶生平既紉蘭佩
後村別調
十九
汲古閣
又懷椒糈誰信騷魂千載後波底垂涎角黍又
說是蛟饒龍怒把似而今醒到了料當年醉死
差無苦聊一笑吊千古

又九日

湛湛長空黑更那堪斜風細雨亂山如織老眼
平生空四海賴有高樓百尺看浩蕩千崖秋色
白髮書生神州淚儘淒涼不向牛山滴追往事
去無迹少時自負凌雲筆到如今春夢落盡

滿懷蕭瑟常恨世人新意少愛說南朝狂客把
破帽年年拈出若對黃花孤負酒怕黃花也笑
人岑寂鴻北去日西匿

又遊水東周
家花園

溪上收殘雨倚危欄薄綿乍脫日陰亭午鬧市
不知春色處散在荒園廢墅漸小白長紅無數
客子雖非河陽令也隨緣暫作鶯花主郎可負
甕中醪 碧雲四合千岩暮恨箇箇余方有事
後村別調 二十 汲古閣
子姑婦去趣取羣芳未搖落暇日提魚就煮歎
激電光陰如許回首明年何處在問桃花尙記
劉郎否公莫笑醉中語

又郡會聞妓
歌有感

妾出於微賤少年時朱絃彈絕玉笙吹遍粗識
詩家關雎亂蓋學流鶯百轉總不涉閨情春怨
誰向西隣公子說要珠鞍迎入梨花院身未動
意先嬾 主家十二樓連苑邨人人靚妝按曲

繡簾初捲道是画堂簫管唱笑殺街坊拍袞回
首望侯門天遠我有平生離鸞操頗哀而不慍
微而婉聊一奏更三嘆

又端
午

思遠樓前路望平堤十里湖光画舫無數綠蓋
盈盈紅粉面葉底荷花解語鬪巧結同心雙縷
尙有經年離別恨一絲絲總是相思處相見也
又重午 清江舊事傳荆楚嘆人情千載如新
後村別調 二十一 汲古閣
尙沉孤黍且盡樽前今日醉誰肯獨醒吊古泛
幾盞菖蒲綠醕雨兩龍舟爭競渡奈珠簾暮捲
西山雨看來足怎歸去

卜算子
手植海棠盛開風雨
作崇輒作小詞二首

盡是手成持合得天饒借風雨千花有甚譬作
意相陵藉 做暝逼教開做冷催教謝不負明
年花下人只負栽花者

又

片片蝶衣輕點點猩紅小人道東君不惜花百
種千般巧 朝見樹頭繁茸見樹頭少人道東
君果惜花雨打風吹了

一剪梅

中秋解宜
春柳印

陌上行人怪府公還是文窮還是詩窮下車上
馬太囑囑來是春風去是秋風 階銜免得管
兵農嬉到昏鐘睡到齋鐘不須提岳與知宮喚
作溪翁喚作山翁

後村別調

二十二

汲古閣

木蘭花慢

癸卯
生日

病翁將耳順牙齒落鬢毛疎也慙愧君恩放還
田舍免詣公車兒時某丘某水到而今老矣可
樵漁寶馬華軒無分蹇驢破帽如初 浮名箕
斗竟成虛磨折總因渠帝錫余別號江湖聲叟
山澤仙臞尊前未宜感慨事猶須看歲晏何如
衛武耄年作戒伏生九十傳書

又

送鄭
伯昌

古人吾不見君莫是鄭當時更築就山房躬耕
谷口名動京師諸公任他衮衮與杜陵野老共
襟期有客至門先喜得錢沽酒何疑 昔年聯
轡柳邊歸陳迹恍難追況種桃道士看花君子
回首皆非相逢故人問訊道劉郎老去久無詩
把做一場春夢覺來莫要尋思

又

丁未
中秋

水亭凝望久期不至擬還差隔翠幌銀屏新睂
後村別調

二十三

汲古閣

初画半面猶遮須臾淡煙薄靄被西風掃盡不
畱些失了白衣蒼狗奪回雪兔金蟾 棄雲徑
到玉皇家人世鼓三搥試自判此生更看幾度
小住爲佳何須如鉤似玦便相將只有半菱花
莫遣素娥知道和它髮也蒼華

最高樓

戊戌
自壽

南嶽後累任作祠官試說與君看仙都玉局纔
交卸新衙又管華州山怪先生吟膽壯飲腸寬

去歲擁旌旗稱太守今歲帶笈簪稱漫叟慵
入闌慣投閒有時拂袖尋種放有時攜枕就陳
搏任傍人嘲潦倒笑癡頑

又再題周
登樂府

周郎後直數到清真君莫是前身八音相應諧
韶樂一聲未了落梁塵笑而今輕郢客重巴人

只少個綠珠橫玉笛更少個雪兒彈錦瑟欺
賀晏壓黃秦可怜樵唱并菱曲不逢御手與龍

後村別調

二十四

汲古閣

中且醉眠蓬底月甕間春

臨江仙

縣圃種花○或
刻種海棠作

落魄長官江海客少豪萬里尋春而今顛顚向
溪濱斷無觴詠興惟有簿書塵手插海棠三
百本等閒粧點芳辰他年絳雪映紅雲丁寧風
與月記取種花人

又

庚子重陽余以漕攝帥會前帥唐伯舉
前漕黃成父于越王臺明年是日寓海
豐縣驛作

去歲越王臺上飲席間二客如龍憑高吊古壯
懷同馬嘶千嶂算樂奏半天中今歲三家村
市裏故人各自西東菊花時節酒樽空可憐雙
雪鬢禁得幾秋風

又潮惠
道中

不見仙湖能幾日塵沙變盡形容夜來月冷露
華濃都忘茆屋下但記画船中兩岸綠陰猶
未合更須補竹添松最憐幾樹木芙蓉手栽纔

後村別調

二十五

汲古閣

數尺別後爲誰紅

又已酉和寶
之韻

玉筵鈿車當日事東塗西抹都曾聞曲子壓
和凝曲于相公縱遊非草草已醉強惺惺今向三
家村送老身如罷講吳僧高樓百尺不須登半
爐燒葉火一瓊勘書燈

昭君怨

丹

曾看洛陽舊譜只許姚黃獨步若比廣陵花太

虧他 舊日王侯園圃今日荆榛狐兔君莫說
中州怕花愁

又 瓊
萃

后土宮中標韵天上人間一本道號玉真妃字
瓊姬 我與花曾半面流落天涯重見莫把玉
簫吹怕驚飛

清平樂 五月十五
夜觀月

纖雲掃迹萬頃玻璃色醉跨玉龍游八極歷歷
後村別調 二十六 汲古閣

天青海碧 水晶宮殿飄香羣仙方按霓裳消
得幾多風露變教人世清涼

又 同
前

風高浪快萬里騎蟾背曾識姮娥真體態素面
元無粉黛 身游銀闕珠宮俯看積氣濛濛醉
裏偶搖桂樹人間喚作涼風

又 項托維揚陳師文參
議家舞姬絕妙賦此

宮腰束素只怕能輕舉好築避風臺護取莫遣

驚鴻飛去 一團香玉溫柔笑顰俱有風流貪
與蕭郎眉語不知舞錯伊州

又 別意。并
陽舟中作

休彈別鶴淚與絃俱落歡事中年如水薄懷抱
那堪作惡 昨宵月露高樓今朝煙雨孤舟除
是無身方了有身長有閒愁

長相思 惜
梅

寒相催暖相催催了開時催謝時丁寧花放遲
後村別調 二十六 汲古閣

角聲吹笛聲吹吹了南枝吹北枝明朝成雪
飛

又 寄
寄

朝有時暮有時潮水猶知日雨迴人生長別離
來有時去有時燕子猶知社後歸君行無定
期

又 後
別

風蕭蕭雨蕭蕭相送津亭折柳條春愁不自聊

煙迢迢水迢迢準擬江邊駐
画橈舟人頻報潮

又

煙淒淒草淒淒野火原頭燒
斷碑不知名姓誰印纍纍
纍纍千萬人中幾個歸榮華
朝露晞

又

勸一盃復一盃短鍾相隨死
便埋英雄安在哉後村別調

二十八

汲古閣

來
眉不開懷不開幸有江邊舊
釣臺拂衣歸去

菩薩蠻

歲林推

小鬟解事高燒燭羣花圍繞
樗蒲局道是五陵兒風騷滿
肚皮玉鞭鞭玉馬戲走章臺
下笑殺灞橋翁騎驢風雪中

玉樓春

歲林節推鄉兄

年年躍馬長安市客舍似家
家似寄青錢換酒

日無何紅燭呼盧宵不寐
易挑錦婦機中字難得玉人
心下事男兒西北有神州莫
滴水西橋畔淚

生查子

元夕戲陳敬叟

繁燈奪露華戲鼓侵明發
物色舊時同情味中年別
淺画鏡中眉深拜樓西月人
散市聲收漸入愁時節

憶秦娥

暮春

後村別調

二十九

汲古閣

遊人絕綠陰滿野芳菲歇
芳菲歇養蠶天氣采茶時節
枝頭杜宇啼成血陌頭楊柳
吹成雪吹成雪淡煙微雨江
南三月

又

已上

脩禊節晉人風味終然別
終然別當時賓主至今清絕
等閒寫就關亭帖豈知留與
人間說人間說永和之歲暮
春之月

又

泥滑滑一聲聲喚征鞍發征鞍發客亭楊柳不
禁攀折 荀郎衣上香初歇蕭娘心下書難說
書難說霎時吹散一生愁絕

又感舊

春醒薄夢中毬馬豪如昨豪如昨月明橫笛曉
寒吹角 古來成敗難描摸而今却悔當時錯
當時錯鐵衣猶在不堪重著

又

後村別調

三十

汲古閣

梅謝了塞垣解凍鴻歸早鴻歸早憑伊問訊大
梁遺老 浙河西面邊聲悄淮河北去炊煙少
炊煙少宣和宮殿冷煙衰草

鵲橋仙

戊戌生朝

金風浙浙銀河淡淡長少羣賢畢會平生心事
麴生知恠此夕惺惺相對 玄花生眼新霜點
鬢不肯遮藏老態人間何處有仙方擘劃得二
三百歲

踏莎行

甲午重九
牛山作

日月跳丸光陰脫兔登臨不用深懷古向來吹
帽插花人盡隨殘照西風去 老矣征衫飄然
客路炊煙三兩人家住欲攜斗酒食秋光山深
無覓黃花處

水調歌頭

和酉外判
宗淵樓韻

君看郭西景渾不減孤山飛樓突兀百尺輪奐
侈前觀絕唱新詞寡和墮淚舊碑無恙往事付

後村別調

三十一

汲古閣

驚瀾不見遼鶴返惟對水鷗閒 又何必珠翠
盛管弦懽啞壺塵尾蕭灑領客上高寒丞相功
存宗廟祭酒義兼家國世事尚相關風月寓意
耳莫作晉人看

又

遊蒲間追和崔菊坡詩。余頃爲儀真
郡督郵白事維揚崔公銳欲羅致屬先
受制置使李公之辟崔公始聘洪公舜
俞入幕後二十五年奉使嶺外拜公祠
像俯仰今昔輒和公
所作水調以寓悲慨

敕使竟空返公不出梅關當年玉座記憶仄席

問平安羽扇尉佗城上野服仙游閣下遶鶴幾
時還賴有蜀耆舊健筆與書丹 青油士珠履
客各凋殘四方感感靡騁獨此尙寬閒丞相祠
堂何處太傅石碑墮淚木老瀑泉寒往者不可
作置酒且登山

又再和○
喜歸

遣作嶺頭使似戍玉門關來時送者舉酒珍重
祝身安街畔小兒拍笑馬上是翁矍鑠頭與璧
後村別調

三十二

汲古閣

俱還何處得仙訣髮白頰猶丹 屋茆破籬菊
瘦架簾殘老夫自計甚審忙定不如閒客難楊
雄拓落友笑王良來往面汗背芒寒再拜謝不
敏早晚乞還山

又三和○解印
有期戲作

老子頗更事打透利名關百年擾擾于役何異
入槐安夢裏偶然得意醒後纔堪發笑蟻穴窠
車還恰佩南柯印髮髯轂曾丹 客未散日初

跌酒猶殘向來幻境安在回首總成閒莫問浮
雲起滅且跨剛風遊戲露冷玉簫寒寄語抱朴
子候我石樓山

又四和○八月上泮解
印別同官席上賦

半世慣坡路不怕唱陽關朝來印綬解去今夕
枕初安莫是散場優孟又似下棚傀儡脫了戲
衫還老去事多忘公莫笑師丹 筆端花胸中
錦兩消殘江湖水草空曠何必養天閒久苦諸
後村別調

三十三

汲古閣

君共事更盡一盃別酒風露夜深寒回首行樂
地明日隔雲山

又五和○客散循
堤步月而作

落日幾呼渡佳夕每留關有時來照清淺鬢雪
似潘安一曲親蒙君賜兩岸更無人迹惟見鷺
飛還隙地欠栽接蕉荔雜黃丹 柳全疎松尙
幼怕摧殘傷人笑我癡計管鑰費防閑翁意在
平林客亦知夫水月滿腹貯清寒賦詠差有

愧赤壁與滁山

又六和○次夕鵬客
湖上賦葛仙事

羯虜問周鼎柱史出秦關苦求勾漏何意身世
遠差安不見跼蹐墮水時有飛鴻遡渚樂此久
忘還采藥寓言耳胸次有靈丹釣游處榕葉
暗荻花殘自翁仙後千載輪與水鷗閒我讀內
篇未竟忽被急符驅去洞閉白雲寒回首愧幽
子隱約海中山

後村別調

三十四

汲古閣

又

七和○十三夜同官
戴酒相別不見月作

恠事廣寒殿此夕不開闌林間烏鵲相賀暫得
一枝安只在浮雲深處誰駕長風挾取明鏡忽
飛還玉兔呼不應難覓白中丹酒行深歌聽
徹笛吹殘嫦娥老去孤另離別匹如閒待得銀
盤擎出只怕玉峯醉倒衰病不禁寒卿去我欲
睡辜負此湖山

又

癸卯中秋作

老去有奇事天放兩中秋使君飛榭千尺縹緲
見麟洲景物東徐城上歲月北征詩裏圓缺幾
時休俯仰慨今昔惟酒可澆愁風露高河漢
澹素光流賈胡野老相慶田海十分收競看姮
娥金鏡爭信仙人玉斧費了一番修衰晚筆無
力誰伴賦黃樓

哨遍

昔坡公以盤谷序配歸來詞然陶詞
既櫟括入律韓序則未也暇日游方

氏龍山別墅試效輦爲
之俾主人刻之崖云

後村別調

三十五

汲古閣

勝處可宮平處可田泉土尤甘美深復深路絕
住人稀有人兮盤旋於此送子歸是他隱居求
志是要明主媒當世嗟此意誰論其言甚壯孔
顏猶有遺旨大丈夫之被遇于時入坐廟朝出
旗麾列屋名姬夾道武夫滿前才子噫有命
存焉吾非惡此而逃之富貴人所欲如之何幸
而致向茂樹堪休清泉可濯谷中別有閑天地
鱸細於絲蕨甜似蜜采於山釣於水大丈夫不

遇時之所爲唐處士依稀是吾師覺山林尊如
朝市五侯門下賓客擾擾趨形勢嗟盤之樂誰
爭子所占斷千秋萬歲呼僮秣馬更膏車便與
君從此逝矣

賀新郎

吾少多奇節頗擲揄玉關定遠壺頭新息一劒
防身行萬里選甚南溟北極看塞鴈銜來秋色
不但槩基夸妙手管城君亦自無勍敵終買輩

後村別調

三十六

汲古閣

恐難匹 酒腸詩膽新來窄向西風登高望遠
亂山斜日安得良弓并快馬聊與諸公角力漫
醉把關于頻拍莫恨寒蟬離海晚待與君秉燭
游今夕歡易買健難得

又 杜子昕
觀歌

盡說番和漢這琵琶依稀似曲驀然絃斷作麼
一年來一度欺得南人技短歎幾處城危如卵
元凱後身居玉帳報□□休作尋常看佈嚴令

運奇筭 開門決鬪雌雄判笑中宵奚車擅屋
獸驚禽散箇箇巍冠橫塵柄誰了君王此段也
莫靠長江能限不論周郎并幼度便仲尼復起
嗟微管馳露布築京觀

又 跋唐伯
王素業

宣引東華去似當年文皇親擢馬周徒步殿上
風霜生白簡下殿扁舟已具怎不與官家留住
古有一言腰相印誰教他滿篋嬰鱗疏還笏退

後村別調

三十七

汲古閣

不迴顧 新來邊報猶飛羽問諸公可無長策
少寬明主攀檻朱雲頭雪白流落如今底處但
一片丹心如故賴有越臺堪眺望那中原莫已
平安否風色惡海天暮

又 送唐伯
王還朝

驛騎聯翩至道臺家籌邊方急酒行姑止作麼
攜將琴鶴去不啻州人墮淚富與貴平生無味
可但紅塵難着脚便山林未有安身地搔白髮

兀相對 前身小范疑公是憶當年天章閣上
建明尤偉慶曆諸賢方得路便不容他老子須
著放延州城裏一句殷勤牢記取在朝廷最好
圖西事何必向玉關外

又 送黃成父還朝

飛詔從天下道中朝名流欲盡君王思賈時事
祗今堪痛哭未可徐徐俟駕好着手扶將宗社
多少法筵龍象衆聽靈山祝付些兒話千百世

後村別調

三十八

汲古閣

要傳寫 子方行矣乘驄馬又送它江南太史
去游瓊厦老我伴身惟有影倚徧風軒月榭悵
玉手何時重把君向柳邊花底問看貞元朝士
誰存者桃滿觀幾開謝

又 戊戌壽張史君九月十八日

南國秋容晚曉寒輕芙蓉臺榭拒霜池館試向
壺山堂上望萬頃黃雲刈遍總喫着君侯方寸
不要漢庭誇擊斷要史家編人循良傳春脚到

福星現 家家香火人人願要還他慶元狨座
建炎蟬冕穩奉安輿迎兩國誰謂山遙水遠福
壽比河沙難算來歲而今黃花節早驂鸞入侍
瑤池宴風浩蕩海清淺

又 宋菴訪梅

鵲報千林喜還猛省謝家池館早寒天氣要與
瑤姬敘離索草草杯盤籍地悵減盡何郎才思
不願玉堂并金屋願年年歲歲花間醉餐秀色

後村別調

三十九

汲古閣

挹高致 西園飛蓋東山妓問何如半山雪裏
孤山煙外管甚夜深風露冷人與長鉸共睡任
翠羽枝頭多事老子平生無他過爲梅花受取
風流罪簪白髮莫教墜

又 和人詠茶藤

曾與瑤姬約恍相逢翠裳搖曳珠鞦聯絡風露
青冥非人世攬結玉龍驂鶴愛萬朶千條纖弱
禱祝花神憐惜取到開時晴雨須斟酌枝上雪

莫銷却 惱人匹似中狂藥凭危闌燭光交映
樂聲遙作身上春衫香熏透看到參橫月落算
茉莉猶底一着坐有緱山王郎子倚玉簫度曲
難爲酢君不飲鑄成錯

又 用前韻賦
黃荼蘼

想赴瑤池約向東風名姬駿馬翠韉金絡太液
池邊鵲群下又似南樓呼鶴畫不就穠纖嬌弱
羅帕封香來天上瀉銅盤沆瀣供清酌春去也

後村別調

四十

汲古閣

被留却 芳魂再反應無藥似詩詠綠衣黃裏
感傷而作愛惜尙嫌蜂採去何況流鶯蹴落且
放下珠簾遮著除却江南黃九外有何人敢與
花酬酢君認取莫教錯

又 再用
約字

淺把宮黃約細端相普陀煙裏金身珠絡萼綠
華輕羅襪小飛下祥雲仙鶴朵朵賽蜂腰纖弱
已被色香撩病思儘鵝兒酒美無多酌看不足

怕殘却 人間難得傷春藥更枝頭流鶯喚起
少年狂作留取姚家花相伴羞與萬紅同落未
肯讓蠟梅先着樂府今無黃絹手問斯人清唱
何人酢休草草認題錯

又 郡宴
和韻

草草池亭宴又何須珠韞絡臂琵琶遮面賓主
一時詞翰手倏忽龍蛇滿案傳寫處塵飛鷺囀
但得時平魚稻熟這腐儒不用青精飯陰霧掃

後村別調

四十一

汲古閣

霽華見 使君償了豐年願便從今也無敲朴
也無厨傳試拂籠紗看壁記幾箇標名渠觀想
九牧聞風爭羨此老飽知民疾苦早歸來載筆
熏風殿詩有諷賦無勸

又 再和
前韻

夢斷釣天宴怪人間曲吹別調局翻新面不是
先生瘖啞子怕殺烏臺舊案但掩耳蟬嘶禽囀
老去把茅依地土有瓦盆盛酒荷包飯停造請

免朝見 少狂誤發功名願苦貪他生前死後
美官佳傳白髮歸來還自笑管轄希夷古觀看
一道氷銜堪美妃子將軍嗔未已問匡山何似
金鑾殿休更待杜鵑勸

又題蒲
澗寺

風露驅炎毒記僊翁飄然謫墮吹笙騎鵲歷歷
漢初秦季事山下瓜猶未熟過眼見群雄分鹿
想得拂衣游汗漫試回頭劉項俱蠻觸斫鯨鱗

後村別調

四十二

汲古閣

脯鱗肉 越人好事因成俗擁遨頭如雲士女
山南山北問訊先生無恙否齊魯干戈滿目且
游戲扶胥黃木不是世無瓜樣棗便有來宵飽
癡兒腹聊舉酒笑相屬

又王實之喜予出嶺命愛姬
歌新詞以相勞輒次其韻

此腹元空洞少年時諸公過矣上天吹送老大
被它禁害殺身與浮名孰重這般箇休休枯異
綵筆擲還殘錦去用江淹鮑照事願今生來世無妖夢

且飯犢莫吞鳳 新來暗啞如翁仲美王郎驂
鸞縹緲玉簫吹動應笑夔州村裏女炙面生愁
進奉要絕代傾城安用今古何人知此理有吾
家酒德先生頌三萬卷謾充棟

又蒙恩主崇禧
再用前韻

主判茅君洞有檐間查查喜鵲曉來傳送幾度
黃符披戴了此度君恩越重僕五任祠廟一前岳二仙都三玉局
四雲臺被賀監天隨調弄做取散人千百歲笑

後村別調

四十三

汲古閣

渠儂一霎邯鄲夢歌而過鳳兮鳳 灌園織屨
希陳仲問先生加齊卿相可無心動除却醴泉
中太乙揀箇名山自奉那捷徑輸它藏用有耳
不會聞黜陟免教人貶駁徂徠頌服蘭佩結茅
棟

又二
和

謫下神清洞更遭它揶揄黠鬼路傍遮送薄命
書生雞肋爾却笑尊拳忒重破故紙誰教繾綣

一枕茅簷春睡美便周公大聖何須夢門前客
任題鳳 卜鄰羊仲并求仲願春來西疇雨足
土膏輦動白髮巡官占歲稔不問京房翼奉棹
與甕從今無用醉與老農同擊壤莫隨人頭獻
嘉禾頌在陋巷勝華棟

又 生日用實
之來韻

鬢雪今千縷更休休癡心欲望故人明主晚學
瞿聃無所得不解飛昇滅度似曉鼓鑿鑿過五

後村別詞

四十四

汲古閣

散盡朝來湯餅客且烹雞要飯茅容母怕迴首
太行路 麟臺學士微雲句便尊前周郎復出
審音無誤安得春鶯雪兒輩輕拍紅牙按舞也
莫笑儂家蠻語老去山歌尤協律又何須手筆
如燕許援琴操促箏柱

又 再用
前韻

放逐身縊縷被門前羣鷗戲狎見推盟主若把
士師三黜比老子多他兩度袖手看名場呼五

不會車邊望塵拜免它年青史羞潘母勾曲洞
是歸路 平生怕道蕭蕭句況新來冠欹并側
醉人多誤管甚是非并禮法頓足低昂起舞任
百鳥喧啾春語欲托朱絃寫悲壯這琴心脉脉
誰堪許君按拍我調柱

又 實之三和有憂邊
之語走筆答之

國脉微如縷問長纓何時入手縛將戎主未必
人間無好漢誰與寬些尺度試看取當年韓五

後村別詞

四十五

汲古閣

豈有穀城公付授也不干曾遇驪山母談笑起
兩河路 少時棋枰曾聯句歎而今登樓攬鏡
事機頻誤聞說北風吹面急邊上衝梯屢舞君
莫道投鞭虛語自古一賢能制難有金湯便可
無張許快投筆莫題柱

又 四用縷字韻
爲王實之壽

萬字如鐵縷憶王郎丹墀大對氣爲文主貴近
傍觀俱失色仰止如天聖度笑杜牧成名居五

晚面清光猶若諫似封人懇切言君母謫塵世
錯行路 當時宜和薰風句又那知青雲一跌
被才名誤輸與靈和殿前柳柔較隨風學舞怪
兩鳥新來停語不是先生高索價問何時宰相
先生許舉杯祝莫傾柱

又 實之用前韻爲
老者壽戲答

身畔無絲縷但從前練裳練悅做他家主甲子
一周加二紀兔走烏飛幾度賽孔子如來三五

後村別詞

四十六

汲古閣

徐陵云小如來五
歲多孔子三年

鶴髮蕭蕭無可截要一杯留

客慙陶母門外草欲迷路 朗吟白雪陽春句

狩夫君驪駒不至鵲聲還誤老去聊攀萊子例

倒着班衣戲舞記田舍火爐頭語肘後黃金腰

下印有高堂未敢將身許且扇枕莫倚柱

沁園春

癸卯佛生翌日將曉夢
中作既醒但易數字

有箇頭陀形等枯株心猶死灰幸春山筍賤無
人爭喫夜爐芋美與客同煨何處旛花忽相導

引莫是天宮迎赴齋又疑道同毗耶城裏講席
初開 這邊尙自徘徊笑那裏紛紛早見猜有
尊神奮杵拳麤似鉢名緇豎拂喝猛如雷老子
無能山僧不會誰誤檀那舉請哉山中去便百
千億劫休下山來

又 和吳尙
書叔永

我所思兮延陵李子別來九春笑是非浮論幽
衣蒼狗文章定價秋月華星獨步岷峨後身坡

後村別詞

四十七

汲古閣

穎何必荀 有 二仁中朝裏看叔兮袞斧伯也

絲綸 洛中曾識機雲記玉立堂堂九尺身歎

茗溪漁艇幽人孤往鴈山馬鬣平客誰經宣室

釐殘玄都花謝回首舊游存幾人新腔美堪洗

空恩怨喚起交情

又 吳叔永尙書和
予舊作再答

莫羨渠儂白玉成樓黃金築臺也不消顛怪騎
鱗被髮誰能委曲令鳩爲媒鬢有一毛袖閑雙

手只子持螯與把杯公過矣賞陳登豪氣杜牧
麤才便煩問訊張雷甚斗宿無光劍不迴想
閣中鳴佩時攜客去壁間懸榻近有誰來撤我
虎皮讓君牛耳誰道兩賢相尼哉中年後向歌
關易感樂極生哀

又維揚
作

遼鶴重來不見繁華只見凋殘甚都無人誦何
郎詩句也無人報書記平安閨里俱非江山畧

後村別調

四十八

汲古閣

是縱有高樓莫倚闌沉吟處但螢飛草際雁起
蘆間不辭霜宿風餐怕萬里歸來雙鬢斑算
這邊贏得黑貂裘弊那邊輸了翡翠衾寒檄草
流傳吟牋倚閣開到瓊花亦嬾看君記取向中
州差樂塞地無歡

摸魚兒

用實
之韻

便披蓑荷鋤歸去何須身着宮錦與誰共話桑
麻事朱老阮生尤稔篩樣餅甕樣釀長鬚赤脚

供樵飪清流濁品盡掃去胸中置諸膜外對酒
莫辭飲華胥夢怕殺人驚曉枕疎牕惟月來
闖一生常被弓旌誤且告朝家追寢愁箇甚君
管取有薇堪采松堪蔭茆山再任幸不是謀臣
又非世將免犯道家禁

一剪梅

余赴廣東實之
夜餞于風亭

束縕宵行十里強挑得詩囊拋了衣囊天寒路
滑馬蹄僵元是王郎來送劉郎酒酣耳熱說

後村別調

四十九

汲古閣

文章驚倒鄰牆推倒胡牀傍觀拍手笑疎狂疎
又何妨狂又何妨

滿庭芳

夢記

涼月如水素濤翻雪人世依約三更扁舟乘興
莫計水雲程忽到一洲奇絕花無數多不知名
渾疑是芙蓉城裏又似牡丹墀蓬萊應不遠
天風海浪滿目淒清更一聲鐵笛石裂龍驚回
顧塵寰局促揮袂去散髮騎鯨遠遠覺元來是

夢鐘動野雞鳴

鷓鴣天

腹疾且睡和
朱希真詞

前度看花白髮郎平生痼疾是清狂幸然無事
污青史省得教人奏赤章游俠窟少年場輸
他群謝與諸王居人不識庚桑楚弟子誰從魏
伯陽

又

戲題周
登樂府

詩變齊梁體已澆香奩新製出唐朝紛紛競奏

後村別調

五十

汲古閣

桑間曲寂寂誰知爨下焦揮綵筆展紅綃十
分峭措稱妖饒可憐才子如公瑾未有佳人敵
小喬

卜算子

亂似盎中絲密似風中絮行遍茫茫禹迹來底
是無愁處好客挽難留俗事推難去惟有翻
身入醉鄉愁欲來無路

木蘭花慢

壽王
實之

瀛洲真學士爲底事在紅塵爲語觸宮闈沉香
亭裏噴謫僊人爲親近君側者見萬言策子恭
劉黃爲是尙方請劒漢廷多憚朱雲君言往
事勿重陳且鬪酒邊身也不會區區算它甲子
記甚庚寅爾曹譬如朝菌又安知老柏與靈椿
世上榮華難保古來名節如新

念奴嬌

壽方
德潤

卯君來處與眉州仙子依稀同日一自前朝龔
後村別調

五十一

汲古閣

蔡後頗覺壺山岑寂誰料端平繼居遺補復有
斯人出幅巾林下姓名玉座長憶須信諂語
尤甘忠言最苦橄欖何如蜜諸老蕭疎星欲曉
留取南都鐵壁洛社自佳鏡湖雖好莫問君王
乞年年歲大家同做眞率

又

內牛鄭少
師生日

禁中張讌苦留公未許歸尋初服千載君臣魚
有水不比嚴光文叔大德中天客星一夕草草

聊同宿重來疑碧依然賡載相屬 過眼夸奪
紛紛浮雲野馬幾度棋翻局客話鳳池三入事
洗耳湖光一曲伯始泉荒穉圭圃冷占斷西風
菊年年歲歲金英常泛芳醪

改淳祐辛丑八月御批云劉克莊文名久著忠學

尤精可特賜同進士出身由是負一代盛名偶有

題跋後人輒以為定衡所撰別調一卷大率皆幸

稼軒相損楊升菴謂其壯語足以主懦余竊謂

後村別調

五十二

汲古閣

其雄力足以排衆公湖南毛晉識

三

後村別調

終

蘆川詞

目錄

賀新郎 二調

滿江紅 一調

蘭陵王 二調

念奴嬌 六調

石州慢 二調

永遇樂 二調

八聲甘州 二調

水調歌頭 十四調

風流子 一調

魚遊春水 一調

寶鼎現 一調

祝英臺近 一調

蘆川詞目

一

汲古閣

朝中措 一調

蝶戀花 二調

沁園春 二調

臨江仙 四調

醉落魄 四調

南歌子 四調

卜算子 四調

浣溪沙 十五調

柳梢青 二調

醉花陰 二調

長相思令 二調

如夢令 三調

春光好 二調

虞美人 一調

青玉案 七調

點絳脣 九調

虞美人 <small>三調</small>	漁家傲 <small>三調</small>
謁金門 <small>三調</small>	瑞鷓鴣 <small>二調</small>
好事近 <small>四調</small>	怨王孫 <small>二調</small>
喜遷鶯令 <small>一調</small>	鶴冲天 <small>一調</small>
喜遷鶯慢 <small>一調</small>	鷓鴣天 <small>一調</small>
憶秦娥 <small>一調</small>	明月逐人來 <small>一調</small>
小重山 <small>一調</small>	上西平 <small>一調</small>
春光好 <small>二調</small>	清平樂 <small>二調</small>
蘆川詞目	汲古閣
菩薩蠻 <small>六調</small>	樓上曲 <small>二調</small>
荳葉黃 <small>三調</small>	滿庭芳 <small>四調</small>
瑞鶴仙 <small>二調</small>	瑤臺第一層 <small>二調</small>
望海潮 <small>二調</small>	十月桃 <small>二調</small>
感皇恩 <small>四調</small>	夏雲峯 <small>一調</small>
千秋歲 <small>一調</small>	水龍吟 <small>一調</small>
南鄉子 <small>一調</small>	捲珠簾 <small>一調</small>
醉蓬萊 <small>一調</small>	隴頭泉 <small>一調</small>

天仙子 <small>一調</small>	鵲橋仙 <small>一調</small>
漁父家風 <small>一調</small>	生查子 <small>一調</small>
減字木蘭花 <small>一調</small>	眼兒媚 <small>一調</small>
昭君怨 <small>一調</small>	夜遊宮 <small>一調</small>
綵鸞歸令 <small>一調</small>	江神子 <small>一調</small>
西江月 <small>一調</small>	訴衷情 <small>一調</small>
採桑子 <small>一調</small>	菩薩蠻 <small>二調</small>
浣溪沙 <small>一調</small>	好事近 <small>一調</small>
蘆川詞目	汲古閣
南歌子 <small>一調</small>	醉花陰 <small>一調</small>
點絳脣 <small>一調</small>	花心動 <small>一調</small>
驀山溪 <small>一調</small>	踏莎行 <small>一調</small>
蘆川詞目錄終	

蘆川詞

宋 張元幹

賀新郎

送胡邦衡待制赴新州

夢繞神州路。恨秋風、連營畫角。故宮離黍。底事崑崙傾砥柱。九地黃流亂注。聚萬落千村狐兔。天意從來高難問。況人情、老易悲難訴。更南浦。送君去。涼生岸柳催殘暑。耿斜河、疎星淡月。斷雲微度。一作萬里江山知何處。回首對床夜語。雁不到、書成誰與。目盡青天懷今古。肯兒曹、恩怨相爾汝。舉大白、聽金縷。

蘆川詞

汲古閣

又寄李伯紀丞相

曳杖危樓去。斗墜天、滄波萬頃。月流煙渚。掃盡浮雲風不定。未放扁舟夜渡。宿雁落寒蘆深處。悵望關河空弔影。正人間、鼻息鳴鼙鼓。誰伴我、醉中舞。十年一夢揚州路。倚高寒、愁生故國。氣吞驕虜。要斬樓蘭三尺劍。遺恨琵琶舊語。謾

暗澀銅華

一作一塵土

喚取謫仙平章看。過蒼溪

尚許坐綸否

一作風浩蕩

欲飛一作舉

滿江紅

自豫章阻風吳城山作。或作春草誤。或誤入片玉集

春水迷天桃花浪。幾番風惡雲乍起。遠山遮盡晚風還。作綠遍芳洲生杜若。楚帆帶雨煙中落。傍向來沙嘴共停橈。傷飄泊。寒猶在衾偏薄。腸欲斷。愁難著。倚篷窗無寐。引盃孤酌。寒食清明都過却。最憐輕負年時約。想小樓終日望歸。蘆川詞 二 汲古閣

舟人如削

蘭陵王

恨春

卷珠箔。朝雨輕陰乍閣。閣外煙柳弄晴芳草。侵階映紅藥。東風妬花惡。吹落梢頭嫩萼。屏山掩。沉水倦熏中。酒心情怕。盃勺尋思舊京洛。正年少。疎狂歌笑。迷著障泥油壁。催梳掠。曾馳道。同載上林攜手。燈夜初過。早共約。又爭信。漂泊。寂寞念行樂。甚粉淡衣襟。音斷絃索。瓊枝

璧月春如昨，悵別後華表。卽回雙鶴，相思除是
向醉裏、慙忘却。

又

綺霞散空碧，留晴向晚東。風裏天氣，困人時節，
軟艷閉深院。簾旌翠波，颭窗影殘紅，一線春光。
巧花臉、柳腰勾引，芳菲鬧、鶯燕。閑愁費消遣。
想蛾綠輕暈，鸞鑑新怨。單衣欲試，寒猶淺，羞衾
鳳空展。塞鴻難託，誰問潛寬舊帶，眼念人似天。
蘆川詞

汲古閣

念奴嬌

江天雨霽，正露荷擎翠，風槐搖綠。試問秦樓，今
夜裏、愁到闌干幾曲。笑撚黃花，重題紅葉，無奈
歸期促。算雲千里，桂花初綻，寒玉有誰伴我。
淒涼除非分付與，盃中醺醖。水本無情，山又遠。

回首煙波雲木，夢繞西園。魂飛南浦。自古情難
足，舊遊何處。落霞空映孤鶩。

又

丁卯上巳燕集葉尚書蕊香堂賞海棠卽席賦之

蕊香深處，逢上已，生怕花飛紅雨。萬點臙脂，遮
翠袖，誰識黃昏凝佇。燒燭呈妝，傳盃繞檻，莫放
春歸去。垂絲無語，見人却似羞妒。修禊當時，
今日群賢，絃管裏、英姿如許。寶曆羅衣，應未有
許多陽臺神女。氣湧三山，醉聽五鼓，休更分今
蘆川詞

汲古閣

古壺中天地，大家著意留住。

又

代洛濱次石林韵

吳淞初冷，記垂虹南望，殘日西沉。秋入青冥，三
萬頃、蟾影吞盡湖陰。玉斧爲誰，水輪如許，宮闕
想寒深。人間奇觀，古今豪士，悲吟蒼弁丹頰。
仙翁淮山風露底，曾賦幽尋。老去專城，仍好客
時擁歌吹。登臨坐揖，龍江舉盃，相屬桂子落波
心。一聲猿嘯，醉來虛籟，千林。

又題徐明叔海月吟笛圖

秋風萬里湛銀潢清影冰輪寒色八月靈槎
興去織女機邊爲客山擁雞林江澄鴨綠四顧
滄溟窄醉來橫吹數聲悲憤誰測飄蕩貝闕
珠宮群龍驚睡起馮夷波激雲氣蒼茫吟歎處
鼉吼鯨奔天黑回首當時蓬萊方丈好箇歸消
息而今圖畫謾教千甲傳得

又

蘆川詞

五

汲古閣

寒綃素壁露華濃群玉峯巒如洗明鏡池開秋
水淨冷浸一天空翠荷芰波生菰蒲風動驚起
魚龍戲山河影裏十分光照人世誰似老子
癡頑胡床欹坐自引壺觴醉裏悲歌歌未徹
屋角烏飛星墜對影三人停盃一問誰解騎鯨
意玉京何處翠樓空鏤十二

又

已卯中秋和陳丈少卿韵

坐虹望極埽太虛纖翳明河翻雪一碧天光波

萬頃湧出廣寒宮闕好事浮家不辭百里俱載
如花頰琴高雙鯉鼎來同醉孤絕浩蕩今夕
風煙人間天上別似尋常月陶冶三高千古恨
賞我中秋清節八十仙翁雅宜圖畫寫取橫江
檣平生奇觀夢回猶竦毛髮

石州慢

寒水依痕春意漸回沙際煙闊溪梅晴照生香
冷蕊數枝爭發天涯舊恨試看幾許消魂長亭

蘆川詞

六

汲古閣

門外山重叠不盡眼中青是愁來時節情切
畫樓深閉想見東風暗銷肌雪辜負枕前雲雨
樽前花月心期切處更有多少淒涼殷勤留與
歸時說到得再相逢恰經年離別

又

已酉秋吳興舟中

雨急雲飛瞥然驚散算天涼月誰家疎柳低迷
幾點流螢明滅夜帆風駛滿湖煙水蒼茫菰蒲
零亂秋聲咽夢斷酒醒時倚危檣清絕心折

長庚光怒群盜縱橫逆胡猖獗欲挽天河一洗
中原膏血兩宮何處塞垣祗隔長江唾壺空擊
悲歌缺萬里想龍沙泣孤臣吳越

永遇樂

宿鷗盟軒

月仄金盆江縈羅帶涼颼天際摩詰丹青營丘
平遠一望窮千里白鷗盟在黃梁夢破投老此
心如冰耿無眠披衣顧影乍聞遶堦絡緯百
年倦客三生習氣今古到頭誰是夜色蒼茫浮

蘆川詞

七

汲古閣

雲滅沒舉世方熟寐誰人著眼放神八極逸想
寄塵寰外獨凭闌雞鳴日上海山霧起

又

爲洛濱橫山作

飛觀橫空衆山繞甸江面相照曲檻披風虛簷
挂月據盡登臨要有時巾屨訪公良夜坐我半
天林杪攬浮丘飄飄衣袂相與似遊蓬島主
人勝度文章英妙合住北扉西沼何事十年風
灑露沐不厭江山好曲屏端有吹簫人在同倚

算雲清曉棄除了人間寵辱付之一笑

八聲甘州

陪筠翁小酌橫山閣

倚凌空飛觀展營丘臥軸恍移時漸微雲點綴
參橫斗轉野闊天垂草樹縈迴島嶼杳霭數峰
低共一樽明月顧影爲誰俛仰乾坤今古正
嫩涼生處濃露初霏據胡床殘夜唯我與公知
念老去風流未減見向來人物幾興衰身常健
何妨遊戲莫問棲遲

蘆川詞

八

汲古閣

又

西湖有感寄劉晦翁

記當年共飲醉画舫搖碧罽花釵問蒼顏華髮
煙簑雨笠何事重來看盡人情物態冷眼只堪
吟賴有西湖在洗我塵埃夜久波光山色間
淡粧濃抹水鑑雲開東湖頭千丈江海兩崔嵬
曉涼生荷香撲面洒天邊風露逼襟懷誰同賞
通宵無寐斜月低回

水調歌頭

同徐師川泛太湖舟中作

落景下青嶂高浪卷滄洲平生頗慣江海掀舞
木蘭舟百二山河空壯底事中原塵漲喪亂幾
時休澤畔行吟處天地一沙鷗想元龍猶高
臥百尺樓臨風酹酒堪笑談話覓封侯老去英
雄不見惟與漁樵爲伴回首得無憂莫道三伏
熱便是五湖秋

又和薌林居士中秋

閨餘有何好一歲兩中秋滕王高閣曾醉月湧

蘆川詞

九

汲古閣

大江流今夜釣龍臺上還是當時逢閨佳句記
英遊看山兼看月登閣復登樓別離久今古
恨大刀頭老來常是清夢宛在舊神州遐想薌
林風味甕裏自傾春色不用貫貂裘笑我成何
事搔首謾私憂

又陪福帥燕集口占以授官奴

縹緲九重閣壯觀在人間涼飈乍起四圍晴黛
入闌干已過中秋時候便是菊花重九爲壽一

樽歡今古登高意玉帳正清閒引三巴連五
嶺控百蠻元成小隊舊遊曾記竝龍山閩嶠尤
寬南顧聞道天邊雨露持橐詔新頒且擁笙歌
醉廊廟更徐還

又

平日幾經過重到更留連黃塵烏帽覺來眼界
忽醒然坐見如雲秋稼莫問雞蟲得失鴻鵠下
翩翩四海九州大何地著飛仙吸湖光吞蟾
蘆川詞

十

汲古閣

影倚天圓胸中萬頃空曠清夜炯無眠要識世
間閒處自有樽前深趣且唱釣魚船調鼎他年
事妙手看烹鮮

又

雨斷翻驚浪山暝擁歸雲麥秋天氣聊泛征棹
泊江村不羨腰間金印却愛吾廬高枕無事閑
柴門搔首煙波上老去任乾坤白綸巾玉麈
尾一盃春性靈陶冶我輩猶要箇中人莫變姓

名吳市且向漁樵爭席與世共浮沉目送飛鴻
去何用画麒麟

又

露下菱歌遠螢傍藕花流臨溪堂上望中依舊
柳邊洲晚暑冰肌沾汗新浴香綿撲粉湘簾月
華浮長記開朱戶不寐待歸舟恍重來思往
事攬離愁天涯何處未應容易此生休莫問吳
霜點鬢細與蠻牋封恨相見轉綢繆雲雨陽臺

廬川詞

十一

汲古閣

夢河漢鵲橋秋

又
癸酉虎丘中秋

萬里冰輪滿千丈玉盤浮廣寒宮殿西望湖海
冷光流埽盡長空纖翳散亂疎林清影風露迫
人愁徐步行歌去危坐口眠休問孤蓬緣底
事苦淹留倦遊回首向來雲臥兩星周此夜此
生長好明月明年何處歸興在南州老境一僧
父異縣四中秋

又
贈汪秀才

袖手看飛雪高臥過殘冬飄然底事春到先我
逐孤鴻挾取筆端風雨快寫胸中丘壑不肯下
樊籠大笑了今古棄興便西東一樽酒知何
處又相逢奴星結柳與君同送五家窮好是橘
封千戶正恐樓高百尺湖海有元龍目光在牛
背馬耳射東風

又

廬川詞

十二

汲古閣

今夕定何夕秋水滿東甌悲涼懷抱何事還倍
去年愁萬里碧空如洗寒浸十分明月簾捲玉
波流非是經年別一歲兩中秋坐中庭風露
下冷颼颼素娥無語相對樽酒且遲留琴罷不
堪幽怨遙想三山影外人倚夜深樓矯首望霄
漢雲海路悠悠

又
爲趙端禮作

最樂賢王子今歲好中秋夜深珠履舉盃相屬

盡名流宿雨乍開銀漢洗出玉蟾秋色人在廣
寒遊浩蕩山河影偏照岳陽樓 露華濃君恩
重判扶頭霓旌星節已隨絲管下皇州滿座燭
光花豔笑罨烏巾同醉誰問負新裘月轉簷牙
曉高枕更無憂

又追和

舉手釣鼇客削迹種瓜侯重來吳會三伏行見
五湖秋耳畔風波搖蕩身外功名飄忽何路射

盧川詞

十三

汲古閣

旄頭孤負男兒志悵望故園愁 夢中原揮老
淚遍南州元龍湖海豪氣百尺臥高樓短髮霜
黏兩鬢清夜盆傾一雨喜聽瓦鳴溝猶有壯心
在付與百川流

又

放浪形骸外顚顚山澤癯倒冠落佩此心不待
白髭髯聊復脫身鷄鶩未暇先尋水竹矯首漢
庭疎長夏啖丹荔兩紀傲閑居 忽風飄連雨

打向西湖藕花深處尚能同載翅生無聽子談
天舌本澆我書空胸次醉臥踏水壺畢竟凌煙
像何似輞川圖

又

丁丑春與鍾離少翁張元鑒登坐虹

拄策松江上舉酒酌三高此生飄蕩往來身世
兩徒勞長羨五湖煙艇好是秋風鱸膾笠澤久
蓬蒿想像英靈在千古傲雲濤 俯滄波吞空
曠恍神交解衣盤礴政須一笑屬奇曹洗盡人

盧川詞

十四

汲古閣

間塵土埽去胸中冰炭痛飲讀離騷縱有垂天
翼何用釣連鰲

又

送呂居仁召赴行在所

戎虜亂中夏星歷一周天干戈未定悲咤河洛
尚腥羶萬里兩宮無路政仰君王神武願數中
興年吾道薄洙泗何暇議伊川 呂公子三世
相在凌煙詩名獨步焉用兒輩更毛箋好去承
明讜論照映金猊帶穩恩與荔枝偏回首東山

路池閣醉雙蓮

風流子

政和間過延平雙谿閣落成席上賦

飛觀插彫梁憑虛起縹緲五雲鄉對山滴翠嵐
兩眉濃黛水分雙派滿眼波光曲闌外汀煙輕
冉冉莎草細茫茫無數釣舟最宜煙雨有如圖
画渾似瀟湘使君行樂處秦箏弄哀怨雲鬢
分行心醉一缸春色滿座凝香有天涯倦客樽
前回首聽徹伊州惱損柔腸不似碧潭雙劍猶
盧川詞
十五
汲古閣

解相將

魚遊春水

芳洲生蘋芷宿雨收晴浮煥翠煙光如洗幾片
花飛點淚清鏡空餘白髮添新恨誰傳紅綾寄
溪漲岸痕浪吞沙尾老去情懷易醉十二闌
干慵遍倚雙鳬人慣風流功名萬里夢想濃粧
碧雲邊目斷孤帆夕陽裏何時送客更臨春水

寶鼎現

筠翁李似之作此詞見招因賦其事使歌之者想像風味如到山中

山莊圖画錦囊吟詠胸中丘壑年少日如虹豪

氣吐鳳詞華渾忘却便袖手向巖前溪畔種滿

煙梢霧籜想別墅平泉當時草木風流如昨

瘦藤閑倚看鉏藥雙芒屨雨後常著目送處飛

鴻滅沒誰問蓬蒿爭燕雀乍霽月望松雲南渡

短艇歌沙夜泊正萬里青冥千林虛籟從渠繒

繳攜幼尚有筠丁誰會得人生行樂岸幘綸

巾歸去深戶香迷翠幕恐未免上凌煙閣好在

盧川詞

十六

汲古閣

秋天鶚念小山叢桂今宵狂客不勝盃勺

祝英臺近

枕霞紅釵燕墜花露帶雲髻粉淡香殘猶帶宿
醒睡画簷紅日三竿慵窺鸞鑑長是倚春風無
力又經歲玉腕條脫輕鬆羞郎見顚顚何事
秋來容易又分袂可堪疎雨梧桐空堦絡緯背
人處偷彈珠淚

朝中措

次聰父韵

花陰如坐木蘭舫風露正娟娟翠蓋匝庭芳影
青蛟平地飛涎春撩狂興香迷痛飲中聖中
賢攜取一枝同夢從他五夜如年

蝶戀花

窗暗窗明昏又曉百歲光陰老去難重少四十
歸來猶賴早浮名浮利都經了時把青銅閒
自照華髮蒼顏一任傍人笑不會叅禪并學道
但知心下無煩惱

蘆川詞

十七

汲古閣

又

燕去鶯來春又到花落花開幾度池塘草歌舞
筵中人易老閉門打坐安閑好敗意常多如
意少著甚來由入關尋煩惱千古是非渾忘了
有時獨自掀髯笑

沁園春

紹興丁巳五月六夜夢與一
道人對歌數曲遂成此詞

神水華池汞鉛凝結虎龍往來問子前午後陽
銷陰長自然爐鼎何用安排靈寶玄門煙蘿真

境三日庠生兌戶開泥丸透盡周天火候平步
仙階蓬萊直上瑤臺看海變桑田飛昇埃念
塵勞良苦流光易度明珠誰得白骨成堆位極
人臣功高今古總蹈危機吞禍胎爭知我辦青
鞵布襪雁蕩天台

又

欹枕深軒散帙虛堂畏景屢移漸披襟臨水搯
床就月蓮香拂面竹色侵衣壓玉爲醪折荷爲

蘆川詞

十八

汲古閣

酸臥看銀潢星四坐人歸後任飢蟬自嘯宿鳥
相依癡兒莫蹈危機悟三十九年都盡非任
紆朱拖紫圍金珮玉青錢流地白璧如坻富貴
浮雲身名零露事事無心歸便歸秋風動正吳
松月冷尊長鱸肥

臨江仙

送王叔濟

玉立清標消晚暑胸中一段冰壺画舫歸去醉
歌珠微雲收未盡殘月炯如初鴛鴦行間催

闊步秋來樂興鳧趨煩君爲我問西湖不知疎
影畔許我結茅無

又茶蘼
有感

鶯喚屏山驚睡起嬌多須要郎扶茶蘼斗帳罷
熏爐翠穿珠落索香泛玉流蘇長記枕痕銷
醉色日高猶倦粧梳一枝春瘦想如初夢迷芳
草路望斷素鱗書

又趙端禮重陽後一
日置酒坐上賦

蘆川詞

十九

汲古閣

十日籬邊猶袖手天教冷地藏香王孫風味最
難忘逃禪留坐客度曲出宮粧判却爲花今
夜醉大家且泛鵝黃人心休更問炎涼從渠簪
髮短還我引盃長

又送宇文德和被
召赴行在所

露坐榕陰須痛飲從渠疊鼓頻催算山新月兩
裏徘徊愁秋水遠醉眼曉帆開泛宅浮家遊
戲去流行坎止忘懷江邊鷗鷺莫相猜上林消

息好鴻雁已歸來

醉落魄

浮家泛宅舊遊記雪溪縱跡此生已是天涯隔
投老誰知還作三吳客故人怪我疎髯黑醉
來猶似丁年日光陰未肯成虛擲蜀魄聲中著
處有春色

又

綠枝紅萼江南芳信年年約竹輦路轉溪橋角

蘆川詞

二十

汲古閣

晴日烘香的皦疎籬落玉臺粉面鉛花薄画
堂長記深羅幕惜花老去情猶著客裏驚春生
怕東風惡

又

一枝冰萼鬢雲低度橫波約醉扶曾罨烏巾角
長是春來腸斷寶釵落羅衣乍怯春風薄夜
深花困遮垂幙不堪往事尋思著休問尊前客
惡主人惡

又

雲鴻影落風吹小艇歌沙泊津亭古木濃陰合
一枕灘聲客睡何曾著 天涯萬里情懷惡年
華垂算猶離索佳人想見猜疑錯莫數歸期已
負當時約

南歌子

中秋

涼月今宵滿晴空萬里寬素娥應念老夫閑特
地中秋著意照人間 香霧雲鬟溼清輝玉臂
盧川詞 二十一 汲古閣

寒休教凝佇向更闌飄下桂花開早大家看

又

遠樹留殘雪寒江照晚晴分明江上數峯青倚
檻舊愁新恨一時生 春意來無際歸舟去有
程道人元自沒心情楚夢只因沈醉等閑成

又

玉露團寒菊秋風入敗荷繚牆南畔曲池渦天
迢遙岑倒影落層波 月轉簷牙短更傳漏箭

多醉來歸去意如何只爲地偏心遠慣絃歌

又

桂魄分餘暈檀香破紫心高鬟鬆綰鬢雲侵又
被蘭膏香染色沈沈 指印纖纖粉釵橫隱隱
金更闌雲雨鳳帷深長是枕前不見帶人尋

卜算子

梅

的皪數枝斜冰雪繁餘態燭外尊前滿眼春風
味年年在 老去惜花深醉裏愁多照冷蕊孤
盧川詞 二十二 汲古閣

芳底處愁少箇人人戴

又

涼氣入熏籠暗影歛花砌紫玉誰人三弄寒吹
斷江梅意 花底溼春衣隔坐風輕遞却笑笙
簫縵嶺人明月偷塗淚

又

風露溼行雲沙水迷歸艇臥看明河月滿空斗
挂蒼山頂 萬古只青天多事悲人境起舞聞

雞酒未醒潮落秋江冷

又

芳信看寒梢影入花光
画玉立風前萬里春雪
豔江天夜誰折暗香來
故把新篋瀉記得
人竝照時鬢亂斜枝惹

浣溪沙

曲室明牕燭吐光
瓦爐灰煖炷瓢香
夜闌茗椀間飛觴
坐穩蒲團憑几
黑餘紙帳掩藜床

蘆川詞

二十三

汲古閣

箇中風味更難忘

又

一枕秋風兩處涼
雨聲初歇漏聲長
池塘零落藕花香
歸夢等閒歸燕去
斷腸分付斷雲行
画屏今夜更思量

又

上仲時席
賦水犀

翡翠釵頭綴玉蟲
秋蟾飄下廣寒宮
數枝金粟露華濃
花底清歌生皓齒
燭邊疎影映酥胸

惱人風味冷香中

又

武林送
李似表

燕掠風檣款款飛
豔桃穠李開長堤
騎鯨人去曉鶯啼
可意湖山留我住
斷腸煙水送君歸
三春不是別離時

又

雲氣吞江卷夕陽
白頭波浪電飛忙
奔雷驚雨濺胡床
玉節故人同壯觀
錦囊公子更平章

蘆川詞

二十四

汲古閣

榕陰歸夢十分涼

又

山繞平湖波撼城
湖光倒影浸山青
水晶樓下欲三更
霧柳暗時雲度月
露荷翻處水流螢
蕭蕭散髮到天明

又

目送歸舟鐵甕城
隔江想見蜀山青
風前團扇僕頻更
夢裏有時身化鶴
人間無數草爲螢

此時山月下樓明

又薔薇水

月轉花枝清影疎露華濃處滴真珠天香遺恨
骨花鬢 沐出烏雲多態度暈成蛾綠費工夫
歸時分付與粧梳

又篤耨香

花氣天然百和芬仙風吹過海中春龍涎沈水
摠銷魂 清潤巧縈金縷細氤氲偏傍玉肌溫

廬川詞

二十五

汲古閣

別來長是惜餘黑

又

范才元自釀色香玉如直與綠萼梅同調宛然京洛氣味也因名曰萼綠春且作一首諺以竊嘗爲吹笙云

萼綠華家萼綠春山瓶何處下青雲濃香氣味
已醺人 竹葉傳盃驚老眼松醪題賦倒綸巾

須防銀字暎朱唇

又

戲簡宇文德和求拈香

花氣蒸濃古鼎煙水沉春透露華鮮心清無暇

數龍涎 乞與病夫僧帳座不妨公子醉茵眠

普熏三界埽腥膻

又求年例貢餘香

花氣熏人百和香少陵佳句是仙方空教蜂蝶
爲花忙 和露摘來輕換骨傍懷聞處惱迴腸
去年時候入思量

又

殘臍晴寒出衆芳風流勾引破春光年年長爲

廬川詞

二十六

汲古閣

此花忙 夜久莫教銀燭炮酒邊何似玉臺粧
冰肌溫處覓餘香

又

斐几明窗樂未央熏爐茗椀是家常客來長揖
對胡床 蟹眼湯深輕泛乳龍涎灰煨細烘香
爲君行草寫秋陽

又書大同驛壁

榕葉枕榔驛枕谿海風吹斷瘴雲低薄寒初覺

到征衣 歲晚可堪歸夢遠愁深偏恨得書稀
荒庭日脚又坐西

柳梢青

海山浮碧細風絲雨新愁如織慵試春衫不禁
宿酒天涯寒食 歸期莫數芳辰誤幾度回廊
夜色入戶飛花隔簾雙燕有誰知得

又

小樓南陌翠幘金勒誰家春色冷雨吹花禁煙

盧川詞

二十七

汲古閣

怯柳傷心行客 少年百萬呼盧擁越女吳姬
共擲被底香濃樽前燭滅如今消得

醉花陰

紫樞澤笏趨龍尾平入鈞衡位春殿聽宣麻爭
喜登庸何似今番喜 崑臺宜有神仙裔奕世
貂蟬貴玉砌長蘭芽好擁笙歌長向花前醉

又

翠箔陰陰籠西閣昨夜東風惡芳徑滿香泥南

陌東郊惆悵妨行樂 傷春比似年時惡潘鬢
新來薄何處不禁愁雨滴花腮和淚臙脂落

長相思

香煥幃玉煥肌嬌臥嗔人來睡遲印殘雙黛眉
蟲聲低漏聲稀驚枕初醒燈暗時夢人歸未
歸

又

花下愁月下愁花落月明人在樓斷腸春復秋

盧川詞

二十八

汲古閣

從他休任他休如今青鸞不自由看看天盡
頭

如夢令

七

雨洗青冥風露雲外雙星初度乞巧夜樓空月
妒回廊私語凝佇凝佇不似去年情緒

又

潮退江南晚渡山閣水西煙雨天氣十分涼斷
送一年殘暑歸去歸去香霧曲屏深處

又

臥看西湖煙渚綠
葢紅粧無數簾捲曲欄風拂
面荷香吹雨歸去
去笑損花邊鷗鷺

春光好

疎雨洗細風吹淡黃時
不分小亭芳草綠映簷
低樓下十二層梯日長影裏鶯啼倚遍闌干
看盡柳憶腰肢

又

蘆川詞

二十九

汲古閣

吳綾窄藕絲重一鈎紅翠被眠時
要人煥著懷中六幅裙窄輕風見人遮盡行蹤
正是踏青天氣好憶弓弓

虞美人

開殘桃李春方到誰送東風早
惜幽徑踏餘花却對綠陰青子問年華
迢迢雲水橫清淺不遣愁眉展
數竿脩竹自橫斜猶有小窗朱戶
似儂家

青玉案

禮趙端
禮堂成

華裾玉轡青絲鞵記年少金吾從花底朝回珠
翠擁曉鐘初斷宿醒猶帶綠鑲窗中夢天涯
相遇鞭鸞鳳老去堂成更情重月轉簷牙雲遶
棟涼吹香霧酒迷歌扇春筍傳盃送

又再和

王孫陌上春風輕蕊珠宴雲輶從歸去笙歌常
醉擁蠟殘花炬月侵水簾慣作涼堂夢玉人

蘆川詞

三十

汲古閣

勸客釵斜鳳條脫擎盃腕嫌重燕子入簾飛
畫棟雨餘深院漏催清夜更軋秦箏送

又生朝

花王獨占春風遠看百卉芳菲遍五福長隨今
日宴粉光生豔寶香飄霧方響流蘇頤壽祺
堂上脩篁畔乳燕雙雙賀新院玉笋明年何處
勸旌幢滿路貂蟬宜面歸覲黃金殿

又詩翁生朝

水芝香遠搖紅影泛瑞靄橫山頂縹緲笙歌雲
不定玉鈎斜挂素蟾初滿醉愜浮瓜冷庭蘭
戲彩傳金鼎小袖青衫更輝映誰道筠溪歸計
近秋風催去鳳池難老長把中書印

又生朝

銀潢露洗水輪皎謫仙下蓬萊島簾捲橫山珠
翠繞生朝香霧玳筵絲管長醉壺天曉金鑾
夜鏤麻新草入輔明光拜元老看取明年人摠
廬川詞
道中興賢相太平時世分外風光好

汲古閣

又

月華冷沁花梢露芳意戀香肌住心字龍涎饒
濟楚素馨風味碎瓊流品別有天然處圍爐
屈曲宜深炷留取春光向朱戶綠綺聲中誰暗
許小窗歸去夢回猶記金鼎分雲縷

又

賀方回所作世間和韵者多矣余經行
松江何嘗百回念欲下一轉語了無好
懷此來偶有得當與吾宗椿老子載酒
浩歌西湖南山間寫我滯思二公不可

平生百繞坐虹路看萬頃翻雲去山澹夕暉帆
影度菱歌風斷襪羅塵散總是關情處少年
陳迹今遲算走筆猶能醉詩句花底目成心暗
許舊家春事覺來客恨分付疎篷雨

點絳脣

丙寅秋社前一日
溪光亭大雨作

山暗秋雲暝鴉接翅啼榕樹故人何處一夜溪
亭雨夢入新涼只道消殘暑還知否燕將雛
廬川詞
去又是流年度

三十二

汲古閣

又

水驛凝霜夜帆風駛潮生曉酒醒寒悄枕底波
聲小好去歸舟有箇人風調君行了此歡應
少索共梅花笑

又

春曉輕雷采蘋洲上清明雨亂雲遮樹暗澹江
村路今夜歸舟綠潤紅香處遙山算畫樓何

許喚取潮回去

又

画閣深圍煥紅光裏芳林影暗香成陣上下花
相映 倒挂疎枝月落參橫冷休裝景要人酒
醒除是花枝並

又生朝

嵩洛雲煙間生真相耆英裔要知貽背難老中
和氣 報道玉堂已草調元制華夷喜繡裳貂

蘆川詞

三十三

汲古閣

珥便向東山起

又皇洛道釣
谿二老

清夜沈沈暗蛩啼處簷花落乍涼簾幙香遶屏
山角 堪恨歸鴻情似秋雲薄書難託儘教寂
寞忘了前時約

又

醉泛吳松小舟誰怕東風大舊時經過曾向垂
虹卧 月淡霜天今夜空清坐還知麼滿樹高

和只有君知我

又

減塑冠兒寶釵金縷雙綏結怎教寧帖眼兒惱
裏劣 韵底人人天與多磨折休分說放燈時
節閒了花和月

又

水鷁風帆兩眉只解相思皺悄然難受教我怎
唧啾 待得書來不管歸時瘦嬌癡後是事攔

蘆川詞

三十四

汲古閣

就只這難依口

虞美人

廣寒蟾影開雲路目斷愁來處菊花輕泛玉盃
空醉後不知星斗亂西東 今宵入夢陽臺雨
誰忍先歸去酒醒長是五更鐘休念舊遊吹帽
幾秋風

又

西郊追賞尋芳處聞道衝寒去雨肥紅綻向南

枝歲晚纔開應是忒春遲 天涯樂事王孫貴
花底還君醉有人風味勝疎梅醉裏折花歸去
更傳盃

又

菊坡九日登高路往事知何處陵遷谷變總成
空回首十年秋思吹臺東 西窗一夜蕭蕭雨
夢遶中原去覺來依舊畫樓鐘不道木樨香撼
海山風

蘆川詞

三十五

汲古閣

漁家傲

題玄真子圖

釣笠披雲青障繞 檣頭雨細春江渺 白鳥飛來
風滿棹收綸了 漁童拍手樵青笑 明月太虛
同一照浮家泛宅忘昏曉 醉眼冷看城市鬧煙
波老誰能惹得閑煩惱 若溪漁隱云張仲宗有
漁家傲詞余往歲在錢塘與仲宗從游甚久仲宗手寫此詞相示云舊
所作也其詞第二句元是檣頭雨細春江渺余
謂仲宗曰檣頭雖是船名今以雨襯之語晦
而病因爲改作綠簑雨細仲宗笑以爲然

又

樓外天寒山欲冱溪邊雪靄藏雲樹小艇風斜
沙嘴露流年度春光已向梅梢住 短夢今宵
還到否葦村四望知何處客裏從來無意緒催
歸去故園正要鶯花主

又奉陪富公季申探梅有作

寒食西郊湖畔路天低野闊山無數路轉岡斜
花滿樹絲吹雨南枝占得春光住 藉草携壺
花底去花飛酒面香浮處老手調羹當獨步須

蘆川詞

三十六

汲古閣

記取坐中都是芳菲侶

謁金門

或刻秦處度

鴛鴦渚春漲一江花雨別岸數聲初過櫓晚風
生碧樹 艇子相呼相語載取暮愁歸去寒食
煙村芳草路愁來無著處

又

道山亭餞張椿老赴行在

風露底石上岸巾愁起月到房心天似水亂峯
清影裏 此去登瀛須記今夕道山同醉春殿

明年人共指玉皇香案吏

又送康伯僧

清光溢影轉画簷涼入風露一天星斗溼無雲
天更碧滿引送君何惜記取吾曹今夕目斷
秋江君到日潮來風正急

瑞鷓鴣

雛鶯初轉鬪尖新雙燕花嬌掌上身揔解滿斟
偏勸客多生俱是綺羅人回波偷顧輕招拍

盧川詞

三十七

汲古閣

方響低敲更合箏豈蔻梢頭春欲透情知巫峽
待爲雲

又彭德器出示胡邦衡新句次韵

白衣蒼狗變浮雲千古功名一聚塵好是悲歌
將進酒不妨同賦惜餘春風光全似中原日
臭味要須我輩人雨後飛花知底數醉來贏得
自由身

好事近

老去更思歸芳草正薰南陌上已又逢寒食歎
三年爲客吹花小雨溼鞦韆閒却好春色天
甚不憐人老早教人歸得

又

梅潤乍晴天簾捲画堂風月珠翠共迷香霧是
長年時節瑤池清夜宴群仙鸞笙未吹徹西
母醉中微笑看蟠桃初結

又

盧川詞

三十八

汲古閣

春色到花房芳信一枝偏好勾引萬紅千翠爲
化工呈巧花姑玉貌笑東風今朝放春早看
取鬢邊幡勝永宜春難老

又

斗帳炷爐熏花露裊成鄉澤紫透雪兒金縷醉
玉壺春色非煙非霧鎖窗中玉孫倦遊客不
道粉牆南畔也有人聞得

怨王孫

小院春晝晴窗霞透著雨胭脂倚風翠袖芳意

惱亂人多煨金荷多情不分群葩後傷春瘦

淺黛眉尖秀紅潮醉臉半掩花底重門怨黃昏

又紹興乙丑春二月既望季文中置酒溪閣日暮雨過盡得雲煙變態如對管丘

著色山坐客有歌怨王孫者請予賦其情抱葉子謙爲作三弄吹雲裂石旁若無人永福前此所未見也老子於此興復不淺

霽雨天迥平林煙暝燈閃沙汀水生釣艇樓外

柳暗誰家柳暗誰家

蘆川詞

三十七

汲古閣

小研魚牋信屏山半掩微醉獨倚闌干恨春寒

喜遷鶯

送何晉之大著兄趨朝歌以侑酒

文倚馬筆如椽桂殿蚤登仙舊遊冊府記當年

袞繡合貂蟬慶天申瞻玉座鵷鸞正陪班看

君穩步過花輶歸院引金蓮

鶴冲天

呈富樞密○向亦作喜遷鶯今誤

雲葉亂月華光羅幕捲新涼玉醅初泛嫩鶯黃

花露滴秋香地行仙天上相風度世間人樣

懸知洗盞徑開嘗誰醉伴禪床

喜遷鶯

鹿鳴宴作

雁塔題名寶津盼宴盛事簪紳常說文物昭融

聖代搜羅千里爭趨丹闕元侯勸駕鄉老獻書

發軔龜前列山川秀園觀衆多無如閩越豪

傑姓標紅紙帖報泥金喜信歸來俱捷騎馬蘆

鞭醉坐藍綬吹雪芳□□月素娥情厚桂花一

任郎君折須滿引南臺又是合沙時節

蘆川詞

四十

汲古閣

鷓鴣天

不怕微霜點玉肌恨無流水照冰姿與君著意

從頭看初見東南第一枝人散後雪晴時隴

頭春色寄來遲使君本是花前客莫怪殷勤爲

賦詩

憶秦娥

桃花萼雨肥紅綻東風惡東風惡長亭無寐短

書難託征衫辜負深閨約禁煙時候春羅薄

春羅薄多應消瘦可忼梳掠

明月逐人來燈夕趙端禮席上

花迷珠翠香飄羅綺簾旌外月華如水煥紅影
裏誰會王孫意最樂昇平景致長記宮中五
夜春風鼓吹遊仙夢輕寒半醉鳳幃未煖歸去
熏濃被更問陰晴天氣

小重山

誰向晴窗伴素馨蘭芽初秀發紫檀心國香幽
蘆川詞四十一汲古閣

艷最情深歌白雪低少一張琴新月冷光侵
醉時花近眼莫頻斟薛濤箋上楚妃吟空凝睇
歸去夢中尋

上西平

一作金人捧露盤

臥扁舟聞寒雨數佳期又還是輕誤仙姿小樓
夢冷覺來應恨我歸遲鬢雲鬆處枕檀斜露泣
花枝名與利空縈繫添顚謾孤恁得見了
說與教知偎香倚燠夜爐圍定酒溫時任他飛

雪洒江天莫下層梯

春光好爲楊聰父侍兒切餽作

花恨雨柳嫌風客愁濃坐久霜刀飛碎雪一樽
同勞煩玉指春蔥未放筇金盤已空更與箇
中尋尺素兩情通

又

寒食近踏青時畫堂西可是春來偏倦繡乍生
兒香綿輕拂臙脂加文褙初試斑衣悄沒工
蘆川詞四十二汲古閣

夫存問我且憐伊

清平樂

亂山深處雪擁溪橋路曉日乍明催客去驚起
玉鴉翻樹翠衾香煥檀灰一枝想見疎梅憑
仗東風說與畫眉人共春回

又

明珠翠羽小綰同心縷好去吳松江上路寄與
雙魚尺素蘭橈飛取歸來愁眉待得伊開相

見嫣然一笑眼波先入郎懷

菩薩蠻

天涯客裏秋容晚
妖紅聊戲忠鄉眼
一朶醉深粧
羞渠照鬢霜
開時誰斷送
不待司花共有
脚號陽春芳
非屬主人

又 戲呈周介卿

拍堤綠漲桃花水
画舸穩泛東風裏
絲雨溼苔錢
淺寒生禁煙
江山留不住
却載笙歌去
醉

蘆川詞

四十三

汲古閣

倚玉搔頭幾曾知
旅愁

又 三月晦送春有集坐中偶書

春來春去催人老
老夫爭肯輸年少
醉後少年狂
白髭殊未妨
插花還起舞
管領風光處
把酒共留春
莫教花笑人

又

雨餘翠袖瓊膚潤
一枝想像傷春困
老眼見花時
惜花心未衰
釀成誰與醉
應把流蘇綬
淚

沁枕囊香惱儂歸夢長

又 政和壬辰東都作

黃鶯啼破紗窗曉
蘭缸一點窺人小
春淺錦屏寒
麝煤金博山
夢回無處覓
細雨梨花溼
正是踏青時
眼前偏少伊

又

甘林玉蘂生香霧
遊蜂爭採清晨露
芳意著人濃
微烘曲室中
春來瀛海外
沈水迎風碎
好

蘆川詞

四十四

汲古閣

事付餘熏頻分幾縷雲

樓上曲

樓外夕陽明
遠水樓中人
倚東風裏何事有情
怨別離
低鬟背立君應知
東望雲山君去路
斷腸迢迢盡愁處
明朝不忍見雲山
從今休傍曲闌干

又

清夜燈前花報喜
心隨社燕涼風起
雲路修成

寶月時東樓悵望君先期 沉瀝秋香生玉井
画檐深轉梧桐影看君西去侍明光盃中丹桂
一枝芳

荳葉黃

唐腔也爲伯南
賦早梅復和韵

冰溪疎影竹邊春翠岫天寒炯算雲雪裏精神
澹佇人隔重門寶粟生香玉半溫

又

疎枝冷藥忽驚春一點芳心入鬢雲風韵情知

蘆川詞

四十五

汲古閣

似玉人笑迎門香煨紅爐酒未溫

又

見草堂
別集

輕羅團扇掩微羞酒滿坡垠花滿頭小板齊聲
唱石州月如鈎一寸橫波入鬢流

滿庭芳

詩

梁苑春歸章街雪霽柳梢花夢初萌非煙非霧
新歲樂昇平京兆雍容報政金猊過九陌塵輕
朝回處青霄路穩黃色起天庭 東風吹綠鬢

薄羅剪綵小綰流鶯比渭濱甲子尚父難兄滿
泛椒觴獻壽斑衣侍雲母分屏明年會雙衣對
引談笑秉鈞衡

又

壽富
樞密

韓國殊勛洛都西內名園甲第相連當年綠鬢
獨占地行仙文彩風流瑞世延朱履絲竹喧闐
人皆仰一門相業心許子孫賢 中興方慶會
再逢甲子重數天先問千齡誰比五福俱全此

蘆川詞

四十六

汲古閣

去沙隄步穩調金鼎七葉貂蟬香檀緩盃傳鸚
鵡新月正娟娟

又

爲趙西
宗外壽

玉葉聯芳天潢分潤壽筵長對熏風間平襟度
濮邱行尊崇忠孝家傳大雅無喜恨一種寬容
芝蘭盛綵衣嬉戲親睦冠西宗 絲綸膺重寄
遙防遷美本鎮恩隆應萱堂齊福誕月仍同花
藥香濃氣煨凝瑞露滿酌金鍾龍光近星飛驛

馬宣入嗣王封

又

三十年來雲游行化草屨踏破塵沙徧參尊宿
曾記到京華衲子如麻似粟誰□笑瞿老拈花
經離亂青山盡處海角又天涯 今宵閑打睡
明朝粥鉢隨分僧家把木佛燒却除是丹霞撞
著門徒施主驀然箇喜捨由他廬陵米還知價
例毫髮更無差

廬川詞

四十七

汲古閣

瑞鶴仙

壽

倚格天峻閣舞庭槐陰轉盆榴紅爍香風泛簾
幙擁霞裾瓊珮真珠璫瑤華陽慶渥誕蘭房流
芳秀萼有赤繩繫足從來相問自然媒妁 遊
戲人間榮貴道要元微水源清濁長生大樂彩
鸞韵鳳簫鶴對木公金母子孫三世婦姑爲壽
滿酌看千齡舉家飛昇玉京更樂

又壽

喜西園放鑰對燕寢香潤棠陰寒薄東風夜來

惡禁煙時天氣鶯啼花落新晴共約怕韶光容

易過却把銅壺緩泛金盃被袂嬉遊行樂 絃

索笙簧聲裏還記蘭房正垂羅幕初眠柳弱梅

如豈玉如琢向鳳皇池上鴛鴦影裏他年何啻

紫橐看流芳繼踵韋平盛傳鞶洛

瑤臺第一層

壽

寶曆祥開飛練上青冥萬里光石城形勝秦淮

廬川詞

四十八

汲古閣

風景威鳳來翔臘餘春色早兆釣璜賢佐興王

對熙旦正格天同德全魏分疆 煒煌五雲深

處化鈞獨運斗魁旁繡裳龍尾千官師表萬事

平章景鍾文瑞世醉尙方難老金漿慶垂裳看

雲屏間坐象笏堆床

又

江左風流鍾間氣洲分二水長鳳皇臺畔投懷

玉燕照社神光豈花初秀雨散暑空洗出秋涼

慶生旦正圓蟾呈瑞仙桂飄香 肝腸揆文摘
錦駕雲乘鶴下鵷行紫樞將命紫微如絳常近
君王舊山同梓里荷月旦久已平章九霞觴薦
刀圭丹餌袞繡朝裳

望海潮

癸卯冬爲建守趙
季西賦碧雲樓

蒼山煙澹寒谿風定玉簪羅帶綢繆輕雷算飛
青冥遠淨珠星璧月光浮城際涌層樓正翠簾
高卷綠瑣低鈎影落尊鼻氣和歌管共清遊

盧川詞

四十九

汲古閣

史君冠世風流擁香鬟凭檻霧鬢凝眸銀燭煥
宵花光照席譙門莫報更籌逸興醉無休賦探
梅芳信翻曲新謳想見疎枝冷蕊春意到沙洲

又爲富樞密
生朝壽

麒麟圖畫貂蟬冠冕青檀自屬元勳綠野舊遊
平泉雅詠霞舒煙卷朝昏風月小陽春照玳筵
珠履公子王孫雪度崧高影橫伊水慶生申
早梅長醉芳樽況中興盛際有密宗臣琳館奉

祠金甌覆宇和羹妙手還新光射紫微垣看五
雲朝斗千載逢辰開取八荒壽域一氣轉洪鈎

十月桃

年華催晚聽樽前偏唱衝煥欺寒樂府誰知分
付點化金丹中原舊遊何在頻入夢老眼空潸
潸人冷蒞渾似當時無語低鬟 有多情多病
文園向雪後尋春醉裏凭闌獨步群芳此花風
度天然羅浮淡粧素質呼翠鳳飛舞爛斑參橫

盧川詞

五十

汲古閣

月落留恨醒來滿地香殘

又爲富
樞密

蟠桃三熟正清霜吹冷愛日烘香小試芳菲時
候無限風光洛濱老人星見□少室雲物開祥
丹青萬彙熊兆崑臺鳳舉朝陽 向元樞曾輔
岩廊記名著金甌位入中堂夢熟釣天屢驚顛
倒衣裳黃髮更宜補袞歸去定軍國平章筦絃
珠翠蘭玉簪纓歲歲稱觴

感皇恩 壽

綠髮照魁星平康爭看錦繡肝腸五千卷出逢
熙運蚤侍玉皇香案禁塗揚歷遍紆宸眷安
養老成十年蕭散天要中興相公健生朝開宴
長是通宵絃筦藕花香不斷南風遠

又 壽

年少太平時名園甲第談笑雍容萬鍾貴姚黃
重綻長對小春天氣綺羅叢裏慣今朝醉台

蘆川詞

五十一

汲古閣

衮象賢元樞虛位壯歲青雲自曾致流霞麟脯
難老洛濱風味謝公須再爲蒼生起

又 壽

荔子著花繁清微庭院賀厦雙飛画梁燕綺羅
叢裏百和爐煙祝願願從今日去身長健檀
板競催榕陰初轉舞袖風前翠翹顫明年開府
錫宴金鍾宣勸壽星朝北斗君王眷

又 壽

豹尾引黃幡宣麻金殿雨露恩濃自天遣搢紳
交譽最樂至誠爲善信知宗姓喜君王眷寶
炬密香玉卮波灩醉擁笙歌夜深院西清班近
雅稱元戎同燕要看茅王相貂蟬面

夏雲峯

丙寅六月
爲筠翁壽

湧水輪飛沆瀣霄漢萬里雲開南極瑞占象緯
壽應三台錦腸珠唾鍾間氣卓犖天才正暑有
祥光照社玉燕投懷新堂深處捧盃乍香泛

蘆川詞

五十二

汲古閣

水芝空翠風迴涼送豔歌緩舞醉墮瑤釵長生
難老都道是柏葉仙階笑傲且山中宰相平地
蓬萊

千秋歲

壽

相門出相和氣濃春釀傳家冠珮雲臺上麗眉
扶壽杖綠髮披仙氅星兩兩泰階已應昇平象
玉砌蘭芽長定向東風賞添綵袖褰羅幌絲
簧俱妙手珠翠爭宮樣江海量年年醉裏翻新

喝

水龍吟

周總領
生朝

水晶宮映長城藕花萬頃開浮藻紅粧翠蓋生
朝時候湖山搖曳珠露爭圓香風不斷普熏沈
水似瑤池侍女霞裾緩步壽煙光裏霖雨已
沾千里兆豐年十分和氣星郎綠鬢錦波春釀
碧筩宜醉荷葉還朝青氈奕世除書將至看巢
龜戲葉蟠桃著子祝三千歲

蘆川詞

五十三

汲古閣

南鄉子

壽

山寺輞川圖霜葉雲林錦繡居壽竿浮春珠翠
擁歡娛滿院流泉繞綺疏道氣自膚腴几席
輕塵一點無天要耆英修相業清都已有泥書
降玉除

捲珠簾

壽

祥景飛光盈袞繡流慶崐臺自是神仙胄誰遣
陽和放春透化工重入丹青手雲璈錦瑟爭

爲壽玉帶金魚共願人長久偷取蟠桃薦芳酒
更看南極星朝斗

醉蓬萊

壽

對小春桃豔曲室爐紅乍寒天氣七葉蓂開應
金章通貴夢草銀鈞燦花珠唾是素來風味滿
腹經綸回天議論崑臺仙裔秘殿陞華紫樞
勛舊退步真祠簡心端宸迎日天元聽正衙宣
制盡洗中原徧爲霖雨宴後堂歌吹柏子千秋

蘆川詞

五十四

汲古閣

丹砂九轉今宵長醉

隴頭泉

少年時壯懷誰與重論視文章其成小技要知
吾道稱尊奏公車治安秘計樂油幕談笑從軍
百鎰黃金一雙白壁坐看同輩上青雲事大謬
轉頭流落徒走出修門三十載黃梁未熟滄海
揚塵念向來浩歌獨往故園松菊猶存送飛
鴻五絃寓目望爽氣西山忘言整頓乾坤廓清

宇宙男兒此志會須伸更有幾渭川垂釣投老

策奇勛天難問何妨袖手且作閒人

天仙子

三月十二日奉同蘇子陪富丈訪筠翁於舊居遂爲杏花留飲懽甚命賦長短句乃得天仙子寫呈兩公未章併發一笑

樓外輕陰春澹佇數點杏梢寒食雨少年油壁

記尋芳梁苑路今何處千樹紅雲空夢去驚

見此花須折取明日滿城傳侍女情知醉裏惜

花深留春住聽鶯語一段風流天付與

蘆川詞

五十五

汲古閣

鵲橋仙

靚粧豔態嬌波流眄雙靨橫過半笑樽前燭畔
粉生光更低唱新翻轉調花房結子冰枝清
瘦醉依香濃寒峭雛鶯新囀上林聲驚夢斷池

塘春草

漁父家風

八年不見荔枝紅腸斷故園東風枝露葉誰新
採悵望冷香濃冰透骨玉開容想筠籠今宵

歸夢滿頰天漿更御冷風

生查子

天生幾種香風味因花見旖旎透香肌髣髴飛

花片雨潤惜餘熏煙斷猶相戀不似薄情人

濃淡分深淺

減字木蘭花

客亭小會可惜無歡容易醉歸去更闌細雨鳴
窗一夜寒昏然獨坐舉世疎狂誰似我強撥

蘆川詞

五十六

汲古閣

爐煙也道今宵是上元

眼兒媚

蕭蕭疎雨滴梧桐人在綺窗中離愁遍遶天涯
不盡却在眉峰嬌波暗落相思淚流破臉邊
紅可憐瘦似一枝春柳不禁東風

昭君怨

春院深深鶯語花愁一簾煙雨禁火已銷魂更
黃昏衾煖麝燈落地雨過重門深夜枕上百

般猜未歸來

夜遊宮

半吐寒梅未折雙魚洗水漸初結戶外明簾風
任揭擁紅爐洒窗間惟稷雪比去年時節這

心事有人忻說斗帳重熏鴛被疊酒微醺管燈

花今夜別稷一作飛北
去一作此日

楊柳枝席上次韵
曾穎王

深院今宵枕簟涼燭花光更籌何事促行觴惱

蘆川詞

五十七

汲古閣

剛腸老去一簑煙雨裏釣滄浪看君鳴鳳向

朝陽且腰黃

綵鸞歸令爲張子安
舞姬作

珠履爭圍小立春風趁拍低態閑不管樂催伊

整朱衣粉融香潤隨人勸玉困花嬌越樣宜

鳳城燈夜舊家時數他誰

江神子

夢中北去又南來飽風埃鬢華衰浮水飛蓬踪

跡爲誰催自笑自悲還自語一盃酒鼻如雷

曉興行處覺春回屑瓊瑰糝莓苔病眼衝寒欲

閉又還開水近人家籬落畔遙認得一枝梅

西江月和蘇
庭藻

小閣劣容老子北窗仍遞南風維摩丈室久空

空不與散花同夢且作太真遊戲未甘金粟

龍鍾怜君病後顙隆識取小兒戲弄

訴衷情余兒時不知有荔子自呼爲紅蔬
父母賞其名新昔所未聞殊盡形

蘆川詞

五十八

汲古閣

似之美久欲記之而因循此與諸公和
長短句故及之以訴衷情蓋里中推星

穗紅鶴頂紅皆佳品
海鮐便風數日可到

兒時初未識方紅學語問西東對客呼爲紅蔬

此興已偏濃嗟白首抗塵容費牢籠星毬何

在鶴頂長丹誰寄南風

採桑子奉和秦楚村
史君荔枝詞

華堂清暑榕陰重夢裏江寒火齊星繁與在水

壺玉井闌風枝露葉誰新採欲飽防慳遺恨

空樂留取香紅滿地看

菩薩蠻

送友人
還富沙

山城何歲無風雨樓臺底事隨波去
歸棹望譙門沙痕炯斷雲詩成空弔古
想像經行處陵谷有餘悲舉觴澆別離

又

微雲紅襯餘霞綺明星碧浸銀河水
欹枕画簷風愁生草際蛩雁行離塞晚
不道衡陽遠歸

蘆川詞

五十九

汲古閣

恨隔重山樓高莫凭闌

浣溪沙

詠木香

睡起中庭月未暎繁香隨影上輕羅
多情肯放一春過
比似雪時猶帶韵不如梅處却緣多
酒邊枕畔奈愁何

好事近

華燭烟離觴山吐四更寒月公子唾花枝玉盡
一時豪傑三冬蘭若讀書燈想見太清絕紙

帳地爐香煖傲一窗風月

南歌子

玉斧修圓了冰輪分外清共看星向繡衣明
元是生朝爲壽對難兄鴻雁翻秋影頃簷和笑
聲他年中令綵衣榮記取今宵丹荔醉瑤觥

醉花陰

詠木犀

紫菊紅萸開犯早獨占秋光老醞造一般清
比著芝蘭猶自爭多少霜刀剪葉呈纖巧手撚

蘆川詞

六十

汲古閣

迎人笑雲鬢一枝斜小閣幽窗是處都香了

點絳脣

小雨快晴坐來池上荷珠碎掉眉濃翠怎不教
人醉美眄流觴白鷺窺秋水天然媚大家休
睡笑倚西風裏

花心動

七夕

水館風亭晚香濃一番菱荷新雨簾枕乍閑襟
裾初試散盡滿天祥暑斷雲却送輕雷去疎林

外玉鈞微吐夜漸永秋驚敗葉涼生庭戶 天
上佳期久阻銀河畔仙車縹緲雲路舊怨未平
幽懽□駐恨入半天風露綺羅人散金猊冷醉
魂到華胥深處洞戶悄南樓画角自語

鷺山溪

一番小雨陡覺添秋色桐葉下銀床又送箇淒
涼消息故鄉何處搔首對西風衣線斷帶圍寬
衰鬢添新白 錢塘江上冠蓋如雲積騎馬傍

蘆川詞

六十一

汲古閣

朱門誰肯念塵埃墨客佳人信杳日暮碧雲深
樓獨倚鏡頻看此意無人識

踏莎行

別意
草堂別選

芳草平沙斜陽遠樹無情桃葉江頭渡醉來扶
上木蘭舟將愁不去將人去 薄劣東風天斜
飛絮明朝重覓吹笙路碧雲香雨小樓空春光
已到銷魂處

仲宗別號蘆川居士三山人平生忠義自

矢不屑與奸佞同朝飄然挂冠紹興辛酉

胡澹庵上書乞斬秦檜被謫作賀新郎一

闋送之坐是與作詩王民瞻同除名茲集

以此詞壓卷其旨微矣人稱其長於悲憤

及讀花菴草堂所選又極嫵秀之致真堪

與片玉白石並垂不朽凡用字多有出處

如洒窗間惟稷雪云八見七詩疏稷雪霰

也形如米粒能穿窗透瓦今本改作霰雪

蘆川詞

六十二

汲古閣

又如薄劣東風天斜飛絮云云見白香山

詩錢塘蘇小：人道最天斜自注天音歪

時刻改作顛斜使無韻味姑記之以為妄

改古人字句之戒云古虞毛晉識

蘆川詞終